

**D. AVGVSTINI**

ET SS. PATRVM

**DE LIBERO ARBITRIO**

INTERPRES THOMISTICVS

**CONTRA IANSENITAS.**

DAUGVSTIN  
ET DE PATRIM  
DE LIBRO ARTHURIO  
INTERPRETE THOMAS  
COMITIA LANSELOT



D. AVGVSTINI  
ET SS. PATRVM  
D E

LIBERO ARBITRIO  
INTERPRES THOMISTICVS  
Aduersus

CORNELII IANSENII

Episcopi Iprensis doctrinam, prout defenfatam in Theriaca  
VINCENTII LENIS Theologi Arauscani.

AVTHORE

FR. ALEXANDRO SEBILLE,

*Antuerpiensi Ordinis Prædicatorum, S.T. Doctore, quondam in Vniuersitate  
Salamantina Philosophiæ Professore, & in Louaniensi Studiij  
generalis sui Ordinis Regente Primario.*



VENETIIS, M. DC. LXXII.

Apud Nicolaum Pezzana.

SVPERIORVM PERMISSV, ET PRIVILEGIO.

*Ex Bi-  
liotheca  
a Contes  
Fran.  
Siggardus*





REVERENDISS. PATRI<sup>MO</sup>


Sacr. Theologiæ Magistro

F R. B A S S A N O

G A L L I T I O L I

D E B R I X I A

Contra Hereticam Prauitatem in Ciuitate  
Venetiarum, ac Serenissimo eius Dō-  
minio Inquisitori Generali  
dicatus.



Emit denuo sub Prælis, Ian-  
senij iam dudum à Thomis-  
tica schola oppugnata do-  
ctrina; & gemitu suo victo-  
riam rursus fatetur, quam  
præclarus iste inter Thomistas Alexander  
feliciter consecutus est. Iam satis super-  
que

que Christiano Orbi innotescit, quam crudelem necem in Orthodoxum ouile, molirentur illi demum ab Ecclesia damnati errores, vt inde eluceat quanto gratitudinis vinculo Catholici Theologiæ Proceres deuinciantur huic nouo veritatis Macedoni, qui illico inter primos, vti fidelis Dominici canis ad custodiam Ecclesiæ seruatus, vigili exturbauit latratu; suaque radianti Sapientiæ facie in fugam conuertit. Sed qua vi quibusuè rationum armis vibrata ad sanæ fidei euersionem sophismata elusit, infregit? Inconcussis Ecclesiæ luminum ( vt loquitur Alexander ter maximus ) Sanctorum Augustini, & Thomæ dogmatibus: quorum solidam, ac Catholicam doctrinam aureis in hoc opere expressam eloquijs iterum Veritatis amatoribus publicæ luci expono. At quia vnicuique quod suum est reddere iugiter Iustitiâ perhibet, re quidem maturius discussa ad Prædicatoriæ Familiæ Patres optimo ausu confugere decreui: haud dubie existimans me victori suo, spolia tanti triumphi appendere. Ita equidem sentio, & ita, vt tibi ( Reuerendissime

disſime Pater ) librum hunc nuncupans ,  
toti credam Religioni nuncupari ; cum ,  
bene vnus poſſis , Matrem , & vitæ can-  
dore , & litterarum lumine præclariffimam  
exhibere , filius æquè probus ac doctus .  
Doctrinam fanè tuam celebriores loquun-  
tur Philoſophiæ , ac Theologiæ Cathedræ ,  
quibus tam firmo iudicio , tam prompto  
diſcurſu , tam penetranti intellectus acie  
præſuiſti , vt etiam Roma ipſe toto Ad-  
mirabilis Orbe Te , vel respondentem ,  
vel docentem admirauerit in Generalibus  
Comitijs Ordinis . Sed quid de tua in re-  
gimine ſingulari prudentia , qua in Domi-  
nici gregis cuſtodia vt Paſtor , verius di-  
cam vt Pater ſubditos in filios enutriſti ?  
De pietate vero ; qua ipſis in Religione  
præſtantibus aſſimilari eniteris ? deque  
cæteris tui animi dotibus ? Satis religio-  
ſiſſimam vitam commendare crediderim ,  
qui vnico verbo dicit , Es Inquiſitor ,  
noſcitque te contra Hereticam prauita-  
tem in Alma Venetiarum Ciuitate Sede-  
re , ſolo tum bonitatis , tum meritorum  
ſuffragio . Cum igitur tantus ſis , non  
ambitioſè loquor ſi librum hunc tibi (Re-

ue-

uerendissime Pater ) deuoto animo sistens,  
toti simul Religioni sistere dicam . Tu  
interim grato vultu munus accipias pre-  
cor quod Vestrum est : meque æri tuo ad-  
modum obnoxium benignè semper respi-  
cias, protegasque enixe rogo, atque obte-  
stor, Vale.

Reuerendissimæ P. V.

Venetijs 1672. Die 1. Ianuarij.

Humiliss. Addictiss. & Obsequios. seruus  
Nicolaus Pezzana.

# AD LECTOREM.



*Q*uod olim Prospero, hoc mihi hisce temporibus contigisse video, Christiane Lector. Ille, dum Massilia Augustini sententiam contra Cassianum defenderet, Massiliensiumque, qui oppositum prædicabant, ferre non posset iniusta gravamina; Romam ad Cælestinum Papam se contulit, ut imminenti malo, quod potestate propria præcludere non valebat, autoritate Pontificia securius obuiaret. Quod & è voto obtinuit; nam benignè à Cælestino susceptus & causis rei coram expositis, eò Pontificis adduxit animum, ut & Massiliensium indisciplinatas quæstiones compesceret, & Augustini doctrinam, adversus calumniantium tenebras, quasi nova superinfusa luce solidius confirmaret. Hoc idem (inquam) mihi contigisse video, dum Louanij annis præteritis defendendæ doctrinæ Thomistica pro modulo meo insudabam. Et ex Regentis munere à Reuerendissimo Generali Ordinis mihi iniuncto incumberebat, in Comitibus Prouincialibus publicè erat disputandum. Theses paraueram, in quibus (sicut iteratis epistolis testis mihi fuit ipse Reuerendissimus) nihil enarrabatur, quod non ex D. Thomæ sententia profuixisset; sed (ut humani ingenij fert conditio) quod unus probat, alteri displicet. Displicuerunt igitur Theses Iansenitis & tanto quidem conspirationis strepitu, ut easdem sine ulla mora suppressi curauerint. Verùm quo arbitrio, quo inue, causa ipsa suppressionis prodit: ea non alia fuit (ut mihi tunc à tribus Magistris pro examine Thesium deputatis respondebatur) quàm quia non placebant Satrapis Iansenitarum. Igitur impudè erit sola pro ratione voluntas? Non patiar. Igitur impudè se extollet aduersus scientiam Sancti Thomæ proscripcta Iansenitarum doctrina? Non patiar: sed librum pro veritate Thesium ostendenda composui & dixi;

Chare (nec inficior) mecum liber ibis in Urbem.

Certius, à summa nomen habere manu.

Hanc ergo intrepidus adiui, & quas ferre non valebam Iansenitarum ineptias, Beatissimo Patri Innocentio X. fideliter exposui: hoc inter cetera inculcans urgentius, ut pro gloria S. Thomæ Aquinatis indisciplinatas illorum hominum quæstiones dignaretur compescere. Quod sanè quanto zelo, quantaq; sollicitudine fidei præstare conatus sit, non semel sed pluries & oculis vidi, & auditu auris intellexi. Imò & quadam vice sic dicentem auscultavi, quòd nempe non præteriret in Urbe dies, à compescenda Iansenitarum contumacia vacuus. Vnde ut & vires meas (quales quales Domino donante illæ sint) in aliquales saltem administrum apponerem, licentiam prælo mandandi conscriptum à me librum, benignè donauit: habita super eo (ut iuris ratio postulabat) particulari Congregatione. Prodit ergo in lucem, Amice Lector, non libidine scribendi (ut vides) sed conclusum in ossibus ignem ferre non valens præ amore veritatis Thomistica, & decore Domus Dei quam dilexi, cuiusque censura scripta hæc iterum, atque ite-



*rum subijcio.* Qui verò ea legunt (*verbis vtor Augustini*) si intelligunt, agant Deo gratias; qui autem non intelligunt, orent vt eorum Doctor sit interior, à cuius facie est scientia & intellectus. Qui verò errare me existimant, etiam atque etiam diligenter quæ sunt dicta considerent, ne fortassis ipsi errent. Ego autem cum per eos qui meos labores legunt, non solum doctior, verum etiam emendatior fio, propitium mihi Deum agnosco; & per hoc Ecclesiæ Doctores maximè expecto, si & in ipsorum manus venit, dignenturque nosse quod scribo.  
*Vale.*

## A T T E S T A T I O. F A C U L T A T I S O B T E N T Æ A S A N C T A S E D E A P O S T O L I C A.

**E** Go infra scriptus attestor R. P. Fratri Alexandro Seville, S. Theol. Magistro, & Regenti Primario Louanienti fuisse concessam facultatem à Sede Apostolica imprimendi Theses de libero Arbitrio, nec non librum, cui titulus; *D. Augustini & Sanctorum Patrum de libero Arbitrio Interpres Thomisticus*, habita de mandato Sanctissimi D. Nostri Innocentij X. super eo particulari congregatione: pro vt latius patet in Registris Supremæ & Vniuersalis Inquisitionis Sancti Officij Romæ sub die 15. Decembris 1650. In quorum fidem &c. Datum Romæ ex Palatio Sancti Officij hac die 28. Februarij 1651.

Ita est.

*Ego Ioannes Antonius Thomastus  
Sanctæ Romanæ & Vniuersalis  
Inquisitionis Notarius.*

**N** Os Frater Vincentius Pretus à Serranalle, Ordinis Prædicatorum, S. Theol. Magister, Commissarius Generalis Sanctæ Romanæ & Vniuersalis Inquisitionis, vniuersis fidem facimus & testamur, suprafatum D. Ioannem Antonium Thomastum, Notarium Sanctæ Romanæ & Vniuersalis Inquisitionis præfatæ, esse talem, qualem se supra facit, eiusque scripturis publicis & privatis, tam in iudicio quam extra habitam fuisse, & de præsentibus haberi fidem. In quorum fidem presentes manu nostra subscripsimus, & Sigilli eiusdem Sanctæ Inquisitionis impressione muniri iussimus hac die 28. Februarij 1651.

*Fr. Vincentius Pretus à Serranalle, Commissarius  
qui supra manu propria.*

Locus ✚ Sigilli.

Nos



Nos Fr. Ioannes Baptista de Marinis S. Theol. Profetfor  
Ord. Prædicatorum humilis Magister Gene-  
ralis & Seruus.

**S**upposita facultate Sanctæ Sedis Apostolicæ (prout in litteris Sanctæ Ro-  
manæ & Vniuersalis Inquisitionis nobis exhibitis continetur) concedi-  
mus tibi Adm. R. P. Fratri Alexandro Seville, S. Theol. Magistro, & Studi-  
nostri Generalis Louanienfis Regenti Primario, licentiam imprimendi The-  
ses de Libero Arbitrio, nec non librum cui titulus, *Dini Augustini & Sancto-  
rum Patrum de Libero Arbitrio Interpres Thomisticus*. In quorum fidem his Of-  
ficii nostri Sigillo munitis, manu propria subscripsimus. Datum Romæ in  
Conuentu nostro Sanctæ Mariæ super Mineruam, die prima Martij 1651.

*Fr. Ioannes Baptista de Marinis ,  
Magister Ordinis.*

Regist. fol. 126.

*Fr. Bernardinus de Venerijs ,*

*Magister & Socius .*

Locus ✚ Sigilli.

---

*Facultas R. Adm. atque Eximij Patris M. Prouincialis .*

**N**os Frater Iacobus vanden Heede, S. Theol. Magister, Ordinis Prædi-  
catorum per Belgium Prior Prouincialis &c. Supposita facultate San-  
ctæ Sedis Apostolicæ (prout in litteris Sanctæ Romanæ & Vniuersalis Inqui-  
sitionis nobis exhibitis continetur) concedimus Adm. R. P. Fratri Alexan-  
dro Seville S. Theol. Magistro & Regenti Primario Louanienfi, licentiam  
imprimendi Theses de Libero Arbitrio, nec non librum cui titulus, *Dini Au-  
gustini & Sanctorum Patrum de Libero Arbitrio Interpres Thomisticus, &c.* In  
quorum fidem his Officii nostri sigillo munitis, propria manu subscripsimus.  
Datum Gandaui 22. Maij, 1651.

*Fr. Iacobus vanden Heede ,*

*Prouincialis qui suprad.*

*Fr. Iacobus Myleman , Socius ac Secretarius Eximij  
Patris Magistri Prouincialis .*

Locus ✚ Sigilli.

## APPROBATIONES THEOLOGORVM.

**I**nſcriptus ex commiſſione & mandato Reuerendiſſimi P. Fr. Ioannis Baptiſtæ de Marinis, Ordinis Fratrum Prædicatorum S. Theol. Prof. & Magiſtri Generalis; legi Theſes de libero Arbitrio, & Librum cui titulus: *Diui Auguſtini & Sanctorum Patrum de libero Arbitrio Interpres Thomiſticus, Authore Fr. Alexandro Sebillæ, Ord. FF. Prædicatorum, S. Theol. Magiſtro*, à ſpeciali Congregatione Romæ ex Decreto Sanctiſſimi D. N. Innocentij Papæ X. ad hoc ſpecialiter deputata, examinatum: vidi item licentiam à Sanctæ Sedè Apoſtolica, à Reuerendiſſimo P. M. Generali præfata, & à R. Adm. P. ac Exim. M. N. P. F. Iacobo Vanden Heede, S. Theol. Doct. & præfati Ordinis per Belgium Prouinciali, vt imprimi poſſet Authori datam. Nihil in eo fidei aut bonis moribus contrarium inueni; quinimo genuinam doctrinam Thomiſticam de libero Arbitrio optimè explicat & defendit. Quare iudico poſſe imprimi. Datum in Collegio noſtro S. Thomæ, Ordinis FF. Prædicatorum, Liæ 1652. vndecima Nouembris.

*Fr. Gaſpar Dinghens, Ord. FF. Prædicat.*

*S. Theol. Magiſter.*

**S**almantica in Belgium ante 11. annos ex Hiſpania redux poſt Philoſophiæ leſturam Antuerpiæ abſolutam, miſſus à Superioribus Louanium, vt ibidem Magiſtrum ſtudij agerem, audiui & vidi (quod antea, dum mihi referebatur, vix credere poteram) tam in lectionibus, quàm in diſputationibus doceri, & S. Theologiæ ſtudioſis aliqua inculcari tamquam communia & certa, à vera tamen Scholaſtica Theologia (prout eam in D. Thomæ Schola enutritus Salmantica hauſeram) prorsus aliena: eaque ideo multis placebāt, & mordicus ab aliquibus defendebantur, quia videbantur genuina Magni Patris S. Auguſtini dogmata per D. Cornel. Ianſenium Ipreſum quondam Epiſcopum medullitus & compendioſè ex vaſtiſſimis eius operibus collecta & acriter aſſerta. Auguſtinum igitur quærebant, ſed in Ianſenio, non vbi querendus erat tamquā in propria ſede D. Thomæ Aquinate; & ſic non mirum quòd ex limpido Auguſtini fonte aqua prodierit non limpida, ſed turbida & infecta, vtpote per turbidū & canalem fluens infectum. Non ſic Theologi celeberrimi Athenæi Salmanticenſis, qui, vt ex eorū iuramento iam toties impreſſo conſtat, ita in Auguſtini verba iurant, vt Thomas ea interpretetur: vnde ex puriſſimo illo fonte per puriſſimum Angelicum canalem puriſſimam & Angelicam aquā bibunt. Auguſtinum agnoſcunt, ſed ita vt Auguſtinum ante Thomam Thomas fuerit, Thomam agnoſcunt, ſed ita vt poſt Auguſtinum ille nobis ſit Auguſtinus, & tanto quidem ſeruore, vt & ipſi Thomiſtarum aduerſarij ibidem degentes id non audeant inſiciari; Paulus Leonardus Ibernus Manapienſis Theologus eſt Salmanticenſis, ſed Antithomiſta; inſpiciamus eius pro ſcientia media reſponſiones, videbimus eum ſecunda parte, ſeſſione decima Thomā ex ipſo Poſſeuino alterum Auguſtinum nuncupantē. Sic alij omnes volentes Auguſtinificare, non Ianſenium vel alium quempiam, ſed

sed Thomam sibi Ducem volunt. Verum est, id etiam videtur velle facere Iansenius ipse Tomo secundo, libro proœmiali, capite vigesimo-seculo, & in indice eiusdem Tomi verbo *Thomas Aquinas*, ubi sic habet, *Eius Summa Theologica nihil aliud est, quam Augustinus compendiatas*. Verum quàm inconsideratè patet ex varijs eiusdem secundi Tomi, & alijs locis, in quibus manifesta Summæ Theologicæ D. Thomæ, & per consequens *Augustini compendiatas* loca impugnat. Quoties non docet (vt alia prætereamus) omnia opera Infidelium esse peccata, ignorantiam etiam necessitatis & inuincibilem non carere peccato? &c. quæ militant contra manifestos & integros Summæ D. Thomæ articulos. Sic & alia eius documenta Sancti Thomæ fundamentis omnino contraria patent, vel mediocriter in Thomæ, & Iansenio versatis. Vnde dum hæc animaduerti, non potui satis mirari viros etiam doctos existimasse Iansenij, & sequacium causam à Thomistis esse suscipiendam: cum meo videri triumphante & loquente Iansenio, tacere debeat, quantumvis hætenus locutus, Angelicus Thomas: & illius doctrina tam acriter in Scholas inuecta, huius debeat exulare. Quomodo enim Iansenius quidquam commune haberet cum Thomistis? Qui sua alio fundamento, & nexu longè diuerso firmare nititur, quàm aliquis eorum; qui Thomistica fundamenta autoritate & Scholasticis rationibus sulca funditus euertere conatur: quinimo Theologiam Scholasticam (cuius tamen Sanctum Thomam Coryphæum vocat) non solum vt inutilem, sed tamquam Hereticis in perniciem fidei argumenta suppeditantem prorsus aspernatur. Qua tamen Ecclesia tamquam cribro vititur ad subtiliora & puriora dogmata à grossioribus separanda. Quis igitur ei vel vnus Scholasticus Thomistæ larvam concederet? Ego sanè absoluto officio meo studij Louanienfis, ad alia Ordinis munia continuò assumptus Deum orauī, vt aliquando hoc remoto populo, veritas non erubescens Scholis innotesceret; metuens alioquin ne fulmina illa ab Apostolica Sede contra Iansenij propositiones iussu vibrata, etiam inuolueratam tangere viderentur Thomisticam doctrinam, quam aliqui satis incautè Iansenismi tenebris obfuscata ibant. Oraui igitur & exoptaui, vt Thomistarum aliquis, hac nube dissipata, Thomisticum Solem clarum & purum mundo proponeret radiantem: vsquedum sumpto calamo id ipsum cæpit & perfecit Sapientissimus & eximius S. Theolog. Magister P. Frater Alexander Seville, cuius ingenij acumen iam dudum Salmaticæ alij mecum mirati sunt, & in hoc opere cæteri mirabuntur. Gausus igitur fui, dum intellexi huius tanti viri calamum exoptato huic operi admotum, & duplicato gaudio persusus fui, dum ex commissione Reuerendissimi totius nostri Prædicatorum Ordinis Generalis Magistri P. Fr. Ioannis Baptistæ de Marinis opus hoc perfectum, & de Apostolicæ Sedis licentia prelo mandandum vidi, legi, probaui; existimans id non solum vtile futurum, & nihil Catholicæ Fidei, sanæ doctrinæ, aut bonis moribus contrarium habere; sed omnino necessarium esse, ijs præsertim, qui seclusa omni passione, nudam querunt veritatem, vt videant & sciant non conti veros Thomistas proscriptis Iansenianis. Legite igitur, veritatis amatores, & remoto omni humano respectu opus hoc perlegite: inuenietis in hac pharetra tela, sed non illa, de quibus Iansenitæ in propositionibus de Gratia Magistri Nicolai Cornet Thesi prima, folio decimo Thomistas monent, *Ne quæ modò tela cum aduersarijs fabricantur, in caput suum tandem recidant, non quibus & ipsi con-*

*diantur arma producant atque subministrent: non illa, inquam, sed acuta tela, & arma Thomistica in orthodoxa Apostolica Sedis officina probata ab illo, qui misit Sagittas suas, & dissipavit eos, fulgura multiplicavit, & conturbavit eos. Invenietis in Dominicano hoc verum Dominicanum, non ut Iansenitæ alibi clamant: Utinam iam omnes Dominicani essent veri Dominicani; quasi verò illis per Iansenismum associati, soli veri essent Dominicani. Verus Dominicanus est verus Dominici filius, & Thomæ discipulus, qui illius zelum in Apostolica Sedis defensione intrepide studet imitari, huius solidam doctrinam sibi appropriat, cumque domesticum suum Doctorem ferventius, quàm externum & peregrinum sustinere conatur: prout utrumque præstitit in hoc opere Sap. Magister Seville, ut legenti patebit: in quo proinde ego iudico, & censeo eum tradere solidam, veram, Thomisticam doctrinam, in quorum fidem his propria manu scriptis subscripsi Antwerpæ in nostro Fratrum Prædicatorium Sancti Pauli conventu, hac decima quarta Nouembris anno 1651.*

*Fr. Godefridus Marquis, Ord.  
FF. Prædic. S. Theol. Profes.  
& institutus Regens Louan.*

**D***ui Augustini & Sanctorum Patrum de libero Arbitrio Interpres Thomisticus, Authore R. Fr. Alexandro Seville, Ordinis Prædicatorum, nihil continet Fidei Catholicæ, aut bonis moribus contrarium: quare supposita licentia Sedis Apostolicæ, in lucem emitti poterit. Actum vigesima quarta Iulij 1651.*

*Guilielmus Bolognino, S. Theol. L.  
Can. & Lib. Censor Antwerp.*

# I N D E X

## LIBRORVM, CAPITVM, ET SECTIONVM.

### LIBER PRIMVS.

Ostenditur sententiam Vincentij  
Lenis de Libertate, opponi  
Thomistis, Diuo Tho-  
mæ, & Sanctis Pa-  
tribus.

CONTINET XX. CAPITA.

#### CAPVT I.

Exponitur singularis sententia Vin-  
centij Lenis, videlicet respectu  
actuum omnino necessariorum, ,  
quos voluntas absque vlla prorsus  
potestate indifferentiæ elicit; sal-  
uari veram libertatem, & quidem  
sufficientem ad meritum & demer-  
itum.

#### CAPVT II.

Nonnulla ex sententia Vincentij  
consecutanea referuntur.

#### CAPVT III.

Vincentius Lenis redarguitur falsi-  
tatis, in eo, quod adstruit, om-  
nes veros Thomistas suos esse: &  
in primis adducuntur contra eum  
Albertus Magnus Thomistarum,  
prima Origo, & Innocentius  
Quintus Pontifex Maximus, Diuo  
Thomæ coruus.

#### CAPVT IV.

Adducuntur contra Vincentium,  
Hernæus & Petrus de Palude.

#### CAPVT V.

Adducuntur contra Vincentium Ar-  
mandus de Bello Visu, & Rober-  
tus Holkothius.

#### CAPVT VI.

Adducuntur contra Vincentium Di-  
uus Antoninus, & Raynerius Pifa-  
nus.

#### CAPVT VII.

Adducuntur contra Vincentium Ca-  
preolus & Soncinas.

#### CAPVT VIII.

Adducuntur contra Vincentium,  
Dominicus de Flandria, & Car-  
dinalis Caietanus.

#### CAPVT IX.

Adducuntur contra Vincentium Fer-  
rara & Conradus.

#### CAPVT X.

Adducuntur contra Vincentium Ia-  
nellus & Deza Hispalensis.

# INDEX CAPITVM,

## CAPVT XI.

Adducuntur contra Vincentium Ioannes de Neapoli, & Dominicus Soto.

## CAPVT XII.

Adducitur contra Vincentium Durandus, quem tamen præ cæteris sibi auxiliarem putat.

## CAPVT XIII.

Diluuntur euasiones, quibus Vincentius conatur testimonia veterum Thomistarum eludere.

## CAPVT XIV.

Adducitur contra Vincentium S. Thomas.

## SECTIO I.

Expenduntur tria loca Sancti Thomæ, in quibus exigit potestatem indifferentiæ ad rationem libertatis.

## SECTIO II.

Expenditur contra Vincentium locus famosus ex questione 6. de Malo, in quo & eius sententiam vt hæreticam censurari, probatur.

## SECTIO III.

Expenduntur plurima loca Sancti Thomæ, in quibus exigit potestatem indifferentiæ ad rationem meriti: simulque ostenditur, Vincentium dolose egisse in citatione cuiusdam testimonij pro se.

## CAPVT XV.

Ostenditur, Vincentium contra se quoque habere Sanctos Patres, ex eo quod contra se habeat S. Thomam.

## CAPVT XVI.

Philosophia Augustini, *Vbi non est potestas ad oppositum, ibi non est libertas.*

## CAPVT XVII.

Dilucidatur ex doctrina Sancti Thomæ quædam loca Augustini, in quibus videtur docere, libertatem sufficientem ad peccandum subsistere absque potestate ad oppositum.

## CAPVT XVIII.

Eadem Philosophia Hieronymi, Damasceni, & Anselmi; *Vbi non est potestas ad oppositum, ibi non est libertas.*

## CAPVT XIX.

Eadem Philosophia Bernardi & Aelredi eius Contemporanei: *Vbi non est potestas ad oppositum, ibi non est libertas.*

## CAPVT XX.

Eadem Philosophia Prosperi, Fulgentij, & Richardi Sancti Victoris: *Vbi non est potestas, ad oppositum, ibi non est libertas.*

## LIBER SECVNDVS.

Rationibus ostenditur, omnem actum verè liberum debere elici, vel imperari cum potestate ad oppositum contrarietatis vel contradictionis.

## CONTINET XVIII. CAPITA.

## CAPVT I.

Proponitur multiplex acceptio libertatis.

## CAPVT II.

Declaratur, quid significetur nomine potestatis ad oppositum, quando dicitur, illam requiri ad veram libertatem actus.

## CAPVT III.

Præmittitur in quo sensu actus omnino necessarij (vt sunt spiratio Spiritus Sancti, & amor beatificus) possint dici liberi.

## CAPVT IV.

Actus omnino necessarios, non esse verè seu propriè liberos, ostenditur ex vulgari definitione potentia liberæ, qua dicitur quòd est illa, *que positis omnibus ad agendum prærequisitis, potest agere & non agere.*

## SECTIO I.

Expenditur prima solutio, qua Vincentius dicit, in vulgari illa definitione potentia liberæ, non definiri potentiam liberam secundum libertatem suam essentialem.

## SECTIO II.

Expenditur secunda solutio, qua Vincentius admittit, vulgari illa definitione definiri quidem potètiā liberam, secundum libertatem suā essentialē; sed tunc sensum esse, quòd possit non agere, quantum est ex parte modi agendi.

## SECTIO III.

Ostenditur, Vincentium non posse sine totius suæ opinionis iactura, denegare libertatem prædictis actibus, scilicet amoris beatifici & spirationis.

## CAPVT V.

Idem assumptum, nimirum actus omnino necessarios non esse verè seu propriè liberos, ostenditur ex eo, quòd omnis actus verè liber, debeat procedere à voluntate, vt voluntas est, non à voluntate, vt natura est.

## CAPVT VI.

Idem assumptum ostenditur, ex eo quòd omnis actus verè liber debeat regulari iudicio libero seu indifferenti.

## CAPVT VII.

Idem assumptum ostenditur, ex eo quòd omnis actus verè liber debeat esse sub potestate seu dominio operantis.

## CAPVT VIII.

Idem assumptum ostenditur argumento ad hominem, ex eo quòd Vincentius doceat iuxta sententiam



# INDEX LIBRORVM,

tiam Suarj, posse Deum motione aliqua praternaturali libertatem voluntati adimere, etiam stante iudicio indifferenti, & perfecta aduertentia rationis.

## CAPVT IX.

Idem assumptum ostenditur alio argumento ad hominem, ex eo quod Vincentius doceat, non posse Deum iuste imputare peccata, quæ ex necessitate Manichæa committerentur.

## CAPVT X.

Idem assumptum ostenditur ab inconuenienti, quia videlicet sequitur ex opinione Vincentij, hominē peccare in eo quod vitare non potest: seu peccare, non faciendo quod facere non potest.

## CAPVT XI.

Redarguitur solutio, qua Vincentius dicit, ad imputabilitatem peccati sufficere, nos potentiam illud vitandi in Adamo habuisse, & in eodem sponte perdidisse.

## CAPVT XII.

Idem principale assumptum ostenditur ab alio inconuenienti: quod videlicet sequatur ex opinione Vincentij, omnia humana negotia sub efficacis gratiæ tractu, posse euenire de necessitate absoluta, salua adhuc vera arbitrij libertate.

## CAPVT XIII.

Idem assumptum ostenditur ab alio inconuenienti; quia videlicet sequitur ex opinione Vincentij, om-

nes electiones humanas sub efficacis gratiæ tractu de facto fieri absque contingentia.

## CAPVT XIV.

Idem assumptum ostenditur ex propositione damnata in Bulla Pij V. *Quod voluntariè fit, etiamsi necessitate fiat; liberè tamen fit.*

## CAPVT XV.

Occasione præcedentis propositionis damnatæ, ostenditur quàm irreuerenter, & quàm liberè contra auctoritatem S. Romanæ Ecclesiæ locutus fuerit Antesignanus Vincentij Cornel. Iansenius.

## CAPVT XVI.

Idem principale assumptum ostenditur ex definitione Concilij Tridentini.

## CAPVT XVII.

Vltimò impugnatur sententia Vincentij à singularitate.

## CAPVT XVIII.

Ostenditur, gratis posse admitti, esse verè liberos actus spirationis & amoris beatifici: exinde tamen non sequi, fore cum eadem necessitate verè liberos actus hominis viatoris.  
(†)



# CAPITVM, ET SECTIONVM.

## LIBER TERTIVS.

Soluuntur obiectiones, quas Vincentius adducit ex Sanctis Patribus.

### CONTINET IV. CAPITA.

#### CAPVT I.

Proponuntur in genere, loca quæ Vincentius adducit ex S. Thoma.

#### SECTIO I.

Soluuntur specialiter loca Sancti Thomæ spectantia ad primam classem.

#### SECTIO II.

Soluuntur loca Diui Thomæ spectantia ad secundam classem.

#### SECTIO III.

Soluuntur loca Diui Thomæ spectantia ad tertiam classem.

#### SECTIO IV.

Soluuntur loca Diui Thomæ spectantia ad quartam classem.

#### SECTIO V. APPENDIX.

Ostenditur, etiam errare in Schola Thomistica circa materiam libertatis Petanum & Ricardum: simulque declaratur, qualiter Physica prædeterminatio libertatem non lædat.

#### SECTIO VI.

Explicatur locus quidam S. Thomæ,

cuius specialiter meminit Iansenius: nec non alius qui in fauorem Vincentij adduci potest.

#### CAPVT II.

Ostenditur, in tradendo Sanctorum Patrum sensu, non continuo attendi debere ad nudam ipsorum litteram; sed præcipue ad definitiones Ecclesiæ, si quæ subsunt; & iuxta normam illarum, litteram esse regulandam.

#### CAPVT III.

Ostenditur, in tradendo Sanctorum Patrum sensu, etiam attendi debere ad rigorem Scholasticum.

#### CAPVT IV.

Proponuntur in genere, loca quæ Vincentius adducit ex Sanctis Patribus.

#### SECTIO I.

Soluuntur specialiter loca Sanctorum Patrum spectantia ad primam classem.

#### SECTIO II.

Soluuntur loca Sanctorum Patrum spectantia ad secundam classem: & per transennam locus quidam Scoti.

#### SECTIO III.

Soluuntur loca SS. Patrum spectantia ad tertiam classem.

#### SECTIO IV.

Soluuntur loca SS. Patrum spectantia ad quartam classem.

SECTIO V.

Soluuntur loca SS. Patrum spectantia ad quintam classẽ.

SECTIO VI.

Soluuntur loca SS. Patrum spectantia ad sextam classẽ.

LIBER QVARTVS.

Soluuntur obiectiones, quas Vincentius conficit ex ratione & experientia.

CONTINET XVIII. CAPITULA.

CAPVT I.

Redarguitur Vincentius, ex eo quod rationes eius vix Philosophiam aut Theologiam sapiant.

CAPVT II.

Soluitur prima ratio, qua Vincentius probat, omnem actum perfecte voluntarium, esse eò ipso verè liberum, licet sit necessarius; ex eo quod in omni tali actu iudicium rationis ducem se præbeat voluntati.

CAPVT III.

Soluitur secunda ratio eiusdem, ex eo quod in omni tali actu voluntas seipsam agat, seu seipsam moueat.

CAPVT IV.

Soluitur tertia ratio eiusdem, ex

eo quod omnis talis actus emanet à voluntate non solum per modum actus eliciti, sed etiam imperati.

CAPVT V.

Soluitur quarta ratio eiusdem, ex eo quod in omni tali actu voluntas agat incoactè.

CAPVT VI.

Soluitur prima ratio, qua Vincentius speciatim probat amorem beatificum esse liberum, ex eo quod sit actus humanus.

CAPVT VII.

Soluitur secunda ratio eiusdem, ex eo, quod visio beatifica nequeat eripere voluntati istam maximam perfectionem, quæ est libertas.

CAPVT VIII.

Soluitur tertia ratio eiusdem, ex eo quod necessitas beatifica voluntatem non adigat in illum amorem vi quadam naturæ.

CAPVT IX.

Soluitur quarta ratio eiusdem, ex eo quod minimè expediret, tam sapientem & prudentem esse, sicut beati sunt; si semel amor illorum liber non esset.

CAPVT X.

Soluitur quinta ratio eiusdem, sumpta ab exemplo Lucretiæ.

CAPVT XI.

Soluitur sexta ratio eiusdem, desumpta

# CAPITVM, ET SECTIONVM.

pra ab inconuenienti, nempe  
quòd nec Virgo Mater, nec alij  
confirmati in gratia, fuissent libe-  
ri.

## CAPVT XII.

Soluitur septima ratio eiusdem ab  
alio inconuenienti, quòd nempe  
multò minùs Christus Dominus  
fuisset liber in subeunda morte si-  
bi praecepta.

## CAPVT XIII.

Soluitur octaua ratio eiusdem, ex eo  
quòd amor beatificus in Christo  
fuerit meritorius.

## CAPVT XIV.

Soluitur quædam ratio, quæ Vincen-  
tius nominatim impugnat indiffe-  
rentiam: & ibidem de experientia  
sui canis.

## CAPVT XV.

Soluitur quædam ratio Vincentij, de-  
sumpta ab actu intentionis circa  
finem.

## CAPVT XVI.

Soluitur quædam ratio Vincentij, de-  
sumpta ab impotentia adimplendi  
praecepta supernaturalia in natura  
lapsa.

## CAPVT XVII.

Soluitur quædam ratio Vincentij, de-  
sumpta ex eo, quod iam *Iustitia li-*  
*beraret, non gratia.*

## CAPVT XVIII.

Soluitur quædam ratio Vincentij,

desumpta ab obstinatione dæmo-  
num.

## LIBER QVINTVS.

Soluuntur Argumenta Cornelij  
Iansenij, Vincentiani dog-  
matis Antesignani.

## CONTINET XXVI. CAPITA.

### CAPVT I.

Soluitur prima ratio Cornelij Ianse-  
nij, ex eo quòd omnis actus intel-  
lectualis voluntatis sit in nostra  
potestate.

### CAPVT II.

Soluitur secunda ratio eiusdem, ex  
eo quòd voluntas Christi fuerit  
libera, formaliter in non peccan-  
do.

### CAPVT III.

Soluitur tertia ratio eiusdem, ex eo  
quòd Deus est verè liber, & tamen  
nec habet, nec vinqum habuit  
indifferentiam agendi & non a-  
gendi.

### CAPVT IV.

Soluitur quarta ratio eiusdem, ex eo  
quòd voluntas nequeat habere  
actionem naturalem.

### CAPVT V.

Soluitur quinta ratio eiusdem, ex eo  
quòd omnis actus voluntatis est  
cum delectatione.

CAPVT VI.

Soluitur sexta ratio eiusdem, ex eo quòd sequatur, operationem Diuinæ gratiæ ex diametro repugnare arbitrij libertati.

CAPVT VII.

Soluitur septima ratio eiusdem, ex eo quòd sequatur, omnem concupiscentiæ motum directam habere repugnantiam cum libertate.

CAPVT VIII.

Soluitur octaua ratio eiusdem, ex eo quòd sequatur, omnes habitus & consuetudines animi, siue bonas, siue malas directè repugnare libertati.

CAPVT IX.

Soluitur nona ratio eiusdem, ex eo quòd sequatur, meritum bonum & malum eò minus esse, quòd quis efficacioribus gratiæ motibus tractus, & in bono vel malo fixioribus habitibus radicans fuerit.

CAPVT X.

Soluitur decima ratio eiusdem, ex eo, quòd sequatur, nullum consilium vt consilium, à beatis liberè impleri.

CAPVT XI.

Soluitur Argumentum eiusdem, confectum ex auctoritate Magistri sententiarum.

CAPVT XII.

Soluitur Argumentum eiusdem, con-

fectum ex auctoritate Alexandri de Hales.

CAPVT XIII.

Soluitur Argumentum eiusdem, confectum ex auctoritate Altissiodorensis.

CAPVT XIV.

Soluitur Argumentum eiusdem, confectum ex auctoritate Scoti.

CAPVT XV.

Soluitur Argumentum eiusdem, confectum ex auctoritate Sancti Bonanenturæ.

CAPVT XVI.

Soluitur Argumentum eiusdem, confectum ex auctoritate Henrici à Gandauo.

CAPVT XVII.

Soluitur Argumentum eiusdem, confectum ex auctoritate Thomæ de Argentina.

CAPVT XVIII.

Soluitur Argumentum eiusdem, confectum ex auctoritate Dionysij Carthusiani.

CAPVT XIX.

Soluitur Argumentum eiusdem, confectum ex auctoritate Marsilij de Inghen.

CAPVT XX.

Soluitur Argumentum eiusdem, confectum ex auctoritate Gabrielis.

CA-

## CAPVT XXI.

Soluitur Argumentum eiusdem, confectum ex auctoritate Guilielmi Parisiensis.

## CAPVT XXII.

Soluitur Argumentum eiusdem, confectum ex auctoritate Nicolai de Orbellis, Stephani Brullefer, & Petri Capulleij.

## CAPVT XXIII.

Soluitur Argumentum eiusdem, confectum ex auctoritate Richardi de Media Villa.

## CAPVT XXIV.

Soluitur Argumentum eiusdem, quo epilogicè profert consensum antiquorum Scholasticorum & Scriptorum usque ad Augustinum.

## CAPVT XXV.

Ostenditur in quibus Iansenitæ conueniant cum hæreticis, quantum ad ea, quæ in hoc opere tractauimus.

## CAPVT XXVI.

Iansenius conatur se à Calvinismo purgare, sed frustra.

## EPILOGVS.

Ostenditur Iansenitas similes esse Maximianistis, in eo quòd adhuc flagitent ab Ecclesia collationem seu examen sui dogmatis.

*Monitio ex S. Thoma Aquinate.*

Contra illos, qui de Scriptoribus Scholasticis, multa garrunt in angulis & coram pueris, cum tamen incapaces sint, ut de rebus Scholasticis iudicent.



# I N D E X

## LOCOR VMSACRÆSCRIPTVRÆ,

### QVI IN HOC OPERE CITANTVR.

#### Ex Genesi.

Cap. 4. *Subterte erit appetitus tuus, & tu dominaberis illius.* lib. 2. cap. 7.

#### Ex Exodo.

Cap. 25. *Cherub in latere vno, & alter in altero.* lib. 5. cap. 15.

#### Ex Libris Regum.

Primi Reg. 12. *Ait Samuel ad populum: Dominus qui fecit Moysen & Aaron, & eduxit Patres nostros de terra Aegypti.* lib. 2. cap. 17.

Tertij Reg. 19. *Domine Prophetas tuos occiderunt, altaria tua destruxerunt, & remansi ego solus.* lib. 2. cap. 17.

Ibidem. *Reliqui mihi septem millia.* lib. 2. cap. 17.

#### Ex Esther.

Cap. 8. *In tantum vt plures alterius gentis & sectæ, eorum religioni & ceremonijs iungerentur.* lib. 2. cap. 17.

Cap. 13. *Non est, qui possit tuæ resistere voluntati, si decreueris saluare Israel.* lib. 2. cap. 16.

#### Ex Iob.

Cap. 11. *Vir vanus in superbiam erigitur, & tanquam pullum onagri liberum se putat.* lib. 2. cap. 1.

#### Ex Lib. Psalmorum.

Psalmo 24. *De necessitatibus meis erue me Domine.* lib. 1. cap. 17.

Psalmo 35. *Noluit intelligere, vt bene ageret.* lib. 4. cap. 13.

Psalmo 64. *Te decet hymnus Deus in Sion.* lib. 3. cap. 4. sect. 6.

Psalmo 118. *Declaratio Sermonum tuorum illuminat, & intellectum dat paruulis.* lib. 1. cap. 15.

#### Ex Ecclesiaste.

Cap. 4. *Væ soli.* lib. 1. cap. 13.

#### Ex Canticis.

Cap. 3. *Tenui eum nec dimittam.* lib. 4. cap. 9.

#### Ex Ecclesiastico.

Cap. 15. *Dens ab initio constituit hominem & reliquit illum in manu consilij sui.* lib. 2. cap. 13.

Cap. 43. *Vas admirabile, opus excelsi.* lib. 3. cap. 4. sect. 6.

Ibidem. *Maiores est omni laude.* lib. 3. cap. 4. sect. 6.

#### Ex Isaia.

Cap. 1. *Omne caput languidum & omne cor marens.* lib. 1. cap. 20.

Ibidem. *Si volueritis & audieritis me.* lib. 1. cap. 18.

Cap. 3. *Laudem Domini annuntiabo, super omnia quæ reddidit nobis Dominus.*

# INDEX LOCORVM SACRAE SCRIPTVRAE.

nus. lib. 3. cap. 4. sectione 6.

Cap. 5. *Habitatores Ierusalem & viri Iuda, iudicate inter me & vineam meam, quid est quod ultra debui facere vinee mee & non feci.* li. 4. c. 16.

Cap. 14. *Dominus exercituum decrevit, & quis poterit infirmare.* libr. 2. cap. 16.

Cap. 31. *Dixit Dominus, cuius ignis est in Sion, & caminus eius in Ierusalem.* lib. 5. cap. 3.

Cap. 49. *Et ego dixi, in vacuum laboravit.* lib. 1. cap. 18.

Cap. 53. *Oblatus est, quia ipse voluit.* lib. 1. cap. 19.

## Ex Ieremia.

Cap. 13. *Si mutare potest Aethiops pellem suam & vos poteritis benefacere, cum didiceritis mala.* li. 3. c. 4. sect. 4.

Cap. 18. *Sicut lutum in manu figuli, ita vos Domus Israel in manu mea.* lib. 2. cap. 16.

## Ex Ezechiele.

Cap. 1. *Quasi sit rota in medio rota.* lib. 5. cap. 24.

Cap. 36. *Faciā ut iudicia mea faciat.* lib. 2. cap. 16.

## Ex Zacharia.

Cap. 1. *Conuertimini ad me & conuertar ad vos.* lib. 2. cap. 16.

Cap. 11. *Et dixi ad eos, si bonum est in oculis vestris.* lib. 1. cap. 18.

## Ex Malachia.

Cap. 1. *Dilexi Iacob, Esau autem odio habui.* lib. 1. cap. 18.

## Ex Matthæo.

Cap. 8. *Domine si vis, potes me mundare.* libr. 5. cap. 1.

Cap. 11. *Discite à me, quia mitis sum & humilis corde.* lib. 1. cap. 14. sect. 2.

## Ex Marco.

Cap. 9. *Non enim sciebat, quid diceret.* lib. 1. cap. 14. sect. 3.

## Ex Luca.

Cap. 15. *Diuisit eis substantiam.* lib. 1. cap. 18.

Cap. 22. *Filius hominis sicut definitum est, vadit.* lib. 4. cap. 12.

## Ex Ioanne.

Cap. 6. *Omnis qui audiuit à Patre, & didicit, venit ad me.* lib. 2. cap. 16.

Cap. 8. *Qui facit peccatum, seruus est peccati.* lib. 3. cap. 1. sect. 3.

Cap. 10. *Potestatem habeo ponendi animam meam.* lib. 5. cap. 25.

Cap. 14. *Sicut mandatum dedit mihi Pater, sic facio.* lib. 4. cap. 12.

Ibidem. *Non poterant credere.* libr. 3. cap. 4. sect. 6.

Cap. 15. *Si non venissem & eis locutus non fuissē, peccatum non haberent.* lib. 2. cap. 11.

Cap. 19. *Non haberes in me potestatem, nisi data esset tibi de super.* lib. 1. cap. 16.

Cap. 21. *Simon Ioannis, diligis me plus his? Dicit ei, etiam Domine, tu scis quia amo te.* lib. 2. cap. 17.

## Ex Actis Apostolorum.

Cap. 2. *Stans autem Petrus, cum vncim leuauit vocem suam.* li. 2. cap. 17.

Cap. 7. *Vos semper Spiritui Sancto resistitis.* lib. 4. cap. 16.

## Ex epistola ad Romanos.

Cap. 6. *Liberati autem à peccato.* lib. 2. cap. 1.

c Ibid.

# INDEX LOCORVM SACRAE SCRIPTVRAE.

- Ibidem. *Cum serui essetis peccati, liberi fuistis iustitiae.* lib. 2. cap. 1.  
 Cap. 7. *Quod odi malum, illud facio.* lib. 3. cap. 1. sect. 2.  
 Cap. 8. *Ipsa creatura liberabitur à servitute corruptionis, in libertatem gloria Filiorum Dei.* lib. 2. cap. 1.  
 Cap. 9. *Voluntati eius quis resistit?* lib. 2. cap. 16.

## Ex prima ad Corinthios.

- Cap. 7. *Non habens necessitatem, potestatem autem habens suae voluntatis.* lib. 2. cap. 7.  
 Cap. 4. *Quid enim habes quod non accepisti?* lib. 1. cap. 16.  
 Cap. 10. *Fidelis autem est Deus, qui non patietur vos tentari ultra id quod potestis.* lib. 5. cap. 7.  
 Cap. 13. *Charitas numquam excidit.* lib. 5. cap. 3.

## Ex secunda ad Corinthios.

- Cap. 3. *Littera occidit, Spiritus autem vivificat.* lib. 1. cap. 17.

## Ex epistola ad Galatas.

- Cap. 4. *Sed quid dicit Scriptura? eijce*

*ancillam & filium eius: non enim haerēs erit filius ancillae cum Filio liberae.* lib. 1. cap. 14. sect. 3.

## Ex epistola ad Philippenfes.

- Cap. 2. *Humiliavit semetipsum, factus obediens usque ad mortem: propter quod & Deus exaltavit illum.* libr. 4. cap. 12.

## Ex secunda ad Timotheum.

- Cap. 2. *Negare seipsum non potest.* libr. 3. cap. 4. sect. 6.

## Ex epistola ad Titum.

- Cap. 1. *Ut sint potentes exhortari in doctrina sana.* lib. 4. cap. 1.

## Ex epistola ad Hebræos.

- Capit. Ultimo. *Iesus Christus hæri & hodie, ipse & in sæcula.* lib. 3. cap. 3.

## Ex epistola Iacobi.

- Cap. 1. *Vnusquisque tentatur à concupiscentia sua, abstractus & illectus.* lib. 5. cap. 7.





# I N D E X

## A V C T O R V M,

### QVI IN HOC OPERE CITANTVR.

#### A

D. Augustinus.  
D. Anselmus.  
D. Ælredus.  
D. Athanasius.  
D. Albertus Magnus.  
D. Antoninus.  
Alexander de Hales.  
Armandus de Bello Visu.  
Aluarez.  
Asturicensis.  
Arabio.  
Altissiodorensis.  
Aristoteles.

#### B

D. Bernardus.  
D. Bonaventura.  
Bartholomæus Sibilla.  
Banez.

#### C

D. Cyrillus.  
D. Cyprianus.  
D. Chrysostomus.  
Capreolus.  
Caretanus.  
Conradus.  
Curiel.  
Cipullo.  
Cabreræ.  
Complutenses.  
Corneio.  
Choquetius.  
Cælestinus Papa.  
Concilium Tridentinum.

Concilium Senonenſe.  
Cano de locis.  
Cornelius Iansenius, Episcopus I-  
prenſis.

#### D

S. Dionysius.  
S. Damascenus.  
Durandus.  
Dominicus Soto.  
Dominicus de Flandria.  
Deza Hispalensis.  
Dionysius Carthusianus

#### E

Eſtius.

#### F

S. Fulgentius.  
Ferrara.

#### G

S. Gregorius.  
Guilielmus Parisiensis.  
Gabriel Biel.  
Gonzalez.  
Gregorius Martineſ.  
Gloſſa Ordinaria.

#### H

S. Hieronymus.  
S. Hilarius.  
Herueus.  
Henricus à Gandauo.

# INDEX AVCTORVM.

Hugo Cauellus.  
Holkoth.

I

Ignatius Martyr.  
Innocentius III.  
Innocentius V. siue Petrus à Taran-  
tasia.  
Innocentius VI.  
Iauellus.  
Ioannes de Neapoli.  
Ioannes à S. Thoma.  
Ildefonsus.

L

Leo Papa.  
Lorca.  
Ledesma.  
Ludouicus à Dola.

M

D. Māximus.  
Medina.  
Matthaus de Rispolis.  
Marcus Serra.  
Montefinos.  
Malderus.  
Marfilius de Inghen.

N

D. Nazianzenus.  
Nicolaus de Orbellis  
Nuno.  
Nazarius.  
Nauarette.

O

Optatus Milcuitanus.

P

D. Petrus Apostolus in itineraio S.  
Clementis.

D. Prosper.  
Petrus de Palude.  
Philo Iudæus.  
Petrus Lombardus.  
Petrus Capulleius.

Raynerius Pisanus.  
Raphael de la Torre.  
Raphael Ripa.  
Richardus S. Victoris.  
Richardus de media Villa.

S

Scotus.  
Stephanus Brullefer.  
Sixtus Senensis.  
Salmaticenses.  
Soncinas.  
Suarez, & tota schola Societatis Ie-  
su.  
Syluius.

T

D. Thomas Aquinas.  
Thomas de Argentina.

V

Vincentius Lirinensis.  
Victoria.  
Vincentius Lenis.  
Vuigghers.

*Auctores Hæretici.*

Pelagius.  
Iulianus.  
Vuiclefus.  
Bucerus.  
Lutherus.  
Caluinus.  
Samuel Marcsius.

CON-

CONCLVSIONES THEOLOGICÆ  
DE

LIBERO ARBITRIO

ANNO M. DC. XLIX. PER IANSENITAS

Louanij prohibitæ: nunc vero speciali indultu Inno-  
centij X. Pontificis Maximi in lucem editæ.

Dedicatio erat

ILLVSTRISSIMO AC REVERENDISSIMO DOMINO

D. GASPARI NEMIO  
EPISCOPO ANTVERPIENSI:  
Et Archiepiscopo Cameracensi, denominato &c.



T mellissimè quondam Bernardus, *Liberum arbitrium est pla-  
nè Diuinum quiddam præfulgens in anima tamquam gemma in  
auro.* Hanc gemmam, utcumque thesibus hisce expoli-  
tam, ANTISTES ILLVSTRISSIME, riuius ingenio-  
li mei in litus tuum eiecit, & tibi sisti penitus desiderat:  
sed qua confidentia? Certè nullas: si riui attendatur exi-  
guitas: certè maxima; si littoris, cui sistitur, pensetur  
amplitudo & dignitas. Quàm vilis gemmula ex parte riui! Sed quàm  
præfulgens gemma ex participatione tanti littoris! Quid ni? Cùm in eo  
inueniat gemmarum omnium lucidissimum consortium, virtutum dico om-  
nium, Diuinum quoddam participium: & si (teste Isidoro) *Gemma quando  
iunguntur, decorem maximum sibi conferunt & ministrant*; quid non lucis &  
gloriæ ex tanta gemmarum coniunctione gemmula mea sperabit? In te,  
enim hinc fidei & religionis Iaspis, inde iustitiæ Hyacinthus, hic sapientiæ  
& doctrinæ Chrifolytus: præterco Iridem misericordiæ, charitatis Car-  
bunculum: taceo Apostolicæ prædicationis Magnetem, Ametistum vigi-  
lantæ, indefessæ constantæ Chrystallum. O quot quantæque in vno hoc  
littore gemmæ! Quin imo tanta luce vbique spectabilis earum fulgor irra-  
diat, ut iam episcopalis quasi vilesceret insula, si non dignior Cameracensis  
Ecclesiæ accederet Principatus. Patere Igitur ANTISTES ILLVSTRIS-  
SIME gemmam hanc insignibus vestris coniungi: coniuncta, decorem  
quem in seipsa non inuenit, ex lucis tue societate assequetur fœlicius, possi-  
debit securius. Sic opto, sic spero, sic voueo

*Illustris. & Reuerendis. Dominationis vestrae*  
Humillimus seruus  
Fr. Carolus Petri Ord. FF. Prædicat.

# CONCLVSIONES THEOLOGICAE.

## CONCLVSIO PRIMA.



**I**BERVm arbitrium non est habitus aut actus, sed necessarium potentia quædam animæ naturalis est. Hæc autem potentia non est virtus cognitiua, sed appetitiua; non eo sensu, quo appetituum reperitur in brutis, sed sicut conspicitur in natura rationali seu intellectiua. Est igitur liberum arbitrium entitatiuè sumptum, nihil aliud quam ipsa potentia voluntatis; connotans tamen in obliquo intellectum: & sicut ratio & intellectus non duæ, sed vna potentia sunt, ita voluntas & liberum arbitrium, non duæ, sed vna tantum potentia sunt. Ab hac potentia, omnis actus verè liber debet elici aut imperari. Sed nec elici qualitercumque, ad veram libertatem actus sufficit: dantur namque plures actus à voluntate elicti; qui tamen omnis veræ libertatis expertes sunt, vt patet in pueris, in amentibus, & in motibus primò primis aduolutorum. Præter hoc ergo, quod est à voluntate elici, requiruntur ad veram libertatem aliæ conditiones: quæ si desint, nulla in actu libertas inuenietur.

## CONCLVSIO II.

**P**rimò requiritur, quod actus procedat à voluntate spontaneè & non coactè, coactione aliqua simpliciter: quod enim sic coactè procedit, nullo modo procedit liberè. Vocamus autem coactionem simpliciter, compulsionem alicuius ad actum inclinationi repugnantem. Vnde si voluntas ab aliquo agente, ad actum suæ inclinationi repugnantem compelleretur, nullo modo in tali actu libera esset. Sed quid? Possetne hoc aliquando contingere; quod scilicet ad actum inclinationi suæ repugnantem compelleretur? Respondemus, etiam per ordinem ad potentiam Dei absolutam id ipsum repugnare. Cum enim voluntas essentialiter sit quædam inclinatio, eò quod essentialiter est appetitus quidam, non potest fieri, quod ipsa aliquid actu suo velit, & inclinatio eius non sit in illud; imò generaliter hoc idem defendimus de qualibet alia potentia per comparisonem ad actum sibi proprium.

## CONCLVSIO III.

**S**ecundò requiritur ad libertatem actus, quod procedat à voluntate secundum perfectam voluntarij rationem. Hoc autem sic à voluntate procedit, quod sit ab illa ex perfecto iudicio, seu perfecta aduertentia rationis. Defectu huius conditionis, non sunt verè liberi actus puerorum, amentium, aut motus primò primi. Sed quid? Si hæc sola in actu adsit, eritne hoc ipso verè liber, & quidem libertate sufficienti ad meritum? Constantissimè tenenda est pars negatiua; cum constet Caluinum tamquam veræ libertatis inimicum ab Ecclesia esse damnatum; qui tamen sub impulsu decreti perfectam voluntarij rationem in actibus nostris adstruebat. Nonne Caluinus fatebatur voluntatem nostram sub impulsu Diuini Decreti concurrere ad operationes suas motu spontaneo? Omnino. Nonne insuper fatebatur perfectum

## CONCLVSIONES THEOLOGICAE.

*Etiam iudicium rationis ex influxu decreti minimè perturbari aut abripi? Omnino. Nonne tertio fatebatur voluntatem concurrere actiue, & non merè passiuè, sicut erat error Lutheri? Omnino. Hæc tria saluant perfectam voluntarij rationem, non tamen veram aliquam libertatem.*

### CONCLVSIO IV.

**T**ertio ergo requiritur ad libertatem actus, quod sit à voluntate, cum potestate ad oppositum, id est, quod taliter illum eliciat, vt possit non elicere, vel taliter imperet, vt possit non imperare. Sed quali potestate? Sufficietne remota pro instanti operationis; quæ possit reddi proxima pro alio instanti per intellectus fabricatoris operam? Minimè. Sufficietne remota pro instanti efficacia prædeterminationis, quæ possit reddi proxima, prædeterminatione excussa, non ea retenta? Minimè. Debet ergo esse proxima, & pro eodem instanti quo est libera operatio, & pro eodem instanti quo perseuerat prædeterminatio: imò tam proxima sub illis instantibus ad non actum, quàm est aut erat sub eisdem ad actum; tam proxima (inquam) quantùm ad ea quæ requiruntur ex parte actus primi, seu principij operandi. Sine tali potestate ad oppositum, velle aliquam veram libertatem in actu voluntatis saluare, est naturam libertatis ignorare.

### CONCLVSIO V.

**S**ed quæres, per quid potestas illa proxima ad oppositum, in voluntate subsistat? Respondemus sub distinctione: vel enim consideras voluntatem, vt potentem liberè operari in ordine naturali, vel vt potentem liberè operari in ordine supernaturali. Si primo modo; dicimus illam proximam potestatem ad oppositum subsistere per hæc duo: videlicet per iudicium indifferens de bonitate obiecti, & per ipsam naturalem facultatem voluntatis. His duobus instructa voluntas, quocumque alio secluso, potest æquè proximè in ordine naturali operari & non operari. Si consideres secundo modo, vitra duo prædicta requiritur adhuc aliud; nimirum auxilium gratiæ sufficientis tam ex parte intellectus quàm ex parte voluntatis. Quod quidem talis conditionis est, vt sine illo voluntas non possit proximè operari, & cum illo possit; licet cum illo solo nunquam de facto sit operatura. Quid ergo ad de facto operandum vterius requiritur? Sanè prædeterminatio efficax, quæ sit vel entitatis naturalis, pro operatione libera naturali, vel entitatis supernaturalis, pro operatione libera supernaturali.

### CONCLVSIO VI.

**H**is conditionibus positis, actus voluntatis euadit verè liber: qualibet harum deficiente, nullam veram libertatem obtinet. Vnde à serie actuum liberorum excludimus in primis, actum quo Pater & Filius producant Spiritum Sanctum: deinde amorem quo Deus amat suam bonitatem, secundum se consideratam: tertio amorem quo quilibet Beatus eandem bonitatem increatam secundum se diligit; quarto tandem omnem actum voluntatis, qui ab eadem elicitur absque potestate proxima ad oppositum. Hu-

## CONCLVSIONES THEOLOGICAE.

iustmodi sunt omnes actus, qui à voluntate procedunt necessariò tam quo ad exercitium, quàm quo ad specificationem: qua tamen necessitate nullus actus voluntatis viæ, elici potest per se loquendo, id est, attentis meritis obiecti & stante perfecta aduertentia rationis; licet nonnulli in via eliciantur necessitate quoad specificationem, qui & verè liberi sunt, vtpote elicti cum vera potestate ad oppositum, saltem contradictoriè.

### CONCLVSIO VII.

**I**N serie actuum librorum scribimus in primis, omnes actus, quibus Deus amat suam bonitatem, prout est ratio diligendi creaturas, id est, prout est ratio prædestinandi, reprobandi, iustificandi, &c. Idem dic de amore beatifico mentium beatarum, prout ad Diuinam bonitatem sub prædictis formalitatibus se extendit. Collocamus etiam in eadem serie, omnes actus virtutum, quos Christus Dominus exercuit, tam consilij, quàm præcepti, non obstante intrinseca eius impeccabilitate: quid ni? Cum potestas peccandi nec sit libertas, nec pars libertatis. Adiunge à fortiori omnes actus confirmatorum in gratia extra casum claræ visionis; cum hi non ab intrinseco, sed ab extrinseco tantum impeccabiles sint: nec certè maiorem difficultatem in horum actibus pro saluanda libertate inuenies, quàm in actibus non confirmatorum, sub efficacis gratiæ tractu: sicut enim in his ultra rationem perfecti voluntarij inuenitur vera potestas ad oppositum, ita pariter in illis. Sed quid de actibus intentionis, qui versantur circa finem? Dico, quod & illi verè liberi sunt, si tamen eliciantur cum indifferentia quo ad exercitium.

### CONCLVSIO VIII.

**P**otentia libera rectè definitur per hoc, quod est illa, *quæ positis omnibus ad agendum prærequisitis, potest agere & non agere.* Qui affirmat, potestatem expandendi se vsque ad cessationem actionis, non esse de essentia libertatis, sed potiùs integram illius essentiam absque tali potestate subsistere; reuera rectitudinem prædictæ definitionis non saluat, & tenetur concedere esse similem huic definitioni viuientis, qua diceretur; *Viuens est, quod habet potestatem ambulandi;* quæ sanè definitio inepta est & omnino contra regulas definiendi. Qui autem sustineret, esse quidem de essentia libertatis, sed in hoc sensu, quod possit non agere, quantum est ex parte modi agendi, verissimè philosophatur, sed tunc sibi caueat, ne actus illos inspirationis Spiritus Sancti & amoris beatifici essentialiter liberos prædicet: nam aliàs sibi contradiceret, cum voluntas prædictos actus non eliciat cum potestate ad cessandum, etiam quantum est ex parte modi agendi.

### CONCLVSIO IX.

**D**icere, quòd Spiritus sanctus taliter procedit à voluntate diuina, vt posset non procedere quantum est ex parte modi agendi, non solum falsum est, sed & parum tutum in fide: sic namque Theologizando, facis Spiritum sanctum creaturam, quantum est ex modo suæ processionis. Eadem ratione po-

## CONCLVSIONES THEOLOGICAE!

teris dicere, quòd quantum est ex modo suae processionis, posset procedere vt Filius; quòd similiter à fide aberrat: imò & poteris dicere, quòd voluntas diuina, quantum est ex modo suo operandi, posset peccare: quòd non Theologiam, sed blasphemiam sapit. Imò vterius sequitur, quòd principium Spiritus sancti (scilicet Pater & Filius) sit ens magis necessarium, quam ipse Spiritus sanctus: quòd est aperta hæresis, cum lædat æqualitatem Personarum. Nec euadis ista inconuenientia, dicendo, quòd præfata propositio debeat accipi in sensu conditionato, non absoluto, in quantum scilicet præcisè significatur, quòd quantum est ex modo actionis, qui est cum spontanea effusione voluntatis ex perfectissimo iudicio rationis; posset, eodem indiuisibili modo permanente, non procedere, si possibile esset non procedere; non (inquam) sic dicendo, inconuenientia illa euadis.

### CONCLVSIO X.

**I**N voluntate, quæ est liberum arbitrium, debent distinguì duo conceptus: vnus qui dicitur voluntatis vt voluntas est, alter qui dicitur voluntatis vt natura est. Primus competit libero arbitrio secundum sibi propria, & prout ab omni alia re differt: secundus competit libero arbitrio, secundum id quòd habet commune cum alijs naturis. Primus essentialiter claudit indifferentiam ad vtrumlibet oppositorum, qua sublata nulla remanet essentia liberi arbitrij, qua tale est; siue liberum arbitrium sumas generaliter pro quacumque voluntate libera; siue speciatim pro voluntate libera electiua, quæ solum versatur circa media. Secundus essentialiter claudit determinationem ad vnum, siue quoad specificationem tantum, siue quoad specificationem & ad exercitium simul. A voluntate sub primo conceptu debet procedere omnis actus liber, vel alias liber non est. A voluntate sub secundo conceptu procedit omnis actus necessarius necessitate naturalis inclinationis; qui proinde, qua talis, liber non est.

### CONCLVSIO XI.

**T**Ota ratio libertatis ex modo cognitionis dependet, vel quòd idem est, totius libertatis radix, est in ratione constituta: hoc est, quòd omnis vera libertas, quæcumque illa sit, debet rationem præsupponere, tamquam sui causam. Sed quam rationem? vtique indifferenter proponentem bonitatem obiecti, id est, vt non necessariò amandam. Est ergo libertas in sola voluntate formaliter; sed in ratione seu iudicio indifferenti, non nisi virtualiter seu radicaliter. Actio quæ non est indifferens ad esse & non esse per comparisonem ad iudicium, minimè libera est. Vnde quamuis quædam indifferentia inueniatur in brutis ad agere & non agere, considerata ipsa actione secundum se ipsam; tamen quia considerato ordine eius ad iudicium à quo prouenit, quòd est determinatum ad vnum; etiam ad ipsas actiones determinatio quædam deriuatur; ideo in ipsis nulla inuenitur ratio libertatis absolutè. Fatemur tamen quòd in eisdem est quædam similitudo liberi arbitrij, seu libertas quædam conditionata, cum possint agere, si iudicant esse agendum, vel non agere, si iudicant non esse agendum.

CON.



# CONCLVSIONES THEOLOGICAE.

## CONCLVSIO XII.

**S**ubstantiam intellectualem esse liberam in suis actibus, denotat quandam maiorem eius dignitatem, seu perfectionem super creaturas irracionales. Hæc autem maior perfectio in nullo alio consistit, quàm in Dominio, quòd circa actiones suas liberas exercet. Vnde & agens liberum, & habens dominium sui actus, idem sunt. Sed in quo quæso vera ratio dominij consistit? Profecto in nullo alio, quàm in hoc, quòd actio sit in potestate agentis, vt scilicet teste Diuo Thoma in Secundo ad Annibal. quæstione 25. Articulo secundo in Corp. *Possit eam agere, vel non agere.* Vnde & teste eodem 12. quæst. 21. Art. 2. ad Primum. *Actus naturales non sunt in potestate naturalis agentis, cum natura sit determinata ad vnum.* Exercitium dominij non competit voluntati, nisi quatenus consideratur vt voluntas formaliter, non autem quatenus consideratur vt natura: *Est enim proprium voluntati* (inquit Sanctus Doctor quæstione 2. 2. de Veritate Art. quinto ad Septimum in contrarium) *in quantum voluntas est, quòd sit domina suorum actuum.* Sed quid de voluntate, prout sequitur deliberationem intellectus? Eane sola est domina? Dico quòd non; si deliberatio sumatur speciatim, pro actu intellectus consultante seu inquirente de medijs.

## CONCLVSIO XIII.

**H**inc reiicienda venit opinio distinguens duplex dominium: vnum, prout nominat potestatem voluntatis rationalem ad opposita: alterum prout solum nominat potestatem voluntatis intellectualem ad elicientiam actus, sub directione & aduertentia intellectus, etiam absque potestate ad oppositum. Hoc secundum genus dominij non plus habet de veritate dominij, quàm animal, vt animal, de veritate hominis. Eadem de causa reiicienda venit distinctio duplicis libertatis: vna quæ sit accidentalis, consistens in indifferentia ad vtrumlibet; altera quæ sit essentialis, etiam absque vlla indifferentia subsistens: constantissimè tenemus, quod hæc non plus habet de veritate libertatis, quàm ratio generica, vt talis, de veritate suarum specierum. Imò si de eadem contractè, & quasi in individuo loquamur, non plus habet de veritate libertatis, quàm vna species de veritate alterius speciei sibi oppositæ seu repugnantis.

## CONCLVSIO XIV.

**A**dmittentes veram aliquam libertatem, seu verum aliquod dominium in actibus omnino necessarijs, tam creatæ quàm increatæ voluntatis, non possunt Catholicè loqui de mysterio Trinitatis. Tenentur concedere, absque vlla distinctione, seu addito hanc propositionem: *Pater Diuinus est Dominus Spiritus Sancti*: non minus quàm conceduntur hæc absque vlla prorsus distinctione: *Deus est sciens, Deus est sapiens, Deus est potens.* Sed quis non videat, primam illam absque vlla distinctione prolatam, à Catholica fide aberrare? Fides Catholica hæc est, vt in Sanctissima Trinitate non tres aut duos Dominos dicamus, sed vnum Dominum, & hunc præcisè respectu creatu-



## CONCLVSIONES THEOLOGICAE.

creaturarum. Quis ergo audebit in eadem Trinitate Dominum etiam nominare respectu Spiritus Sancti? Fatemur quidem Patrem verè generare, sicut & Patrem verè esse Patrem: fatemur quidem Patrem & Filium verè spirare Spiritum Sanctum, sicut & hunc verè ab illis esse & procedere: sed Patrem aut Filium, Spiritus Sancti Dominum dicere, Catholica religione prohibemur.

### CONCLVSIO XV.

**Q**ui affirmat liberum hominis arbitrium per prædeterminationem gratiæ efficacis in vnam partem motum, in alteram retenta eadem prædeterminatione se reflectere non posse, potentia verè expedita & proxima ex parte actus primi, non saluat definitionem Concilij Tridentini, qua Sessione sexta, Capite quinto, dicit, *tangente Deo cor hominis per Spiritus Sancti illuminationem, inspirationem recipiens, illam abijcere potest*. Nec rursus illam, qua ibidem Canone quarto statuit: *Si quis dixerit liberum hominis arbitrium à Deo motum & excitatum, Deo excitanti atque vocanti, non posse dissentire, si velit, anathema sit*. Qui affirmat omnem actum perfectè voluntarium, esse indispensabiliter liberum, quantumvis sit necessarius, non euadit censuram illam Summi Pontificis Pij Quinti, latam super hanc propositionem: *Quod voluntariè sit, etiamsi necessariò fiat, liberè tamen sit*. Quid ni? Cum in illo casu liberè fieret, quòd voluntariè sit, licet necessariò.

### CONCLVSIO XVI.

**I**mo non euadit censuram, quam D. Thomas quæst. 6. & vnica de Malo tulit contra opinionem quorundam his verbis: *Quidam posuerunt quòd voluntas hominis ex necessitate mouetur ad aliquid eligendum, nec tamen ponebant quòd voluntas cogeretur, &c.* Hæc autem opinio est hæretica: tollit enim rationem meriti & demeriti in humanis actibus. Non enim videtur esse meritum vel demeritum, quod aliquis sic ex necessitate agit, quod vitare non possit. Est etiam annumeranda inter extraneas Philosophiæ opiniones; quia non solum contrariatur Fidei, sed subuertit omnia principia Philosophiæ moralis. Nec solius dicendo, quòd ibi solum damnat necessitatem, Fatalem, Stoicam, Manichæam, Astrologicam, Calvinisticam, aut alias similes: non (inquam) solius, cum omnes hæc eatenus damnentur & malæ sint, quatenus tali necessitate liberum hominis arbitrium in qualibet operatione comprimunt, vt oppositum illius facere non possit.

### CONCLVSIO XVII.

**S**i vera & essentialis arbitrij libertas stare posset cum necessitate absoluta specificationis & exercitij, posset dici quòd omnia humana negotia, possent euenire de necessitate & absque contingentia, salua adhuc vera arbitrij libertate: quod tamen damnamus tanquam contra communem sententiam Catholicorum; qui de libero arbitrio scribentes, nil aliud docent, quàm quod prædestinatio & gratia necessitatem rebus non imponunt, nec contingentiam auferunt, vt arbitrij veram libertatem saluent. Hinc pari passu

## CONCLVSIONES THEOLOGICAE.

passu rejicimus sententiam affirmantem, humana negotia sub efficacis gratiæ tractu non euenire cum maiori contingentia, quam eueniat amor beatificus sub ductu claræ visionis. Certè ille amor nullo modo contingens est, cum ad oppositum amoris, nulla sit potentia nec consequens nec antecedens, nec in sensu composito, nec diuiso, humana autem negotia adhuc sub efficacis gratiæ tractu, esse verè & simpliciter contingentia, fides docet.

### CONCLVSIO XVIII.

**N**ulla liberi arbitrij culpa est, operari iuxta suam institutionem. Vnde Manichæi ponentes hominem institutum seu conditum cum anima, mala, quæ taliter animæ bonæ dominabatur, vt nil nisi malum velle posset, nequeunt saluare in operibus humanis rationem culpæ, seu peccati aut malitiæ moralis, licet alias ponerent animam illam bonam operari voluntariè & non coactè sicut bruta: vt enim rectè August. lib. 3. de libero Arbit. cap. 18. *si non receditur ab eo modo, quo naturaliter factus est, ita vt melius esse non possit; ea quæ debet homo facit, cum hæc facit, & ex consequenti non peccat.* Sed ex hac Catholica doctrina omnino efficaciter colligimus amoris beatifico non inesse sufficientem libertatem ad meritum. Et si rationem desideres, ea est, quia voluntas Beati elicit illum amorem, non vt voluntas, sed vt natura, ac prout prout sic à suo auctore instituta. Ergo si operari malè, nulla est culpa aut demeritum, quando homo hoc facit secundum suam institutionem; pariter operari bene, nullum erit meritum, quando voluntas hoc facit secundum suam institutionem, vt in amore beatifico contingit.

### CONCLVSIO XIX.

**V**thomo liberè & imputabiliter peccet peccato commissionis, v. g. odij dei, contra præceptum negatiuum, non requiritur quòd de facto intrinsecè sit potens ad extremum oppositum positiuè, verbi gratia, ad amorem Dei, sed sufficit, quòd sit de facto intrinsecè potens ad extremum oppositum negatiuè, verbi gratia, ad non odio habendum: sicut vt peccet peccato omissionis contra præceptum affirmatiuum, requiritur quòd de facto intrinsecè sit potens ad extremum positiuum, verbi gratia, ad Deum amandum. Vnde consequenter sustinemus, Deum omnibus & singulis dare auxilium gratiæ sufficientis intrinsecum, pro loco & tempore quo instat obligatio præcepti affirmatiui supernaturalis. Et si tale auxilium Deus non det, quantumvis ob culpam præcedentem, certè non poterit omissionem præcepti tamquam nouam culpam imputare. Qui hoc vltimum negat, subuersor est infidelitatis negatiuæ; quam tamen apertè statuit Diuus Thomas 2. 2. q. 10. Art. 1. & similiter Augustinus, dum Epistola 105. ad Sixtum Presbyterum dixit: *Ipsa ignorantia in eis qui intelligere noluerunt, sine dubitatione, peccatum est: in eis autem qui non potuerunt, pena peccati.*

# CONCLVSIONES THEOLOGICAE.

## CONCLVSIO XX.

**N**aturalis & physica libertas in homine semper integra fuit siue ante, siue post peccatum illam consideres. Nihilominus contra Iulianum tene, quod liberum arbitrium post peccata tam plenum non sit, quam fuit ante peccata. Ante peccata & liberum & promptum erat ipsi bonum & malum facere; nunc autem liberum quidem, sed promptum minimè, si difficultatem ad bonum inspicias. Hæc difficultas orta ex rebellione concupiscentiæ, quandam necessitatem peccandi in naturam lapsam inducit, sed non talem aut tam arctam, quæ auferat proximam potestatem vitandi quodlibet peccatum in indiuiduo. Vnde rectè D. Thomas loquens de natura lapsæ quæst. 24. de veritate art. 12. ad 7. *Peccata dicuntur necessaria, in quantum non possunt vitari omnia, quamuis possint vitari singula.* Sed quid, si talis esset necessitas, quod aliquod in indiuiduo vitari non posset? Dico quod peccatum non est, quod in indiuiduo vitari non potest. *Quis enim peccat (inquit Augustinus lib. 3. de libero arbit. cap. 18.) in eo quod nullo modo careri potest?*

## CONCLVSIO XXI.

**S**i liberum arbitrium hominis viatoris, ex perfectio iudicio operans, in aliquo casu ageret tali necessitate, vt oppositum facere non posset, verè illud arbitrium cogeretur coactione rigida & violenta; quod tamen non sequitur, dici debere de libero arbitrio existentis in termino seu patria: voluntas namque Beati minimè cogitur, licet simili necessitate Deum clarè visum prosequatur. Vnde adhuc gratis dato, quod actus amoris beatifici esset liber vera aliqua seu essentiali libertate, si tamen talis necessitas poneretur in actibus viatoris, minimè liberi ij essent. Si quæras, vtrum voluntas stante iudicio indifferenti de bonitate obiecti, possit à Deo sic moueri, vt motu non libero, sed simpliciter necessariò in illud feratur: respondeo, id ex proprijs terminis contradictionem implicare, etiam in casu cuiuscunque præternaturalis motionis: nulla enim tam præternaturalis aut efficax esse potest, vt prinset voluntatem naturali dominio, quod habet in suum actum, si semel ponatur quod indifferencia iudicii de bonitate obiecti perseueret.

## CONCLVSIO XXII.

**P**robare, actum amoris beatifici liberum esse, ex eo quod sit actus humanus; est argumentum omnino inefficax. Vel negabo actum humanum esse, vel dicam esse humanum præcisè quoad substantiam operis, non autem quo ad modum. Vel etiam hoc secundum admittam, & nullatamen via efficaciter colligi poterit libertas. Similiter ad idem parum refert dicere, libertatem esse maximam perfectionem voluntatis, & ad eam exercendam, intellectum tanquam ducem & luciferum ei à natura datum esse; ac proinde incredibile videri, perfectissima & splendidissima operatione, intellectus (qualis est visio beatifica) actui amoris libertatem & perfectionem

## CONCLVSIONES THEOLOGICAE

nem istam eripi: parum (inquam) ista referunt, imò & hoc falsum inuoluunt, videlicet quòd libertas sit maxima perfectio voluntatis: ceteris enim paribus ex parte cognitionis, longè maior perfectio est in voluntate amor omnino necessarius, seu non liber, quàm amor non necessarius, seu liber. Dico, *Ceteris paribus ex parte cognitionis*; quia alias pro comperto habeo, quòd amor liber ex perfecta aduertentia rationis, perfectior sit amore necessario, qui non esset cum tali aduertentia.

### CONCLVSIO XXIII.

**S**imiliter ex non libertate amoris beatifici, absque vllò fundamènto infertur; quòd minimè expediret tam sapientem & prudentem esse, sicut beati sunt. Quid? Quia beati absque vlla prorsus libertate amant Deum; ideoque dicatur, statum illum non adeò expedire? O Deus meus & omnia, quàm hoc non obstante, expedit hoc, scilicet, beatissimè, & desideratissimè! Da quæso talem sapientiam, talem prudentiam, quæ dirigente, te ita amare valeam; vt liberè non amem. Dicebat sponsa: *Tenui eum, nec dimittam*; sed dicam & ego tunc longè confidentius; *Tenui eum, & non solum non dimittam; sed nec dimittere possum*; imò nec mente concipere, qualiter possum. Felices compedes, scilicet vincula, quæ sic libertatem confringunt, sic ligant. Constringe Domine, liga audacter, quia planè gestio, sic potius esse ligatum, quàm mea libertate solutum. Solutus & te & amorem tui perdere possum; sic ligatus, non possum. Quàm scilicet, quàm beata, quàm summè expediens ista, licet sine libertate, sapientia.

### CONCLVSIO XXIV.

**A**nne etiam ex non libertate amoris beatifici, rectè colligitur, quòd nec Virgo Mater, & multò minus Christus ipse, quando Patri obediens vsque ad mortem erat, liber fuisset, & proinde omnem laudem & meritum perdidisset? Minimè profectò. Liberrimè siquidem Christus mortem obiit, taliter vt verè potuerit non mori, sicut ad libertatem requiritur; in sensu scilicet diuiso seu absolutè; quamuis in sensu composito, & ex suppositione præcepti, cum mori necessarium fuerit, necessitate infallibilitatis & consequentiæ, quæ libertati non obest. Sed quid, quòd meritum, Christi non fuerit fundatum super alio actu, quàm beatificæ Charitatis? Libebitne inde deducere, dari aliquam veram libertatem absque indifferentia? Dico quòd non, cum actus ille, formaliter quia liber & meritorius, suam indifferentiam habuerit. Considera duplicem terminationem in illo, & intelliges: terminabatur namque & ad diuinam bonitatem secundum se, & ad diuinam bonitatem, vt erat ratio in actu exercito diligendi creaturas; ex hoc secundo capite sicut liber & meritorius, ita & elicitus cum vera potestate indifferentiæ.

### CONCLVSIO XXV.

**E**x dictis deduco primò; falsam esse hanc propositionem: *Quoties iudicium rationis ducem se præbet voluntati, toties voluntas liberè agit*. Non verificabis,

# CONCLVSIONES THEOLOGICAE.

cabis, nisi addendo iudicium rationis indifferens. Secundò, falsam esse & hanc: *Omne quod non solum agitur, sed etiam seipsum agit, seu seipsum mouet, est liberum in agendo.* Non verificabis, nisi limitando ad sola mouentia seipsa, cum dominio sui actus, seu (quod idem est) cum potestate ad oppositum. Vnde & D. Thomas secundo contra gentes, cap. 47. *ratione tertia in fine*, probans ip substantijs intellectualibus dari voluntatem seu principium liberum, non certe sumpsit pro medio; quia ipse seipsas agunt aut mouent qualitercumque; sed quia seipsas agunt ad operandum, *vt habentes sue operationis dominium.* Deduco vltimo, falsam quoque esse hanc, *Actum aliquem emanare à voluntate per modum actus ab ipsa imperati, nil aliud est, quam eundem esse ab illa quasi reflexè volitum.* Non verificabis, nisi addendo quòd sit volitus ab illa, prout formaliter est voluntas. Patet in productione Spiritus Sancti; illa est actus à voluntate vtcumque volitus, non tamen imperatus, quia non est à voluntate vt voluntas est, teste D. Thoma q. secunda de potentia art. 3.

## CONCLVSIO XXVI.

**P**rinipale punctum harum Conclusionum; nimirum nullam dari veram libertatem absque indifferentia seu facultate ad oppositum, defendimus, vt omnino patens & expressum in Sancto Thoma, & Thomistis: sed per Thomistas præcipuè intelligimus, Caietanum, Capreolum, Ferrariensem, Herueum, Petrum de Palude, Conradum, Armandum de Bello Visu, Iauellum, Soncinatem, Flandriam, Dominicum Soto, imò & Durandum. Eadem via id ipsum defendimus, vt patens & expressum in Sanctis Patribus; sed per Sanctos Patres præcipuè quoque intelligimus Augustinum, Damascenum, Anselmum, Prosperum, Fulgentium & Bernardum.



# SVMMA EPISTOLÆ

Quam pro defensione præcedentium conclusionum scripsit  
ad auctorem earundem

REVERENDISSIMVS PATER  
THOMAS TVRCVS

Totius ordinis prædicatorum generalis magister.



OMÆ degebat Reuerendissimus Pater THOMAS TVR-  
CVS, curæ sui Ordinis, & maxime studiorum profectui in-  
tentus, eo ipso tempore, quo Conclusiones meas de Libero  
Arbitrio, in Comitibus Prouincialibus Louani) defendendas  
paraueram. Cum igitur suppressæ fuerint, & in publicam  
disputationem prodire, non permixtæ, id agente & extor-  
quente Iansenitarum consilio, ego F. ALEXANDER SE-

BILLE, tamquam hac in parte non mediocriter læsus (utpote qui hac via,  
videbam vel obrui, vel saltem pati grauissimè, doctrinam Sanctissimi mei  
Præceptoris THOMÆ AQVINATIS) non putavi vllatenus differendum,  
quominus impatientibus quodammodo querimonijs causam hanc præfato  
Reuerendissimo exponerem: astmans melius, me videri impatientius talia  
denunciare voluisse, quam contra veritatis Thomisticæ integritatem cresce-  
re dissimulando perniciem. Neque enim (verbis vtor Papæ Gelasij) vel silen-  
tio premere causas huiusmodi, vel differendo fouere debemus. Reuerendissimus  
igitur litteris meis perceptis, & iustitia causæ commotus, comperto etiam  
Iansenitarum iniuncto grauamine; confestim ad me scribere non omisit: vt &  
nascentibus iurgijs pius medicator occurreret, & de eorum obtenta mox pa-  
cificatione gauderet. Fuit autem Summa epistolæ tenoris huiusmodi.

Reuerende Pater Regens, grauiter sensi, quòd Theses vestræ de Libero Arbitrio,  
Louani) fuerint prohibita. Eas accuratè perlegi, & cum nihil in eis repperim repre-  
hensione dignum, quin potius inuenerim, esse in omnibus & per omnia conformes do-  
ctrinæ Sancti Thomæ; hinc mando distictè Prouinciali vestræ Prouinciæ, vt easdem  
faciat publicè defendi in eodem loco, in quo sunt prohibita. &c.

Amicè Lector, veritatem hic dico in Christo, & non mentior. Summa  
epistolæ talis fuit, qualem iam exhibui. Si verò causam exhibitionis scire  
desideres; non ea prosectò contemnenda, sed iusta quadam ponderatione  
dignissima. Fuit Reuerendissimus THOMAS TVRCVS, vir in peritia do-  
ctrinæ Thomisticæ, non tam Thomista, quam alter Thomas: continua quip-  
pè & profundissima meditatione, adeò quæstiones & articulos Diui Thomæ,  
sibi suoque ingenio identificantur. Vidit eum semel in Theologica disputa-  
tione publicè resoluentem Salmantica, & non tam in homine ingeniū, quam  
monstrum in ingenio hominis expauit. Plura non commemoro, nam quasi  
omni laude TVRCVS maior. Ex hoc igitur tanto viro causam habes Lector,  
cur epistolam eius testimonialem prælo quoque inferi voluerim: vt nempe  
dignè perpenso hoc omni exceptione maiori testimonio, totius excutias à  
terpso dubietatis ambiguum, & scias certissimè, à Thomisticis exulare do-  
ctrinis quemcumque, qui hæc nostra Scripta vel rejicit, vel impugnare non  
cessat. Vtete ergo eisdem, & inoffenso pede INTERPRETEM nostrum per-  
curre, si Thomisticæ veritatis aut ardor te stimulat, aut cognitio delectat.

LIBER

Gelat.  
Pap. I.  
epist.  
ad Ho-  
nor. or-  
dine 6.





# LIBER PRIMVS.

OSTENDITVR

## SENTENTIAM VINCENTII LENIS DE LIBERTATE,

OPPONI THOMISTIS,

DIVO THOMÆ, ET SANCTIS PATRIBVS.

### INTRODVCTIO.



**C**OGITAVERAM rem hanc de natura libertatis silentio praterire, cum vix apud Scholasticos de ea dubitatum sit. Quid enim ab

antiquo vsque ad hæc nostra tempora certiùs, quàm non esse actum verè liberum, illum qui absque vlla prorsus indifferentia elicitur, cum omni moda seu absoluta necessitate tam exercitij quàm specificationis? Imò (vt testis est Caietanus) *oppositum non est intelligibile*; scilicet quod aliquis actus tam elicitivè quàm obiectivè sit necessarius, & tamen secundum eandem rationem verè & propriè liber. Et certè quod Scotus quondam scripsit, *voluntas Divina necessariò vult bonitatem suam, & tamen in volendo eà est libera*; & rursus; *Spiritus Sanctus necessariò producit & liberè*; hoc vel ab

omnibus communiter rejicitur, si de libertate vera & sufficienti ad meritum & demeritum intelligatur; vel si admittitur, in nullo alio sensu admittitur, quàm sumendo liberum pro non coactò, seu voluntario. In quo sensu, nec nos illud inficiamur, nec vllus inficiari potest, nisi velit verbis contendere. Imò & Sanctus Thomas & nonnulli etiam antiqui Thomistæ, hoc ipsum interdum docuere, vt constabit ex infra dicendis. Itaque certum deberet esse, actum absolute necessarium posse quidem esse perfectissimè voluntarium seu non coactum, minimè tamen verè & propriè liberum, prout ad meritum & demeritum requiritur. Certum inquam deberet hoc esse, & ea de causa praterire cogita veram. Cæterum cum iam novissimè super hac re novamoustra Scholis se ingesserint; libuit & arma sumere, vt tempori morem

A

geram.

Caiet. 1. p. q. 28. a. 1. 9. In Re. sp. ad 1.

Scot. quodlibet. q. 16. 9. De 1. art. prin. cipali. & 9. Sed quæritur unde.

Infr. lib. 1. c. 7. & c. 3. & 10. & 11. & li. 2. c. 3.

geram. Quæso te lector, ignosce: nam etiam de certissimis cogimur interdum disputare, quando tumor obloquentis indisciplinata calumnia ipsi etiam certitudini obstrepere non vetetur. Et quamvis hac in parte, illud Poetæ, de me dici possit;

*Bella geri placuit nullos habitura Triumphos,*

Cum ipsa rei certitudo iam dudum ab exordio nascentis Theologiæ, triumphum egerit: absre tamen non erit nouus hic labor, nouaque opera, vt (saltem, sicut dixit Cælestinus Papa) *resistatur talibus quos malè crescere videmus*. Accedit quòd in talibus causis non careret suspicione taciturnitas, dum videlicet nullo studio redargueretur error, qui tamen tanta confidentia à nonnullis intruditur, vt ad arbitrium suum (verbis vtor Pontificis Hormisdæ) *utriusque orbis putent inclinandum esse iudicium*.

## CAPVT PRIMVM.

*Exponitur singularis Sententia Vincentij Lenis, videlicet respectu actuum omnino necessariorum, quos voluntas absque vlla prorsus potestate indifferentiæ elicit; saluari veram Libertatem, & quidem sufficientem ad meritum & demeritum.*

**M**onstra igitur quæ hac de re Scholæ se nouissimè ingesserunt, è cerebro prodire Vincentij Lenis Theologi Arafcani: qui in sua Theriaca de libero Arbitrio & in duabus Epistolis prodromis aduersus Petauium & Ricardum, contendit, quod potestas volendi oppositum minime ingreditur rationem essentialem libertatis. Ex quo deducit, omnem actum perfectè voluntariū, licet talis

potestas indifferentiæ non adsit, esse quoque indispensabiliter liberum, & libertate quidem tam propriè tali, vt essentialis arbitrij libertas dici debeat, & etiam sufficiat ad meritum & demeritum, laudem & vituperiū, si ceteræ conditiones meriti adsint, verbi gratia, status viæ, subiectio ad præmiantem &c.

Hinc aperto Marte concedit, id genus libertatis inesse, actui quo Pater & Filius producunt Spiritum Sanctum, & similiter actui quo Deus diligit suam bonitatem incretam, & rursus actui quo beati eandem bonitatem diligunt in patria: licet huiusmodi actus cum absoluta determinatione ad vnum, & absq; vlla prorsus potestate ad oppositum tam contradictionis quàm contrarietatis eliciantur. Rationem omnium assignas vnam & eandem. Nam illi actus, licet sint tali necessitate elicti, sunt tamen perfectè voluntarij, vtpote à principio intrinseco cum perfectà cognitione; & perfectè voluntarium, (inquit ipse) seclusa quacumque indifferentiæ sufficit ad meritoriam & demeritoriam libertatem.

Sed qualiter hoc cum necessitate talium actuum compatiatur; audiamus ipsum proprio ore verba sua resonantem. In primis varijs in locis distinguit duplicem libertatem, essentialem vnam, accidentalem alteram: licet hæc posterior iuxta eius opinionem, libertas non sit, si à prima non procedat. Essentialem vocat, modum illum agendi quo voluntas se ipsam mouet & actum suum sibi imperat (intellige quamvis respectu actus non habeat potestatem non agendi) vnde istam libertatem (inquit) omni actui suo voluntas infundit, quem ex se ipsa & directione rationis elicit: quasi in omni velle procedente ex intellectu ali iudicio, voluntas se moueat, & imperiū habeat, verissimamque libertatem, essential-

In Ep. prodromi ad Petau. pag. 17. a. 6. Cur non est. & in Theriaca lib. 1. c. 12. 6. Vnde alibi &c. 6. Talis est motus. Et ep. prodromi ad Ricardum cap. 2. 6. Verum tamen magis.

In Theriaca lib. 1. c. 3. in principio.

In Theriaca lib. 1. c. 6. (c. 3. 6. Di. au ergo sapient.



essentialē. Accidentalem autem vocat illam, quam cōmuniter Theologi contradictionis aut contrarietatis nominant, quia nimirum per eam voluntas inter duo contradictoria vel contraria indifferenter se versat.

Deinde alio in loco distinguit duplicem necessitatem, vnam voluntariam & alteram coactiuam. Voluntariam dicit (& bene quidem) esse determinationem ad vnum absque indifferētia ad oppositum, procedentem tamen ex ipsa interiori inclinatione voluntatis. Qualem cernere est in productione Spiritus Sancti, & in amore quo Deus & Beati diligunt diuinam bonitatem. Coactiuam autem appellat determinationem quidem ad vnum; sed prouenientem ab aliquo ita precipitante & determinante, ut agens actionem suam in potestate non habeat. Et hunc iterum subdividit in duas veluti species: in coactiuā coactione omnino rigida seu violenta, & in coactiuam, non ita rigidē seu violentē. Primam definit, in qua passum nihil omnino agit, sed merissime patitur: imò aduersus etiam passionē pugnat. Talis est in motu lapidis, (inquit) sursum proiecti, cū renisu grauitatis versus centrum. Et subdit alijs in locis quod definita fuit à Philosopho lib.

3. Et cor. c. 1. quod est illa, cuius principium extrinsecus est, nil conferente eo quòd vim patitur. Altera est, in qua passum aliquid quidem agit, sed ita, ut agatur potius quàm se ipsum agat. Sic agentia naturalia, (inquit) agunt, quæ à natura in suas actiones impetu quodam protruduntur: non imperio suo eas exire iubent. Et hac necessitate coactiuā ac quodammodo violenta pellitur lapis à natura etiam versus centrum.

His ita distinctis in tota sua Thesauriaca & in vtraque Epistola prodroma nil aliud fere inculcat, quàm ista duo. Primum; quòd prima necessitas nimirum voluntaria nullo modo pu-

gnat cum libertate actūs essentiali, quantumvis ascendat ad summum gradum necessitatis in illa linea, cum exclusione scilicet omnis indifferētiæ etiam contradictionis. Ita vt omnia essentialia libertatis, seu verissima libertatis essentia omnino subsistat cum simili necessitate. Nam quia voluntatem (inquit) ad agendum ex sufficienti iudicio rationis & connaturali modo compellit; ideò libertatem essentialē consensus non euerit. Secundum; quòd licet necessitas illa voluntaria, essentialia libertatis non tollat; tollit tamen hæc eadem, illa necessitas coactiuā: & nō solum coactiuā per rigidam violentiam quæ simpliciter est cum resistentia passi, sed etiam ista altera quæ rigidā violentiam admixtam non habet: qualis est (inquit) in appetitibus brutorum, ubi patiens potius aliquid actiue consert, quàm motui resistat.

Itaque vno verbo, sententia Vincentij Lenis est, quòd conceptus essentialis libertatis seu vera eius essentia ex integro saluatur cum summa voluntatis necessitate, absque omni prorsus indifferētia etiam contradictionis. Huiusmodi namque indifferētia solum est iuxta mentem eius, accidens quoddam libertatis, quod proinde adesse & abesse potest, perscuerante omni eius essentiali requisito. Sicque actus voluntatis maximè necessarij, sunt secundum ipsum verè & essentialiter liberi, imò quò efficacius ab intrinseco ad vnum determinati, eò magis liberi esse comprobantur.

Et si ab eo quæras; Nonne saltem meritum laudis amittunt actus tam robusti, effusi, & ad vñū determinati? Respondet audacter. Minimè verò: imò tanta effusio & determinationis robur, laudē meritumq; vebementer anget & intendit. En singularem sententiam Vincentij fideliter expositam.

Ibidem  
lib. 1. c.  
23. in  
princi-  
pio.

Ibidem  
lib. 1.  
c. 12. §.  
Altera  
verò ne-  
cessitas.

In Epi-  
st. Pro-  
droma  
ad Ri-  
card.  
pag. 53.

In eadē  
Epist.  
pag. 51.  
& 52.

In The-  
sauriaca  
lib. 1.  
c. 13.  
§. ac in  
primis  
& lib. 2.  
c. 7. sect.  
6. §. Hac  
quæ  
meritū.

In The-  
sauriaca  
lib. 1.  
c. 11. §.  
& breui-  
ter.

In The-  
sauriaca  
lib. 1.  
c. 7.  
sect. 6.  
Hac  
quoque.

In The-  
sauriaca  
lib. 1.  
c. 22.  
§. Sed  
nonne  
sciam.

## CAPVT II.

*Nonnulla ex sententia Vincentij, Con-  
fessionea referuntur.*

**E**X sententia Vincentij superio-  
ri capite relata, nonnulla de  
necessitate confessionea sunt: quæ  
etiam ipsemet expressè docet & ad-  
mittit, vel saltem admittere tene-  
tur.

Primò confessioneum est, quòd  
quamuis in actibus voluntatis viæ,  
non esset maior libertas, quàm illa,  
quæ est in spiratione & amore beati-  
fico; equidem huiusmodi actus ha-  
berent sufficientem libertatem ad  
meritum. Hoc necessariò tenetur  
Vincentius admittere, cum ponat  
libertatem illam inuentam in spiratione  
& beatifico amore, de se ad me-  
ritum sufficere, licet de facto me-  
ritum annexum non habeat ob defe-  
ctum aliarum conditionum. Quia  
videlicet in spiratione deest subiectio  
ad præmiantem, & in amore beati-  
fico status viæ.

Secundò ex eodè principio expres-  
sè admittit & docet, quando volun-  
tas in viâ per prædeterminationem  
gratiæ efficacis in vnam partem fle-  
ctitur; quòd in alteram stante eadem  
prædeterminatione se reflectere non  
possit. Vnde quod à Thomistis dicitur;  
*voluntatem prædeterminatam pos-  
se reverti se in oppositum in sensu diuiso,  
non in sensu composito*; hoc ipse sic ex-  
plicat, quasi nil aliud velint, quàm  
quòd possit in oppositum, *excessa  
præsenti prædeterminatione, non ea re-  
tenta*. Facetur itaque stante prædeter-  
minatione ad amorem, verbi gratia,  
non esse tunc in voluntate potesta-  
tem ad non amandum: & nihilomi-  
nus vera adhuc libertas in eius opi-  
nione illæsa remanet; quia scilicet,

licet pro tunc non possit voluntas  
in oppositum, agit tamen sub tra-  
ctu gratiæ, omnino voluntariè,  
quod ad libertatem (vt ipse ait) suf-  
ficit.

Tertiò ex eodem principio non  
veretur admittere, *in quavis electione,*  
(viæ scilicet) *necessitatem illam se inge-  
rere, quæ in amore beatifico interuenit.*  
Sic ex Bellarmino refert, & appro-  
bat. Et nihilominus iterum libertas  
non læditur eadem de causa, quia vi-  
delicet tantum est necessitas volun-  
taria, quæ quidem potestatem ad op-  
positum impedire potest, quando eò  
ascendit, vt sit cum determinatione  
quoad specificationem & quoad ex-  
ercitium simul, vt in amore beati-  
fico contingit; libertatem tamen au-  
ferre non potest, quia hæc neutram  
indeterminationem nec specificatio-  
nis nec exercitij essentialiter requi-  
rit, vt ipse ponit.

Quartò ex eodem principio tene-  
tur concedere, quod Petrus, verbi  
gratia, in aliquo actu possit peccare,  
etiam in casu, quo illum actum volū-  
tate personali vitare non potuit. Ra-  
tio est manifesta: nam iuxta eius sen-  
tentiam, sufficiens est libertas ad de-  
meritum seu peccatum, hoc ipsum  
quod est facere aliquid voluntate in-  
tellectuali, seu ex perfectò iudicio ra-  
tionis, licet absque potestate ad op-  
positum contingat.

Quintò ex eodem principio ex-  
pressè docet, hominem in natura la-  
pso de facto peccare contra præcep-  
tum supernaturale, etiamsi proxima  
potentia ad adimplendum præ-  
ceptum, ex absentia gratiæ sufficien-  
tis non adsit. Ratio est æquè manife-  
sta ac præcedens. Quia si in eius di-  
ctis, ad libertatem nõ requiritur po-  
testas ad oppositum; ergo neque ad  
liberè omittendum præceptum, re-  
quiritur posse illud adimplere.

Sextò ex eodem principio susti-  
net,

In The-  
riaca l.  
1. c. 23.  
§. Vnde  
quod me-  
git.

In Epi-  
st. Pro-  
croma  
ad Pe-  
au. pag  
12.

In Epi-  
st. Pro-  
dro. ad  
Petau.  
pag. 48.  
§. Quod  
verò di-  
sturnt.

In The  
riaca l.  
2. c. 1.  
sect. 2.  
§. 1mo  
veri Tho  
mas.

net, Christum Dominum in via con  
stitutum, meruisse actu amoris Bea  
tifici, nulla respectu eiusdem actus  
considerata in voluntate Christi in  
differentia. Et cur quæso indifferen  
tiam consideraret? Me Hercle, ad  
merendum nulla in eius opinioe in  
differentia requiritur. Sufficit actum  
esse à voluntate ex perfecto iudicio  
intellectus, quantumvis voluntas ne  
queat illum non ponere: ac proinde,  
si cæteræ conditiones adsint, meriti  
rationem obtinebit.

In  
Epistol.  
prodr.  
ad Ri  
card,  
c. 13. §.  
Christi  
gitur hu  
manitas.

Septimò tandem consecraneum  
est, Christum Dominum meruisse  
subeundo mortem sibi præceptam,  
licet iuxta eius sententiam non mo  
ri non potuerit: quia cum hoc stat,  
quod voluntariè mortuus fuerit, e  
tiam si voluntas eius propter intrin  
secam suppositi impeccabilitatem,  
mortem præceptam necessariò acce  
ptauerit.

Hæc igitur ex sententia Vincentij,  
quam superiori capite exposuimus,  
manifesta illatione deducuntur. Sed  
quam à vero imò & Catholico sensu  
exorbitent, Diuina annuente gratia  
in sequentibus declarabitur.

### CAPVT III.

*Vincentius Lenis redarguitur falsita  
tis, in eo, quod adstruit, omnes  
veros Thomistas suos esse: & in  
primis adducuntur contra eum Al  
bertus Magnus Thomistarum pri  
ma Origo, & Innocentius Quintus  
Pontifex Maximus, D. Thomæ  
coæui.*

**D**OCTRINA quæ huc usque re  
tulimus, non tam admirationi  
mihi est quàm stupori: eo vel maxi  
mè, quod videam tam magnificè ab

Auctore suo iuculari, non quasi no  
uum quoddam & paradoxum sit, sed  
tamquam dogma omnium tam Græ  
corum quàm Latinorum Patrum.  
Neque his contentus Vincentius;  
*Veri deinde Thomistæ omnes...* (inquit)  
*nostri sunt. Etiam si multi non totam ve  
ritatem doceant; sed à nouissima eius  
parte resiliant; quando solam liberta  
tem essentialem, ad meritum & demer  
itum actus sufficere negant contra aper  
tam doctrinam Sancti Thomæ. Bone  
Deus! si res ita habet, ausim dicere,  
Thomistarum verum esse nemiæm,  
sed à primo ad vltimum, falsitate  
asperios singulos.*

In The  
riaca l.  
2. c. 9.  
sect. 2.  
§. Veri  
deinde.

Hæc scena, mi Vincenti, te silere  
iubeo. Theatro sisto, & ob oculos  
pono, in primis antiquiores illos,  
verè primitias spiritus Thomistici  
habentes: sed quid dixerint, confi  
dera diligentius, & tam inanis glo  
riæ furtum non facies.

Prodeat primò Albertus ille Ma  
gnus, Thomistarum omnium prima  
Origo. Quid leges, quid inuenies,  
quid ex tali fonte hauries? An ne  
dogmatis tui partem aliquam, imò  
vel apicem? An nè, quod potestas  
volendi oppositum, minimè ingre  
diatur rationem essentialem liberta  
tis? An nè quod sine tali potestate  
subsistat meritum aut demeritum  
actus? Accipe tres ex ipso textus  
clarissimos, & noli sic de consilio  
patrocinio gloriari.

Primus habetur in 3. dist. 18. art. 2.  
in Corpore: vbi postquam retulerat  
duos modos confirmationis liberi  
arbitrii in bono; subiungit tertium  
modum & sic loquitur. Tertia est con  
firmatio potentia ad actum hunc, per  
necessitatem nature: ita quod oportet  
hunc operari, & non possit non operari  
hunc, nec possit alium operari. Et hæc  
confirmatio tollit naturam totam liberi  
arbitrii: quia omnis potentia rationalis  
est ad opposita. Et nullus in patria est

confirmatus, ita quod ipsum semper oporteat idem numero velle & non possit hoc non velle, & huius oppositum ponitur per naturam liberi arbitrii in omnibus: scilicet posse hoc & posse cessare ab hoc & posse aliud ab hoc, & ideo patet ex hoc, quod non est definitio libertatis arbitrii, posse velle bonum vel malum, sed potius accidit ei posse velle malum ex defectu: sed libertas eius consistit, in hoc quod possit velle hoc, & non velle hoc, & posse velle diuersum ab hoc. Non audis, hic totam naturam liberi arbitrii destrui per confirmationem seu determinationem potentie, qua ita oporteat operari, vt non possit non operari? Non audis hic ex vi nature liberæ potius poni contrarium in omnibus, scilicet posse hoc, & posse cessare ab hoc? Non audis hic libertatem eius consistere in hoc, quod possit velle hoc, & non velle hoc? Omnia ista nonne prædicant, imò & clamant potestatem volendi oppositum, ingredi rationem essentialem libertatis? Quomodo ergo Vincenti veri Thomistæ omnes tui sunt; si tam aperto calamo te confundit primus parens Thomistarum omnium?

Audi textum alterum æquali luce radiantem. Habetur in 2. dist. 25. art. 4. in corpore. *Dicendum (inquit) quod liberum ex natura non obligatur, nec ex habitu ad hoc vel ad illud. Et hæc est libertas inseparabilis in Deo, & Angelo, & homine. Nihil enim agunt, quin possint illud non agere, & quin possint aliud agere. Quid iterum locus hic depredicat? Nonne essentialem rationem libertatis? Nonne id, quod inseparabiliter secum adfert in quocumque subiecto, siue creato, siue increato? Et in qua quæso formalitate id ipsum constituit? Profecto nulla alia, quam in potestate agendi, & non agendi. Nihil enim, agunt (inquit) aut Deus, aut An-*

*gelus, aut homo in quantum liberi, quin possint illud non agere, & quin possint aliud agere.*

Sed & tertius textus non minoris est euidentiæ: videre illum licet in eodem 2. dist. 24. a. 5. in Corp. Verba ipsissima sunt: *Voluntas neutro modo est obligata, quia non est affixa organo: nec etiam necessarîo consentit; quia ratione distante hoc esse faciendum vel non, adhuc se habet ad quod voluerit, & potest contrarium velle, quam quod ex ratione iudicatum est: & ideo voluntas libera est.* Attende quæso ad verba ista vltima; & ideo voluntas libera est. Alberte præceptor beatissime; qua de causa voluntas est libera? Nonne quia ratione distante hoc esse faciendum vel non, adhuc se habet ad quod voluerit & potest contrarium velle? Quid ergo Vincentius mihi obmurmurat, adhuc liberam fore; quamuis ad oppositum non se haberet, nec posset aliud velle? Vade doctor singularis, & primam partem tui dogmatis ex litera Alberti persuade cæcis, non videntibus.

Nunc verò de secunda parte quid dicendum sit; patet similiter. Si namque apud Albertum essentia libertatis non subsistit absque potestate ad oppositum, vt vidimus, quomodo siue tali potestate subsistet apud eundem essentia meriti aut demeriti, cum in 4. dist. 5. art. 2. ad 3. Manifestè admittat hanc propositionem Tuij, quod non potest aliter esse, non habet laudem & vituperium?

Alberto iungamus Petrum de Tarrantasia, Diui Thomæ temporibus viciniorem; qui & postea Pontifex Maximus, Innocentius Quintus est nuncupatus. Scripta viri huius in quatuor libros Sententiarum, tantæ dignitatis, auctoritatisque à sapientissimis sunt habita, vt iam tandem iussu Reuerendissimorum Patrum Generalium Thomæ Turci & Ioannis

nis Baptista de Marinis, nouo Characterē prodierint. Sed nihil quod in ipsis inuenies, quod vel leuiter Dogmati Vincentiano Patrocinari possit.

In primis, in 1. Sent. Distin. 47. q. vnica art. 2. in Corpore sic satur. *Disserunt potentia naturalis & rationalis (seu non libera, & libera) quod illa se habet ad vnum determinatē: hac ad vtrumque. Vnde cum voluntas Dei sit potentia rationalis (hoc est libera) habet se ad vtrumlibet. Sed habere se ad vtrumlibet, dupliciter potest intelligi, aut per modum libertatis, eligendo quod vult: vel per modum vertibilitatis, conuertendo se ad aliud post electionem. Primum essentiale est omni potentie rationali, eo quod libera est: secundum accidentale; ex eo quod non est immutabilis. Et postea ad 4. explicans qualiter in Deo verificetur, quod per modum libertatis eligit quod vult; expressissime subiungit, *diuisim intelligendo potest velle aliud; quasi dicat, quia absolute potest velle hoc, & non velle hoc.**

Non vides hic Vincenti primam opinionis tue partem manifesto iugulo peremptam? Tu asseris potentiam rationali, prout libera est, non esse essentialem potestatem volendi & non volendi: & Pontifex iste Thomisticus asserit, hoc quod est posse velle hoc & non velle, *essentiale esse omni potentie rationali, eo quod libera est.* Rursus tu asseris, potentiam liberam etiam vt liberē operantem; posse se habere ad vnum determinatē, & quidem determinatione summe necessaria, qualis conspicitur in potentia spirante Spiritum Sanctum; & Pontifex noster dicit, talem modum operandi, conuenire soli potentie naturali, vt contra liberam condistinguitur. Nunquid hoc est aperta contradictione tibi opponi? Quid patrociniū fignis, vbi tam-

patienti Marte obrueris?

Sed & considera locum quem habet in 2. Dist. 7. q. 1. art. 1. ad 1. *Potestas rationalis (inquit) est oppositorum contradictorie in genere natura, id est faciendi vel non faciendi: non autem oppositorum, vt priuatio & habitus in genere moris scilicet boni & mali: hoc enim accidentale est ei, non essentiale: vnde non est in Deo nec in bono Angelo.* Et iterum in eodem 2. Dist. 25. q. 1. art. 1. *indeterminatio ad alterum duorum oppositorum contradictorie, id est, ad faciendum aliquid vel non faciendum ad naturam liberi arbitrii pertinet generaliter, sed indeterminatio ad bonum vel malum, non.* En idem quod prius: duas indifferentias commemorat; & contrarietatis ad bonum & malum; & contradictionis ad facere vel non facere. Prima (inquit) *accidentalis est potentie liberę; non essentialis, supponens apertissime, secundam, essentialē esse, nempe illam quę est posse facere & non facere: vnde & in loco 2. concludit eam pertinere, ad naturam liberi arbitrii generaliter; hoc est, ita indispensabiliter, vt in omni operante liberē, siue Deo, siue Angelo, siue homine debeat reperiri. Necessē ergo est fateri, Thomistam hunc non Iansenianum seu Vincentianum esse, sed nostrum.*

Et de secunda parte quantum ad meritum & demeritum, quis poterit de mente eius dubitare? Textus quam plurimos nobis offert, & singulos omnino contra Vincentium.

Primus in 2. Dist. 7. q. 1. art. 2. quęstionum. 2. vbi tertium Argumentum erat. *Nemo peccat in eo quod vitare non potest, sed diabolus vitare non potest, quin velit malum, ergo in hoc non peccat.* Putas Vincenti, quod respondebit iuxta tua principia, negando maiorem, quasi aliquis peccet aut demereatur, faciendo id, quod tamen vitare non potest? Minime

gentium. Audi responsum & nostra principia recale attentius. Quamvis (inquit) non possit vitare in vniuersali, potest tamen quemlibet actum in singulari, sicut dicitur de peccatis venialibus. Nunquid hoc est recurrere ad potestatem faciendi & non faciendi, vt rationem peccati seu demeriti saluet? Sentit ergo sine tali potestate istam rationem non subsistere.

Iterum in 2. Dist. 39. q. 2. artic. 2. ad 2. Naturalia illa (inquit) quæ ita determinata sunt quod non possunt flecti ad oppositum, non sunt laudanda vel vituperanda, sed illa quæ insunt cum possibilitate descedendi ad oppositum, laudanda sunt. Est ne hoc dicere sicut Vincentius, quod tanta effusio, & determinationis robur, laudem meritumque vehementer auget & intendit? Inquit Pontifex, agentia quæ ita determinata sunt, quod non possunt flecti ad oppositum, non esse laudanda vel vituperanda, & Vincentius ad hæc; omnino laudanda esse adstruit, quantumvis ita essent determinata, vt etiā impleretur contradictionem flexibilitas ad oppositum. Velit nolit, tenetur hoc fateri; siquidem (vt supra vidimus) docet determinationem inuentam in spiratione Spiritus Sancti, quantum est ex se, vel si nil aliud obstarat, ad laudem & meritum sufficientem esse; cum tamen ea tanta sit tanque robusta, vt omnino flexibilitas ad oppositum, contradictionem implicet.

Iterum in eadem Distinctione, q. 1. art. 1. in Corpore, hanc dilucidā habet propositionem noster Tarrantiensis. Quidam actus sunt, quorum non sumus domini: vt qui non sunt persuasibiles ratione, & in non possunt dici peccata, quia non imputatur homini in culpam, nisi quod est in sua potestate vitare. Quid clarius? Nunquid hoc est docere, requiri ad imputabilitatem actus seu ad rationem demeriti,

illam potestatem, quæ est cum indifferentia faciendi & non faciendi?

Tandem in 4. Dist. 49. q. 1. art. 2. quæstione. 2. in Corpore, discutens qualiter appetitus beatitudinis sit meritorius, & qualiter non; expressè duas in eo adinuenit formalitates, vnam necessitatis & alteram libertatis penes posse appetere & non appetere, vt sub prima meritum excludat, sub secunda statuatur. Accipe verba & sententiam habebis. Appetitus beatitudinis (inquit) prout egreditur à voluntate naturali, non est meritorius, quia sic habet necessitatem: sed prout egreditur à voluntate deliberatiua, meritorius est, quia sic habet libertatem. Vt intelligas, nota prius quod voluntas potest considerari vt natura quædam, & vt voluntas formaliter seu vt libera, vt latè declarabitur infra: ac proinde potest habere actum aliquem naturalem seu non liberum, & actum aliquem liberum. Est etiam expressa doctrina eiusdem Innocentij, dum in 1. Dist. 39. q. 2. art. 1. in 4. Argumento sed contra, dixit, voluntas deliberatiua est etiam natura quædam, ergo habet actum naturalem aliquem, ergo non solum habet velle deliberatiuum sed naturale: Ergo eadem potentia est voluntas deliberatiua & naturalis. Docet ergo in loco adducto; quod voluntas appetit beatitudinem & vt natura, & vt libera. Vt natura; quatenus appetit illam in communi; qua ratione ille appetitus est necessarius obiectiue seu specificatiue. Vt libera, quatenus appetit illam in particulari, qua ratione est liber, libertate indifferentiæ. Inquit igitur, quod solum sub secunda ratione est meritorius, quia sic habet libertatem indifferentiæ, quam nos adstruimus, minime autem sub prima; quia sic habet necessitatem: cum tamen certum sit, quod etiam sub prima illa ratione habeat cum

Infra  
lib. 2.  
c. 5.

In The  
riacal.  
1. c. 22.  
§. Sed  
nonne  
saltem.

Supra  
c. 1. &  
2.



illa neceſſitate, ſimul libertatē eſſentialē Vincentij, utpote cū ſit actus verē voluntarius. Nequit ergo vllō modo ſentire, quod libertas illa eſſentialis ſine poteſtate faciendi & nō faciendi ſit ad meritum ſufficiens. Vnde & ibidem ad ſecundum oſtendens; qualiter iſta poteſtas indiſſerentiæ requiratur, & in iſto appetitu ſecundū aliquam rationem ſaluetur: *quamvis non poſſit*, (inquit) *evitari quin beatitudo appetatur in vniuerſali, evitari tamen poteſt, ut non appetatur in propria ratione, eo modo quo debet: vnde in hoc poteſt eſſe meritum.*

Vincenti, hi Antiquiores ſeu primi Scholæ noſtræ Doctores, quos iam commemoravi, ita dilucidē tibi opponuntur, ut planē nesciam, quā via tibi in mentem venerit, ſic de ipſorum patrocinio gloriari.

#### CAPVT IV.

*Adducuntur contra Vincentium, Heraeus & Petrus de Palude.*

**S**equuntur inter Thomiſtas Heraeus & Petrus de Palude Hieroſolimitanus quondam Patriarcha.

Primus Vincenti, inter noſtros cognomento ſubtilis, in toto ſuo opere nec verbum quidem habet de libertate tua eſſentiali, quā actibus neceſſarijs aſſingis. Quotieſcumque de libertate agit, tam ſuper Sententias Magiſtri, quā in quaſtionibus quodlibeticis, nullius alterius veræ libertatis meminit, quā quæ eſt cum poteſtate indiſſerentiæ ad poſita: ſeu (quod idem eſt) ſolū adſcribit libertatem libero arbitrio, prout eſt facultas ad actum vel eius oppoſitum contrariē vel contradicторiē.

Quodlibeto 1. q. 1. per totam, li-

bertas (inquit) non fundatur ſuper potentias iſtas, intellectum & voluntatem, nudas, ſed ſuper aliquos actus illarum, mediantibus quibus habemus dominium &c. Habemus autem dominium (dixerat antē) per hoc quod in poteſtate habentis eſt, agere vel non agere. En qualiter ille Thomiſta, tuus ſit. Tu fundas etiam libertatem ſuper actus, quos non habemus in poteſtate agere & non agere, cū tamen ſuper huiusmodi neget ipſe libertatem fundari.

Et rurſus ibidem: Per principium (ait) determinatum neceſſariō ad alterum oppoſitorum, non habemus dominium actuum noſtrorum. Nonne & hoc directiſſimē contra te? Habere dominium alicuius actus, & eſſe liberum reſpectu eiſdem, omnino idem ſunt, etiam ut tunc ſateris: Ergo ſi Thomiſta Heraeus negat nos habere dominium in actibus neceſſarijs; negat quoque nos eſſe liberos reſpectu illorum. Quid igitur in hac parte tibi & illi commune? Quod Thomiſta veritatis negat, tu affirmas.

Uterius: in eodem loco definiērat, liberum arbitrium, eſſe principium, quo poſſumus in aliquem actum vel eius oppoſitum: & poſtea ſubiungit. *Liberum arbitrium eſt principium actus liberi, ut liber eſt.* Quid quaſo hæc duo ſibi in vicem connexa, niſi quod actus liber ut liber, non provenit niſi à principio, ut potente in actum vel eius oppoſitum? Eſt ne hoc, vel ſomnare Philoſophiam tuā, quā conſtanter aſſeris, actum liberum, ut liber eſt, etiam provenire à principio, ut impotente ad oppoſitum?

Progrediamur iterum ad 2. in contra, in ſine eiſdem quaſtionis. Distinguit ibidem ſubtilis Heraeus hominem à bruto penes libertatem. Sed quæ putas, diſtinctio iſta erit? Profecto non alia, quā, quia bru-

In Th  
riaca l.  
1. c. 21.  
§. Et ra-  
men ſibi  
dem.

rum, licet possit elicere actum, non potest tamen in oppositum. Ergo sentit distinctum agentis liberi à non libero, esse illam indifferentiam agendi & non agendi. Quod si distinctum; ergo & essentialiter constitutum.

Et quid quaeso nobis dicit de merito? Sciendum (inquit quodlibeto 1. q. 14. art. 2. in principio) quod meritum consistit in aliquo actu, cuius ille, cui attribuitur meritum, dicitur esse dominus, & à tali liberè potest impendi ei, à quo expectatur merces. Et iterum. Mereri est elicere actum, cuius eliciens habet dominium. Quod autem per habere dominium & liberè impendi, intelligat potestatem & libertatem indifferentiam, iam supra vidisti, & deinde non semel, sed quasi cientes inculcat, quando de libertate agit. Sed singula non refero, ne docilioribus ingenijs molestior sim, iuxta dogma Poeticum;

*Millia pratero, quid enim recitasse iuvabit?*

*Durus ingenium malleus ipse domet.*

Succedat iam Petrus de Palude Thomista exactissimus. Obiecerat sibi in 4. Dist. 49. q. 7. hoc argumentum. Meritum non consistit in actu necessario, sed aliqui merentur appetendo beatitudinem, ergo illam non appetunt necessario. Quid existimas Vincenti? Confugiente, ut meritum salvet, ad libertatem tuam essentialem, quam omni actui voluntatis etiam necessario & ad unum determinato, inesse fingis? Audi quid respondeat. Ad 3. patet, quod beatitudinem in particulari, quantum ad illud in quo verè consistit, non appetimus naturaliter, (id est necessario sicut in argumento assumpserat) sed liberè, & ideo in eius appetitu potest esse meritum & demeritum. Vbi brevissimè duo facit & utrumque contra te. Primò enim,

ut salvet appetitum illum esse liberum, & 2. ut salvet esse quoque meritum; dicit unico verbo, non esse necessarium, secundum illam rationem, qua libertatis & meriti rationem obtinet: sentiens apertè, quod si secundum omnem sui rationem, necessarius esset; nec liber nec meritorius esset. Nonne hoc est evidenter utrumque dictum tui dogmatis, vno ictu necare? Per te actus voluntatis necessarius, est liber & libertate quidem sufficienti ad meritum; & per Thomistam istum, ut liber & meritorius declaratur; necessarius esse negatur. Certè nil quoque isti & tibi commune, nisi quod ambo estis termini pertinentes, non sequela, sed repugnantia.

Sed accipe & alteram eius sententiam ex 3. Dist. 18. q. 1. art. 3. *Liberum arbitrium* (inquit ibi) *intelligimus illud principium*, per quod habemus dominium nostrorum actuum: non solum sicut communiter dicitur, quod omne agens dominatur suo passio, quia tunc omne agens esset liberum, quod falsum est; sed sic in potestate habentis tale principium est, exire in actum vel non exire. Attende Vincenti. Nunquid legis hic, non omne agens esse liberum, licet omne agens in eo quod tale, dominetur passio? Non vti que negas, nec de hoc inter nos est quaestio. Sed dicito: si non omne agens est liberum: quale tandem liberum erit? Nonne illud precisè, quod taliter dominatur suo actui, ut possit in illum exire & non exire? Sic affirmat Petrus de Palud. & si idem quoque tu affirmaveris; tuus erit hic

Thomista, non iam amplius repugnantia sed sequela.

\*\*\*



## CAPVT V.

*Adducuntur contra Vincentium Armandus de Bello Visu, & Robertus Holkoth.*

**I**n scenam etiam descendant Armandus de Bello Visu, & Robertus Holkoth, viri in schola Thomistica notissimi.

Primus non solum nomine, sed & re belle videns: vtpote qui quæstiones subtilissimas de rebus Theologicis oculo mentis acutissime perlustravit. Hic igitur postquam in sua declaratione difficultum terminorum textu secundo cap. 248. in fine, dixerat, in Deo non dari necessitatem coactionis, quia à nullo potest cogi vel violentari, nec etiam necessitatem desumptam à fine, quia actus eius non ordinantur ad alium finem, qui non sit ipse; sic deinde ad rem nostram fatur: Tertia necessitas est immutabilitatis, quæ sumitur ex causis intrinsicis, sine ex forma & materia: & sic homo ex parte formæ est necessariò rationalis, & ex parte materiæ necessariò est mortalis: & hæc necessitas est immutabilitatis. Et est in Deo (inquit) quantum ad actus intrinsecos & immanentes, ut Pater generat Filium, & Pater & Filius spirant Spiritum Sanctum, quantum autem ad actus transientes in exteriorem materiam, non est in Deo talis necessitas: unde non de necessitate Deus mundum creat, aut gubernat, sed mera voluntate & libertate. Perpendamus Vincenti pulchram hanc doctrinam. Nonne in primis expresse loquitur de ipsissimo actu productionis Spiritus Sancti, super quo nostra est concertatio? Nonne deinde isti productioni idipsum denegat, quod concedit actibus Divinis transcurrentibus? Hoc negare non

potes, cum actus Divinos intrinsecos & immanentes, qualis est dicta productio, contra ponat ad actus Dei transcurrentes: & quid quæso transcurrentibus concedit? Nonne aperta voce, hoc quod est fieri mera voluntate & libertate? Hoc ergo ipsum manifeste denegat Spiritus Sancti productioni: hæc ergo iuxta mentem eius non sit mera voluntate & libertate, ac proinde nec liberè. Quid igitur clamas? Quid gloriaris? Armandus de Bello Visu tuus est? Profectò si hoc in scriptis eius vidisti, minimè belle vidisti. Bellum quod hic contra te movet, oportebat vidisse, & fuisset utique tibi Armandus, non de Bello Visu, sed de bello viso.

In confirmationem huius subiungit idem Armandus in cap. 249. de causa agente libere; quod ut sic, nunquam producit aliquid necessariò, cum sit aliquantulum indifferens ad opposita, propter quod, quæ ratione unum, produceret & alterum. En ubi iterum affirmat; quod agens liberum in quantum tale, nihil producit necessariò; sed semper cum potestate indifferenti ad opposita. Ergo si Pater & Filius producant Spiritum Sanctum necessariò, & sine ista indifferencia; quid somnias Vincenti ibidem intervenire modum agendi verè liberum?

Accedat Holkothius, qui licet doctrinam Thomisticam in omnibus non sequatur, tamen cum Prædicatoris sit Familiæ; omittere non possum. Eodem quoque rigore Vincenti, ad veritatem tibi reperiens. In Primo, q. 3. art. 2. in responsione ad articulum hæc habet. Quantum ad quid rei istius termini, libertas voluntatis, dico quod est ipsa voluntas. Quantum verò ad quid nominis istius termini, libertas, secundum quod modò utimur ea, & secundum quod Philosophus utebatur, libertas est potestas quedam, quæ volun-

*voluntas concurrentibus omnibus causis requisitis ad suum effectum, habet quod possit cum eis coagere & ponere actum suum in effectum, vel non ponere sicut ei placuerit. Supponit libertatis nomen variè interdum accipi; sed in... significatione magis famosa, prout à Philosopho adaptatur agentibus per intellectum & voluntatem, libertas (inquit) est potestas quædam quæ positis omnibus requisitis, potest voluntas agere, & non agere. Quid clarius, imo & contra te Vincenti vrgentius?*

*Estne respectu actuum necessario- rum in voluntate potestas agendi & non agendi, adhuc omnibus requisitis stantibus? Ingenue fateris non esse nisi potestatem determinatè ad agendum, & requisita omnia ita robustè tendere ad hoc vnum, vt negatio actus sit omnino impossibilis. Cur ergo, si Thomisticè loqui gestis, libertatem in talibus actibus non diffiteris?*

*Sed quid de altera quadam consequentia eiusdem Holkothij ibidem articulo quarto? Probans voluntatem non esse potentiam passiuam tantum cui putas argumentò innititur? Huic breuissimo, sed tui dogmatis peremptori. Si voluntas (inquit) esset potentia passiva tantum, non foret in potestate sua velle & non velle obiecto præsentè: consequens falsum; quia sic periret omnis libertas. Non audis hic omnem prorsus libertatem perituram, data semel hac hypothese, quod non foret in potestate voluntatis velle & non velle obiecto præsentè? Quid ergo libertatis potest subsistere, vbi obiectum rapit voluntatem necessariò, vt in actu inspirationis, & amoris beatifici contingit? Deo clarè viso præsentè, potestne voluntas adhuc illum velle & non velle? Certè sic non potest, vt cum Thomistis fateris; fatearis igitur iuxta eisdem, exulare à*

*tali actu omnem veram & propriam libertatem.*

*Veniamus etiam ad alium eius librum, in quo nonnullas habet determinationes, & eadem omnino sententia conspicietur. In determinationibus igitur q. 3. ad 5. principale, volens ostendere, qualiter voluntas quando producit actum, liberè tunc producat: Quia potuit (inquit) prius producere & non producere, etiam omnibus concurrentibus quæ ad actionem concurrunt. Nunquid hoc iterum est apertissimè sentire à sensu contrario, tunc liberè non producere, quando ante actum sic se habet, vt determinatè debeat producere, & non possit non producere?*

*Et quid quæso breuissima illa propositio eiusdem, operationes beatificas non ponimus liberè, licet in tempore causari? Hanc habet Vincenti in eisdem determinationibus, quæstione 11. ad 12. articuli quarti, estque tam efficax contra te testimonium vt & ipse modus loquendi, quasi quadam vniuersalitate Doctorum omnium te obruat. Non dicit: Operationes beatificas non pono liberè causari, sed; non ponimus, quasi supponens esse communem positionem inter sui temporis Magistros, asserere quod huiusmodi actus necessarij, qualis est amor beatificus, liberi non sunt. Tandem vt in nullo desit, proposito nostro Holkothius, accipe & aliud testimonium, quantum ad alteram partem de merito, & demerito. Actum meritorium esse laudandum, demeritorium verò vituperandum, constans est sententia, & tibi, & Scholasticis vniuersis: ast Doctori Holkothio constans etiam est, non esse laudandum nec vituperandum, si potestas indifferentiæ defuerit. Verba iterum subijcio, & fidem faciunt plenissimam. Ibidem q. 4. parum ante primam conclusionem sic discurrit.*

Capio aliquem existentem in purgatorio pro peccato aliquo veniali. Quaro autem, aut illud peccatum potuit vitasse, vel non: si non, irrationabiliter punietur pro eo: quia sicut homo in nullo est laudandus, quia servat rationabiliter quod non potest amittere, ita in nullo est vituperandus, si aliquid fecerit, quod non potest vitare. En potestatem agendi, & non agendi requisitam ad rationem actus tam laudabilis, quam vituperabilis. Tu vis hominem vel Angelum beatum in eo quod servat rectitudinem iustitiae, quam (vt faceris) amittere non potest, laudandum esse; & doctissimus iste è contraria ait, quod homo in nullo laudandus est, quia servat, quod non potest amittere. Si hoc appellas tuum esse; pari lege inter contradictorias ipsas convenientiam finge.

In epist  
ad Pe-  
tau. p.  
54.

## CAPVT VI.

Adducuntur contra Vincentium Diuus  
Antoninus, & Raynerius Pi-  
sanus.

**N**on omitamus etiam Diuum Antoninum Archiepiscopum Florentinum, & Raynerium Pisanum, Thomistas fidelissimos. Litteram tamen solius Antonini proferam, quia cum (ipso Antonino teste) eadem prorsus verba habeat Raynerius; esset aut actum agere, aut in vitium inutilis repetitionis ad nauseam declinare.

Quid ergo Sanctus hic Thomista in materia nostra determinat? An nē Vincentij paradoxum? An nē commentum illud de libertate cum summa necessitate compatibili? Profecō sicut exaltantur Celi à terra, sic exaltatæ sunt cogitationes Antonini à tam monstruoso dogmate.

Consulamus primam partem summe eius, tit. 4. cap. 2. §. 2. & totus agit, vt necessitatem etiam voluntariae inclinationis à libertate distinguat. Audi probantem liberum arbitrium esse in Deo. *Liberum arbitrium* (inquit) est eorum quæ non ex necessitate, vel naturali instinctu volumus, sed liberè: sed Deus necessariò vult bonitatem suam velut finem ultimum voluntatis Diuinae: alia verò omnia vult quasi ordinata ad istum finem scilicet ad bonitatem suam: quæ quidem non necessariò vult sed liberè: eò quod sua bonitas, his quæ ad ipsam ordinantur, non indiget vnde remanet in eo iudicium liberum, ad volendum hoc vel illud. Non vides hic necessitatem etiam voluntariam expressissimè condistingui contra modum volendi liberè? *Quæ* (inquit) non ex necessitate, vel naturali instinctu volumus: en necessitas voluntaria: sed liberè: en istam necessitatem condistingnam à libertate. Et rursus: Deus vult necessariò bonitatem suam (en iterum necessitas summe voluntaria) alia verò omnia vult non necessariò, sed liberè: en iterum hanc à modo volendi libero condistingnam. Bis ergo in vno eodemque syllogismo vtrumque condistinguit, quod Vincentius millies confundit.

Et postea obijciens; *Liberum arbitrium in vtramque partem flecti potest, scilicet in malum & in bonum & viam habet ad opposita, sed Deus ad malum flecti non potest, ergo.*

Respondet sic: Cùm malum culpa dicatur per auersionem à bonitate Diuina, per quam Deus omnia vult; manifestum est, quod impossibile est, Deum velle malum culpæ. Et tamen ad opposita se habet eius voluntas, in quantum potest velle hoc esse vel non esse. Vbi notandum, quod ad rationem liberi arbitrij, non pertinet quod quis indeterminatè se habeat ad malum, & bonum... sed

sed ad libertatem arbitrij pertinet ut actionem aliquam facere vel non facere possit, & hoc Deo convenit, quia bona quæ facit, potest non facere. Quamdiu verbis confugit ad potestatem faciendi & non faciendi, ut in Deo essentiam liberi arbitrij seu libertatis salvet! Si huiusmodi subsisteret per solum voluntarium perfectum, quantum vis ad unam partem contradictionis determinatissimum (ut contendit Vincentius) & hoc idem sentiret nosse Antoninus; nunquid vanè omnino ad indifferentiam recurreret? Poterat utique respondere: transeat quod in Divina voluntate nulla sit indifferentia, nec ad bonum & malum, nec etiam ad facere & non facere; ergo non est in Deo vera essentia liberi arbitrij; negatur consequentia, quia hæc subsistit per solum voluntarium perfectum: cum ergo Deus adhuc in illo casu omnes actus illos perfecta voluntate faceret, sicut modo absque omni prorsus indifferentia, perfecta voluntate producat Spiritum Sanctum; indubie remaneret adhuc verè liber in omni illo actu. Hæc iuxta principia Vincentij, legitima poterat esse solutio; sed tamen, quia sensu & mente quamlongissimè ab illa distabat Antoninus, non potuit non præterire, & vel ipso saltem silentio non contemnere, non reprobare.

Subiungamus iam alteram quoque partem de merito. Præsul Sanctissime requiritur ne ad meritum & demeritum, potestas faciendi & non faciendi? Vincentius putat nonnullos veros Thomistas illam minimè desiderare; sed edisserere nobis, utrum fortè tu de numero istorum sis. Nonne hæc propositiones tuæ de mentis tua verissimæ; præcepta & prohibitiones non debent fieri nisi ei qui potest facere & non facere, aliàs frustra fierent? Et rursus; nullus debet premiari vel puni-

ri pro eo quod non est in eius potestate facere & non facere? sic utique sic legitur in eadem tua prima parte eodem titulo, eodem capite, §. 3. Et quomodo ista coherent, si cum Vincentio sentires, posse præcipi & prohiberi, premiari & puniri etiam actus necessarios seu illos quos non est in potestate hominis facere & non facere? Nunquid immediata est contradictio, potest pro istis actibus fieri præceptum prohibitio, præmium, punitio; & non potest pro istis actibus fieri præceptum, prohibitio, præmium punitio? Si ergo in scriptis tuis hæc posterior negatiua, luce meridiana clarius patescit; quo iure, quo ordine, qua sinceritate poterit quis tibi asserere affirmativam illam alteram? Certè Vincenti cerebro tuo illam insigere, solusque posside, nam mentis alicuius verè Thomistica tibi in hac parte communio denegatur.

Posses & alia plura ex eodem. Præsul producere, sed quia continuo, ut fidelis sancti Thomæ discipulus, non adfert nisi ipsissima eius verba, quæ infra, sedem propriam habebunt, omittenda cenfeo: hoc unicum tantum annexens, quod ibidem habet §. 9. utrum autem volendo huiusmodi quod de necessitate, vult, scilicet esse beatum, mereatur; dicendum (inquit) quod aliquo modo sic, & aliquo modo non. Cum enim naturaliter appetat se esse completum in bonitate, scilicet se esse beatum... ideo appetendo Beatitudinem ita in communi, homo non meretur, quia hoc est ei naturale, & naturalibus homo non meretur. Appetitus ille est voluntarius, utpote actus voluntatis cognitione regulatus; & tamen quia est naturalis seu necessarius specificatiue, pro ea parte formaliter, ipsi rationem meriti denegat. Iterum contra te, qui ex isto capite voluntariae necessitatis, meritum

tum potius augeri, constantissime adstruis.

De Raynerio Pisano celeberrimo quoque Thomista nil speciale commemoro, quia Antoninusmet (vt in principio annotaui ingenuè faretur, se prædicta omnia ex eodem habere. Lege si placet Pantheologiam eius parte secunda de libero arbitrio c. 1. & ita inuenies.

## CAPVT VII.

*Adducuntur contra Vincentium Capreolus & Soucinus.*

**Q**uod si præfati viri pro mente Thomistarum tibi probanda non sufficiunt; adiiciamus & alios duos eiusdem Scholæ, sed præstantissimos, exactissimosque: & primo quidem loco Thomistarum Theologorum Principem Capreolum.

Fateor autem Doctorem hunc in 1. Dist. 6. q. 1. art. 1. conclusione 5. affirmare Spiritum Sanctum procedere naturaliter seu necessariò, cum hoc tamen liberè: sed de qua libertate loquatur; ipsemet ibidem apertè explicat; nimirum de libertate quæ dicitur immunitas à coactione: quam nec nos tali processioni inesse inficiamur. Vnde & idem in 2. Dist. 7. q. 1. art. 3. ad 17. Adæ contra primam dixit; quod omnis actus voluntatis, siue sit naturalis, siue electiuus, est liber, sed aliter & aliter: quia omnis actus voluntatis electiuus est liber duplici libertate, scilicet libertate à coactione, & libertate à necessitate. Sed quilibet actus voluntatis naturalis, potest dici liber; quia sine coactione, non tamen quia sine necessitate. Hoc ergo sensu vocat processionem Spiritus Sancti liberam, quia scilicet est à Patre & à Filio, non coactè. Sed quòd illa libertas à coactione, iuxta mentem Capreoli non

fit libertas essentialis, vera seu propriè talis, manifesto tibi Vincenti ex ore eius proprio. Inquit enim in 2. Dist. 24. q. 1. art. 3. ad 1. contra primam; nullus actus humanus præcedens electionem actualem voluntatis, dicitur propriè esse in potestate nostra, nisi pro quanto sequitur electionem veram, vel interpretatiuam de illo: hoc est dictu, quia voluntas elegit talem actualiter, vel si non actualiter elegit illum actum, tamen per suam electionem potuit impedire positionem illius actus, & non impediuit. En qualiter asserit nullum actum voluntatis esse propriè in potestate nostra; nisi pro quanto ab eadem voluntate potest poni, & non poni, seu impediri. Quod si hoc apertè sentit; sentit quoque nullum actum sine tali conditione impedibilitatis esse propriè liberum: siquidem in tuamet opinione Vincenti, idem est, actum esse liberum, & esse in potestate voluntatis: ergo eo modo est liber, quo est in eius potestate: qui ergo sentit non esse in potestate nostra propriè, sentit quoque non esse liberum propriè.

Accedunt alia verba eiusdem in 1. Dist. 6. q. vnica, articulo 3. ad Argumenta Scoti contra 4. conclusionem, ita expressa & clara, vt nulla ratione tergierari queant. Illud dicitur agens naturale (inquit) quod positis omnibus requisitis ad agendum, & nullo existente impedimento, quin ipsum possit agere, necessariò agit: neque est in eius potestate non agere. Illud verò agens dicitur liberum, quod eodem modo omnibus positis, ita vt possit agere, non necessariò agit, sed in potestate eius est, vt agat, & non agat. Nonne hic euidenter condistinguit, agens liberum contra agens tali necessitate, vt in eius potestate non sit non agere? Ergo sentit voluntatem, quotiescumque simili necessitate agit, vt oppositum agere non possit, non agere liberè

liberè vera aliqua seu propria voluntatis libertate.

Rursus in 1. Dist. 38. q. 1. art. 2. respondens ad Argumenta Gregorij, concedit illi absolutè & sine ulla limitatione, hanc eius propositionem, quam inter arguendum assumpserat: *causa libera est, quæ positis omnibus ad agendum requisitis, & actionem præcedentibus, potest agere & potest non agere*: at si sentiret illam potestatem indifferentem non esse de essentia veræ libertatis, potius illam debuisset negare, quam concedere, ergo concedendo, certissimè supponit huiusmodi potestatem, conceptum essentialem veræ libertatis ingredi.

Vis & videre; qualiter in secunda parte de merito contra te pugnet? Audi alium eius locum ex 2. Dist. 7. q. 1. art. 3. ad 2. Adæ contra primam. Admiserat in quadam solutione, quod etiam in via, quamdiu per intellectum proponitur voluntati Deus, sub ratione summi boni & infiniti & ultimi finis, tam diu diligitur sub illa ratione dilectione naturali, seu necessaria quo ad specificationem: & post hoc sic prosequitur. *Nec valet consequentia, igitur ex tali dilectione non meremur: quia licet in tali dilectione sit aliquid naturale & necessarium; tamen est ibi aliquid liberum & contingens. Necessarium siquidem est ibi specificatio actus, quia scilicet voluntas non potest Deum sic apprehensum odire vel respicere seu nolle: sed liberum & contingens in tali actu est ipsum exercitium actus & eius positio & continuatio, quia voluntas potest intellectum ad alia cogitanda diuertere, &c. Et quantum ad hoc potest mereri. Vide, si non clarissimè confugit ad potestatem indifferentiæ, ut meriti rationem saluet. Est aliquid (inquit) in illo actu necessarium & aliquid liberum penes posse ponere & non ponere, & huic secundæ formalitati, meriti Rationem adscribit, minimè*

autem primæ. Bone Deus! quam tui sunt Vincenti omnes veri Thomista!

Nec certè aliud quidpiam sperare oportet ex Paulo Soncinatè. Epitomen quæstionum Ioannis Capreoli super libros sententiarum, quam ipse Soncinas compilauit; peruolue attentius, si placet. Fateor iterum ingenue, processionem Spiritus Sancti dici liberam ab hoc Thomista, nam talis est Conclusio quarta in 1. Dist. 6. q. unica, *Spiritus Sanctus procedit liberè*. Sed immediatè post declarans, quid per istam libertatem intendebat, subiungit sic. *Libertas accipitur dupliciter: vno modo ut opponitur naturali necessitati, & talis libertas est libertas indifferentiæ ad agere & non agere. Loquendo ergo de tali libertate, Concedo quod Spiritus Sanctus non producit liberè. Alio modo accipitur libertas, ut opponitur Coactioni, ut dicatur omne illud produci liberè, Cuius productio non est coacta, sed complacet. Et sic negatur &c.* Ergo hic in primis nil aliud habes, nisi quod in aliquo sensu potest dici libera ista productio, sumendo liberum pro non coactio. Sed quod iterum illa libertas à coactione, non sit vera, & propria, essentialis aut perfecta voluntatis libertas, iuxta mentem Soncinatis, facillimè manifestò. Pergamus igitur ad ea quæ habet in 2. Dist. 24. quæst. unica post quartam conclusionem. Arguit ibi Durandus, quod intellectus sit æque liber sicut voluntas, ex eo quod sicut voluntas non cogitur, ita nec intellectus. Ad quod Soncinas duplicem adhibet solutionem, & in secunda, quæ est ad nostrum propositum, sic resoluit. *Dicitur 2. quod Argumentum nihil concludit, nisi quod intellectus est liber à coactione, sicut voluntas: sed in hac sola libertate non consistit liberum Arbitrium: quod quatuor includit. Primum est negatio coactionis.*



*Secundum est negatio absolutæ necessitatis. Tertium est negatio causæ mouentis eiusdem ordinis quoad exercitium actus vel ex parte subiecti actionis. Quartum est motiuitas aliarum potestatum quoad actus exercitium & ex parte subiecti actionis earum. Hæc autem quatuor in potestatis animas, soli voluntati conueniunt formaliter, licet radix aliquorum sit in intellectu. Quam bella, quam insignis Doctrina contra te, Vincenti! Non legis hic, quod in sola libertate à coactione non consistit essentia liberi arbitrij, seu vera libertas; sed quod ultra illam inter cæteras conditiones etiam petat, negationem absolutæ necessitatis? Ergo iuxta placitum Soneinatis actus voluntatis habens necessitatem absolutam, qualis est productio Spiritus Sancti, caret vera Diuini arbitrij libertate.*

Vnde iterum eodem in loco respondens argumento Godofredi, qui causam libertatis ponebat in tribus, nimirum in vniuersalitate obiecti, in indifferentia obiectorum, & in immaterialitate potentie, constantissime respondet; quod præter illa tria requiritur ad perfectam libertatem, quod potentia quæ dicitur formaliter libera, moueatur ab intrinseco quoad exercitium, nec de necessitate exeat in actum &c. Quid euidentius, quid expressius? Si vera & perfecta libertas non de necessitate debet exire in suum actum; quid fingis voluntatem spirantem, aut Deum clarè visum adamantem, verè & perfectè liberam esse, ubi non nisi summa necessitate inspirationem & amorem prorumpit?

His omnibus adiungere libet locum quandam ex 9. Metaphisicæ, q. 17. parum ante solutionem argumentorum. Intendit ibi probare, potentiam liberam pro eodem instanti quo agit, esse potentem ad oppositum: & perpende quæso, quali enthymemate hoc concludat. Quia in

hoc instanti (inquit) est potentia libera, ergo respectu contradietiorum. Quæ iterum consequentia nulla esset, si aliquid esset tua opinio, Vincenti. Nam posset dici; concedo, quod in illo instanti est libera. Et nego illam consequentiam, ergo habet in eodem instanti potestatem ad oppositum: nam per te ad veram libertatem, ista potestas indifferentiæ non requiritur, sed sufficit quod voluntariè agat, licet cum determinata necessitate ad vnum. Necdum ergo capis, quæ tanta luce tibi obijciuntur? Sed fortè capies, si eodem tenore audieris & reliquos. Non recuso laborem: reliquos quoque proferamus.

## CAPVT VIII.

*Adducuntur contra Vincentium Dominicus de Flandria & Cardinalis Caietanus.*

**D**OMINICVS de Flandria Philosophorum Thomistarum Princeps alijs quoque verbis tuam opinionem redarguit. Inspice Metaphisicæ eius librum nonum q. 2. art. 2. §. Sed instabat discipulus. Ostendit ibidem quare habentes rationem, sint liberi in agendo: & si aliud quid præter potestatem agendi & non agendi inueneris libertati tuæ subscribam. Voluntas (verba sunt Flandrensis) comparata ad essentiam, & naturam animæ rationalis, habet quod sit libera radicaliter & primordialiter: comparata verò ad intellectum, habet quod sit libera ex proximo, sed ipsa comparata ad seipsam, habet quod sit libera formaliter. Pro cuius declaratione (vt ipse prosequitur) considerandum est primò quod radicaliter libertas agendi competit rebus ex immaterialitate suæ essentie vel nature, quia talia possunt se supra se

conuertere, & possunt se ipsa in aliquid ordinare, vel non ordinare, & per consequens possunt liberè agere vel non agere. Sed ex forma apprehensa per intellectū habet voluntas huiusmodi libertatem ex proximo: nam intellectus conuertens se supra speciem albi, intelligit album & oppositum albi. Ratio ergo quare potentia rationales se habent ad opposita, & quare habentes rationem sint liberi in agendo, est quia per eandem speciem intelligibilem intelligunt hoc & oppositū. Et ideo nos sumus liberi ad agendum hoc & oppositum, vel non agendum hoc & oppositū. Nulla hic speculatione opus est; nisi quod totam libertatem voluntatis, tam radicalem, quam proximam & formalem euidentissimè reducat ad indifferentiam omnium suorum principiorum: quatenus scilicet possunt se ipsa supra se conuertendo, in aliquid ordinare, vel non ordinare, practicè apprehendere hoc vel oppositum, agere hoc, vel non agere. Ergo dogma Vincentij manifestè redarguit; vtpote qui veram libertatem voluntatis formaliter & essentialiter subsistere contendit, cum omnimoda principiorum determinatione absque vlla prorsus indifferentia. Fateor tamen (sicut Capite præcedente falsus fui de Capreolo & Soncinatē) Flandrensem quoque, quodam in loco vocare processionem Spiritus Sancti liberam, vt videre est 5. Metaphysicæ, quæst. 5. art. 1. ad 4. Sed nec hoc Vincentium iuuare potest; nam vocat liberam, id est, immunem à coactione; qua ratione & liberam vocat ibidem productionem Filij in Diuinis, his verbis. *Necessitas qua Deus necessario producit Filium, continetur sub quarto modo (assignato scilicet à Philosopho inter modos necessitatis) quia impossibile est, eum non producere Filium: nec tamen cogitur, sed liberè producit. Libertas rursus non repugnat necessitati naturalis*

*inclinationis, aut necessitati quarto modo sumptæ, vt dicit Doctor sanctus in prima par. quæst. 82. articulo primo, ad 1. sed repugnat necessitati coactionis. Enim vbi ipsam generationem Verbi Diuini propter immunitatem à coactione, liberam appellat. Ex hoc verò manifestè colligo, quando propter eandem rationem, liberam dicit productionem Spiritus Sancti, ipsum nomine libertatis, non intelligere veram libertatem, de qua nos disputamus, nempe illam quæ dicitur esse propria voluntati: si namque per hoc, quod est voluntatem non cogi in illa spiratione, veram & propriam voluntatis libertatem intelligeret; non utiq; propter idem actum intellectus, qualis est generatio Verbi, liberum diceret. Solum ergo actus illos liberos affirmat, in aliquo sensu, secundum quod liberum sumitur pro non coacto, non verò secundum quod sumitur pro vera libertate, quæ soli voluntati peculiaris est & propria.*

Hæc de mente Flandrensis sufficiant: & ad Caietanum properemus qui non solum dogmati tuo contradicit, sed & arma tua ptoria confringit euidenter. Nonne præcipuus ensis, quem non semel sed iteratò contra nos vibras, est locus iste Sancti Thomæ 1. p. q. 82. art. 1. ad 1. *Quod verbum Augustini est intelligendum de necessario necessitate coactionis, necessitas autem naturalis, non aufert libertatem voluntatis, vt ipsemet in eodem libro dicit?* Sed audi quid ad hunc locum notet Caietanus. In responsione ad 1. (inquit) nota, quod cum dicitur, necessitas naturalis non aufert libertatem, potest bene & malè intelligi. Malè quidè si intelligatur, quod necessitas naturalis tam obiectiue quàm elicitiue (id est quoad specificationem & exercitiū, vt nos disputamus) stat cum libertate illius actus. Hoc enim nō est intelligibile: bene

In The.  
1. 2. c. 21  
§. Hæc v  
rō necessi  
tatem.  
Et ali  
bi.



bene verò, si intelligatur quod naturalis necessitas actus quoad specificationem seu obiectivè, non aufert libertatem eiusdem: quia stat quòd liberè elicitur. En ubi (vt dixi) acutissimus Thomistarum ensem tuum præcipuum confringit; dum ex eodem loco, in quo opinionem tuam fundare niteris; in intelligibilem vocat primam illam partem, qua dicis, necessitatem naturalem quoad specificationem & exercitium, stare cum libertate eiusdem actus.

Imo si placet, inspicere & alium locum, & appellat opinionem tuam falsam. Disputans namque in eadem 1. parte. q. 41. articulo 2. contra Scotum asserentem Spiritum Sanctum procedere liberè (sicut & tu asseris) sic satur: §. Adverte 2. in fine paragraphi. Et per hoc patet (inquit) responsio ad confirmationes. Supponunt enim libertatem esse compossibilem necessitati simpliciter alicuius actus vt sic, quod vt in 9. Metaphysicæ patet, falsum est. Oportet enim libertatem esse respectu alicuius oppositionis. Ergo ex mente Caietani prima pars tuæ opinionis, sicut in intelligibis, ita & falsa est. Tu asseris libertatem compati in actu simpliciter necessario & vt sic, qualis est productio Spiritus Sancti, & Caietanus testimonio non solum proprio, sed etiam Philosophi, asserit hoc falsum esse.

Si dixeris, libertatem illam Philosophicam te parum curare; proferat hoc dictum tuum & nos minis curamus. Vt namque gravissimè & prudentissimè noster Aquinas, secutus consilium magni Augustini: Mibi videtur tutius esse, vt hac quæ Philosophi communes senserunt, & nostra Fidei non repugnant, neque sic esse asserenda, vt dogmata Fidei, licet aliquando sub nomine Philosophorum introducantur, neque sic esse neganda, tamquam Fidei contraria, ne sapientibus huius, mundi,

contemnendi doctrinam Fidei occasio præbeatur. Hæc Aquinas opusculo 10. Et considera huiusmodi, Vincenti, vt discas utique Philosophi sapientiam non contemnere, sed potius Theologica modestia, vt par est, venerari.

Prodeat iterum Caietanus. Vide quid habeat 1. p. q. 22. art. 4. §. in responsione ad 1. Expressissimè docet infallibilitatem Divinæ Providentiæ compati cum natura causæ liberæ, eò quia huiusmodi infallibilitas nihil dat vel aufert causæ ad vtrumlibet, sed cum ipsa fiat, quòd causa habeat potentiam indifferentem ad illud infallibile & eius oppositum. At si sentiret, sicut tu sentis essentialem rationem causæ liberæ saluari absque potentia indifferente, frustrà pro illa saluanda, ad indifferentiam confugisset: ergo apertissimè contra te sentit Caietanus, videlicet indifferentiam seu potestatem ad oppositum esse de conceptu essentiali causæ liberè operantis, ita vt ista non saluata, non saluetur essentialis huius.

Et quid quæso de secunda parte, qua longè ineptius affirmas similem indifferentiam non requiri nec ad rationem meriti? Audi iterum quid dicat in priori illo loco ex questione 82. explicando solutionem ad 3. eiusdem articuli primi, ubi Sanctus Thomas dixerat: Quòd appetitus ultimus finis, non est de his quorum dominus sumus: prosequitur acutissimus Thomista sic. In responsione ad 3. recolito, quòd quemadmodum beatitudinis appetitus est naturalis obiectivè, ita non est in potestate nostra obiectivè, & quemadmodum est liber elicivitè, ita est in potestate nostra elicivitè: vnde appetendo beatitudinem in communi, non meremur ratione obiecti, sed ratione actus elicit. Quia nimirum exercitium illius possumus ponere, & non ponere, licet obiectum non possumus respicere.

Nonne apertissimè hic fatetur, meritum non competere illi appetitui pro ea parte, qua est necessarius; sed solum pro ea qua est in potestate appetentis, illum clicere, & non clicere?

Cur ergo, Vincenti, clamore tuo Scholam Thomisticam perturbare non cessas? Non percepisti, quid singuli contra te dicant? Quid Albertus Magnus? Quid Innocentius Quintus? Quid Hercules? Quid Petrus de Palude? Quid Armandus? Quid Holkothius? Quid Antonius? Quid Raynerius Pisanus? Quid Capreolus? Quid Soncinas? Quid denique Flandrensis, & Caietanus? Sed scenam adhuc cohibere non possum. Superfuit ex Antiquioribus Ferrara, Conradus, Iauellus, Deza Hispalensis: & si eorum quoque placita audire non pigeat; nec commemorare vtiq; pigebit.

## CAPVT IX.

*Adducuntur contra Vincentium Ferrara & Conradus.*

**I**N scenam ergo pariter descendant Franciscus Ferrara, & Conradus, Thomistæ omni exceptione maiores.

Primus 3. contra gentes cap. 89. *Sed secundum etiam patet, utramque tui dogmatis partem, disertissimis verbis destruit. Non est inconueniens (inquit) voluntatem non esse liberam, & dominam respectu omnium suorum actuum. Ad actus enim, ad quos naturaliter, & necessariò inclinatur à Deo, non habet libertatem, in quantum naturales sunt, & necessarij. En primam partem funditus destructam, qua tu Vincenti asseris, etiam ad illos actus prout sic, libertatem habere. Et de-*

*inde prosequitur, & secundum illos ut sic, non meretur nec demeretur. En alteram quoque partem de sufficientia ad meritum & demeritum eadem perspicuitate reprobata.*

Scio eundem cap. 62. §. ad 2. *Negatur minor, & alibi docere, quod necessitas naturalis inclinationis libertati non repugnat; sed expressè addit; libertati non repugnat, qua aliquis à coactione est liber. Si ergo sic restringit, signum est, quòd iudicat libertatem, quæ cum tali necessitate compatitur, non esse propriè & absolutè libertatem. Vnde in fine illius capituli absolutè; & sine restrictione loquens, negat talem actum liberum esse. Non repugnat (inquit) quòd circa Deum, ut visione beatifica cognitum, non sit libera voluntas; sed determinata. Et rursus 2. contra gentes cap. 23. §. Sed occurrit hoc loco dubium; respondetur (ait) quòd licet Filius procedat per modum nature, & Spiritus Sanctus per modum voluntatis; non tamen hoc est intelligendum, quasi Filius naturaliter ac necessariò producat; Spiritus autem Sanctus voluntariè & liberè, ita enim produciuntur naturaliter Spiritus Sanctus sicut Filius, sed quia Filius procedit processione nò praeexigente aliam processionem, qui est modus nature, Spiritus Sanctus autem procedit processione, quæ aliam processionem presupponit, qui est modus voluntatis. Quibus in locis, absolutè omnino, & sine ullo addito, negat actum amoris beatifici, & actum spirationis liberum esse: quasi non tanti faciens libertatem à coactione, ut ratione illius, titulum libertatis, absolutè mereantur actus huiusmodi.*

Consequenter ad ista docet 1. contra gentes cap. 88. in fine, quod actus necessarij Diuinæ voluntatis, necessarij (inquam) quoad substantiam & quoad terminationem, ad obiectum, non subsunt libertati Dei. Cuiusmodi sunt productio Spi-

Spiritus Sancti & amor suæ bonitatis. Verba eius sunt sequentia. *Advertendum, cum dicitur, Deum esse maxime dominum suorum actuum, quod hoc intelligitur, non quoad substantiam actus, cum actus ita sit sibi naturalis, sicut essentia; sed intelligitur quoad terminationem ad obiecta. Quod enim hanc & illam creaturam producat, est in libertate Dei: ipsa tamen substantia productionis actiua est sibi à natura & non subest libertati. Ex quibus sic arguuntur. Secundum Ferrariensem, actus quo Deus creaturas producit, subest libertati Dei, quoad terminationem ad obiecta, non tamen quoad substantiam: quia substantia seu entitas actus est naturalis & necessaria. Ergo quando ipsa etiam terminatio ad obiectum est naturalis & necessaria, ut contingit in productione Spiritus Sancti & amore sui, sentit nulla ratione talem actum subesse libertati. Quid euidentiùs? Quid Vincentiano dogmati magis repugnans?*

Sed perpendamus & alium locum ex Secundo contra gentes cap. 48. §. *Advertendum 2. & manifestius adhuc apparebit, quod immunitatem à coactione solum vocet libertatem secundum quid. Explicans ibidem illam propositionem Divi Thomæ, animalia irrationalia sunt quodammodo liberi quidem motus siue actionis, non autem liberi iudicii, sic fateri. Irrationalia esse liberi motus, aliud est, quam sibi ipsis esse causam motus: ita scilicet quod ipsa se ipsa moveant ad determinatum finem, non autem ab extrinseco tantum moveantur tanquam à principali mouente: sicut quæ à natura moventur & quæ moventur per violentiam. Sed tamen quia moveri simpliciter liberè, est habere in potestate sua moveri, & non moveri, quod brutis non convenit, nõ aicit absolute Sanctus Thomas, quod sint liberi motus, sed addit, quodammodo, quasi dicat, sunt liberi*

*motus secundum quid, non autem simpliciter. Non percipis hic Vincenti, quod ad moveri simpliciter liberè, requirat Ferrara, habere in potestate sua moveri & non moveri, taliter ut motum absque illa indifferentia elicitum, iudicet solum liberum secundum quid, videlicet quia non est coactus, nec violentus, nec tantum ab alio ut à causa principali? Ergo cum in actibus omnino necessariis, voluntas non habet in sua potestate moveri & non moveri, sed tantum sint huiusmodi actus non coacti seu non violenti, nec tantum ab alio ut à causa principali; sentit clarissime, voluntatem in illis actibus non moveri liberè simpliciter, sed tantum secundum quid, quatenus scilicet non coactè, nec violentè in illis monetur, nec solum ab alio ut à causa principali, sicut inanimata. Hæc sole clariora, sunt Vincenti, ita ut nisi tenebricosus Genius possit contraniti.*

Scenam iam exornet profundissimus Magister Conradus. De actu voluntatis necessario & elicitio sine potestate ad oppositum cum determinatione ad unum, quantumvis spontaneus & non coactus sit, taliter loquitur, ut non solum nomen libertatis ipsi non dignetur, sed expressissime libertati opponat. Nam 1. 2. q. 1 ad Articulum illum quartum, *verum voluntas de necessitate moveatur ab exteriori motivo quod est Deus? sic fatur. Adverte pro intellectu quesiti, quod non capitur hic necessarium pro necessitate coactionis: patet enim supra, quod voluntas cogi nõ potest; sed capitur necessarium, ut opponitur libero. Et sensus est, an Deus moueat voluntatē vniuersaliter determinando ad unum, sic quod non possit in oppositum. Vide qualiter hoc quod est moveri necessario seu cum determinatione ad unum, & absque potestate ad oppositum, expressissime motioni liberæ contraponat.*

Vnde & ibidem Art. 3. parum ante Argumentum sed contra, dicit, ubi iudicium practicum non est liberum, sed determinatum ad vnum, sicut respectu ultimi finis, ibi nec voluntas est libera. Et iterum art. 1. ad 3. natura ut sic determinata est ad vnum: si quid tamen sit, non solum natura sed cum hoc libera natura, in quantum liberum est, non erit determinatum ad vnum, imò habet se ad opposita. Quid manifestius? Liberè moueri condistinguit contra id quod est moueri, non solum necessariò necessitate coactionis, sed etiam contra id quod est moueri necessariò, necessitate determinationis ad vnum seu absq; potestate ad oppositum.

Et si quæras de altera parte quantum ad meritum; resolutissimè respondet q. 114. art. 3. in explicatione corporis, oportet quod ad opus meritorium concurrat liberum Arbitrium. Liberum autem arbitrium plusquam centies appellat voluntatem prout est potestas ad opposita. Sentit ergo ad rationem meriti, libertatem indifferentiæ requiri, & non sufficere illam tuam, quæ omnem etiam indifferentiam excludit.

Sed non prætereamus nitidam illam propositionem, quam habet in eadem Prima Secundæ q. 1. art. 1. notabili 3. Magister Conrado dic, quæso te, quando agit homo actionem liberam? Sic respondet loco citato. Tunc homo agit actionem humanam liberam, quando ad eam habet absolutè indifferentiam: sic quod potest eam agere & non agere: & potest velle & agere hoc vel illud. Me hercle, est ne hoc dicere sicut dicit Vincentius, quod etiam tunc homo agit actionem liberam, quando ad eam nullam habet indifferentiam, sic quod non possit eam non agere?

Verius apparet, quod Cælo sidera desint  
Quàm quod Conradi consonet hoc Genio.

## CAPVT X.

Adducuntur contra Vincentium Iauellus & Deza Hispalensis.

**V**ix possum scenam cohibere: prodeant alij duo, & primo loco Chrysostomus Iauellus, Philosophus & Theologus inter Thomistas eruditissimus. De casu nostro nil ex ore ipsius audies, quod non sit contra te. In primis lib. 12. Metaphisicæ q. 1. §. Quantum ad Deum, fatur sic. Deus tantum bonitatem suam vult de necessitate naturæ: quæcumque autem extra se non necessariò, sed merè liberè vult & agit. Ecce modum agendi merè seu verè liberè contrapositum modo, quo Deus de necessitate naturæ amat suam bonitatem; sentit ergo modum illum non esse merè seu propriè liberum.

Rursus pondero locum quendam, 9. Metaphisicæ q. 4. §. Quantum ad 2. aduerte. Volens ibidem tradere conditiones requisitas ad rationem potentie rationalis seu liberæ; sequenti stylo eas exprimit. *Aduerte, quod completa potentia rationalis & libera libertate contradictionis, de qua hic propriè intendimus, prout scilicet potest in opposita contrariè vel contradictoriè, quatuor conditiones requirit. Primò quod non possit cogi: liberum enim posse cogi, est liberum non esse liberum. Secundo, quod non necessitetur absoluta necessitate.... Vnde voluntas respectu summi boni non est potentia libera, libertate in opposita &c.* Pondero in isto loco, id quod fortassis alicui videbitur contrarijs fauere: dum namque restringit de potentia libera libertate contradictionis, manifestè supponit dari aliam libertatem præter illam quæ est in opposita, quod contrarij prætendunt, Deinde cum subiungit, quod

quod voluntas respectu summi boni non est potentia libera libertate inopposita; iterum supponit idem; nimirum esse liberam altera quadam libertate; quam contrarij vocant essentiali. Ergo hic potius Vincentio fauet, quam obstat.

Nihilominus hoc concedere, omnino renuo. Et noto præcise quod post restrictionem illam, de potentia libera libertate contradictionis, immediate addiderit verba ista, de qua hic propriè intendimus: quibus apertè fateatur, se alteram illam libertatem propriè non intendere; quando de libertate hominis agit: quasi nulla alia, apud ipsum verè & propriè hominis libertas sit, quàm illa quæ est contradictionis seu ad opposita. Igitur Vincentio obest, non fauet.

Sed attentius consideremus, id quod eodem libro q. 1. §. Præterea ad oppositum scripsit contra Iandunum: qui defendebat iuxta sententiam Commentatoris; quod nihil est possibile, quin aliquando erit. Contra huiusmodi ingenij hominem, sic argumentatur eruditissimus Thomista. Si nihil est possibile, quin erit; ergo nulla est potentia rationalis & libera: quod est contra Philosophum 9. Metaphysicæ textu 3. Consequentia probatur. Liberum est, quod potest agere & non agere contrariè vel contradictoriè: sed si nihil est possibile, quin erit; omne agens de necessitate agat quicquid potest agere; ergo nullum erit agens liberum.

Ecce Vincenti, si doctrina tua vera est; consequentia huius Thomistæ nulla erit: poterit enim ad illam responderi, quod agens liberum non dicitur liberum, quia possit agere & non agere, sed quia agit ex ratione, licet alias agat absque potestate ad oppositum. Et reuera sic respondet de facto Iandunus. Audi quid Iauellus subiungat. Huic (inquit) rationi respondens Iandunus, de-

ducit se ad hoc, quod agens liberum non dicitur liberum, quia possit in opposita, sed quia agit secundum rationem & gratia sui, dato quod non habeat potentiam non agendi. En tuam propriam solutionem. Ergo doctrina tua non Thomistarum est, sed cuiusdam Ianduni vix in Scholis cogniti.

Sed rursus audi, quid Iauellus contra illam. Non aduertit (inquit) Iandunus, quod sic dicens, sciat libertatem oppositam coactioni sine violentia, non autem libertatem contradictionis, quæ potest agens in opposita pro eodem instanti: quam libertatem expressè posuit Philosophus in 9. Metaphysicæ textu 1. &c. .... Patet ergo quod apud Philosophum non dicitur potentia libera solùm, quia agit gratia sui sed quia potest in opposita. Unde Iandunus sic respondens, contradicit Philosopho. Hæc Thomista noster contra Iandunum, & ego eadem contra Vincentium. Vincentius sic respondens, videlicet sufficere ad libertatem veram agentis liberi, hoc quod est agere secundum rationem & gratia sui, contradicit Philosopho.

Nec valet dicere, quod non contradicit: cum admittat præter libertatem à coactione, etiam libertatem contradictionis; licet eam vocet accidentalem.

Non inquam valet, nam licet verbis admittat, re tamen ipsa negat. Vera enim libertas contradictionis, est potestas ad opposita pro eodem instanti, vt Iauellus hic ex Philosopho supponit: quam tamen potestatem sub motione efficaci primæ causæ Vincentius negat, vt supra cap. 2. annotauimus, & infra latius patebit.

Iauello adiungamus Illustrissimum Archiepiscopum Hispalensem Didacum de Deza. Tanta quoque luce, tantaque euidentiâ Vincentiani dogmatis tenebras dissipat, vt nullo pacto ad conspectum.

eius queant subsistere.

Lege ipsum in 2. Dist. 24. q. 1. art. 4. §. Dicitur 2. ad Argumenta; & inuenies ibidem ad 3. hunc clarissimum discursum. Licet intellectus determinet voluntatem suo iudicio, quo indicat ali- quid esse bonum vel melius; hoc est, quia voluntas vult ad eius iudicium determi- nari: nam potest non se determinare ad illud, suspendendo actum suum, & ideo voluntas propriè & formaliter est libera & domina sui actus. Fige aciem Vin- centi in causalem illam, & videbis qua ratione voluntas sit propriè seu verè libera. Ideo (inquit) est propriè libera & domina sui actus; quia determinando se ad iudicium intel- lectus, potest non se determinare ad illud. Estne hoc (sicut tu som- nias) quòd etiam est propriè libe- ra, quando iudicium intellectus se- quitur de necessitate, & non potest non se ad illud determinare? Si quis tibi diceret, ideo homo est propriè risibilis, quia est rationalis: & tu responderes, etiam est propriè risi- bilis, quamuis non sit rationalis; nunquid sic respondens, ex diame- tro cum tali dicente pugnares? Pug- nas ergo pari lege cum nostro Archiepiscopo. Ille tibi dicit, ideo vo- luntas est propriè libera, quia po- test se ad iudicium intellectus deter- minare & non determinare; & tu respondes, etiam est propriè libe- ra, licet non possit se cum tali indif- ferentia determinare. Non con- funderis, non hæsitas, non respi- cis?

Lege & in eodem Secundo Dist. 4. q. 1. art. 4. §. Ad argumenta contra 2. partem primæ conclusionis. Ibidem ad 3. sic iterum fatetur. Libertas voluntatis non consistit in posse velle aut agere bonum, & posse velle aut agere malum: nam posse malum, defectus potentie est & libertatis.... Vera autem libertas stat in posse agere, vel non agere, & in posse

agere hoc vel illud bonum. Non audis hic, quod vera libertas consistit, seu stat in indifferentia agendi & non agendi? Quid ergo veram libertatem imaginaris absque tali indifferentia? Quid (inquam) imaginationes has nostris Thomistis affingis?

Iterum in 4. Dist. 49. q. 3. art. 3. §. Septimò notandum: voluntas (inquit) non dicitur propriè loquendo, domina sui actus secundum quòd est natura, sed secundum quòd est voluntas. Nota in via Diui Thomæ, quòd voluntas consi- deratur, vt natura præcisè respectu actuum necessariorum, quos elicit sine potestate ad oppositum: consi- deratur verò vt voluntas respectu ac- tuum, quos potest elicere, & non eli- cere. Hoc ex professo ostendetur in- fra libro secundo, capite quinto. Di- cit ergo loco citato noster Deza, quòd voluntas secundum quòd est, natura, nempe respectu actuum ne- cessariorum, non dicitur propriè lo- quendo, domina sui actus. Nunquid hoc idem est, ac dicere, quòd respec- tu similibus actuum, propriè lo- quendo, non est libera? Volunta- tem esse liberam, & esse dominam sui actus per temet Vincenti, vnum & idem est. Ergo si asserit, respectu talium actuum non esse propriè do- minam, sentit quoque non esse propriè liberam. Nulla igitur secundum mentem eius est in huiusmodi acti- bus libertas, quæ verè & propriè li- bertas dici debeat.

Vnde consequenter ad ista, in Primo, Dist. 45. q. 1. art. 3. §. 3. No- tandum; expresse condistinxit actus illos necessarios contra liberos his verbis. *Diuina voluntas sicut in propriū & per se obiectum, quod est Diuina boni- tas, & per consequens in omne quod Deus est, necessariò tendit necessitate absolu- ta, ita & ad illud necessitate absoluta & naturali determinata est.* En- actus necessarios Diuinæ voluntatis.

In The-  
riaca l.  
1. c. 21.  
§. Et ya.  
mò ibid.



*Ad omnia autem volita alia à se, liberè & non necessariò se determinat, sicut & in illa non necessariò tendit volendo, sed liberè. En illos condistinctos contra actus liberos. Quis ergo, si fingendi non quærat licentia, audebit Thomistam hunc ad partes Vincen- tianas trahere?*

Imo in eodem Primo, Dist. 6. q. 1. art. 4. ad 9. vocans Processionem Spi- ritus Sancti, & generationem Verbi Diuini, actus liberos, expressè ap- posuit particulare additum, seu limi- tationem quandam, ne quis eos ab- solutè seu propriè liberos putaret. Accipe formalia verba, & acquiesce. *Pater, & Filius naturaliter & liberè producunt Spiritum Sanctum; & Pater naturaliter, & liberè producit Filium, accipiendo (inquit) liberè, pro vt ex- cludit violentiam vel coactionem. Non vides, Vincenti, additum? Non vides limitationem? Quod si sic limitat; quid ex mente eius in productione Spiritus Sancti absolutè & simplici- ter libertatem deprædicat? Et cer- tè si eandem cum ipso mentem ha- beres; cur libertatem quoque gene- rationi Verbi non attribuis, sicut ip- se? Hoc posterius nec in tua Thieria- ca, nec in epistolis tuis Prodomis vsquam legi. Adscribis quidem li- bertatem productioni Spiritus San- cti, minime tamen generationi Ver- bi. Ergo libertas tua essentialis, aliud quid est ab illa, quam Thomistæ in- spiratione admittunt. Si namque eadem esset; utique & illam genera- tionis Verbi tribueres; sicut & Tho- mistæ tribuunt. Diuersa igitur est, & toto cælo diuersa: consistitque di- uersitas in hoc, quod Thomistæ per liberè spirare, nil aliud volunt, quam spirare sine coactione: cumque ista libertas à coactione etiam inuenia- tur in generatione Verbi, ideo di- cunt, Patrem liberè generare, id est non coactè: tu verò cum per liberè*

*spirare, intelligas aliquam liberta- tem, præter illam quæ est à coactio- ne; quam voluntati etiam necessariò operanti tribuis, non intellectu; ma- nifestè contra mentem Thomista- rum fingere comprobabis.*

Sed quid caput frangimus in re- tam evidenti? Veniamus ad alteram partem de merito, & vnus locus, isq; clarissimus pro mille sufficiet. Vin- centius docet (vt iam toties repeti) voluntatem in actu necessario non solum esse verè & propriè liberam, sed insuper illo posse mereri. Tu ve- ro lector audi Thomistam nostrum, de hac materia disseretem, in 2. Dist. 4. qu. 1. art. 3. §. Notandum. Coactus sustinere, qualiter Angeli in primo instanti suæ creationis mereri potue- rint, non obstante quod illa prima operatio fuerit à Deo auctore natu- ræ & minime flexibilis ad malum. licet (inquit) voluntas Angeli in pri- mo instanti non potuerit velle malum; potuit tamen velle alterum bonum, & velle & non velle id ipsum bonum, quod voluit: & potuit illud amare sic vel ali- ter secundum plures rationes & circum- stantias quibus amabile est: ratione cu- ius libertatem & dominium habuit ac electionem sui actus, ac per hoc potius illi esse meritorius. Potestne quid ex- pressius contra Vincentij fiditiam libertatem excogitari? Nonne ad indifferentiam agendi & non agen- di recurrit, vt meriti rationem in- primo actu Angeli saluet? Profecto si in actu quoque necessario eam salu- nari sentiret, ad quid sic recurreret? Cur non diceret cum Vincentio, ac- tum illum esse à voluntate ex præ- uio iudicio intellectus, & hoc ad me- riti rationem sufficere, etiam absque omni indifferentia?

Hac de causa in 4. Dist. 4. art. 3. §. 5. Notandum; expressè negat meri- torium esse amorem, quo quis natu- raliter amat seipsum, aut bonam ali- quod

quod ad quod ex sui natura inclinatur. Quia ille amor, cum sit naturalis, caret pro ea parte omni indifferentia, nec potest sic vel aliter esse, & ex consequenti incapax est meriti & demeriti: iuxta illud; *naturalibus non meremur*. Notat autem pro huius intelligentia, quod amare seipsum contingit tripliciter. Vno modo secundum suam substantiam & naturam, & perfectiones naturam, consequentes: & iste amor (inquit) est communis & naturalis omnibus hominibus. Alio modo amare seipsum contingit secundum meliorem & principaliorem partem sui, quæ est interior homo seu pars rationalis. Tertio modo contingit amare seipsum secundum partem carnalem & sensitivam. Quo prænotato, dicendum (inquit) quod amare seipsum primo modo amoris, simpliciter & absolute non est meritorium: quia naturaliter inest unicuique talis amor. Sed amare seipsum quantum ad aliqua specialia, scilicet sub Deo & propter Deum & ad obsequium Dei, est meritorium adiuncta gratia: eo quod ad ista specialia, non inest amor sui naturaliter, sed ista determinantur per rationem & discretionem hominis: unde volendo id quod quis naturaliter vult, non est meritorium vel demeritorium secundum se: sed volendo id quod naturaliter vult secundum specialem determinationem, quia nempe prout sic formaliter, admittit indifferentiam penes sic vel aliter posse amare, vel non amare, quam tamen non admittit, prout secundum se est naturalis. Hoc certe est apertissimis verbis fateri, ad meritum & demeritum requiri libertatem indifferentiam.

Sed libet in fauorem Vincentij obijcere, nam idem auctor in Secundo, dist. 25. art. 3 §. *Quarè notandum*; sic habet. *Ad primum actum voluntatis, quo voluntas incipit velle, cum prius*

*non vellet; voluntas non mouet seipsam libero arbitrio, licet bene liberè*. Ergo hic quantum ad primam partem de libertate, videtur cum Vincentio conuenire, nempe dari aliquem actum verè liberum, qui tamen non sit liberi arbitrij; seu quod idem est, elicited cum indifferentia.

Respondeo, quod neque in hoc Vincentio fauet. Nam in verbis quæ immediate ad istum locum præmiserat, sufficienter se explicat, in quo sensu actum illum vocet liberum, nempe quia non coactus. Accipe verba, & simul mentem. *Huiusmodi motus voluntatis (scilicet primus) simul est naturalis & voluntarius ac liber*. Non secundum quod voluntarium distinguitur contra naturale, quod scilicet est in potestate voluntatis, quod sit, vel non sit: neque secundum quod liberè denominatur à libero arbitrio: sed secundum quod voluntariè dicitur, quod est à voluntate, & liberum à libertate, quæ solam coactionem excludit. Igitur illud primum actum voluntatis, licet naturalis & necessarius sit, solum vocat voluntarium, quia est actus voluntatis; & liberum, quia est liber à coactione: quod nec nos inficiamur cum per hoc non habeatur, dari aliquam veram libertatem voluntati propriam, absque omni prorsus indifferentia: vt Vincentius contendit. Dari actum voluntatis necessarium, & liberum, id est non coactum; quis hoc neget? Sed quod sola immunitas à coactione non constituat actum in ratione verè liberi, prout libertas dicitur esse proprietas voluntatis, sicut nos disputamus; etiam ex eo patet, quod talis immunitas pari lege inueniatur in generatione Verbi æterni, cui tamen ipse Vincentius veram libertatem tribuere non audet.



## CAPVT XI.

*Adducuntur contra Vincentium Ioannes de Neapoli, & Dominicus Soto.*

**S**cenam concludo, Vincenti, commemorando adhuc duos alios, nempe Ioannem de Neapoli, & Dominicum Soto. Prior ex Antiquioribus quoque nostris Scholaris; sed posterior Princeps illorum est, qui temporibus nostris viciniores existunt: ut sic videas tam modernorum, quam antiquorum Thomistarum, non nisi eandem esse hac in parte doctrinam.

Ioannes igitur de Neapoli Thomista laudatissimus, his verbis tibi manifestissime opponitur. *Libertas* (inquit quaestione 14. puncto quinto §. *Ad primam ergo rationem*) importat indifferentiam quandam voluntatis ad volendum diuersa seu opposita: qua quidem opposita seu diuersa, voluntas velle non posset, nisi indifferenter ab intellectu apprehendi posset, ut bona: propter quod in brutis, in quibus iudicium est determinatum ad vnum volendum, quod apprehenditur ut bonum, non est libertas. Ecce qualiter libertas ex mente huius Doctoris, indifferentiam claudat, tam ex parte voluntatis, quam ex parte intellectus: deinde, quia bruta simili indifferentia carent; libertate quoque carere asserit. Estne in his vel vllum tuæ opinionis vestigium?

Sed fortè dices, tibi patrocinari, quia alio in loco, nempe quaest. septima puncto tertio ad Quintum, volens ostendere qualiter amor beatificus sit actus liber, dixit, quod non est contra rationem actus liberi, nec contra eius nobilitatem, quod sit actus necessarius.

Respondeo, iam hoc saepius solutum esse. Vocat namque actum illum liberum, non in alio sensu, quam quia non coactus: & actui sic libero, necessitas profectò non repugnat. Vnde & quaest. 30. puncto tertio §. 3. *Opinio*, prope finem admisit in illo sensu liberos esse actus generationis & spirationis in Diuinis. In neutra emanatione diuina (inquit) est necessitas coactionis..... & ita vna emanatio est libera sicut alia. In hoc ergo munimè patrocinator.

Sed vide iam in Dominico Soto, modernorum Thomistarum Principe, eandem cum tota antiquitate consonantiam. Et certè non alium ex modernis proferam vterius; ne hac mea prolixitate (ad quam cogis Vincenti) diutius Lectorem obtundam. Perpende igitur diligenter, quid doceat circa conditiones meriti, & conspicias, (si oculus ophthalmia non laborat) non à te, sed contra te pugnare. Prima (inquit libr. 3. de natura & gratia, capit. septimo prope medium) conditio est, quod sit opus liberum, nam absque libertate, quemadmodum opus nec virtus, nec vitium, ita neque est meritum vel demeritum. Quapropter Theologi qui cogitant, in naturalibus meritum esse posse, naturam eius ignorant. Et quod loquatur de libertate, prout dicit potestatem indifferentiæ: & similiter sub nomine naturalium comprehendat actum amoris beatifici, ita ut sic etiam te dicat naturam meriti ignorare, patet manifestissime.

Primum quidem, ex probatione, quam adducit: nam mereri (inquit) est aliqui dare alteri, & conferre in bonum ipsius, nemo verò dat, nisi illud cuius est Dominus, sumus autem Domini nostrarum actionum per liberum arbitrium: per quod scilicet (ut libr. 1. cap. 15. prope medium præmiserat) homo habet intellectum ratiocinatum in

vttram-

vtramque partem & eadem ratione voluntatem que in neutram sit determinata, sed in alterutram libera. Ecce ergo loquitur de libertate prout dicit potestatem indifferentiam; & hanc prout sic, dicit ad meritum requiri.

Secundum etiam, quod nomine naturalium, quæ defectu libertatis, incapacia meriti esse dicit, comprehendat pariter amorem beatificum; patet non minus evidenter. Nam cum sibi lib. 3. obieciſſet, quod dilectio Dei naturaliter conſequebatur in Christo viſionem beatificam, & tamen videtur fuiſſe meritoria; hoc argumentum (inquit) diluitur hac Diſtinctione. Carentia libertatis triplex eſt. Alia ex natura ſubiecti, quæ potiùs eſt negatio, quàm privatio: qualis eſt in brutis, & opera huiusmodi libertatis expertia, nec bona ſunt nec mala, atque adeo nec laude nec vituperio digna. Secunda eſt carentia libertatis ad malum, & hæc duplex, quodam quodammodo naturalis, qualis eſt in Beatis: ex illo enim inſeſſabili intuitu Dei, naturali conſequentia ſequitur amor, qui natura ſua excludit omnem poſſibilitatem præve agendi: quamvis in hoc ſenſu liberè amant, quod ex voluntate Deo inſixa hoc faciunt; & ideo opera illorum licet optima ſint, & non ſolum laude ſed honore etiam digna, nullo tamen pacto ſunt merita. Atque idem parique ratione conſendum eſt de dilectione beatifica Chriſti: haud enim nunquam crediderim, illam fuiſſe meritoriam in Chriſto: ſed merebatur per dilectionem quæ non habebat tamquam viator & per opera exinde procedentia. Quid iterum evidētius? Negat apertiffimè amorem beatificum libertatem habere ſufficientem ad meritum: quia modo quodam naturali, ſeu cum determinatione ad vnum, elicitur: licet concedat in hoc ſenſu liberum eſſe, quod ex voluntate Deo inſixa fiat.

Nec dixeris in hoc ſecundo pri-

mam ſaltem opinionis tuæ partem iuari; ſi quidem aſſerit liberum eſſe, licet non ſufficienter ad meritum.

Ne (inquam) hoc dixeris; nam reuera & in hoc quoque tibi contrariatur. Non enim dicit abſolutè & ſimpliciter eſſe liberum ſeu habere eſſentialem arbitrij libertatem (vt tu multoties loqueris & inculcas) ſed potiùs cum addito, videlicet, *quamvis in hoc ſenſu liberè amant, quod ex voluntate Deo inſixa id faciunt*. Nota iſta verba, *quamvis in hoc ſenſu*, quaſi dicat, abſolutè & ſimpliciter liber non eſt, ſed tantum in hoc ſenſu, quod voluntariè fiat ſeu non coactè: quod certè, Vincenti, nec ego, nec vllus Theologorum tibi negabit. Eſt namque evidens, amorem illum eſſe liberum cum quodam addito, videlicet in hoc ſenſu, quod non eſt coactus ſed voluntarius: propter hoc tamen ſimpliciter liber dici non debet, tamquam eſſentialem arbitrij libertatem habens.

Et hanc eſſe mentem Sapientiſſimi huius Thomiſtæ, ex alijs, quæ habet primo de natura & gratia, c. 16. in principio, patere poteſt luculentius. Obiecerat ſibi ibidem contra libertatem voluntatis; hoc argumentum: aut enim ſumus liberi in huiusmodi actionibus ante momentum temporis quo nos Deus movet, aut præſente motione Dei: non ante, quia abſque Deo mouente moveri nequimus. Neque cum nos actu movet; quia non ſtat, ipſum nos mouere, quin vni moveamur, ſunt enim mouere & moveri, *ceu actio & paſſio correlatiua*. Ergo liberi nunquam ſumus.

Quid quaſo putas ab eo reſponderi? An nè idem quod à te? Vide licet ad veram libertatem ſufficere, quod quamvis voluntas ſub actuali Dei motione proximè expedita & inter vtrumque indifferens non permancat,

In Ep.  
Prodro  
12a ad  
Perau.  
pag. 12.

maneat, possit tamen se vertere in oppositum, excussa praesenti praedeterminatione, non ea retenta?

Certe sicut hoc risui est apud nostrates, ita nec intelligere nec credere se posse, fatetur Soto. Audi ergo responsum eius & ab errore tuo resipisce. Ad dissoluendum argumentum hoc (inquit) supponenda est diffinitio libertatis. Illa enim causa libera est, quae positis omnibus ad agendum requisitis potest & agere & non agere. Ecce ubi supponit causam absolute & simpliciter liberam, non esse nisi quae operatur cum indifferentia ad opposita. Sunt ergo (prosequitur) inter Scholasticos (& tu inter illos es, Vincenti) qui doceant, posito concursu Dei, non esse utrumque in potestate voluntatis scilicet agere & non agere, &c. hoc autem vel numquam intellexi vel numquam credam. Nam quamvis ille concursus sit praerequisitus, Nihilominus illo posito, tunc est etiam in facultate voluntatis agere & cessare; aliàs nullus dabitur requisitorum numerus, quibus positis voluntas possit agere & non agere, atque adeò neque erit libera. Nam ante diuinum concursum non potest agere, & quando ille adest (ut isti aiunt & tu, Vincenti) non potest non agere. Solutio ergo dubitationis est, quòd illo tunc temporis momento, quo Deus mecum concurrat, sum liber, ut tunc agere veniam: etenim dum liberè moueor, possum in sensu diuino non agere. Non (ut tu fominias) Excusamotione, sed illo tunc temporis momento, quo Deus mecum concurrat; ac proinde motione stante & posita, tunc etiam est facultas ad agendum & cessandum: quod & ex eo probat; quia aliàs potentia non erit libera. Sentit ergo apertissimè nullam veram libertatem voluntatis saluari in illis actibus, in quibus potius est essentia lissima repugnantia ad oppositum: ut precipuè videre est in actibus pro-

ductionis Spiritus Sancti & amoris, quo Deus seipsum amat, quos tamen tu aperto ore verè & absolute liberos esse fateris.

Agge itaque iam, Vincenti, & iacta omnes Thomistas tuos esse: absque dubio tui sunt, sed interemptores. Vel potius nobis edisere, quos aut quales tali honore digneris. Nonne iudicio tuo veri Thomistae habendi, quotquot hucusque recensui? Recensebo iterum, si placet. Primus in Scena fuit Albertus Magnus, secundus Innocentius Quintus seu Petrus à Tarantasia, tertius Herueus, quartus Petrus de Palude, quintus Armandus de Bello Visu, sextus Robertus Holkothius, septimus D. Antoninus, octauus Raynerius Pisanus, nonus Capreolus, decimus Soncinas, vndecimus Dominicus de Flandria, duodecimus Cardinalis Caietanus, decimustertius Ferrara, decimusquartus Conradus, decimusquintus Iauellus, decimussextus Deza Hispanensis, decimusseptimus Ioannes de Neapoli, postremus Dominicus Soto. Nonne omnes hi apud te in Catalogo sunt verorum Thomistarum? Vel forte solus ille, quem ut auxiliarem praeter ceteris ad signa tua vocas? Dicendo, pro omnibus prodeat resolutionissimus Durandus, qui praeter accidentalem, arbitry libertatem; aliam essentialem quam libertatem absolute sumptam appellat, in voluntate vt à libero arbitrio distinguitur, admittit.

Certe quamuis hunc tibi darem, non ideo verus aliquis Thomista, sed Thomisticus Apostata à te pugnaret. Praeterquam quòd nec tali te dignor honore, ut resolutionissimus ille à parte tua sit. Capite iam iam sequenti, id ipsum manifesto, ut omnibus numeris scena absoluta maneat.

In Epi-  
st Pro-  
droma  
ad Pe-  
tau.  
pag. 17.

## CAPVT XII.

*Adducuntur contra Vincentium Durandus, quem tamen præ ceteris sibi auxiliarem putat.*

**N**on diffiteor, Vincenti, Durandum in loco à te adducto affirmare, quod libertas absolutè sumpta & libertas arbitrii differunt: quia libertas absolutè sumpta est in plus quam libertas arbitrii. Quod & sic explicat. Nam cum libertas sit in omni natura intellectuali & in illa solum, natura autem intellectualis includat intellectum & voluntatem, ideo omnis actus ad quem concurrunt intellectus & voluntas, potest dici liber, etiam si non esset possibilitas ad oppositum actum. Libertas enim sic absolutè sumpta solum excludit à cognoscente & volente coactionem, quæ pertinet ad seruitutem absolutè & simpliciter. Libertas verò arbitrii est, qua quis potest in aliquem actum vel eius oppositum contrariè vel contradictoriè. Et sic libertas excludit non solum coactionem, sed omnem necessariam habitudinem, necessariam dico necessitate absoluta.

Non diffiteor (inquam) hæc à Durando dici, verum hoc tamen vicissim persuasum contendo, quod nomine libertatis absolutè sumptæ non intelligat illam tuam libertatem essentialem, sed aliam toto cælo diuersam; sicut & ceteri Thomistæ: ac proinde tuus non erit, sed contra te pugnans. Probo autem hoc assumptum ex Doctrina Durandi multipliciter.

Primò, quia libertas tua essentialis (vt iam pluries monui & vt in tua Theriaca doces) consistit in modo agendi, voluntati peculiari: vnde & nusquam affirmas, illam inueniri in actibus intellectus, vel saltē non

doces, illam inesse omni actui intellectus: qua etiam de causa apud te non inuenitur, quod generatio verbi Diuini, quæ est actus intellectus, sit libera libertate essentiali, quamuis passim id affirmes de inspiratione Spiritus Sancti, at libertas absolutè sumpta, de qua loquitur Durandus, non est peculiaris soli voluntati, sed reperitur etiam in omni actu ad quem concurrunt intellectus, ergo non est eadem libertas, illa tua essentialis, & illa de qua loquitur Durandus.

Secundò, quia libertas tua essentialis, etiam si non sit cum possibilitate ad oppositum, est sufficiens ad meritum: at libertas absolutè sumpta, de qua loquitur Durandus, si possibilitas ad oppositum non addit, non est ad meritum sufficiens. Ergo non est eadem. Discursus est in forma, & maior tua doctrina, minoremque probo patentissimè.

Primò quia Durandus in Secundo, Distinctione quinta questione, tertia ad Tertium expressè docet, quod vna ex conditionibus, ad meritum requisitis: *Et libertas operantis, vt operatio sit in potestate operantis; nihil autem est in potestate nostra: (inquit alio in loco) nisi actus nostri elicit, vel imperati à libero arbitrio.* Et rursus alio in loco, *Per liberum arbitrium intelligimus illud principium, per quod habemus dominium nostrorum actuum, sic quod in potestate habentis tale principium, est exire in actum, vel non exire, & exire in aliquem actum vel eius oppositum.* Sicut & in loco citato à Vincentio hic, ait, *Quod libertas arbitrii est, qua quis potest in aliquem actum vel eius oppositum contrariè vel contradictoriè.* Ergo de primo ad vltimum sentit libertatem requisitam ad meritum debere esse, cum possibilitate ad oppositum. Patet consequentia, quia docet meritum debere esse actum existentem in

In 2.  
dist. 25.  
q. 1. §.  
Tertium  
apparet.

Ibidem  
dist. 24.  
q. 1. circa  
medium.

potē-

In Theriaca lib. I.  
c. 10. in  
initio  
& c. 24.  
§ ad hanc  
artem.

potestate operantis, & deinde quòd nil in potestate nostra est, nisi sit à libero arbitrio, quòd rursus ait, non operari prout tale, absque potestate ad oppositum, ergo exigit ad meritum libertatem arbitrij, seu illam, quæ est cum possibilitate ad oppositum. Maxime cum in Secundo Dist. 24. questione tertia, conclusione secunda expressè resoluat de possibilitate ad oppositum, quòd illa sola dicitur libertas arbitrij.

Secundò manifestè id ipsum ostèdo ex quadam solutione, quam in Quarto, Dist. 49. questione octava, adhibet huic argumento. Meritum non consistit in actu necessario, sed aliqui merentur appetendo beatitudinem, ergo eam non appetunt saltem necessario. Ad hoc respondet Durandus, præmittendo prius, quòd beatitudo potest accipi vel in speciali pro eo in quo verè consistit, sicut est visio Divinæ essentiae, vel potest accipi secundum communem & generalem rationem beatitudinis, quæ est bene se habere & carere malo. Si beatitudo (inquit) accipitur in speciali pro eo in quo verè consistit, sic voluntas viatoris non necessario vult beatitudinem, sed potest non velle negatiuè, & etiam nolle: si autem accipiat beatitudo secundum generalem rationem beatitudinis, hoc modo omnes volunt beatitudinem, &c. Quo præmisso sic respondet ad argumentum. Ad tertium patet, quòd beatitudinem in particulari, quantum ad id in quo verè consistit, non appetimus naturaliter sed liberè; & ideo in eius appetitu potest esse meritum vel demeritum. Ecce ubi ad saluandam rationem meriti coniungit apertè (sicut alij Thomistæ) ad libertatem qua quis potest velle vel non velle. Sentit ergo non sufficere libertatem illam absolutè sumptam, quam absque possibilitate ad oppositum definierat.

Quare resolutoriè dicendum est,

Durandum nomine *Libertatis absolutè sumptæ*, non intellexisse illam tuam libertatem essentialem in sensu, quòd à te asseritur; sed solum voluisse, libertatem prout dicit immunitatem à coactione, quam & nos iam sæpè tibi in actibus necessarijs concessimus, & iterum infra cum omnibus Theologis concedemus.

Et hoc solum de Durandi mente fuisse, patet iterum ex verbis eius adductis: inquit enim: *Quòd libertas sic absolutè sumpta, solum excludit à cognoscendo & volente coactionem, quæ pertinet ad servilitatem absolutè & simpliciter. Ergo per similem libertatem solum intendit immunitatem à coactione.* Vnde & idem Durandus, non obstante tali libertate in actu amoris beatifici, negavit absolutè & simpliciter eundem liberum esse, inquiens alio in loco sic: *Actus voluntatis respectu Dei in Patria, erit necessarius & non liber, siue in diligendo Deum amore benevolentiae, siue fruendo Deo amore concupiscentiae.* Quasi libertatem illam absolutam à coactione non tanti faciens, ut propter eam, amorem beatificum simpliciter liberum prædicaret.

Hoc ergo iam actum est, Vincenti, quòd ostendimus, non omnes veros Thomistas tuos esse, quando & Thomisticum Apostatam tibi eripimus, cuius tamen honorem & gloriam in opinione tua usurpare contendis. Et certè eodem veritatis tenore, post veteres hos à me enumeratos, possem & integram scenamnectere, omnium quotquot ex schola Thoniistica deinceps prælo prodire; si non alia ratione studia instituissem; quam ut farragine textuum & citationum codices implem. Namque & ingenuè fateor, id mihi ingenij non esse, cum plus delectet ratiocinatio & Theologicus discursus, veluti est apud S. Thomam

& reli.

Instr. 2.  
l. c. 3.

In 4.  
dist. 49.  
q. 4. ad  
1.

& reliquos Scholasticos perspicere, quam continuo verba aliorum, de libro (vt aiunt) in quinternium transferre. Hoc tamen hac in parte hic peractum sit, mihiq; indultum; ne antiquæ nostræ scholæ noua monstra se nuperant & decorem eius suarum faciditate opinionum potius deturpent, quam societate honorent.

### C A P V T XIII.

*Diluantur euasiones, quibus Vincentius conatur testimonia veterum Thomistarum eludere.*

**T**Estimonia, quæ hucusque ex veteribus Thomistis adduximus, putabit fortasse aliquis duplici via posse eludi.

Prima est, applicando illam distinctionem de duplici libertate, essentiali & accidentali, quam suprâ capite primo ex Vincentio adduximus: & dicendo veteres illos Thomistas solum loqui de libertate accidentali, quando vel potestatem indifferentem ad rationem libertatis requirunt, vel eandem libertatem actibus omnino necessarijs denegât. Ita vt mens illorum præcise sit, potestatem indifferentem requiri ad libertatem accidentalem, contrarietatis scilicet vel cōtradictionis, eamque solum actibus necessarijs deesse, minimè autem omnem veram libertatem absolutè. Hanc viam indieat Vincentius in Theriaca lib. 1. c. 26. §. Sic enim paulatim.

Secunda est, vtendo altera distinctione; quam licet alijs terminis, in re tamen confundit Vincentius cum præcedenti. Videlicet quod libertas, alia est liberi arbitrij generaliter sumpti, alia liberi arbitrij speciatim sumpti. Et cum liberum arbitrium

generaliter sumptum, nil aliud sit, quam quælibet libera voluntas siue finis siue medijs, liberum autem arbitrium speciatim sumptum, determinatè sit voluntas libera circa media seu voluntas electiua; hinc fit, quòd prima libertas, possit dici libertas voluntatis absolutè, secunda autem, per Antonomasiam libertas arbitrij, vel etiam libertas voluntatis, prout est vis electiua. Primam libertatem docet Vincentius subsistere absque vlla prorsus formali indifferentia, sicque eam confundit cum libertate sua essentiali; Secunda verò indifferentiam adscribit: sicque eam confundit cum accidentali: vtramque tamen eodem modo sustinet esse veram & propriam libertatem ad meritum sufficientem. Posset ergo dici, veteres illos Thomistas solum loqui de secunda libertate, quæ est libertas arbitrij speciatim sumpti, non autem de prima, quæ est libertas arbitrij generaliter sumpti seu libertas voluntatis; quando ad eius rationem indifferentiam requirunt, vel eam actibus necessarijs denegant. Hanc viam Vincentius indicat in Theriaca lib. 1. cap. 21. in principio.

Sed rem consideranti attentius, apparet euasiones has friuolas esse.

Quantum ad Primam fateor libenter, Thomistas in præfatis Testimonijs non fuisse locutos, nisi de sola libertate contrarietatis vel contradictionis; quando ad rationem libertatis indifferentiam Exigunt, eandemque actibus voluntatis necessarijs denegant; cæterum quod præter hanc, adhuc aliam agnouerint in voluntate veram & propriam (& vt tu appellas) essentialem, hoc nego millies, & probo.

Primò, quia si illam tuam libertatem essentialem tecum in mente habuissent, propter quam & actus necessaria-



cessarij mererentur dici verè & propriè liberi, etsi alias carentes libertate contradictionis & contrarietatis; cur quæso propter solam huius carentiam, absolutè liberos esse negassent? Profecto nulla alia de causa id fieri potuit, quam quia omnis alia libertas, deficiente hac, ab ipsis insufficienti iudicabatur, ad propriam & veram tam humani quam Divini arbitrij libertatem salvandam.

In The  
riaca l.  
I. c. 25.  
§. ut an-  
tem ven-  
iat.

Explico hoc, præsupponendo priùs, ideo secundum Vincentium, libertatem contradictionis vocari accidentalem, quia aptitudo illa, expandendi se vique ad non agendum, oritur ex libertate essentiali, tamquam accidens quoddam nobis notius, quod aliquando interveniente obstaculo deest; vt contingit in productione Spiritus Sancti & amore beatifico, & vniuersaliter in quocumque actu voluntatis specificatiuè & elicitiuè necessario: in quibus, licet accidentalis illa aptitudo ad non agendum deficiat, subsistit tamen libertas essentialis consistens in modo agendi ex perfectà aduertentia rationis. Hoc præsupposito, explico argumentum inductum sic. Thomistæ absolutè & sine vllò addito denegant actibus omnino necessarijs libertatem: vt maxime patet ex illa propositione Ferrariensis, *ad actus, ad quos voluntas naturaliter & necessario inclinatur a Deo, non habet libertatem.* En libertatem sine vllò addito negatam. Et iterum ex illa. *Circa Deum vt visione beatifica cognitum, non est libera voluntas.* En rursus libertatem sine vlla restrictione negatam. Et tandem ex illa Durandi, *actus voluntatis respectu Dei in patria erit necessarius & non liber.* En iterum libertatem negatam sine vlla Prorsus imitatione seu addito. Tunc sic; negant illis actibus absolutè & sine addito libertatem? Er-

go sentiunt, id quod huiusmodi actibus deest in ratione liberi, esse plus quam libertatem aliquam accidentalem.

Probo consequentiam, quia propter defectum solius accidentis, nequit absolutè & sine addito ratio aliqua de subiecto negari. Qua de causa falsum proferret, qui absolutè & sine addito diceret, Ostreas non sentire, licet alias ipsis desit aliqua perfectio accidentalis vitæ sensitivæ, verbi gratia potentia loco motiua. Ergo pariter, licet respectu actuum necessariorum desit illa perfectio accidentalis libertatis, verbi gratia aptitudo expandendi se vsque ad non agendum, non tamen propter hoc poterit absolutè dici actus illos non esse liberos.

Secundò: quia si acceptionem illam libertatis essentialis & accidentalis Thomistæ agnouissent; profectò ea aliquando, imò & semper in omnibus illis locis adductis vti fuissent: cum namque ibidem de natura libertatis disputent, eiusque conditiones indagent, absque dubio ipsa causa rei postulabat, essentialem & propriam rationem libertatis tradere: si ergo nil aliud de ea continuo tradunt, quam quòd libertas est facultas, seu aptitudo ad agere & non agere, ne vimbram quidem alicuius alterius libertatis insinuant; quid, Vincenti, contendis, illos de sola libertate accidentali esse interpretandos?

Tertiò: vera libertas, de qua nos disputamus (vt tunc fateris) est illa quæ sufficit ad meritum: at præter libertatem contrarietatis & contradictionis nullam aliam Thomistæ agnoscunt ad meritum sufficientem, vt ex testimonijs omnibus & singulis patet: ergo nullam aliam veram, prout in præsentī disputamus, agnoscunt, quam con-



trarietatis vel contradictionis.

Quartò: quia si illa glossa de libertate accidentali admittatur; potius omnes textus Thomistarum falsificantur, quam explicentur: ergo ut omnino aliena & spuria à mente ipsorum debet rejici. Antecedens breuitatis causa, tantum ostendo in quatuor textibus. Primus sit ille Alberti Magni. *Libertas consistit in hoc, quòd possit velle hoc; & non velle hoc.* Quæro, Vincenti, qua veritate potuerit hoc Albertus asserere, si tecum sensis essentiam libertatis in ista indifferentia non consistere? Secundus sit ille alter Innocentij Quinti. *Habere se ad vtrumlibet, essentiale est omnipotentie rationali, eò quòd libera est.* Quæro iterum, qua veritate potuerit hoc dicere, si tecum sensis, illam indifferentiam ad vtrumlibet, solum esse accidens libertatis, & non eius essentiam? Tertius sit ille textus Caietani. *Libertatem esse compositibilem necessitati simpliciter alicuius actus, falsum est.* Dic rursus, qualiter hoc verum; si Caietanus (ut tu vis) tecum sensis, libertatem veram & propriam, in ò & ipsam essentialem rationem libertatis, necessitati simpliciter alicuius actus compositibilem esse? Quartus tandem textus sit ille alter Conradi. *Tunc homo agit actionem humanam liberam, quando ad eam habet absolutè indifferentiam, sic quòd potest eam agere & non agere.* Quæro iterum, qua veritate potuerit hoc dicere, si tecum sensis hominem, etiam extra casum omnis indifferentie, actionem humanam liberam agere? Et quidem libertate verissima, propria & essentiali? Certè quantum capio, quantum sapio, glossam huiusmodi nec capere possum, nec sapere: cum veritatem litterarum manifestè corruptat & eludat.

His rationibus, Vincenti, puto primam illam tuam explicationem de

libertate essentiali & accidentali sufficienter explodi. Sed nunc videamus, quid veritatis contineat illa secunda, qua dicis Thomistas loqui de libertate arbitrij speciatim sumpti, non autem de libertate voluntatis absolute.

Dico igitur, quòd distinctio illa in se legitima quidem est, qua scilicet diuidis veram libertatem, in libertatem voluntatis; & in libertatem arbitrij; seu alijs terminis, in libertatem arbitrij generaliter sumpti, & in libertatem arbitrij speciatim sumpti, seu prout vis est electiva, ceterum quòd iuxta mentem Thomistarum, indifferentia requiratur, solum ad libertatem arbitrij speciatim sumpti, non autem ad libertatem voluntatis seu arbitrij generaliter sumpti; hoc iterum totis viribus nego.

Quoad primum, quod scilicet distinctio illa in se legitima sit, patens est mihi ex expressa & aperta doctrina S. Thomæ, dum q. 24. de Veritate art. 1. ad 20. dixit, *quòd habens respectu finis ultimi* (scilicet in via) *liberam voluntatem &c. non autem liberum iudicium* (id est arbitrium) *proprie loquendo, cum non cadat sub electione.* Ecce liberam voluntatem distinctam contra liberum iudicium seu liberum arbitrium: & ex consequenti, rectè condistinguitur libertas voluntatis contra libertatem arbitrij proprie & speciatim sumpti. Ratio autem huius est, nam libera voluntas in plus patet, quam liberum arbitrium, si id proprie & speciatim sumas: libera enim voluntas indifferenter dicitur tam de libera voluntate versante circa finem, quam de libera voluntate versante circa media; liberum verò arbitrium, si id speciatim sumas, solum dicitur de libera voluntate versante circa media: cum nominet voluntatem precise prout est vis electi-

na propriè, & electio propriè sumpta  
solum sit circa media, teste D. Tho-  
ma q. 22. de Veritate art. 15. in Cor-  
pore, dum ait, proprium obiectum ele-  
ctionis est id quod est ad finem. Qua de  
causa etiam docuit 3. Ethic. lectione  
5. in fine, volumus nos esse felices, quod  
est ultimus finis, & hoc dicimus nos vel-  
le: sed non cōuenit dicere, quod eligamus  
nos esse felices: quia electio non est idem  
voluntati. Rectè ergo condistinguitur  
libertas voluntatis cōtra libertatem  
arbitrij speciatim sumpti, seu contra  
libertatem voluntatis, prout volun-  
tas est vis electiua propriè.

Cæterum quod Thomistæ in lo-  
cis citatis exigant indifferentiam,  
nō solum ad libertatem arbitrij spe-  
ciatim sumpti, sed etiam ad liberta-  
tem arbitrij generaliter sumpti, seu  
ad quamcumque veram libertatem  
voluntatis, probō iterum & satis ef-  
ficaciter.

Primò: quia exigentes indifferen-  
tiam ad libertatem, loquuntur de  
libertate sine villo addito aut restri-  
ctione: ergo mens illorum est com-  
prehendere omnem veram liberta-  
tem, tam voluntatis absolutè, quàm  
arbitrij speciatim sumpti. Probo cō-  
sequentiam, quia vbi ipsi non restri-  
gunt, nec nos restringere debemus.  
Et antecedens patet, in primis ex  
textu Caietani. *Oportet libertatem esse  
respectu alicuius oppositionis.* Ecce li-  
bertatē indefinitè & sine vlla restri-  
ctione. Deinde ex textu Ferrariensis.  
*Moueri simpliciter liberè, est habere in  
potestate sua moueri & non moueri,* nō  
dixit moueri liberè libertate arbitrij  
speciatim sumpti, sed, *moueri simpli-  
citer liberè.* Rursus ex eo, quod com-  
muniter supponunt & approbant  
hanc definitionem, *potentia libera  
est qua positis omnibus requisitis potest  
agere & non agere.* In qua definitio-  
ne non determinatur profectò de  
potentia libera sola libertate arbi-

trij, sed de potentia libera absolu-  
tè.

Secundò: quia nonnulli eorum,  
negantes actibus necessarijs liberta-  
tem, expressis verbis nominant liber-  
tatem etiam voluntatis: ergo perpe-  
ram contenditur, solum negare li-  
bertatem arbitrij. Patet antecedens.  
Primò ex textu Ferrariensis, *circa  
Deum, ut visione beatifica cognitum, non  
est libera voluntas.* Non dixit solum,  
non est liberum arbitrium, sed non est li-  
bera voluntas: ergo negat illi actui e-  
tiam libertatem voluntatis: secundò  
ex textu Conradi. *Vbi iudicium pra-  
cticum non est liberum, sed determinatū  
ad vnum, sicut respectu ultimi finis, ibi  
nec voluntas est libera.* Ecce iterum,  
non dixit, ibi non est libera electio,  
sed, *nec voluntas est libera.* Negat er-  
go etiam liberam voluntatem. Ter-  
tiò ex textu Caietani: siquidem illa  
verba S. Thomæ, *necessitas autem na-  
turalis non aufert libertatem volunta-  
tis;* dicit solum posse verificari de ne-  
cessitate quoad specificationem seu  
obiectiue, & non de necessitate tam  
obiectiue quàm elicitiue: ergo hanc  
secundam sentit auferre, non solum  
libertatem arbitrij sed etiam volun-  
tatis, de qua in illa propositione erat  
sermo.

Tertiò: quia exigunt indifferen-  
tiam ad libertatem nō qualitercum-  
que; sed ex conceptu proprio verè  
libertatis, in quantum libertas est re-  
duplicatiue & formaliter; ergo sen-  
tiunt, illam debere reperiri respectu  
cuiuscunque actus, in quo est pro-  
prius conceptus libertatis in quan-  
tum libertas est, ergo tam respectu  
actus voluntatis finis, quàm respectu  
actus voluntatis circa media; semel  
posito quod vterque verè & propriè  
liber sit. Consequentia sunt legiti-  
ma, cum omne prædicatum conue-  
niens tali ut tali, debeat ipsum com-  
mitari vbiicumque est tale. Antece-

dens verò, patet iterum ex illo textu Conradi, si quid sit non solum natura, sed cum hoc libera natura; in quantum liberum est, non erit determinatum ad unum. En exigit indifferentiam ad liberum formaliter in quantum liberum est. Rursus ex illo textu Armandi, causa agens liberè, ut sic nunquam producit aliquid necessariò. Ecce iterum sermonem, de agente libero reduplicatiuè prout sic, seu in quantum liberum est. Tertiò ex illa consequentia Soncinatis. *Voluntas in hoc instanti est potentia libera, ergo respectu contradietorium.* Quæ consequentia nequit esse legitima & formalis, nisi consequens sequatur ex antecedenti in quantum tale est. Ut si dicas, Petrus currit, ergo mouetur; motus sequitur ex currente in quantum currens est. Quartò tandem ex eo quòd libertatem per indifferentiam definiunt, dicentes; *Causam liberam esse, quæ positis omnibus requisitis potest agere & non agere*: at omnis bona definitio debet competere definito secundum quod tale, ergo sentiunt indifferentiam competere principio libero secundum quod liberum est.

Hæc omnia Vincenti, ita solida & perspicua sunt, tamque indubitata de mente Thomistarum, ut nulla ratione tergiuersari queant: quare resolutoriè dico, vtramque illam explicationem seu potius putatam euasione, à te insinuatam, friuolam esse, & omnino voluntariam absque illo prorsus fundamento. Quod & exinde patet vberius. Nam vtramque illam explicationem posses accommodare sententijs Scholasticorum modernorum, eadem facilitate, qua de facto accommodas sententijs veterum: cum certè moderni non aliter de natura, seu essentia libertatis loquantur, quàm veteres: imò eadem quasi propositiones apud utrosque inveniuntur; nempe

quòd potentia libera sit illa, qua positis omnibus requisitis potest agere & non agere. Quòd actus liber sit ille quem possum facere & omittere. Quòd actus habentes absolutam necessitatem, non sunt verè & propriè liberi. Hæc (inquam) & similia passim inueniuntur tam in veteribus (sicut vidimus) quàm in modernis, sicut perlegenti illos constare potest. Ergo eadem lege posses dicere, Vincenti, quòd moderni in similibus sententijs non loquuntur de libertate essentiali aut de libertate voluntatis, sed solum de libertate accidentali, aut de libertate arbitrij speciatim sumpti. Et ex consequenti, si per illam viam (ut putas) concilias tibi mentem veterum, constanter affirmans, illos omnes à te pugnare, cur pari passu per eandem non concilias tibi mentem omnium modernorum; ita ut eos etiam à partibus tuis stare affirmes? Quod cum minimè facias, sed potius vbique supponas, modernos Scholasticos non à te sed contra te pugnare; fit euident, glossam illam omnino voluntariè pro veteribus confingi.

Sed non possum non apponere, quòd nihil responsi in toto tuo opere inueniam, quantum ad alteram illam partem de meritò, qualiter scilicet Thomistæ sint intelligendi; quando indifferentiam exigunt ad actionem meritoriam. Fortè id ipsum omisisti, quia consentis omnes veros Thomistas in hoc contra te pugnare. Sed si ita est; quid quæso solatij ex hac nobili Schola tibi potest superesse? Nil aliud (ut video) quàm quòd asseras, id quidem à Thomistis dici, sed contra apertam doctrinam S. Thomæ.

Rideo, mi Vincenti, hanc tuam censuram. Quin imò nil contra Sæcti Thomæ doctrinam apertius, quàm hæc censura tua; ut iam iam manifestò.

In The  
riac. li.  
2. ca. 9.  
sect. 2.  
9. Veri  
decide  
Thomæ.

fecto. Ponis os tuum in fidelissimos discipulos, quasi illis eiectis, tibi soli discipulatum tanti præceptoris arrogans. Qui ergo Sancti Thomæ veri discipuli? Nonne tu qui solus Thomista es? Sed scriptum est, *Væ soli.*

## CAPVT XIV.

*Adducitur contra Vincentium Sanctus Thomas.*

**S**icut ostensum est, Vincenti, non omnes veros Thomistas tuos esse, sed apertissimè contra vtramque tuæ opinionis partem pugnare, ita dubitare fas non est, quin & eorum Ducem in vtraque parte contra te habeas. Millia fortè & nullia locorum adduci possent, quæ huius rei fidem facerent: sed ne prolixitas tedium pariat, breuiora tantùm eaquè euidentiora secernam. Primo loco, ea quæ exigunt potestatem indifferentem, ad libertatem. Secundo loco, ea quæ exigunt potestatem indifferentem, ad meritum. Sed quia omnia & singula vno eodemque capite perstringi nequeunt, pluribus Sectionibus vtendum erit.

## SECTIO I.

*Expenduntur tria loca Sancti Thomæ, in quibus exigit potestatem indifferentiæ ad rationem Libertatis.*

**P**RIMUM LOCVM desumo ex quæst. 22. de Veritate artic. 6. in fine Corporis, vbi sic fatur. *Cum autem voluntas dicatur libera, in quantum necessitatem non habet, libertas voluntatis in tribus considerabitur, sci-*

*licet quantum ad actum, in quantum potest velle vel non velle, & quantum ad obiectum, in quantum potest velle hoc vel illud & eius oppositum, & quantum ad ordinem finis, in quantum potest velle bonum vel malum.* Ecce vbi libertatem solum agnoscit respectu triû, scilicet respectu actûs, respectu obiecti, & respectu ordinis in finem, apponendo in quolibet illorum, indifferentiam: in primo quidem respectu actûs, penes posse agere & non agere & hoc sonat indifferentiâ contradictionis: in secundo, respectu obiecti, penes posse agere hoc vel eius oppositum, & hoc spectat ad indifferentiam contrarietatis: in tertio tandem respectu ordinis in finem, penes posse agere bonum vel malum, quod etiam spectat ad indifferentiam contrarietatis. Sentit ergo in actibus voluntatis elicitis cum omnimoda determinatione tam quoad actum, quam quoad obiectum seu ordinem in finem, quales sunt spiratio Spiritus Sancti, & amor beatificus, nullam inesse veram libertatem.

Et certè, Vincenti, neutra ex tuis glossis, hic locum habet. Non primas: quia velles dicere Sanctum Thomam hic solum loqui de libertate accidentali. Tum quia loquitur de libertate, à qua voluntas dicitur libera, absolute, & sine vllò addito: non dicitur autem absolute libera, ab eo quod solum est accidens quoddam libertatis; sed magis ab eo, quod est ipsa libertatis essentia. Tum etiam, quia si solum fuit locutus de libertate accidentali, verè sentiens præter illam, dari adhuc aliam essentialẽ; ergo insufficienter resoluit, dicens, *Quod libertas voluntatis consideratur in tribus: rectius & magis doctrinaliter dixisset, quod consideratur quidem in illis tribus; sed potissimè & essentialiter adhuc in quodam alio, vt tu dicis.*

Secunda etiam glossa, qua velles dicere ipsum loqui de sola libertate arbitrij speciatim sumpti; manifestè repugnat textui. Inquit enim, *Cum autem voluntas dicatur libera.* Et deinde, *Libertas voluntatis considerabitur, &c.* Ergo loquitur de libertate arbitrij secundum quod generaliter idem est, ac qualibet libera voluntas, seu de libertate ipsius voluntatis.

**SECUNDVS LOCVS** sit ex quæst. secunda de potentia articulo tertio in principio Corporis. *Voluntas* (inquit) *in quantum voluntas, cum sit libera, ad vtrumlibet se habet.* Potest enim voluntas agere vel non agere, sic vel sic facere, velle & non velle, & si respectu alicuius, hoc voluntati non conueniat, hoc accidit voluntati, non in quantum voluntas est, sed ex inclinatione naturali, quam habet ad aliquid finem ad vltimum finem, quem non potest non velle. Ex quibus verbis duplex conficio argumentum.

Ex prioribus quidem hoc. Nam dicendo, *voluntas in quantum voluntas, cum sit libera, ad vtrumlibet se habet*, virtualiter fecit hanc consequentiam. *Voluntas in quantum voluntas est libera, ergo prout talis, indifferenter se habet ad opposita.* Sed ista consequentia non valeret, si voluntas (vt vult Vincentius) posset esse verissimè libera absque vlla indifferentia: ergo dicendum est secundum mentem Diui Thomæ, nullam dari veram libertatem sine indifferentia ad oppositum.

Ex posterioribus etiam verbis potest euidenter argui. Nam in illis (vt consideranti apparet) contraponit voluntatem vt operantem ex necessitate naturalis inclinationis ad vnum, cum voluntate vt operante liberè: ergo sentit liberam non esse, prout formaliter ex tali necessitate operatur.

Et si hic quoque glossam aliquam quis velit apponere, quod scilicet solum loquitur, aut de libertate accidentali, aut de libertate arbitrij: propter easdem rationes audiendus non est. Loquitur namque doctrinaliter, & indefinitè, qui modus loquendi æquiualeat propositioni vniuersali, ac proinde complectitur omnem veram libertatem. Deinde, quia etiam (vt suprâ) expressè nominat libertatem non arbitrij, sed voluntatis; ergo voluntariè restringis ad solam libertatem arbitrij.

**TERTIVS LOCVS**, non vnicus aut simplex est; sed potius varius & multiplex ex pluribus consistens. Inspiciantur igitur omnes & singulæ quæstiones, in quibus agit de libero arbitrio Diuino, Angelico, & Humano, & apparebit clarè, nullam vnquam aliam libertatem in libero arbitrio agnouisse, præter illam, quam Vincentius accidentalem vocat contradictionis aut contrarietatis. Ergo alteram in eodem arbitrio velle collocare, nimirum libertatem essentialem, quæ absque indifferentia tam contradictionis, quam contrarietatis subsistit, potius est fingere, quam Diui Thomæ vestigijs inherere. Consequentiam iudico legitimam; & antecedens non aliter probo, quam præcipua loca adducendo.

In primis prima parte, quæst. 19. articulo 10. volens saluare libertatem arbitrij Diuini, quamuis impossibile sit, quod Deus velit malum culpæ, respondet ad Secundum, hoc non obesse, quia equidem *ad opposita se habet in quantum velle potest hoc esse vel non esse.* Ecce recurrit ad indifferentiam contradictionis, vt saluet libertatem arbitrij Diuini.

Rursus ad idem, quæst. 16. de Malo, articulo quinto in Corpore. *Voluntas Dei* (inquit) *non sic fertur ad*

unum in suis effectibus, quin quantum est de se, possit in aliud, & secundum hoc competit ei libertas arbitrij. Ecce iterum probat indifferentiam, vt probet libertatem arbitrij Diuini.

Iterum in Secundo Distinct. 25. quæst. prima, art. primo ad Secundum. Ad libertatem arbitrij pertinet, vt actionem aliquam facere, vel non facere possit: & hoc Deo conuenit, bona enim quæ facit, potest non facere. Ecce probat indifferentiam, vt saluet libertatem arbitrij Diuini.

Iterum eodem in loco ad Annib. artic. 1. in Corpore. Quidquid Deus circa creaturas vult, tale est, vt absque eo nihilominus perfectio Diuina bonitatis saluetur. Vnde patet, quod illud non vult ex necessitate naturæ, sed ex arbitrij libertate: & sic concedimus, quod Deus habeat liberum arbitrium. Ecce iterum, vt saluet libertatem arbitrij Diuini circa creaturas, negat Deum illas velle ex necessitate naturalis inclinationis, & per consequens exigit indifferentiam.

Et qua putas via, procedit de libertate arbitrij Angelici? Profecundo non alia, sed omnino eadem. Argumentum erat prima parte, quæst. 59. art. 3. ad probandum Angelum non esse liberi arbitrij, quia videlicet, liberum arbitrium se habet ad vtrumlibet, & ista indifferentia seu indeterminatione videtur repugnare perfectioni voluntatis Angelicæ, &c. Respondet, negando quod repugnet. Non pertinet (inquit) ad imperfectionem Angelicam, si non habet voluntatem determinatam respectu eorum, quæ infra ipsum sunt. En manifestissime demonstratam indeterminationem, seu indifferentiam, vt saluet quoque libertatem arbitrij Angelici.

Ad idem facit locus ille ex Secundo contra gentes, capit. 48. ratione prima, vbi sic de substantijs intellectualibus satur. Libertatem necesse

est eas habere, si habent dominium sui actus, vt ostensum est: ostenderat autem cap. præcedenti, ratione 2. dominium eas habere ratione voluntatis, vt pote in ipsa existens agere, & non agere. Ergo idem quod prius. Sentit libertatem arbitrij Angelici non posse saluari, nisi saluetur indifferentia.

Tandem de libertate arbitrij humani, nil aliud ipsum docentem inuenies. Prima parte, quæstione 83. artic. 3. in Corpore. Liberi (inquit) arbitrij esse dicimur, quia possumus vnum recipere, aliarecusato. Ecce recurrit ad indifferentiam.

Rursus quæstione 24. de Veritate, articulo primo in quinto argumento, Sed contra, in hominis potestate est facere & non facere, & ita est liberi arbitrij. Ecce recurrit ad indifferentiam.

Iterum in Secundo ad Annibaldum Distinct. 24. quæstione vnica, articulo secundo in Corpore. Homo verò & iudicium de suis operibus habet & libertatem in indicando. Quæ quidem libertas prouenit, cum ex ratione quæ ad opposita viam habet, tum ex voluntate quæ non est determinata ad vnum, & pro tanto dicitur esse liberi arbitrij. Quid clarius? Libertatem arbitrij humani ex nullo alio capite prouenire ostendit, quam ex indifferentia, tam rationis quam voluntatis. In longum abiret sermo, si singula essent recensenda. Videamus, Vincenti, quam glossam hic adhibere possis.

Abique dubio dices, Diuum Thomam in similibus locis sumero liberum arbitrium, speciatim prout est vis electiua: & in hoc sensu rectè ad eius rationem saluandam, exigere indifferentiam contradictionis vel contrarietatis: cum hoc tamen compati, quod, (si sumatur generaliter pro quauis voluntate libera) illam.



indifferentiam ad eius essentiam, non exigit.

Sed responsio reuera est insufficiens & solis terminis ludit. Quod sic ostendo. Primum: quia D. Thomas in omnibus istis textibus à me adductis, non solum nunquam assumit hæc nomina, *electio*, aut *voluntas* prout est vis electiua, sed nec recordatur quidem, ut ex littera patet: vel si in vno aut altero illorum de electione loquitur, absque illo prorsus fundamento restringitur ad voluntatem electiuam speciatim sumptam, seu prout distinguitur contra voluntatem liberam finis. Ergo signum euidentis est: quando in singulis recurrit ad indifferentiam pro libertate arbitrij saluanda, quod loquitur de libero arbitrio generaliter pro quacunque voluntate libera, & non solum de voluntate libera speciatim electiua.

Secundo, quia si in omnibus istis solum loquitur de libertate voluntatis, prout est vis electiua speciatim sumpta; sequitur aperte (cum illa libertas per se sit tantum accidentaliter potens per modum accidentis, libera voluntati adesse & abesse) quod tantum ostenderit Deo, Angelis, & hominibus conuenire aliquod accidentis libertatis: & sic conclusio ista illata de Deo in quaestione 16. citata de Malo, & secundum hoc competit ei libertas arbitrij, faciet hunc sensum, quod propter aliquod accidentale in genere liberi, conuenit Deo libertas arbitrij. Et similiter illa illata de homine in Secundo ad Annibaldum, & prout tantum dicitur esse liberi arbitrij, eundem sensum faciet, quod scilicet homo propter aliquod accidentis libertatis, dicitur esse liberi arbitrij. Quo quid absurdius & tanto Magistro indignius; qui conclusio nes suas quantum possibile est, semper conatur ex rationibus earum

formalibus deducere?

Tertio: quia libertas arbitrij generaliter sumpti, & libertas arbitrij speciatim sumpti, tantum differunt ex parte obiecti attackti, non autem in modo illud liberè attingendi, ergo quod Sanctus Thomas petit pro libertate vnus, petit quoque pro libertate alterius: & sic, si indifferentiam exigit ad libertatem arbitrij specialiter sumpti (ut solutio fatetur) exigit quoque eandem ad libertatem arbitrij sumpti generaliter pro quacunque libera voluntate. Consequentia sunt legitima, & antecedens proba. Quia libertas arbitrij generaliter sumpti, & libertas arbitrij speciatim sumpti, tantum differunt penes hoc, quod prima, est libera voluntas circa finem: secunda autem, libera voluntas circa media; cum prima, sit liber actus electionis propriè sumpta, & hæc solum sit circa media. Vnde & Diuus Thomas quaestione 14. de Veritate, articulo 1. ad Secundum dicit, Quod habemus respectu finis vltimi liberam voluntatem, &c. non autem liberum iudicium (id est arbitrium) propriè loquendo, cum non cadat sub electione. Ecce solam differentiam, ex eo quod vna libertas sit circa finem, altera circa media. Et iterum tertio Ethicorum lect. 5. in fine, volumus nos esse felices (inquit) quod est vltimus finis; sed non conuenit dicere, quod eligimus nos esse felices; quia electio non est idem voluntati. Ecce rursus solam differentiam ex parte obiectorum; quod vna nimirum sit finis, altera mediorum. Ergo non differunt illæ libertates in modo libertatis, seu liberè attingendi suum obiectum, sed præcisè ex parte obiecti attackti. Imò & ex expressa doctrina Vincentij id ipsum patet, dum nullius alterius differentia meminit, quam prædictæ. Aristoteles eandem animæ potentiam (inquit in Theriaca) quam



In The  
xiaca li.  
I. c. 12.  
S. Dicitur  
Thomas.

quàm voluntatem alij generaliter appellamus, in duas quasi facultates, voluntatem scilicet specialiter dictam, & liberum arbitrium partitur: ut voluntatis officium sit intendere finem, liberi arbitrii, eligere media ad finis assecutionem. Si ergo solum differunt ex parte obiecti attacki istæ libertates, non autem in modo illud liberè attingendi; planè profecto sequitur, rationem indifferentiæ, quam Dicitur Thomas exigit pro libertate vnius, exigere quoque pro libertate alterius.

Explico hoc. Dicitur Thomas nequit exigere indifferentiam ad libertatem voluntatis, prout vis est electiva, propter hanc rationem formaliter; quòd ipsa scilicet sit circa media: cum etiam circa media detur actus voluntatis absque vlla prorsus indifferentia, quando nimirum medium habet necessariam connexionem cum fine necessario amato. Exigit ergo indifferentiam, formalissimè propter aliam rationem; quia nimirum est circa media liberè, seu modo verè libero. Tunc ultra. Ergo pro voluntate finis, quando ipsa quoque est circa finem liberè, seu modo verè libero; exigit pariter indifferentiam. Patet consequentia, quia quod exigitur pro aliquo, quatenus est hoc, pro omni tali per se exigitur. Certè, Vincenti, glossæ tuæ vnde quaque deficiunt.

## SECTIO II.

*Expenditur contra Vincentium locus famosus ex questione sexta de Malo, in quo & eius sententiam ut hereticam censurari probatur.*

**P**ERGAMVS deinde ad locum quendam Sancti Thomæ, ex quo

6. de Malo, articulo vnico, cuius & tu, Vincenti, meministi, & famosum appellas. Inquit ibi Angelicus Præceptor sic. Respondeo dicendum, quòd quidam posuerunt, quòd voluntas hominis ex necessitate mouetur ad aliquid eligendum: nec tamen ponebant, quòd voluntas cogeretur. Non enim omne necessarium est violentum, sed solum id cuius principium est extrinsecum. Vnde & motus naturales inveniuntur aliqui necessarij, non tamen violenti. Violentum enim repugnat naturali, sicut & voluntario, cuius vtriusque principium est intrinsecum: violenti autem principium est extrinsecum. Hæc autem opinio est hæretica. Tollit enim rationem meriti & demeriti in humanis actibus: non enim videtur esse meritorium vel demeritorium, quòd aliquis sic ex necessitate agit, quòd vitare non possit. Est etiam annumeranda inter extraneas Philosophiæ opiniones; quia non solum contrariatur fidei; sed subuertit omnia principia Philosophiæ Moralis.

Profectò quando hunc locum attentè considero, nil aliud concipere possum, quàm ipsam tuam sententiam hic censurari, Vincenti, quantum ad id quod in ea de libertate humana discurreis sub efficacia gratiæ tractu. Ut supra capite secundo retuli, duo de libertate humana sub illo statu doces. Primum, quòd, quando voluntas in via per prædeterminationem gratiæ efficacis aliquid eligit, tunc in illo instanti ingerit illa necessitas, quæ in amore beatifico interuenit. Et cum illa necessitas talis sit, ut vitari non possit; doces secundò & consequenter omnino, quòd voluntas in via, quando per prædeterminationem gratiæ efficacis in vnam partem flectitur, in alteram se reflectere non possit, nisi prædeterminatione excusata, non ea retenta. Et certè quòd sic discurras, minime miror, supposita tua sententia,

tia, quod scilicet ad veram libertatem potestas ad oppositum non requiratur, imo & tam arcta necessitas sufficiat, qualis conspicitur in productione Spiritus Sancti.

Sed vis nunc videre, qualiter id ipsum D. Thomas in hoc loco, vt hæresim anatematizet? Argumentor sic. S. Doctor dicit, esse hæreticum, dicere voluntatem in via, *sic de necessitate agere, quod hoc vitare non possit*, potentia scilicet nec consequente nec antecedente: sed si opinio tua vera est, voluntas nostra in via, *sic de necessitate agit, quod hoc secundum neutram potentiam vitare possit*: ergo iuxta mentem D. Thomæ potius hæresim affirmas, quam dogma Thomisticum aut Catholicum. Consequentia est legitima, & maior est D. Thomæ: minor autem est tuum proprium dictum: vt namque dixi, doces voluntatem prædeterminatam tali necessitate agere, quali agit mens beati in amore beatifico; ea autem talis est, vt amorem vitare non possit nec potentia antecedente nec consequente, vt tumet cum Thomistis fateris: ergo apertè doces voluntatem in via *sic de necessitate agere, quod hoc neutra potentia vitare possit*. Deinde (vt expressis terminis fateris) voluntas prædeterminata in vnam partem, in alteram se reflectere non potest, nisi prædeterminatione præsentis excussa non ea retenta: ergo iterum ponis, stante & perseverante gratia efficacī, nullam in voluntate veram potentiam esse, vt possit actum vitare: patet consequentia, quia si stante gratia adhuc vera potentia in voluntate esset ad vitandum; iam verè posset in oppositum non solum prædeterminatione præsentis excussa sed etiam ea retenta. Quod est contra te.

Respondes, hæc quidem vera esse, sed minimè cadere in censuram D.

Thomæ: nam ipse (vt tu explicas) solum loquitur in casu ponentium voluntatem sic ex necessitate agere, sicut agunt bruta.

Sed hanc fugam duplici argumento euerto. Primò sic. Nam esto ibi damnet necessitatem brutalem; ratio tamen illam damnandi, eadem inuenitur in necessitate, quam ponit Vincentius: ergo non solum brutalem sed etiam Vincentij necessitatem in re damnat. Probo antecedens. Ratio damnandi necessitatem brutalem, tamquam facultati electiui hominis inimicam, est, quia secundum eam ponitur homo *sic ex necessitate agere, quod vitare non possit*: hanc enim & non aliam D. Thomas in istis verbis assumpsit: at huiusmodi, etiam est necessitas inducta à Vincentio, vt doctrina eius testatur: ergo ratio damnandi necessitatem brutalem eadem inuenitur in necessitate Vincentij.

Explico hoc, præsupponendo prius, quod necessitates tamquam Erroneæ damnatæ & libero Arbitrio repugnantes, sunt potissimum tres: necessitas nempe Stoica seu Fatalis (sub qua brutalis quoque comprehenditur) & necessitas Manichæa, & necessitas Calvinistica. Omnes hæ necessitates, in vno, quod maximè ad rem facit, conueniunt; licet in alio, quod ad rem non ita facit, discriminantur. Conueniunt quidem, quatenus quælibet illarum tam arcta est, tamque validè hominem in operando constringit, vt facere non possit oppositum illius, quod semel per istas necessitates statutum est. Hoc namque dicunt vniformiter & Stoici & Manichæi & Calvinistæ. Sed discriminantur in assignanda causa seu origine huius necessitatis. Stoici enim illam reducebant in fatum: intelligentes nomine fati, feriem inuitabilem causarum naturalium

In The  
ria. l. 2.  
c. 3. scilicet  
7. 4. Causa  
vera  
igitur.

lium & præcipuè Celorum influxum qua de causa & dicebant (vt testatur ex Aristotele D. Thomas in hoc articulo vnico de Malo) quòd talis est voluntas in hominibus, qualem inducit Pater virorum Deorumque, id est Cælum vel sol. Manichæi verò illam reducebant in animam malam, ita secum animam hominis bonam abripieniem, vt eam non vñsi malum vellet finire. Sed Caluinistæ eam reducunt ad causam increatam, videlicet in motionem Diuinam, seu in Decretum Dei. Itaque præcisè differunt hæ necessitates ex parte causarum, & omnino in eo conueniunt, quòd quælibet illarum constringit arbitrium sic, quod eam vitare non possit.

Hoc supposito, sic argumentum factum dilucido. Prædictæ necessitates, quoad præsens spectat, non tam damnantur propter earum causas, quàm propter intrinsecam earum inuitabilitatem, taliter vt non tam sint malæ & damnatæ, propter id in quo differunt, quàm etiam propter id in quo conueniunt: imò necessitas Caluinistica ex parte causæ in qua differt, nil damnabile continet: reducere namque necessitatem eligendi (si quæ talis reuera esset) in causam primam & increatam, damnabile esse nequit. Damnantur ergo, formalissimè loquendo, quoad punctum libertatis, quia quælibet illarum absolute inuitabilis est, seu quia facit hominem, sic ex necessitate agere, quòd vitare non possit; ista enim impotentia vitandi, ex quacumque causa extrinseca proueniat, si reuera talis est, vt absolute hic & nunc non possit homo in oppositum maximè libertati electionis repugnare. Cum ergo Vincentius in quælibet electione vix fateatur, talem se ingerere necessitatem pro instanti electionis, vt reuera hic & nunc ho-

mo eam vitare non possit, apertè sequitur sententiam eius in re hic à Sancto Thoma damnari.

Secundò principaliter impugno solutionem hoc argumento. Nam eo ipso, Vincenti, quòd ponas voluntatem viatoris, sic ex necessitate agere, vt oppositum pro illo tunc agere non possit; ponis necessariò, quòd agat sicut brutum quantum ad modum agendi; licet non sicut brutum quantum ad substantiam operis: sed non solum est hæreticum dicere, quòd agat sicut brutum, quantum ad substantiam operis; sed etiam quòd agat sicut brutum, quantum ad modum agendi: ergo censuram Diui Thomæ non euadis. Discursus est legitimus; si maior & minor probentur.

Probo itaque in primis maiorem, & quidem dupliciter. Primò: quia Diuus Thomas quarto contra gentes capite 36. ratione quinta arguens contra Macharium Antiochenum, qui non ponebat nisi vnam tantum voluntatem in Christo; sic eum redarguit. *Si in Christo voluntas humana non fuit; sequitur quòd neque secundum naturam assumptam, liberi arbitrij fuit* (loquitur apertè de libero arbitrio prout non solum nominat nudam voluntatem, sed etiam prout propriam suam facultatem operandi & non operandi superaddit) *igitur (immediatè infer) non agebat Christus homo ad modum hominis, sed ad modum aliorum animalium, quæ libero arbitrio carent. Nihil igitur in eius actibus virtuosum & laudabile aut nobis imitandum fuit, contra illud Matthæi 11. discite à me &c.* Ea breuissimè infer; si Christo homini potestas arbitrij ad agere & non agere defuisset quod ipse vt homo, operatus fuisset non admodum hominis, sed ad modum aliorum animalium. Sentit ergo manifestè ex defectu talis indifferen-  
rentiæ,

rentiæ, optimè deduci modum agendi brutalem: & ex consequenti iuxta mentem ipsius, qui ponit hominem in via prædeterminatum, ex necessitate agere, vt oppositum non possit; ponit enim agere, sicut brutum quoad modum agendi, seu ad modum aliorum animalium, & non secundum modum proprium hominis. Imò hac de causa expressè dicit quæst. 22. de veritate art. 5. ad 5. in contrarium; *quod voluntas in quantum est rationalis, ad opposita se habet, hoc enim est considerare ipsam, secundum hoc quod est ei proprium.* En qualiter modum agendi cum indifferentia ad vtrumlibet vocet proprium, modum operandi voluntatis humanæ: sicut & 1. 2. quæst. 10. art. 1. *est autem alius modus causandi proprius voluntati, que est domina sui actus, præter modum qui convenit nature, que est determinata ad vnum.* Ergo sentit voluntatem non agere modo sibi proprio seu modo humano, sed potius ad modum agentis naturalis seu brutalis, quotiescumque agit cum tali determinatione ad vnum, vt oppositum non possit.

Secundò probo eandem maiorem. Nam D. Thomas quotiescumque agit de modo agendi brutorum animalium & de modo agendi hominis in via, numquam ponit aliud discrimen, quàm quòd bruta animalia agant ex iudicio ab intrinseco determinato ad vnum, ita vt ex vi illius hic & nunc oppositum agere non possint; homines verò in via agant iudicio libero, indifferenter se habente ad multa, ita vt hic & nunc ex vi eiusdem in oppositum possint. Sic docet fortè mille in locis: & videri potest in hac quæst. 6. de Malo, articulo vnicò citato in Corpore; & ad 3. & 1. p. quæst. 83. art. 1. in Corpore, & 1. 2. quæst. 13. art. 2. etiam in Corpore, & quæst. 24. de Veritate art. 2.

per totum. Ergo qui ponit voluntatem hominis in via, sic ex necessitate agere & cum tali determinatione ad vnum, vt hic & nunc oppositum agere non possit, vt tu, Vincenti; ponit necessariò ipsam agere sicut brutum, quantum ad modum agendi. Ac proinde vera est iuxta mentem D. Thomæ maior propositio, quàm in secundo argumento assumpsimus.

Sed iam probo etiam minorem, videlicet non solum esse hæreticum, dicere, quòd voluntas nostra agat sicut brutum, quantum ad substantiam operis; sed etiam, quòd agat sicut brutum, quantum ad modum agendi. Nam profecto in hac parte Caluinus damnatur vt hæreticus; non quia dixerit hominem sub motione Dei agere vt brutum, quantum ad substantiam operis, hoc enim nescio, si vnquam somniauit: certum namque erat ipsi (vt tumet Vincenti fateris) actus nostros sub motione Dei esse actus intellectus, & voluntatis, ac subinde substantialiter diuersos ab actibus brutorum: quòd ergo vt hæreticus damnatur, ideo est, quia asserbat huiusmodi actus sub motione Dei cum tali determinatione ad vnum à voluntate prodire, vt ex vi motionis non relinqueretur potestas ad oppositum; ac proinde quia ponebat in voluntate necessitatem brutalem, quantum ad modum agendi, qui est cum intrinseca determinatione ad vnum, seu absque indifferentia. Ergo non solum est hæreticum, dicere quòd agat voluntas nostra sicut brutum, quoad substantiam operis; sed etiam, quòd agat sicut brutum, quoad modum agendi.

SED DICES modum agendi brutalem, non consistere in qualitate, cumque determinatione ad vnum, sed in determinatione ad vnum, modo quodam sermili, ita vt necessitas quæ-

In The  
riaca l.  
2. c. 8.  
sec. 5. in  
fine.

dam

*dam à tergo quasi vrgens, ea in vnam partem affigat: & Caluini peccasse, ex eo quod similem modum necessitatis in voluntate nostra posuerit. Dicebat enim (ais) sub impulsu Diuini Decreti voluntatem nostram, fatali quodam impetu, & necessitate coactiua sic abripi, vt actus eius liber & in potestate non esset.*

In The.  
1.2. c. 5.  
sect. 2.  
per to.  
tam.  
In The.  
1.2. c. 5.  
sect. 2.  
per to.  
tam.  
In The.  
1.2. c. 5.  
sect. 2.  
per to.  
tam.

Certè mi Vincenti, bella hæc verba sunt: sed magis Scholastica vellem audire. Dic, quæso te, quid in re significet voluntatem determinari ad vnum; modo quodam seruii, & necessitate quadam à tergo quasi vrgente, in vnam partem affigi? Estne aliud, quam voluntatem ita ab extrinseco agente determinatè moueri ad vnū, vt in oppositum non possit? Et rursus, quid in re significat, sub impulsu Diuini Decreti eam fatali quodam impetu, & necessitate coactiua sic abripi, vt actus eius liber & in potestate non sit? Nonne idem quod prius? Videlicet eam ab extrinseco agente sic determinate moueri ad vnum, vt in oppositum non possit? Ergo qui hoc affirmat (sicut te affirmare ex dictis tuis probaui) in re profecto Caluinistice loquitur; licet non tanta verborum phrasi onustus, sicut deceptor ille.

Explico hoc. Caluinus non ponebat voluntatem nostram ex impulsu Diuini Decreti cogi, coactione omnino rigida, & violentante: siquidem fatebatur, eam concurrere motu spontaneo ad suas operationes. Similiter non ponebat perfectum iudicium rationis ex influxu Decreti perturbari & abripi: siquidem docebat non omnes actus humanos esse primò primos, & iudicium rationis anteuolare. 3. non ponebat voluntatem esse instrumentum inanime, seu merè passiuè se habere, vt erat error Lutheri; sed potius asserbat eam actiuè concurrere, & modo vi-

tali. Hæc tria, Vincenti, tumet in tua Theriaca de niente Caluini esse ingennè fateris. Ergo de primo ad vltimum Caluinus in re fatebatur, sub Diuino Decreto actus nostros à voluntate exte, tamquam verè voluntarios. Probo itam consequentiam; quia motus exiens à voluntate, vt actiuè & spontaneè operante, ex perfecto iudicio rationis, exit ab illa, vt verè voluntarius: cum nil aliud ad rationem verè voluntarij desideretur. Tunc vltà, ergo nil aliud restare potest, propter quod hæreticus ille damnetur; quàm quia ponebat talem necessitatem induci à Diuina motione, ita vt actum suum voluntas vitare non posset: licet aliàs verè voluntarium alieret. Qui ergo fatetur (vt tu Vincenti) voluntatem à Deo taliter prædeterminari in vnam partem, vt te alteram, eadem prædeterminatione retenta, se reflectere non possit, verè Caluinisticum dogma profitetur, quantumvis rationem perfecti voluntarij saluet.

Nec valet dicere? Caluinus perfectam rationem voluntarij minimè saluasse; quia actiuitas, quam ille voluntati concedebat (vt tu ais) tam effrenis & præceps erat, vt sub ea voluntas raptu quasi fatali, potius ageretur, quàm se ipsam ageret; te verò ratione voluntarij perfectissimè saluare, quia actiuitatem ponis (vt iterum ais) molliorem & tractabiliorem, qua voluntas humana perfecta spontaneitate ita se agat, vt in habenis & potestate sua motum suum retineat.

Non inquam valet: nam hoc iterum est verbis tantum discrimen assignare & non re ipsa. Probo sic. Nam siue actiuitatem Caluinisticam effrenem & præcipientem voces, siue non, ea tamen erat re ipsa vera actiuitas, & potentia quidem vitalis, & vitaliter operantis cum perfecto iudicio rationis: non enim negabat Caluinus volun-

In The.  
1.2. c. 5.  
sect. 2.  
per to.  
tam.

In The.  
1.2. c. 5.  
sect. 1.5  
Itaque  
cum Cal.  
nihil.

Ibidem

voluntatem sub motione Diuina, actiue & vitaliter cum pleno intellectuuali iudicio ad suas operationes concurrere. Ergo reuera ponebat se monere, ea in primis actiuitate, quæ requiritur ad quodlibet viuens: & insuper modo quodam speciali, qui in solo viuente intellectuuali & voluntario reperitur. Quid ergo mali, aut quid damnabile hic subesse potuit? Profecto nil aliud, quam hoc quod hucusque inculcauimus, & quod D. Thomas vt hæreticum condemnat; nimirum, quia simul cum ista actiuitate & modo agendi intellectuuali, ponebat voluntatem ex impulsu Decreti, *sic ex necessitate agere, quod id ipsum vitare non posset*. Quam certè necessitatem sic effrenem & præcipientem tumet in re concedis, Vincenti, licet verbis mollioribus & tractabilioribus vtaris. Si enim doces, voluntatem motione Diuina taliter in vnâ partem prædeterminari, vt in alterâ eadem prædeterminatione retenta, se reflectere non possit; quid iuuat alijs verbis dicere, eandem voluntatem, perfectâ spontaneitate ita se agere, vt in habenis & potestate sua motum suum, retineat? Si motum suum stante tali prædeterminatione in alterâ partem reflectere non potest; quomodo illum sub tali prædeterminatione in habenis & potestate sua retinet? Rideo sanè, nam rem nitentis persuadere, omnino incredibilem, videlicet equum in potestate sua, motum suum retinere, qui tamen tam valide ab infessore in vnâ partem impellitur, vt in alteram se reflectere non possit.

Sed iam audio propositionem illam tuam à te explicari: & dicis, quod saltem *quantum est ex parte modi agendi*, voluntas prædeterminata, potest in oppositum se flectere.

O Thomistica & vera explicatio! Sed prout à te asseritur & sustinetur,

verbalis tantum: quod enim in ea nec Thomisticum nec verum aliquem sensum habere possis; ostendo multipliciter, si tua principia teneantur.

Et in primis, quod non sensum Thomisticum; ex eo redarguo primo: quia in tantum Thomistæ saluant, voluntatem prædeterminatam in instanti prædeterminationis posse se flectere in oppositum, *quantum est ex parte modi agendi*; in quantum asserunt ad omnem actionem verè liberam, ad quam voluntas prædeterminatur, concurrere iudicium indifferens de bonitate obiecti, quo illud non necessariò amandum indicatur, etiam in eodem instanti, in quo liberè in actum suum exit: hoc enim iudicio instructa voluntas, licet ex vi prædeterminationis in vnâ partem infallibiliter quo ad actum secundum exeat; tamen quantum est ex modo agendi, per iudicium videlicet sic indifferens, potest immediatè ex parte actus primi, in partem alteram: at in tuis principijs omnino contingit oppositum; nam asseris expressè voluntatem in instanti quò liberè operatur, se determinare iudicio quodam ita necessario, vt in illo instanti aliud medium immediatè eligere non possit, imò ita necessario, sicut est iudicium regulatiuum amoris beatifici; quod nulla ratione indifferens est, neque ex parte actus secundi, neque ex parte actus primi: ergo in sensu Thomistico saluare non potes, voluntatem prædeterminatam posse in oppositum, *quantum est ex parte modi agendi*.

Secundò: quia Diuus Thomas in loco citato ex hac quæst. sexta de Malo in Corpore, expressè dicit, quod *Deus voluntatem mouet secundum eius conditionem, non vt ex necessitate; sed vt indeterminatè se habentem ad multa*: ac proinde non mirum Thomistas saluare,

In The  
ria. l. 1.  
c. 23. §.  
Itaque  
vera &  
peripatetica.

In The  
ria. l. 2.  
cap. 8.  
sect. 7. §.  
Quod vt  
in Summ.  
theol.  
inquit,  
& in  
epistol.  
Prodro  
gna ad  
Petru.  
pagina  
22.



saluare, voluntatem, quantum est ex parte modi agendi, retinere potentiam ad oppositum: siquidem asserunt cum suo Duce, illam ex parte modi, moueri vt indeterminate se habentem; at in tuis principijs tu asseris directissime contrarium, siquidem affirmas, eam moueri vt determinate se habentem ad vnum in instanti in quo operatur, & quidem tali necessitate, qualis est in ore beatico: ergo in sensu Thomistico indifferentiam, quantum est ex parte modi agendi, saluare non potes.

Tertio: quia Diuus Thomas postquam varijs in locis & precipue quaest. 24. de Veritate, articulo 3. in 3. argumento dixerat, quod liberum arbitrium est potentia ad oppositos actus se habens, & alijs in locis, quod est, facultas rationis & voluntatis, tandem 1. p. quaest. 83. art. 2. ad Secundum illam definitionem explicans, sic fatetur. Ad secundam attendendum quod facultas nominat quandoque potestatem expeditam ad operandum, Et sic facultas ponitur in definitione liberi arbitrii. Hæc Diuus Thomas. Cui ego hoc notissimum superaddo: nimirum, quando voluntas nostra in via sub adiutorio gratiæ operatur, quod vere tunc operatur liberum eius arbitrium, etiam prout est vis electiua. Quis Catholicorum hoc neget? Ergo combinando hoc cum doctrina Diui Thomæ, necesse est, quod in illo tunc operetur, cum potestate expedita ad oppositum. Quod si ita est; ergo iterum non mirum, Thomistas vere saluare in voluntate nostra, sub adiutorio efficacis gratiæ, indifferentiam, quantum est ex parte modi agendi: siquidem asserunt cum suo Duce, adesse simul potestatem ad oppositum expeditam, seu proximam: at tu, Vincenti, omnino negas voluntatem sub prædeterminatione gratiæ proximè ad oppositum expeditam permanere: ergo

velis, nolis, indifferentiam Thomisticam quantum est ex parte modi agendi, saluare non potes.

Deinde quod non solum in sensu Thomistico; sed nec in aliquo vero sensu, indifferentiam, quantum est ex parte modi agendi, saluare possis; sic probo. Quia (vt rei veritas habet, & tunc fateris) voluntas nequit ferri in incognitum: vnde si quam indifferentiam habet ex modo agendi, nequit sanè illam habere; nisi pro illo tunc reguletur aliquo iudicio, etiam indifferenti quoad modum representandi bonitatem obiecti: si enim & bonitas representata sit determinata, & etiam modus illam representandi sit determinatus ad eam necessariò prosequendam; qua ratione modo quodam indifferenti voluntas illam prosequetur? Nisi forte quis velit eam ex modo agendi, operari circa incognitum, quod est absurdum. Qua de causa Diuus Thomas constantissime semper affirmat, & precipue quaestione 24. de Veritate art. 2. in principio Corporis, quod rota ratio libertatis ex modo cognitionis dependet: quia videlicet nulla libertas potest reperiri in modo agendi voluntatis circa aliquod obiectum, nisi adsit indifferentia intellectus, seu iudicii in modo illud representandi; at tu fateris, quod in ultimo instanti, quo voluntas operatur, nulla indifferentia adsit ex parte intellectus seu iudicii, sed potius pro illo tunc se determinat iudicio ita necessario, vt aliud immediate eligere non possit: ergo qua via secundum veritatem defendere potes, voluntatem in illo instanti, sic obiectum illud prosequi, vt quantum est ex parte modi agendi, actum suspendere possit? Dic quaeso, Vincenti, si voluntas ex vna parte non potest ferri in incognitum, & ex alia, nullo modo ei ostenditur possibilitas suspensionis actus, ratione deter-

In ep.  
Prodro-  
ma ad  
Petan.  
pag. 21.  
S. dicit  
vero S.  
Thomas.

In The-  
ria li. 1.  
c. 2. § 3.  
Itaque  
ra.



determinationis omnimodæ, ex parte iudicij ad agendum tantum; qualiter verificas eam sic agere, ut ex modo agendi, non agere possit si non agere, nullo modo ipsi ut possibile ostenditur? Aut (ut iterum verbis tuis utar) si intellectus nuncium aliud tunc medium immediate eligibile ei representat?

Rursus ad idem sic Argumentor. Nam secundum tuam doctrinam, suprema illa & essentialissima (ut ita dicam) necessitas productionis Spiritus Sancti non obest libertati ad meritum sufficienti; & ex consequenti teneris latere; quod quamvis tam arcta necessitas inest actibus nostræ voluntatis in via, æquidem essent liberi vera libertate: licet iam hoc ipsum in epistola Prodrōma, parum tibi constans, media ex parte neges: sed sub tali necessitate Chimericum est, imò & periculosum in fide, velle ponere indifferentiam *quantum est ex parte modi agendi*, ut infra ex professo demonstrabitur: ergo reuera indifferentiam ex modo agendi saluare non potes, si principia, quæ de libertate tradis, sustineantur.

Dicta igitur recapitulantes, hoc contra te ostendimus Vincenti, quod certè censuram illam famosam ex quæst. citata de Malo non euadis, Ut enim luculenter satis probatum est, doces voluntatem nostram, sic ex necessitate agere, quod vitare non possit, & ut inquit ibidem S. Doctor, hæc opinio hæretica est. Appono etiam verba posteriora; quod scilicet annumeranda est inter extraneas Philosophiæ opiniones: quia non solum contrariatur fidei, sed subvertit omnia principia Philosophiæ Moralis; quod & suo loco in secundo Libro, ubi rationibus agemus, satis patebit.

### SECTIO III.

*Expenduntur plurima loca S. Thomæ, quibus exigit potestatem indifferentiæ ad rationem meriti: simulque ostenditur, Vincentium dolose egisse in citatione cuiusdam testimonij pro se.*

**P**ERGO, VINCENTI, ad secundam partem tuæ opinionis, qua asseris, quod sit contra apertam doctrinam S. Thomæ, negare illam tuam libertatem essentialem omnis indifferentiæ expertem, sufficere ad meritum. Nescio profecto qualiter tibi simile commentum in mentem venerit: cum oppositum in S. Doctore patentius sit, quam quod ostensione egeat. At verò, si expandere amplius, proferreque lubet disputationem, etiam in his, quæ adeo manifestæ sunt; imaginationi tuæ pareo libenter. Subiicio ergo potiora loca, quæ commentum tuum euidenter falsitatis arguunt.

PRIMUM desumo ex quæstione 22. de Veritate, articulo septimo, in quo Sanctus Doctor ipsissimam nostram difficultatem in proprijs terminis quatit, & disputat: videlicet, num aliquis mereatur, volendo illud, quod de necessitate vult? Et quod subly de necessitate, comprehendat etiam necessitatem naturalis inclinationis, seu voluntariam (ut nos disputamus) patet manifestè ex argumentis, quæ pro parte negativa itatuit: & specialiter ex Tertio, quod sic habet. Nulius meretur nisi per actum virtutis, sed omnis actus virtutis est ex electione, non autem ex naturali inclinatione: ergo nullus meretur in eo, quod de necessitate vult. (Intellige necessitatem naturalis inclinationis, seu voluntaria-

In The-  
ria-ibi  
dem,

In epist.  
Prodr.  
ad Ri-  
cor. 4. c.  
2. h. Unde  
p. 10. re-  
but.

Infra 1  
2 cap. 4  
sect. 2.  
per to-  
ram.

luntaria) Ecce argumentum intendens probare, actum elicited ex necessitate naturalis inclinationis, seu voluntaria, non esse meritorium. Et quid quaeso Angelicus Praeceptor resoluit?

Audi resolutionem. Respondeo dicendum, quod aliquis volendo id, quod naturaliter vult, quodammodo meretur, & quodammodo non. Ad cuius evidentiam sciendum est; quod homini inditus est appetitus ultimi finis sui in communi, ut scilicet appetat se naturaliter esse completum in bonitate. Sed in quo ista completio consistat, utrum in virtutibus, vel scientiis, vel delectabilibus, vel huiusmodi alijs, non est ei determinatum a natura. Quando ergo ex propria ratione adiutus Divina gratia, apprehendit aliquod speciale bonum, ut suam beatitudinem, in quo verè sua beatitudo consistit, tunc meretur: non ex hoc quod appetit beatitudinem, quam naturaliter appetit; sed ex hoc quod appetit hoc speciale, quod non naturaliter appetit: ut visionem Dei: in quo tamen secundum rei veritatem sua beatitudo consistit. Patet igitur quod volendo id quod naturaliter vult, secundum se non est meritorium, sed secundum quod specificatur ad hoc vel illud, potest esse meritorium. Et hoc modo Sancti merentur (intellige in via) appetendo Deum vel vitam aeternam. Et per hoc patet responsio ad obiecta.

Hac ille mi Vincenti. Ex quibus patet (ut terminis Capreoli utar) Quod cum quis diligit Deum sub ratione ultimi finis vel beatitudinis, existens in gratia, meretur: non ex hoc quod appetit ultimum finem in quantum huiusmodi; quia hoc est sibi naturale & necessarium sed in quantum appetit vel diligit hoc speciale, quod non necessarium, nec naturaliter appetit, scilicet Deum Trinum & Unum. Nonne ergo apertissime negat Sanctus Doctor, actibus necessarijs necessitate naturalis inclinationis, formaliter quia tales sunt, inesse ra-

tionem meriti? Et nonne confugit pro illa saluanda, ad aliam formalitatem, videlicet, quatenus cum indifference specificantur ad hoc vel illud? Qua ergo phantasia morus, hoc ipsum contra Sanctum Doctorem esse, somniaſti?

SECUNDVS LOCVS fit ex 4. dist. 49. quaest. 1. art. 3. quaestiuicula 3. ad 2. Quod erat huiusmodi. Cum meritum & demeritum sint circa idem; nullus meretur in eo, quod vitare non potest, sicut nec peccat, ut dicit Augustinus: sed homo non potest non appetere beatitudinem, ergo nullus appetendo beatitudinem meretur. Quid iterum Sanctissimus Praeceptor noster respondet? Erige aures, Vincenti. Ad 2. dicendum (inquit) quod quamvis nullus possit vitare, quin beatitudinem aliquo modo appetat; potest tamen vitare, quod non appetat eam hoc modo quo est appetenda: & sic potest mereri & demereri? Quid clarius? Estne hoc dicere, quod quis posset mereri per actus ita necessarios, sicut sunt productio Spiritus Sancti, & amor Beatificus, quos constat à suis agentibus nullo modo vitari posse? Prius certè tenebras luci patrocinarì, mihi persuaseris quàm Angelicum Praeceptorem tibi.

SED TERTIVS adhuc vgentior est locus, qui & te non nihil dolose egisse demonstrabit. Ille est quem habet in 3. dist. 18. quaest. 1. art. 2. Cuius quintum argumentum conabatur meritum Christi destruere sub hac forma Naturalibus non mere-mur, propter hoc quod sunt determinata ad unum: sed liberum arbitrium in Christo, erat determinatum ad bonum: ergo ipse per liberum arbitrium mereri non potuit: & ita nullo modo, cum omne meritum sit ex libero arbitrio. Attende iterum responſionem. Ad 5. dicendum, quod liberum Arbitrium Christi, non erat determinatum ad unum secundum numerum, sed ad unum secundum ge-

nus, scilicet ad bonum, quia in malum non potest: sed hoc tamen (scilicet bonum) potest facere & non facere. Ecce iterum idem quod prius. Vt meriti rationem in libero Christi arbitrio saluet, ostendit illud habere indifferentiam exercitij contradictionis, penes hoc, quod bonum possit facere, & non facere, licet malum non possit. Estne hoc fateri, quod etiam si esset determinatum quoad exercitium; equidem ratio meriti in eodem subsisteret?

Sed hic iam dolus tuus detegendus venit. Paulisper attentiores sumus, Vincenti. Post solutionem dictam, quam primo loco nobis dedit Sanctus Doctor, subiungit aliam secundo loco hoc modo. *Vel dicendum, quod si etiam esset, liberum arbitrium Christi, determinatum ad unum numero, sicut ad diligendum Deum, quod non facere non potest; tamen in hoc non amittit libertatem, aut rationem laudis siue meriti, quia in illud non coactè, sed sponte tendit, & ita est actus sui Dominus.* Quibus verbis (vt tu autumas) sententiæ tuæ omnino patrociniatur: videtur namque hac secunda solutione apertè velle, libertatem & meritum etiam absque indifferentia contradictionis in Christo subsistere.

Transseat hoc, Vincenti; nam gratis tibi dare volo; sententiam tuam, quantum ad Christi libertatem attinet, in hac secunda solutione contineri. Sed non possum non mirari duo. Primum, quod sic placide primæ solutionis in scriptis tuis oblitus fueris: nusquam enim illam recitas, nusquam commemoras; ac si ea nec in Sancto Thoma extaret, nec sententiæ tuæ aduersaretur. Planè in hoc dolose agis, & sic prættermittendo quod tibi capitaliter inimicum est, lectorem arguta fallacia circumuenis, vt credat hoc solum

à Sancto Thoma dici, quod tibi in exteriori specie fauere videtur. Alterum, quod æquè miror, est, vsque adeò secundam illam solutionem à te magnificari; quasi totus Achilles sit tuæ opinionis. Hoc testimonium (inquis aduersus Petauium) toties iam vobis obiectum, cur non repellitis? *Curæ vestra Dodonæa hic silent, & Delphis oracula cessant? Ecce enim iterum in oculos tibi ingero: S. Thomas dicit, actum quo Christus viator amauit Deum, etiamsi non indifferens sed ad unum numero determinatus esset; fuisse nihilominus liberum, laudis & meriti fontem, voluntatisq; dominio subiectum. Quomodo igitur dicere potes (Petau) Diuum Thomam non agnoscere nisi in solo liberi arbitrii virimque flexilis actu, propriam libertatem, laudem & meritum?*

Hæc tu, Vincenti, aduersus capitales tuos hostes, & fastu satis arroganti, dum ipsos tintinnabuli diu noctuque continuò crepitantis metaphora tamquam homines iusto loquacioris feris. Sed quidquid sit de hoc (non enim illorum, sed Sancti Thomæ & Thomistarum causam suscepi) transeamus ad rem nostram. Si fortè apud Petauianos oracula cessant, profecto in Scholæ Thomistica needum: nisi fortè eam Dodonam imagineris, cuiusque columbam oracula pandentem, ad vos euolasse. Rideo hoc. Coruus fortè euolauit, qui tibi veritatem Thomisticam, non puram sed sua nigredine conspersam, insufflauit.

Vis ergo puram audire? Ea est quam tibi prima solutio ostendit, non secunda; supposito tamen, quod proteruè contendas, in secunda; aliquid tuæ opinionis contineri. Quod ideo dico, quia aliàs absolutè iudico, secundam etiam posse in sano intellectu accipi & explicari, vt suo loco infra ostendam. Si

tamen

Epist.  
Prodro  
ma ad  
Petauium  
pag. 24.

tamen proteruē velis in ea sententiam tuam haberi; gratis do: sed nihil propterea in fauorem tuum ex mente Sancti Thomæ conficis. Scias ergo solutionem illam secundam (admissio quod opinioni tuæ partim patrocinetur) fuisse ab Angelico Præceptore adhibitam, non ex mente propria sed aliorum, non ex propria officina, sed aliena: ut namque ex omnibus locis citatis constet; loquendo iuxta mentem propriam, semper continuus & constans fuit in exigendo pro ratione meriti, libertatem indifferētiæ. Quod ergo in Tertio Sententiarum contraria solutione semel usus fuerit; factum videtur, ut quibusdam viris doctis deferret, qui tunc temporis hoc verum vel probabile iudicabant. Neque enim hoc à Sanctis Præceptoribus omnino alienum, quod aliquando occasionaliter secundum opiniones aliorum loquantur, quas tamen ex mente propria nunquam asserere intendunt.

Simile huius rei habemus, & in magno Augustino, & in Diuo Dionysio, & in Gregorio Magno, & etiam in ipso Sancto Thoma.

In Augustino quidem; nam ipse teste Diuo Thoma 1. p. quæst. 54. art. 5. ad 1. sæpius locutus fuit secundum opinionem illorum, qui posuerunt Angelos & Dæmones habere corpora: qua ratione dixit lib. 8. de ciuitate Dei cap. 6. in Angelis esse vitam quæ intelligit & sentit. Et rursus 21. de ciuitate cap. 10. hac via soluit quæstionem illam; qualiter ignis gehennalis, si corporalis est, possit malignos Spiritus adurere: quia sunt quadam (inquirit) sua etiam Dæmonibus corpora, sicut doctis hominibus visum est. Hac igitur opinione (ait Sanctus Thomas) frequenter Augustinus in libris suis vtitur, licet

eam asserere non intendat. En simile in Augustino: quod scilicet non semel tantum, sed & frequenter quædam dixerit ex mente aliorum, quæ tamen nunquam asserere intendebat ex propria.

In Diuo etiam Dionysio hoc simile occurrit, & in eadem quidem materia; dum cap. 4. de Diuinis nominibus dixit; est in Dæmonibus malum, furor irrationabilis, demens concupiscentia, phantasia proterua: quasi sentiens Dæmones esse corporeos, seu naturæ sensitiuæ. Sed (ut occurrit ibidem lectione 19. Sanctus Thomas) Dicit hoc secundum opinionem aliorum: quidam enim posuerunt Dæmones esse animalia corpore aerea, mente rationalia, animo passiuæ. . . . . Hac autem opinio non fuit S. Dionysij. En Diuinissimus Dionysius ab hoc quoque stylo non alienus: videlicet quod secundum mentem aliorum quandoque loquatur.

In Gregorio etiam Magno est & aliud simile: nam in Homilia de centum ouibus, vtitur opinione dicente, omnes Angelos etiam supremæ Hierarchiæ interdum mitti ad exterius ministerium. Quod tamen contradicit Diuo Dionysio, qui dicit se contrarium ab Apostolis accepisse, nimirum quod tales Angeli, nunquam ad exterius ministerium mittantur. Sed (ut iterum recte aduertit Sanctus Thomas) hanc opinionem tangit Gregorius in Homilia, non tamen asserendo. Non vides hic Gregorium etiam secundum opinionem aliorum loqui, quam tamen ipse ex propria mente asserere non intendit?

Sed accipe nunc simile in nostro quoque Præceptore Angelico. Ipse ergo in Quarto, Distinctione 49. quæst. prima, articulo quarto, quæstiuacula prima in Corpore docuerat; beatitudinem animæ augeri etiam

D. Th.  
in 2. ad  
Anni-  
baldū,  
Dist. 10  
art. 2. in  
Corp.

intensivè resumpto corpore: cum tamen expressè Prima Secundæ quaestione 4. articulo quinto ad Quintum id ipsum neget his verbis: *Corpore resumpto beatitudo crescit, non intensivè, sed extensivè*. Quæ loca advertens Caietanus, sic ad rem nostram fatetur: *Verum hanc opinionem (nempe libri quarti Sententiarum) in hoc loco (scilicet Prima Secundæ) ut falsam negavit: ipsaque negatione ex sua officina illam haberi minimè voluit*. En Sanctus quoque Thomas, interdum ex aliena mente seu officina loquitur; quæ tamen idemmet falsa iudicat, loquens ex propria.

Sic ergo, Vincenti, de loco, quem nobis in favorem tuum tam gloriose objicis, philosophari libet. Transeat quòd ibidem in secunda illa solutione (quantum ad libertatem Christi attinet) sententia tua vsus fuerit; sed profecto potest dici, quòd utitur ex mente seu officina aliorum, apud quos, quod ipse ex proprijs, ut falsum iudicabat; probabile seu verum apparebat. Et ne putes similia sine evidenti fundamento à me dici; accipe sequens argumentum, quod rem tibi manifestè probo.

Nam si S. Thomas solutionem illam secundam ex mente propria adhibuisset; eandem utique semper retinuisset, quotiescumquilli de tali materia sermo fuisset: at evidentissimè fecit oppositum; siquidem septem in locis eandem omninò materiam, versans non secundam solutionem, sed primam adhibuit, secundam relicta: ergo signum evidens est, quod illam profecto non adhibuit; tamquam propriam; sed ut omninò alienam. De ista consequentia cordato Theologo, nè quidem semel dubitare fas est. Si namque (ut ex Caietano iam retuli) quia semel tantum sententiam quandam subiecit, & contrariam protulit, ex sua officina illam

haberi minimè voluit, quanto minus ex sua officina venire censenda est, quam non semel tantum, sed septies subiecit, & quasi in tenebris sepeliuit?

Sed assumptum ostendamus, videlicet toties illam solutionem sic reliquisse, & subiecit.

IN PRIMIS eamus ad quaest. 29. de Veritate, articulo sexto. *Utrum Christus mereri potuerit? Videtur* (inquit) quòd non: omne enim meritum ex libertate arbitrij procedit, quia indeterminatè se habet ad multa: sed liberum arbitrium in Christo determinatè se habebat ad bonum: ergo mereri non potuit. Nonne idem prorsus argumentum, eadem materia, imò & eadem quasi forma? Et quid quaeso responderet? An nè adhibendo iterum duplicem illam solutionem, vel fortè secundam tantum? Minimè. Vnam quidem adhibet, sed primam tantum; non secundam. Hanc ut alienam, ut spuriam subiecit, relinquit, omittit. Verba sunt hæc, si fortè videre neglexisti. *Ad primum ergo dicendum, quòd licet anima Christi esset determinata ad unum secundum genus moris, scilicet ad bonum; non tamen erat determinata ad unum simpliciter: poterat enim hoc vel illud facere & non facere, & ideo libertas in illo remanebat, qua requiritur ad merendum*. Mi, Vincenti, his verbis finitur responsio. Ea non amplior, non extensior, non prolixior: hæc legitima statuta eius; & nisi tu pro voluntate tua, cubitum alterum adieceris; secundam solutionem non inuenies.

EAMVS deinde ad summam eius Theologicam, quam doctus quisque ut ultimam eius voluntatem veneratur ac laudat. Quid putas in ea inuenietur? Nec verbum quidem de secunda illa solutione. Constantè & immobiliter adhæret primæ. Audi argumentum. Habetur Tertia

tia parte, quæst. 18. articulo quarto. *Liberum arbitrium* (inquit) *se habet ad utrumque, sed voluntas Christi fuit determinata ad bonum, quia non potuit peccare, sicut supra dictum est: ergo in Christo non fuit liberum arbitrium: ac proinde nec mereri potuit. Ecce iterum eandem rem, eandem materiam: Sed quid? Redibitis secunda solutio? quasi ab intestato illam relinquit. Prodeat prima. Ad tertium dicendum, quod voluntas Christi, licet sit determinata ad bonum; non tamen est determinata ad hoc vel illud bonum. Et ideo pertinet ad Christum eligere per liberum arbitrium. Nunquid hoc iterum est, secundam solutionem aperte deferere? Nunquid hoc est ad indifferentiam confugero, ut liberum arbitrium in Christo, ac proinde etiam capacitatem ad meritum saluet? Estne hoc fateri, sicut in illa secunda solutione, ipsum dixisse putas; quod etiam si liberum arbitrium Christi esset determinatum ad vnum numero, quod non facere non posset; equidem cum tali determinatione haberet sufficientiam laudis & meriti?*

TERTIO inspicimus doctrinam eius, quam habet quæstione 24. de Veritate articulo 1. ad 16. *Si aliqua creatura* (inquit ibi) *immobilitate adheret Deo* (ut scilicet de facto contingit in anima Christi) *non propter hoc priuatur libero arbitrio, quia potest adhibendo, multa facere vel non facere.* Quid quæso huiusmodi verbis rursus præ tendit? An nē quidpiam aliud, præter id quod in prima solutione docuerat? Nonne iterum in creatura, quæ esset determinata ad bonum per immobilem adhesionem cum Deo, sicut contigit in anima Christi, eatenus libertatem arbitrii saluat, quatenus cum illa determinatione ad bonum in genere, manet potestas faciendi, & non

faciendi hoc vel illud bonum in particulari? Doctrinam ergo illius secundæ solutionis tertio subterit & relinquit.

Sed videamus, utrum & quarto, & quinto, & sexto, & septimo idem faciat. Erat ergo in Secundo Sententiarum Distinct. 25. quæstione vnica, articulo primo, hoc argumentum positum secundo loco. *In his quæ secundum naturam sunt determinata ad vnam partem, non est liberum arbitrium; sed Deus ex naturæ suæ conditione semper determinatè bonum vult: ergo videtur quod libero arbitrio careat.* En quarto quoad rei substantiam, idem argumentum: quod enim hic de Deo, id ipsum in tuo loco arguebat de Christo. Sed responsionem audi, & non nisi primam solutionem audies. *Ad secundum dicendum* (inquit) *quod ad rationem liberi arbitrii non pertinet, ut indeterminatè se habeat ad bonum vel malum. . . . Sed hoc ad libertatem arbitrii pertinet, ut actionem aliquam facere vel non facere possit. Et hoc Deo conuenit: bona enim quæ facit, potest non facere, nec tamen mala facere potest.* En nulla prorsus mentio secundæ solutionis: sepultam eam tenet & in lucem prodire non finit. Quarto ergo idem fecisse, manifestè comprobatur.

R R R S V S Q V I N T O idem inuenies in eodem loco ad Annibaldum, art. primo: ubi tertium argumentum est huiusmodi, quasi eisdem terminis sicut præcedens. *Illæ quæ sunt determinata ad vnum, non habent liberum arbitrium, ut patet in rebus inanimatis: sed Dei virtus est determinata ad bonum, quia malitia esse non potest in eo; ergo in Deo non est liberum arbitrium.* Sed audi responsum. *Ad 3. dicendum, quod licet virtus operatiua diuina sit determinata ad bonum, quod contingit ex perfectione diuinæ nature, quæ deficere non potest; non tamen est determinata*



ad vnum: quia Deus bene operando potest hoc vel illud facere vel non facere. Quid clarius? Tota responsio finitur doctrina primae solutionis. Et secundam nec semel quidem in os assumere dignatur.

**SUCCEDAT SEXTVS** locus ex primo Sententiarum dist. 42. quaest. 2. art. 1. ad 3. Tertium erat; de ratione voluntatis est, ut libertatem ad vtrumlibet habeat, sed in Deo verissime inuenitur voluntas, ergo potest in vtrumlibet & bonum & malum: vel si non potest; in Deo non erit voluntas seu liberum arbitrium. At quid respondet? An ne dicit, in Deo esse liberum arbitrium, quia licet malum non possit, agit tamen bonum sponte & non coacte? Minimè profecto. Redibit constantissime prima solutio, ad indifferentiam confugiens. Ad 3. dicendum (inquit) quod posse peccare secundum Anselmum & Boetium, non pertinet ad libertatem voluntatis, sed magis est conditio voluntatis deficientis, in quantum est ex nihilo. Sed in hoc attenditur ratio libertatis, quod possit hoc facere vel non facere, aut hoc vel illud facere. Videlicet aliud quid, praepter primam solutionem? In posse facere vel non facere (inquit) attenditur ratio seu essentia libertatis; non in eo quod tu imaginaris, Vincenti.

**SEPTIMO** tandem (ut assumpto omni ex parte satisfaciam) accipe argumentum ex prima parte quaest. 19. art. 10. Liberum arbitrium (inquit) est facultas rationis & voluntatis, qua bonum & malum eligimus: sed Deus non vult malum, ut dictum est: ergo liberum arbitrium non est in Deo. Deus bone! Non audietur semel secunda illa solutio, qua Vincentius tam gloriose triumphat? Ad 2. dicendum (prosequitur, praedicat, proclamat iterum, indefesse, immobiliter, constantissime) quod cum ra-

lum culpe dicatur per auersionem à bonitate Diuina, per quam Deus omnia vult, manifestum est, quod impossibile est, eum malum culpa velle: & tamen ad opposita se habet, in quantum potest velle hoc esse vel non esse: sicut & nos non peccando, possumus velle sedere & non velle sedere. Quare non dicis Praeceptor Angelice doctrinam illam, quā Vincentius, propriam tuam mentem esse, ita firmiter putat? Videlicet Deum esse liberi arbitrij, quia licet operaretur cum omnimoda determinatione ad vnum, quod non facere non posset; faceret tamen hoc sponte & non coacte, & ita esset actus sui dominus? Quæ ratio, quod toties id tenebris silentij inuoluas, cum tamen mentem tuam esse, constantissime credat Vincentius? Profecto;

*Credite cum Leni, qui vultis credere: nostrum est,*

*Angelicum, talem non docuisse fidem.*

**VADE ERGO, VINCENTI,** & vel dolum tuum vel simulationem, cognosce & agnosce. Neque enim te latere potuit (ut & in hoc Thomistica lectionis studiosum te laudem) solutionem istam sic à Diuo Thoma fuisse derelictam, sicut iam monstratum est. Si tamen reuera latuit; ideo monstratum sit, ut credas aliter & discas magis.

Hoc vnum etiam in fauorem hostium tuorum apponere non dubito; quod si & tu oracula ipsorum, attentius super hac re consulisses; profecto non muta ea aut tacentia, inuenisses. Nonne celeberrimum Societatis Iesu seu Scholæ Petauianæ oraculum eruditissimus PATER SVAREZ, quem & tu met hinc inde in nonnullam opinionis tue partem trahere conaris? & quid ille responsi edidit, eundem hunc locum nostrum commemorans? *Dupliciter* (inquit alibi) potest voluntas dici libera: scilicet vel tantum à coactione, quia vo-

Suarez  
to. 3. in  
3. p. di-  
spu. 37.  
sect. 2.  
in prin-  
cipio.

lunta-



luntariè operatur & non coactè: vel etiam à necessitate, quia scilicet aliquo modo habet in sua potestate operari & non operari. Quidam ergo (de quorum numero tu Vincenti) voluntatem Christi faciunt liberam priori tantummodo & non posteriori, ut euentus difficultates quæ sunt in soluenda Christi libertate quoad indifferentiam & carnitiam necessitatis. Quin potius etiam Diuus Thomas in 3. dist. 18. quæst. 1. art. 2. ad 5. (ecce locum tuum, Vincenti, circa quem æra Dodonæa filere, falsò affirmas) in secunda solutione illius, hæc sententiam ut probabilem relinquit. (intellige iuxta mentem alienam) sed nunquam Diuus Thomas in partibus hoc docuit, sed sæpe contrarium: est enim illa sententia omnino falsa & improbabilis. Non audis hic huius oraculi responsum? Non audis hic Diuum Thomam hoc ut probabile secundum aliorum opinionem semel asseruisse, numquam tamen in partibus (ex propria scilicet mente) id ipsum docuisse, sed sæpe contrarium? Quid ergo clamas Delphis oracula cessare, & æra Dodonæa vel potius Petauiana fileræ? Accipe Doctor Arausicanus in contradictionem tuam hoc verbum Ausonij; nec Dodonæi cessat tinnitus abeni.

Sed antequam cum Diuino Thoma finiam, dic & nobis ad hanc interrogationem. Esto tuæ sententiæ pars, in secunda solutione contineretur, nonne & tu sateri debes, nostram sententiam contineri in prima? Ita est, ita est, nisi euidentissimis verbis stare recuses. Si ergo ita est, si nostra sententia continetur in prima solutione, & tua in secunda; & vtræque à Diuo Thoma adhibetur; quæ ratione dicis, apertè contra Sanctum Doctorem sentire illos Thomistas, qui adherent primæ solutioni & deserunt secundam, & te minime, qui deseris primam & adheres

secundæ? Nonne honestius æquali illos tecum honore dignareris? Nonne suauior stylus eoque gravior? si vtrique sententiæ Thomisticam lauream appendisses? Cur ut speciale tibi arrogas id, quod gemina illa solutio potius sub communis boni participatione relinquit? visne forte in Sacro monte Thabor, in illo inquam sublimi Theologorum vertice Thoma Aquinate, tibi solituisque, exclusis nostris, tabernaculum gloriæ figi? Certè absque censura ignorantie non licet. Non enim sciebat quid diceret. Vel etiam præteritis in domo Abrahamæ dominari ancillam & eijs liberam? Sed quid dicit Scriptura? *Eijce ancillam & filium eius, non enim hæres erit filius ancillæ, cum filio libera.* Nec tu, Vincenti, hæres in hac parte cum filiis Diui Thomæ. Opinio tua tamquam filia ancillæ reiicienda est: solutionem enim illam secundam, quæ tibi opinionem tuam tanta cum confidentia vel peperit, vel confirmauit, Sanctus Doctor non tamquam propriæ mentis partum, sed ut alienæ imaginationis phantasmam, in sua Schola quasi spuriam, quasi ancillam, & minime liberam subiecit.

Imo dato adhuc, quod in illo loco, sententiæ nostræ non semel memor fuisset, sed potius solutionem illam tibi fauentem, solam & vnicam, adduxisset, quid inde? Effet ne ideo tantæ auctoritatis, ut propter eam, sententiæ nostræ, Thomistica laurea deberet exui vel spoliari? Scias, Vincenti, inter Theologos circa mentem Diui Thomæ hanc seruari regulam; ut nempe dicta eius super libros sententiarum, nullius prorsus censeantur roboris; quando partibus aut Summæ eius Theologicæ contrarie conspiciuntur. Pluribus hoc possem ostendere; sed quia res notissima, vno vel altero tantum exemplo firmabo.

Marci  
9. versu  
6.

Ad Galatas  
4.  
versu 30.

Ausoni  
us &  
pud Ca  
lepinu  
verbo  
Dodonæi  
tinnit.

Et in primis id quod iam antè adduxi ex Caietano, nonne clarissimè idipsum testatur? Docuit Divus Thomas in Quarto Sententiarum, *Beatitudinem animæ augeri etiam intensuè resumpto corpore*. Sed quis quæso Thomistarum, hoc tamquam doctrinam Thomisticam amplectitur aut veneratur? Nemo profecto: idque non alia de causa, quàm quia in partibus expressis verbis docet contrarium, ut iam superius vidimus.

Deinde in eodem Quarto, Dist. 19. quæst. secunda, articulo secundo, quasiuncula secunda docuit Iudicem, vel Prælatum in peccato mortali etiam occulto existentem, & alios corripientem, seu iudicantem, peccare, quia *quandocumque* (inquit) *aliquis indignè vitur officio suo, peccat: ille autem qui est in mortali peccato, etiam occulto, indignè vitur officio Prælationis, unde peccat corripiendo, vel quidquid aliud proprii officij exequatur*. Quæ iterum doctrina nullius inter Thomistas momenti iudicatur, quia resolutionibus eius in summa Theologica contradicit: ubi teste Caietano expressè statuit talem Iudicem non peccare: inquit namque 2. 2. quæst. 60. articulo secundo ad Tertium. *Si autem non sunt publica (peccata) sed occulta, & necessitas indicandi imminet, propter officium potest cum humilitate & timore vel arguere vel indicare*.

Tandem in Secundo, Dist. 28. articulo 2. disertè tradit, & ex professo omnino, hominem in peccato mortali existentem, non indigere gratia iustificante, ut vitet omnia mortalia collectivè, & ut diu maneat absque peccato. Hanc autem sententiam omnes Thomistæ unanimi consensu rejiciunt, ut in Caietano præsertim & Ferrariensi videre est: inuenitur enim contrarium docere. 1. 2. quæstione 109. articulo

octavo his verbis. *Antequam hominis ratio, in qua est peccatum mortale, reparetur per gratiam iustificantem, potest singula peccata mortalia vitare, & secundum aliquod tempus, quia non est necesse, quod continuo peccet in actus; sed quod diu maneat, absque peccato mortali, esse non potest*. Vbi manifestissimè gratiam iustificantem requirit, ut omnia collectivè vitentur, licet non ut vitentur singula diuiniè. Unde contradictionem istam aduertens Ferrariensis, expressè concludit in doctrina Thomistica tenendum esse, non id quod docuerat in Sententijs, sed id quod docet loco illo ex Prima Secundæ.

Habemus ergo, Vincenti, nihil auctoritatis Thomisticæ tibi posse accrescere ex loco illo Sententiarum, quem tanta confidentia objicis, & circumfers. Dato namque quod ibidem sententiam nostram minimè tenuisset; sed solam tuam ut veram approbasset: hoc vnicuique omni viro Theologo sufficere debet; quod nostram docuerit in partibus, imò & in tot locis alijs, sicut iam luculenter demonstratum est. Ex locis Sententiarum nihil fidei acquiri potest, quando in voluntate sua vitima Summæ Theologicæ contrarium docere comprobatur.

## CAPVT XV.

*Ostenditur, Vincentium contra se quodque habere Sanctos Patres, ex eo quod contra se habeat Sanctum Thomam.*

VINCENTIVS suam opinionem non solum Thomisticam, sed & veterum Sanctorum Patrum Philosophiam esse contendit. Principè autem id ipsum probat per tria

Ferrariensis  
1. cont.  
gent. 160. 18  
huc.

Caiet.  
1. 2. qu.  
109. 2. 8

In The  
riaca l.  
1. c. 1. 4.  
& s.

tria capita suæ Theriacæ de Angusti-  
no, Prospero, Fulgentio, Damasceno,  
Anselmo, & Bernardo: nihil aliud  
ex eorum mente proferens, quam  
solenne hoc principium: VBI VO-  
LVNTAS, IBI LIBERTAS. Ex  
quo omnino consequens putat, so-  
lum voluntarium ex perfecto iudicio  
rationis proficiscens, ad libertatem,  
& ad meritum ac demeritum suffice-  
re.

Hoc sanè principium nos minimè  
negamus; sed potius vtraque manu  
amplectimur, si in sensu formali (vti  
intelligi debere, infra probabitur)  
capiatur: de voluntate scilicet vt for-  
maliter voluntas est, non de volun-  
tate vt natura est. Sed sic intellectum,  
tantum abest, quòd consequens Vin-  
centij inferat, vt directissimè con-  
cludat oppositum, vt infra videbi-  
mus. Interim pro præsentis instituto  
mentem Sanctorum à parte quoque  
nostra contra Vincentium pugnare  
probemus, & quidem hoc argumen-  
to, quia pugnat contra ipsum San-  
ctus Thomas.

Volo ergo hoc principium; Si Di-  
uus Thomas est contra Vincentium, nul-  
lus Sanctorum Patrum erit pro Vincen-  
tio; esse moraliter firmum & solidum;  
ita vt prudenti Scholastico de ista  
conditionali dubitare fas non sit.

Et vt incipiamus, nonne illud Cai-  
etani de Angelico Præceptore veris-  
simum, Quia sacros Doctores summè  
veneratus est; ideo intellectum omnium  
quodammodo sortitus est? Imò & veris-  
simum esse, ipse Caietanus probat.  
Scriptum est enim (inquit) quòd decla-  
ratio Diuinorum sermonum illuminat,  
& intellectum dat paruulis: dantibus  
ergo operam declarationi Diuinorum  
sermonum per Prophetas, Apostolos,  
Doctoresque sacros, lumen datur & in-  
tellectus ipsorum: vtpote paruulis in ocu-  
lis suis, & seipsos submittentibus illo-  
rum doctrina. Si ergo Diuus Thomas

præ cæteris Scholasticis operosius,  
Diuinis Sanctorum Patrum sermo-  
nes seu sententias declarare semper  
studuit, summè in oculis suis paru-  
lus, summè seipsum illorum doctri-  
næ submittens; quis negabit eum,  
lumen & intellectum omnium fuisse  
sortitum? Quod si hunc sortitus fuit;  
ergo intellectus Sancti Thomæ, est  
verus & genuinus intellectus Sancto-  
rum: & ex consequenti, qui contra  
se habet hunc, habet & contra se  
illos.

Imò sicut, teste Diuo Antonino, Anton.  
sciscitanti quondam Thomæ à Diuo 3. part.  
Paulo, num probè assecutus esset Hist.  
mentem epistolarum eius, Aposto- tit. 33.  
lus ipse respondit, quantum quidem cap. 7 §.  
assequi potest quispiam in humano corpore 12.  
mente idipsum summa cum veritate  
non dubito posse dici: hanc videlicet  
in omnibus, & per omnia assecutus  
fuisse, quantum assequi potest quis-  
piam in humano corpore. Quem  
namque ipse Apostolus summum &  
maximum inter omnes humanos sue  
mentis interpretem agnouit, & præ-  
dicauit; iustum non est, vt vel vllus  
Theologorum in interpretanda mè-  
te reliquorum Sanctorum excedere  
præsumat.

Sed obijcitur nobis, Cornelium  
Iansenium vniuersa opera Augustini  
decies & amplius, attentione acri, ad-  
notatione diligenti, libros reò contra  
Pelagianos faciliè trigies à capite ad  
calcem voluisse: ac proinde ipsum po-  
tius pro vero Augustini interprete  
habendum esse.

Profecto obijciatur, & euoluerit  
millies. Nullus tamen (teste Paulo)  
mentem suam ac proinde nec Augu-  
stini nec aliorum tam probè assecu-  
tus fuit, quam Thomas Aquinas.  
Plus Angelicus ille ex mente Sancto-  
rum hausit, vel vnico solum intuitu  
quo ipsos perlustrauit, quam Iansen-  
nius

Infra l.  
3. ca. 4.  
lect. 1.  
per to-  
tam.

Caieta.  
2.2. qu.  
1.3. art.  
5. in fi-  
ne com-  
menta-  
rii.

In Sy-  
nopfi  
vix  
Cotoc-  
bi Ian-  
senii,  
quæ ha-  
betur in  
princi-  
pio pri-  
mi to-  
mi.

D. Th.  
1. p. qu.  
55. art.  
3. in  
Corp.

nus tot iteratis vicibus à capite ad calcem euoluendo. Vt namque idemmet alibi fatur; *qui sunt fortioris intellectus, ex paucis multa capere possunt*: fortioris autem intellectus inter Scholasticos omnes, Angelicum nostrum fuisse, certissima deuotione mihi persuasum habeo, præsertim si candor castitatis eius profundumque humilitatis perpendatur attentius: utroque enim illo, in gradu tam superexcedenti dotatus fuit, ut donorum potius quam simplicium virtutum rationem tam castitas quam humilitas in eo habuerint. Quæ proinde cum ad plenitudinem intellectualis luminis, dispositiones sint optinæ & pulcherrimæ; quis vel leuiter dubitabit, eum fortissimi & efficacissimi intellectus fuisse? vidit ergo, percepit, intellexit plura castissimus & humillimus Doctor Thomas, paucioribus fortè vicibus Augustinum meditando; quam Iansenius tot iteratis cursibus in littera pertinacius insudando. Ita ut & iure merito de ipso dici possit, id quod prima parte quæst. 58. art. 3. in Corpore, Angelicis mentibus attribuit: quod nempe statim in primo aspectu principiorum, totam virtutem eorum comprehendunt, intuendo quidquid ex eis Syllogizari potest. Sic Aquinas (utpote Doctor Angelicus) in primo aspectu Augustini, totam virtutem scriptorum eius quasi comprehendit: quidquid ex eis Syllogizari poterat, clarissimè intuendo. Sit igitur argumentum hoc, viro Theologo omnino efficax, Augustinum ac proinde & Sanctos reliquos, esse contra Vincentium; si contra ipsum est Doctor Thomas.

Accedat huc admirabilis illa visio, quam iterum Diuus Antoninus Alberto de Brixia contigisse refert. Conspiciebat is Augustinum & Thomam sibi simul apparentes: sed rei

causam ignorans, supplexque ab illis misterium quærens, responsum habuit ex ore illius, qui Pontificalibus insignitus cernebatur. *Quid Miraris Alberte? Ego sum Augustinus Doctor Ecclesiæ, qui sum missus ad declarandam gloriam Sancti Thomæ. Is est qui mecum est, qui doctrinam meam & Apostolicam in omnibus secutus est: qui totam Dei Ecclesiam suæ doctrinæ fulgoribus mirabiliter illustrauit. En ipse Augustinus fatetur doctrinam Sancti Thomæ, suæ in omnibus conformem esse. Quod si rursus hoc verum est (vti pro verò à Sanctissimo Antonio refertur) per eandem omnino viam incescit vterque & Thomas & Augustinus: proindeque qui à via Diui Thomæ, vt à via quoque admirabilis Præsulis Augustini aberrer, necesse est.*

Ad hoc idem respexisse videtur Urbanus Quintus, dum in Bulla ad Academiam Tholosanam hoc nobile dedit de Sancto Thoma testimonium. *Attendentes quanta à Deo scientia dotatus, Ordinem Fratrum Prædicatorum & vniuersalem Ecclesiam illustrauerit, ac Beati Augustini vestigia insecutus, eandem Ecclesiam doctrinis & scientiis quamplurimis ornauerit, &c.* En Pontifex eandem doctrinæ Angelice cum Augustiniana conformitatem, apertissimè fatetur. Quo ergo fundamento poterit pro opinione aliqua adduci Augustinus, contra quam euidentissimis verbis pugnat Sanctus Thomas?

Nonne etiam Sixtus Senensis debita omnino laude proclamatur, huic vni verè Diuino viro Thomæ Aquinati tantam assercionum sententiarumque securitatem diuinitus obtulisse, *vt in lectione eius, lector omni suspitione erroris liber, citra vllam offensam tutus & securus expedito gradu expatiari possit, veluti per viam regiam communi Ecclesiasticorum Patrum in-*

Bulla  
Urbanus  
5. ad  
vniuer-  
sita-tem  
Tholo-

Sixtus  
Senensis  
4. Bibl.

cessu

D. An-  
toninus  
vbi su-  
pra.

cessu tritam? Vocat Sancti Thomæ doctrinam, viam regiam, viam communem Sanctorum Patrum, & audebitne Scholasticorum aliquis eosdem Sanctos Patres sibi Duces & Patronos præsumere, ubi à Sancti Thomæ Doctrina longius aberrare comprobatur?

Bulla Pii V. in qua Pontifex hic fatetur, quod prædecessor suus Ioannes vigesimus secundus, adductus miraculorum signis à Divo Thoma editis, & certissima regula Christianæ Doctrinæ, qua Doctor Sanctus Apostolicam Ecclesiam illustravit; ipsum in Sanctorum numerum retulit. Vbi pondo Sancti Thomæ Doctrinam, vocari certissimam Christianæ Doctrinæ regulam. Quo sanè sicut nil excellentius potuit, de ipso Sedes Apostolica declamare; ita quoque ad rem nostram, nil accommodatius. Si namque scripta eius, certissima sunt Doctrinæ Christianæ regula; profecto & lydius lapis esse debent, ad quem ipsa mens sanctorum referenda & examinanda sit: ac proinde qui eum sui placiti vel Patronum vel inimicum habuerit, eadem quoque lege Sanctos ipsos, aut patronos aut inimicos est habiturus.

## CAPVT XVI.

*Philosophia Augustini.* Vbi non est potestas ad oppositum, ibi non est libertas.

**Q**VAMVIS sapienti veroque Theologo forte sufficiant ea, quæ superiori capite diximus, circa mentem Sanctorum in generali, quod nimirum ea non debet credi alia à mente Divi Thomæ; tamen ut etiam in particulari hoc ita esse appareat,

libet ulterius per diversa capita idipsum ostendere: nominatim singulos Patres recensendo, & præcipue illos, quos Vincentius sibi Duces & Patronos præsumit.

Prodeat primo loco Princeps & Imperator omnium Augustinus; & eadem ex hoc Doctore verba assumo, quæ tibi, Vincenti, favere existimas. Ut expressè fateris in tua Thériaca; Augustinus lib. 3. de libero arbitrio cap. 1. sic distinguit inter motum voluntatis, qui dicitur liber, & inter motum, quo lapis deorsum ruit. *Motus voluntatis non est utique naturalis, sed voluntarius: in eoque similis est illi motui, quo deorsum versus lapis fertur, quod sicut iste proprius est lapidis, sic ille animi: verumtamen in eo dissimilis, quod in potestate non habet lapis cohibere motum, quo fertur inferius: animus vero dum non vult, non ita movetur, ut superioribus derelictis inferiora deligat: ideo lapidi naturalis est ille motus, animo vero ille voluntarius.* Dic modo. Nonne hic sumit Augustinus, voluntarium pro eo quod nos vocamus liberum? Et quid quæso docet? Nonne apertissime; ideo motum lapidis non esse liberum seu voluntarium, quia lapis in potestate non habet illum cohibere, ad differentiam voluntatis, quæ id ipsum respectu sui motus in potestate habet? At huiusmodi causalis esset omnino ineptè assignata, si potestas illa cohibendi, non foret essentialis requisitum libertatis, ut tua Philosophia contendit: ergo directè contra Augustinum Philosopharis. Minor ista subsumpta ostendi potest evidenter. Nam si potestas cohibendi non est essentialis requisitum pro libertate; sed solum signum ostensivum illius, & tale quidem, ut sine eo actus verè liber elici & existere possit; dicat ergo aliquis in vi causalis, siue à priori siue à posteriori, ideo hoc non est

In Théri. lib. 1. c. 1.

est viuens, quia non habet potestatem currendi; nonne omnino ineptè & ignoranter loquetur, cum talis potestas, nec causa nec ratio sit vitæ, nec vita per se & inseparabiliter cum illa connectatur tamquam cum effectu suo necessario? Ergo si potestas cohibendi, nec causa nec ratio est libertatis, nec libertas cum ea per se & inseparabiliter connectitur, omnino ineptè & ignoranter locutus fuit Augustinus, dicendo, *ideo motus lapidis non est voluntarius seu liber, quia non habet lapidis potestatem, illum cohibendi*. Patet consequentia; quia si libertatem negasset propter absentiam alicuius, sine quo adhuc vera libertas potest subsistere: sicut si rationem vitæ alicui enti denegares, propter hoc quod currere non potest: cum tamen verè viuente sine potestate currendi, mille & mille inueniantur.

Hoc vnum profecto verè in te satisfaceret; sed vt superabundans sit satisfactio; accipe & alia non minus certa. In eodem ergo libro tertio de Libero Arbitrio post longam disputationem cum suo Euodio, de causa, quæ facit voluntatem liberam peccare, tandem cap. 18. præscribit ipsi hanc compendiosam regulam. Si (inquit) laboriosum est, omnia mandare memoria, hoc breuissimum tene. Quæcumque ista causa est voluntatis, si non ei potest resisti; sine peccato ei ceditur: si autem potest, non ei cedatur, & non peccabitur. An foris fallit incautum? Ergo caueat, ne fallatur. An tanta fallacia est, vt caueri omnino non possit? Si ita est, nulla peccata sunt. Quis enim peccat in eo, quod nullo modo caueri potest? Peccatur autem; caueri igitur potest. Quid clarior? In his verbis tradit hanc infallibilem regulam. Voluntas liberè peccat; ergo peccatum cauere potest. Peccatum cauere non potest; ergo non

peccat. Sed hæc iterum non subsisterent, si daretur vera libertas sufficiens ad demeritum, absque potestate ad oppositum, siquidem staret, voluntatem liberè peccare; & tamen peccatum non posse cauere: sicut per te, Vincenti, stat Patrem in Diuinis liberè producere Spiritum Sanctum, & non posse productionem cauere: ergo perspicuè omnino Augustino contradicis.

Occurrit huic loco Antesignanus tuus Cornelius Iansenius, & asserit, Augustinum hanc regulam solum tradere pro peccatis naturæ integre; non verò pro peccatis naturæ lapsæ: ita vt sensus sit, quod homo in natura integra nullo modo peccasset, si peccatum cauere non potuisset. Ex quo proinde non habetur, quod modo quoque in natura lapsa, vt peccet, debeat hanc potestatem cauendi habere.

Sed contra hanc glosam obstant tria.

Primum; quod in terminis est ipsiusmet Caluini, vt infra lib. 5. c. 25. declarabo.

Secundum; quod verba Augustini, ipsa sua generalitate aperte clamant, regulam prædictam tradi vniuersaliter pro omnibus & pro omni statu. Inquit namque. Quis enim peccat in eo quod nullo modo caueri potest? Estne quæso iste modus loquendi de homine integro tantum? Amice Lector, si tibi dicerem; Quis enim currit sine pedibus; nunquid statim intelligeres, mentem meam esse; quod nullus omnino cuiuscumque sit conditionis, sine pedibus currit, nec mulier nec vir, nec pauper, nec diues, nec ullus alius? Ergo si Augustinus doctrinaliter asserit; Quis enim peccat, in eo quod nullo modo caueri potest; mens eius indubiè est, quod nullus omnino in tali materia, quam vitare non potest, peccat, siue sit homo lapsus,

Cornel.  
Iansen.  
com. 2.  
l. 2. c. 4.  
colum.  
302.



lapsus, siue integer, siue quilibet alius.

Tertium: quia sufficit in contra- sola auctoritas Sancti Thomæ, qui citatam regulam Sancti Augustini sapientissime adducit, & semper intelligit etiam de homine lapsa, siue in statu naturæ lapsæ. Vide eum si placeat in 12. quæst. 74. artic. secundo, & quæst. 109. art. 8. in primo argumento. Et in disputatis quæst. 24. de Veritate art. 12. in septimo argumento *Sed contra.*

Pergo ad alium locum ex eodem libro tertio de libero arbitrio, capite 25. Certè non minus conuincit quàm præcedens. Sic ibidem loquitur. *Quia voluntatem non allicit ad faciendum quodlibet, nisi aliquid visum; quid autem quisque sumat, vel respuat, est in potestate; sed quo viso tangatur; nulla potestas est: fatendum est ex superioribus & inferioribus visis animum tangi, ut rationalis substantia ex utroque sumat, quod voluerit, & ex merito sumendi, vel miseria, vel beatitas subsequatur.* Quibus verbis (ut notat glossa marginalis ibid.) ponit differentiam inter sentire obiectum, & assentiri obiecto: & asserit secundum; nempe assentiri obiecto, esse in nostra potestate: primum autem, nempe sentire obiectum in nostra potestate non esse. Quia videlicet circa sentire obiectum, non potest rationalis animus facere quod voluerit; si semel sensus ab obiecto applicato tangatur: hac enim applicatione supposita, velit, nolit, sentiet visus. Circa secundum autem, quod est assentiri obiecto; potest quod voluerit facere: verbi gratia, assentiri, vel non assentiri: ergo apertè sentit, non esse in nostra potestate, ac proinde nec liberum, id circa quod non exercetur potestas ad oppositum.

Quod idem manifestissime confirmat libro de Spiritu, & Littera ad

Marcellinum cap. 31. *Vnde (inquit) hoc quisque in potestate habere dicitur, quod si vult; facit, si non vult; non facit.* Dic quæso, nonne istis verbis exprimit essetiale requisitum libertatis, seu liberæ potestatis? Et Bono Deus! Qualiter huiusmodi verificari possunt, de actibus omnino necessarijs, sicut sunt amor Diuinæ Bonitatis beatificus, & spiratio Spiritus Sancti? Possetne sanæ mentis Theologus dicere: Pater si vult, spirat; si non vult, non spirat? Profecto qui talia diceret, non Theologiam; sed potius hæresim affirmaret: sit enim sensus, quod spirat quia vult, seu quando vult: ita ut voluntas, in quantum voluntas formaliter, sit principium, seu causa mouens ad spirandum: quod (ut infra ex Diuo Thoma ostendam) hæresim insert: licet enim verum sit, quod Pater volendo spiret, quod solum sonat concomitantiam voluntatis, sicut & volendo se esse Deum, est Deus; falsissimum tamen & erroneum est, quod spiret, quia vult, aut quando vult. Ergo si Augustinus ad potestatem liberam, requirit: quod voluntas faciat, si velit; non faciat, si non velit: quæ tamen de talibus actibus verificari nequeunt; sentit sine dubio libertatem actibus huiusmodi non inesse.

Accedit ex eodem capite id quod in fine eiusdem dicit ad illum locum Ioannis 19. *Non haberes in me potestatem, nisi data tibi esset desuper.* Explicat sic: *Sed cum potestas datur, non necessitas utique imponitur.* Et hoc probat exemplo, *Vnde cum David (inquit) Saulis occidendi potestatem accepisset, maluit parcere, quàm ferire.* Ecce probat in Dauide non necessitatem, sed libertatem adiuvisse, quia cum vtrumque posset, & ferire, & parcere: maluit parcere quàm ferire. Estne hoc dicere quod ita libertas absque potestate ad oppositum?

Rur-

Infrà l.  
1. c. 19.  
§. 1. *As-  
sumus,*  
& 6. *Nec  
dum cū  
Bernar-  
do.*



Rursus inspicere librum secundum de peccatorum meritis & remissione, cap. 18. Quapropter nisi obtineamus (inquit) non solum voluntatis arbitrium, quod huc atque illuc liberum fluctatur, atque in eis naturalibus bonis est, quibus & male vti, malus potest, sed etiam voluntatem bonam, quæ iam in eis bonis est, quorum esse vsum non potest malus, nisi ex Deo nobis esse non posse; nescio quemadmodum defendamus, quod dictum est, quid enim habes, quod non accepisti? Quo sermone contendit non solum nos diuinitus adipisci liberum arbitrium seu potentiam illam, quæ liberè volumus, sed etiam ipsos actus liberos bonos, quos vocat bonam voluntatem, scilicet actuales: & per quid quæso illud liberum arbitrium seu potentiam illam in ratione liberi constituit? Certè per nihil aliud quam per hoc, quod huc atque illuc liberum fluctatur: id est, quod potest facere & non facere, facere hoc vel aliud. Estne hoc iterum dicere, quod essentialis eius libertas saluatur absque potestate ad oppositum? Eia, Vincenti, errorem deponere, nam mens Augustini clarè satis tibi ostenditur.

Verum non possum omittere illud quod habet libro primo operis imperfecti contra secundam Iuliani responsionem. In ea responsione à capite 44. contendit Iulianus contra Augustinum probare, infantes non nasci cū aliquo peccato: ex eo quod ipsemet Augustinus peccatum definierat esse, voluntatem agendi quod iustitia vetat, & vnde liberum est abstinere. Argumentabatur autem sic. Secundum te Augustine, peccatum est voluntas agendi, quod iustitia vetat, & vnde liberum est abstinere: voluntas autem (prosequitur) est motus animi in iure suo habentis partem alterutram scilicet velle & nolle: qui motus non inuenitur, nisi in eo qui per aetatem iudicio rationis & libero arbitrio vti potest.

Ostende ergo hæc duo in paruulis posse constare. Si nullum est sine voluntate peccatum; si nulla voluntas, ubi non est explicata libertas, si non est libertas, ubi non est facultas per rationem; quo monstro peccatum in infantibus reperitur, qui rationis vsum non habent? Hanc esse Iuliani argumentationem, constat legenti citatum librum à capite 44. vsque ad 48. Et vt vnico verbo dicam; summa est hæc. Secundum tuam et principia Augustine, peccatum est voluntas agendi, quod iustitia vetat, & vnde liberum est abstinere: sed in paruulis talis voluntas seu libertas abstinendi non inuenitur, cum vsu libertatis omnino careant: ergo in paruulis non nisi monstruosissime fingi potest, inueniri peccatum. Quid putas, Vincenti, Augustinum nostrum hic respondere? Profecto te id ipsum ignorare, nec vel leniter dubitare volo.

Respondet ergo capit. 47. hoc modo: videlicet se prædicta definitione non definiuisse peccatum in tota sua latitudine, vt verbi gratia comprehendit id quod est peccatum tantum & id quod est peccatum & poena, peccati simul, quo secundo sensu comprehenditur etiam originale; sed solum definiuisse, id quod est peccatum tantum, quo sensu comprehendit solum peccatum actuale. Adami & etiam actualia nostra, siue ea fiant absque vlla passione incitante, siue cum aliqua passione incitante, siue etiam ex ignorantia, vincibili tamen. Et rationem assignat, quia omnia ista actualia (Originali excepto) ab hominibus tali voluntate fiunt, vt liberum eis sit ab eisdem abstinere; licet nulli (inquit) tam liberum sit, quam illi (scilicet Adamo) Qui Deo suo, à quo erat cõditus reclusus, nullo prorsus vitio deprauatus adstabat.

Ex hac eius doctrina sic argumentor ad rem nostram. Si opinionem tuam

C A P V T XVII.

*Dilucidantur ex doctrina Sancti Thomæ, quadam loca Augustini, in quibus videtur docere, libertatem sufficientem ad peccandum, subsistere absque potestate ad oppositum.*

**V**IDETVR discursus superiori capite factus, ex loco contra Iulianum, aliquid falsi in doctrina Diui Augustini assumere: videlicet in hoc, quòd diximus, ipsum sub prædicta definitione peccati comprehendisse non solum peccatum primum Adami, sed etiam omne peccatum actuale nostrum, verè peccatum: quòd tamen contra Augustinum esse, probat Iansenius nonnullis, quæ secundum litteram satis apparent manifesta.

Iansen.  
tom. 2.  
li. 1. c. 4.  
à colu.  
na 302.

**PRIMO PROBAT:** nam libro illo primo operis imperfecti capite 44. cum Iulianus definitionem illam peccati, quæ requirit, *ut sit liberum inde abstinere*, suo calculo probasset, ut per eam peccatum originale ad hominem contra Augustinum euerteret; respondet Augustinus sic. *Hic peccatum definitum est, quod tantummodo peccatum est: non quod etiam pœna peccati: de hoc quippe agendum fuit, quando mali origo quærebatur: quale commissum est à primo homine ante omnes homines malum. Sed tu aut non potes intelligere, aut non vis.* En qualiter definitionem suam explicet de solo primo peccato à primo homine commissio. Et subiungit Iansenius, quòd eandem abstinendi libertatem inculcante Iuliano, eandem responsum suam in eodem libro Augustinus inculcat. Quod & ego verum esse fateor: imò & libet reliqua ex eodem libro in medium proferre, licet Iansenius ea speciatim ibidem non

In The  
1346. l.  
1. c. 5.  
§. 1. et au-  
tem ve-  
rit.

tuam sensisset Augustinus; potuisset illam suam definitionem non acceptare, non solum pro peccato originali, sed nec etiam pro vilo peccato actuali nostro: potuisset enim dicere se ibi peccatum non definiuisse, secundum aliquid essentialè, sed (ut tu dicis) secundum aliquam conditionem ipsi accidentalem, qualis est libertas contradictionis consistens in posse facere & non facere: at hoc non fecit, sed potius definitionem illam, etiam pro omni nostro actuali peccato acceptavit, asserens à quolibet illorum liberè posse hominem abstinere, licet non tam liberè, sicut potuit Adamus: ergo evidenter sentit, libertatem contradictionis, penes quam peccatum actualè definierat, esse de essentia omnis peccati actualis, tam nostri quàm Adami, nec vllum sine illa posse committi.

Iansen.  
tom. 2.  
li. 1. c. 4.  
col. 302

Huic loco iterum occurrit tuus Iansenius, & vult definitionem prædictam iuxta mentem Augustini, non esse de quolibet peccato intelligendam, sed de illo solo, quod in Paradiso primus Pater summa voluntatis libertate petrauit. Quasi aliqua dentur in natura lapsa, peccata verè peccata, à quibus liberum non sit abstinere: cuiusmodi asserit esse, peccata commissa ex inuincibili ignorantia iuris naturalis: quæ secundum Theologiam Iansenij (vel potius stultilogiã) veri peccati rationem habent, licet ab ipsis hic & nunc abstinere, liberum non sit.

Sed iterum dico, quòd hæc Glossa ad hanc Augustini definitionem, in terminis est ipsiusmèt Caluini. Ostendam hoc lib. 5. cap. 25. Interim pro nunc libet probare, qualiter Augustino tribui non debeat simile cõmentum: pro quo caput sequens instituo.

non commemoret: quia omnino iudico, Catholicam nostram sententiam ijs ipsis potius firmari quam infringi.

**SECUNDO** ergo probatur idem: nam capite 47. iterum loquens de prædicta definitione, idem iterum Iuliano respondet. *Ipse est Adam (inquit) quem nostra definitio, quæ tibi placuit, iatuebatur, cum dicerem; peccatum est voluntas agendi, quod iustitia vetat, & unde liberum est abstinere. Adæ quippe omnino quando peccavit, nihil in se habebat mali, quo nolens vgeretur ad operandum malum, & propter quod diceret, non quod volo facio bonum, sed quod nolo malum, hoc ago: ac per hoc id egit peccando, quod iustitia vetat, & unde illi liberum fuit abstinere. Nunc ei qui dicit; quod nolo malum hoc ago: abstinere inde liberum non est. Quid clarius? Dicit se intuitum fuisse Adamum, quando peccatum sic per indifferentiam contradictionis definiuit: ipsi enim (inquit) liberum fuit abstinere, nobis autem in natura lapsa, abstinere inde liberum non est. Ergo aperte sentire videtur, aliqua saltem peccata actualia nostra, subsistere absque libertate contradictionis, seu potestate abstinendi.*

**TERTIO** probatur: nam immediate post verba adducta, eidem Iuliano dicit; *scias aliud esse peccatum, aliud penam peccati, aliud utrumque, id est, ita peccatum, ut ipsum sit etiam pena peccati. Intelligis quid horum trium pertineat ad illam definitionem? Peccatum namque isto modo definitum est, non pena peccati, non utrumque. Ergo expressè excludit ab illa definitione illud peccatum, quod ita est peccatum, ut etiam sit pena peccati. Tunc ultra, at non solum originale, sed etiam multa actualia nostra verè peccata, sunt pena peccati, ut de se patet, ergo non solum ori-*

ginale, sed etiam multa actualia nostra verè peccata, ab illa definitione excludit.

**QUARTO** probatur: quia adducens ibidem exemplum de illis tribus, scilicet de peccato tantum, de pena tantum, de peccato & de pena simul, sic fatetur. *Horum sanè trium generum, si requirantur exempla; primi generis in Adam, sine vilo nodo questionis occurrit. Multa quoque sunt, quæ agunt homines mala, à quibus eis liberum est abstinere: sed nulli tam liberum est, quam illi (scilicet Adamo) fuit. Ecce ubi ad primum genus peccati tantum, à quo nempe liberum est abstinere; reducit solum peccatum Adami, & ex nostris præcisè aliqua, non omnia: inquit enim: Multa quoque sunt &c. videlicet illa tantum, quæ committimus absque vilo prorsus incentiuo alicuius passionis, aut prauis habitus, ex pura malicia. Sentit ergo iterum atque iterum, non omnia nostra peccata, sed ad summum multa esse talia, à quibus liberum est abstinere.*

**QUINTO** probatur: nam capite 105. diluens quandam obiectionem Iuliani, qua dixerat sequi ex dicta definitione, nullum peccatum, non solum in conceptione; sed nec in moribus inueniri: sic respondet. *Cum igitur & illa fateamur in hominibus esse peccata, quæ committantur non necessitate, sed voluntate, quæ tantummodo peccata sunt, unde ab eis liberum est abstinere: & peccatis de ignorantia vel affectionum necessitate venientibus, quæ iam non solum peccata, verum etiam penæ sunt peccatorum, plenum sit genus humanum; quomodo dicis definitionibus nostris, peccatum nec in moribus inueniri? Ecce ubi clarè & perspicuè condistinguit, peccata venientia de ignorantia vel alicuius passionis necessitate, contra illa à quibus liberum est abstinere: ac proinde eui-*  
den-

denter sentit, non omnia peccata actualia nostra comprehendit sub illa definitione: qua dixerat, peccatum est voluntas agendi quod iustitia vetat, & vnde liberum est abstinere. Quod si ita est; agnoscit Philosophia Augustini, peccatum verè & propriè peccatum, & tamen commissum absque potestate indifferentiæ ad illud omit-tendum.

HORVM & similium incogitantia posset eruditum quemque hoc loco maximè fallere. Si enim non, considerato Spiritu, sola littera inspiciatur, putabitur iuxta sententiam Augustini, quædam peccata tali necessitate à nobis committi, vt ab eis abstinere homo non possit: ac proinde veram aliquam libertatem sufficientem ad demeritum, posse subsistere absque potestate ad oppositum. Sed monet Apostolus, quod littera occidit, Spiritus autem viuificat; vnde hunc diligentius consideremus, & diuino prosequente auxilio, claram & perspicuam dabimus explicatio-nem.

Nullo Duce id fiet securius, quam præcunte D. Thoma, quem qui sequitur, absque vilo prorsus errore sequitur.

Nota igitur ex eius doctrina primo: quòd homo in statu naturæ integræ, & homo in statu naturæ lapsæ, quantum ad potestatem vitandi peccatum, in vno conueniunt, & in tribus discriminantur.

Conueniunt quidem in hoc, quòd sicut homo in statu naturæ integræ potuit virtute naturali omnia peccata diuise sumpta absolute vitare, tam mortalia, quam venialia: ita idipsum virtute naturali, absolute potest homo in statu naturæ lapsæ. Hoc est dictum, quòd nullum peccatum in particulari, eu in indiuiduo signabile sit, respectu cuius homo lapsus proprijs viribus, & sine gratia, non

habeat veram potestatem abstinendi, sicut & illam habuit homo in statu naturæ integræ. Imò hoc tam constanter affirmat Diuus Thomas, vt oppositum asserat esse hæresim Manichæam, qua tollitur liberum arbitrium. Audi verba eius in Secundo ad Annibaldum Distin. 28. quæst. vnica, art. 1. in Corpore; & sic resoluentem inuenies. Agit ibidem de necessitate peccandi, & Respondeo (inquit) dicendum, quòd circa hanc quæstionem sic cautè loquendum est, vt neque excludendo necessitatem peccandi, necessitatem gratiæ tollamus secundum Pelagium, neque necessitatem peccandi ponendo, tollatur liberum arbitrium cum Manichæo. Sciendum est ergo, quòd liberum arbitrium se extendit ad aliquem particularem actum, non autem ad totius temporis cursum: in potestate enim liberi arbitrii est, quòd nunc velim hoc vel aliud, aut non velim: sed non est in potestate liberi arbitrii, quòd nullo tempore aliquid voliturus sim: non enim est in eius potestate immutabilitatem habere. Et ideo dicendum est, quòd homo etiam sine gratia, in peccato mortali existens, potest consentire vel non consentire in hoc peccatum quantum ad nunc; & qui contrarium diceret, tolleretur libertatem arbitrii. Sed non potest homo sine gratia firmare se, vt nullatenus in hoc vel illud peccatum consenturus sit: imò hæc firmitas non potest ei esse, nisi ex adiutorio Diuinæ gratiæ: & ideo dicendum est, quòd homo in peccato mortali existens, potest singula peccata mortalia vitare (ac proinde & singula venialia, cum in ordine ad omnia diuiniæ nullum extet discrimin) non tamen potest facere, quòd omnia vitet, quia hoc eius electioni non subditur. Non vides hic ex mente Angelici Doctoris tolli libertatem arbitrii cum Manichæo, si ponatur talis necessitas peccandi respectu alicuius actus in indiuiduo, vt homo lapsus illum

E sine

sine gratia hic & nunc vitare non possit? Ergo quantum ad potestatem absolutam vitandi quodlibet peccatum in individuo, tam homo lapsus, quam integer conveniunt: nempe quod uterque absolute potest proprijs viribus omne peccatum hic & nunc occurrens, quantum ad hic & nunc vitare, absque vlla prorsus necessitate, hic & nunc cadendi. Et qui contrarium diceret; cum Manichæo sentiret, inquit Sanctus Doctor. Quod etiam in librum Proverborum capite 20. versu nono annotavit doctissimus Esaius his verbis. *Gregorius lib. 18. Moralium cap. 4. sciendum est (inquit) quod sunt peccata quæ à iustis vitari non possunt. Non quod vllum sit nominatim quod seorsim vitari non possit, sed quia uniuersim secundum cursum presentis fragilitatis non vitantur...* Nam alioquin error Manichæorum est, hominem non posse vitare peccatum, & similiter omnium fere hæreticorum nostri temporis. En idem notavit quod Sanctus Thomas: nempe errorem esse Manichæi, ponere talem necessitatem peccandi, vt homo hic & nunc peccatum vitare non possit. Dicendum ergo est, hominem tam in statu naturæ lapsæ quam in statu naturæ integræ, posse omnia peccata diuinitus vitare, virtute naturali seu absque gratia.

Sed hac conuenientia non obstante, adhuc differunt homo integer & homo lapsus in tribus quo ad modum vitandi.

**PRIMO:** quod in statu naturæ integræ non solum potuit singula peccata vitare absolute, sed insuper potuit hoc præstare sine vlla prorsus difficultate: hoc est dictu, quod respectu nullius peccati in individuo, pariebatur aliquam difficultatem: ille enim (inquit Augustinus contra Fortunatum disp. 2.) sic factus erat, vt nihil omnino voluntati eius resisteret, si

vellet Dei præcepta seruare. Et rursus 14. de Ciuit. Dei cap. 10. in illo statu erat denitatio tranquilla peccati, quia videlicet nulla erat in ipso rebellio appetitus sensitiui contra rationem, sed perfecta subiectio huius partis ad istam. Vnde & in eodem capite. 10. *primi homines nullis (inquit) agitantur perturbationibus animorum, nullis corporum ladebantur incommodis.* E contra verò homo in statu naturæ lapsæ; licet singula peccata absolute vitare possit: plurima tamen in individuo se offerunt, respectu quorum patitur vrgentissimas difficultates, propter vehementiam pugnæ inter vtramque illam partem, sensitivam & rationalem, quæ post peccatum incepit. Vnde & idem Augustinus libr. 3. de libero arbitrio capite. 18. *sunt reuera (inquit) omni peccanti anima duo ista pericula, ignorantia & difficultas.* Et rursus cap. 19. *sibi ex persona aliorum obijciens; quid nos miseri fecimus, vt cum ignorantia cecitate, & cum difficultatis cruciatibus nasceremur?* Et iterum cap. 20. *vt autem de primo illo coniugio & cum ignorantia & cum difficultate nascamur .... rerum Moderatori Summo Deo iustissime placuit.* Quæ verba explicans Sanctus Thomas 1. 2. quæst. 85. art. 3. ad 5. dicit, quod Augustinus per ignorantiam & difficultatem intelligit quatuor vulnera naturæ consequentia ex peccato; scilicet ignorantiam in intellectu, quam exprimit nomine ignorantie, & malitiam in voluntate, infirmitatem in irascibili, concupiscentiam in concupiscibili, quæ tria comprehendit sub vnico nomine difficultatis: quia nempe ratione horum, maior difficultas bene agendi ipsi accrescit & concupiscentia magis exardescit & facilius inclinatur ad peccandum & non facile tendit in bonum. Igitur in natura lapsa licet homo quodlibet peccatū hic & nunc

nunc absolute vitare possit; summa tamen difficultate non caret huiusmodi vitatio, propter vulnera naturæ ex peccato inflata.

SECUNDVM discrimen est: quod homo in statu naturæ lapsæ, non solum patitur maximas illas difficultates in vitandis peccatis; sed insuper est verè impotens ad vitandum omnia peccata collectivè tam mortalia quam venialia, antequam per specialem gratiam dantem possit, roboretur. Secus erat de homine in statu naturæ integræ: ipse namque sine speciali gratia verè potens erat ad vitandum omnia etiam collectivè. Ratio huius discriminis est: nam homo infirmus non valet ex proprijs ad opus perfectissimum hominis sani, hoc dictante naturali ratione: at opus perfectissimum, quod homo integer & sanus ex proprijs viribus efficere posset, esset vitatio omnium peccatorum collectivè: ergo ad illud homo lapsus ex proprijs viribus posse non habet. Accedit, quod ad posse vitare omnia peccata collectivè, requiritur posse vincere omnes difficultates simul: sed ad posse vincere omnes difficultates simul, fortiores vires requiruntur, quam ad posse vincere quamlibet difficultatem seorsim; ergo esto concedamus in homine lapso potentiam antecedentem ad quamlibet difficultatem seorsim, ad omnes tamen difficultates collectivè superandas, qualiter ad totam collectionem peccatorum vitandam requiritur, vires sufficientes etiam per modum actus primi, ex proprijs non habet.

Ex hoc nascitur tertium discriminè: quod homo in statu naturæ lapsæ (si specialis illa gratia dans posse ad totam collectionem, desit) habet verè necessitatem cadendi in aliquod peccatum vagè: minimè verò homo in statu naturæ integræ. Ratio sumitur

ex dictis: nam si non habet veram potentiam ad totam collectionem; ergo necessitatur ad aliquod singulare vagè, sub ista collectione comprehensum: taliter ut necesse habeat aliquando cadere, nisi gratia omnem lapsum præveniat. Et certè ratio infirmitatis naturæ hoc etiam suadet: nam impossibile est, quod homo ex duabus naturis inter se pugnantibus compositus, semper vni conformis euadat, nisi ab extrinseco agente & fortiori adiuvetur: at homo lapsus ex duplici natura continuo pugnante coalescit, rationali scilicet & sensitiva, quarum illa pugnat pro bono rationis, hæc pro bono sensibili, quod efficacius movet: ergo impossibile debet censei, ut sibi relictus & viribus specialis gratiæ destitutus, semper conformiter ad rationem operetur, relicto bono sensibili efficacius mouente. Habet ergo necesse, quod aliquando à ratione discedat & ex consequenti peccet. Vnde sunt verba illa Divi Thomæ quest. 24. de Veritate art. 12. ad 22. *Nisi homo per gratiam liberetur, necesse habet, quandoque incidere in peccatum.* Et iterum ad 23. *Desertus à luce gratiæ; necesse est, ut aliquando cadat.* En necessitatem in natura lapsa, committendi aliquod peccatum vagè: quæ tamen necessitas minimè erat in statu naturæ integræ, ratione perfectissimæ libertatis, quæ tunc erat ab omni pugna & difficultate libera.

Secundò nota ex doctrina Divi Thomæ, quod nec difficultas orta ex pugna appetitus sensitivi, nec necessitas cadendi in aliquod peccatum vagè, auferunt ab homine lapso veram libertatem contradictionis respectu cuiuscumque peccati in singulari. Vtrumque clarissimè expressit Sanctus Doctor loco iam citato ex q. 24. de veritate. Et primum quidem



de difficultate, habet in solutione ad  
 1. Explicans enim illam propositionem Augustini ex libr. 1. retractat c. 15. *cogenti cupiditati voluntas resistere non potest*; in qua videtur docere difficultatem concupiscentiæ tollere ab homine potestatem resistendi; sic fatetur. *Dicendum, quod cupiditas non potest intelligi esse cogens absolute liberum arbitrium, quia semper est liberum a coactione. Sed dicitur cogens propter vehementiam inclinationis, cui tamen resisti potest, licet cum difficultate.* En simul asseritam potentiam resistendi, cum difficultate orta ex concupiscentia. Imò & ipse Augustinus idem fatetur lib. 3. de lib. arbit. capit. 20. his verbis. *Quamquam enim in difficultate nata sit (humana natura scilicet) non tamen ad permanendum in eo quod nata est, aliqua necessitate compingitur.* Quia nempe difficultas non est talis, cui non possit resisti. Alterum autem de necessitate cadendi in aliquod peccatum vagè; habet ibidem Dñus Thomas ad Septimum, explicans illud Psalmi; *De necessitatibus meis erue me Domine.* Inquit enim, *quod peccata dicuntur necessaria, in quantum non possunt vitari omnia (quia nempe ad aliquod vagè ex tota collectione necessitatur) quamvis possint vitari singula: quia nempe cum ista necessitate cadendi in aliquod vagè; subsistit potestas vitandi quælibet in singulari.* Et profecto si rationem huius desideres, ea est: quod necessitas ista cadendi in aliquod peccatum vagè, non est Physica; sed tantum Moralis; id est, proueniens ex occasionibus peccandi, quæ sicut singulæ seorsum sumptæ, non necessitant Physicè; sed tantum Moraliter ad peccandum inuitant: ita omnes simul collectiue, ad summum moraliter necessitare possunt: hæc autem est differentia inter necessitatem Moralem respectu alicuius collectionis, & Phy-

sicam respectu eiusdem; quod Physica semper inuenitur coniuncta cum necessitate exercitij circa aliquod singulare collectionis: minime verò necessitas moralis. Rem declaro hoc exemplo. In homine namque, qui non est necessitatus Physicè ad aliquem determinatum locum, quia tamen est necessitatus Physicè ad essendum vagè in aliquo loco, semper est coniuncta huiusmodi necessitas cum exercitio essendi in aliquo loco: qua etiam de causa nullo modo potest homini, omnis loci occupatio aliquo præcepto prohiberi: quia cum necessitatem Physicam habeat respectu alicuius loci vagè, libertati eius non subest, non esse in aliquo. At in necessitate, seu impossibilitate Morali respectu alicuius collectionis, hoc non contingit. Moraliter namque impossibile est, ut ex tota multitudine hominum aliquis non sedeat: & tamen nullus eorum in particulari est necessitatus ad sedendum adhuc Moraliter. Sic pariter in nostro casu. Impossibile Moraliter est, ut ex tota multitudine æquum hominis lapsi; aliquis saltem non euadat peccaminosus; sed cum hoc compatitur, quod nullus eorum in particulari sit peccaminosus de necessitate: & ex consequenti respectu cuiuscumque in indiuiduo, homo habet veram potestatem indifferentiæ. Hæc nota bene, & diligenter rumina: nam viam aperient intelligendi id, quod in præcedenti Capite controuertimus.

Dico igitur, ad propositū de mente Augustini reuertēs, quod illa verba in eius definitione; *vnde liberum est abstinere*, possunt accipi in duplici sensu: vno modo, ita ut sonent non qualemcumque potestatem abstinendi; sed talem, quæ nulli prorsus difficultati subiecta sit; nec etiam alicui necessitati ad peccandum vagè.



vagè. Et in hoc sensu, soli Adamo in statu innocentie liberum fuit abstinere à peccato: habebat enim sufficientissimam facultatem, qua & poterat cuilibet peccato in individuo, sine vlla prorsus difficultate resistere; & insuper omnia collectiue vitare, sine necessitate cadendi in aliquod vagè. Alio modo possunt accipi illa verba, ita vt solum sonent potestatem abstinendi absolute; licet non ita expertem difficultatis, nec ita liberam ab omni necessitate etiam peccandi vagè. Et in hoc sensu etiam homini in natura lapsa est liberum à peccato abstinere: potest enim (vt iam ex Diuo Thoma diximus) singula peccata etiam sine gratia vitare, licet aliqua non nisi cum magna difficultate vitet, & semper vitet, quodcumque vitat, cum necessitate cadendi in aliquod vagè. Imò huic veritati velle obstrepere, Vincenti est vel cum Manichæo libertatem arbitrij, vel cum Pelagio necessitatem tollere gratiæ. Sic non ego, sed Doctor meus Angelicus.

Quibus omnibus appone, errorem Iuliani præcipue fuisse in eo, quòd asserbat hominem tam quoad bonum faciendum, quàm quoad malum vitandum, æqualis esse potestatis in natura lapsa, ac fuerat in natura integra: aiebat enim (vt videre est libro primo contra secundam Iuliani responsionem capite 19.) *Liberrum autem arbitrium & post peccata tam plenum est, quàm fuit ante peccata.* Ergo Augustinus Iulianum redarguens & asserens modò in natura lapsa non esse homini liberum à peccato abstinere, non intendit negare potestatem absolutam abstinendi; sed solum, esse modò tam plenam, ac perfectam, sicut erat antè; videlicet quoad carentiam difficultatis, & exclusionem omnis necessitatis peccandi, etiam vagè: vnde & idem libro

primo cõtra duas epistolas Pelagianorum sic habet. *Quis nostrum dicat, quod primi hominis peccato perierit liberum arbitrium de humano genere? Id est potestas abstinendi hinc & nunc à peccato? Libertas quidè perit per peccatum; sed illa, quæ in paradiso fuit, habendi plenam cum immortalitate iustitiam.* Quasi nulla alia perierit, nisi illa perfectissima libertas Adami.

Iam ergo ad soluendas tui Magistris probationes procedamus. Et certè vnico verbo omnis earum fumus euanesceat.

AD PRIMAM ET SECVNDAM simul, dico Augustinum in prædicta definitione peccati, intuitum fuisse solum Adamum principaliter: & sumendo liberum in primo sensu, prout dicit potestatem abstinendi absque vlla prorsus difficultate & necessitate peccandi etiam vagè: cum quo tamen stat, etiam sub eadem definitione comprehendisse cetera peccata nostra actualia, minus principaliter, & sumendo liberum in secundo sensu, prout dicit potestatem abstinendi, licet cum difficultate & prædicta necessitate peccandi. Solutio est ipsiusmet Augustini, qui libro primo retract. cap. 15. arguens contra suam propriam doctrinam, qua sæpius dixerat: *Vsq̃ue adeò peccatum voluntarium malum est, vt nullo modo sit peccatum, si non sit voluntarium, id est, si non sit liberum ab eo abstinere;* arguens (inquam) contra hanc doctrinam, sic sibi objicit. *Potest etiam putari falsa esse ista sententia, quæ diximus nusquam nisi in voluntate esse peccatum: quis dixit Apostolus; Si autem quod nolo, hoc facio, iam non ego operor illud; sed id quod habitat in me peccatum.* Hoc enim peccatum vsque adeò non est in voluntate, vt dicat, quod nolo, hoc facio. Quomodo ergo nusquam est, nisi in voluntate peccatum? Ad quod ipse sic respondet. *Sed hoc peccatum*

catur, de quo sic est locutus Apostolus, ideo peccatum vocatur, quia peccato factum est, & pœna peccati est: quandoquidem hoc de concupiscentia carnis dicitur, &c. Peccatum autem, quod nusquā est nisi in voluntate, illud præcipuè intelligendum est, quod iusta damnatio consecuta est: hoc enim per unum hominem introiit in mundum: quamquam & hoc peccatum, quo consentitur peccato concupiscentia, non nisi voluntate committitur: (vt enim cap. 13. præcedenti præmiserat) ille qui concupiscente aduersus spiritum carne, non ea quæ vult, facit; concupiscit quidem volens, & in eo non facit quod vult: sed si vincitur, concupiscentia consentit volens, & in eo non facit, nisi quod vult. Ecce vbi Solè clarius doctrinam suam de voluntario, seu de potestate abstinendi requisita ad rationem peccati, dicit quidem intelligendam esse de peccato primi hominis; sed non nisi præcipuè, seu principaliter: non autem de solo illo absolute: quin potius absolute sub eadem doctrina comprehendit actualia à nobis in natura lapsa commissa, cum ponat expressè exemplum; quando nempe concupiscentia instiganti voluntariè, seu liberè consentimus.

AD TERTIAM diceodem modo: solum enim intendit, peccatum quod est simul pœna peccati, non esse definitum principale & sumendo liberum in primo sensu: vel ideo dicit, se non definiuisse vtrumque, quia vtrumque, seu id quod est peccatum & pœna peccati simul, si sumatur adæquate & in tota sua latitudine, comprehendit etiam plura alia, quæ sub prædicta definitione in nullo sensu cadere possunt: comprehendit namque in primis peccatum originale: hoc enim & est peccatum & pœna peccati simul, à quo liberum nobis non est abstinere. Deinde comprehendit omnia, quæ sunt ex igno-

rantia inuincibili contra aliquam legem seu præceptum, à quibus etiam liberum nobis non est abstinere, sicut nec verè peccata sunt. Nec te turbet, quòd Augustinus sæpius appellet huiusmodi facta, nomine peccati: non enim sic appellat, quasi propriè & verè peccata sint in sensu formali loquendo, sed quia impropriè seu materialiter peccata sunt, vtpote in re, commissa quædam in materia prohibita, seu omissa in materia præcepta. Audi ipsum lib. 3. de lib. arbit. cap. 19. vbi idipsum exemplo etiam declarat. Illud (inquit) quòd ignorans quisque non rectè facit, & quod rectè volens facere non potest, ideo dicuntur peccata, quia de peccato illo libera voluntatis (primi hominis) originem ducunt: illud enim præcedens meruit ista sequentia: nam sicut linguam dicimus, non solum membrum, quod mouemus in ore dum loquimur; sed etiam illud quod huius rei motum consequitur, id est formam tenoremque verborum, secundum quem modum dicitur alia lingua græca, alia latina: sic non solum peccatum illud dicimus, quod propriè vocatur peccatum (libera enim voluntate & ab sciente committitur) sed etiam illud quod iam de huius supplicio consequatur, necesse est. Cū ergo hoc vtrumque seu id quod est peccatum & pœna peccati simul, comprehendat etiam huiusmodi peccata, impropriè peccata; rectè dixit Augustinus se hoc prædicta definitione absolute non definiuisse: cum quo tamen stat quòd eadem definitione definiere omnia illa, quæ taliter sunt peccata & pœna peccati, vt propriè etiam sint peccata: qualia sunt illa, quæ in pœnam alicuius præcedentis peccati actualis, permittit Deus à nobis fieri: ac proinde ab istis quæ propriè & verè peccata sunt, liberum nobis est abstinere.

AD QUARTAM respondeo, verba quæ ibi adducuntur, scilicet:

multa quoque sunt quæ agunt homines mala à quibus eis liberum est abstinere, sed nulli tam liberum est, quam illi fuit; esse apertam confirmationem nostræ sententiæ: illo enim modo loquendi clarissimè ostendit Augustinus, se loqui comparativè tantum ad illam perfectissimam libertatem Adami; quando aliquibus peccatis nostris dicit deesse, libertatem abstinendi. Ita ut sensus sit: multa quidem peccata sunt, quæ nos committimus cum tanta libertate abstinendi ab eis, quantum habuit Adam: videlicet ea quæ committimus absque ulla prorsus ignorantia & difficultatibus concupiscentiæ, sed potius scienter omnino & ex pura malitia: quo modo libertatis etiam Adamus primum suum peccatum commisit, utpote cum ad id nec ex ignorantia aliqua fuerit adductus, nec concupiscentia aliqua carnis illectus; cæterum propter huiusmodi libertatem in aliquibus peccatis (inquit Augustinus) adhuc non debet dici, nos tam liberos esse, sicut fuit Adamus: tum quia ab eisdem adhuc non abstinemus, nisi cum necessitate peccandi vagè, qua Adamus caruit: tum etiam, quia penè infinita alia sunt, à quibus propter vehementes motus concupiscentiæ & frequentes casus etiam culpabili ignorantia, non nisi cum difficultate abstinere possumus: cum tamen Adamus in statu innocentia, nec respectu alicuius quidem peccati, similem difficultatem pati potuerit: ille enim (ut supra ex Augustino audivimus) sic factus erat, ut nihil omnino voluntati eius resisteret, si vellet Dei præcepta servare. Hanc puto esse mentem huius sanctissimi Præceptoris, quidquid aduersarius oblatret: ex quâ proinde non licet inferre, aliqua peccata verè & propriè peccata, à nobis committi necessitate absoluta hic & nunc peccandi, seu

absque vera potestate abstinendi. Testemur hoc firmiter, Vincenti, nisi velimus magno Augustino hæresim Manichæam quantum ad formalem rationem necessitatis peccandi, adscribere.

AD QUINTAM PROBATIONEM ex dictis patet, quid sit dicendum. Condistinguit enim Augustinus peccata venientia de ignorantia vel alicuius passionis necessitate, contra ea, à quibus liberum est abstinere, vel quia loquitur de solis illis quæ improprie & materialiter sunt peccata, utpote quæ proveniunt ex ignorantia invincibili, seu passionis insuperabili defectu veræ potentia resistendi: vel si etiam de alijs quæ verè peccata sunt, loquitur: ideo illa contra huiusmodi condistinguit; non quia absolute loquendo, non sit respectu illorum hic & nunc potestas abstinendi, sed quia non est potestas abstinendi tam facilis & tam expers omnis difficultatis, sicut est respectu illorum, quæ scienter & mera malitia voluntatis committuntur, absque ulla prorsus ignorantia interveniente aut passione incitante.

Iam verò his omnibus puto circa mentem Augustini, quantum Dominus dedit, abundè satisfactum esse. Ex quo & operosum non erit, reliquorum Patrum sensus hac in parte indagare: utpote cum in rebus Theologicis, & maxime de libero arbitrio & gratia, sit Princeps & Antesignanus omnium Augustinus: cuius proinde vestigijs cæteri & semper & fidelissimè inherere conspiciuntur. Pergamus ergo, Vincenti, & alio quoque capite Philosophiam.

Hieronymi, Damasceni  
& Anselmi tibi Subjicio.

\*\*\*

## CAPVT XVIII.

*Eadem Philosophia Hieronymi, Damasceni, & Anselmi; Vbi non est potestas ad oppositum, ibi non est libertas.*

**A**VGUSTINO vicinus Hieronymus, etiam fidem faciet his, quæ hucusque diximus: videlicet non esse libertatem, vbi non est potestas ad oppositum.

Audiamus ergo ipsum lib. 3. Dialogorum aduersus Pelagium cum Critobulo suo sub persona Attici colloquentem. Expressissimè circa medium illius libri fatetur, in nostra esse positum potestate, vel peccare vel non peccare.... *vt liberum seruetur arbitrium.* Locus clarissimus est, & nulla tergiversatione celari potest. Potestatem indifferentiæ adstruit, vt liberum arbitrium seruetur: ergo sentit libertatem illius non saluari, vbi illa potestas deest, sicut contingit in actibus omnino necessarijs.

Deinde ad Galatas quinto, exponens & declarans, quàm iustè Apostolus Galatas accusabat, ex eo quod veritati non obedierant, hac perspicuam nostræ communis sententiæ contestationem adfert. *Galatas* (inquit) *accusauerat, quare non obediunt veritati, ostendens in eorum arbitrio positum obedire, & non obedire: quasi à sensu contrario apertissimè supponens, si in eorum libertate non fuisset obedire vel nō obedire; quod minime iustè potuissent accusari.* Quo proinde argumento concluditur, ipsum exigere ad imputabilitatem alicuius operis, seu ad peccandum, illam indifferentiam, quæ est penes posse hoc facere, & non facere.

Rursus in epistola ad Damasum,

exponens parabolam Euangelicam de Filio Prodigio, ad illa verba: *Disiisit illis substantiam*, sic loquitur. *Significantius in Græco legitur, dedit eis liberum arbitrium, dedit mentis propriæ libertatem: & vt viueret vnusquisque non ex imperio Dei, sed obsequio suo, id est, non ex necessitate, sed ex voluntate, vt virtus haberet locum, vt à ceteris animantibus distaretur, dum ad exemplum Dei permissum est nobis facere quod velimus.* Perpende, Vincenti, illud vltimum: *dum ad exemplum Dei permissum est nobis facere quod velimus.* Nonne hoc est exigere ad libertatem, permissionem faciendi quod libuerit? Et quis quæso similem permissionem dicet inesse actibus voluntatis omnino necessarijs? Estne ibi permissum voluntati facere quod velit, vbi nil aliud potest, quàm vnum tantum! Dicesne permissum esse voluntati beati, facere circa amorē Dei quod velit, cum nulla via amorem ex seipsa possit abijcere? Cum nunquam possit non amare? Cum contradictionem implicet, quod ipsa actum suspendat? Certè eadem ratione poteris persuadere, permissum esse homini circa mortem naturalem facere quod velit, quia non magis implicat hominem ex seipso mortē naturalem vitare, quàm voluntatem beati ex seipsa vitare illum amorem: quod cum absurdissimè dicatur; vide quàm absurda sit persuasio tua de libertate prædicti amoris.

Alia plura habet Hieronymus: sed ne longior sim, tantum insinuo. Vide ergo eum insuper libro primo, in Isaiam, capite decimo ad illa verba. *Si volueritis, & audieritis me.* Et lib. 13. ibid. cap. 49. ad ista. *Et ego dixi, in vacuum laboravi.* Rursus libro 3. in Zachariam, capite vndecimo ad versum: *Et dixi ad eos, si bonum est in oculis vestris.* Et iterum in Commentario super Malachiam, capite

capite primo, ad illa verba: *Dilexi Iacob, Esau autem odio habui.* In omnibus his exigit ad libertatem, potestatem declinandi se in utramque partem.

In The  
ria. lib.  
1. c. 5.

Sed quid de Damasceno, viro plane Diuino loquo, & (vt tu asseris, Vincenti,) qui Græcos omnes Patres legit, & profundissime intellexit? O quam valde & mirabiliter erras, quando hunc vnum præ ceteris à parte tua pugnare iubes! Si quis tibi omnino ex proposito, seu formali intentione vellet contradicere; nescio si id præstare posset expressius, quam Damascenus præstitit.

Non est igitur conficiendum argumentum de mente eius ex libro tertio Orthodoxæ Fidei capite 14. ubi te euidentius conficere putas: quia dixit, *Arbitrii libertas, nihil aliud est, quam voluntas*: hoc enim qualiter intelligendum sit, iam ex professio præmiserat libro primo, capite 25. 26. & 27. ubi titulus expressissime est de eadem re, & materia, de qua & nostra disputatio: scilicet, *De libera potestate, liberoque quod in nobis est arbitrio: & quam ob causam libera potestatis & arbitrii facti sumus?* Quid ergo in his prioribus locis doceat, omnino videndum erat, antequam sequentia sic vel sic caperentur.

Ea autem quæ in prioribus illis habet, vide quam clara sint & perspicua. Conatur ostendere capite illo 25. aliqua in nobis nostraque potestate libera esse; & hunc in modum (inquit) ordiamur. *Eorum quæ sunt omnium, aut Deum dicunt causam esse, aut Necessitatem, aut Fatum, aut Naturam, aut Fortunam, aut Casum.* Cui igitur horum subiiciemus ea quæ per homines fiunt, si homo non est causa & principium actionum? Intellige causa & principium liberum. Non enim fas est Deo adscribere, quandoque turpes & iniustas actiones fore. Neque Necessita-

ti: nam non eorum sunt; quæ semper eodem modo se habent (præmiserat enim Necessitatis esse; motus eorum quæ semper eodem se habent modo) Neque Fato: nam non contingentium, sed necessariorum ea dicuntur esse, quæ fati sunt. Neque Naturæ: nam Naturæ opera, animantes & plantæ. Neque Fortunæ: non enim raræ & inexpectata sunt hominum actiones. Neque Casui: nam inanimatorum & rationis immunitum, ea quæ à casu contingunt. Relinquitur igitur, hominem ipsum agentem & facientem, principium esse propriorum operum, & potestate arbitrioque liberum.

Quid ad rem nostram potest dici verius, & contra te, Vincenti, expressius? Probat hic Damascenus in homine debere dari liberam potestatem seu liberum arbitrium, ex eo quod aliqui effectus seu actiones in ipso conspiciantur, quæ nulli alteri causæ possunt subdi. Hoc quis neget, si litteram aut sensum litteræ negare non velit? Sed dic, quæ te: quæ & qualia excludit, & quæ aut qualia, annumerat inter huiusmodi effectus seu actiones, quæ non nisi liberæ potestati seu arbitrio subdi possint? Nonne euidentissime annumerat solos effectus seu actiones hominis contingentes, quæ possunt esse & non esse, excludens non solum ea quæ Fati, Naturæ, Fortunæ aut Casus sunt; sed etiam ea quæ sunt Necessitatis, seu quæ semper eodem modo se habent? Quid ergo iuxta mentem Damasceni contendis subdere libertati voluntatis actiones huiusmodi, quales sunt spiratio Spiritus Sancti, Amor beatificus, & alia similes? Nonne omnes hæc à numero contingentium actionum exulant? Nonne omnimodæ necessitatis sunt, & quæ semper eodem modo se habent, licet non sint Fati, aut etiam Naturæ, qualis est in brutis?

Et

Et per hoc ipsum profecto euanescent solutio; quam quis tuo nomine possit hic suggerere: videlicet Damascenum per ea quæ sunt Necessitatis, solum excludere ea quæ sunt necessitatis cogentis, non autem eam quæ sunt necessitatis naturalis inclinationis.

Euanescit, inquam hæc solutio, & certe absque eo quod magna attentione opus sit. Tum, quia excludit necessitatem etiam ut condistinctam à Fato & natura brutali, si quidem *Fatum, Naturam, & Necessitatem*, tamquam tres causas distinctas enumerat, omnium trium effectus excludens: ergo excludit non solum necessitatem quæ est coactionis, qualis visitur per te in Fato & in Natura brutali, sed etiam necessitatem naturalis inclinationis. Tum etiam, quia excludit necessitatem prout est vniuersaliter omnium eorum, quæ semper eodem modo se habent: at in illa amplitudine comprehenditur etiam necessitas naturalis inclinationis, ut manifestum est: ergo illam etiam excludit. Nescio quæ via possit huic Argumento satisfieri. Verum adijciamus & alium locum ex capite 26. sequenti. Exemplificans ibidem consequenter ad ea, quæ superiori capite dixerat; quantum rerum, liberam simus adepti potestatem; sic prosequitur, *Hæc verò sunt, quæ in nobis sunt adque contingentia: ut moueri & non moueri: quippiam cum concitatione agere: quæ non necessaria sunt & non appetere: mentiri & non mentiri: erogare & non erogare: gaudere in quibus par est, & non gaudere: similiter & in quibus minimè decet: & quæcumque sunt huiusmodi, in quibus sunt virtutis & vitij opera: horum enim arbitrij libertatem per se, liberamque potestatem adepti sumus. Ad vitiumlibet autem & adque contingentes sunt etiam artes: nam in nobis est,*

*quam volumus comparare & non comparare. Aperiri oculos, Vincere, ad omnia ista, & profecto non carere rumpes sunt aut latentes vel occultæ, sed in crepusculari etiam luce patentissimæ, in quibus omnes tuas machinas collidi & infringi, necesse est.*

Sed specialiter attende ad illa verba, *appetere quæ non necessaria sunt, & non appetere*. Nonne verbis istis euidenter eximit à potestate liberi arbitrij, appetitum illarum rerum, quæ necessariò ab homine appetuntur? Et quid quæso magis necessariò appetit, aut prosequitur, quam Deum clarè visum in Patria, aut quodlibet aliud obiectum, quod prosequitur necessitate specificationis & exercitij? Dicesne ergo iuxta mentem Damasceni, huiusmodi necessarios actus seu appetitus sub libertate voluntatis contineri? Dicit ipse, contineri hoc quod est, *appetere quæ non necessaria sunt*; & necdum vides, te ipsi contradicere, si dixeris etiam contineri hoc quod est, *appetere quæ necessaria sunt*? Noli quæso in tanta luce cæcutire, oculisque tuis collyrium propter eorum optimam usuram adhibe.

Rationis expertia (prosequitur Damascenus capite 27.) non sunt liberi arbitrij potestate donata: nam ducuntur in agis à natura, quam ducant: quapropter non contradicunt, resistentque naturali appetitui, sed simul atque quidpiam appetierint, impetu feruntur ad prosecutionem. Verum homo, rationalis cum sit, ducit magis naturam, quam ducatur: quapropter appetens, ubi quippiam velit, potestatem habet refrenare appetitum, aut ipsum sequi. Quid iterum clarius? Docet bruta libertate carere, & duci magis à natura, quam eam ducant: quia in suis motibus potestatem non habent resistendi, aut faciendi oppositum. E contra libertate



tate prædictum hominem affirmat, & naturam ipsam ducere, non ab eaduci, quia potestatem habet refrigerandi motum, aut sequendi. Nonne hoc est apertissime sentire, libertatem nullam esse, vbi non est potestas ad oppositum? Sileas ergo de Damasceno, Vincenti, quia non tux, sed communis sententiæ Patronus est lucidissimus.

Restat iam ut videamus, vtrum etiam Anselmus tuam Philosophiam impressius quam omnes vetustiores inculcaverit; sicut tu credis.

In The  
riaca l.  
1. c. 5. 6.  
Verum  
cum po-  
ssea.

Prodeat igitur caput sextum Dialogi, quem de libero arbitrio in persona Magistri cum quodam Discipulo instituit. Integrum illud libet de verbo ad verbum adducere, quia & spero Lectori, nec molestum fore nec iniucundum. Titulus eius est, *Quomodo nostra voluntas sit potens contra tentationes, licet videatur impotens.* Discipulus autem sic illud incipit.

**DISCIPVLVS.** *Quamvis sic omnia impugnantis voluntati nostræ subijcias, atque nullam tentationem illi dominari permittas, vbi in nullo obviare possim assertionibus tuis; non tamen possum dissimulare, quandam impotentiam esse in eadem voluntate, quam fere omnes experimur, quando violentia tentationis superamur: quapropter nisi illam potentiam, quam probas, & illam impotentiam, quam sentimus, facias convenire; non potest animus meus in quietem huius questionis pervenire.*

**MAGISTER RESPONDET.** *Istam impotentiam, quam dicis voluntatis, in quo putas esse?*

**DISCIPVLVS.** *In eo quia non potest personanter relictudini inbarere.*

**MAGISTER.** *Si per impotentiam non adhaeret, aliena vi avertitur à relictudine.*

**DISCIPVLVS.** *Credo.*

**MAGISTER.** *Quæ est hæc vis?*

**DISCIPVLVS.** *Vis tentationis.*

**MAGISTER.** *Hæc vis non avertit à relictudine, si ista non vult, quod suggerit tentatio.*

Quæso, Vincenti, hic paulisper mentis aciem fige & attende. Magister Anselmus respondet discipulo, eo modo sicut tu nobis. Scilicet vim illam seu necessitatem provenientem à tentatione, libertatem voluntatis non tollere, quia illi non consentit voluntas nisi volens: ac proinde liberè: nam (ut tu dicis) vbi voluntas, ibi libertas. Sed audi, quid discipulus vterius obijciat, quidue Magister vterius respondeat, & videbis non esse libertatem, vbi est voluntas qualitercumque; sed vbi est voluntas enim potestate ad oppositum. Obijcit itaque discipulus, pergendo vterius.

**DISCIPVLVS:** *Ita est. Sed ipsa tentatio, ipsa sua vi cogit eam velle, quod suggerit. Quasi dicens; concedo quòd illi non consentit nisi volens; sed hoc ad libertatem non sufficit, nam tentatio cogit ipsam velle.*

**MAGISTER.** *Quomodo cogit eam velle? An ita, ut possit ea quidem nolle, sed non sine gravi molestia? An ita, vt nullatenus possit nolle? Ecce nostrum punctum.*

**DISCIPVLVS.** *Quamvis me fateri oporteat, nos aliquando sic premi tentationibus, vt sine difficultate non valeamus nolle, quod suggerunt; non tamen possum dicere, quòd sic nos vniquam opprimant, vt quod movent, nullatenus nolle possimus. En qualiter discipulus ibi fateatur, non sic voluntatem cogi ad velle, quin semper remaneat vera & absoluta potestas ad nolle; licet non ita facilis & libera à difficultate, vt supra capite præcedenti dicebam ex Augustino. Erige hic ergo aures, Vincenti. Magister arripiens istam confessionem discipuli; ex eadem met ad hominem, ipsam conuincit, salutem*



saluam manere hominis libertatem; quia scilicet tentatio, licet faciat voluntatem velle, non tamen hoc facit tali necessitate, quin remaneat potestas ad nolle. Audi verba Magistri, & noli mihi credere, sed tali crede Magistro.

MAGISTER ergo sic prosequitur approbando confessionem Discipuli. *Nescio* (inquit) *quomodo possit dici*. Scilicet sic nos vnam opprimi a tentatione, vt nullatenus nolle possimus. Si enim vult homo mentiri, vt non suslineat mortem, vt seruet vitam ad tempus; quis dicit impossibile, velle cum non mentiri, vt vitet aeternam mortem, & sine fine viuat? Apponit exemplum in eo qui sub comminatione mortis, tentatur ad mendacium. Qua propter iam dubitare hanc impotentiam seruandi rectitudinem non debes quam dicis in nostra voluntate esse, cum tentationibus consentimus, non ex impossibilitate, sed ex difficultate: frequenti namq; vsu dicimus, nos non posse aliquid non quia nobis est impossibile, sed quia sine difficultate non possumus. Hac autem difficultas non permittit libertatem voluntatis vincit: impugnare namque potest voluntatem inuitam, expugnare nequit inuitam. Hoc itaque modo puto te posse videre (& ego quoque te, Vincenti,) quomodo conueniant potentia voluntatis (nempe libera) quam ratio veritatis asserit, & impotentia, quam humanitas nostra sentit. Sicut enim difficultas nequaquam voluntatis interimit libertatem, ita illa impotentia, quam non ob aliud in voluntate dicimus esse, nisi quia non potest tenere suam rectitudinem sine difficultate, non aufert eidem voluntati perseuerandi in rectitudine potestatem.

Ecce quali modo ostendat Anselmus suo discipulo libertatem voluntatis subsistere. Non profecto (sicut tu centendis) per hoc præcise, quòd sit volens, licet absque potestate ad

oppositum, sed potius per totum hoc; & quòd sit volens, & tali modo volens, vt simul potestatem ad oppositum in illo actu retineat.

Idem profecto clarissimis verbis dixit in eodem dialogo cap. 5. antecedenti, & etiam capite nono sequenti. Imò in illo capite probat; quòd voluntas verè cogeretur, si in via ab aliquo agente determinaretur taliter ad volendum vnum, vt oppositum velle non posset. De quo ex professo agam infra libro secundo: ostensurus Deo dante, quòd esset vera Coactio in humana voluntate, si in via poneretur agere circa sua obiecta cum tali necessitate, qualem habet in Patria circa Deum.

Infra l.  
2. c. 18.  
§. 2.  
hoc igi-  
tur di-  
serimus.  
ne.

## C A P V T XIX.

*Eadem Philosophia Bernardi, & Aelredi eius Contemporanei: Vbi non est potestas ad oppositum, ibi non est libertas.*

PROFECTO non minori luce tibi opponitur Bernardus. Nam licet nullus (tao videri) tam dato & professo studio, operaque, tuam Philosophiam tradiderit; quam inepte tamen, & sine fundamento hoc putes; sequentia euidenter demonstrant, Bernardi litteram & sonum vocis, egregiè fuisse secutus; sed sensum & veram eius inmentem, vel præterire voluisti, vel intelligere non potuisti.

In The-  
riaca l.  
1. c. 5. §.  
2.  
Quid  
Bernardus  
dum?

Diuinum appellas eius sermonem 81. super Cantica; sed vide quàm bellè in fanorem communis sententiæ contra te ipsum diuinaveris! *Arbitrii libertas* (inquit ibi cap. septimo) *hæc est planè diuinum quidpiam præfulgens*

in anima, tamquam gemma in auro. Ex hac nempe inest illi inter bonum quidem & malum, nec non inter vitam & mortem; sed & nihilominus inter lucem & tenebras, & cognitio & optio eligendi: & si quæ sunt alia, quæ similiter circa animæ habitum sese è regione respicere videantur: nihilominus inter ipsa consensius quidam arbiter is animæ oculus diiudicat & discernit, sicut arbiter in discernendo, ita in agendo liber: unde & liberum nominatur arbitrium, quod liceat versari in his pro arbitrio voluntatis. Hoc in conceptu assignat Bernardus, propriam arbitrij, id est, ea extrema liberi arbitrij, id est, ea extrema, quæ ab eius libertate formaliter debent inspicere, & à quibus essentialissimè specificatur, in quantum libertas est: quod si negaueris; conuincito te ex ipso contextu: expressè namque dicit, arbitrium per habitudinem ad talia extrema, nominari liberum, eo nempe, quod liceat versari in his pro arbitrio voluntatis: nihil autem tale vel tale nominatur, nisi per ordinem ad essentialē suum specificationem, à quo in ratione talis per se dependet.

Circa quod nota; quòd aliud est, rem ab aliquo nominari, aliud autem ab aliquo denominari. Denominari quidem contingit aliquando ab aliquo accidentali: quo sensu homo denominatur quid risibile à risibilitate: sed nominari non contingit, nisi à ratione essentiali: quo sensu homo non nominatur homo philosophicè loquendo, nisi à rationalitate. Et ratio est in promptu ex principijs Dialecticæ: nam nomen est notamen rei, non qualecumque; sed primum, id est, significans rem secundum primum & essentialē eius conceptum: qua de causa & casus obliqui excluduntur à ratione nominis, quia secundum primum conceptum rem non nominant; sed potius denomi-

nant: ac per hoc quasi secundò, & accidentaliter nominant, non primò. Attende ergo, Bernardum non dixisse, arbitrium ab illis extremis, quæ ibi assignabat, liberum nominari, sed potius, liberum nominari: satis clarè insinuans, ab ordine seu habitudine ad huiusmodi, eius primam & essentialē rationem desumi. Ex ipso igitur contextu vera est propositio assumpta, nimirum iuxta mentem eius assignari ibidem extrema, per ordinem ad quæ essentialis arbitrij libertas debet desumi.

Sed videamus nunc, cuiusmodi sint illa extrema, quæ sic pro essentiali libertatis sphaera seu obiecto assignat. Profectò ea sola sunt, vel opposita contrariè, vel opposita contradictoriè: contrariè quidem in his verbis, inter bonum & malum: contradictoriè autem in his, inter lucem & tenebras: quam utramque oppositionem, generali etiam propositione complectitur, inquit: Et si quæ sunt alia, quæ similiter circa animæ habitum, sese è regione respicere videantur: hoc est dictum; & generaliter quæcumque alia, quæ ipsa anima ut sese è regione respicientia, seu ut sibi inuicem opposita contemplatur: ut facere hoc vel illud, facere vel non facere, facere sic vel aliter, amare & amorem suspendere, & similia.

Concludo ergo breuiter ad nostrum propositum hūc syllogismum. Bernardus assignat in præfato loco, extrema per ordinem ad quæ essentialis arbitrij libertas debet desumi, & specificari: at non assignat alia, quàm quæ ab anima possunt inspicere cum oppositione seu indifferentia, vel contrarietatis, vel contradictionis: ergo sentit animæ essentialē libertatem, non exerceri in actibus omnino necessarijs, quos cum tali oppositione seu indifferentia non inspicit.

Et

Et dic iterum ( ne ipsam etiam significationem grammaticalem negligere videamur ) quid quæso sonat ista propositio: *vnde & liberum nominatur arbitrium, quod liceat versari in his pro arbitrio voluntatis?* Potestne similis Grammatica cum proprietate sermonis verificari respectu actuum tam necessariorum, sicut sunt spiratio Spiritus Sancti, & Amor beatificus? Vbi est voluntas essentialissimè determinata ad vnum, ita vt illud euadere nequeat; imò & tali modo debeat attingere, vt quouis alio non possit; diceturne ibi licitum esse versari pro arbitrio voluntatis? Sanè qui sic Grammaticam torquet, licet Priscianum non macet, Grammatistes tamen est egregius. Ductum sequitur liberi sui arbitrij, non artem. Verba illa euidenter sonant, voluntatem in tantum, & non aliter dici liberam, in quantum potestatem habet faciendi hoc vel illud, faciendi & non faciendi, faciendi sic vel aliter, & qualitercumq; voluntati visum fuerit.

Imò quàm apertè mellissimus Doctor id ipsum senserit, in eodem capite apparet adhuc manifestius, si quædam alia eius verba ponderentur. Post propositionem iam dictam, sic ibidem prosequitur. *Inde homo ad promerendum potest: omne etenim quod fecerit bonum, malumue, quod quidem non facere, liberum sit, merito ad meritum reputatur.* Ecce luce meridiana, clarius, tuum dogma breuissimè iugulatum. Non dicit Bernardus vniuersaliter, omne bonum quod homo facit, esse meritorium; sed solum illud, quod sic facit, vt tamen non facere, liberum sit. Videtur sane in mente habuisse ipsos ætus bonos necessarios, de quibus nos disputamus. Boni quidem ij sunt, vt maximè apparet in amore beatifico: & homo etiam eos facit, sed quia non facere,

ipsi liberum non est; meriti capacitatem non obtinent. O bella, o fortis & robusta Philosophia, quæ omnia, Vincentij, crepitacula, quibus Sanctum Bernardum circumstrepit, filere iubet & diffringit. Diuinus ergo est sermo ille, sed non sicut aduersarius diuinavit. *In contrarium nostri præliatoris versa est sententia.*

Alt eamus nunc ad præclarum illum libellum de libero arbitrio, quem etiam asseris, Vincenti, *sua Philosophia peculiariter dedicatum*: crede mihi non cedit tibi scilicet dedicatio, quam diuinatio. *Vita sensus*, ( inquit ibi cap. 2. ) *appetitus, memoria, ingenium, & si quæ sunt talia, eo ipso subsistent necessitati, quo non planè subdita sunt voluntati.* Et post pauca: *nec tardum ingenium, nec labilis memoria nec inquietas appetitus, nec sensus obtusus, nec vita languens, reum per se statuunt hominem, sicut nec contraria innocentem.* Et hoc non ob aliud, nisi quia hæc necessaria, ac præter voluntatem posse provenire probantur. O sententiam mellissui verè melle Philosophico totam plenam? Omnes illæ res enumeratæ ( inquit ) liberæ nobis non sunt; & qua de causa Bernarde? *Non ob aliud, nisi quia hæc necessaria.* Et qua necessitate? Nulla alia, quàm quia, non planè subdita sunt voluntati, ac præter voluntatem posse provenire probantur. Hoc euidentissimè est dicere, me esse viuentem, me habere memoriam & similia, mihi libera non esse, nulla alia ratione quàm quia mihi insunt, velim nolim. Age hic ergo, Vincenti, & nobis edisserere; quid magis ex his duobus sit, non subditum voluntati, vita Dei, an productio Spiritus Sancti? Dicetne magis subdi istam productionem, quam illam vitam? Certè qua ratione hoc dici queat, tu ipse videris. In vera, namque Philosophia, omnino æqualis necessitatis sunt ( qualitercumque

Augustinus  
ser. 177  
de tem  
pore.

In The  
ria. vbi  
suprà.  
deinde  
in præ  
clar.

considerantur) Deum esse viventem, & Spiritum Sanctum produci: sicut namque planè non subditur Diuinæ voluntati, quòd Deus sit Deus, ita pari omnino lege, eidem planè non subditur, quòd Deus sit vivens, & quòd Spiritus Sanctus producat. Ea enim omnia quæ Deitatis sunt, sine villo respectu ad creaturas existentes, in vniuersum nulla subiacent voluntati, nec Humanæ nec Angelicæ, nec Diuinæ. Licet enim (teste Diuo Thoma 1. parte quæst. 41. art. 2. in corpore) *Deus voluntate sit Deus: in hoc sensu, quòd vult se esse Deum, & vult se generare Filium, & vult se producere Spiritum Sanctum; tamen nullum horum voluntati eius subditur, quia voluntas vt voluntas formaliter, non est horum principium. Et ideo Arriani (inquit ibidem Diuus Thomas) volentes ad hoc deducere, quòd Filius sit creatura; dixerunt quòd Pater genuit Filium voluntate, secundum quòd voluntas designat principium. Nobis autem dicendum est, quòd Pater genuit Filium non voluntate sed natura, sicut & ad tertium docet quòd Spiritus Sanctus producit non voluntate vt voluntas est, sed voluntate vt natura est. Si ergo Bernardus à libertate eximit, hoc quòd est Deum esse viventem (vt pote qui vitam hominis à libertate eximit humana) profecto quomodo libertati Diuinæ subijcere potest Spiritus Sancti productionem, quæ equè necessaria ac vita Diuina conspicitur?*

Nec valet Dicere, productionem Spiritus Sancti (ablatis tamen imperfectionibus) subdi imperio Diuinæ voluntatis, vt pote cum actus sit, quem ipsa voluntas ex se ipsa sibi imperat ex perfectissimo iudicio rationis: quòd tamen de vita Dei alijsque eius perfectionibus necessarijs dici nequit.

Non inquam valet: nam (vt iam

ex Diuo Thoma dixi, & infra latius ostendam) actus ille est à voluntate, non vt voluntas est formaliter, sed vt natura est: ac proinde, sicut nil naturale est ex vero imperio voluntatis, sed omnino præter illud; ita & actus ille productionis, cum naturalissimus sit, & non minus naturalis quàm vita Dei; nullo modo Diuinæ voluntatis imperio subdi potest. Scio hic, Vincentium posse euasione[m] intendere ex distinctione duplicis imperij; sed facillimo negotio infra præcludam, quando rationibus agetur.

Necdum cum Bernardo finis. In eodem libello cap. 3. ostendens, qualiter Christus libertatem habuerit in moriendo, & etiam in perferendo miseras humanas, expressè hoc probat per hanc causalem Prophetæ oblatum est quia ipse voluit. Super quem locum, fuit itaque (inquit) & ipse sub lege miserie, sed fuit quia voluit. Similiter cap. 6. probans Adamum liberè peccasse, sic fatetur. Peccauit autem, quia liberum ei fuit, nec aliunde profecto liberum, nisi ex libertate arbitrij. Et qua via hoc constat Bernardus? Nam etsi peccauit (inquit) ex posse quòd accepit; non tamen quia potuit, sed quia voluit. Ecce iterum vtitur eadem causali ad probandam actus libertatem; quia nempe illum elicit, quia voluit. Et ne hic confugas ad libertatem status Innocentiæ, quam fateris sine indifferentia non subsistere; accipe aliud simile in natura lapsa. Nam capite 9. eodem modo argumentatur ad probandum, Petrum liberè negasse Christum. Fateatur quidem, ipsum ad negandum fuisse compulsum, sed non ab alio quàm à propria voluntate: & hoc libertati dicit non obesse. Vm quippe (ait) quam ipsa sibi intulit, à se pertulit. Porro quòd à se voluntas pertulit, ex voluntate fuit: quòd ex voluntate fuit;

Infral.  
1. cap.  
7. §. Minorem itaque.

Infral.  
2. cap.  
7. §. Sed ad omnia ista.

Itaque  
51. ver.  
7.

fuit; iam non ex necessitate, sed voluntarium fuit: si autem voluntarium; & liberum. Sed dic iterum Bernardus, quomodo probas compulsionem illam seu vim ex voluntate fuisse & quidem libera? Hoc scire desidero, ut Vincentio Philosophiam tuam, aliter quam ipse intelligit, ostendam: compulsum est (inquit) quia voluit. En iterum eandem prorsus causalem. Sentit ergo aperte, libertatem voluntatis etiam in natura lapsa non saluari, nisi ubi saluatur veritas prae dictae causalis. Sed tunc ultra; saluaturne bone, Vincenti, veritas prae dictae causalis in actibus voluntatis omnino necessarijs? Spirantne Pater & Filius, quia volunt? Hoc est profecto secundum D. Thomam loqui cum haereticis. Audi ipsum in primo ad Auibal. dist. 11. quæst. vnica art. 1. in Corpore, ubi clarissimis verbis hæresim improbat sic loquenti. Si Spiritus Sanctus (inquit) procedit à Patre, quia Pater voluit; hic modus est, quo à Deo creaturæ procedunt. Sequitur ergo Spiritum Sanctum esse creaturam? quod est hæreticum. Vade ergo, Vincenti, & ne dixeris, Pater spirat quia vult, sed dicas cum D. Thoma, Pater volendo spirat, Pater spirat quia potest, non quia vult, sicut vice versa Bernardus dicit de Adamo, quòd peccauit, non quia potuit, sed quia voluit.

Dic ergo iam, Vincenti, præfatum Bernardi libellum, tuæ Philosophia esse peculiariter dedicatum. Certè verissime id affirmaueris, si tamen dedicationis nomine, potius abdicationem tui dogmatis intellexeris.

Ast & vnum hoc ex eodem libello præterire non possum. Cap. 2. est ratio data voluntati (inquit) ut instruat illam, non destruat: destruat autem, si necessitatem ei ullam imponeret, quominus liberè pro arbitrio sese voluerit: at

in amore beatifico ratio omnino: dam necessitatem voluntati imponit, cum tanta euidencia proponat bonum infinitum, ut pro arbitrio suo nequeat se voluere voluntas in oppositum: ergo euidētissimè sentit quòd ratione iudicij seu intellectus sic ad vnum determinati, libertas in illo amore destruitur. Velis nolis, Vincenti, nulla est hic fuga aut euasio. Et si plura ex eodem Bernardo desideras, plura certè non deerunt, si tractatum eius de præcepto & dispensatione inspexeris.

Placet & nunc videre, qua in Philosophia fuerit contemporaneus eius D. Aelredus? Inspice librum eius primum Speculi charitatis, & profecto nec vel umbram tuæ opinionis in lymphido illo crystallo inuenies. Duas tantum sententias speculandas obijcio, ne longior sim. Prima est. Si homo careret iudicio, quo id quod vult, discernat ab eo, quòd non vult; posset (inquit) fortè voluptuosa tantum appetere, carne more inmentorum sentire, non autem illis rationali quodam iudicio consentire, vel dissentire, quod est liberi arbitrij.

Secunda. Pater (ni fallor) ratio, quòd nec gratia liberum arbitrium destruat, nec liberum arbitrium gratiam minuat. Quomodo enim gratia liberum arbitrium auferat, cum gratia non nisi in libero operetur arbitrio? Neque enim gratia ista, de qua loquimur, aut in brutis animalibus, aut in rebus operatur insensibilibus, sed in his tantum, quæ præceptionis, aut prohibitionis capaces audiunt, fac hoc & fac illud, & noli hoc & noli illud: quæ proculdubio non dicuntur, nisi his, quibus inest liberum arbitrium, quo possint velle hoc aut illud.

Vtraque ista speculi sententia, tam limpide, tamque perspicue ostēdat, potestatem ad oppositum esse de sententia libertatis, ut addendo verba, fortè

fortè maculam adderem, non nitorer: obnubilando potius quàm enubilando. Ad alios Patres transeamus.

## CAPVT XX.

*Eadem Philosophia, Prosperi, Fulgentij, & Richardi Sancti Victoris:*

Vbi non est potestas ad oppositum, ibi non est libertas.

**P**HILOSOPHIAM etiam hanc à maioribus, ad Prosperum, Fulgentium, & Richardum Sancti Victoris deuenisse, & ab eisdem constantissimè defensatam, nemo est qui iure potest dubitare. Sed ponamus prius motiuum, Vincentij, ex quo Prosperum ad partes suas traxit.

Adducit igitur quedam ipsius verba ex libro contra Collatorem, capite 38. quibus asserit contra Semipelagianos, ideo liberum arbitrium non auferri, quatenus ponatur Diuina gratia indigere: quia hoc non obstante, volentes oramus, volentes loquimur, volentes operamur salutem nostram, volentes denique Deum diligimus & proximum.

*In The*  
*riaca l.*  
*1. c. 4.*  
*in prin*  
*cipio.*  
Ecce (infern Vincentius) quoties replicat, illud volentes, & ideo libertatem arbitrij in orando, loquendo, operando, diligendo, gratia non euerit dicit; quia volentes omnia ista facimus. Quod quid aliud est, quàm voluntatem esse liberam, & nos omnia liberè agere, quæ voluntate agimus? Quamuis (subintellige) absque potestate ad oppositum, vt contingit in amore beatifico.

Doctør Catholico, vis videre, qualiter toto cælo à mente huius Sancti viri aberres? Scias igitur ipsum loqui de voluntate, non vt natura est, sed

de voluntate, vt voluntas est formaliter; qua ratione nullo modo contingit ipsam velle sine potestate ad oppositum, etiam pro eodem instanti quo subest gratia, vt infra demonstrabitur.

Ex apertissimis verbis Prosperi, hoc tibi notum facio. Eamus ad librum eius 2. de Vocatione gentium; & plurimis in locis prædictum à me sensum ibidem inuenies.

In primis cap. decimo, loquens de Iustis, qui in exordio mundi fuerunt, sic fatetur. Vnde apparet, quod iste populus spiritualis antea fuit, ea reique voluntate, cui Spiritus Sanctus præsedebat, impendens moderaminis sui regimen, vt declinandi ad vitia non adimeret potestatem. En sermonem de voluntate, adhuc sub tractu gratiæ potente ad oppositum.

Deinde capite duodecimo. Certissimè nouerimus, multis qui iam iudicio rationis videntur, ideo liberum esse, discedere, vt non discessisse sit præmium. Et vt, quod non potest nisi cooperante Spiritu Dei fieri, eorum meritis deputetur, quorum id potuit voluntate non fieri. En iterum, qualiter opus supernaturale, quod non fit nisi Spiritu gratiæ cooperante, possit nostra voluntate non fieri.

Rursus capite 28. Qui ad obediendum sibi, ipsum velle sic donat, vt etiam à perseueraturis illam mutabilitatem, quæ potest nolle, non auferat. Quid clarius? Deus donans actuale velle per gratiam, mutabilitatem ad oppositum non aufert.

Et in eodem capite. Si ergo defectura erat fides tanti Apostoli, nisi pro eo Christus oraret, inerat ei proculdubio mutabilitas, quæ posset in tentatione mutare. En idem quod prius.

Iterum ibidem. Et licet innumeris Sanctis suis donet virtutem perseuerandi vsque in finem Diuina protectio, à nullis tamen aufert, quod ipsis repugnat ex seipsis,

*Infrà 1.*  
*2. c. 5.*  
*& li. 3.*  
*cap. 4.*  
*sect. 1.*



seipsis, ut in omnibus studiis eorum atque conatibus semper inter se velle & nolle decerneret.

Iterum. Quamvis auxilio Dei steterint; tamen quia in se habebant unde caderent, ipsorum est meritum, quod steterunt.

Tandem ( ut & sic locum concludam ) Igitur sicut qui crediderunt, inuuantur ut in fide maneant, sic qui nondum crediderunt, iuuantur ut credant: & quemadmodum illi in sua habent potestate, ut exeant, ita & isti in sua habent potestate, ne veniant. O quam breuiter, & quam distincte omnia!

Vide sine obsecro Lector, quantum distet hic sermo, ab eo, quem intulit falsa imaginatio obloquentis? Nonne quasi studuit, ea quæ rectissime Sanctus Prosper secundum communem Sententiam dixit, noua quadam & exquisita intelligentia, corrumpere? Si dixit, ideo liberè, quia volentes oramus, volentes diligimus, volentes operamur, profectò de ea se ostendit voluntate locutum, de qua omnibus illis in locis prædicat, operari eam ista omnia cum Potestate ad oppositum: non solum in eo sensu ( ut Vincentius somniat ) excussa præsentis prædeterminatione, non ea reuocata; sed etiam pro eodem instanti, quo prædeterminatio adest: cum expressissime loquamur de voluntate actu credente, cui Spiritus Sanctus moderaminis sui regimen actu impendit, cui actu velle donat, ac proinde de voluntate actu à diuina gratia, prædeterminata.

Imò quòd plus est, si iuxta mentem Prosperi, sub ipso instanti prædeterminationis, potestas ad oppositum non adestet seu remaneret; ergo prædeterminatio pro tunc potestatem illam aufert; in hoc sensu, quòd id quod erat antea potestas, facit non esse potestatem pro tunc: quòd si verum est, quomodo non sibi con-

tradicit, dum ibidem asserit, quòd Diuina protectio seu gratia, à nullis aufert, quod ipsis repugnat ex se ipsis, ut in omnibus studiis eorum atque conatibus semper inter se velle & nolle decerneret? Horum enim verborum sensus euidentis est, quòd adiutorium gratiæ à nemine aufert illam repugnantiam, quam sibi ex se ipsa potest voluntas facere, ut scilicet dum, actu vult, possit per nolle repugnare, non simul nolendo & volendo ( hoc enim contradictionem respectu eiusdem implicat ) sed volendo & simul retinendo posse, ut nolit. Vade ergo, Vincenti, nam non tibi sed nobis Prosper est prosper.

Duo tamen adhuc adducere non dubito, quia nimis manifesta sunt. Primum desumo ex responsionibus ad obiectiones Vincentianas obiectione quinta: vbi probans Deum, non esse auctorem nostrorum peccatorum, sic loquitur. Non igitur cuiusquam peccati auctor est, sed natura creator est. Quæ cum potestatem habuerit non delinquendi, sponte deliquit, & deceptor suæ proprio, propria voluntate se subdidit. Non vides ibi manifestè assumptum nostræ Philosophiæ principium, videlicet naturam humanam sponte seu liberè deliquisse, ex eo quòd potestatem habuerit non delinquendi? Ergo apertè sentit, quòd non liberè deliquisset, si potestate illa ad oppositum caruisset.

Nec valet dicere Sanctum Prosperum ibi solum loqui de libertate, Adami in statu Innocentiæ, non autem de nostrâ.

Non (inquam) valet: nam quantum ad hoc eadem est ratio de nobis ac de Adamo. Licet enim ipse perfectiorem habuerit potestatem non delinquendi, quam nos modo habeamus ( ut supra ex doctrina Augustini notauimus ) tamen reuera mens Prosperi non est, eum liberè deliquisse, quia

Suprà  
lib. 1. .  
17.2 c.  
Sed hæc  
conueni  
tia.

hæc.



habuerit potestatem non delinquendi tam perfectam, sed quia habuit potestatem non delinquendi absolute & simpliciter: ac proinde pari lege sentit, nos quoque minime liberè peccaturos, si potestas non peccandi absolute & simpliciter, nobis deesset.

Secundum desumo ex responsionibus ad Excerpta Genuensium dubio quarto: ubi postquam dixerat, *Multi audiunt verbum veritatis, sed alij credunt, alij contradicunt*, probans postea, ab illis hoc fieri liberè, sic subiungit. *Et tamen illi quia voluerunt, crediderunt; illi quia noluerunt, non crediderunt.* En qualiter ad probandam libertatem, assumat eandem causalem Bernardi: quæ tamen (vt supra demonstram) nequit in actibus omnino necessarijs verificari. De mente ego Prosperè dubitare, fas non est.

Suprà  
lib. 1.  
c. 19. §.  
Necdum  
cum Ber  
nardo.

Prospero succedat Fulgentius. Lib. secundo de Veritate prædestinationis, & gratiæ, capite secundo sic habet. *Neque tamen libera voluntas ideo non est in homine, priusquam sanetur opere Diuine conuersionis: quia morbo magis vult obtemperare, quam medico: cum eo ipso quòd obtemperat homo, vel non obtemperat, liberum sibi inesse arbitrium euidenter ostendat.* Probat nil obesse libertati hominis in natura lapsa, ipsum magis inclinare ad obtemperandum spiritualibus morbis, quàm ad obtemperandum spirituali medico; quia licet ratione prauæ concupiscentiæ magis ad hos, quàm ad hunc inclinet; tamen in hoc ipso, quòd tandem obtemperat, vel non obtemperat, se liberum omnino ostendit: vt pote cum actus illi oppositi, à propria voluntate orti, sint signum intrinsecæ potestatis, quam habet ad opposita, & in qua, ipsa essentialis libertas consistit. Nonne hoc est, disertis verbis ostendere, li-

bertatem actuum non radicari nisi in principio, cui prout sic & formaliter, inest ad opposita potestas?

Consequenter ad hoc subiungit in capite quarto ad illa verba Isaïæ: *Si volueritis, & audieritis me, bona terra comedetis: quòd si nolueritis, nec audieritis me; gladius deuorabit vos: subiungit (inquam) his verbis quibus dicitur, si volueritis, & si nolueritis: proculdubio libertas humani declaratur arbitrii: velle enim & nolle, voluntatis esse, nullus ignorat.* Quasi dicat, ubi est velle & nolle, ibi ab effectu ostenditur voluntatis libertas: quia videlicet illi actus oppositi, non nisi in potestate ad opposita radicantur, quæ potestas vera & essentialis libertas est; licet actus ipsi accidentia tantum sint, libertatis ostensiuæ, vt ex professo declarabo infra.

Isaïæ 1.  
vers. 19

Et nota, quòd ad inferendam libertatem, non assumpsit velle tantum: sed velle & nolle simul: tacite innuens, solum velle non esse signum libertatis, nisi exerceatur simul cum potestate ad nolle circa idem obiectum.

Infra l.  
2. co. 4.  
sect. 1.  
§. Et cer-  
re quòd  
hæc in  
parte.

Agmen Sanctorum Patrum claudat Richardus Sancti Victoris, nobili illo tractatu primo de Statu primi hominis. Ibidem exponens locum illum Isaïæ, *Omne caput languidum, & omne cor mærens à planta pedis, &c.* comparat liberum arbitrium capiti, consilium cordi, & carnale desiderium pedi. Sed vide, quàm aptè ad rem nostram. *Caput* (inquit capite 2.) *toti corpori supereminet, & liberum arbitrium omni actioni præsidet: imò & appetit; quia etiam cum malè egeris, cum iam foribus peccatum assue-rit, subter te tamen erit appetitus eius, & tu dominaberis illius.* Quid est, erit subter te? Nisi sub arbitrio tuo? Eò quòd quini appetitus in actum non prodeat sine nutu spontaneo & consensu voluntario. Et quod per nutum spontaneum,

Isaïæ 5.  
vers. 4.

neum, consensumque voluntarium, nil aliud intelligat, nisi vim seu potestatem faciendi & non faciendi; patet ex his quæ subiungit cap. 6. vbi comparans potestatem liberi arbitrij, potestati Regiæ omnibus imperanti, sic prosequitur, *Vniuersa itaque terræ Rex iste (videlicet liberum arbitrium) imperat: quia cum cætera omnia corporis membra, motus omnis ei ad nutum deseruiat, illud etiam (scilicet carnale desiderium) quod solum ei pro voto non obtemperat, sed in magna sæpe contradictione rebellet, potest & præceptis ab actu refrænare & effrænatum graui ultione percutere, & animositatis eius audaciam foiti castigatione frangere & emollire. Sic itaque nec ipsum eius potestatem plenè effugit, quod ei impudenter contradicit, fortiterque resistit. Rectè ergo (vt arbitror) captiui assimilatum, quod cæteris omnibus principatur. In apertissime Philosophiam nostram, Liberum arbitrium (inquit) omnibus imperat, & etiam carnali desiderio; quia potest & præceptis ab actu illud refrænare. Sentit ergo non exerceri formaliter libertatem, vbi talis potestas ad oppositum non exercetur.*

Sed clarius adhuc capite decimo tertio. *Non autem arbitrium hominis (ait) idcirco liberum dicimus, quia promptum habeat bonum vel malum facere; sed quia liberum habet, bono vel malo non consentire. Et post pauca, potest enim consentire, vel non consentire aspirationi Diuinæ, similiter & suggestioni Diabolice. Vtrumque quidem ex libertate, neutrum autem oportet ex necessitate.* Nonne hoc est splendidissima verborum luce veritatem nostræ Philosophiæ pandere? Conuenitne cum dictis huiusmodi illa, tua, Vincenti, qua asseris, adhuc liberum esse arbitrium, in casu quo altera contradictionis pars, omnino contradictionem implicat? Vbi vo-

luntastali necessitate consentit; vt non possit non consentire, sicut videre est in actibus spirationis, & Amoris beatifici? Profecto hæc cum apertissima sint, miror summopere, te hominem aliàs doctum, in tanta luce deceptum.

Verum in fauorem tuum fortè obijcies sententiam illam, quam habet capite vigesimo tertio, cuius tibi superficies patrocinari videtur. Docet ibi Richardus hominem non modo libertate non carere; sed & magnam (imò summam) libertatem possidere, idque non alia de causa, quam quia voluntate agit quodcumque agit, absque eo quod potestatem indifferentiæ vllatenus commemoret. Verba eius sunt tenoris sequentis. *Si igitur nulla violentia arbitrium potest suam priuare libertate; constat illud summam libertatem habere. Nihilominus tamen (vt superius demonstratum est) voluntas voluntati contradicit, & voluntas voluntati resistit, & alia ab alia impugnat, & nunc hæc nunc illa captiuatur. Sed in huius congressionis certamine, sicut voluntas est, quæ oppugnat, & voluntas quæ oppugnat; sic voluntas est, quæ superat, & voluntas quæ superatur. Sed in his omnibus manet libertatis integritas, quia semper triumphat voluntas. En vbi probat voluntatem liberè contradicere, liberè resistere, liberè impugnari, liberè captiuari; ex nullo alio capite, quam quia voluntas ipsa est, quæ omnia ista facit, & peragit: sentit ergo potestatem indifferentiæ ad libertatem non requiri; sed sufficere, solam voluntatem.*

Respondeo ad hunc locum, sicut in principio dixi ad locum Prosperi: nempe Richardum loqui de voluntate vt voluntas est formaliter: quo sensu idem est, voluntatem aliquid agere, & agere illud cum potestate ad oppositum, vt infra patebit.

Infecl.  
s. cap.  
5. & l.  
3. c. 4.  
secl. 1.

bit. Quòd autem loquatur de voluntate, vt voluntas est formaliter; adeò perspicuè clarescit ex ipsa littera, vt ostensione non egeat: nam sermo ipsi est de voluntate, vt seipsam impugnante, vt sibi ipsi contradicente, vt deniq; de seipsa per motus contrarios triumphante: quæ omnia non conueniunt, nisi voluntati, vt voluntas est formaliter, non verò voluntati vt natura est, cum hæc contrariorum motuum incapax sit, vt pote ad vnum tantum motum sibi naturalem & conuenientem determinata.

*Igitur Vir grauis, Doctor sapiens, vtrax Magister (vt Verbis Prosperi con-*

*tra Collatorem capite trigesimo tertio, concludam) redde nobis Catholicam definitionem horum SS. Patrum, & noli amplius concordem ipsorum mentem, à communis sententiæ societate, priuata tua intelligentia diuidere. Abundè enim (vt arbitror) his testimonijs demonstratum est, quantum Dominus adiuuit, non in obscuro aut in ambiguo esse, quid de natura libertatis senserint; si omnes eorum sententiæ, quas pro modulo nostro, sine vlla prorsus falsitate adijcere curauimus, tranquillo intuitu, & pacata mente conspiciantur.*

# LIBER SECVNDVS.

RATIONIBVS OSTENDITVR,

OMNEM ACTVM VERE LIBERVM  
Debere elici, vel imperari cum potestate ad oppositum contrarietatis vel contradictionis.

## CAPVT PRIMVM.

*Proponitur multiplex acceptio libertatis.*



**X**PLOSA iam ab auctoritate, non solum Thomisticæ Scholæ, sed etiam Sanctorum Patrum, opinione Vincentij, non erit operosum ostendere, verane sit an falsa. Sed vt certa ab incertis se paremus, explicanda erit prius multiplex acceptio huius neminis libertas: tum quia eius ignorantia

posset fortè confusionem parere; tum etiam, quia non abs re erit, vt variaz locutiones Patrum in hac materia debito sensu intelligantur. Libertas igitur potest sumi multipliciter.

Primò sumitur pro immunitate à culpa: & hæc dicitur libertas gratiæ. In quo sensu soli iusti dicuntur liberi; quia immunes pro statu iustitiæ, ab omni culpa, iuxta illud ad Romanos sexto, *Liberari autem à peccato*, &c. Quo sensu etiam Augustinus voluntatem eò dicit esse liberiores, quò est à culpa remotior. Vnde illud Epistolæ 39. *Voluntas libera tantò erit liberior, quantò sanior: tantò autem sanior, quanto Diuine mi-*

*sericordia, gratiaque subiectionis.*

Secundo sumitur pro immunitate à miseria: & hæc dicitur libertas gloriæ. In quo sensu soli beati dicuntur liberi, quia pro statu beatitudinis, immunes ab omni miseria, iuxta illud ad Romanos octauo, *Ipsa creatura liberabitur à seruitute corruptionis in libertatem gloriæ Filiorum Dei.*

Tertiò sumitur pro immunitate à iustitia: & hæc vocatur à D. Thoma ad Romanos 6. lectione 4. *libertas apparens, seu quantum ad opinionem.* In quo sensu soli peccatores, qui ex certo proposito peccant, dicuntur liberi. Nam illi qui ex infirmitate vel passione peccant, aliquo adhuc frano iustitiæ detenti, peccant; ita ut non videantur à iustitia omnino liberi. Quia de causa, de peccantibus ex certo proposito, ait ibidem Apostolus, *cum serui essetis peccati, liberi fuistis iustitiæ*, id est, à frano iustitiæ quasi immunes & soluti, iuxta illud Job 11. *Vir vanus in superbiam erigitur, & tamquam pullum Onagri, liberum se putat.*

Quartò sumitur pro immunitate à lege: & hæc dicitur libertas exemptionis. Quo sensu dispensati & priuilegiati dicuntur liberi, quia immunes ab obligatione legis.

Quintò, sumitur, pro immunitate à coactione. In quo sensu omnino non coactum seu spontaneum potest dici liberum. Sed coactio (ut rectè notat Durandus) adhuc dupliciter sumitur: vno modo, ut dicit solam impeditionem alicuius ab actu conuenienti, ad quem inclinatur; puta cum lapidi supponitur columna, dicitur cogi, ne descendat: quia à motu deorsum sibi conuenienti per columnam impeditur. Alio modo, ut dicit compulsionem ad actum inclinationi repugnantem. Sicut est in lapide sursum proiecto. Et hoc

etiam potest exemplificari in voluntate: voluntas enim in profundo aliquo somno, dicitur coacta primo modo: quia scilicet impeditur cognitio, & impedita cognitione impeditur volitio, cum voluntas non possit ferri in incognitum. Secundo autem modo cogeretur, si aliquid agens extrinsecum eam compelleret ad actum suæ inclinationi repugnantem. Quod tamen (ut communiter tenent Theologi & ex professo ostendit D. Thomas quæst. 22. de veritate art. 5.) impossibile est. Cum enim ipsa voluntas sit quædam inclinatio, eò quòd est appetitus quidam, non potest contingere, quòd voluntas aliquid actu suo velit, & inclinatio eius non sit in illud: & ex consequenti impossibile est, quòd compellatur ad actum inclinationi suæ repugnantem. Quæ ratio etiam conuincit de qualibet potentia in ordine ad proprium suum actum. Cum enim quælibet potentia in ordine ad actum sibi proprium sit quædam inclinatio; nulla potest in ordine ad actum sibi proprium contra inclinationem suam compelli. Licet verum sit, quòd adhuc quantum ad hoc, est discrimen inter voluntatem & alias potentias. Nam in actibus illarum, licet non possit inuenire coactio seu compulsio per comparisonem ad ipsammet potentias, inuenitur tamen per comparisonem ad suppositum. Id est, licet intellectus verbi gratia, in nulla intellectione possit cogi; homo tamen in aliqua intellectione interdum potest cogi: at verò in actibus voluntatis nec potest esse coactio respectu voluntatis; nec respectu totius suppositi, id est, quòd non solum voluntas sed nec homo ipse in aliqua volitione potest cogi. Sit exemplum, ut nouitius possit percipere. Verbi gratia intellectus assentitur alicui verò euidenter conclusus per demon-

demonstrationem: tunc ipse intellectus non cogitur, cum eius naturalis inclinatio sit ad intelligendum omnia: sed homo in illo casu potest interdum dici coactus: puta, si voluntas forte imperabat oppositum assensum, vel ipsi oppositus assensus propter certa motiua magis placebat. Ratio autem huius discriminis traditur a D. Thoma loco citato ad 3. quia nimirum, non intellectus aut quævis alia potentia, sed *sola voluntas ipsam inclinationem hominis nominat: unde quidquid sit secundum voluntatem sit secundum hominis inclinationem*, & quidquid sit contra voluntatem, sit pariter contra hominis inclinationem: quia tamen inclinationes aliarum potentiarum ipsam inclinationem totius suppositi non nominant; possunt actus illarum esse conformes ipsis, & tamen non conformes inclinationi totius suppositi: ac proinde comparatiue ad illud possunt dici coacti. Et sic dicitur 5. Metaphysicæ, quod intellectus cogitur, vt aliquid de necessitate teneat: cogitur (inquam) respectiue ad voluntatem seu ad inclinationem suppositi, cui tale verum non placet.

Sexto sumitur libertas pro immunitate à necessaria determinatione ad vnum. Et in hoc sensu nil aliud est, quam facultas ad opposita, siue contrariè siue contradictoriè: contrariè quidem, vt ad bonum vel malum, ad amorem vel odium, ad velle vel nolle: contradictoriè autem, vt ad amorem vel cessationem amoris, ad velle vel non velle, agere vel non agere &c. Et in hoc sensu sola voluntas dicitur libera formaliter, intellectus autem radicaliter. Voluntas quidem formaliter, quia ipsa est subiectum, in qua est prædicta facultas ad opposita, vel verius dixerim, ipsamet est huiusmodi facultas. Vnde & dixit Damascenus, quod libe-

rum Arbitrium, per essentiam est ipsa voluntas, vt refert D. Thomas in Secundo ad Annibal. dist. 24. quæst. vni- ca art. 2. ad 2. intellectus autem radicaliter, quia causa, & radix indifferentiæ voluntatis, est indifferentiæ iudicij intellectus. Cum enim voluntas sit potentia cæca, sequens cognitionem; quod sit determinata vel indifferens ad opposita, provenire debet ex determinatione vel indifferentiâ ipsius cognitionis. Vnde & D. Thomas 1. 2. quæst. 17. art. 1. ad secundum Radix libertatis est voluntas sicut subiectum; sed sicut causa est ratio. Ex hoc enim voluntas liberè potest ad diuersa ferri, quia ratio potest habere diuersas cognitiones boni. Et iterum, quæst. 24. de Veritate art. 2. in Corpore. *Tota ratio libertatis ex modo cognitionis dependet*. Et paulò post; *Totius libertatis radix est in ratione constituta*.

Septimo tandem sumitur liberum pro omni eo quod est verè & propriè voluntarium. Est autem verè & propriè voluntarium teste D. Thoma 1. 2. quæst. 6. art. 1. & 2. id cuius principium est intra cum cognitione finis. Et in hoc sensu tam bruta quam homines dicuntur agere liberè, quia agunt verè voluntariè, cum motus eorum sint à principio intrinseco cum cognitione finis. Sed verè voluntarium diuiditur in voluntarium perfectum & in voluntarium imperfectum. Perfectum definitur, quod est ab intrinseco cum perfecta cognitione finis. Imperfectum verò, quod est ab intrinseco cum cognitione imperfecta. Intelligitur autem nomine cognitionis perfecta, cognitio intellectiua, non qualiscumque, sed illa, quæ plenè & perfectè diiudicat de bonitate vel malitia obiecti; sicut & nomine cognitionis imperfectæ, intelligitur cognitio sensitiva, vel etiã intellectiua, non plenè seu perfectè

dijudicans. Vnde sub voluntario perfecto continentur soli actus voluntatis procedentes ex perfecta aduertentia seu perfecto iudicio intellectus : sub voluntario autem imperfecto, comprehenduntur motus appetitiui brutorum, & motus tam appetitus quam voluntatis puerorum & amentium : & generaliter quotquot in nobis plenam aduertentiam rationis præueniunt, qui & dicuntur motus primo primi. Vnde tertio Ethicor. dicit Philosophus, & teste D. Thoma approbant Nizenus & Damascenus, quod *pueri & bruta animalia communicant voluntario.*

Ex hac vltima acceptione sequitur, quod actus voluntatis omnino necessarij, qui scilicet eliciuntur à principio ab intrinseco determinato ad vnum tam specificatiue quam eliciuè, possint dici liberi, si liberum iuxta hanc acceptionem confundas cum solo voluntario perfecto. Ratio est manifesta : nam necessitas omnimodæ determinationis ad vnum, sicut non obest, quin actus sit ab intrinseco cum cognitione perfectæ ; ita non obest rationi perfecti voluntarij, ac proinde nec libertati iuxta hunc sensum.

Omnès hæ acceptiones libertatis, sunt omnino certæ apud Scholasticos. Solum oportet definire, quænam ex illis ad veram libertatem de se capacem meriti & demeriti, requiratur & sufficiat. Circa quod in primis hoc extra controuersiam est, quod non requiritur libertas gratiæ, nec libertas gloriæ, nec libertas à iustitia, nec etiam libertas à lege. Constat namque hominis naturalem libertatem, ex se ad meritum & demeritum sufficientem, subsistere ; siue in statu gratiæ sit, siue extra illum, siue in statu gloriæ, siue extra illum, siue liber sit à iustitia, siue non, siue liber tandem à lege, siue non.

Neque hoc sinistrè intelligas, quando audis extra statum gratiæ subsistere libertatem de se sufficientem ad meritum : non enim volo, quod status gratiæ non sit conditio requisita ad meritum supernaturale ; sed quod non sit conditio requisita ad illam alteram conditionem meriti, quæ est libertas : ita vt stet in actu sine gratia elicto, esse sufficientem libertatem ad meritum, licet non sit sufficiens condignitas defectu gratiæ.

Deinde eadem ratione certum est, requiri ad veram libertatem, immunitatem à coactione ; prout coactio dicit compulsionem ad actum inclinationi repugnantem : actus enim verè liber debet in omni opinione esse sub dominio, seu potestate operantis ; & quando sic coactus esset ; sub dominio, seu potestate operantis non esset. Qualiter enim me Dominum probabis illius, quod contra meam voluntatem compellor facere ? Vnde necessitas coactionis, in hoc sensu est id quod directè euerit, & destruit totum fundamentum veræ libertatis. Imò tantam habet cum ea repugnantiam, vt potentia coactionis capax, libera esse nequeat, non solum exercitè, seu in actu secundo ; sed nec subiectiuè, seu in actu primo : id est, quod non solum liberè non operabitur, sed nec naturam potentiæ liberæ obtinebit. Vnde capacitas ad coactionem, non solum arguit in actu ipso coacto deesse libertatem ; sed & insuper deesse ipsam naturam seu subiectum libertatis in ipso principio, quod sic coactè operaretur : cum enim hæc natura, seu subiectum libertatis sit sola voluntas, quæ essentialissimè petit in actibus suis non posse cogi ; semel posito, quod cogi posset, euidenter eius natura definirer, & sic voluntas non esset voluntas, ac proinde nec subiectiuè, seu in actu primo libera rema-



remaneret. Hac de causa dicit Sanctus Thomas questione 22. de Veritate, artic. quinto ad Primum in contrarium: *Quod necessitas coactionis repugnat voluntati*. Et ad Secundum, *Quod pertineret ad impotentiam seu infirmitatem voluntatis, si ab alio cogere-  
tur*. Et rursus ad Tertium ex Augu-  
stino, *Quod libertas opponitur necessi-  
tati coactionis*. Et iterum ad Quar-  
tum, *Quod necessitas coactionis repu-  
gnat dignitati voluntatis*. Vbi ponde-  
randum est, non dixisse tantum quod  
repugnat actibus voluntatis; sed po-  
tius quod repugnat ipsi voluntati, ip-  
sius dignitati, & quod pertineret ad eius  
impotentiam seu infirmitatem: quasi  
apertissime ostendens ipsam natu-  
ram seu potentiam voluntatis, & e-  
ius intrinsicam dignitatem funditus  
euerfam iri, si coactio in ipsam ca-  
dere posset: ac proinde coactio non  
solum tolleret libertatem exercitam  
ipsius actus; sed etiam libertatem su-  
biectiuam seu in actu primo, ipsius  
potentie.

Quod maxime notatum velim pro  
percipienda differentia, quæ versatur  
inter necessitatem coactionis, &  
inter necessitatem naturalis inclina-  
tionis. Necessitas namque coactio-  
nis (ut iam dixi) & destruit liberta-  
tem actus, & libertatem ipsius po-  
tentie; ita ut voluntas semel coactio-  
nis capax, liberè non posset operari  
in vilo actu; si semel in aliquo pone-  
retur posse cogi. At verò necessitas  
naturalis inclinationis, quantumvis  
ponatur in summo gradu, videlicet  
& quoad specificationem, & quoad  
exercitium; licet auferat libertatem  
ab actu, qui cum tali necessitate  
exercetur (ut in sequentibus contra  
Vincentium ostendain) non tamen  
auferat libertatem ab ipsa potentia  
respectu aliorum actuum: cum natu-  
ræ voluntatis non repugnet; sed po-  
tius cum ipsa in eadem essentia vo-

luntatis compatibilis sit. Et hoc est,  
quod dixit D. Thomas 1. p. q. 82. art.  
1. ad 1. & etiam in locis illis citatis ex  
quest. 22. de Veritate, *Quod necessitas  
naturalis non auferat libertatem volun-  
tatis*. Non in hoc sensu (sicut som-  
niat Vincentius) quod non auferat  
libertatem actus (hoc enim falsissi-  
mum est) sed quia non auferat aut de-  
struit libertatem potentie, respectu  
aliorum actuum, sicut necessitas co-  
actionis. Eadem namque potentia li-  
bera, scilicet voluntas, & est subie-  
ctum libertatis, & simul subiectum  
necessitatis naturalis inclinationis,  
licet eadem nequeat esse subiectum  
libertatis, & subiectum coactionis.  
Et quod hæc sit mens S. Doctoris, pa-  
tet manifestè inspicienti attentius ip-  
sius verba: non enim dixit, quod ne-  
cessitas naturalis non auferat liberta-  
tem actus; sed *necessitas naturalis non  
auferat libertatem voluntatis*. Et in lo-  
cis de Veritate, *necessitas naturalis non  
repugnat voluntati, non pertinet ad im-  
potentiam voluntatis, non repugnat di-  
gnitati voluntatis*. Ecce ubi præcisè  
docet, non repugnare ipsi naturæ,  
seu dignitati, aut potentie principij  
liberi, non autem quod non repu-  
gnet ipsis actibus liberis.

Igitur immunitatem à coactione,  
ad veram arbitrij libertatem, essen-  
tialiter requiri, certum est: & insu-  
per quod ea sola in tota sua amplitu-  
dine ad libertatem non sufficiat; et-  
iam patet: nam in appetitu bruto-  
rum similis immunitas inuenitur,  
cum non moueantur contra suam in-  
clinationem, sed omnino iuxta illam:  
in quibus tamen nulla vera aut pro-  
pria libertas inuenitur, ut in confesso  
est apud omnes. Tota ergo disputa-  
tio ad hoc deuoluitur, utrum deli-  
cet sufficere si immunitati à coactio-  
ne adiungatur perfectum volunta-  
rium, & nil aliud: id est, utrum actus  
euadat verè liber libertate essentiali  
arbi-

arbitrij, & sufficienti ad meritum, per hoc præcisè, quòd sit perfectè voluntarius, seu à voluntate proficiscatur ex perfectò iudicio rationis, licet cum omnimoda necessitate naturalis inclinationis, tam quoad exercitium actus, quàm quoad speciem, vt contingit in productione Spiritus Sacti, & in amore quo Deus & Beati diligunt Diuinam bonitatem secundum se.

Communis sententia contra nouum & singulare dogma Vincentij, negans est asseritque vltra rationem perfecti voluntarij, requiri ad veram libertatem actus hanc conditionem, quòd scilicet proficiscatur à voluntate cum potestate ad oppositum: ita (vt si cum tali indifferentia ex parte principij non procedat) actus liber non sit, quantumuis aliàs sit perfectissimè voluntarius.

## CAPVT II.

*Declaratur, quid significetur nomine potestatis ad oppositum, quando dicitur, illam requiri ad veram libertatem actus.*

**A**NTEQVAM ad rationes pro communi sententia accedamus, prælibare oportet: quid intelligamus nomine potestatis; quando dicimus, non esse libertatem, vbi non est potestas ad oppositum.

**SCIENDVM ERGO EST PRIMO:** quod nomine potestatis requisitæ ad euentiam libertatis, intelligimus in primis, potestatem expeditam. Vt enim habet D. Thomas 1. parte quæst. 83. art. 2. ad 2. *facultas nominat quandoque potestatem expeditam ad operandum: & sic facultas po-*

*nitur in definitione liberi arbitrij: quæ scilicet dicitur, quòd est facultas voluntatis & rationis &c.*

Sed quia potestatem esse expeditam, nil aliud sonat, quàm potestatem esse facilem, & facile possit accipi dupliciter: ideo etiam potestas expedita potest in duplici sensu intelligi. Hunc autem duplicem sensum declarat D. Thomas quæst. 24. de veritate artic. 4. ad 1. vbi sic habet. *Aliquid dicitur esse facile dupliciter: vno modo propter remotionem impedimenti: alio modo propter appositionem adiutorij. Facilitas ergo pertinet ad habitum, est per adiutorij appositionem, nam habitus inclinat potentiam ad actum: hanc autem facilitatem non nominat liberum arbitrium: eò quòd quantum est de se, non inclinatur in vnum magis quàm in aliud. Sed nominat facilitatem, quæ est per remotionem impedimenti, eò quòd liberum arbitrium non impeditur aliquo cogente à propria operatione. Quod & breuius explicans in Secundo ad Annibaldum distin. 24. quæst. vnica artic. 2. ad 1. homini (inquit) dicitur esse facile illud, respectu cuius non impeditur: & sic dicitur liberum arbitrium facultas, in quantum homo non impeditur, quin possit hoc facere vel non facere. Itaque actus liber debet esse à potentia habente facultatem expeditam ad oppositum, expeditam (inquam) quatenus semper potest hoc facere vel non facere, licet alias facilitas per appositionem adiutorij seu habitus ipsi desit.*

Ex quo sequitur, non necessario debere esse expeditam moraliter, id est, liberam à difficultatibus seu circumstantijs, quæ difficultatem parere possunt: vt sunt motus concupiscentiæ, & alia impedimenta quæ pro varietate occasionum occurrere solent. Hoc enim falsum est, ad naturalem seu Physicam libertatem requiri:

quiri: cum solus Adam in statu Innocentiae potestatem sic expeditam habuerit. Sufficit ergo (vt dictum est) esse expeditam, id est non impeditam, quin absolute & simpliciter possit hoc facere vel non facere, licet vnum extremum ipsi difficilius sit quam alterum.

**SCIENDVM EST SECVNDO:** quod nomine potestatis, etiam intelligimus potestatem proximam: ita vt voluntas liberè operatura, debeat esse non solum expedita in sensu iam explicato, sed etiam proximè potens ad vtrumlibet. Vocant autem *Dialectici* potentiam proximam, illam, quæ absque vlla mutatione ex parte sui, hoc vel illud potest. Et ex consequenti voluntas proximè potens ad vtrumlibet, erit illa quæ absque vlla mutatione ex parte sui, potest indifferenter hoc vel eius oppositum. Absque vlla mutatione (inquam) ex parte sui quantum ad ea, quæ spectant ad vim operandi in actu primo: quod dico propter illa, quæ desiderantur ex parte actus secundi: licet namque huiusmodi requisita ponantur voluntati deesse; equidem saluatur, ipsam sine illis esse proximè potentem ad hoc vel illud; quia non desiderantur ad posse seu ad actum primum, sed solum ad operari seu ad actum secundum. Verbi gratia supponamus, voluntatem in instanti, quo instat præceptum supernaturale, non habere nisi auxilium gratiæ sufficientis, & deesse ipsi auxilium efficax, requisitum in sententia Thomistica, vt de facto præceptum illud adimpleat: in illo casu, adhuc voluntas dicitur proximè potens ad præcepti adimpletionem, licet vltiori mutatione per receptionem auxilij efficacis, indigeat ad de facto adimplendum: quia illud requisitum, nimirum auxilium efficax, non requiritur ad posse seu ex parte actus pri-

mi, sed solum ad operari seu ex parte actus secundi: est namque applicatio quædam ad actum, quæ posse non confert, sed posse præsupponit. Quo sensu intelligitur illud Bernardi: *Deus voluntatem applicat operi:* nempe per auxilium efficax, quod est ipsa applicatio.

Qua de causa oportet hic diligenter distinguere, ea quæ requiruntur ex parte actus primi, & ea quæ requiruntur ex parte actus secundi; vt appareat, cum quibus voluntas sit proximè potens, & sine quibus non sit proximè potens. Pro quo nota, quod ad omnem actum voluntatis, præuiè requiritur iudicium intellectus, tam ex parte actus primi, quam ex parte actus secundi: hoc est dictum; quod absque præuia cognitione obiecti, non solum voluntas non operabitur, sed nec operari possit. Ratio est manifesta ex communi proloquio, quo solet dici, quod voluntas est potentia cæca, ac proinde absque præuiio iudicio seu cognitione, nec operabitur, nec potest operari. Vnde & verissime dixit Vincentius, *voluntatem in proxima quasi agendi potestate per iudicium intellectus compleri*. Sed, quoad præsens attinet, aliter requiritur iudicium, vt voluntas de facto liberè operetur, & aliter requiritur, vt proximè potens sit liberè operari. Vt proximè potens sit liberè operari; sufficit iudicium indifferens, representans bonitatem obiecti, vt non necessario amandam: ac proinde vt eligibilem vel respuibilem: vt autem de facto liberè operetur, requiritur præter illud iudicium, aliud, vel idemmet aliter representans, videlicet talis conditionis, vt non solum representet bonitatem obiecti tamquam non necessario amandam, sed vltra hoc etiam dicat, conueniens esse, hic & nunc illud amare, vel conueniens esse, hic & nunc actum

Bernardus de lib. arbit. ca. 12.

In Theoria I. l. c. 24. & Hinc ergo sequitur.

suspendere. Ratio huius est hæc. Nam ex vi prioris iudicii seu prioris representationis voluntas solum habet posse indifferentem respectu utriusque extremi, ut scilicet possit amare vel non amare, si libuerit: ergo ut de facto ex statu indifferentiæ, se determinet & applicet uni extremo determinatè, verbi gratia taliter amori, ut neutquam suspensioni amoris, necessariò requiritur aliud iudicium vel alia representatio, dictans simul cum illa indifferentia ex parte actus primi, determinatè ex parte actus secundi hic & nunc esse amandum potius, quam amorem suspendendum.

Et in hoc omnino hallucinatur noster Vincentius; dum negat voluntatem in illo instanti, quo liberè amat etiam libertate contradictionis (quam ipse accidentalem vocat) esse proximè accinctam ad suspendendum amorem. Fieri enim sæpissimè potest (inquit) *ut in illo instanti nullum adsit iudicium aut cogitatio de utilitate suspensionis: sine quo tamen iudicio voluntas ad suspendendum, proximè accincta esse nequit. Ex quo concludit; quòd licet actui positivo libero, qui eo instanti eicitur, in eadem voluntate coniungatur, potestas ad suspendendum actum; non tamen proxima & accincentissima est, & si tamen talis potestas sit, quæ per imperium suum & applicationem intellectus ad conquirendas rationes possit se ad potestatem suspensioni proximam promovere.* Itaque in sententia Vincentij, voluntas non habet potestatem proximam ad suspendendum actum, in instanti quo liberè operatur, & hoc quidem, quia multoties in illo instanti non adest cogitatio aut iudicium de utilitate suspensionis.

In hoc (inquam) omnino Vincentius hallucinatur: licet enim verum sit, fieri posse sæpissimè, imo & sem-

per fiat, quod illo instanti quo voluntas liberè amat, nullum adsit iudicium representans, hic & nunc esse vtilem actus suspensionem; cum potius tunc adsit iudicium determinatè representans hic & nunc vtilem esse amorem seu actus positionem; falsissimum tamen est, defectu talis iudicii, voluntatem non habere proximam potestatem ad suspendendum actum. Et huius ratio est. Nam ad proximam potestatem per modum actus primi respectu suspensionis, non requiritur in illo instanti iudicium dictans hic & nunc suspensionem esse vtilem; sed iudicium dictans suspensionem absolutè esse possibilem. Quod sanè iudicium in omni instanti, quo voluntas liberè operatur, semper adest & adesse debet. Et huius ratio iterum est: nam voluntas quotiescumque liberè operatur, semper debet regulari iudicio illo indifferenti ex parte actus primi, quod scilicet representet bonitatem obiecti ut non necessariò amandam, sed ut liberè prosequibilem vel respiciibilem: in quo iudicio semper representatur exercitè saltem, suspensionem amoris absolutè esse possibilem circa idem illud obiectum, licet non semper representetur, illam hic & nunc esse vtilem seu hic & nunc expedire: talis enim representatio utilitatis solum requiritur ad actum suspendendum, non autem ad proximam potestatem suspendendi. Itaque illud iudicium indifferens; quod nos dicimus ad potestatem proximam requiri, & sufficere, cum habeat representare obiectum ut non necessariò amandum, representat ex consequenti, esse possibilem non amorem; licet aliquando (videlicet cum de facto voluntas amat) representet de facto expedire amorem tantum. Et sic constituit voluntatem proximè accinctam, & potentem, ut possit amo-

amorem suspendere, pro ea scilicet parte, qua repræsentat suspensionem amoris esse possibilem; licet de facto determinet ad actum amandum potius, quam ad suspendendum pro illa alia parte, qua scilicet simul dicitur cum illa possibilitate suspensionis, hic & nunc expedire seu utilem esse amorem tantum.

Fatentur quidem Thomistæ, in illo instanti, quo liberè amat, non esse voluntatem proximè accinctam ad suspendendum, si per se non proximè accinctam, intelligatur ipsi deesse aliquid, ex parte actus secundi, seu actualis exercitij suspensionis: hoc enim evidens est, & si qui contrarium contendant, quam longissimè etiam reiiciendi sunt. Deest enim pro tunc iudicium dictans hic & nunc suspensionem expedire: sine quo iudicio voluntas nunquam actum suspendet; licet (ut dixi) sine illo proximè suspendere possit. Aliud namque est, posse proximè suspendere, aliud autem de facto suspendere: In illo instanti desunt quidem requisita ad hoc secundum, non tamen desunt requisita ad illud primum.

### SCIENDUM EST TERTIO,

quòd potestas ista expedita & proxima ad vtrumlibet, quam hucusque explicauimus, diuersimodè debet accipi respectu extremi positui libertatis, & respectu extremi negatiui. Voco autem extremum posituum libertatis facere seu operari; extremum verò negatiuum, non facere seu abstinere ab operatione. Respectu igitur extremi negatiui, vniuersaliter, & sine vlla limitatione debet esse verum, quòd voluntas liberè operans, siue in ordine naturali siue supernaturali, semper debet esse proximè potens in ordine ad huiusmodi extremum, verbi gratia, ad non facere. Patet hoc: quia ut quis proximè possit non facere actum siue natura-

lem siue supernaturalem, nulla alia facultas requiritur, quam ex parte intellectus, iudicium indifferens iam explicatum, & ex parte voluntatis, ipsa naturalis virtus illius non impedita: cum ergo vtrumque hoc, de facto semper adsit pro quolibet instanti, quo voluntas liberè operatur, siue naturaliter siue supernaturaliter; fit consequens pro omni eo instanti, esse proximè potentem ad non faciendum, seu ad abstinendum ab illo actu. At verò respectu extremi negatiui, non verificatur hoc vniuersaliter: nam non semper voluntas in omni instanti, quo liberè operatur, est proximè potens ad huiusmodi extremum: verbi gratia, ponamus quòd homo de facto peccet, actu aliquo positivo odij Dei, opposito actui supernaturalis dilectionis: tunc quidem liberè peccat, licet pro illo instanti non sit proximè potens ad actum posituum dilectionis supernaturalis ipsi oppositum. Certum enim est in Schola Thomistica, ut voluntas liberè pro aliquo instanti peccet, non requiri semper pro eodem, aliquam gratiam sufficientem intrinsecè receptam, qua proximè potens sit ad contrarium actum supernaturalè faciendum: hanc enim gratiam semper sic intrinsecè collatam, solus habuit Adam in statu innocentie.

Et si quæras; per quid tunc illo instanti, subsistat libertas in illo peccato; siquidem non est proximè potens voluntas ad oppositum extremum, verbi gratia, ad faciendum contrarium actum supernaturalè?

Respondco subsistere per hoc, quòd licet illo instanti non sit proximè potens ad extremum illud posituum; est tamen in eodem proximè potens ad extremum negatiuum. Taliter enim peccat illo peccato odij, ut possit proximè non peccare, seu ab illo peccato abstinere: cum teste

teste Dno Thoma, quæstione vigesima quarta de Veritate, articulo duodecimo ad Septimum in contrarium, *Ex naturali virtute possit singula mortalia vitare: licet taliter non peccet, vt possit proximè actum contrarium supernaturalem facere.* Vnde aptissimè ad rem hanc Richardus S. Victoris, de statu primi hominis, capite decimotertio, *Non autem arbitrium hominis (inquit) idcirco liberum dicimus, quia promptum habeat bonum vel malum facere; sed quia liberum habet bono vel malo non consentire.* En vbi libertatem saluat, non quia promptam aut expeditam potentiam habeat homo ad faciendum bonum, quod est extremum positium; sed quia promptam & expeditam habet, ad non consentiendum siue bono siue malo, quod est extremum negatiuum.

Fateor tamen, quòd si illo instanti instet obligatio præcepti affirmatiui de diligendo Deum amore supernaturali, quòd tunc non solum debeat esse proximè potens ad extremum negatiuum: verbi gratia, ad non odio habendum; sed etiam ad alterum extremum positium: verbi gratia, ad amandum amore supernaturali. Et ratio est: nam (vt constantissimè docent Theologi tam extra quam intra Scholam Dni Thomæ) nequit præceptum aliquod obligare ad sui obseruantiam, nisi homo habeat pro instanti obligationis verum seu proximum posse ad illius impletionem; non habet autem illud posse respectu impletionis, si id ipsum non haberet ad ponendum actum supernaturalis dilectionis: siquidem adimplere præceptum dilectionis, & ponere actum dilectionis, idem sunt. Ergo dicendum est, hominem debere esse proximè potentem, etiam respectu extremi positiui: verbi gratia, ad faciendum actum supernaturalis

dilectionis tempore videlicet instanti, quo præceptum affirmatiuum de tali dilectione obligat.

Vnde & consequenter nostri Thomistæ, licet contra aliquos Theologos doceant, non omnes & singulos homines recipere intrinsecè auxilia sufficientia, ad supernaturaliter credendum, sperandum, & diligendum, vt patet in infidelibus negatiue, quibus talia auxilia de facto fuerunt negata, in pœnam peccati saltem originalis; tenent tamen, omnes & singulos huiusmodi auxilia de facto, & intrinsecè recipere, vel Deum saltem quantum est ex se, paratum esse ad illa largiendâ, loco & tempore, quo ad huiusmodi actus inexcusabiliter obligantur: hoc est dictum, quod talia auxilia recipiunt, vel de lege communi parata habent in quacunque occasione, qua peccarēt, si tales actus non facerent. Si namque ea non reciperent, aut saltem sic parata non haberent; verum posse pro huiusmodi actibus non haberent, ac proinde nec peccarent, illos actus non faciendo.

Quapropter constanter etiam docent, quòd infideles negatiue, non peccant contra præceptum supernaturale Fidei, Spei, aut Charitatis; imò nec vniuersaliter contra vllum præceptum supernaturale; sed solum contra præcepta legis naturæ: quia videlicet præcisè respectu præceptorum legis naturæ habent verum posse, non autem respectu præceptorum supernaturalium; defectu gratiæ sufficientis, ipsis denegatæ, quæ sola & non alia dat verum posse respectu actus supernaturalis.

Et hoc est, quod expressissimè docuit Augustinus, dum epistola centesima quinta ad Syxtum Presbyterum parum post medium, loquens de ijs qui Fidei notitiam reiecerunt, & de ijs, qui nil de Fide audierunt; dixit,



dixit, quod ipsa ignorantia in eis qui intelligere noluerunt, sine dubitatione peccatum est, in eis autem qui non potuerunt, pœna peccati. Quia videlicet, licet non credere, sit peccatum in ijs, qui credere potuerunt, & credere noluerunt; tamen vice versa non est peccatum in eis, qui credere non potuerunt; cuiusmodi sunt infideles negativè: cum enim ipsis denegetur gratia sufficiens ad credendum, nimirum notitia mysteriorum Fidei, & interna supernaturalis morio voluntatis, sine quibus credere nemo potest; ipsam non credere, non imputatur eis ad culpam; sed solum habet rationem pœnæ.

**QUARTO ET VLTIMO** sciendum est, quod homo dicitur aliquid proximè posse, secundum duplicem potentiam; vel secundum potentiam antecedentem tantum, vel secundum antecedentem & consequentem simul. Voco autem potentiam antecedentem tantum, illam, quæ est virtus proximè sufficiens per modum actus primi respectu alicuius extremi, licet prout sic, nunquam sit cum illo extremo coniungenda. Quo sensu auxilium sufficiens in Schola Sancti Thomæ, scorsim sumptum ab efficaci, dat potentiam proximam, antecedentem respectu actus supernaturalis: quia nempe licet sit virtus sufficiens per modum actus primi, nunquam tamen sine efficaci auxilio est coniungendum cum actu. Voco verò potentiam consequentem, illam quæ insuper est cum actu coniungenda; quo sensu in eadem Schola voluntas simul cum auxilio efficaci, est ad alicientiam actus supernaturalis potens potentia consequente; quia nimirum cum illo auxilio, non solum potest operari; sed etiam de facto operabitur. Quando ergo ad actum liberum huc usque requisivimus; quod voluntas proximè possit

illum non agere, hoc non est sic intelligendum, ut possit illum non agere potentia etiam consequente; sed sufficit quod possit illum non agere potentia merè antecedente. Patet hoc manifesto exemplo. Nam Deus adhuc supposito decreto ab æterno, de producendo mundum in tempore, verè liberè in tempore illum producit, & tamen non est potens illum non producere potentia consequente, cum repugnet stante decreto, illum actu non produci. Igitur ad libertatem nõ requiritur posse oppositum potentia consequente. Ex dictis ergo constat, qualiter & in quo sensu debeat accipi potestas ad oppositam, quando illam de essentia libertatis esse contendimus: intelligimus namque potestatem expeditam, id est, non impeditam illo cogente, quin possit hoc facere vel non facere potentia saltem antecedente, & insuper proximam, id est taliter instructam, ut nihil ipsi desit ex his quæ spectant ad actum primum: voluntas sub tali statu, est verè potens ad vtrumlibet: quodlibet autem horum desit, verè potens censenda non est.

### CAPVT III.

*Transmittitur, in quo sensu actus omnino necessarij ( ut sunt Spiritus Sancti, & amor beatificus ) possint dici liberi .*

**PRO RESOLUTIONE** ergo præsentis contronersie, **DICO PRIMO**, quod actus omnino necessarij ( ut sunt amor beatificus, & productio Spiritus Sancti ) in nullo alio sensu possunt dici liberi, quam quia immunes à coactione & insuper perfectè voluntarij .

Hoc dictum duas habet partes, & utramque ita certam, ut à nullo Theologo negari possit; imò & ita perspicuam, ut vix explicatione egeat. Quantum ergo ad primam, videlicet hos actus posse dici liberos, si sumatur liberum pro immuni à coactione, & pro perfectè voluntario, quis est, qui neget? Manifestum enim est, non compelli voluntatem in huiusmodi actibus ad aliquid suæ inclinationi repugnans; sed potius mouere se ad aliquid maxime suæ inclinationi conforme. Deinde actus illos ex perfectissimo iudicio rationis elici, quis est, qui dubitat? Amant siquidem Deus & Beati Diuinam bonitatem, producuntque Pater & Filius Spiritum Sanctum ex perfectissima cognitione: in Deo quidem comprehensua, in beatis verò quidditatiua: ergo sumendo liberum pro immuni à coactione, & pro perfectè voluntario, actus illi liberi dici possunt.

Quoad secundam etiam partem, quod id ipsum in nullo alio sensu affirmari possit, ab ipso quoque aduersario concedi debet. Nam iocundo ad rem nostram, nullus alius sensus superesse potest, quam sumendo liberum pro principio operante cum indifferentia ad oppositum: quod tamen in præsentia verificari nequit, cum amor ille in Beatis & præcipue in Deo, similiterque productio Spiritus Sancti, sint à voluntate, non ut operante cum indifferentia ad oppositum amoris aut productionis; sed ut operante cum essentiali & necessaria determinatione, taliter ad amorem & productionem, ut oppositum esse, aut possibile esse, contradictionem implicet. Ergo actus isti amoris Diuinæ bonitatis, & productionis Spiritus Sancti, in nullo alio sensu ad rem nostram, possunt dici liberi; quam sumendo liberum pro immuni à coactione & pro

perfectè voluntario.

Hinc intelligendus venit Angelicus Præceptor, quando quest. 10. de Potentia art. 2. ad 5. dixit, quod Deus sua voluntate liberè amat seipsum, licet de necessitate amet seipsum, & post pauca, liberè Spiritus Sanctus procedit à Patre, non tamen possibiliter, sed ex necessitate. Sumpsit namque liberum pro non coacto & pro perfectè voluntario: quod patet ex hoc, quod immediatè præmiserat: dixerat enim antè, non est autem violentia vel coactio in hoc, quod aliquid secundum ordinem suæ naturæ mouetur, sed magis in hoc, quod naturalis motus impeditur: sicut enim impeditur graue, ne descendat ad medium. Ex quo statim infero propositiones citatas, unde Deus sua voluntate liberè amat seipsum, &c. Quasi nil aliud prætendens, quam quod huiusmodi actibus nulla insit coactio aut violentia, quantumvis in eis conspiciatur summa necessitas: ex eo videlicet, quod Deus in huiusmodi moueatur voluntariè & complacenter, omnino secundum ordinem suæ naturæ & non contra illam. Sic explicant hunc locum Capreolus, Bannez, Corneio & Thomiste omnes, quotquot de hac rescribere.

Quibus & ego subijcio non contemnendam rationem, cur sic explicari debeat. Nam Sanctus Doctor in illo articulo agebat contra hæreticos, ut patet ex Corpore, quod incipit; Respondeo dicendum, quod hæreticorum instantia coegit antiquos fidei Doctores de his quæ sunt fidei disputare: inter hæreticos autem (teste eodem Sancto Doctore prima parte, questione quadragesima prima, articulo secundo ad Primum) nonnulli fuerunt, qui ab actibus notionalibus, etiam concomitantiam Diuinæ voluntatis remouebant, taliter ut assererent Filium & Spiritum Sanctum

Capreolus in 1. dist. 6. q. 1. art. 2. ad arg. contra Bannez 1. p. qu. 41. art. 2. dub. 2. cõcl. 3. Corneio 1. p. tra. 3. qu. 27. disp. 4. dub. 1. ad vlt. mum.

produci natura, sic tamen ut voluntas producendi in producente non adesset: sicut & nos (ait ibidem Divinus Thomas) multa naturali necessitate contra voluntatem patimur, ut mortem & senectutem, & huiusmodi defectus. Vnde in opinione horum, personarum procedebant nolente Patre, vel coacto Patre. Contra hos ergo loquens Sanctus Doctor, non aliter dixit Spiritum Sanctum liberè procedere, quàm qualiter ab hæreticis negabatur: ab illis autem negabatur liberè procedere, quia coactè seu nolente Patre dicebant procedere. Ergo S. Doctor contra illorum sensum affirmans procedere liberè, nil aliud voluit, quàm quòd procedit non coactè, sed Patre potius volente seu omnino voluntariè se habente.

Imò & huius rei habemus manifestum simile in dictis Divi Hylarii: qui (teste etiam Divino Thoma in primo Argumento, articuli iam citati ex prima parte) dixit in libro de Synodis; quòd non naturali necessitate ductus, Pater genuit Filium: cum tamen de fide sit, Patrem naturalissimam necessitate Filium generare. Quomodo ergo dictum hoc Hylarii accipietur? Anne in tali sensu, ut veritatem fidei negaverit? Minimè. Loquebatur enim contra hæreticos, qui per naturalem necessitatem intelligebant coactionem; ac proinde illam hoc modo negans, solum coactionem negabat, non naturalem necessitatem voluntariè inclinationis. Sic pariter Divinus Thomas, affirmans Spiritum Sanctum liberè procedere contra sensum hæreticorum, qui dicebant procedere coactè, nil aliud per ly liberè voluit, quàm non coactè.

Ex his patet quàm ineptè, & pueriliter Vincentius ex illo loco questionis decimæ de Potentia, deduxerit Spiritum Sanctum iuxta mentem

Divi Thomæ procedere vera, propria & essentiali libertate, de se sufficienti ad meritum. Ut enim constat nil aliud voluit, quàm quòd procedit non coactè sed voluntariè & complacenter; quòd tamen ad veram, propriam, seu essentialem libertatem meriti non sufficit, ut deinceps in sequentibus ostendam.

## CAPVT IV.

*Actus omnino necessarios, non esse vere seu propriè liberos, ostenditur ex vulgari definitione potentia libera, qua dicitur, quòd est illa, Quæ positis omnibus ad agendum prærequisitis, potest agere & non agere.*

**P**RÆLIBATIS his, quæ superius commemoravimus, non erit operosum, Philosophiam nostram rationibus comprobare; videlicet non subsistere veram aliquam aut essentialem arbitrij libertatem in actibus omnino necessariis, qui eliciuntur absque potestate ad oppositum, expedita & proxima in sensu supra explicato.

Supra  
c. 1. per  
totum.

Sed quia omnis, quæ ratione suscipitur de aliqua re disputatio, debet à definitione proficisci, ut intelligatur quid sit id, de quo disputatur; non abs re nos quoque discursum nostrum à definitione potentia libera incipimus; ut planum sit quis actus ab ea liberè eliciatur, quis non. Definitur ergo ex Doctrina Aristotelis tertio Ethicorum cap. septimo, potentia libera quòd est illa, quæ positis omnibus ad agendum prærequisitis, potest agere & non agere. Ex hac autem definitione, brevis sed efficax conficitur argumentatio ad rem nostram.

fram. Nam si potentia libera est, quæ positis omnibus ad agendum prærequisitis, potest agere & non agere: ergo à sensu contrario, illa liberè non operatur, quæ positis omnibus ad agendum prærequisitis, taliter agit, vt non agere non possit: at voluntas in actibus specificatiuè & elicitivè necessarijs, taliter agit, vt positis omnibus prærequisitis non agere non possit: ergo respectu illorum non operatur liberè, ac proinde nec actus huiusmodi liberi sunt.

Vincētius duplicem adhibet huic argumento solutionem.

PRIMA est; prædicta definitio, non definiri potentiam liberam secundum libertatem suam essentialem, sed tantum secundum libertatem suam accidentalem.

Pro quo inquit, *Notandum est, definitionem esse accidentariam, & similem ferme huic hominis definitioni, homo est animal risibile. Per proprietatem enim quandam explicat, quid & qualis sit illa libertas, à qua potentia aliqua libera appellatur. Aptitudo quippe quædam expandendi se vsque ad non agendum, ex essentiali voluntatis libertate resultat, per quam tamquam nobis notio, difficillima illa libertatis notio explicatur. Nam ex eo quod voluntas naturali suo modo agendi relicta, sub directione rationis, sine coactione actum suum sibi imperat. (in quo essentiali voluntatis libertatem constituit) oritur (inquit) etiam quædam aptitudo ad se expandendum vsque ad cessationem actionis, nisi aliquod aliunde obstaculum intercedat.*

Itaque mens huius primæ solutionis est, in præfata definitione non tradi de potentia libera, rationem eius essentiali; sed solum quid accidentarium, quod interneniente obstaculo aliquando deest, vt est aptitudo seu potestas ad opposita. Vnde sicut ex ista definitione homi-

nis, homo est animal risibile, non licet inferre, essentiali rationem hominis rationalis definitio essentiali eius rationem non tradit, sed solum per quid notius eam explicat: ita pariter ex definitione nostra, non licet argumentari, essentiali rationem potentie liberæ in aptitudine illa ad opposita consistere, quia non essentiali eius rationem tradit, sed solum per quid notius eandem explicat & declarat.

Et ex hoc soluitur argumentum factum, dicendo in actibus illis necessarijs, deesse quidem ex parte potentie, aptitudinem seu facultatem expandendi se vsque ad cessationem actionis, ceterum non ob hoc carere vera & essentiali libertate; quia illa aptitudo est solum accidens quoddam potentie liberæ, quod ipsi interueniente obstaculo deesse potest, salua adhuc manente essentiali eius libertate in agendo.

SECUNDA SOLVTIO est, admitiendo, quod superiori definitione potentia libera libertate essentiali definiatur; sed tunc (inquit) verus sensus esse debet, quod potentia liberè operans positis omnibus ad agendum prærequisitis sic agat, vt quantum est ex parte modi agendi, etiam non agere possit.

Et si ipsi tunc obijcias, duo illa exempla de actu amoris beatifici & productione Spiritus Sancti, in quibus, adhuc quantum est ex parte modi agendi, nulla conspicitur indifferentia; certè quantum ad primum de amore beatifico, aperte hoc negat; docet enim, quod beati voluntas, illas angustias non patitur; sed actu & passu suo, visionis illius ductum, satis laxè, sponte, voluntariè, liberè, & contingenter, quantum est ex parte modi eius incedendi, sequitur. En adstruit indifferentiam ad non amorem, saltem ex modo agendi. Quantum au-

In The  
ria. l. i.  
c. 25. §.  
Vt autē  
dicitur.

Vbi  
scilicet  
Tandem  
igitur.

In The  
ria. l.  
c. 28.  
§. Ex  
istat.

tem ad illud alterum de productione Spiritus Sancti, nescio utrum idem auferret de tali productione, dicere, videlicet ex modo productionis, ibi etiam adesse aliquam indifferentiam. Quam consequens tamen sit ad eius principia, hoc etiam debere dici, videbimus sectione secunda huius capituli, ubi secundam hanc solutionem examinabimus. Modò eamus ad examen primæ.

## SECTIO I.

*Expenditur prima solutio, qua Vincentius dicit, in vulgari illa definitione potentia libera, non definiri potentiam liberam secundam libertatem suam essentialem.*

**O**STENDIT profecto Vincentius, se doctrinam Divi Thomæ non legisse, quando tali Glossæ definitionem illam communem exponit.

Sciendum ergo est, iuxta mentem S. Doctoris, non accidentariam, sed essentialem esse prædicationem illam, qua dicitur, quod potentia libera est, quæ potest agere & non agere &c.

**HOC MANIFESTO IN PRIMIS**, ex quæstione vigesima quarta de Veritate articulo quarto: ubi quærens Sanctus Præceptor, *Utrum liberum arbitrium sit potentia vel non?* Respondet esse potentiam, & id ipsum probat in secundo argumento *sed contra* hoc discursum. Nam hoc videtur inter potentiam & habitum distare, quod potentia quæ se ad opposita habet, per habitum determinatur ad unum: sed liberum arbitrium nominat aliquid ad opposita se habens, nullo modo determinatum ad unum: ergo liberum arbitrium

*est potentia & non habitus.* En in primis, ubi affirmat, liberum arbitrium seu potentiam liberam, esse potentiam ad opposita se habentem. Sed vis nunc videre, qualiter iuxta mentem ipsius hoc quoque sit potentia libera omnino essentialis, & non accidentarium, ut Vincentius exponit? Attende solutionem ad duodecimum eiusdem Articuli. Argumentum procedebat ex auctoritate quadam Augustini, dicentis alibi, quod liberum arbitrium est vitalis & rationalis animi motus: sed motus actum nominat: ergo liberum arbitrium est actus, & non potentia; intellige quæ ad opposita se habet, de qua loquebatur. Audi (quæso te) quid respondeat. Ad duodecimum (inquit) dicendum, quod Augustinus definit liberum arbitrium per actum proprium: eo quod potentia per actus cognoscuntur: unde prædictio illa non est essentialis sed causalis. En iterum, ubi fatendo, non esse essentialem prædicationem illam, qua liberum arbitrium dicitur esse motus seu actus, apertissime supponit, essentialis esse illam alteram, qua dixerat esse potentiam ad opposita se habentem. Ac proinde hoc quod est posse agere & non egere, sentit esse omnino essentialis potentia libera.

Et certè quod hac in parte hallucinationem Vincentio peperit, nil aliud fuit, quam non distinguere inter ipsos actus potentia libera; & ipsam aptitudinem proximam quam habet ad illos eliciendos. Aliud namque est, quod actus ipsi, sint quidam effectus accidentales libertatis, per quos proinde potentia libera tamquam per quid notius definiri potest, sicut hic dicit Divus Thomas, quod potentia per actus cognoscuntur: aliud autem, quod ipsa aptitudo proxima ad actum vel eius oppositum, effectus accidentalis sit: hoc enim falsum est, cum ipsa aptitudo proxima

ad actum & eius oppositum, sit re & ratione idem cum ipsa potentia libera, ac proinde essentialiter ipsissima libertas. Sicut namque aptitudo proxima ad intelligendum, non est effectus quidam accidentalis, potentie intellectus; sed re & ratione omnino idem cum illa, & ex consequenti ipsissima eius essentialis ratio; ita pariter aptitudo proxima ad actum vel eius oppositum, non est effectus accidentalis potentie liberæ; sed omnino re & ratione idem cum illa: ac proinde essentialissima eius ratio.

Explico hoc. In omni potentia, siue intellectiva, siue appetitiva, siue vegetativa, siue sensitiva, tam motiva quam directiva, tam imperativa quam executiva; in omni (inquam) potentia uniuersaliter, semper ipsa aptitudo ad actum sibi conuenientem, est essentialissima ratio talis potentie: si quidem (vt constat ex prædicamento qualitatis) potentia nil aliud definitur esse, quam id, quo tamquam principio formalis, subiectum potens est operari conuenienter ad suam naturam: cum ergo potentia libera, addat ad rationem communem potentie vt sic, hoc quod est ad opposita se habere; sequitur manifestè, ipsam aptitudinem ad actum vel eius oppositum, esse essentialissimam rationem talis potentie.

SECUNDO ARGVMENTOR ex loco Diui Thomæ, quæstione decima sexta de Malo, articulo quinto in Corpore: vbi postquam retulerat errorem Origenis, existimantis cuiuslibet creature liberum arbitrium, in quolibet statu esse vertibile ad bonum & malum; statim sic prosequitur. *Considerandum est autem, quod hic Origenis error, ex hoc prouenit, quod non rectè considerauit, quid per se pertinet ad liberi arbitrii potestatem, sine qua homo in nullo statu inuenitur.* Qui-

bus dictis immediatè subiungit tres modos indifferentie, vnum contradictionis *secundum differentiam rerum*, quas potest quis velle, & non velle; alterum contrarietatis, *secundum differentiam boni & mali*; & tertium mutabilitatis, *secundum differentiam mutationis*, qua quis vnum & idem pro eodem tempore non vult, quod prius volebat. Primum ergo modum indifferentie asserit pertinere ad rationem liberi arbitrii per se, ita vt sine illo, in nullo statu subsistere possit; *secundum autem & tertium, per accidens tantum: in quantum inuenitur liberum arbitrium in natura descere potest, & in natura mutabili.* Quid expressius? Ergo non sentit (sicut Vincentius) potestatem seu aptitudinem ad agendum cum indifferentia contradictionis, esse accidens separabile à ratione essentiali liberi arbitrii, quæ tale est; sed potius ita per se ad illam pertinere, vt sine huiusmodi aptitudine in ratione talis formaliter intelligi nequeat.

Confirmo hoc ipsum ex Tertio, Distinctione decima octaua, quæstione prima, articulo secundo ad Quintum: vbi ex Doctrina Anselmi docet, *Quod posse peccare, nec est libertas arbitrii, nec pars libertatis*: quod idem docet prima parte, quæstione sexagesima secunda, articulo octauo ad Tertium, & alijs in locis. Vnde & quæstione vigesima quarta de Veritate articulo nono ad Quintum, *Posse peccare (inquit) non facit ad meritum; sed ad meriti manifestationem, in quantum ostendit opus bonum esse voluntarium.* Ex qua Doctrina sic deduco ad propositum. Licet Angelicus Præceptor sepius dixerit, posse peccare, non pertinere ad rationem essentialem libertatis; sed præcisè esse signum seu effectum manifestationis illius; tamen nunquam hoc ipsum affirmavit de eo quod est posse agere



agere & non agere, quin potius (vt loco iam citato ex quaestione decima sexta de Malo vidimus) expresse docuit potestatem contradictionis esse de ratione libertatis per se: ergo contra Sanctum Thomam est, asserere cum Vincentio huiusmodi potestatem esse præcisè effectum accidentalem libertatis.

**TERTIO DEFICIT** prædicta solutio: nam non solum est contra Dium Thomam; sed insuper ex ea sequitur, definitionem illam non esse artificiosam, quin potius omnino ineptam, & contra regulas definiendi. Probo assumptum sic. Nam, quod hæc sit legitima definitio hominis, *homo est animal risibile*; hoc ideo est, quia licet risibile non sit ratio essentialis hominis, est tamē proprietas per se, & ex natura rei inseparabiliter connexa cum essentia illius; ita vt hominis essentia nequeat per se, aut ex natura rei subsistere sine risibili: at iuxta solutionem datam, potestas ad agere & non agere, non solum non est essentialis ratio libertatis; sed nec est proprietas illius, per se & ex natura rei inseparabiliter connexa cum illa; cum in opinione contraria, essentia libertatis perfectissimè subsistat in actibus omnino necessarijs (vt sunt productio Spiritus Sancti, & amor beatificus) respectu quorum tamen huiusmodi potestas non inuenitur: ergo omnino ineptè definitur libertas essentialis per huiusmodi potestatem. Et erit profección definitio similis huic; qua quis definirer viuens, dicendo, *viuens est quod habet potestatem currendi*. Quam definitionem quis Philosophus vel mediocriter peritus, non irrideat? Definit enim viuens, nec per aliquid essentialē, nec per proprium quarto modo, conueniens omni & soli; sed per aliquod accidens, conueniens quidem soli, sed non omni. Quod

idem manifestissimè contingit iuxta præfatam solutionem in definitione tradita: cum potestas ad opposita, conueniat quidem soli potentie liberæ, non tamen omni; sitque accidens illius, non essentialē aliquid, nec proprium quarto modo.

**VLTIMO IMPUGNO** solutionem. Nam nimis chimericum est, velle cordato viro persuadere, quod definitio libertatis, tam trita, tamque in Scholis recepta, non sit nisi purè accidentalis; maximè cum vique ad hæc nostra tempora nulla vquam alia in Scholis audita fuerit; & res vbique terrarum notissima sit libertas. Quasi verò nemo nisi Vincentius, essentialē eius rationem nobis pandere potuerit: vbi tamen ante ipsum, tot à sæculo viri famosi; tot Theologi prælo insignes, tot Philosophi subtilissimi. Eia singularis Magister, desinat nouitas tua incelsere vetustatem, desinat Scholarum quietem, inquietudo tua turbare; nisi fortè laudabilior tibi fuerit, præsumptionis tuæ singularis confidentia, quam communis sententiæ, humilis sequela. Cur tam gloriōse putas, quod ab omnibus vique modo ignoratum, à te singulariter esse inuentum? Dixit alibi Sanctus Thomas contra quosdam qui dicebant esse repugnantiam in eo quod aliquid sit causatum à Deo, & tamen semper fuerit; *Mirum est, quomodo nobilissimi Philosophorum hanc repugnantiam non viderunt*. Sic dico & ego tibi. Mirum est, Vincenti; quomodo nobilissimi Philosophorum illam tuam essentialē rationem libertatis non viderūt. Reijciatur igitur prima solutio, quæ talem adstruis, & videamus quid veritatis habeat illa, quam secundo loco subiungis.

S. Tho.  
mas o-  
pul. 27.

## SECTIO II.

*Expenditur secunda solutio, qua Vincentius admittit, vulgari illa definitione definiri quidem potentiam liberam, secundum libertatem suam essentialem; sed tunc sensum esse, quod possit non agere, quantum est ex parte modi agendi.*

**R**ESPONDET secundò Vincentius: admitiendo quod superiori definitione, potentia libera secundum suam libertatem essentialem definiatur: *Sed tunc (inquit) verus sensus esse debet, quod potentia liberè operans, positis omnibus ad agendum prærequisitis, sic agat, ut possit non agere, saltem quantum est ex parte modi agendi.*

In The  
siaca l.  
3. c. 26.  
§. Tandè  
agitur.

Prosper  
contr.  
Coll. c.  
16. cir-  
ca hoc.

Vincenti (ut quondam Sanctus Prosper contra Collatorem) *Miror valde, quomodo non vides, aut ab alijs existimas non videri, quod te ipsum tuo ore hic condemnas.* Dicendo enim (ut hic dicis) aperte fateris ad libertatem etiam essentialem, requiri potestatem ad oppositum, saltem quantum est ex parte modi agendi. Quod si verum est (vti verissimum est) qua via potest subsistere id, quod toto opere tuo toties inculcas: actus videlicet spirationis Spiritus Sancti, & amoris beatifici, verè liberis esse? Cum etiam quantum est ex parte modi agendi, voluntas illos absque potestate ad oppositum operetur?

Dicene fortasse hoc falsum esse, & voluntatem illos etiam actus verè elicere cum potestate ad oppositum, quantum est ex parte modi agendi? Cerrè nisi sic dixeris, vulnus quo te ipsum configis, non declinabis. Sed quam periculosè in fide similia dicantur; attende.

Assumo (exempli gratia) actum illum spirationis, quo producitur Spiritus Sanctus, cui libertatem essentialem inesse dicis. Nec mireris (vt de Ricardo tuo miraris) me toties hoc vnicum exemplum in ostensionem circumducere. Non enim hoc à me fieri, volo existimes; sicut de illo altero suspicaris, vt inuidiam tibi apud quosdam prouocem: nam nec ille alter, nec illi quidam, cogniti mihi sunt. Quod me vnicè mouet, est exempli illius tanta lux & claritas, vt eo solo totam tuam opinionis de libertate machinam, euertere me posse, non dubitem.

In epistola  
prodr.  
ad Ri-  
cardum  
in pila  
cipio.

Age ergo, & qualiter cum exemplo isto, secundæ tuæ solutionis veritas non subsistat, inspiciamus. Argumentor sic. Pater & Filius taliter producant Spiritum Sanctum, vt nec etiam quantum est ex modo agendi, non possint non producere: ergo teneris fateri, vel solutionem tuam tibi contrariari, vel productionem illam liberam non esse libertate etiam essentiali, quod & non minus tibi contrariatur. Consequentia constat, & antecedens probo. Si Pater & Filius taliter producerent Spiritum Sanctum, vt quantum est ex modo agendi, possent non producere; Spiritus Sanctus quantum est ex modo suæ productionis, posset non esse: cum ipsum non produci, sit ipsum non esse, & ex consequenti, posset non produci quantum est ex modo suæ productionis, sic pariter posset non esse, quantum est ex modo suæ productionis: at hoc asserere, est hæreticum; cum teste Diuino Thoma quæst. secunda, de Potentia, art. 3. in Corpore, *Omne id, quod quantum in se est, possibile est esse vel non esse, sit quid creatum, & propter hoc Ariani, qui ponebant Filium creaturam, dicebant ipsum genitum voluntate (scilicet libera) cuius omnem effectum quantum in se est,*

est, possibile est esse vel non esse: ergo si hæresim vitare velis, dicendum est Patrem & Filium taliter producere Spiritum Sanctum, vt nec quantum est ex parte modi agendi, possint non producere.

Fortè respondebis (vt quendam semel pro te respondentem audiui) quòd hæc propositio, *Spiritus Sanctus quantum est ex modo suæ productionis, potest non produci*; in duplici sensu possit intelligi. Vno modo in sensu absoluto: alio modo in sensu conditionato, & quidem de conditione impossibili. In sensu absoluto; dices quidem esse hæreticam, sed à te non affirmari; quia datur intelligi, quòd Spiritus Sanctus absolute possit non procedere, quantum est ex modo suæ processiois: quòd hæreticum est: quia sic ponitur, de facto procedere, vt creaturam, quantum est ex parte modi. In sensu autem conditionato, dices à te sustineri; sed prout sic, esse omnino catholicam & veram: quia tantum significatur, quòd quantum est ex modo actionis, qui est cum spontanea effusione voluntatis ex perfectissimo iudicio rationis, posset eodem indiuisibili modo permanente, non procedere, si possibile esset, non procedere: quòd certè ab omni hæresi non solum remotissimum, sed & veritati omnino conforme esse affirmabis.

Bone Deus! Quàm miràda, quàm singularis, quàm falsa responsio! Contra insurgo manifestè.

PRIMO: quia sequitur ex illa, quòd principium Spiritus Sancti (scilicet Pater & Filius) sit ens magis necessarium, quam Spiritus Sanctus: at hoc etiam est aperta hæresis: ergo solutio seu responsio hæresim non declinat, sed potius in aliam incidit. Minorem suppono, quia lædit æqualitatem personarum, quæ est de fide: & sequelam probò euidenter.

Quia (vt solutio fatetur) adhuc data hypothesi, quòd esset possibile Spiritum Sanctum non procedere; maneret equidem idem indiuisibilis modus producendi seu agendi in principio Spirante, siquidem eodem modo manente, posset non procedere, si possibile esset, non procedere; & ex consequenti, esset daretur hypothesi de possibilitate non processiois, equidem intelligeretur in principio producente, perseverare idem modus producendi, qui de facto est: ergo principium spirans cum suo modo agendi, est ens magis necessarium, quàm Spiritus Sanctus. Probo consequentiam; quia id quòd potest intelligi perseveraturum, etiam in casu quo alterum posset non esse; indubiè magis necessarium est, quàm illud alterum.

SECUNDO: quia eadem ratione poterit dici, quòd voluntas Diuina quantum est ex modo suo agendi, posset peccare, si ipsam peccare, esset possibile. Patet hoc: quia loquendo de repugnantia absoluta, æqualis est repugnantia utrobique: tam enim repugnat Patri & Filio, Spiritum Sanctum non producere, quàm voluntati Diuinæ peccare: ergo si non obstante prima repugnantia, audet quis dicere, Patrem & Filium, quantum est ex modo agendi, posse non producere Spiritum Sanctum, si possibile esset non producere; poterit pariter quis dicere, eadem repugnantia non obstante, voluntatem Diuinam, quantum est ex modo suo agendi posse peccare, si ipsam peccare possibile esset. Sed tunc ultra: at hoc non solum hæreticum sed & blasphemum videtur; ergo. Probo istam minorem. Quia tali modo loquendi significatur, quòd Deo non repugnat malitia ex propria ratione Deitatis, sed solum facta suppositione quadam extrinseca impossibilita-

tis malitiæ: sicut dicendo, quòd omnipotentia Diuina, quantum est ex parte sui, potest producere Chimæram, si ea possibilis esset, datur intelligi, quòd ipsi talis productio non repugnat ex propria ratione suæ virtutis, sed solum ob extrinsecam impossibilitatem obiecti: at blasphemum videtur, affirmare, Deo ex propria sua ratione non repugnare omnem malitiam, cum ex propria sua ratione, sit summè & infinitè perfectissimam Sanctus: ergo.

**TERTIO:** nam ista propositio; *Spiritus Sanctus quantum est ex modo suæ processiois, potest procedere vt Filius;* in quocumque sensu sumatur, vel est hæretica, vel ab omni prorsus veritate remotissimæ: ergo pariter & ista; *Spiritus Sanctus quantum est ex modo suæ processiois, potest non procedere;* in quocumque sensu sumatur, eidem prorsus censuræ debet subiacere. Consequentiam iudico euidentem; quia modo suæ processiois æqualiter repugnat, ipsum non procedere, ac procedere vt filium: imò si locus detur comparationi in prædicatis Diuinis necessarijs, magis repugnat, non procedere, quam vt Filium procedere, cum primum ipsi opponatur contradictoriè, secundum non.

**QUARTO** impugno solutionem ratione à priori. Nam loquendo de repugnantia absoluta, ille modus agendi, quo Spiritus Sanctus producit, habet essentialissimam repugnantiam ad non productionem: sicut ipse Spiritus Sanctus eandem habet ad non produci: ergo implicat quòd idem manens, extenderetur ad non producendum, etiam quacumque facta hypothese de possibilitate ipsius non productionis. Probo consequentiam: quia illa hypothese facta, talem essentialem repugnantiam non haberet, siquidem

tunc ad non productionem extenderetur: ergo non esset idem modus cum illo, qui essentialissimam repugnantiam ad hoc habet: sicut non potest esse eadem indiuisibilis forma, illa cui gradus vitæ essentialissimè repugnat, & illa cui talis gradus non sic repugnaret.

**ULTIMO** facit contra prædictam solutionem quòd aliud est, voluntas Diuina secundum se, & aliud, modus agendi quem ipsa determinatè habet in productione Spiritus Sancti. De voluntate Diuina secundum se, esto admitteretur, quòd quantum est ex parte sua vt sic, posset eadem manens, non producere Spiritum Sanctum, si possibile esset, ipsum non produci; tamen id ipsum nullo modo potest admitti de modo agendi, quem hic & nunc determinatè in ista productione habet: scilicet quòd ille quantum est ex parte sui, posset idem manens extendi ad non productionem. Cuius ratio etiam à priori est. Nam voluntas Diuina secundum se, latius patet & ad plura se potest extendere, quam modus agendi quem in indiuiduo habet in productione Spiritus Sancti. Secundum se enim, etiam importat rationem principij indifferentis ad agere & non agere, vt patet in actionibus, quibus agit ad extra; ac proinde aliqua adhuc ratione posset alicui videri verum, quòd ipsi secundum se, non repugnat non producere Spiritum Sanctum, si non productio possibilis esset. At verò ipse modus agendi, seu voluntas vt tali modo subest in actuali productione, omnino rationem principij indifferentis excludit, cum modus ille ex se ipso essentialissimè ad productionem tantum sit determinatus: imò magis intimè & efficaciter ad illam determinatus, quam modus appetendi brutalis ad suum proprium

prium obiectum. Ergo sicut omnino absurdè diceretur, quòd brutum ex modo suo appetendi hoc obiectum, posset idem non appetere, si non appetere possibile esset; ira pariter absurdissimè diceretur, voluntatem Divinam ut subest tali modo agendi, posse Spiritum Sanctum non producere, si non producere possibile esset.

His impugnationibus, Vincenti, puto secundam tuam solutionem manifestissimè infringi. Vnde definitionem vulgarem & Philosophicam potentiae liberae vel debes rejicere; quòd tamen non audes, ne de te dicatur quod dixit Divus Thomas de Auerroce, quòd non tam sint peripateticus quam peripatetica Philosophia depravator: vel si admittis; fateri nobiscum necesse est, praedictos actus amoris beatifici & spirationis verè liberos non esse.

### SECTIO III.

*Ostenditur, Vincentium non posse sine totius suae opinionis iactura, denegare libertatem praedictis actibus, scilicet amoris beatifici & spirationis.*

**A**DVERTIT indubiè Vincentius, se duplici illo exemplo amoris beatifici & spirationis, fortiter omnino debellari. Hac de causa iam in epistolis suis prodromis dicere incipit, quòd ex illo exemplo productionis Spiritus Sancti, nullum vult creari praedictum, libertati aliorum actuum necessariorum voluntatis creatae. Imò addit, quòd parum amittet, licet alterum etiam exempli in de ipso amore beatifico ipsi extorqueretur. Quasi ta-

cite insinuans, se absque vlla iactura suae opinionis, posse adhuc duobus illis actibus veram libertatem denegare, & nihilominus cum victoria principalis sui intenti permanere, circa libertatem aliorum actuum, quos nos in via elicimus sub efficacis gratiae tractu, etsi sine potestate ad oppositum.

Lector Theologe, hoc iam est, Vincentium ex parte ad Palinodiam redigi; imò non solum ad Palinodiam; sed velit nolit, ad totius suae opinionis iacturam, hac via cogitur.

De aliquali Palinodia, res est patentissima, mi Vincenti: nam in scriptis tuis frequenter nimis inculcasti, duos etiam illos actus libertate essentiali gaudere. *Doctore Catholice* (ut quondam Prosper contra Collatorem) *cur professionem tuam deseris?* Sed improperando non dico: nam navis ingenij tui sic leniter vacillare incipiens, cum minus salutate saburratam se ostendat, facilius periculum erroris euadet, & tandem ad serenissimam veritatis portum fumosa relicta caligine devoluetur.

Sed quòd exinde oporteat, te totius tuae opinionis iacturam facere; etiam probo evidenti (ni fallor) argumento. Nam semel admissio, actus illos amoris & spirationis libertatem veram & essentialem non habere, corrumpit omnino toties, a te repetita Philosophia, **VBI VOLUNTAS, IBI LIBERTAS**: tunc enim & voluntas erit in illis actibus, etiam perfectissima, & cum perfectissimo iudicio rationis, & tamen libertas nulla: certè non ob aliam rationem, nisi quia eliciuntur cum absoluta necessitate specificationis & exercitij, absque vlla potestate ad oppositum, ut sic. Quae ergo via (hoc semel concessio) potest tibi superesse ad demonstrandam libertatem in actibus viae,

ob

5. Th.  
opule.  
16. ante  
5. op.  
fo. 101.  
tur.

Lib. 66.  
tra Col  
lat. ca.  
4.

Epistol  
Erodr.  
ad Pe  
tau. pa  
gin. 39

Epistol  
Prodr.  
ad Ri  
car. ca.  
p. 1.  
in prin  
cipio.

In The  
ria. l. 1.  
c. 5. 4.  
& 5. &  
alibi 15  
pe.

ob solam rationem perfecti voluntarij in ipsis inuentam?

Explico hoc. In casu istius ad missionis, staret in illis duobus actibus perfectissima ratio voluntarij, absque vlla prorsus vera libertate; ita, vt ratio voluntarij ibidem ad veram libertatem se sola insufficiens conspiceretur: ergo nec in actibus viae sub efficacia gratiae tractu illa sola ratio perfecti voluntarij erit sufficiens ad veram eorum libertatem saluandam; sed omnino debebit aliquid aliud superaddi, nimirum, quod adhuc sub illo tractu gratiae, voluntas illos elicit, non cum absoluta necessitate; sed potius cum absoluta potestate ad oppositum. Et haec, Vincenti, est communis & Catholica nostra sententia: in quam si venis; arma depono, & gratias ago.

Nec valet dicere, ad libertatem saluandam in actibus viae sub instanti praedeterminationis gratiae, sufficere, quod respectu illorum ponatur potestas remota ad oppositum; quae nimirum pro alio instanti abiecta scilicet praedeterminatione, potest reddi proxima, *per intellectus fabricatoris operam* (vt ais) *qui potest sibi veluti pontem rationum & argumentorum struere, per quem transeat in partem contrariam, suspendendo amorem prioris boni aut amando bonum oppositum.*

Non (inquam) valet: nam in eodem prorsus sensu inuenitur potestas remota ad oppositum respectu amoris beatifici: ergo paritatem saltem quantum ad istum actum non euadis. Antecedens probo. Nam licet voluntati, pro instanti quo beatifici amat, nullae subsint rationes, quibus proximè potens sit ad amorem suspendendum, tamen pro eodem instanti adest illi potestas remota, quae pro alio instanti (abiecta nimirum visione) potest reddi proxima, per

operam quoque intellectus: ille enim quantumvis nequeat vllas rationes suspendendi subministrare pro signo quo lumine beatifico perfunditur, sicut nec in sententia Vincentij intellectus viatoris, pro illo signo, quo lumine efficaciae gratiae tangitur; tamen pro alio instanti & abiecto illo lumine, potest idemmet pontem aliarum rationum voluntati struere, per quem in partem contrariam transeat, & ad suspendendum amorem, imo & contrarium actum ponendum proximè accincta sit: ergo in eodem prorsus sensu inuenitur potestas remota ad oppositum respectu amoris beatifici.

Haec replica tam efficaciter meo videri, euertit totam Vincentij de libertate opinionem; vt non possim non diutius in eadem immorari. Resumamus ergo iterum, vt rei veritas magis pateat. Vincentius (vt iam dixi) oppressus difficultate duplicis illius exempli, insinuat se absque vlla iactura suae opinionis, posse adhuc libertatem illis duobus actibus denegare: hac scilicet via, quod quamuis admitteret, illos duos actus non esse liberos; equidem non cogeretur admittere, non fore liberos actus nostros in via sub efficacia gratiae tractu: quia saltem in istis conspicitur potestas ad oppositum, remota; quae tamen in alijs duobus non conspicitur. Quasi verò sola potestas remota ad oppositum sufficeret ad veram libertatem actuum humanorum saluandam.

Dico, quòd ista euasio omnino contradicit suo Auctori; & insuper quòd absolutè repugnat veritati.

Quantum ad primum; quòd omnino contradicat suo Auctori, patet ex iam dictis: nam semel admissio, potestatem remotam ad oppositum, sufficere ad humanorum actuum libertatem; non potest libertas denegari,



gari, saltem amoris beatifico, cum respectu illius conspiciatur potestas remota ad oppositum (vt probatum est) ergò negare ex vna parte, quòd amor ille liber sit (vt Vincentius in ista euasione iam negat) & admittere ex alia, quòd potestas remota, ad libertatem sufficiat (vt idem Vincentius admittit) est omnino sibi contradicere.

Quantum verò ad Secundum; quòd etiam repugnet veritati, dicere ad libertatem humanorum actuum sufficere potestatem remotam ad oppositum, libet operosius comprobare.

PRIMO: quia semel dato (vt iam solutio dat) quòd ad libertatem requiratur aliqua potestas ad oppositum; necessariò fatendum, est iuxta modum libertatis debere esse modum potestatis: sicut quia ad voluntarium requiritur cognitio, bene sequitur, quòd iuxta modum voluntarij debet esse modus cognitionis; verbi gratia, si voluntarium sit perfectum; cognitio debet esse perfecta: si verò imperfectum; cognitio debet esse imperfecta: ergo pariter bene sequetur; si libertas est perfecta; potestas ad oppositum debet esse perfecta: si libertas est actualis, si formalis, si completa; potestas ad oppositum debet esse actualis, formalis, & completa: si libertas sit radicalis tantum; potestas radicalis tantum: si proxima; potestas debet esse proxima. Tunc ultra: sed quando homo in actu secundo liberè operatur, exercet omnino libertatem actualem, formalem, completam, & proximam: ergo pro illo tunc, debet adesse potestas ad oppositum, actualis, formalis, completa, & proxima: & ex consequenti remota non sufficit, quæ nullum horum habet in genere potestatis. Non enim est potestas verè actualis, non est forma-

lis, non est completa, nec proxima, vt de se patet.

SECUNDO argumentor: supponendo prius, quòd quotiescumque liberè amo in actu secundo; tunc non amor, est mihi liber in actu primo; siquidem (vt solutio fatetur) liberè amans, possum qualitercumque non amare. Tunc sic: vt amor sit mihi liber in actu secundo; debet adesse potentia non solum remota, sed etiam proxima actu amans: ergo pariter vt non amor, sit mihi liber in actu primo; debet adesse potentia, non solum remota, sed etiam proxima, potens non amare. Probo consequentiam euidenter: quia principium quòd requiritur ad operationem in actu secundo; idem requiritur in actu primo, cum hoc præcisè discrimine, quòd ad operationem in actu secundo, requiritur vt actu operans; ad operationem verò in actu primo, requiritur vt potens operari: ergo si ad libertatem amoris in actu secundo, requiritur potentia non solum remota sed etiam proxima actu amans; pariter ad libertatem non amoris in actu primo; requireretur potentia, non solum remota sed etiam proxima, potens non amare.

Tertiò rem conficio ex quadam doctrina Diui Thomæ, qui loquens quæstione sexta de Malo articulo vnico ad decimum nonum de voluntate nostra sub Diuina motione, sic fatetur. *Licet ergo simul insit homini potentia voluntatis ad opposita se habens; tamen opposita illa ad quæ se habet voluntas, non sunt simul.* Quibus verbis ponit Sanctus Doctor discrimen, quantum ad rationem simultatis, inter ipsam potentiam quæ ad opposita se habet, & inter ipsa opposita: dicens potentiam ad opposita, simul seu pro eodem instanti esse in nostra voluntate, minimè verò ipsa opposi-

ta:

ta: at si solum intenderet, potentiam ad opposita, esse simul in nostra voluntate, in hoc sensu; quia videlicet est proxima pro vno tantum extremo & remota pro alio, nullum discrimen poneret inter ipsa opposita, quoad rationem similitudinis: ergo dicendum est, velle similitudinem potentiam in alio sensu, ita vt sicut est proxima pro vno extremo, sit quoque proxima pro alio. Discursus est clarissimus, & minor patet. Quia opposita etiam sunt simul in eodem instanti, si fiat sensus, quod in instanti, in quo est vnum oppositum proximè & formaliter, sit quoque alterum remotè & radicaliter: hoc enim verissimum est; cum nullam habeat repugnantiam, amorem (verbi gratia) existeri in hoc instanti proximè & formaliter, & in eodem existeri non amorem, remotè & radicaliter.

Quartò iterum argumentor ex alia Doctrina Diui Thomæ, quam suprà citauimus: videlicet, quod facultas posita in definitione liberi arbitrii, nominat potestatem expeditam ad vtrumque oppositorum; quatenus scilicet non debet esse impedita, quin possit hoc facere, vel non facere. Tunc sic: sed facultas, quæ tantum est proxima pro vno extremo, & remota pro alio, non est expedita ad vtrumlibet: ergo facultas in tali sensu non est sufficiens ad libertatem. Minor iterum est res patentissima: nam quis cordato Philosopho persuadebit, quod hæc aliqua numero facultas sit de se, in hoc instanti B, expedita ad hoc faciendum, & non faciendum, si pro vno extremo desit ipsi vis proxima, vel aliquid ex parte virtutis requisitum? Appono exemplum, & capietur facillime. Si voluntati (verbi gratia) in hoc instanti B, desit iudicium intellectus, dicetne aliquis illam pro illo instanti esse expeditam ad volendum? Iterum

si oculo desit de facto species visibilis, dicetne aliquis illum de facto esse expeditum ad videndum? Certè qui talia dicet, Peripateticus non esset: & qua quæso de causa? Profectò non alia, quàm quia voluntatem, & visum expeditas nominaret potentias, etiam in casu, quo vtrique desisset actu aliqua virtus proxima, vel aliquid ex parte virtutis requisitum ad volendum & videndum. Ergo pariter Peripateticus esse nequit, qui potentiam remotam dicit esse expeditam, cum tali potentia, etiam aliquid potentia seu virtutis desit, ad hoc vel illud præstandum. Dico autem aliquid potentia seu virtutis; quia (vt suprà monui) licet contingat potentia aliquid deesse ex parte actus secundi, non spectans ad rationem potentia seu virtutis, cuiusmodi in sententia Thomistica est auxilium efficax, non propter hoc desinit potentia illa esse proxima seu expedita, in ratione potentia.

QVINTO argumentor à pari ex libertate Diuina: nostra namque libertas, cum sit quædam participatio illius; debet proportionè seruata, habere omnia illa, quæ habet libertas Diuina; si aliàs nulla adsit specialis repugnantia. Tunc iterum sic: at libertas Diuina in actu secundo, prouenit nostro modo intelligendi à potestate vtriusque proxima & non solum proxima pro vno extremo & remota pro alio: ergo pariter nostra nequit in actu secundo exerceri, nisi proueniat à potestate, etiam proxima pro vtroque extremo. Minor videtur omnino certa: nam quis negabit voluntatem Diuinam pro priori signo ad liberam volitionem creationis mundi, non fuisse etiam nostro modo intelligendi, æquè proximè potentem ad non creandum? Et consequentiam probonam nulla specialis repugnantia, potest

in

Suprà  
l. 2. c. 2.  
§. Scien.  
§. ut ex.  
§. 2. et 3.

Ibidem  
§. Scien.  
dum est  
secundo.

In hoc assignari respectu voluntatis creatæ. Tum quia similitas potentie utrimque æquæ proximæ ad oppositam, non infert similitudinem ipsorum oppositorum, ut ostendit Doctrina Sancti Thomæ iam citata ex questione sexta de Malo. Tum etiam quia facultas, quæ semel ponitur esse proxima ad liberam actionem eliciendam, ipso facto, & sine vilo prorsus addito, est quoque proxima ad non actionem, seu ad suspensionem illius: cum ad non agere (vt suprà etiam monui) nulla alia facultas ex parte potentie requiratur, quam ipsa naturalis vis voluntatis, & iudicium indifferens de bonitate ipsius actionis, quod in via circa quodlibet obiectum cum perfecta aduertentia propositum semper adest (vt infra ex professo ostendam) ergo nulla apparet hic specialis repugnantia, cur libertas voluntatis creatæ non possit quoque, ac debeat in potestate utrimque proxima constitui.

VLTIMO tandem argumentor à posteriori: nam potestas ad oppositam, requisita ad libertatem humanam, est illa quam negabant heretici sub motione Diuina subsistere: at illa quam negabant sub motione Diuina subsistere, non erat proxima, pro vno extremo, & remota tantum pro alio: ergo dicendum est, in illo sensu potestatem ad oppositum, ad libertatem non sufficere. Minor meo videri est euident. Nam Caluinus sicut non negauit hominem sub motione Diuina agere voluntariè & ex perfecto iudicio rationis (vt suprà sæpius inculcatum est) ita negare non potuit in voluntate præmota ad amorem, remanere potestatem illam remotam, qua se possit abiectione præmotione ad rationes conquirendas, & potestatem suspensioni proximam promouere: hæc enim potestas nil aliud est, quam ipsa natura hominis,

prout particeps est intellectus & voluntatis: quæ ipso facto prout sic, potens est rationes conquirere ad agendum & non agendum, si aliunde non impediatur. Cum ergo Caluinus non adeò insaniuerit, vt naturam hominis negaret; sed solum dixerit, illam & modum eius agendi liberum ex motione impediri; euident est potestatem illam remotam ad non agendum sub motione agnouisse; quæ scilicet (si motio non adesset) posset se ad potestatem proximam tandem promouere.

Hæc omnia, Vincenti, mihi tam certa sunt, vt nullo modo possim opinionem tuam, aut vt Philosophicam, aut vt Catholicam approbare. Quoquo versum ergo te conferas (vt iterum verbis Prosperi utar) à temet-  
ipso & vincis, & vincis. Vt enim abundè his tribus Sectionibus ostensum est, si definitionem illam vulgarem potentie liberæ admittis (sicut facere te putas) non saluas actus prædictos spirationis & amoris beatifici liberos esse: & si hos liberos esse, non saluas; non solum corrumpit Philosophia tua, VBI VOLUNTAS, IBI LIBERTAS; quin imò nec actus nostros in via sub efficacia gratiæ tractu, liberos esse, saluare poteris, nisi nobiscum potestatem proximam ad oppositum, apposeris.

Sed hic quædam tua Dicta necessario diluenda sunt, quibus Satis efficaciter videris velle persuadere, potestatem illam utrimque expeditam & proximam poni non debere. In forma Scholastica lubet ea proponere, vt clarius percipiantur.

PRIMO ergo Potest ex dictis tui argui. Quia per potestatem illam remotam in sensu à te explicato, sufficienter differt homo in ratione agentis liberi, à bruto: ergo frustra superadditur alia, quæ sit pro eodem instanti proxima. Consequentia constat,

Prosp.  
cont.  
Collat  
27.

In The  
riac. li.  
1. c. 20.  
§. Si igitur  
desi-  
gnationis.

Vbi su-  
prà §.  
Sciendū  
est 3.

Incl. l.  
2. c. 12.  
à prin-  
cipio.

Suprà  
l. 1. c. 14  
sect. 2.  
Explicio  
hoc.

stat, & antecedens probas: quia nequaquam possunt bruta hoc, quod est, tempore congruo fabricare sibi pontem rationum, per quem ab uno latere indifferentiæ ad oppositum aliquando transeant. Ergo præcisè per hoc, quod absolute ponatur id ipsum posse homo; sufficienter differt à bruto, licet posse illud pro quolibet instanti liberæ operationis, non sit proximum.

SECUNDO: Quia illa potestas ad libertatem sufficit, ratione cuius dicimur utrumque oppositum in potestate habere: at dicimus (inquis) in potestate habere non tantum ut, quod ita est in proxima potestate, ut iam iam immediate manu apprehendere valeamus, sed etiam illud ad quod volendo & agendo nos pertingere possumus: ergo non requiritur, quod pro quolibet instanti, quo liberè volo aliquid, habeam in proxima potestate oppositum, sed sufficit quod ad illud volendo & agendo postea possim pertingere. Discursus est legitimus, & minorem iterum probas duplici exemplo. Primò, quia hominem diutem (ais) nummos suos, arcæ quamvis inclusos, in potestate sua habere dicimus, quia scilicet utcumque potest ad illos pertingere. Secundò, quia Augustinus (inquis) dicit, primum hominem habuisse in potestate sua, perpetuò vivere; non quia de vite perpetuitate aut de fructu vitæ comedendo semper cogitaret, & ad eam carpendum perpetuò accinctus esset, sed quia voluntate sua tempore opportuno ad illum pertingere, carpere, edere, & sic vitam in perpetuum prorogare poterat.

TERTIO: ad libertatem humanam non est necesse, ut eo liberæ suæ determinationis instanti, voluntas semper habeat actu ante oculos, argumenta illa aut rationes, quas intellectus ad contrarium suggerere, potest: sed sine actuali præsentia il-

larum rationum non stat ad contrarium potestas proxima: ergo illa proxima ad libertatem humanam non est necessaria. Minorem cum consequentia supponis, & maiorem probas. Nam fieri potest, ut eo instanti, quo voluntas se liberè determinat, anima nullam aliam cogitationem ante oculos mentis habeat quam illam, quæ se voluntas in amore præsentis obiecti inclinat. Homo enim famelicus (ais) cibum ante se positum sumere liberè vult, etiamsi de abstinendo, aut de applicando intell. estum, an sumere expediat, nihil cogitet. Ergo non est necesse ad libertatem humanam, ut eo liberæ suæ determinationis instanti, voluntas semper habeat actu, ante oculos argumenta & rationes; quas intellectus ad contrarium suggerere potest.

Hæc & similia sunt, Vincenti, quæ te mouent ad ponendam solam potestatem remotam, etiam ad libertatem contradictionis. Et certè si huiusmodi à Tyrunculis & Scholæ nouitijs in disputationem induci viderem; non vtique mirarer, cum sua saltem exteriori specie difficultatis non careant; ob idque facillè possint non exercitatum quemque turbare, aut confundere; sed quod hæc eadem sint, quæ virum aliàs Theologum à communi veritate, ad priuatam opinionem seducant, non possum non mirari, ut par est.

DICO AD PRIMVM: distinguendo antecedens. Per potestatem illam remotam sufficienter differt homo à bruto, in ratione agentis liberi; libertate radicali, concedo antecedens: sufficienter differt in ratione agentis liberi; libertate proxima, nego antecedens. Ergo frustra superadditur potestas quæ sit proxima, nego consequentiam: quia sicut homo in ratione liberi differt à bruto dupliciter, & in ratione liberi radicalis,

Vbi supra §. in  
serdum  
& sapif-  
fime.

Vbi in  
pra §.  
Nec ad  
hoc est  
am.

calis, quando scilicet non est proximè dispositus ad libertatem exercendā, defectu alicuius requisiti ex parte actus primi, & in ratione liberi proximè, quando omnia illa requisita adsunt; ita pariter præter potestatem illam remotam, per quam constituitur in ratione liberi radicalis, debet poni potestas proxima; per quam constituatur in ratione agentis liberi proximè. Et certè si argumentum aliquid probaret, probaret utique nullam debere poni potentiam proximam in anima (verbi gratia) ad intelligendum aut volendum: nam potest eodem modo argui & dici, quòd homo sufficienter differt à bruto in ratione intellectuini aut volitui, per potestatem remotam intelligendi quæ est ipsa anima, cum brutum nec huiusmodi potestatem habeat: ergo non debet superaddi potentia proxima ad huiusmodi actus, nulla est consequentia, & viro Theologo prorsus indigna. Idem ergo dic in præfenti.

**DICO AD SECVNDVM:** concedendo maiorem: quòd scilicet illa potestas ad libertatem sufficit, ratione cuius dicimur vtrunque oppositorum in potestate habere; sed miminisse oportet istius quod suprà in probationibus dixi, nimirum modum potestatis debere esse, iuxta modum libertatis. Ex quo fit ad libertatem radicalem sufficere potestatem ad oppositum remotam seu radicalem; ad libertatem verò proximam, qualem homo exercet in actu secundo liberè operans, non sufficere nisi potestatem ad oppositum proximam. Transeat ergo, quòd homo dicatur vtrumque, seu absolute in potestate habere, etiam id ad quod agendo & volendo pertingere potest, licet pro hoc vel illo instanti proximè non possit: ceterum ex eo nil infertur ad propositum. Nam si

contingat ipsum taliter in aliquo actu se habere, ut proximè non possit facere oppositum; erit quidem in illo actu liber radicaliter, non tamen proximè; sed proxima eius libertas potius erit impedita, & ligata. Vnde cum in quolibet instanti, quo liberè operatur, fatendum sit, ipsum esse liberum libertate proximā; fatendum quoque est, ipsum habere potestatem ad oppositum expeditam & proximam, & non solum remotam. Per quod etiam patet ad exempla inducta. Circa primum de homine diuite, fateor ipsum absolute in potestate sua habere nummos, arce quamvis inclusos. Sed quid inde? Nil aliud profectò, quàm quòd circa ipsos sit liber radicaliter. Quando ergo erit liber circa illos in actu secundo? Respondeo, quòd tunc præcisè, quando circa illos exercet actum aliquem, vel internum, vel externum, taliter ut proximè possit non exercere, distribuendo (verbi gratia) taliter ut proximè possit non distribuere, vel volendo illos taliter distribuere, ut proximè possit non velle distribuere. Et per idem patet ad exemplum de Adamo. Ille quando ad esum fructus vitæ proximè accinctus non erat; non erat quoque proximè liber circa eundem, sed tantum remotè & radicaliter: tunc autem erat liber proximè, & non aliàs; quando taliter actu comedeat, ut posset proximè non comedere, vel taliter actu illum interius desiderabat, ut posset proximè non desiderare.

**DICO AD TERTIVM:** distinguendo de illis argumentis & rationibus, quas intellectus in contrarium suggerere potest. Si namque per huiusmodi rationes intelligantur ea, quæ requiruntur ad actu suspendendum, vel ad actu cessandum, fateor illas non semper, imò nunquam adesse

Supra  
l. 2. c. 2.  
§. In hoc  
in quarta

se presentes; eo instanti, quo voluntas liberè se ad actum determinat (vt supra satis clarè insinuauimus) Ceterum ex absentia illarum non infertur, voluntatem non esse proximè potentem ad suspensionem vel cessionem, cum proxima potestas huiusmodi rationes non requirat. Si verò intelligantur ex, quæ desiderantur ad posse proximè suspendere vel cessare; sic dico, huiusmodi semper adesse, pro quocumque instanti liberæ operationes sunt. Illæ enim nullæ aliæ rationes sunt, quàm vnica simplex ratio, seu iudicium indifferens de bonitate obiecti, quod circa quodlibet obiectum in via cum perfectia aduertentia propositum semper inuenitur. Transseat ergo iterum, quod homo famelicus libere sumat cibum, licet nil de actualiter abstinendo cogitet; dico tamen quod illum sumit (si vt homo sumat & non sicut brutum) ex iudicio indifferenti, ex vi cuius ita sumit, vt possit proximè non sumere. His puto, Vincenti, tribus tuis dictis abunde & perspicuè esse satisfactum.

## CAPVT V.

*Idem assumptum, nimirum actus omnino necessarios non esse verè seu propriè liberos, ostenditur ex eo, quòd omnis actus verè liber debeat procedere à voluntate, vt voluntas est, non à voluntate, vt natura est.*

**P**RÆTER vulgarem illam definitionem (de qua vsque modo egimus) est & aliud principium non minus efficax ad nostram communem Philosophiam comprobendam: videlicet omnem actum verè liberum debere procedere à voluntate,

vt voluntas est, non à voluntate, vt natura est.

Pro quo scire oportet, in voluntate inueniri duplicem conceptum; vnum naturæ, alterum voluntatis formaliter. Conceptus naturæ est illi quasi communis cum alijs rebus; & in hoc consistit, quòd sicut aliæ res, sunt naturæ quædam, ad vnum quid determinatæ secundum propriam cuiusque exigentiam: verbi gratia, graui ad motum deorsum, leui ad motum sursum, vinentia ad hanc vel illam perfectionem naturalem; ita pariter & voluntas, cum res quædam sit; natura etiam quædam est, secundum propriam suam exigentiam, ad vnum quid determinatæ: sed conceptus voluntatis est illi soli proprius & peculiaris, in hoc consistens, quòd in ordine ad aliqua, non determinatæ, sed potius indifferens, & indeterminatæ sit.

Hoc qui negat, negat expressissimam doctrinam Diui Thomæ, varijs in locis ab eo traditam. Videri potest Prima parte, quæstione quadragesima prima, articulo secundo in Corpore, & ad sextum: quæstione vigesima tertia de Veritate, articulo quarto in Corpore. Et specialiter quæstione vigesima secunda, de Veritate articulo quinto: vbi in Corpore duplicem illum conceptum sic declarat. *Sciendum est (inquit) quòd in rebus ordinatis oportet primum modum includi in secundo: & in secundo non solum inueniri, id quod sibi competit secundum rationem propriam; sed quod competit secundum rationem primam. Sicut homini conuenit non solum ratione vi, quod ei competit secundum propriam differentiam, quæ est rationale; sed vi sensu vel alimento, quod ei competit secundum genus suum, quod est animal vel viuens &c. Natura autem & voluntas hoc modo sunt ordinatæ, vt ipsa voluntas quædam natura sit; quia omne quod*



in rebus inuenitur, natura quedam dicitur. Et ideo in voluntate oportet inueniri, non solum id quod voluntatis est, sed etiam quod naturæ est. Hoc autem est cuiuslibet natura creata vt à Deo sit ordinata in bonum; naturaliter appetens illud: unde & voluntati ipsi inest naturalis quidam appetitus sibi conuenientis boni, & præter hoc habet appetere aliquid secundum propriam determinationem (id est liberum beneplacitum) non necessitate (scilicet naturalis inclinationis) quod ei competit in quantum voluntas est. En vbi apertissime vtrumque conceptum, & naturæ & voluntatis exprimit: asserens primum voluntati communem esse cum ceteris rebus, sicut homini commune est cum alijs, esse animal; secundum autem omnino ipsi esse peculiarem & proprium. Imò (sicut & nos diximus) iacetur primum consistere in naturali determinatione seu necessitate ad vnum; alterum autem non in tali necessitate sed potius in indifferentia.

Vnde & consequenter ad hæc in eodem articulo ad quintum in contrarium dixit, quod voluntas in quantum est rationalis, ad opposita se habet. Hoc enim est considerare ipsam, secundum hoc quod est ei proprium; sed prout est natura quedam, nihil prohibet eam determinari ad vnum. Et rursus questione secunda de potentia articulo tertio in Corpore, voluntas (inquit) in quantum voluntas, cum sit libera, ad vtrumlibet se habet. Potest enim voluntas agere vel non agere, sic vel sic facere, velle & non velle, & si respectu alicuius hoc voluntati non conueniat; hoc accidet voluntati, non in quantum voluntas est, sed ex inclinatione naturali, prout scilicet quedam natura est.

Ex hoc ergo Principio, omnino validum conficio Argumentum. Omnis actus verè liber, formaliter qua liber est, debet proficisci seu pro-

uenire à voluntate, vt voluntas est non à voluntate, vt natura est: sed actus absolute necessarij necessitate, specificationis & exercitij seu respectu quorum non est potestas ad oppositum; vt spiratio & amor beatificus, non proueniant à voluntate, vt voluntas est, sed omnino a voluntate vt natura est: ergo similes actus verè liberi non sunt. Discursus tenet in forma, si maior & minor probentur. Potest autem vtrique facillimè probari ex citata doctrina D. Thomæ.

MAIOR quidem sic: nam omnis actus verè liber, formaliter qua liber; debet prouenire à voluntate secundum conceptum ipsi peculiarem & proprium: cum hoc quod est liberè operari, soli voluntati, vt ab omnibus rebus differt, formaliter competat: licet enim radix libertatis sit etiam in intellectu (vt dicam capite sequenti) libertas tamen formalis non est nisi in sola voluntate, sicut in primo sui subiecto. Quapropter idem Sanctus Doctor prima parte questione octuagesima tertia articulo quarto & in Secundo ad Anibaldu distictione vigesima quarta questione vnica articulo secundo ad secundum & ad tertium, docet liberum arbitrium formaliter & in recto, pro nulla alia potentia supponere, quam pro voluntate: vnde & ibidem dictum istud Damasceni approbat, quod liberum arbitrium nil aliud est quam voluntas, seu, per essentiam est ipsa voluntas. Quia videlicet quauis intellectum connotet sicut sui radicem, seu in obliquo; formaliter tamen, seu in recto solam, adfert voluntatem. Ex quo fit, quod liberè operari (formaliter loquendo) est proprium soli voluntati, prout ab omnibus alijs differt. Imò nec ipse Vincentius hoc negare potest: cum expressè fateatur, quod libertas etiam essentialis sit modus agendi vo-

In The  
ria. lib.  
2. c. 10.  
in prin-  
cipio.

*luntati peculiaris*. Sed ex hoc iam fit  
vterius, quod omnis actus verè liber  
formaliterqua liber, debeat proue-  
nire à voluntate secundùm conce-  
ptum sibi peculiarem & proprium,  
non verò secundum conceptum sibi  
cum alijs communem. Tunc ultra;  
conceptus voluntati peculiaris &  
proprius est solus conceptus volun-  
tatis, vt voluntas est, non autem, vt  
natura est, cum in hoc secundo (teste  
Diuo Thoma) cum alijs conueniat.  
Ergo omnis actus verè liber, forma-  
literqua liber, debet esse à volunta-  
te secundùm conceptum voluntatis,  
seu vt voluntas est, non verò secun-  
dùm conceptum naturæ, seu vt na-  
tura est. Maior ergo argumenti prin-  
cipalis vera est.

DICES, etiam esse conceptum  
voluntati proprium, hoc quod est  
ipsam operari cum necessaria deter-  
minatione ad vnum, dummodo id  
fiat ex perfecto iudicio rationis, cum  
prout sic, nulli alteri rei competat:  
ac proinde à voluntate prout sic ope-  
rante, posse etiam actum verè libe-  
rum prouenire.

SED CONTRA. Quia in primis  
ista responsio est directe contra Di-  
uum Thomam: quòd sic patet: nam  
in præallegatis locis, hoc quod est  
voluntatem operari cum naturali  
determinatione ad vnum, indubiè  
sumpsit, etiam prout fit ex perfecto  
iudicio rationis; siquidem loquitur  
de voluntate, intellectuali modo  
operante, & non de moribus eius su-  
bitaneis aut de voluntate amentium  
seu puerorum: at ibidem expressè  
asserit, hoc conuenire ipsi secundùm  
conceptum naturæ, quem etiam  
condistinguit contra id, quod sibi com-  
petit secundùm rationem propriam: er-  
go dicere, quòd talis modus operan-  
di, quando fit ex perfecto iudicio ra-  
tionis, conueniat voluntati secun-  
dùm proprium & peculiarem eius

conceptum, est directe contra Di-  
uum Thomam.

Deinde quia solutio peccat, non  
distinguens in opere voluntatis id  
quod spectat ad substantiam operis,  
ab eo quod spectat ad modum ope-  
ris. Ad substantiam eius spectat, hoc  
quod est eam operari ex perfecto iu-  
dicio rationis, cum ipsa substantiali-  
ter sit appetitus intellectualis. Ad  
modum autem spectat hoc quod est  
ipsam appetere cum determinatione  
ad vnum, vel cum indifferentia.  
Quando ergo dicitur esse etiam pro-  
prium voluntati hoc quod est eam  
operari cum determinatione ad  
vnum ex perfecto iudicio rationis;  
potest bene & malè intelligi: bene, si  
dicatur esse proprium id, quod ibi  
importatur tamquam spectans ad  
substantiam operis, scilicet operari  
intellectualiter, seu ex iudicio ratio-  
nis: hoc namq; soli voluntati pro-  
prium est: malè autem, si dicatur es-  
se proprium etiam id quod ibi im-  
portatur tamquam spectans ad mo-  
dum operis, scilicet operari cum  
determinatione ad vnum: hoc nam-  
que falsum est, cum modus ille sic  
appetendi cum tali determinatione,  
etiam competat alijs naturis. Quan-  
do ergo nos cum Diuo Thoma ne-  
gamus esse proprium voluntati, hoc  
quod est eam intellectualiter appete-  
re, cum naturali determinatione ad  
vnum: solùm excludimus ab eius  
proprietate modum illum naturalis  
determinationis, non autem substan-  
tiam ipsius intellectualitatis, quæ  
in opere voluntatis interuenit. Et  
hoc certè respondentem fanere non po-  
test: nam actus liber debet proueni-  
re à voluntate secundùm conceptum  
ei proprium, etiam in modo ope-  
randi; taliter autem non est ei pro-  
prium hoc quod est operari ex iudi-  
cio rationis, cum hoc substantiam  
operis nominet, & non modum operis.

Ex quo proinde amplius confirmo probationem nostræ maioris principalis: nam omnis actus verè liber, quatenus liber, debet provenire à voluntate secundum conceptum ei proprium etiam in modo operandi, cum actus liber ut liber, non solum manifestet substantiā principij operantis sed etiam modum operandi: imò expressius ipsum modum operandi, quam operantis substantiam: at conceptus naturæ intellectualis, in voluntate repetitur, non est ei proprius in modo operandi, cum habeat modum operandi communem cum alijs naturis: ergo implicat à voluntate sub conceptu naturæ provenire actum verè liberum.

Sed instabis. Aliqui actus puerorum & amentium sunt substantialiter actus voluntatis: cum iuxta communioem sententiam Theologorum non omnes eorum actus ex sola imaginatione & appetitu sensitivo proveniant, sed nonnulli etiam à voluntate, licet necessariò: quod etiam ex eo patet: quia discunt, discunt artes, timent, vident & lætantur: & tamen non fiunt ex perfecto iudicio rationis: ergò falso diximus, hoc quod est operari voluntatem ex perfecto iudicio rationis, spectare ad eius substantiam: sicque videtur spectare etiam ad proprium eius modum agendi.

Respondeo, esse quidem substantialiter actus voluntatis, si voluntas consideretur materialiter seu in esse Physico; non autem si consideretur formaliter prout est appetitus intellectualis: prout sic enim considerata voluntate, nec substantialiter quidem, sunt actus voluntatis: cum ab ipsa non emanent prout formaliter videntur intellectui seu ratione. Quæ de causa dixit Divus Thomas Prima Secundæ quæstione decima articulo tertio in Corpore, quod de talibus

eadem est ratio sicut & de animalibus brutis, quæ ex necessitate sequuntur impetum passionis: in his enim non est aliquis rationis motus & per consequens nec voluntatis. Quasi in pueris & amentibus, etiam nullus sit motus rationis aut voluntatis formaliter. Unde semper verum remanet, hoc quod est actum voluntatis esse ex perfecto iudicio rationis, spectare ad eius substantiam: si consideretur (inquam) eius substantia formaliter, seu prout est appetitus intellectualis: in quo sensu & non aliter, diximus hoc ad substantiam eius spectare.

Sed iam pergamus ad probationem Minoris: videlicet nullum actum necessarium, quæ talis est, provenire, à voluntate, ut voluntas est, sed à voluntate, ut natura est. Minorem itaque hanc probo tripliciter.

PRIMO: quia (ut habet Divus Thomas in loco præallegato ex quæstione secunda de Potentiâ) *Voluntas in quantum voluntas, cum sit libera, indifferenter se habet ad utrumlibet*; ergo voluntas ut voluntas nullum actum elicit omnino necessarium, cum ille eliciatur absque indifferentia.

SECUNDO: quia ea de causa, docet ibidem, nec generationem. Verbi in Divinis, nec productionem Spiritus Sancti esse à voluntate, ut voluntas est; sed generationem ab intellectu ante omne imperium voluntatis, & productionem Spiritus Sancti à voluntate quidem, sed naturaliter seu sub conceptu naturæ, ut ibi habet ad vndecimum. Et rationem assignat in Corpore: *quia omne illud cuius voluntas est principium, intellige de voluntate, ut voluntas est, quia de illa sub tali formalitate loquebatur quantum in se est, possibile est esse vel non esse, & esse tale vel tale, & tunc, vel nunc*. Quæ ratio æqualiter convincit de quolibet alio actu spe-

cificativè, & elicitiuè necessario: cum nullus talis (quantum est ex vi influxus ipsius voluntatis) habeat possibilitatem ad esse & non esse, sed potius omnino determinatus sit ad esse tantum. Ergo dicendum est nullum talem actum provenire à voluntate ut voluntas est.

**TERTIO:** quia de omni eo quod procedit à voluntate ut voluntas est, verum est dicere, quod ita est, quia voluntas vult. Patet hoc ex ipsis terminis: nam si actum aliquem elicit vel imperat formaliter in quantum voluntas est, ipsa in quantum vult, est causa illius actus: ergo de actu illo erit verum dicere, quod suum esse habet, quia voluntas vult. Vnde Divus Thomas in articulo iam citato, volens in tertio argumento probare, quod voluntas ut voluntas imperat actum intellectus, sicut & aliarum potentiarum, assumpsit hanc causalem ex doctrina Anselmi, *Intellico, quia volo, sicut & ambulo quia volo*. Imò & in quarto argumento idem probans in Divinis de actu prædestinationis, quod scilicet sit à voluntate ut voluntas, eadem prorsus causali utitur. *Dicimus enim* (inquit) *quod Deus prædestinavit Petrum, quia voluit*: at nihil horum potest verificari de actibus omnino necessarijs: ergo nullus eorum est à voluntate, ut voluntas est. Probo istam minorem; tum quia aliàs Pater & Filius spirarent, quia volunt, quod sapit hæresim, ut dictum est supra: tum etiam ratione à priori: quia actus omnino necessarij sunt naturales & à voluntate procedunt naturaliter, sicque formaliter loquendo, eandem habent necessitatem, quam habet ipsa natura voluntatis: ergo sicut voluntati non inest sua natura, quia ipsa vult; ita pariter isti actus non insunt ipsi, quia ipsa velit.

**OBIICIENS PRIMO:** quia

actus voluntatis necessarij, solum procedunt à voluntate naturaliter: at non est idem procedere à voluntate naturaliter, & procedere à voluntate per modum naturæ: ergo falsò asseritur huiusmodi actus procedere à voluntate sub conceptu naturæ. Minorem probat Vincentius ex questione decima de Potentia articulo secundo ad Quartum. Vbi distinguit Divus Thomas agere naturaliter & agere per modum naturæ, ut nempe voluntas naturaliter etiam aliquid agere dicatur, non tamen per modum naturæ. *Dicitur enim aliquid produci naturaliter* (ait Divus Thomas) *propter naturalem habitudinem, quam habet ad suum principium*. Quam etiam (inquit Vincentius) habet actus voluntarius ad voluntatem. *Per modum verò naturæ produci dicitur, quod producit ab aliquo principio sic producente, sicut natura producit*. Id est (ut iterum glossat Vincentius) *effræni, & impotenti quodam impetu*.

Profectò quantum ad istam glossam, tam nitida, tamque insignis est; ut si ea est de mente Divi Thomæ, aperta hæresis ex eius Doctrina sequatur. Ponit enim ibi differentiam inter processionem Verbi in Divinis, & processionem Spiritus Sancti: asserens utramque processionem esse quidem à sua propria potentia, naturaliter; sed unam tantum, nimirum processionem Verbi, esse per modum naturæ: ergo si ly *per modum naturæ*, in via Divi Thomæ idem est, ac *effræni, & impotenti quodam impetu* (ut Vincentius glossat) apertissime concedit Verbum in Divinis procedere effræni & impotenti quodam impetu. *Quis verò hæc ferat* (verbis utor Bernardi) *quis non claudat aures ad voces sacrilegas? Quis non horreat prophanas novitates, & vocem, & sensum?* Dicitur ne Verbum

In The  
ria. l. 1.  
ca. 2. in  
Princi.  
pio.

Bernar  
dus Epi  
stol.  
119.

in Diuinis procedere effræni & impotenti quodam impetu? Hoc sanè Catholicus vt blasphemum accipere debet. Aliud enim est, quòd taliter procedat, vt non sit in potestate producentis, non procedere; & aliud est, quòd procedat effræni & impotenti quodam impetu: quod sonat procedere cum imperfectione aliquis coactionis, & modo purè brutali, seu naturali cum præcisione. Vide ergo Lector, quàm theoricè noster Theologus inuisibilia Dei contempletur!

Sed argumento eius respondeo: actus necessarios voluntatis procedere à voluntate naturaliter, & insuper dico, hoc esse idem, ac procedere à voluntate sumpta per modum naturæ: non tamen in eo sensu quo ly *per modum naturæ* sumitur à Diuo Thoma, quando illud distinguit contra procedere naturaliter. Pro quo nota, quòd procedere per modum naturæ, potest accipi dupliciter: vno modo pro eo, quod est procedere cum naturali determinatione ad vnum, & absque indifferentia: & in hoc sensu, omne procedens à voluntate naturaliter, procedit etiam ab eadem per modum naturæ: sicque (vt nos dicimus) spiratio Spiritus Sancti, & in vniuersum omnis actus necessarius voluntatis, per modum naturæ ab ea procedit. Neque in hoc sensu distinguit Diuus Thomas, procedere per modum naturæ, ab eo quod est procedere naturaliter. Alio modo accipitur pro eo quod est procedere, accipiendo ex vi processionis, similitudinem in natura cum principio generante; prout natura solet dici vis ex similibus similia procreans: & in hoc sensu fateor, quòd Diuus Thomas distinguit procedere per modum naturæ, ab eo quod est procedere naturaliter: siquidem Spiritus Sanctus non sic proce-

dit per modum naturæ: cum tamen procedat naturaliter: nec nos certè in hoc sensu dicimus, omnem actum necessarium voluntatis procedere ab ea per modum naturæ. Solùm namque docemus omnem actum voluntatis necessarium procedere ab ea per modum naturæ, sumendo ly *per modum naturæ* pro eo, quod est procedere cum naturali determinatione ad vnum & absque indifferentia. Et quòd hæc sit legitima mens Diui Thomæ, superuacaneum omnino est, demonstrare. Videatur doctrina eius loco citato in fine Corporis, & in solutione ad Septimum, & ad Vndecimum eiusdem articuli, & insuper in Primo, Distinctione sexta, quæstione prima, articulo tertio in Corpore.

**OBIECTIOES SECUNDO:** actus voluntatis necessarij, de quibus loquimur, sunt perfectè voluntarij: ergo non procedunt à voluntate per modum naturæ. Probo consequentiam: quia perfectè voluntarium diuiditur contra naturale.

Respondeo ex doctrina Sancti Thom. quæstione vigesima secunda de Veritate, articulo quinto ad Sextum in contrarium; vbi idem argumentum proponit, & sic soluit. *Ad sextum dicendum, quòd voluntas diuiditur contra appetitum naturalem cum præcisione sumptum, id est, qui est naturalis tantum: sicut homo contra id, quod est animal tantum. Non autem diuiditur contra appetitum naturalem absolute, sed includit ipsum: sicut homo includit animal. Sic ergo dicimus actus necessarios voluntatis esse perfectè voluntarios, & nihilominus procedere à voluntate per modum naturæ, seu esse naturales; non tamen naturales tantum, seu cum præcisione; sed naturales, & insuper superaddendo propriam differentiam perfecti voluntarij, ex eo quòd pro-*

cedant ex perfecto iudicio rationis.

Contra doctrinam huius capituli, possent plura obijci ex Scoto, qui tenet quod voluntas nullum actum potest habere naturaliter; sed super sedendum ab eis iudicauit: tum quia non tangunt specialem doctrinam, Vincentij: tum etiam quia abunde illa soluta inuenies apud Caeetanum prima parte, questione quadragesima quarta, articulo secundo, §. *Num voluntatis actus, sit aliquis actus naturaliter.*

Ex dictis in hac secunda obiectione habes, quam directè contra Sanctum Thomam locutus fuerit in hoc puncto Cornelius Ianfenius: dum in suo Augustino relegauit à voluntate conceptum naturæ his verbis. *Aristoteles in Metaphysica distinguit liberum à naturali, & secundo Physicorum causam actiuam in naturam & propositum.... proinde fieri non potest, ut eadem potentia voluntatis circa finem versetur, ut natura (quantumuis in eum ponatur ferri necessario) & in ea quæ sunt ad finem, ut potentia libera; sic enim distingueretur eadem actiua potentia in seipsam & in oppositum sui.*

Habes (inquam) quam directè sit hoc contra Sanctum Thomam: qui expressè illum conceptum naturæ in voluntate circa finem ponit: imò & rationem Ianfenij soluit, explicans in allegata solutione, qualiter voluntas seu principium liberum contra naturale diuidatur, & qualiter non diuidatur, sed potius in ipsa etiam voluntate includatur.

## CAPVT VI.

*Idem assumptum ostenditur ex eo, quod omnis actus verè liber, debeat regulari iudicio libero seu indifferenti.*

**T**ERTIAM RATIONEM suppeditat nobis vniuersale illud principium, videlicet omnem actum voluntatis verè liberam, debere regulari, aliquo iudicio libero seu indifferenti. Hoc quidem à Vincentio negatur, cum in Theriaca sua doceat, iudicium indifferens solum requiri ad libertatem accidentalem, non tamen ad omnem veram libertatem absolutè: cæterum quam expressè & directè hoc sit contra doctrinam Sancti Thomæ, discursus sequens manifestabit. Per iudicium autem liberum seu indifferens, intelligo iudicium representans obiectum, non vt necessariò prosequendum, vel vt necessariò fugiendum, sed potius vt ad vtrumlibet indifferenter eligibile.

Argumentor ergo sic. Omnis actus verè liber debet, regulari iudicio libero seu indifferenti: sed actus voluntatis necessarij (de quibus loquimur) non regulantur iudicio libero seu indifferenti, cum procedant ex iudicio ab intrinseco determinato ad vnum, quod circa tale obiectum aliter se habere non potest, vt patet in iudicio regulante productionem Spiritus Sancti, & amorem beatificum: ergo actus necessarij (de quibus loquimur non sunt verè liberi. Discursus est in forma, & minor certa, solumque difficultas est in maiori, quam Vincentius (vt iam dixi) in sensu vniuersali (sicut à nobis asseritur) negat. Sed illam probo ea Doctrina Diui Thomæ mani-

Tom o  
3. lib. 7.  
c. 13. cur  
ca hinc.

Io The  
ria. lib.  
2. c. 4.  
sect. 1.  
in huc.



manifestissima ratione à priori.

Quia tota ratio libertatis ex modo cognitionis dependet. Est propositio Diui Thomæ, quæstione vigesima quarta de Veritate, articulo secundo in principio Corporis. Et rursus: *Totius libertatis radix est in ratione constituta.* Est propositio eiusdem ibidem circa Corporis medium. Vbi pondera ista verba, tota ratio libertatis, & totius libertatis, quæ manifestè indicant ipsum loqui vniuersaliter de omni libertate. Cuiuscumque ergo libertatis radix, & si quæ vera libertas sit, debet desumi ex ratione seu iudicio: at non ex iudicio qualicumque, sed ex libero seu indifferenti: ergo vniuersaliter omnis actus verè liber debet regulari iudicio libero seu indifferenti. Discursus iterum constat; & probo minorem ex eodem Diuo Thoma quadrupliciter.

**PRIMO:** quia in eodem Corpore eiusdem articuli, probans in brutis nullam esse veram libertatem, bene autem in homine; sic fatetur. *In brutis est quedam similitudo liberi arbitrij, in quantum possunt agere vel non agere vnum & idem secundum suum iudicium, vt sic sit in eis quasi quedam conditionata libertas: possunt enim agere, si iudicant esse agendum, vel non agere, si non iudicant. Sed quia iudicium eorum est determinatum ad vnum, per consequens & appetitus & actio ad vnum determinatur.* Vnde secundum Augustinum super Genesim ad litteram, mouentur visis; & secundum Damascenum, aguntur passionibus; quia scilicet naturaliter de tali viso & tali passione sic iudicant: vnde necessè habent ab ipsa visione alicuius rei vel à passione insurgente moueri ad fugiendum vel prosequendum: sicut ovis viso lupo necesse habet timere & fugere: & canis insurgente passione iræ, necesse habet latrare & prosequi ad nocendum. Sed homo non necessariò mouetur ab his,

quæ sibi occurrunt, vel à passionibus insurgentibus: quia potest ea accipere vel refugere, & ideo homo est liberi arbitrij, non autem bruta. Ecce vbi totam libertatem hominis reducit ad indifferentiam iudicij, quo scilicet ipsi obiecta repræsentantur, non vt necessariò prosequenda, vel vt necessariò fugienda, sicut contingit in brutis; sed vt prosequenda vel fugienda indifferenter. Sentit ergo apertissimè, in tantum actus eius verè liberos esse, in quantum regularunt iudicio libero seu indifferenti & non determinato ad vnum.

**SECUNDO:** quia in eodem articulo ad tertium, proponens & probans idem propositum, sic prosequitur. *Quamuis sit indifferentia ad agere & non agere in bruto, considerata ipsa actione secundum seipsam; tamen considerato ordine eius ad iudicium à quo prouenit, quod est determinatum ad vnum; etiam ad ipsas actiones obligatio quedam derivatur, vt non possit in eis inueniri ratio libertatis absolutæ.* Ecce vbi iterum omnem veram libertatem bruto denegat, propter defectum indifferentiæ iudicij. Sentit ergo actum verè liberum, iudicio indifferenti debere regulari. Et idem reperit in solutione ad Septimum, & prima parte quæstione quinquagesima nona, articulo tertio & quæstione octuagesima tertia, articulo primo, & Secundo contra gentes capite quadragesimo octauo ratione secunda.

**TERTIO** probo ex articulo primo eiusdem quæstionis vigesimæ quartæ de Veritate: vbi in fine corporis hanc breuiem habet propositionem. *Homo ideo est liberi arbitrij, ac si diceretur liberi iudicij de agendo vel non agendo.* Quid clarius? Nonne hoc est exigere ad libertatem actus liberum iudicium seu indifferens ad agere & non agere?

**QUARTO** patet clarissimè ex

Secundo ad Annibaldum Distinctio-  
ne vigesima quarta, quaestione vni-  
ca, articulo secundo, ubi ad idem  
propositum sic docet. Respondeo di-  
cendum, quod quaedam res sunt, quae  
operantur absque iudicio, sicut inanima-  
ta: quaedam vero cum iudicio, sed non li-  
bero, imò ex ipsa natura determinato ad  
vnum, sicut bruta, quae ex naturali esti-  
matione, vnum appetunt & aliud resu-  
gunt: homo vero, & iudicium de suis  
operibus habet, & libertatem in iudi-  
cando: quae quidem libertas provenit, cum  
ex ratione, quae ad opposita viam habet,  
tum ex voluntate, quae non est determi-  
nata ad vnum. Unde homo est dominus  
sui iudicii, quia potest sic vel aliter iudi-  
care de agendis, & pro tanto dicitur es-  
se liberi arbitrii. Quid nitidius & bre-  
uius pro probatione nostri princi-  
pii? Apertissime dicit, hominem  
habere libertatem, non ex quali-  
cumque ratione, aut ex qualicum-  
que voluntate (vt contendit Vincen-  
tius) sed ex voluntate non determi-  
nata ad vnum, & ex ratione ha-  
bente se ad opposita. Nonne hoc  
iterum est exigere ad actum libe-  
rum rationem seu iudicium indis-  
ferens?

Dices Diuum Thomam in omni-  
bus his & similibus solum loqui de  
libertate accidentali, aut de libertate  
arbitrii speciatim sumpti, non verò  
de omni libertate absolute, seu essen-  
tiali, aut illa quae dicitur libertas vo-  
luntatis vel arbitrii generaliter sumpti.

Hæc est antiqua tua cantilena,  
Vincenti, & voluntaria tua, iurata-  
que Glossa, Sed præterquam, quòd  
supra libro primo sufficienter impro-  
bata sit; libet ulterius in præsentì di-  
scutere. Argumentor contra illam  
dupliciter.

P R I M O: quia (vt patuit ex  
quaestione vigesima quarta de veri-  
tate) Diuus Thomas assignando pro  
radice libertatis in homine indisfe-

rentiam iudicii, putat se assignare  
radicem totius libertatis, vt ex contex-  
tu patet: ergo etiam libertatis essen-  
tialis, seu liberi arbitrii generaliter  
sumpti pro quacumque voluntate  
libera. Paret consequentia: quia  
aliàs totius libertatis dixisset se assi-  
gnasse radicem, & principalioris li-  
bertatis radicem omisisset. Rideo,  
Vincenti, voluntariam & ineptam  
illam Glossam.

SECUNDO: quia in omnibus  
istis locis putat se exclusisse à brutis  
omnem veram libertatem, vt ma-  
ximè patet ex illis verbis de Veritate  
in solutione ad tertium, vt non possit  
in eis inueniri ratio libertatis absolute:  
quorum verborum sensus euidenter  
est, nullam libertatem verè & abso-  
lute loquendo, in brutis inueniri; at  
pro hoc probando, nullum aliud  
medium assumpsit, quam quia iu-  
dicium ipsorum est determinatum  
ad vnum & non indifferens: ergo  
sentit apertissime defectum indiffe-  
rentiæ iudicii, inferre exclusionem  
omnis veræ libertatis: & ex conse-  
quenti etiam illius, quam Vincen-  
tius essentialē vocat, seu arbitrii ge-  
neraliter sumpti.

Explico hoc. Si defectus indiffe-  
rentiæ iudicii seu determinatio illius  
solum argueret defectum libertatis  
accidentalis, aut arbitrii speciali-  
ter sumpti; Diuus Thomas ex vi  
istius defectus seu determinationis,  
non exclusisset à brutis omnem ve-  
ram libertatem: quandoquidem in  
opinionē Vincenij simul cum hu-  
iusmodi defectu & determinatione  
stat vera & essentialis libertas: at pu-  
tat se ex vi illius, omnem veram à  
brutis libertatem exclusisse: ergo ne-  
cessariò dicendum est, iuxta mentem  
Sancti Thomæ, defectum indifferen-  
tiæ iudicii seu determinationem il-  
lius, arguere non solum defectum liber-  
tatis accidentalis aut arbitrii specia-  
tim

Supra  
lib. 1. c.  
13. & c.  
14. scilicet  
1. Sed  
v. supra

vim sumpti, sed etiam defectum omnino verè libertatis.

Potest hic apparens quædam euasio excogitari; dicendo Diuum Thomam pro exclusione libertatis à brutis, non assumpsisse pro medio, defectum indifferentiæ, seu iudicium determinatum ad vnum qualitercumque, sed iudicium determinatum à natura: qua determinatione legitime exclusit etiam libertatem essentiali: ceterum tale iudicium sic determinatum non inueniri in actibus necessarijs naturæ intellectualis; quia licet ibidem sit determinatum ad vnum, est tamen determinatum à ratione non à natura.

DICO, quòd hæc euasio solùm est apparens, & reuera terminis ludit. Nam hoc quod est, esse iudicium determinatum ad vnum à natura, potest accipi dupliciter: vno modo pro eo quod est, esse determinatum à natura, id est, à bruto seu à natura brutali: alio modo pro eo, quod est, esse determinatum à natura, id est, ab intrinseco & ex vi principiorum essentialium, quæ ab Auctore naturæ accepit. Quòd in primo sensu non fuerit à Diuo Thoma assumptum pro medio, euidentius est; nam esset omnino inepta probatio & nullo modo artificiosa: fieret enim, sensus, bruta carere omni prorsus libertate, quia habent iudicium determinatum determinatione brutali; quòd idem est ac dicere, bruta non esse libera, quia sunt bruta: quam probationem, quis non videat esse omnino ineptam & tanto Doctore indignam? Licet enim rei veritas ita habeat, bruta non esse libera, quia sunt determinati iudicij brutaliter; nullo tamen modo declaratur in simili causali consequens per medium artificiosum, sed omnino per vnum & idem: de hoc namque quæritur; quid scilicet sit in bruto radix obstas

omni libertati? Ergo respondere, hanc non esse aliam, quàm ipsam, determinationem brutalem, est omnino idem per idem resolucere. Declarare oportebat, quid aut qualis sit, aut in quo huiusmodi brutalis determinatio consistat: quod tamen hæc via non præstat. Quare dicendum est, medium illud fuisse assumptum in secunda acceptione; ita vt sensus sit, bruta ideo carere omni libertate, quia iudicium ipsorum est determinatum à natura, id est, ab intrinseco, & ex sibi essentialibus, quæ ab auctore suo accepit.

Sed tunc ultra: in hoc sensu, non minus iudicium intellectuale in actibus necessarijs est determinatum ad vnum, quam iudicium brutale: ergo si propter talem determinationem, exulat ab actibus brutorum omnis vera libertas; pariter ob eandem ab actibus necessarijs hominis, omnis vera libertas exulabit. Consequentia constat & minor subsumpta est euidentius etiam in doctrina Vincentij: nam iudicium (verbi gratia) regulatum amoris beatifici circa Deum clarè visum, ita est ab intrinseco & ex sibi essentialibus determinatum, ad prosequendum tantum, vt non minus, imo magis necesse sit, beatum à Deo clare viso moueri ad amorem, quàm brutum ab obiecto inimico moueri ad fugam.

Verge hoc. Ideò brutum ab intrinseco, & ex sibi essentialibus est determinatum ad tale iudicium, si tunc hoc vel illo obiecto, tali aut tali præsentatione, quia Auctor naturæ bruti illud talis conditionis condidit, vt viso tali vel tali obiecto, non possit non tale iudicium habere, absque vlla prorsus potestate ad illud proprio motu suspendendum: sed pariter Auctor naturæ intellectualis, talis conditionis illam condidit, vt in actibus necessarijs, non possit non tale

rale iudicium habere, absque ulla prorsus potestate ad illud proprio motu suspendendum, licet fortè aliunde & ab extrinseco propter denegationem concursus possit suspendi. Ergo formaliter loquendo, quantum ad hoc quod est, esse determinatum ab intrinsecis principiis naturæ in ordine ad illud iudicium, æqualis inuenitur determinatio utrobique; & in bruto, & in homine.

Capreolus. Nunc autem ita est, quod iudicium de prosecutione ultimi finis vel clarè visi vel sub ratione perfecti boni apprehensi, non subest potestati voluntatis; sed est eidem præfixum à Deo. Ad hoc enim habemus quandam habitum connaturalem, qui dicitur synderesis, qui ita se habet respectu primorum principiorum in operabilibus, sicut habitus qui dicitur intellectus, se habet respectu principiorum in speculabilibus. Ecce ubi determinationi iudicii respectu actuum necessariorum refundit non in rationem propriam hominis, aut in eius voluntatem, sed in Deum, qui talis & non alterius naturæ intellectum & voluntatem condidit, ut circa aliqua obiecta non possint aliter se habere, quam sic vel sic determinatè.

Sed ad quid doctrinam tam solidam, non confirmare potius auctoritate ipsius Divi Thomæ? Prodeat ergo ipsemèt in Quarto, Distinctione quadragesima nona, quæstione prima, articulo tertio, quæstiuncula secunda. Vbi in Corpore sic rem nostram eloquitur. *Operatio causæ secundæ semper fundatur super operatione Causæ Primæ, & præsupponit eam. Et ideo oportet, quod omnis operatio animæ procedat ex suppositione eius, quod inditum est animæ ex impressione Primi Agentis scilicet Dei. Et ideo videmus ex parte intellectus, quod ad nihil intelligendum anima potest procedere, nisi*

ex suppositione illorum, quorum cognitio est ei innata. Et propter hoc non potest assentiri alicui, quod sit contrarium his principiis, quæ naturaliter cognoscit. Et similiter oportet esse ex parte voluntatis. Unde cum ex impressione Primæ causæ Dei, hoc animæ insit, ut bonum velit, & perfectum bonum tantam finem ultimum appetat; impossibile est, quod contrarium eius in appetitu illius eadat; & ideo nullus potest miseriam velle vel malum, nisi per accidens; quod contingit, dum appetit aliud quod malum, quod apprehendit ut bonum. En ex quo fonte doctrinam suam hauserit Capreolus. Nonne ex Doctore Angelico, qui hic omnem determinationem in actibus necessarij, tam ex parte intellectus, quam ex parte voluntatis reducit ad impressionem Auctoris, Dei, vocans insuper huiusmodi iudicium, inditum, seu innatum?

Et certè ibidem in solutione ad Primum adhuc brevius & clarius. *Ad primum (inquit) dicendum, quod potentia rationalis se habet ad opposita, in his quæ ei subsunt; & hæc sunt illa, quæ per ipsam determinantur, non autem potest in opposita illorum, quæ sunt ei ab alio determinata. Et ideo voluntas non potest in oppositum eius ad quod ex Divina impressione determinatur, scilicet in oppositum finis ultimi: potest autem in oppositum illorum quæ ipsa sibi determinat; sicut sunt ea quæ ordinantur in finem ultimum, quorum electio ad ipsam pertinet.*

Domine aperi hic oculos viri huius Vincentij, ut videat se Doctorem Angelico contradicere, dum asserit iudicium de fine ultimo clarè viso, determinatum quidem esse ad amorem, non à Divina impressione, aut ab Auctore Deo; sed ab ipsa ratione propria hominis. Certè, Doctor Araucanicæ, intellectus tuus (ut spero) in patria habebit illud iudicium, &

voluntatis tua istum amorem, non quia iste aut illa, hæc sibi determinant, aut pro libertate sua ita velint: sed quia Deus talis naturæ utramque istam potentiam condidit, ut eo devenientes, & lumine beatifico perfusa, non possint non tale iudicium & talem amorem habere; quia nimirum sic & non aliter ex impressione & determinatione eius acceperunt. Unde sicut intellectum & voluntatem esse talis, aut talis naturæ, non est ex propria determinatione hominis; sed ex impressione Conditoris; ita pariter intellectum in Patria sic iudicare, & voluntatem sic amare, non ex propria determinatione est hominis; sed ex impressione provenit Conditoris. Hinc iterum Sanctus Thomas in Primo ad Annibaldum, distinctione quadragesima quinta, articulo primo in Corpore. *In hoc voluntas & natura differunt in causando, quod natura est causa determinati effectus: sed determinationis actus sui, ad talem effectum, ipsa non est causa, sicut non est causa sui ipsius: ex hoc enim quod talis natura est, ad talem effectum determinatur. Voluntas autem non solum effectus determinati causa est, sed etiam habitudinis suæ actionis ad determinatum effectum, quia in potestate voluntatis est, hunc vel illum effectum agere. Quia nempe, licet voluntas ut voluntas formaliter, sit causa determinationis sui ad hunc actum potius quam ad illum; tamen ut natura (qualiter concurrat ad actus necessarios) non est causa huius determinationis, sicut nec est causa sui ipsius, sed tota determinatio est specialiter ab ipso Auctore.*

Et si plura circa hanc rem videre desideras, lege vterius Sanctum Doctorem, in loco præfato questionculæ secundæ: & questione vigesima secunda de Veritate, articulo quinto. Et Prima parte questione deci-

ma nona, articulo decimo: ubi expressè dicit similes determinationes in actibus necessarijs voluntatis, esse specialiter à Deo Auctore naturæ creatæ. Imò & in loco primæ partis, vocat eas nomine *instinctus naturalis*, & comparat instinctui naturali aliorum animalium; non quia quoad substantiam non differant (ut iam sæpius notavi) sed quia quoad modum determinationis ab intrinseco, æqualis est utrobique: & sicut illa in brutis, specialiter tribuitur auctori, qui naturam bruti condidit, ita altera in homine, specialiter tribuenda est Conditori hominis.

**OBIECTIO.** Ad veram libertatem actus, sufficit habere tale iudicium, ut operans possit super illud reflecti: at super quodlibet iudicium quantumvis determinatum potest operans intellectualem reflecti, si cum perfecta aduerrentia illud eliciat: ergo iudicium indifferens ad veram libertatem actus non requiritur. Minor cum consequentia constat, & maior videtur posse probari ex doctrina Divi Thomæ eadem questione vigesima quarta, de Veritate, articulo secundo in Corpore: ubi sic habet. *Si iudicium cognoscitivum non sit in potestate alicuius, sed sit inde determinatum; nec appetitus erit in potestate eius: & per consequens nec motus vel operatio absoluta. Iudicium autem est in potestate iudicantis, secundum quod potest de suo iudicio indicare: de eo enim quod est in nostra potestate, possumus iudicare. Indicare autem de iudicio suo, est solius rationis, quæ super actum suum reflectitur, & cognoscit habitudines rerum de quibus indicat & per quas indicat: unde motus libertatis radix est in ratione constituta. Vbi (ut vides) illum asserit liberè operari, qui habet iudicium in sua potestate: & rursus illum asserit, habere iudicium in sua potestate, qui potest de suo iudicio*

cap. v. *Idem assumptum ostenditur ex eo, quod omnis actus*  
cio iudicari: & tandem, iudicare (inquit) de suo iudicio, solius est rationis, quæ super actum suum reflectitur. Ergo de primo ad ultimum, sentit libertatem actus subsistere, per hoc præcise quod eliciatur cum ratione, potente super suum iudicium reflecti.

Respondeo, intellectum posse dupliciter super suum iudicium, iudicando reflecti: vel speculative, cognoscendo dumtaxat quod quid est illius, vel practice arbitrando & ferendo sententiam, an sit sequendum vel non. Primo modo reflectitur & iudicat de omnibus suis iudicijs quantumvis determinatis & necessarijs: potest enim cognoscere, quid sint & cuius conditionis vel naturæ sint: sicut & idipsum cognoscere potest de quolibet ente. Secundo vero modo tantum potest reflecti super illa iudicia, quæ proponant obiectum cum indifferentia. Cuius ratio est: nam quâdo obiectum proponitur ut omnino determinatum, & omni indifferentia seclusa, tam quoad speciem actus, quàm quoad exercitium tunc cum nulla ibi appareat ratio mali, sed totum sit bonum necessario amandum, nullo modo relinquatur locus aut potestas arbitrandi, an sit sequendum vel non; sed voluntas per modum naturæ illud independenter ab arbitrio intellectus sequitur omnino determinatè. Hoc supposito dico, mentem Diui Thomæ in loco citato esse, quod tunc iudicium est in potestate iudicantis, quando potest ratio super illud reflecti & de illo iudicare non solum speculative, ut contingit in iudicijs necessarijs; sed etiam practice & arbitrando, ut dumtaxat contingit in iudicijs indifferentibus.

Et quod huiusmodi non sit voluntaria explicatio, sed omnino ad mentem nostri Sancti Doctoris; patet ex

alio eius loco in Secundo ad Anni baldum, quæstione vigesima quinta, quæ habetur secundo loco: ibidem enim discretis verbis in Corpore articuli secundi dicit, quod iudicium non est in potestate iudicantis, nisi in habentibus intellectum & rationem, quæ super suum iudicium reflectatur, ipsum discutendo: quæ sanè aperte indicant, requiri iudicium, super quod possit fieri reflexio, non qualiscumque aut merè speculatiua, sed practica & discussiua, seu examinatiua, an sit sequendum vel non. Idem repetit prima parte, quæstione quinquagesima nona, articulo tertio in Corpore. Et quæstione octuagesima tertia articulo primo etiam in Corpore. Unde & mellissimus Bernardus (ut supra vidimus) intellectum prout est radix seu fundamentum libertatis, appellauit non qualitercumque, sed censorium quendam & arbitrum animæ oculum.

Hic tamen aduerte, nos non intelligere per reflexionem practicam seu discussiuam, illam quæ fit cum inquisitione dubia rationis; hanc enim, falsum est ad omnem actum liberum requiri: cum multi actus voluntatis liberè eliciantur absque præiudicio tali discussione seu arbitratione: ut patet in omnibus electionibus Diuinis, Angelicis, & quibusdam etiam humanis, quæ sunt sine præcedente inquisitione dubia rationis, ex solo iudicio & sententia orta ex certa notitia utilitatis mediorum, & maioris utilitatis vnius quàm alterius. Solum ergo volumus, ad omnem actum liberum requiri tale iudicium, super quod intellectus possit sic reflecti, ut pro arbitrio suo possit dictare, esse sequendum vel non. Et hoc vniuersaliter verum est: nam eo ipso, quod ad omnem actum liberum requiratur iudicium, indifferenter proponens obiectum, saltem quoad exercitium

Supra  
lib. 1. c.  
19. §.  
Diuini  
appellat



tium actus circa illud; necessario sequitur, posse intellectum de illo iudicio arbitrari, ipsumque discutere, determinando esse sequendum, vel non. Itaque iudicium regulativum actus liberi, debet esse indifferens in sensu iam sapius explicato, & eo ipso quod sic indifferens sit, potest & debet ex parte sui, cadere sub reflectione practica intellectus, qua ipse ex propria sua determinatione possit statuere illud iudicium esse sequendum vel omittendum. Quod certe locum non habet in iudicijs necessarijs: siquidem hæc determinata sunt à natura in quibus proinde nil habet determinare intellectus nec quoad speciem actus nec quoad exercitium.

## C A P V T VII.

*Idem assumptum ostenditur, ex eo quod omnis actus verè liber, debeat esse sub potestate seu dominio operantis.*

**H**OC etiam principium in Scholis tritum est: imò tam tritum, ut nec à Vincentio ipso negetur; videlicet omnem actum verè liberum debere esse sub potestate seu dominio operantis: & ratio est manifesta. Nam in eo quod dicitur, hominem operari liberè, denotatur quedam maior dignitas & perfectio eius super creaturas irracionales: unde & Bernardus ubi supra, loquens de arbitrij libertate, hæc est (inquit) planè divinum quidquam, præfulgens in anima, tamquam gemma in auro. Hæc autem maior perfectio seu dignitas, in nullo alio consistit, quam in dominio, quod exercet circa operationes suas liberas: quo tamen bruta carent. Et certè non obscure id ipsum expri-

In The  
ria. 1.  
c. 21. §.  
Et tamè  
ibidem.

Lib. 1.  
c. 19. §.  
Divinū  
appellat

mit Sacra Pagina, dum pluribus in locis, diserte satis tribuit homini dominium & potestatem respectu suarum actionum. Genesim quarto, *Subter te erit appetitus tuus, & tu dominaberis illius.* primæ ad Corinthios septimo, *non habens necessitatem, potestatem autem habens suæ voluntatis.* Et alibi. Quare ut commune placitum debet recipi ab omnibus, actum verè liberum debere esse sub potestate seu dominio operantis: & hoc quidem vel entitativè, vel saltem terminativè, ut dicam inferius.

Sed videamus, qualiter Philosophia nostra ex hoc quoque principio concludatur. Discursum sic efformo. Omnis actus verè liber debet esse sub potestate seu dominio operantis: at actus omnino necessarij, de quibus loquimur, non sunt sub potestate seu dominio operantis: ergo non sunt verè liberi. Maior supponitur, & minorem proborum autoritatibus Divi Thomæ, tum etiam rationibus.

Prima autoritas habetur in tertio Ethicorum, lectione undecima, non longè à principio, ubi sic philosophatur. *Si operari est in potestate nostra, oportet etiam quod non operari sit in potestate nostra, Et vice versa, In quibus rebus, non operari est in potestate nostra, per consequens etiam operari est in potestate nostra.* En ubi univèrsaliter docet, quod in quibuscumque rebus, affirmatio actus est in potestate nostra, in eisdem & negatio actus est in potestate nostra, & e contra: ergo apertè sentit, actus necessarios non esse in potestate nostra seu in nostro dominio, siquidem (ut ipse adversarius fateri debet) negatio eorundem actuum, potestati nostræ seu dominio non subest.

Secunda autoritas est in Secundo ad Annibaldum, distinctione vigesima quinta, questione unica, articulo primo ad secundum: ubi probat hunc

hunc vel illum motum sensualitatis esse in potestate nostra, quia possumus hunc vel illum impedire. Et rursus, omnes motus sensualitatis non esse in potestate nostra, quia non possumus facere, quod nullus motus sensualitatis inordinatus in nobis surgat. Ergo sentit actum omnino necessarium, quem cohibere non possumus, non esse in nostra potestate. Idem docet ibidem distinctione trigesima sexta, articulo secundo ad Secundum. *Motus concupiscentie non est peccatum, ut est passio; sed prout est in potestate voluntatis existens, quæ potest eum prohibere vel non prohibere.* Quibus verbis perspicue supponit, idem esse, quod aliquid sit in potestate voluntatis, & quod voluntas possit hoc prohibere vel non.

Tertia est etiam ad Annibaldum in eodem Secundo, Distinctione trigesima quinta, articulo secundo in Corpore. *Sicut actus inordinatus (inquit) rationem culpæ non habet, nisi secundum hoc, quod voluntati est subiectus, ita nec actus omissionis, culpæ rationem habere potest, nisi secundum quod voluntati subicitur.* Ad hoc autem non requiritur aliquis actus voluntatis.... sed sufficit voluntatis potestas, quia potest facere & non facere. En clarissime voluntatis potestas, significata per hoc quod potest facere & non facere: ac proinde iuxta sensum eius, non sunt in potestate voluntatis, actus illi quos voluntas tali necessitate facit, vt non facere non possit.

Quarta sumitur ex Secundo, Distinctione vigesima quinta, quæ habetur secundo loco. Vbi in Corpore articuli secundi, explicans quid sit actionem esse in potestate agentis, vt scilicet (inquit) possit eam agere, vel non agere. Ergo idem quod prius.

Quinta habetur opusculo secundo, cap. centesimo nonagesimo sex-

to, vbi sic fatur. Hoc enim ad rationem culpæ pertinere videtur (sicut supra dictum est) vt malum quod culpabile dicitur, sit in potestate eius cui imputatur in culpam, nullus enim culpatur de eo, quod non est in eo facere vel non facere. En iterum, vbi manifestissime supponit, quod esse aliquid in potestate alicuius, nil aliud sit, quam esse in ipso facere vel non facere: & licet textus iste adducatur à Sancto Thoma per modum argumenti, iudicari tamen debet tamquam doctrina ipsius, cum seipsum sic docentem citet, aicens, sicut supra dictum est.

Sexta habetur quaestione vigesima secunda de Veritate, articulo quinto ad Septimum in Contrarium. *Proprium (inquit) est voluntati in quantum voluntas est, quod sit domina suorum actuum.* Si ergo dominium est proprium voluntati in quantum voluntas est; sanè non competit voluntati in quantum natura est: quia ratione elicit actus necessarios, vt supra probauimus.

Septima extat in Prima Secundæ, quaestione sexta, articulo secundo ad Secundum, vbi docet, *Quod ex hoc contingit, quod homo est dominus sui actus, quod habet deliberationem de suis actibus.* Ex hoc enim quod ratio deliberans se habet ad opposita, voluntas in utrumque potest. Quid clarius? Nonne hoc est dicere, quod homo non habet dominium, nisi ratione potestatis ad oppositum?

Octaua inuenitur in eadem Prima Secundæ, quaestione vigesima prima ad Primum. *Actus naturales (inquit) non sunt in potestate naturalis agentis, cum natura sit determinata ad vnum: sed (vt supra vidimus) actus necessarii voluntatis, etiam vocantur à Sancto Thoma naturales, cum sint à voluntate prout determinata ad vnum: ergo pariter iuxta mentem eius non sunt in potestate agentis.*

Ultima habetur prima parte, questione octuagesima secunda, articulo primo ad Tertium. Vbi argumentum erat, ad probandum, quod actus voluntatis non potest esse necessarius: quia videlicet *per voluntatem sumus domini nostrorum actuum: sed eius quod ex necessitate est, non sumus domini: ergo actus voluntatis non potest de necessitate esse*. Quod argumentum sic soluit. *Ad tertium dicendum, quod sumus domini nostrorum actuum, secundum quod possumus hoc vel illud eligere: electio autem non est de fine, sed de his quæ sunt ad finem, ut dicitur in tertio Ethicorum: unde appetitus ultimi finis, non est de his quorum domini sumus*. Hæc autem responsio, si ad formam redigatur, est huiusmodi. *Per voluntatem sumus Domini nostrorum actuum; vniuersaliter loquendo, nego maiorem; nostrorum actuum, qui sunt circa media; concedo maiorem: sed eius quod ex necessitate est, non sumus Domini, concedo minorem; ergo actus voluntatis, non potest de necessitate esse, distinguo consequens; actus voluntatis qui est circa media; concedo consequentiam; actus circa finem, nego consequentiam. Non vides hic aperte concedi, nos non esse dominos eius, quod est ex necessitate, & ex consequenti nec illius actus necessarii, qui est circa finem, pro ea parte, qua formaliter necessarius est?*

Sed ad omnia ista potest ex doctrina Vincentij responderi, præmittendo duplicem acceptionem dominij, ut ipse in epistolis suis expressè meminit. Potest namque in eius opinione, dominium accipi in strictiori quadam significatione seu magis propria, prout dicit potestatem voluntatis rationalem ad opposita: & insuper in paulo generaliore, prout solum dicit facultatem voluntatis intellectualem, ad elicentiam actus sub directione & aduertentia intelle-

ctus, quamvis potestas ad opposita non adsit. Hac (inquam) distinctione præmissa, poterit quilibet Vincentianus dicere, D. Thomam loqui solum de dominio in strictiori illa significatione, non verò de omni dominio absolutè, quando negat actus necessarios esse sub nostro dominio seu sub nostra potestate.

Profecto explicatio hæc, larvata potius est quàm vera. Larvam ergo ei parum eleuamus, & statim falsitas apparebit.

Facit contra eam primò: quod Diuus Thomas, si duplicem illam acceptionem dominij agnouisset, certè ea aliquando vsus fuisset; imò & semper in omnibus illis locis eam adduxisset.

Cur quæso primo loco, fecit istam consequentiam; si operari est in nostra potestate, oportet etiam quod non operari sit in potestate nostra? Doctor Angelice, Vincentius dicit, quod hoc non sic oportet: nam operari est in potestate nostra, præcise per hoc quod ratione aduertente fiat, licet non operari non sit in potestate nostra.

Rursus: cur secundo loco dicit, motum concupiscentiæ non esse peccatum, nisi prout est in potestate voluntatis exilens, quæ potest eum prohibere vel non prohibere? Doctor Angelice, iuxta distinctionem illam Vincentij, etiam motus ille peccatum esset, licet voluntas illum sequeretur necessariò, absque potestate prohibendi.

Deinde: cur tertio, quarto & quinto loco dicit, actionem esse in potestate agentis, idem esse, ac posse eam agere vel non agere? Doctor Angelice (ut Vincentius vult) ista duo non sunt idem: nam præter hoc quod est, posse actionem agere vel non agere, datur adhuc alius modus, per quem actio verè est in potestate agentis, scilicet.

scilicet agere eam ex perfecta aduertentia intellectus, licet posse ad non agere, desit.

Iterum: cur sexto loco, hoc quod est esse dominum sui actus, ascribitur tamquam quid proprium soli voluntati, ut voluntas est? Doctor Angelice, Vincentius dicit hoc etiam convenire voluntati ut natura est; scilicet quando sub aduertentia rationis versatur circa ultimum finem, etiam cum omnimoda determinatione ad exercitium actus.

Adhuc: cur septimo loco probat, hominem esse dominum sui actus per deliberationem, ex eo quod ratio deliberans se habet ad opposita, & sic voluntas in utrumlibet possit? Doctor Angelice, si distinctio Vincentij vera est; assumis in probatione illa medium omnino extraneum & accidentale: nam quamvis ratio ad opposita non se haberet, nec volūtas in utrumque posset; equidem homo dominum sui actus haberet: non ergo propriam causam seu rationem formalem dominij exprimis, dicendo, ideo homini dominium inesse; quia in utrumque potest.

Rursus: cur octavo loco, actus naturales à potestate agentis naturalis, excludit, propter determinationem eorum ad unum? Doctor Angelice, nulla est ista consequentia, quia Vincentius tenet determinationem ad unum, nihil obesse, quominus actus in potestate agentis sit.

Tandem: cur ultimo loco concedit absolute illam minorem; eius quod ex necessitate est, non sumus domini? Doctor Angelice, melius cum Vincentio distinguere de duplici illa acceptione dominij, cōcedendo actum necessarium non esse quidem sub dominio in strictiori acceptione; sed audacter negando, non esse sub dominio nostro absolute.

Quando hæc & similia rectè per-

pendo, nescio si admirationi debeat esse vel potius risui similis explicatio. Vincenti, in re tam iusta, nulla deberet esse de mente Sancti Thomæ aut consultatio aut dubitatio: sed rationibus contra tuam distinctionem agamus.

PRIMA SIT, illa quam ipse Divus Thomas habet in loco citato ex tertio sithicorum. *Si enim non operari, non est in potestate nostra; ut contingit in casu actuum necessariorum, de quibus nos loquimur; impossibile est nos non operari.* Tunc ultra: ergo necesse est nos operari, & sic operari non est ex nobis, sed ex necessitate, quod libertati contrariatur; ut Sanctus Doctor supponit.

Nec valet dicere, non quamlibet necessitatem libertati contrariari, sed solam necessitatem cogentem; quæ tamen in actibus necessarijs voluntatis non reperitur, quando eliciuntur ex perfecta aduertentia rationis.

Non inquam valet; nam sic Respondendo, rationem Divi Thomæ non sequeris, sed potius soluis. Pater sequela. Nam Divus Thomas in prædicta ratione supponit, induci necessitatem contrariam libertati, eo ipso, quod impossibile est nos non operari; ut ex contextu patet: at tu affirmas, non eo ipso induci talem necessitatem, si actus sit ex perfecta aduertentia rationis: ergo rationem Divi Thomæ non sequeris sed potius soluis.

SECUNDA RATIO urgentior est; & assumo (exempli gratia) productionem Spiritus Sancti, quam essentialiter liberam fateris. Sed ediffere nobis, qualiter hæc productio sit sub potestate seu dominio Spirantis; cum actum aliquem esse sub dominio agentis, sonet quandam subiectionem ipsius actus ad ipsum agens, quatenus vel illum vel saltem terminum

num illius pro arbitrio suo potest ponere vel non ponere. Dixi *vel saltem terminum illius*; quia non me latet, actiones Diuinas liberar; non esse sub dominio Dei operantis, si sumantur entitatiuè & quoad suam substantiam: debent tamen esse sub dominio illius, saltem terminatiuè, id est, si sumantur ex parte termini quem produciunt, quatenus possunt illum ponere vel non ponere.

*n epif. Prodr. d Pe- anuū pag. 43*  
Respondes in epistola ad Petauum, sicut ista verba, *producere, generare, spirare, dependentias suas & omnes creatas imperfectiones exuere debent, vt eleuentur ad illud ineffabile mysterium Trinitatis, ita verbum imperare seu dominari, omnes creatas imperfectiones exuere debet, vt eidem mysterio applicetur.* Quod in re idem est, ac dicere, verum dominium seu imperium in Deo Patre reperiri respectu productionis Spiritus Sancti, ablata tamen imperfectione subiectionis; quam in altero extremo creati domini cernere est.

Certe insignis Philosophia. Possetne poni in Deo vera ratio scientiæ, si illa clauderet imperfectionem accidentis, non qualitercumque, sed etiam in conceptu suo essentiali? Profecto hoc in casu, nemo Philosophorum aut Theologorum, scientiam secundum propriam & veram rationem scientiæ, in Deo poneret: at sic est, quod vera ratio domini claudit illam imperfectionem subiectionis in altero extremorum, non qualitercumque sed etiam ex conceptu suo essentiali: ergo chimericè ponitur in Deo Patre vera ratio domini respectiue ad Spiritum Sanctum, ablata illa imperfectione. Discursus iste est legitimus, si minor illa subsumpta probetur. Probo ergo dupliciter; nimirum imperfectionem illam subiectionis in altero extremorum, claudi non qualitercumque in conceptu

domini, sed etiam essentialiter & omnino formaliter.

PRIMO ex ipsa formali significatione nominis. Si enim terminis stādum est; quid aliud quæso significat, habere dominium circa rem aliquam, quam habere superioritatem quandam, præfidentiam seu principatum ad sic vel sic de re disponendum? Si namque non licet mihi, facere circa hoc, id quod volo, nempe hoc vel illud; sed solum hoc determinatè, & quidem modo ita determinato, vt aliter non solū non liceat, sed etiam contradictionem implicet; quale quæso dominium aut quis principatus mihi inest circa talem rem, quam sic facere debeo, & aliter facere non possum? Ergo vera ratio domini essentialissimè inuoluit imperfectionem illam subiectionis in altero extremorum, vt scilicet agens possit de illo sic vel aliter disponere, tacere hoc vel facere illud, facere vel non facere. Quod certè non obscurè significauit Magnus Gregorius, dum homilia trigesima quarta sic satur. *Principari est inter reliquos priorem existere; dominari verò est etiam subditos quosque possidere.* En ubi hoc quod est dominari seu esse dominum, expressissimè definit per ordinem ad extremum non qualecumque, sed subditum seu subiectum.

SECUNDO: quia si in suo conceptu essentiali imperfectionem illam subiectionis non inuolueret, sequitur absolute posse dici, quod Pater & Filius spirando, dominantur Spiritui Sancto: quod tamen euidenter euerit æqualitatem personarum: poterant enim tunc Pater & Filius in aliquo vero sensu, dici dominus, in quo tamen non poterit sic dici dominus, Spiritus Sanctus, quod est hæreticum. Sequelam verò probo. Nam idè absolute & sine addito potest dici, & dicitur, *Deus est sciens, Deus*

*est sapiens*, quia nec scientia, nec sapientia in suo conceptu essentiali, vltimè inuolunt imperfectionem: ergo si per te, Vincenti, vera & essentialis ratio dominij, in altero extremorum nullam ex suo conceptu essentiali imperfectionem inuoluit, poterit perfectò, absolute & sine addito dici, Patrem & Filium esse dominum Spiritus Sancti.

Si fortè dicas, hoc posse dici, intelligendo tamen per *esse dominum Spiritus Sancti*, hoc quod est spirare seu effundere ipsum perfecta spontaneitate.

In contrà est. Quia peto à te. In hoc quod est spirare seu effundere Spiritum Sanctum perfecta spontaneitate, vel saluatur conceptus essentialis communis & analogus veri dominij vt sic, sicut saluatur conceptus essentialis scientiæ vt sic, in hoc quod est cognoscere rem per suas causas absque modo accidentis, vel non saluatur? Si primum; ergo non soluitur argumentum, & sine vlla restrictione poterit dici, quod Pater & Filius sunt verè dominus Spiritus Sancti, sicut sine vlla restrictione dicitur, quod *Deus est verè sciens*: & hoc (iterum libet inculcare) euidenter euerit aequalitatem personarum. Si dicatur secundum; videlicet non saluari in perfecta illa spontaneitate conceptum essentialem veri dominij: ergo nec saluatur conceptus essentialis veræ libertatis. Patet consequentia, quia etiam secundum te (vt in exordio huius rationis annotaui) requiritur ad veram libertatem vera ratio dominij. Et si fortè hoc iterum neges; non solum tamquam tibi ipsi inconstans damnaberis, sed & enersor es manifestus totius Philosophiæ Doctorem & Patrum, quæ nil communius dicitur, quàm quod per libertatem sumus verè domini nostri actuum.

Confirmo dicta hæc, apertissima doctrina Sancti Thomæ ex quaestione secunda de Potentia, articulo tertio: vbi querens, *Præter potentia generatiua (in Diuinis) in actu generationis procedat per imperium voluntatis, seu (quod idem est) sit ex dominio voluntatis?* Resoluit negatiue, sine vlla prorsus distinctione. Et id ipsum clarissimis verbis docet de potentia spirandi: asserens, nec Filium per generationem, nec Spiritum Sanctum per spirationem procedere ex imperio seu dominio voluntatis. Quod & generali ratione probat, quæ pariter conuincit de amore beatifico, & de quocumque actu necessario; quia videlicet, *omne id, cuius voluntas est principium (intellige per imperium seu dominium, de quo loquebatur) quantum in se est, possibile est esse vel non esse, & esse, tale vel tale, & tunc vel nunc*: sed certè, si sentiret, dominium in suo conceptu essentiali, illam imperfectionem subiectionis ad esse vel non esse, in altero extremorum non inuolueret; absolute hoc non negaret, sed potius absolute concederet: sicut propter carentiam omnis imperfectionis in conceptu essentiali scientiæ, absolute concessit Deo rationem scientiæ: ergo signum euidentis est, etiam iuxta mentem Dni Thomæ, istam imperfectionem subiectionis ad esse vel non esse, in altero extremorum dominij essentialissimè inuolui.

Confirmo vltèrius. Nam vnā personam esse dominā respectu alterius, nequit intelligi, quin illa altera sit sub dominio illius at illa prepositio, *sub*, denotat inferioritatem seu subiectionem, quam ponere in diuinis, est hæreticum: ergo de primo ad vltimum conceptus essentialis dominij inuoluit in altero extremorum imperfectionem aliquam Deo repugnantem. Maior ex terni-



nis videtur manifesta; nam quæ-  
so aliud est, Petrum esse dominum  
respectu Ioannis, quam Ioannem es-  
se sub dominio Petri? Minor etiam  
funderetur aperte: nam sicut raum ce-  
lum esse sub altero quoad situm, de-  
notat inferioritatem in illo secundum  
locum; ita vnam personam esse sub  
dominio alterius, quoad suum esse,  
non potest non denotare inferiorita-  
tem in illa secundum virtutem seu  
perfectionem.

Nec valet dicere, vnam perso-  
nam in Diuinis posse dici sub domi-  
nio alterius, taliter vt præpositio sub  
solum designet ordinem liberæ ori-  
ginis, & non minorationis seu infe-  
rioritatis.

Non (inquam) valet: nam in con-  
tra est doctrina Sancti Thomæ in pri-  
mo ad Annibaldum distinct. duode-  
cima, questione vnica, articulo 4.  
ad secundum vbi sic habet. *Ad secundum*  
*dicendum, quod quidam videntur*  
*nomine subauthoritatis in Filio, sicut no-*  
*men authoritatis in Patre, intelligentes*  
*per præpositionem designari ordinem ori-*  
*ginis & non minorationis: sed quia hoc*  
*nomen in vsu Sanctorum non inuenitur*  
*& quandam subiectionem importat; vi-*  
*detur ideo alijs esse tacendum.* Ex qua  
doctrina sic arguuntur. Non minus  
importat subiectionem quandam,  
hoc quod est esse sub dominio alterius  
quàm hoc quod est habere sub  
authoritatem: deinde non minus a-  
lienum est ab vsu Sanctorum, quod  
Spiritus Sanctus sit sub dominio Pa-  
tris, quàm quod Filius habeat subau-  
thoritatem respectu Patris: at ob istas  
rationes à Diuinis releganda est ratio  
subauthoritatis: ergo ob easdem  
releganda est à Diuinis ratio essendi  
sub dominio.

Sed obijcies, hinc potius posse  
sumi argumentum in fauorem Vin-  
centij hoc modo. Nam Theologi  
ponunt in Patre authoritatem in spi-

rando Spiritum Sanctum, absque eo-  
tamen quod in Filio ponatur subau-  
thoritas respectu eiusdem, vt loco ci-  
tato tradit Sanctus Thomas: ergo pa-  
riter poterit poni in Patre dominus  
respectu processionis Spiritus San-  
cti, licet eadem processio non ponatur  
esse sub dominio illius. Pater  
consequentia: namque ratio quod  
author non debeat dici correlatiue  
ad subauthorem, & quod dominus  
debeat dici correlatiue ad id quod  
est sub ipso;

Respondeo disparitatem esse cla-  
rissimam: vt enim supra in Corpore  
docet Angelicus Præceptor, nomen  
authoritatis nil aliud designat, quàm  
primam originem: ille enim dicitur  
author alicuius sermonis, qui primò  
illum inuenit: de ratione autem pri-  
mæ originis duo sunt: quorum vnum  
est, vt ab ea sit aliquid: aliud est, vt  
non sit ab aliquo: vnde adæquatus  
conceptus authoris formalissimè sal-  
uatur per hoc præcisè, quod ipse sit  
primum principium alterius sine  
principio: in quo certè nulla inuoluitur  
correlatio ad aliquid, quod sit  
subauthor, sed solum ad aliquid quod  
ab ipso sit, cum ipse non sit ab vilo.  
At verò cum (teste Gregorio Ma-  
gno) dominari nil aliud sit, quàm  
subditum quemque possidere; si hoc  
ipsum correlatiue dicitur; ad nil san-  
ne correlatiue dici potest, quàm ad  
extremum subditum, seu sub domi-  
nio existens.

Et per hoc, Vincenti, euanesceit cā-  
tilena illa de istis verbis, *procedere*,  
*generare & spirare*: fateor enim ista,  
cum omni proprietate, ablatis im-  
perfectionibus, in diuinis verificari.  
Sed longè dispar est ratio de nostro  
verbo, *dominari seu agere cum domi-*  
*nio*: nam priora illa verba in conce-  
ptu suo essentiali imperfectionem  
non claudunt, nec ex parte subiecti  
seu principij, nec ex parte termini:

vnde non mirum, posse cum omni proprietate, ablatis imperfectionibus, in diuinis verificari. At verò verbum hoc, *dominari*, imperfectionem claudit, saltem ex parte termini, formalissimè & in conceptu suo essentiali: ac proinde, si omnis imperfectio auferatur, cum proprietate verificari non poterit.

E si quæras, vnde colligatur, priora illa verba imperfectionem non claudere? Respondeo inde colligi; quia fides ex vna parte docet Patrem verè esse Patrem, ac proinde verè generare: & Spiritum Sanctum verè esse Spiritum Sanctum, ac proinde, verè spirari: & cum ex alia parte nil imperfectionis possit Deo tribui; euidens fit, si ipsi tribuitur cum omni proprietate generare & spirare; quòd huiusmodi, nullam imperfectionem claudunt. At verò fides potius dicat oppositum in nostro casu: licet namque in Sacris Litteris, Concilijs & Patribus inueniatur, Deum esse verum dominum respectu creaturarum; nusquam tamen inuenitur, sed vbique apertissimè damnatur, quòd vna persona diuina sit verè domina respectu alterius. Lege Symbolum Athanasij, & intelliges. *Fides Catholica hæc est, vt in Sanctissima Trinitate, non tres aut duos dominos dicamus, sed vnum Dominum & hunc præcisè respectu creaturarum: ergo in eadè Trinitate Dominum etiam nominare respectu Spiritus Sancti, fidei contradicit.* Vnde illud Augustini 5. de Trinitate capite decimo sexto. *Hæc relatiua appellatio, Dominus, Deo conuenit ex tempore: quòd si ex tempore; ergo non nisi respectu creaturarum.* Rursus illud Sancti Thomæ prima parte, quæstione decima tertia, articulo septimo ad Quintum. *Eo modo Deus dicitur Dominus, quo creatura ei subiecta est.* Et iterum ad Sextum ibidem: *In signifi-*

*catione Domini clauditur quòd habeat seruum, & paulò post: Deus non fuit Dominus, antequam haberet creaturam sibi subiectam.* Euidens ergo fundamentum habemus, ad dicendū, quòd hoc, quod est esse dominum, imperfectionem subiectionis inuoluat in altero extremorū, minimè verò hoc, quod est generare, aut spirare.

Nec obijciant mihi hic, qui speculatiuæ Theologiæ studia semper sunt exosi, omnia ista inutiliter a me disputari, ex eo quòd absconditum illud Trinitatis mysterium tangent, quod proinde tutius expectaretur intelligendum in Patria, quam traderetur in præsentī vita discutendum.

Non (inquam) similes ofores hoc obijciant, nam aurea est mihi doctrina quædam in Sancto meo Thoma, qua os taliter obloquētium obstruere possum. *Sancti Patres* (inquit quæstione nona de Potentia artic. quinto in Corpore) *propter instantiam eorum qui fidei contradicunt, coacti sunt & de hoc differere & de alijs, qui spectant ad fidem, modeste tamen & reuerenter, absque comprehendendi præsumptione.* Nec talis inquisitio est inutilis, cum per eam eleuetur animus ad aliquid veritatis capiendum, quod sufficiat ad excludendos errores. Non audis hic, discussionem seu inquisitionem mysteriorum fidei inutilem non esse, si absque comprehendendi præsumptione fiat? Non audis etiam, animum per eam eleuari, ad aliquid saltem veritatis capiendum, quo errores valeant sufficienter excludi? Hæc ergo mea est intentio, quando in præsentī, vel alijs in locis, de altissimis etiam mysterijs fidei, inquisitionem quæstionemque speculatiuam instituo. Absit enim, vt comprehendere præsumam, quod solum in Patria intelligendum relinquitur. Id vnicum mihi curæ est, vt aliqualis saltem noti-

notitia habeatur, qua animus legentis occurrentes hinc inde errores salubriter discernere, discretosque valeat per lumen fidei veraciter excludere. Et audiant profecto idem speculationum ofores, id quod hac in parte Sæctissimus Pater Hylarius nobis præscripsit, libro secundo de Trinitate inter principium & medium. Loquens ibidem, imò & sollicitè inquirens mylterium Trinitatis omniū maximum; *Hoc credendo (inquit) incipe, percurrere, persilire, & si non perventurum me sciam, tamen gratulabor profecturum. Qui enim piè infinita profectur, etsi non contingat aliquando, tamen proficiet prodeundo.* Hanc litterarum ofores idiotæ admonitionem arripiant. Si ipsi de altissimis speculari vel ex pigrizia negligunt, vel ex imperitiâ non possunt; alijs saltem sublimitatem speculationis non obijciant, aut potius inuideant. Simant eos cum Hylario incipere, percurrere, persilire, etiam infinita utcumque inquirendo: nam etsi non detur inter præsentis vitæ tenebras, ad plenum & perfectum posse pertingere; datur tamen fructu solertis indaginis non carere.

Ex dictis ergo collige, quòd author contrariæ opinionis, non possit Catholicè loqui de mylterio Trinitatis. Tenetur enim concedere absolute, & sine vlla restrictione (ut iam probatum est) quòd vna personam Divinam est domina respectu alterius, sicut absolute, & sine vlla restrictione concedit, quòd vna persona Divina, nimirum Pater, liberè producit aliam nimirum Spiritum Sanctum.

Sed obijcies, Sanctum Thomam hoc ipsum absolute, & sine vlla restrictione concessisse & docuisse: quòd videlicet questione decima de Potentia, articulo secundo ad Quintum dixit, quòd liberè Spiritus Sanctus pro-

cedit à Patre. Ergo vel fatendum est, ipsum quoque Catholicè non fuisse locutum de hoc mylterio, vel omnino Catholicè loqui Vincentium.

Respondeo, negando, quòd Divus Thomas, absolute & sine vlla restrictione, alibi concesserit aut docuerit, Spiritum Sanctum liberè procedere à Patre. Quòd enim in illo loco ex questione decima de Potentia hoc dixerit, certè absque restrictione aut addito non dixit. Nam licet explicitè additum non apposuerit; gratia, tamen materiæ, de qua agebat, ipsum additum, sufficienter intelligebatur. Agebat namque (ut supra demonstravi) contra hæreticos, qui dicebāt Spiritum Sanctum procedere coacto Patre vel nolente Patre: ac proinde, quando ibidè affirmavit, ipsum procedere liberè idem fuit, ac cū addito dicere, quòd procedit liberè, *id est non coactè*: cum quo addito, propositio omnino Catholica est.

Vincenti (quæso te) respicere, & dictis meis communibus acquiesce; nam qui Divinam istā Philosophiā, ne verum videat, videre non vult, opinione noui cuiusdam dogmatis excæcatus; profecto iste talis (ut tu alibi contra tuos) orationibus potius, quàm argumentis inuandus est.

## CAPVT VIII.

Idem assumptum ostenditur argumento ad hominem, ex eo quòd Vincentius doceat iuxta sententiam Suarij, posse Deum motione aliqua præternaturali libertatem voluntati adimere, etiam siante iudicio indifferenti, & perfecta aduertentia rationis.

DOCET VINCENTIVS in sua Theriaca, ex doctrina

In The  
riaca l.  
2. cap. 2  
lect. 1.

Suarij, posse Deum omnipotentia sua voluntatem creatam, sub plena etiam aduertentia rationis stantem, sic abripere, ut non quidem omnem cooperandi rationem; sed tamen libertatem adimeret. Hoc est dicere, de potentia absoluta comparati posse ita duo: videlicet & quod ex vna parte actus eliciatur à voluntate sub plena aduertentia rationis, & quod ex alia liber non sit, quia Deus in illo casu voluntatem per vim quandam seu efficaciam præternaturalem moueret ad agendum. Hoc (inquit Vincentius) Franciscus Suarez egregiè docet: dum disputatione decima nona Metaphysica, sectione tertia dixit, quod ad actum liberum voluntatis, non satis est facultas ex se libera cum indifferentia obiecti seu iudicii, nisi etiam superior causa nullam vim seu præternaturalem efficaciam inferat; sed ipsam voluntatem sinat suo connaturali modo operari. Et rursus, dum prologomeno primo capite quarto hanc statuit conclusionem. *Dico ergo Deum ita posse mouere voluntatem stante integro iudicio rationis de obiecto ex se indifferente seu non necessario, ut motu non libero, sed simpliciter necessario in illud feratur.*

Miror, hunc casum Suarij à Vincentio in fauorem suæ opinionis adduci, cum manifestè possit, ex eodem falsitatis redargui, principalis sua opinio. Ut autem hoc ostendam; supponendum est prius, ea de causa à Vincentio adduci, ut explicet qualiter non sola coactio rigida seu violenta libertatem lædat, sed etiam coactio illa, quam ipse impropiam seu non ita rigidam appellat, qualem cernere est in appetitibus brutorum, & cui ipsam etiam agens non renititur, sed potius cooperatur. Nā in illo casu (inquit) præternaturalis motionis, voluntas verè cooperaretur, imò quod plus est, cooperaretur ex perfecta aduertentia rationis:

& tamen actus liber non esset, quia interueniret aliqua saltem coactionis seu violentiæ mixtura: ergo non solum rigidissima illa coactio libertatem lædit; sed etiam alia, quæ est cum cooperatione agentis.

Si autem ab eo quæras, qualiter ibi sit aliqua coactionis seu violentiæ mixtura; respondet ex doctrina eiusdem Suarij sic. *Videtur enim (ait optimè ibidè Suarez) necessitas illa esse aliqua ex parte violenta, quia priuatur voluntas naturali dominio, quod habet in suum actum, & impeditur, ne ut possit naturali potestate suspendendi illum.*

Quis non videat, hominem illum alieno ense, quem hic arripit & approbat, se tradere iugulandum? Eri-ge quæso mentem Vincenti, & attentius considera, quid Suarez dicat: latet enim, imò patens est in dictis eius mortale pro te venenum. Nonne apertissimè totam radicem aliqualis coactionis seu violentiæ in casu prædicto, reducit ad hoc, quia voluntas impeditur, ne ut possit naturali potestate suspendendi actum? Et quid quæso verba ista sibi volunt? An nè aliud, quàm ideo voluntatem liberè non operaturam cum præternaturali ista motionè; quia licet operaretur voluntariè, seu ex perfecta aduertentia rationis, operaretur tamen absque potestate expedita ad oppositum?

Hoc certè expressissimè significat ipse textus verborum. Sed ut ulterius pateat, non esse aliam mætrem Suarij quàm prædictam; alia eius verba libet adhuc proferre ex eodem prologomeno, numero decimo tertio. Probans ibi conclusionem suam, quæ dixerat, Deum posse voluntatem nõ liberè; sed necessariò mouere, stantem integro iudicio rationis; sic discurrit. *Ex parte ipsius voluntatis nulla est ad hoc specialis repugnancia; quia licet habeat duplicem potestatem agendi scilicet & non agendi, potest per omnipo-*  
ten-

tentiam Dei secundum alteram fini operari, & secundum alteram impediri, ne suammet operationem posset suspendere: tunc autem operatio erit necessaria & non libera quoad exercitium: quia libertas in operatione est denominatio à potestate agendi & non agendi, utique ad utrumque expedita: ergo tunc actus carebit tali denominatione, & consequenter erit necessarius. Nonne hoc est evidenter supponere, quod motio illa præternaturalis auferret, vel impediret potestatem ad oppositum, & quod pro tanto voluntas esset quasi violentata, & actus eius minimè liber?

In hoc certè Suarez optimè philosophatur, & casu illo talis motionis semel admisso, omnis quoque Thomista dicet, voluntatem tunc non liberè operaturam. Quid mirum? Operabitur namque tunc, omnipotentia sic premente & constringente, ut oppositum facere non possit; quæ est nostra & communis Philosophia.

Sed vide iam, qualiter casus iste tuam opinionem iugulet. Si illum approbat (ut disertè facis ad duplicem tuam coactionem explicandam) evidenter sequitur contra te hoc argumentum. Nam in illo casu voluntas verè voluntariè operatur, utpote ex integro & perfectò iudicio rationis: & tamen non operatur liberè; sed potius cum aliqua coactionis mixtura: non alia de causa, quam quia non sinitur operari cum potestate ad oppositum: ergo si per te voluntas sub adiutorio efficacia gratiæ semper sic operatur, ut pro illo tunc non sinatur operari cum potestate ad oppositum, numquam operabitur liberè, sed potius cum aliqua mixtura coactionis, licet aliàs operetur voluntariè seu ex perfectò & integro iudicio rationis.

Explico hoc. In tua opinione &

iuxta principia tuæ doctrinæ, Vincenti, omnis gratia efficax movet voluntatem æquè præternaturaliter, ac motio illa Suarij: at (ut tu met fateris) illa Motio Suarij libertatem lædit: ergo & tua gratia efficax pariter libertatem lædit. Consequentia cum minori constat, & maiorem probo. Præternaturalitas motionis illius, quam ponit Suarez, in nullo alio consistit, quàm in efficacia impediende in re potestatem voluntatis ad oppositum, ita ut illa stante non possit proximè voluntas suam operationem suspendere; hoc enim & nil aliud Suarez in sua ratione adducit; at gratia tua efficax, etiam talis est efficacitæ, ut in re impediatur potestatem voluntatis ad oppositum, siquidem doces illa stante non posse proximè voluntatem, operationem suam suspendere: ergo æquè præternaturaliter voluntatem movet, ac motio illa Suarij.

Explico ulterius. In tuis principijs, quamvis voluntas viatoris ex vi gratiæ ferretur in actum tam necessaria determinatione sicut fertur Divina in productionem Spiritus Sancti: æquidem verè liberè ageret libertate sufficienti ad meritum: at illa necessaria determinatio, quæ fertur Divina voluntas ad productionem Spiritus Sancti, talis naturæ est, ut non solum potestatem proximam ad oppositum, sed etiam remotam excludat: ergo gratia tua efficax non solum ponitur potestatem proximam voluntatis impedire, sed & posse, potestatem eius remotam essentialiissimè excludere. Quæ ergo via potes libertatem cum tali efficacia componere; si ex alia parte approbas, non posse eandem componi cum efficacia motionis Suarij, quæ adhuc remotam potestatem relinqueret & solum proximam impediret?

Dices fortè, gratiam tuam impe-

dire quidem potestatem proximam ad oppositum, ceterum nullam vim præternaturalem voluntati inferre, qua consensum eius quasi per coactionem extorqueat: sed potius voluntatem suauiter in actum suum deducere, & modum eius connaturalem agendi minime turbare, sicut Thomistæ asserunt de sua physica prædeterminatione.

Sed profectio huiusmodi responsio solum excogitatur ad fugam & non continet nisi verba & voces. Argumentor contra illam.

PRIMO: quia Suarez apertè supponit in sua doctrina, esse vnum & idem, ista duo: videlicet impedire voluntatis proximam potestatem ad agendum & non agendum, & voluntati inferre vim quandam præternaturalem; taliter vt ista indispensabiliter conuertantur, loquendo de voluntate in via & prout nominat principium liberum: ergo si istam doctrinam approbas, Vincenti, non potes non concedere, gratiam tuam, inferre quoque vim præternaturalem voluntati, cum in ea eandem efficaciam, impediens proximam illam potestatem expressè ponas, imò & maiorem efficaciam excludentem etiam potestatem remotam, cum ea compatibilem esse affirmes. Consequentia constat, & antecedens non minus. Nam Suarez illo loco supponit communem Philosophiam; videlicet connaturalem modum agendi voluntatis liberæ consistere in eo, quòd agat cum potestate proxima & expedita ad oppositum, vel in sensu composito (vt vult ipse cum suis) vel si in sensu diuiso (vt volunt Thomistæ) saltem in tali, qui verè saluet ipso liberæ operationis instanti, voluntatem esse reuera proximè potentem ad oppositum: & ex illo principio deducit, quòd si daretur aliqua motio quæ illam potestatem

impediret; ea indubiè naturalem modum agendi voluntatis liberæ turbaret, ac proinde præternaturalem quandam vim ipsi inferret. Ergo in eius doctrina, omnino idem sunt, seu adinuicem conuertibilia ista duo; videlicet proximam voluntatis potestatem impedire, & voluntati vim præternaturalem inferre. Terminis ergo verè iudit, qui hoc approbans, ex vna parte concedit motionem gratiæ impedire proximam illam potestatem, & ex alia euadere vult, quòd nullam præternaturalem vim inferat.

SECUNDO: quia quòd Thomistæ de sua Physica prædeterminatione cum veritate possint dicere, quòd ea vim præternaturalem voluntati non infert, sed potius ipsam suauiter in actum suum deducat; hoc ideo est, quia constantissimè sustinent, adhuc ea stante & manente, proximam voluntatis potestatem ad oppositum perseverare illæsam. Hoc ego, nomine omnium Thomistarum resolutissimè affirmo & infra probabo: taliter, vt ne nomen quidem Thomistæ mereatur, qui sub Physica prædeterminatione & ea stante, illæsam non defendit voluntatis proximam ad oppositum potestatem: at tu, Vincenti, stante prædeterminatione gratiæ, talem proximam potestatem non defendis, cum doceas voluntatem non posse proximè in oppositum, nisi prædeterminatione excussa non ea retenta: ergo nulla ratione potes cum gratia tua efficaci, simul suauitatem Thomisticam adfirmare.

TERTIO: quia (vt infra ex professo ostendam) licet voluntas absque vlla mixtura violentiæ, aliquando possit agere tali necessitate, vt proximè pro illo tunc potens non sit ad oppositum: verbi gratia, quando in patria versatur circa bonum infinitum

Infrà l. 3. c. 1. ied. 4. & 5. ap. pedit.

In epi. stol. ad Petru. pag. 12.

Infrà l. 2. c. 18. per totum.



nitum clarè visum; tamen tali necessitate nequit agere in via circumvallum obiectum cum perfecta aduertentia ipsi propositum, quin semper ipso facto, aliqua violentia & coactio interueniret: ergo cum Vincentius in omni operatione viæ sub efficacis gratiæ tractu, talem necessitatem voluntati assignat, vt proximè pro illo tunc ad oppositum potens non sit; quæ ratione aut fundamento potest coactionis & violentiæ mixturam euadere?

Maneat igitur argumentum hoc ad hominem, omnino efficax: videlicet Vincentium non posse concedere, libertati obesse motionem præternaturalem Suarii, quin pariter teneatur concedere, suam quoque efficaciam gratiæ motionem, eidem libertati obesse,

## CAPVT IX.

Idem assumptum ostenditur alio argumento ad hominem, ex eo quòd Vincentius doceat, non posse Deum iuste imputare peccata, quæ ex necessitate Manichæa committerentur.

**D**OCET INSVPER VINCENTIVS (& bene quidem) Deum non posse iuste imputare peccata, quæ ex necessitate Manichæa committerentur; posse autem, quæ ex concupiscentiæ necessitate ab homine lapsio perpetrantur. Ratio diuersitatis (inquit) est; quia licet anima mala Manichæorum, non cogeret animæ bonæ voluntatem malè agere, impetu & necessitate tali coactina, quali bruta & agentia inanimata à natura in actiones suas propelluntur; tamen quia illa anima mala, naturaliter animæ bonæ dominatur, & nil nisi malum velle potest;

numquam animam bonam aliquid boni velle sinet, sed essentialiter eius libertatem necessariò in aliquod malum semper flectet. Vnde Sanctus Augustinus (prosequitur ipse) hanc malè volendi Manichæam necessitatem etiam naturalem appellat: quia licet non impetu caterorum agentium naturalium agat; tamen à natura malè animæ hominis Manichæi venit: quæ non est ad bonum & malum indifferens, sicut natura creata voluntatis, sed ad malum essentialiter & necessariò determinata. Vnde consequens est, vt Deus ab anima bona nullum actum bonum iuste exigere possit, cuius potestatem liberam & à tyrannide animæ malæ expeditam numquam debet: nemo enim debet quod non accepit: & quisquis debet, cui debet, nisi à quo accepit? At libro tertio capite vigesimo primo de libero arbitrio Sanctus Augustinus. Deus verò à voluntate hominis lapsi opera bona & legis naturæ impletionem iuste exigere potest quia in prima naturæ humanæ institutione plenissimam & liberrimam bene volendi & operandi potestatem ei dedit, quam sua culpa amisit. Vnde iam impotentiam ad bonum inde consecutam, sibi imputare debet.

Eandem rationem quantum ad primam partem de anima mala Manichæa etiam explicat in epistola Prodrōma ad Ricardum; sed breuius. Cum Manichæi (inquit) supponerent animam bonam sub ingo gentis tenebrarum (siue animæ malæ) ab initio sic institutam fuisse; non potest illi imputari tale peccatum, etiamsi necessitate voluntaria, non coactina perpetratum. Nulla enim culpa est, operari secundam suam institutionem.

Hanc Vincentij rationem quantum ad illam partem de necessitate Manichæa, non possum non vtraque manu amplecti; quia verissima est & omnino iuxta mentem Magni Patris Augustini; qui & breuissimè de illa neces-

Epistol  
Prodr.  
ad Ri-  
car. pa-  
g. 24.

In The-  
ria. lib.  
2. ca. 2.  
sect. 2.  
& Sed  
dissimu-  
latur.

necessitate, eandem rationem explanauit libro tertio de Libero Arbitrio capite decimo octauo, loquens de peccatis, quæ homo facit ex necessitate concupiscentiæ, cuius loco Manichæi ponebant animam malam, tamquam alteram partem essentialem hominis cum anima bona. Nam si non est ista (inquit Augustinus) pœna hominis, sed natura (ut scilicet dicebant Manichæi) nulla ista peccata sunt: si enim non receditur ab eo modo, quo naturaliter factus est, ita ut melius esse non possit; ea quæ debet homo, facit, cum hæc facit: & ex consequenti ipsi talia facta imputari nequeunt.

Sed iam iterum ad rem nostram, vide efficax argumentum contra te, Vincenti. Quod namque voluntas, necessitate voluntaria, non coactiua operetur malè; non est sufficiens libertas ad culpam, si hoc faciat secundum suam institutionem, ut hic verissimè concedis in casu Manichæo: ergo a sensu contrario, quod voluntas necessitate voluntaria, non coactiua operetur bene, non est libertas sufficiens ad meritum; si hoc faciat pariter secundum suam institutionem. Consequentia est euidens, cum æqualis libertas requiratur ad actum bonum laudabilem, ac ad actum malum culpabilem. Sed tunc sic subsumo. At voluntas (verbi gratia) amans Deum in Patria necessitate voluntaria, & non coactiua, amat ipsum secundum suam institutionem siquidem amat ipsum (ut supra vidimus) non in quantum voluntas formaliter; sed in quantum natura, ac proinde prout ab authore suo sic instituta ad amorem: ergo non amat libertate insufficienti ad meritum.

Explico hoc. Ideo per te, Vincenti, necessitas Manichæa obest libertati sufficienti ad demeritum, quia

licet voluntaria & non cogens sicut necessitas brutalis; est tamen reuera naturalis, necessario & naturaliter determinata ad malum: ergo (si consequenter loqui velis) teneris fateri, voluntatem non operari libertate sufficienti ad meritum, quotiescumque operatur necessitate reuera naturali, necessario & essentialiter determinata ad bonum: at tali necessitate operatur in amore beatifico, & maximè si illam in suis actibus necessitatem haberet, qualem habet Diuina voluntas in productione Spiritus Sancti; ergo implicat similes necessitates de se esse ad meritum sufficientes. Puto consequentias tenere, & minorem subsumptam probare. Nam in primis, illi actus sunt reuera naturales, ideoque (ut supra etiam vidimus) vocantur à Sancto Thoma instinctus naturales; & dicuntur esse à voluntate, ut natura: rursus inesse animæ ex particulari impressione authoris: quæ omnia indicant, non minùs à natura venire necessitatem talium actuum (à natura bona inquam) quam veniebat necessitas Manichæa à natura mala. Deinde quod sint à principio, necessario, & essentialiter determinato ad bonum; etiam patet: nam voluntas Beati stante visione clara Dei, nulla potestate proxima, antecedente aut consequente, potest in oppositum illius amoris, ut in tota hac disputatione suppono: & saltem de principio productionis Spiritus Sancti, quis Catholicorum audebit negare, illud esse necessario & essentialissimè ad vnum quid determinatum? taliter scilicet ad productionem, ut nullo modo sit indifferens ad negationem productionis? Ergo huiusmodi actus sunt reuera naturales & à principio essentialiter & necessario determinati ad bonum.

Argumentum factum breue est, sed

Supra  
lib. 2. c.  
5. & 6.

Supra  
lib. 2. c.  
5. & 6.

sed rem perpendenti, efficax inuenitur.

Aduerte tamen, quando hic audis, prædictos actus amoris beatifici & spirationis esse naturales: nos non sumere naturale, vt distinguitur contra supernaturale: tali enim sensui naturales minimè sunt: cum potius intrinsecè & quoad substantiam sint in se supernaturales. Summus ergo naturale, vt distinguitur contra liberum, seu prout idem est, ac omne, quod non est ex propria determinatione voluntatis, sed potius ex ipsa rei natura seu essentia, independentè à quacumque voluntatis libera determinatione: quo sensu attributa Dei, licet intrinsecè supernaturalia, dicuntur perfectiones ipsius naturales: & similiter habitus infusi, non obstante eorum intrinseca supernaturalitate, dicuntur perfectiones naturales gratia, vtpote, ex natura seu essentia gratia, ipsi naturalissimè conuenientes ante omnem liberam voluntatis determinationem.

## CAPVT X.

*Idem assumptum ostenditur ab inconuenienti, quia videlicet sequitur ex opinione Vincentij, hominem peccare in eo quod vitare non potest: seu peccare, non faciendo quod facere non potest.*

**A**RGVMENTA etiam ab inconuenienti non desunt, ad opinionem Vincentij improbandā. Vt primum efformemus; supponenda est veritas illius axiomatis omnino inter Theologos recepti, videlicet quod nemo peccat in eo quod vitare non potest. Quod quidem axioma de-

sumptum est ex Augustino libro tertio de libero arbitrio, capite decimo octauo, vbi expressissimis verbis id ipsum tradit. *Quis enim peccat (inquit) in eo quod nullo modo cauere potest?*

Et licet suprà libro primo veritatem hanc à quadam falsa Glossa lansenitarum vindicauerimus; libet tamen in præsentì superaddere, quòd ea ipsa tantæ certitudinis & euidentiæ apud Augustinum sit, vt contrarium velle asserere, dicat esse, summæ iniquitatis & insanitæ. Audi verba eius libro de duabus animabus capite duodecimo. *Peccati reum teneri quemquam, quia non fecit, quod facere non potuit: summæ (inquit) iniquitatis est & insanitæ.*

Et ne hac quidem censura contentus; vult iterum hoc vsque ad eò esse notum & per se manifestum, vt non solum à nemine ignoretur, sed & insuper à toto genere humano canteur & declametur. Considera sententiam, quam eodem libro capite undecimo præmiserat, de hac eadem veritate disserens. *Nonne ista (inquit) cantant & in montibus pastores & in Theatris poete, & indocti in Circulis, & docti in Bibliothecis, & Magistri in Scholis, & Antistites in sacris locis, & in orbe terrarum genus humanum? En ex mente Augustini quàm sit communis, quàm per se nota hæc veritas, quòd scilicet nemo peccat, non faciendo quod facere non potuit; seu (quod in idem redit) quòd nemo peccat in eo quod vitare non potest. cantatur in montibus, cantatur in Theatris, cantatur in Circulis, in Bibliothecis, in Scholis, in Sacris locis, in orbe terrarum vniuerso, passim à Pastoribus, passim à Poetis, passim ab indoctis, à Magistris, à Prælati, à toto denique humano genere. O Vincenti! utinam & à te, non dico cantaretur, sed vel veraciter*

Suprà  
lib. I. c.  
16. §.  
Occurrit  
huic loci

ter saltem admitteretur !

Et certè ratio Theologica suadet hanc communem veritatem efficacissimè. Ea sumitur ex illa sententia Concilij Tridentini, sessione sexta, capite vndecimo, *Deus impossibilia non iubet*. Si namque aliquando contingeret, hominem peccare in eo quod vitare non potest; reuera Deus impossibilia inberet. Cum enim non peccetur, nisi vel omittendo præceptum affirmatiuum, vel committendo aliquid contra præceptum negatiuum; si semel nec commissiōnem nec omisiōnem vitare homo posset; iam præcepti adimpletio esset ipsi impossibilis: & ex consequenti Deus impossibilia præciperet: quod certè est Deum facere non bonum Dominum, sed crudelem Tyrannum.

Repete tamen in memoriam hic, id quod supra etiam annotauimus. Nempe quod homo dicitur aliquid non posse, dupliciter: vel sola impotentia consequente, cum potentia tamen antecedente, vel vtraque impotentia simul tam antecedente, quam consequente. Voco autem potentiam antecedentem, illam quæ est virtus sufficiens per modum actus primi, licet prout sic, nunquam sit coniungenda cum actu. Potentiam verò consequentem, illam quæ insuper est cum actu infallibiliter coniungenda. Axioma ergo in principio adductum, intelligitur de eo quod homo vitare non potest, potentia saltem antecedente; ita vt sensus sit, hominem non peccare in eo, quod saltem potentia antecedente vitare non potest, per virtutem nempe ex se sufficientem per modum actus primi, licet aliàs ipsi desit potentia consequens. Quod ideo dixerim, quia stat hominem in ordine ad aliquid, carere potentia consequente, & nihilominus in omisiōne

vel commissiōne illius peccare; si ex alia parte in ordine ad illud habeat potentiam antecedentem. Patet hoc in homine lapsō, qui in communiōri sententia non potest sine gratia, graui tentationi resistere potentia consequente, & tamen non resistendo peccat, quamuis gratia ipsi desit, quia sine illa potest saltem potentia antecedente. Patet etiam in illo, cui instante aliquo præcepto supernaturali, denegatur auxilium efficax pro adimplentiōne illius: ille talis non adimplendo peccat: quia licet sine auxilio efficaci non possit præceptum adimplere potentia consequente; potest tamen sine illo, potentia antecedente per solum auxilium sufficiens. Vnde si contingeret vtrumque auxilium, tam sufficiens quam efficax denegari, reuera non peccaret: nam denegato sufficienti, non habet potentiam adhuc antecedentem; & sic adimpletio esset ipsi simpliciter impossibilis. Hoc ergo axiomate supposito;

ARGVMENTOR SIC. Sequitur ex opinione Vincentij, hominem in natura lapsa posse peccare, in eo quod vitare non potest, nec potentia consequente, nec antecedente: at hoc est maximum inconueniens, vtpote communi & Catholico axiomati repugnans: ergo. Si negetur sequela, potest clarissimè probari ex doctrina Vincentij: ipse namque tenet, esse sufficientem libertatem ad demeritum, hoc quod est facere aliquid, voluntate intellectuali seu ex perfecto iudicio rationis, licet cum tali necessitate, qualis conspicitur in amore beatifico, vbi nulla est ad oppositum potentia, nec antecedens nec consequens, vt modò suppono: ergo consequenter tenetur dicere, hominem posse peccare, etiam omni potestate non peccandi destitutum, per hoc præcisè, quod voluntariè

Suprà  
lib. 2.  
c. 2. §.  
Quartus  
de virt.  
mò.

tariè omitteret vel committeret.

Et reuera sic de facto docet in Theriaca: asserens hominem in natura lapsa, *omni gratia destitutum*, tam sufficienti nempe quam efficaci, adhuc remanere subiectum omnibus legibus sui Conditoris, sicut eisdem subiectus erat in natura integra: certum autem est, inter ceteras leges, aliquas esse supernaturales, quas proinde sine omni gratia, non potest homo adimplere nec potentia antecedente nec consequente. Fatetur ergo, de facto illum obligari ad nonnulla, quæ ipsi pro presenti statu sunt observatu impossibilia, & ex consequenti peccare in eo, quod modo vitare non potest, nec potentia consequente nec antecedente.

Quibus adiunge stultissimum illud dogma Iansenij, tomo secundo, libro secundo, capite secundo, nempe hominem peccare, non faciendo legem, quam etiam innuincibiliter ignorat. In quo pariter casu manifestè ponitur, ipsum peccare sine vlla prorsus potentia ad peccatum vitandum.

Sed his non obstantibus, videamus quid Vincentius possit respondere.

**FORTE IN FAVOREM** ipsius, negabit quis sequelam: iuxta id quod alibi docet, nempe hominem omni gratia destitutum liberè adhuc peccare libertate contradictionis. *Sic enim peccat* (inquit in Theriaca) *ut possit ipso facto non peccare, hoc peccatum scilicet, peccando tamen aliud: ut quando tentatus ad libidinem ex vana gloria fornicari omittit.* In quo casu etiam iuxta principia Thomistica, homo ille ubique omni gratia, verè adimpler præceptum non fornicandi quoad substantiam, licet ex motivo inhonesto: sicut verè adimplet præceptum elemosynæ, qui illam indigentem elargitur ex motivo vanitatis. Vnde quando idem ille homo de facto fornicaretur, taliter illud pecca-

tum committeret, ut reuera illud vitare posset, illud (inquam) in particulari, licet committeret necessariò aliud. Non ergo ex eius opinione sequitur hominem peccare in eo quod vitare non potest.

**SED HÆC SOLVITIO** in primis falsa est, & deinde minimè ad rem. Falsa quidem propter duo.

Primò: quia supponit hominem in natura lapsa non aliter posse sine gratia resistere tentationi, quam ex motivo inhonesto, seu committendo necessariò aliud peccatum; quod vniuersaliter verum non est. Nam (ut ostendunt nostri Thomistæ Primæ Secundæ, quæstione centesima nona, articulo secundo & tertio) vel tentatio est levis, vel gravis: si levis, potest homo lapsus, etiam omni gratia destitutus, resistere, nedum ex motivo inhonesto; sed etiam ex motivo honesto naturali, nedum potentia antecedente; sed etiam consequente. Si autem sit gravis, licet illi sine omni gratia ex motivo honesto resistere nequeat potentia consequente, vera tamen sententia tenet, posse potentia saltem antecedente. Ergo falsum est hominem in natura lapsa, & omni gratia destitutum non posse aliter tentationem euadere, quam ex motivo inhonesto seu committendo aliud peccatum.

Secundò: quia etiam supponit liberum arbitrium in natura lapsa ex proprijs viribus ad nil valere nisi ad peccandum, sicque hominem, quantumvis fidelem, non posse virtute naturali aliquod opus bonum morale facere; sed potius habere necessitatem hic & nunc peccandi in omni suo opere, aliquo saltem peccato in genere, si ex sola virtute liberi arbitrij ponatur operari: quæ omnia qualiter damnata sint in Bulla Pij Quinti contra Baium; licet non sit præsentis instituti examinare, hoc tamen

unicum scito, apertissime pugnare cum doctrina Sancti Thomæ, dum Secunda Secundæ, quæstione decima, articulo quarto etiam de ipsis infidelibus docet, quod talem necessitatem non habeant his verbis. *Manifestum est quod infideles.... bona opera, ad quæ sufficit bonum nature, aliquantulum operari possunt. Unde non oportet quod in omni suo opere peccent.*

Deinde etiam solutio non est ad rem: nam non liberat opinionem Vincentij ab inconuenienti illato, absolutè & simpliciter; sed ad summum in aliquo casu particulari (verbi gratia) instante obligatione alicuius præcepti negatiui vel affirmatiui naturalis. In quo casu esto admitteretur, Vincentium sufficienter saluare potestatem vitandi peccatum modo dicto, nempe committendo aliud; tamen hoc effugium locum non habet in alijs casibus: videlicet quando instat obligatio alicuius præcepti affirmatiui supernaturalis (verbi gratia) de diligendo Deum auctoritate gratiæ: hoc enim præceptum nequit aliter adimpleri, quam ponendo determinatè actum supernaturalis amoris: quem etiam homo omni gratia sufficienti destitutus ponere non potest, nec potentia consequente nec antecedente, vt contra Pelagium tenent omnes Catholici: & tamen Vincentius fatetur hominem sic destitutum peccare, si illum actum præcepti non ponat: ergo tenetur concedere in tali casu peccare, non faciendo id quod tamen facere non potest, nec potentia consequente nec antecedente, quidquid sit de altero casu quem adducebat solutio.

HANC DIFFICULTATEM vidit & notauit Antesignanus Vincentij Cornelius Ianſenius, camque contra se in fauorem nostrum his verbis vult. *Sed maior in affirmatiuis præceptis adimplendis difficultas est. Cum*

*enim libertate boni faciendi infideles exerceant. Quo pacto erit vitandum peccatum illud, quod committitur in transgressione seu omissione, non dico moraliū officiorum miserendi pauperis, honorandi parentes.... sed in transgressione illius præcepti affirmatiui, quo iubetur credere ac diligere Deum, ipsaq; officia bona quæ faciunt, ad finem illum bonæ fidei intentione retorquere? Neque enim hic dici potest, illud peccatum alio peccato possit vitari. Quidquid enim boni fecerit, idem peccatum omissionis aduersus idem præceptum perpetrabitur. Imò verò quid faciet, cum idem præceptum diligendi Dei per se ipsum obligabit? Neque enim existimandum est, ad vltimum finem expectandum & ad illud primum principium se referendum, nullius præcepti vinculo creaturam rationalem astringi: cum potius vis eius sit perpetua & in omnes actus directione atque dilectione voluntatis eo referendos exseratur. Hic voluntas suapte infirmitate in faciendis deficit: gratia qua facere possit, caret: quo se vterit? Hoc laqueo (concludit) stringi se sentientes recentiores aliqui, per portam patentissimam gratiæ sufficientis exierunt: quam omnibus hominibus ad præcepta faciendâ Deum impertiri, non profecto & primis gratiæ defensoribus inaudito dogmate constituunt.*

Sic urget contra se Ianſenius, & eisdem ego contra ipsum urgeo. Imò nisi & ipse per portam illam patentissimam gratiæ sufficientis exire hic conetur, quam Deus omnibus hominibus vel de facto impertiat, vel saltem absque noxa hominis culpa impertiri paratus sit, tempore quo præceptum super naturale obligat, profecto alteram quandam portam omnino damnabilem, nempe Manichæismi intrare compellitur. Quod & sic probetur.

Nam (vt supra libro primo ex Sancto Thoma ostendimus) cum Ma-



Manichæo negat libertatem arbitrij, quisquis talem necessitatem peccandi ponit, ut non possit homo sine gratia hic & nunc in individuo hoc numero peccatum vlllo modo vitare: talis namque necessitas, non solum est necessitas peccandi vagè seu aliquando, sicut nos ponimus: nec solum est necessitas committendi hic & nunc aliquod peccatum in genere, sicut ponebat prima solutio: quæ duæ necessitates admittunt secum indifferentiam exercitij; sed est necessitas omnino absoluta omnem indifferentiam, etiam exercitij excludens: quam ipsemet Iansenius ab Ecclesia damnatam profitetur, quando hanc propositionem proscripsit, *homo peccat etiam damnabiliter in eo quod necessario facit.* At in casu nostro huiusmodi necessitatem peccandi contrarij admittere tenetur: siquidem in instanti quo obligat præceptum supernaturalis dilectionis, nulla via restat homini destituto omni gratia, qua illud numero peccatum omissionis in individuo vitare possit. Ergo portam damnabilem Manichæismi intrare compelluntur. Minor ista iuxta contrariorum principia patet euidenter. Nam (ut ipsi volunt) non sufficit ad peccatum, illud omissionis vitandum, quod homo non apponat obicem noui peccati, ut nos infra sufficere ostendemus; sed expressè requirunt, quod ponat actum ipsum præceptum supernaturalis dilectionis: cum igitur istum, omni gratia sufficienti destitutus, ponere nequeat, ut est de fide contra Pelagium; sequitur manifestè, quod taliter hic & nunc illud numero peccatum omissionis incurrat, ut idipsum in individuo nullo modo vitare possit.

AST RESPONDET Iansenius, adhuc in isto casu indifferentiam subsistere: quod & sic declarat. Nam il-

le homo (inquit) tali præcepto dilectionis obligatus; alterutrum sine gratia facturus est, ut vel Deum diligat, vel non diligat. Si diligit, sub ratione boni privati Deum diligit, Deum ad se, non se ad Deum velut vltimum finem retorquendo. . . . Quod si nolit diligere Deum, hoc ipsum faciet sub ratione boni creati ac proprii, quod in omnibus actionibus & omissionibus velut vltimum intuetur. . . . Quapropter vtrobi- que est libertas seu indifferentia quantum ad exercitium respectu duorum illorum actuum volendi & nolendi, seu etiam non volendi diligere Deum, quantumvis vterque fiat sub ratione boni creati & privati, quod voluntas immobiliter in vtroque respicit, & ita vterque sit necessarius, quantum ad specificationem seu contrarietatem & vterque malus. . . . Quo sane modo & Beatus liber est ad quemcumque actum vel faciendum vel omittendum. Vtrumvis enim fecerit, sub ratione boni Diuini faciet, & ita necessario operabitur, quantum ad specificationem, libere quantum ad exercitium.

Ianseni videris mihi hic potius de Troiano Bello disserere, quam ad rem loqui. Amice Lector, argumentum factum non petit assignari indifferentiam respectu huius quod est diligere Deum vtrumque & non diligere Deum vtrumque; sed respectu huius, quod est hic & nunc vitare, peccatum illud omissionis contra præceptum affirmatiuum dilectionis supernaturalis: vtrum nempe homo omni gratia destitutus, taliter hic & nunc illud incurrat, ut possit hic & nunc non incurtere, seu peccatum illud vitare: cum ergo argumentum factum euidentissime conuincat, tali necessitate idipsum incurri, ut hic & nunc nequeat non incurri, seu vitari, omnino in suo robore manet: licet alias assignetur indifferentia aliqua penes posse vtrumque di-

Tomo  
2. l. 4 c.  
25. pag  
666.

Infial.  
A C. 16.  
5. Ter  
Iani Ians-  
dam.

Iansen.  
10. 2. c.  
24. p.  
11.

diligere & non diligere.

Explico hoc. Fateor hominem omni gratia destitutum, Deum utrumque posse diligere & non diligere, nempe sub ratione boni privati semper, siue diligit, siue non diligit. Sed quid hoc ad rem? Quæro, euadetur peccatum omissionis, diligendo Deum taliter? Verbi gratia, sub ratione boni privati? Dicit Iansenius, quod non, cum illa dilectio sit peccaminosa. Euadetur ergo non diligendo, referendo etiam omissionem ab bonum suum privatum? Dicit iterum Iansenius quod non: cum & illa omisio seu non dilectio sit peccaminosa. Qua ergo via euadet, aut euadere poterit peccatum illud omissionis oppositum præcepto dilectionis supernaturalis? Profecto nulla via, ratione nulla, nullo modo: cum quidquid voluit, fecerit & qualitercumque fecerit, quidquid non fecerit, & qualitercumque non fecerit, semper maneat necessitata hic & nunc ad hoc numero peccatum omissionis, pro instanti quo dilectio supernaturalis obligat. Habet quidem indifferentiam ad vestigandum illud peccatum hoc vel illo motiuo turpi; sed ista indifferentia motiuorum (ut euident est) nullam indifferentiam ponit, quoad hoc numero peccatum quantum ad suam substantiam: quandoquidem sub quocumque motiuo se verterit voluntas, semper ad hoc numero peccatum omissionis, quantum ad substantiam perpetrandum necessitata maneat. Quia ratione etiam illi Scholastici, qui Christo solum concedunt indifferentiam ad non moriendum ex hoc vel illo motiuo: ingenuè etiam fatentur, se nullam indifferentiam ipsi concedere respectu mortis quo ad substantiam.

Et per hoc etiam patet, quod illud alterum de libertate Beatorum,

minimè sit ad rem. Illi enim ad nullum actum hic & nunc sic necessitantur, nisi ad amorem Diuinæ bonitatis secundum se: reliquos omnes possunt facere & non facere, non solum ex hoc vel illo motiuo, sed etiam absolute & quoad substantiam.

Hæc ergo est porta Manichæismi, quam intrare cogitur, quisquis portam gratiæ sufficientis modo à nobis explicato, præcludere conatur. Ut namque probatum manet, sequitur necessitas absoluta incurrendi hic & nunc in hoc numero peccatum.

QVAPROPTER SI ITERVM aliter respondeatur (ut in eodem loco Thériacæ Vincentius insinuat & etiam alibi Iansenius) adhuc in illo casu, actum supernaturalis dilectionis esse reuera in potestate hominis, supposito tamen Diuino auxilio, sicque non esse simpliciter impossibile, vitare illud peccatum omissionis contra huiusmodi præceptum. Ut namque docet Diuus Thomas Prima Secundæ, quæstione centesima nona, articulo quarto ad Secundum: *Illud quod possumus cum auxilio Diuino, non est nobis omnino impossibile, secundum illud Philosophi, Tertio Ethicorum, quæ per amicos possumus, per nos possumus.*

Si (inquam) sic respondeatur; in contra iterum est, quod nec hoc vllò modo Vincentium iuvare potest: nam licet actus supernaturalis præcepti, reuera sit in potestate hominis, mediante Diuino auxilio (intellege de sufficienti) quando illud instante præcepto, homo actu habet: vel saltem Deus paratus est, absque noua hominis culpa illud tunc conferre, qualiter Diuus Thomas loquitur, iuxta illud eius dictum Tertio contra gentes, capite centesimo quinquagesimo nono: *Deus quantum in se est, paratus est omnibus gratiam dare.*

In Theria, ubi supra.

Iansen. to. 3. li. 3. c. 13. in principio & in fine.

dare. Et iuxta illud Leonis Papæ, sermone centesimo decimo sexto, *in-*  
*esse nobis instat præcepto, qui præcurrit*  
*auxilio*; tamen nullo modo dicendus  
est, esse in potestate hominis, in  
casu quo nec actu illud auxilium ha-  
bet, nec Deus paratus sit illi dare;  
qualiter modò in natura lapsa mul-  
titudes contingere docet Vincentius.  
Vult enim hominem in natura lap-  
sa supernaturalibus præceptis inex-  
cusabiliter obligari, & tamen non  
solum actu non habere auxilium suf-  
ficiens, sed nec Deum paratum esse  
ad illi dandum: eo quod post natu-  
ræ lapsum à continuâ (vt ipse ait) gra-  
tiæ sufficientis assistentiâ decidimus. Er-  
go nullo modo saluare potest, in casu  
quo ipse loquitur, de homine scili-  
cet omni gratia destituto, actum su-  
pernaturalis præcepti esse in potesta-  
te ipsius, adhuc mediante Diuino  
auxilio.

Explico hoc. In tantum dicitur  
quis posse per seipsum, ea quæ potest  
per alium, in quantum ille alius est  
eius amicus: & rursus in tantum est  
eius amicus, in quantum paratus est  
illi de facultatibus suis conferre, &  
adiutorium præstare tempore neces-  
sitatis: quomodo enim amicus meus  
erit, aut vt amicum se geret, qui de  
facultatibus suis, nec adiutorium  
mihi præstat, nec præstare paratus  
est? Ergo in casu quo Deus, non so-  
lum mihi non dat suæ gratiæ auxi-  
lium, sed nec paratus sit dare (vt  
Vincentius fatetur) nequit verificari,  
me per ipsum, vt per amicum posse:  
& cum alias etiam non possim ex me  
ipso, vt suppono; sequitur manife-  
ste, me modo obligari ad aliquid,  
quod modò non possum ex meipso,  
nec per Deum, quod est obligari ad  
impossibile simpliciter pro præsentis  
statu.

HIS omnibus non obstantibus,  
videtur adhuc alijs vocibus velle

euadere Iansenius. Respondetur (in-  
quit) præcepta Dei esse homini possibi-  
lia seu posse ab homine fieri, & conse-  
quenter hominem ea posse facere. Pro-  
fecto vera locutio, verba Catholica,  
sed audiamus quid de re ipse sentiat.  
Etenim (prosequitur) si iam iustifica-  
tus est, habet charitatem seu bonam vo-  
luntatem, per quam Deum diligere &  
consequenter totam legem implere po-  
test. Plenitudo enim legis, dilectio (in-  
quit Apostolus) Si autem fidelis quidem,  
sed nondum iustificatus est, habet aliquid  
bonæ voluntatis, quatenus credit, nam  
ubi est initium fidei, est etiam initium  
bonæ, hoc est piæ voluntatis: per hanc  
autem potest mundari, potest vberius  
auxilium innocare & consequenter re-  
cte pièque viuere. Quod si etiam fide  
Christi caret, habet liberum voluntatis  
arbitrium, per quod, vt carni titillanti,  
ita & Spiritui illuminanti consentire,  
vti peccare, ita & recte viuere potest.  
Quocumque verò possibilitatis modo ex  
illis tribus quos iam diximus, homo possit  
præcepta Dei facere, & si alio modo  
proximè non possit, satis est, vt si non se-  
cerit, sit inexcusabilis. En ex mento  
proprii authoris, quid rei subit ver-  
bis illis Catholicis, quibus tam con-  
fidenter dixerat, præcepta Dei esse ho-  
mini possibilia.

D I C O ea omnia omnino esse  
extra propositum, & difficultati  
nostræ nec vel in minimo puncto sa-  
tisfacere. Questio quæ contra te  
est, Iansen; non est de homine ha-  
bente iam illa dona, verbi gratia,  
formam iustificantem, aut etiam  
gratiam fidei; sed de homine sic de-  
stituto, cui Deus nec dat illa dona,  
nec illa aut quodcumque aliud su-  
pernaturale dare paratus est, vt vos  
in natura lapsa contingere docetis.  
Illene sic destitutus, habet potesta-  
tem? Illinc in tali statu, sunt præ-  
cepta supernaturalia possibilia? Ille  
exclusis prædictis, habetne aliquid

K aliud,

aliud, quam meram nudamque liberi facultatem arbitrij? Et quæ quæso potestas libero arbitrio sic nudè considerato inest, respectu supernaturalium præceptorum? An nè vlla alia quam vaena quædam capacitas seu potentia obedientialis, quæ potestatem à Deo recipere potest, si Deus illam dare voluerit? Quod si hæc ad inexcusabilem obligationem sufficit, dicas pariter Deum mihi iustissimè posse præcipere volatum, etiam in casu quo nec alas dat, nec dare vlllo modo paratus sit. Sequela est euentissima: nam non minus est in me potentia obedientialis ad alas à Deo recipiendas, si Deus dare voluerit; quam sit respectu donorum supernaturalium ad illa recipienda, si Deus quoque dare voluerit. Quis verò Catholicorum hoc vel simile delirium vnquam cogitauit? Quis doctrinam Christianam, hoc vnquam opprobrio asperxit, vt dixerit perinde esse, mihi dilectionem supernaturalem præcipi, ac præcipi volatum?

Si forte dicatur, disparem esse casum, quia Deus numquam alas homini promisit aut promittit, nec eas citra miraculum conferre potest, potestatem autem sua præcepta seruandi, & promisit & continuo promittit & citra vllum miraculum aliquando dat & dare potest.

Si inquam sic dicatur; disparitatem profecto agnosco, sed qualiter ad rem sit, non video. Nonne quod Deus ista dona promiserit & promittat, voluntati meæ omnino extrinsecum est? Nonne & illud alterum æquè extrinsecum, quòd illa citra miraculum dare possit? quomodo ergo his omnibus impotentia mea iueatur, si ex altera parte nihil horum Deus de facto mihi confert nec conferre paratus est?

Imo ex ipsa promissione, sic res-

pondentem redarguo: nam si Deus homini dona sua verè promittit, ergo signum est, quòd Deus illa dare paratus sit, si per hominem non steterit: quomodo enim verè promittit, qui promissi conferendi quantum in se est, paratam voluntatem non habet? Iansenitæ nummos centum vobis promitto, sed hoc etiam scito, quòd parata voluntas illos dandi, longè à me sit, etiam absque omni culpa vestra; nonne quisque sanamentis, me sic promittentem, Iansenitas dicet illudere? Quid ergo? Sicne ridendæ erunt promissiones diuinæ? Absit: venerandæ sunt, suscipiendæ sunt, quia veræ sunt, quia Deus, si per nos non steterit, promissi conferendi paratissimam habet voluntatem.

PRÆTEREA IANSENIVS expressè fatetur, impotentiam illius qui caret breuiario ad horas, quas ignorat, recitandas, & illius qui caret rebus temporalibus ad largiendam elemosynam à præcepti obligatione excusare: & assignans rationem, in huiusmodi.... (inquit) non est culpa voluntatis quòd non fiat, sed pura inopia potestatis: & sic eo ipso vel præceptum extinguitur, vel certè ad illud implendum, is cui præcipitur, non amplius obligatus est. At pariter in casu nostro, quo homini destituito omni gratia præcipitur dilectio supernaturalis; quòd non diligat, non est culpa voluntatis, sed puta inopia potestatis, cum tam sit inops potestatis ad diligendum, quàm ille alter inops diuitiarum ad elargiendum; ergo vel propriam vocem ignorat, vel pari ratione tenetur fateri, istum quoque à dilectione supernaturali excludi.

Sed instat & ait, impotentiam alterius ad elargiendum, esse ex defectu alicuius, quòd non potest quantumlibet magna voluntate, hoc est quantumli-

Iansen.  
vbi su  
præcol.  
141.

bet

Iansen.  
vbi. 1.  
col. 344

bet fortiter volendo, suppleri: impotentiam vero diuina mandata seruandi esse vice versa ex defectu alicuius quod ipsa voluntate suppleri potest, velint enim homines (inquit) pleneque velint, mox implebuntur: si autem nolint, ideoque non possint, quis nisi nolentibus vitio vertat duritiam inique voluntatis secutumque defectum potestatis?

Iansenius, dico iterum, te hic non nisi verbis ludere. Dic mihi: de qua voluntate disseris, quando ais impotentiam hanc esse ex defectu alicuius, quod potest ipsa voluntate suppleri? Nonne sermo est, de voluntate omni gratia tam sufficienti quam efficaci destituta, ac proinde de voluntate purè considerata secundum vim suam volendi naturalem, qualem & non aliam pro tali statu destitutionis homo ille habet? Certè de illa sermo esse debet, vel ad rem non loqueris, cum illam & non aliam Scholastici tibi obijciant. Edissere ergo, qualiter huiusmodi voluntas, quæ penes se nullum alium thesaurum habet, quam facultatem suam naturalem, possit requisitum istud gratiæ sufficientis ad diligendum, supplere? Poteritne vel vilo saltem modo volendi ex omnibus volendi modis, quos pro tali statu penes se habet? Certè non poterit, quantumvis fortiter se exserat in omnes modos volendi simul, quos pro illo statu in thesauris suis habet aut etiam habere potest: cum enim singuli seorsim & omnes simul, non sint nisi modi volendi purè naturales, implicatio est, quod vel vilo illorum vel omnibus simul, dilectionem supernaturalem impleat vel implere possit. Qua ergo veritate dicis, defectum huiusmodi, tam misera tamque impotenti voluntate posse suppleri? Si non nisi volitiones naturales pro illo statu est potens elicere, & ex ipsa quantum-

vis in illo ordine fortissima, sint adhuc pro dilectione insufficientes, quæ via mihi obtrudis, per illas dilectionem posse præstare? Fateor quidem præstare posse, sed non nisi per volitiones supernaturales, aut vires ad sic volendum, à Deo conferendas: quas cum tali voluntati de facto non conferat, nec etiam conferre paratus sit, sequitur eidentissime, calu quo ipsa non diligit, non esse culpam voluntatis; sed puram inopiam potestatis. Vnde & fit, quod perperam omnino a te dicatur, voluntatem istam non posse diligere, quia non vult: dici namque debet, ideo non velle, ideo non diligere, quia non potest nec velle nec diligere, tali volitione aut dilectione, qualis præcipitur. Vt ergo culpa in voluntate adstruatur, dicendum est (sicut nos diximus) potestatem in ipsa debere præsupponi per auxilium sufficientis, vel actu receptum, vel saltem de communi lege paratum.

Quod & amplius libet confirmare ex quadam doctrina Diui Thomæ tertia parte, questione octuagesima septima, articulo primo ad Primum, vbi sic loquitur. *Ad primum dicendum quod homo in gratia constitutus, potest vitare omnia peccata mortalia & singula: potest etiam vitare singula peccata venialia: sed non omnia, ut patet ex his que in secunda parte dicta sunt: & ideo penitentia de peccatis mortalibus requirit, quod homo præponat abstinere ab omnibus & singulis peccatis mortalibus; sed ad penitentiam peccatorum venialium, requiritur quod homo proponat abstinere à singulis, non tamen ab omnibus: quia hoc infirmitas huius vite non patitur.* Ex qua doctrina sic arguamur. Secundum Diuum Thomam tenetur homo ad habendum propositum abstinendi ab omnibus mortalibus collectivè, non verò abstinendi collectivè ab omnibus venialibus.

nialibus, quia primum est ei impossibile per gratiam de communi lege paratam; secundum autem non; licet aliàs ei possibile sit per gratiam specialissimi privilegij, quam Deus ipsi (si placuerit) conferre potest, sicut de factò contulit Dux Virgini. Ergo sentit manifestè ad nullum præceptum teneri, nisi ponatur ipsi esse possibile saltem per gratiam de communi lege paratam: ac proinde non sufficere ad inexcusabilem obligationem, id quod dicit Iansenius (verbi gratia) quòd habeat liberum voluntatis arbitrium cum naturali capacitate ad vires à Deo utcumque recipiendas. Patet sequela, quia, cum huiusmodi omnia, etiam habeat respectu abstinentiæ ab omnibus venialibus collectiue; indubiè ad simile propositum abstinendi teneretur. Quod contra Angelicum. Præceptorem apertè militat; imò & contra communem còsensum Theologorum, qui (ut videre est Secunda Secundæ, quæstione octuagesima octava, articulo secundo) hac ratione docent, votum nunquam peccandi venialiter, inualidum esse, quia est de re moraliter impossibili, non solum per naturam; verum & per gratiam de lege ordinaria paratam. Unde omnino fatendum est, Deum hominibus præcipientem, minime ipsis sua gratia sufficiente deesse, quæ possint illa, quæ præcepta sunt, præstare & exequi.

Nec valet, Iansenius ille definitivus clamor; *Si dicas, habent semper præstò sufficientem gratiam, quæ possint, sexcentis Augustini locis torq; molè doctrinæ ipsius, adeoque & ipsi Ecclesiæ, quæ docet ac monet, eos petere quod non possunt, repugnabis. Si enim iam gratiam quæ possint, habent; stultum est petere, quasi non haberent.*

Non (inquam) valet, nam quæ facilitate sic clamas, eadem & con-

temneris, Vellem vel unum locum Augustini mihi ostendi, qui iuxta principia Thomistica non habeat verissimam, planissimam, securissimamque interpretationem. Illud autem quod objicis de Ecclesiâ, quæ nos monet petere quod non possumus, infra libro quarto explicabitur. Alterum verò; *quia si iam gratiam quæ possint, habent; stultum est petere, quasi non haberent*, puerile omnino est: nam vel loqueris de gratia sufficiente, quam iam actu in se receperint; vel de illa, prout solum ex parte Dei parata: si de actu recepta; fateor quòd necesse non habent, eam petere; sed potiùs gratias pro recepta agere: habent tamen necesse petere ulteriorem efficacem, ut nempe possint etiam potentia consequente, quod per solam sufficientem tantum poterant potentia antecedente. Si verò loquaris de illa gratia, prout ex parte Dei parata; utique prout sic necesse habent eandem petere; non ut parata sit, quæ parata est; sed ut de factò detur: potest namque non dari, si homo (verbi gratia) novi peccati obicem poneret.

Hæc omnia Iansenitæ, vera sunt, & Catholicæ Augustini doctrinæ còformia: ita ut consequens omnino sit, fallam quoque esse secundam illam solutionem, quæ superius dicebatur, possibile esse homini præcepta, supposito tamen Divino auxilio: hoc enim (ut iam ostensum est) in tali sensu asseritis, ut minime uueat ad obiectiōis nostræ nodum dissolvendum.

QUAPROPTER NULLA ALIA via respondendi vobis reitat, quam concedendo sequelam argumenti iacti; videlicet hominem in casu posito peccare, non faciendo id, quod facere non potest: ceterum asserendo illud non esse inconueniens propter hanc rationem: quia, nempe,

Iansen.  
10 §. li.  
3. c. 14.  
col. 330

Trin. 1.  
scilicet 6. c.  
11.

Iustit.  
4 c. 16  
in fine.



nempe, licet Deus præcipere nequeat quod est impossibile impotentia homini inuoluntaria, qualiter præcipisset primo homini ante peccatum, si auxilium sufficiens non dedisset; potest tamen præcipere, quod est impossibile impotentia homini voluntaria: qualiter modò nobis in natura lapsa præcipit, licet auxilia sufficientia non det, nec dare amplius paratus sit: nam quòd modo præcepta eius adimplere non possumus defectu auxilij sufficientis, hoc nobis voluntarium est, scilicet in capite, ratione culpæ originalis: ex qua ista impotentia iustissimè fuit relicta. Et sic non obstante prædicta impotentia extare potest inexcusabilis obligatio, præcepta adimplendi. Sic docet alibi Iansenius & etiam Vincentius varijs in locis suæ Theriacæ, ex quibus hunc commemorare libet. *Imputabilitas* (inquit) *in culpam & culpæ cognatam penam; si non ex perfectissima ad operandum iam bonum libertate (qualis fuit in Adamo) nascatur; debet saltem ex simili, qua fuerit olim libertate, originem ducere, ut natura peccans sibi ipsi meritò imputare possit, quòd iam malè agat: cum olim integram bene agendi à Conditoris potestatem accepit, quam sua culpa amisit. Aliàs Conditor nimis durus, nec Dominus, sed tyrannus creaturæ rationalis, suæq; imaginis esset. Saluat igitur in tantum nobis omissiones præceptorum imputari, licet modò nullum adimplere possimus; quia hoc quod est modò nos non posse, voluntarium nobis fuit voluntate Adami, in qua omnes acceptam semel potestatem præcepta faciendi, sponte & nostra culpa perdidimus.*

O solutionem longè duriores, omnino inordinatas, & infinitæ Dei bonitati totanter auersantem! Eam in terminis tradidit Calvinus (ut infra libro quinto ostendam) & noster

doctissimus Victorius illam ut parum Catholicam rejicit, & ut talem meritò rejiciendam esse; lubet multis demonstrare: pro quo caput sequens instituo.

## CAPVT XL

*Redarguitur solutio, qua Vincentius dicit, ad imputabilitatem peccati sufficere, nos potentiam illud vitandi, in Adamo habuisse, & in eodem, sponte perdidisse.*

**V**OLUNTARIUM in capite ad rationem peccati personalis non sufficere, potest multis, euidentissimisq; argumentis conuinci. Eatali ordine proferam, ut primò non nisi ipsum Augustinum, deinde non nisi Thomam Aquinatem sim recitaturus. Quid quæso hac in parte, contentitis Iansenitæ? Antiquitus mille & mille in errorem redacti sunt, non potentes intelligere aut vilo modo capere, qualiter voluntarium in capite sufficeret in paruulis ad culpam originis; & vultis vos modò vestris definitionibus persuadere, quòd huiusmodi voluntarium sufficiat etiam ad culpam personæ, seu ad hic & nunc peccandum personalliter? Perpendite ergo, ut ab errore vestro resipiscatis, quanta luce hoc in dogmate pugnet contra vos Augustinus.

PRIMO: quia hæc sunt expressa, eius verba libro tertio de libero arbitrio, capite decimo octauo. *Quæcumque ista causa est voluntatis, si non potest ei resisti, sine peccato ei ceditur.* In quo loco Sanctissimus Doctor (ut legenti textum patebit) de causis ex peccato originali relictis & nos incitantibus ad peccatum, sermonem facit:

K 3 quæ

Iansen.  
to. 1. c.  
14. col.  
331.

In The  
ria. lib.  
2. ca. 3.  
sect. 3.  
5. Mani  
cheorum  
vero.

Infrà l.  
5. p. 24.

quæ proinde causæ nobis voluntariæ sunt voluntarietate capitis: & tamen asserit, si tales sunt, ut eis resisti non possit, eis cedere; peccatum non esse: ergo manifestè sentit, solum voluntarium in capite ad imputabilitatem & inexcusabilem obligationem non sufficere, sed insuper requiri potestatem, quæ tali causæ personaliter resisti possit. Ac proinde quamvis carentia auxilij sufficientis, ex qua necesse est, præceptum non adimplere, sit nobis ratione culpæ originalis voluntaria in capite; dicendum tamen erit, iuxta mentem Augustini hoc non sufficere, ut non adimpletio, tamquam peccatum personale imputetur: siquidem illam carentiam seu defectum (casu quo nobis propter solum originale inest) personaliter repellere non possumus.

**SECUNDO** pondero alium locum eiusdem ex libro de correptione & gratia, capite undecimo: ubi loquens de primo homine & de auxilio sufficienti ipsi collato, sic discursit. *Si autem hoc adiutorium vel Angelo vel primo homini, cum primum facti sunt, defuisset; quoniam non talis natura facta erat, ut sine adiutorio divino posset manere si vellet, non utique sua culpa cecidissent: adiutorium quippe defuisset, sine quo manere non possent. Nunc autem quibus deest tale adiutorium, iam pena peccati est.* In quo loco Augustinus adinvicem contraponit, ex una parte Adamum in casu quo ipsi defuisset auxilium sufficiens, & ex alia homines, quibus modo idem auxilium deest. Sed ponderandum est, quòd in hac contrapositione non continuò asserit, de huiusmodi hominibus, id quod negauerat de Adamo: videlicet illos modò sua culpa cadere, quamvis auxilium ipsis deest, ubi tamen prius homo sua culpa non cecidisset, si auxilium de-

fuisse: non (inquam) hoc asserat, nec in eo contrapositionem facit, sed præcisè in hoc, quòd Adamus sine culpa cecidisset, si adiutorium defuisset (quia scilicet necdum culpa aliqua præcesserat) nunc autem quibus deest, iustissime deest in poenam saltem peccati originalis, quòd modo supponitur præcessisse: ita ut loquens de hominibus cautè terminos mutet, non dicens: *nunc autem sua culpa cadunt*, sed, *nunc autem quibus deest tale adiutorium, iam pena peccati est.* Quasi apertè volens, non quòd sua culpa cadant, quibus modò deest; sed solum, quibus deest, iustissime in poenam deest. Ergo mens Augustini est, illos homines in natura lapsa à nova culpa excusare, licet alias carentiæ auxilij tamquam iustæ pænæ eos subijciat. Probo istam consequentiam; nam si sentiret, negato etiam auxilio, novam culpam ab ipsis committi; poterat sanè terminos significatiuos culpe, à quibus discursum de Adamo inceperat, etiam ipsis hominibus applicare, dicendo ipsos sua culpa cadere, etsi auxilium deest, minimè autem Adamum, si defuisset; quòd certè non fecit, sed huiusmodi terminos, loquens de hominibus, in terminos solius pænæ commutavit. Ergo signum evidens est, quòd illos à culpa personali excuset; licet non à pœna, in casu quo auxilium sufficiens illis propter solum originale deest. Itaque lansemita, secundum Augustinum, & secundum doctrinam nostram, si casus sit, quòd mihi auxilium sufficiens propter solum originale deest, & ex defectu eius impotens sim ad præceptum adimplendum; non adimplendo; non cado, non pecco, non culpam aliquam committo, sed tantum pœna est, quòd auxilio caream, sicut & pœna quædam est, non peccatum, ipsa non adimpletio ex tali

carentia necessario subsequuta.

TERTIO id ipsum evidentissime patet ex epistola centesima quinta. Ipsa ignorantia (inquit) in eis qui intelligere noluerunt, sine dubitatione peccatum est, in eis autem qui non potuerunt (defectu scilicet auxilij sufficientis, quod ad posse datur) *pœna peccati*. Doct̃or Sanctissime, Iansenite docent quod etiam in eis, qui intelligere seu credere non potuerunt, ipsa ignorantia sit peccatum, siquidem quod non possint, est ex culpa quam in capite contraxerunt, quod ipsi volunt ad rationem peccati sufficiens esse. Cur ergo, sicut affirmas in intelligere nolentibus, esse peccatum; id ipsum pari passu non doces in intelligere non potentibus; sed potius dicis in istis esse *pœnam peccati*? Certè nulla alia de causa sic terminos mutat, in istis asserens esse *pœnam*, in alijs peccatum, quàm quia longè aliter sentit, quàm Iansenita: videlicet in credere quidem nolentibus, ipsam ignorantiam esse peccatum, in credere tamen non potentibus, non esse peccatum, sed solum *pœnam* ex peccato originali relictam. Defectus ergo auxilij sufficientis secundum Augustinum à peccato personali excusat, licet ex causa voluntaria in capite consequatur.

QUARTO non minori luce patet illud, quod habet libro de Natura & Gratia, capite sexagesimo septimo, dum asserit, non tibi imputatur ad culpam, quod inuitus ignoras, sed quod negligis querere, quod ignoras. Nonne hic homini lapsò minime ad culpam imputat, ipsum non scire seu non credere, quando hoc contingit homine inuito, seu inuoluntario, sicut reuera contingit, quando omni gratia sufficienti ad posse scire, seu credere, est destitutus? Sentit ergo iterum, excusare à culpa, ipsam carentiam potestatis seu auxilij suffi-

cientis, licet aliàs talis carentia ex præcedente culpa originali originem trahat. Unde ad hunc eundem locum disertis verbis sic fatetur Sanctus Thomas questione tertia de Malo, articulo septimo, ad septimum ignorantia quæ est omnino inuoluntaria, non est peccatum. Et hoc est, quod Augustinus dicit, non tibi imputatur ad culpam, si inuitus ignores.

QUINTO: Nonne ipsemet Iansenius iuxta doctrinam Augustini alibi docet, ignorantiam iuris diuini inuincibilem, à peccato immunitem reddere, ac proinde gentiles, qui nihil de fide Christi audierunt, non credendo, non peccare? Hoc ita asseueranter docet, ut & quatuor Augustini testimonijs probare non dubites. Primum elicit ex libro tertio ad Bonifacium capite tertio, ubi illum locum Euangelij tractans, si non venissem & locutus eis non fuisset, peccatum non haberent, nunc autem excusationem non habent de peccato suo, docet non de quolibet sed de illo peccato magno infidelitatis eum accipiendum esse, quo Christo ad eos non veniente, caruissent. Non enim (inquit) peccatum antea non habebant, sed ipsam voluit intelligi dissidentiam, quæ nec præsentis, & loquenti crediderunt. Secundum elicit ex epist. quinquagesima, in fine his verbis. Aliquod proprium peccatum intelligi voluit, id est, quo in eum venientem non crediderunt: hoc enim non haberent peccatum, si non veniret. Tertium adducit ex tractatibus in Ioannem, tractatu octuagesimo nono, ubi Augustinus proponens sibi questionem, utrum hi ad quos non venit Christus, nec locutus est eis per se ipsum vel per discipulos suos, habeant excusationem de peccato suo; respondet, habere illos excusationem non de omni peccato suo, sed de hoc peccato, quo in Christum non crediderunt, ad quos non venit, & quibus non est locutus. Quar-

Iansen.  
Tom. 2  
l. 2. c. 5.  
col. 303

tum denique recitat ex eodem loco, dum dixit, *restat inquirere, utrum hi, qui priusquam Christus veniret in Ecclesia ad gentes, & priusquam Evangelium eius audirent, vitæ huius sine præuenti sunt seu præueniuntur, possunt habere hanc excusationem?* Et respondet iterum: *possunt plane: sed non ideo possunt effugere damnationem: propter alia, scilicet peccata, quibus lex naturæ violatur.* Quod si omnia ista iuxta Augustini mentem docet Iansenius, & verissimè quidem; quomodo vera esse potest iuxta mentem eiusdem, doctrina hæc, quam hoc capite impugnamus, nempe voluntarium in capite ad inexcusabilem obligationem sufficere? Arguuntor sic. Augustinus dicit, excusationem habere de sua infidelitate gentiles, qui nihil de fide Christi audierunt, ac proinde qui defectu notitiæ fidei, nullum auxilium sufficiens ad credendum habuerunt: & tamen certum est, huiusmodi gentilibus noticiam fidei aliaque auxilia ad credendum non esse denegata, nisi ad minus propter culpam originalem, sicque talis denegatio ipsis voluntaria fuit in capite: ergo luce meridiana clarius sentit, talem voluntarietatem in capite minimè ad inexcusabilem obligationem sufficere.

Explico hoc. Augustinus (teste Dno Thoma Secunda Secundæ quæst. prima, articulo primo) sentit in illis testimonijs, dari aliquam infidelitatem negatiuam, id est talem, quæ non sit verè & propriè peccatum sicut contingit in illis qui nihil de fide audierunt: at si sentiret simul cum hoc, voluntarium in capite sufficere ad inexcusabilem obligationem, sentiret utique nullam dari talem infidelitatem, sed potius omnis infidelitas iuxta mentem eius esset peccatum: ergo apertè sibi contradicentia sentiret. Probo minorem. Nam

in illis qui nihil de fide audierunt, & sic credere non potuerunt, ipsa talis impotentia est saltem ex præcedente culpa originali: ergo est illis voluntaria in capite: ergo si hoc ad peccandum sufficit, quilibet illorum non credendo peccat, & ex consequenti, omnes sunt infideles contrariè, & nullus negatiuè.

Imò non video, qualiter hic Iansenitæ sibi non contradicant: ut namque præcedenti capite patuit; docent hominem, quamuis omni gratia sufficienti destitutum, ab obseruantia legum minimè excusari: ac proinde nec à lege credendi; hic autem cum Augustino excusari dicunt à lege credendi, illum qui nullam gratiam ad credendum vnquam recepit. An ne fortè dicent (ut contradicenti euascat) talem hominem non excusari quidem ab obseruantia legum naturæ, excusari verò à lege credendi, & cæteris supernaturalibus? Profecto si sic dicatur, nescio qua rationis disparitate dici queat. Quod enim alibi docet Iansenius, ignorantiam inuincibilem iuris naturæ ac proinde impotentiam illud adimpleudi, esse pœnalem, sicque à culpa minimè excusare, ignorantiam verò inuincibilem iuris Diuini, & impotentiam illud faciendi, pœnalem non esse, sicque vice versà à culpa excusare; hoc reuera falsissimum est, & minimè ad rem. Falsissimum quidem, quia teste Sancto Thoma Secunda Secundæ, quæstione decima, articulo primo, infidelitas, si accipiat<sup>ur</sup> secundum negationem puram, sicut in illis qui nihil audierunt de fide, non habet rationem peccati; sed magis, pœna, quia talis ignorantia diuinorum ex peccato primi parentis consecuta est. En qualiter ignorantia inuincibilis iuris Diuini sit etiam pœnalis: vnde & Augustinum superius de cuiuscunque iuris ignorantia indiscrimina-

Iansen.  
to. 2. li.  
2. ca. 6.  
column.  
na 310.  
& 311.

tim loquentem audiuiamus: in his autem qui intelligere vel scire non poterunt, ipsa ignorantia est pena peccati. Deinde etiam minime est ad rem, nam sine ignorantia alicuius iuris sit peccatis, non; eo ipso quod invincibilis est, relinquit mihi hic & non legem prorsus impossibilem, non minus quam sit impossibilis volatus, ut superiori capite ponderavi: ergo vel utraque excusat a peccato, vel neutra.

Aut forte ad evadendam contradictionem dixerint aliter: nempe, quando hominem sine gratia sufficienti ad credendum, a lege credendi excusant, se loqui de homine gentili, qui nihil unquam de fide audiuit: quando verò etiam sine gratia sufficienti, hominem legi credendi inexcusabiliter subiiciunt, se loqui de homine fideli: quod proinde nulla est contradictio.

In contrà etiam est; quòd nec hac via contradictio dissolvitur: nam si cut gentilis, qui nihil unquam de fide audiuit; est verè impotens ad credendum, istaque impotentia est ei voluntaria in capite, ita pariter fidelis, si ponatur carere gratia sufficienti ad posse credere, est verè impotens ad credendum, & etiam ista impotentia non est ei voluntaria nisi in capite, si ponatur ipsi esse denegata talis gratia propter solum originale: ergo vel uterque à præcepto fidei excusatur vel neuter.

Tum etiam, quia hoc ipsum quod dicitur de homine fideli, est contradictio manifesta: nam si ex vna parte fidelis est; quomodo ex altera fiat, quòd ad credendum careat gratia sufficienti? Nonne si fidelis est; necesse est, id ipsum habitu fidei esse præditum, & interdum etiam nonnullis inspirationibus supernaturalibus ad credendum in voluntate affici? Hæc certè auxilium sufficiens

constituunt, quo quis redditur potens credere, potentia per modum actus primi sufficientis. Ergo imputatio est, quòd fidelis sit, & quòd gratia sufficienti ad credendum careat. Nisi forte (ut alibi Iansenius insinuat) intelligant nomine gratie sufficientis, illam quæ non solum dat posse; sed & actu credere. Verùm hæc gratia, nec in Schola Thomistica, nec apud extraneos est gratia sufficientis, sed efficax: unde cum præter istam, nullam veram sufficientem in natura lapsa, nec etiam tempore præcepti Iansenite agnoscant; cogitur, velint nolint, ad Manicheismum, ut supra probavimus.

SED QUID QUID SIT DE HOC; utrum sibi contradicant vel non, satis superque demonstratum arbitror, solam voluntarieratem in capite ad culpam personalem in via Sanctissimi Præfatis Augustini minime sufficere. Nunc videndum restat, utrum Doctor noster Angelicus, eisdem quoque principiis incedat. Et pars quidem affirmativa, usque adeo mihi perspicua est, ut nec dimidio quidem oculo in scriptis eius iudicem posse præteriri.

PRIMO itaque argumentor & adduco locum illum ex tertio contragentes, capite centesimo sexagesimo, qui sic habet. *Quamvis autem illi qui in peccato sunt, vitare non possint per propriam potestatem, quin impedimentum gratiæ præstent vel ponant (intellige aliquando seu vagè) ut ostensum est, nisi auxilio gratiæ præveniantur; nihilominus tamen hoc eis imputatur ad culpam, quia hic defectus ex culpa præcedente, personali (ut ex contextu patet) in eis relinquitur: sicut ebrius ab homicidio non excusatur, quod per ebrietatem committit, quam sua culpa incurrit. Præterea licet ille qui est in peccato, non habeat hoc in potestate, quòd omnino vitet peccatum, habet tamen* pore-

Suprà  
capite  
præcedenti.  
Sic cum  
tra je.

Ianfeh.  
tom. 3.  
lib. 3. c.  
15. d. 6.  
340. &  
341.

Potestatem nunc vitare hoc vel illud peccatum, ut dictum est: unde quodcumque committit, voluntarie committit, & ita non immerito imputatur ad culpam. Hic Diuus Thomas, postquam ostenderat impotentiam homini existentis in peccato, ad totius legis observantiam collectivè, ut componeret cum hac impotentia, quòd illi non observantia legis imputetur ad culpam, recurrit vel ad hoc quòd carentia gratiæ quæ daret potentiam, est ei voluntaria propter peccatum personale præcedens: vel quia licet ille, qui est in peccato, non habeat hoc in propria potestate, quòd omnino, seu collectivè peccatum vitet; habet tamen in potestate nunc vitare hoc vel illud diuini, unde quodcumque committit in singulari, voluntarie committit: at si tentaret solum voluntarium in capite, ad imputabilitatem sufficere, isti recursus necessarij non essent: cum sufficeret istam impotentiam ex peccato originali contractam fuisse, vt Vincentius cum suo Iansenio contendit: ergo manifestè sentit, istud genus voluntarij ad personaliter peccandum non sufficere.

SECUNDO ad idem considero, id quod sibi obijcit quæstione vigesima quarta de Veritate, articulo duodecimo in septimo Argumento *sed contra*, ad probandum liberum arbitrium sine gratia, in statu peccati mortalis, posse peccatum mortale vitare. Ibidem ergo sic argumentatur, assumens idem prorsus principium ex Augustino, quod ego toto capite præcedenti Vincentio obieci. *Secundum Augustinum* (inquit) *nul- lus peccat in eo quòd vitare non potest: quia iam hoc esset necessarium: si ergo aliquis in peccato existens, peccatum vitare non posset, peccatum committendo, non peccat: quod est absurdum.* En præsentem nostram difficultatem,

licet terminis generalioribus propositam. Sed quid quæso Angelicus Magister ad eam responderet? An nè quòd Vincentius, hominem, licet impotentem ad vitandum, peccare; quia impotens factus est ex culpa originali? Nihil minus: sed in primis: *Ad septimum dicendum* (ait) *quòd aliquis existens in peccato mortali, potest vitare omnia peccata mortalia auxilio gratiæ, ex communi scilicet lege paratæ: ad differentiam peccatorum venialium, quæ omnia collectivè homo vitare non potest adhuc cum auxilio gratiæ ex communi lege, cum requiratur gratia specialissimi privilegiij.* Deinde aliam solutionem subiungens *potest etiam* (inquit) *ex naturali virtute singula vitare, quamvis non omnia: & ideo non sequitur, quòd peccatum committendo, non peccet.* En dupliciter respondet, & in neutra profecto solutione fateatur (sicut Vincentius) hominem quidem esse impotentem: & nihilominus peccatum ei imputari, quia impotentia est ei voluntaria ratione peccati originalis, sed longè aliter philosophatur. Constanter adstruit & tuetur, ipsum potestatem habere vitandi, vel omnia mortalia collectivè ex auxilio gratiæ communiter paratæ, vel saltem singula diuini ex viribus naturæ, ne argumentum concludat, aliquem peccare in eo quòd vitare non potest, nec per se, nec per gratiam communi lege paratam. Sentit ergo clarissimè, ad imputabilitatem non sufficere, quòd homo potestatem vitandi in suo capite habuerit, & quòd eandem in eodem capite perdiderit.

TERTIO argumentor ex eo quod supra libro primo ex Sancto Thoma annotavi: nimirum eum, quotiescunque repetit, *quòd nullus peccat in eo, quòd vitare non potest*, profecto non solum loqui de primo homine ante

Suprà  
lib. I. c.  
16. 6.  
Sed con-  
tra hanc  
gloriam.



peccatum, seu prout erat in statu naturæ integræ; sed vniuersaliter de omnibus, prout modò sunt, etiam in statu naturæ lapsæ: quibus si auxilia si sufficientia aliquando denegantur, certum est denegari propter culpam saltem originalem. Ergo dubio procul supponit, nos etiam in hoc statu minimè peccare, si casus sit, quòd absolute finis impotentes ad peccatum vitandum. licet alias impotentes finis ex culpa originis nobis in capite voluntaria.

QUARTO ostendo idipsum à priori. Nam peccatum vt peccatum, debet esse voluntarium: ergo quo modo est peccatum, eo modo debet esse voluntarium. Ergo peccatum personale (qualia sunt nostra post peccatum Adæ) debet esse voluntarium voluntate personæ, & non solum voluntate naturæ in ipso capite, at peccatum originale, & ea quæ ex ipso in nobis relinquuntur, sicut inter cætera sunt, denegatio auxiliorum sufficientium, & non adimpletio præcepti defectu illorum, solum nobis voluntaria sunt voluntate naturæ, non voluntate personæ. Ergo hoc genus voluntarij est insufficientis, vt homini imputetur ad culpam personalem, præcepti non adimpletio. Et hæc ratio quæ est omnino demonstratiua & peremptoria, traditur expressis terminis à Diuo Thoma, in Secundo, Distinctione trigesima, articulo secundo in Corpore. Oportet (inquit) quòd secundum hoc, quòd aliquid rationem culpæ habet, secundum hoc ratio voluntarij in ipso reperitur. Sicut autem est quoddam bonum, quod respicit naturam, & quoddam quod respicit personam, ita etiam est quoddam culpa naturæ & quoddam personæ. Vnde ad culpam personalem requiritur voluntas personæ, sicut patet in culpa actuali, quæ per actum personæ committitur: ad culpam vero naturæ (qualis

est peccatum originale) non requiritur nisi voluntas in natura illa. Idem docet opusculo secundo, capit. centesimo nonagesimo sexto. Quid verò clarius, quid euidentius? Si ad culpam personalem requiritur voluntas personæ; ergo impotentia ex denegato auxilio sufficienti, in casu quo mihi voluntaria non sit, voluntate personæ; sed solum voluntate naturæ, sicut contingit, quòd merè propter originale infligitur, non est sufficiens ad inducendam culpam personalem. Vincenti, nimis aperte Sancto Thomæ, & veritati resistis.

QUINTO rem concludo, ex eo quòd non solum contradicat hæc doctrina Diuisi Augustino & Thomæ, sicut iam ostendimus, verum & ipsi Concilio Tridentino. Suppone concilium sessione quinta decreto de peccato originali circa finem, definiuisse tamquam certum de fide, motus sensualitatis non esse peccata. Et si verba desideras, hæc sunt. *Hunc concupiscentiam quam aliquando Apostolus peccatum appellat, Sancti Synodus declarat, Ecclesiam Catholicam nunquam intellexisse, peccatum appellari, quòd verè & propriè in renatis peccatum sit; sed quia ex peccato est, & ad peccatum inclinat: si quis autem contrarium senserit, Anathema sit.* Hoc supposito sic argumentor. Sequitur ex dicta doctrina Iansenitarum, omnes motus sensualitatis imputari homini ad culpam: at hoc consequens est hæreticum, vt patet ex concilio: ergo concilio quoque repugnat antecedens. Minor cum consequentia constant & sequelam maioris probò. Nam iuxta principium contrariorum quod impugnamus, ad imputabilitatem sufficit, sequi causam voluntariam in capite, at omnes motus sensualitatis, talem causam sequuntur, nempe carentiam iustitiæ originalis, quæ nobis in capite volun-

luntaria est: ergo sequitur, omnes motus sensualitatis imputari homini ad culpam.

Hæc omnia, Vincenti, vel evidentia sunt, vel omnino certa & Catholica, ita ut non possim iterum atque iterum, tuam opinionem non reprobare. Recole quæso attentius cuius dogmatis sis Magister, vel potius quam absurdæ doctrinæ iuratum te discipulum præbueris.

## C A P V T XII.

*Idem principale assumptum ostenditur ab alio inconuenienti: quod videlicet sequatur ex opinione Vincentij, omnia humana negotia sub efficacia gratiæ tractu, posse euenire de necessitate absoluta, salua adhuc vera humani arbitrij libertate.*

**N**ON possum non post inconueniens capite decimo illatum, aliud quoque adjicere, idque grauissimum, quod ex opinione Vincentij ulterius sequitur. Videlicet posse omnia humana negotia, quæ sub efficacia gratiæ tractu fiunt, euenire de necessitate absoluta, salua adhuc vera nostri arbitrij libertate.

Pro quo sciendum est primò ex Dno Thoma prima parte, quæstione decima nona, articulo tertio in Corpore, quòd necessarium dicitur aliquid dupliciter, scilicet absolute & ex suppositione. Necessarium absolute indicatur aliquid ex habitudine terminorum, utpote quia prædicatum est in definitione subiecti: sicut necessarium est, hominem esse animal ..... sic autem non est necessarium sortem sedere, (quia scilicet Sortes ex se ipso non habet necessariam habitudinem ad sessionem) rursus non est necessarium absolu-

te, sed potest dici necessarium ex suppositione: supposito enim quòd sedeat, necesse est eum sedere, dum sedet.

Ex quo sequitur, voluntatem tunc habere necessitatem absolutam respectu alicuius actus, quando in ordine ad obiectum actus ex se ipsa habet habitudinem necessariam. Sicut voluntas diuina habet necessitatem absolutam respectu amoris sui ipsius, quia ex se ipsa habet habitudinem necessariam ad suam bonitatem, quæ est obiectum proprium illius amoris. Sic docet Diuus Thomas loco citato. Tunc autem voluntas habebit necessitatem ex suppositione tantum (quæ etiam dicitur necessitas conditionalis) quando licet non adsit necessaria habitudo ex vi terminorum seu ex natura ipsa voluntatis, adest tamen necessaria habitudo ratione alicuius conditionis appositæ: modò conditio appositæ sit ipse actus voluntatis, ut dicendo, voluntas dum vult, necesse est eam velle, modò sit aliquid distinctum ab actu: ut dicendo, voluntas dum efficaciter à Deo mouetur ad amorem, necesse habet amare.

Sciendum est ulterius, nil communius, nil constantius à Doctoribus Catholicis dici, quàm gratiam & prædestinationem non imponere rebus humanis necessitatem absolutam; licet imponant necessitatem ex suppositione seu conditionalem. Ratio huius omnibus in promptu, nulla alia est; quàm quòd tolleretur libertas arbitrij, si ex prædestinatione aut gratia, necessitas absoluta proueniret. Itaque licet sentiant necessitatem ex suppositione, seu conditionalem, cum libertate compati; sustinent tamen vnanimiter necessitatem absolutam cum eadem libertate incompatibilem esse, hacque de causa minime à gratia similem necessitatem imponi. Consultatur loco.

loco omnium Diuus Thomas, qui huius Catholice veritatis indefessus est assertor. Prima parte, quæstione decima nona, articulo octauo quærit, *Virum voluntas Dei necessitatem rebus volitis imponat?* Et in Corpore respondet, quod *Diuina voluntas quibusdam volitis necessitatem imponit* (scilicet absolutam) *non tamen omnibus.* Et rationem reddiderat in argumento sed contra, si eius voluntas imponat rebus volitis necessitatem (absolutam) sequitur quod omnia bona ex necessitate (absoluta) eueniant: & sic periret liberum arbitrium. Et in responsione ad Tertium: *Quæ sunt* (inquit) *à voluntate Diuina, talem necessitatem habent, qualem Deus vult illa habere, scilicet vel absolutam vel conditionalem tantum:* & sic non omnia sunt necessaria absolute, videlicet humana negotia, quæ ratione libertatis à necessitate absoluta immunia sunt. Et iterum Primo contra gentes capite octagesimo quinto in principio, *Diuina voluntas* (inquit) *contingentiam non tollit, nec necessitatem absolutam rebus imponit.* Et ibidem in fine, *Ex voluntate Diuina non potest concludi in rebus creatis necessitas absoluta: hac autem sola excludit contingentiam, ac proinde libertatem.* Tandem quæstione vigesima quarta de Veritate, articulo primo, ad Decimum tertium sic fatetur. *Discendum quod ex præsentia Dei non potest concludi, quod actus nostri sint necessary necessitate absoluta, quæ dicitur necessitas consequentis; sed necessitate conditionata, quæ dicitur necessitas consequentia.* Igitur apud Doctores Catholicos, gratia & prædestinationatio non imponunt rebus humanis necessitatem absolutam, quia communi calculo similis necessitas censetur libertati arbitrij repugnare.

MOD. AVTEM SIC efformo inconueniens propositum. Quia nimirum sequitur ex opinione Vincen-

tij, omnia humana negotia sub efficacia gratiæ tractu posse euenire de necessitate absoluta, absque præiudicio libertatis: consequens est contra præallegatam doctrinam Diui Thomæ, & (vt rectè notat Suarez) contra sententiam omnium, qui de libero arbitrio loquuntur: cum nil apud ipsos communius, quàm docere, quod gratia & prædestinationatio necessitatem absolutam rebus non imponunt, vt arbitrij vera libertas saluetur: ergo opinio Vincentij, ex quâ tale quid sequitur, est à Scholis releganda. Minor cum consequentia constat, & sequela patet dupliciter. Primò quia vt (libro primo dictum est) iuxta principia Vincentij, nulla necessitas voluntaria, etsi arctissima sit, ac proinde quamuis pertingat ad gradum necessitatis absolutæ, repugnat libertati arbitrij, imò quò arctior, eò magis facit voluntatem velle, & sic liberius velle, vt ipse loquitur: ergo tenetur sateri, omnia humana negotia sub efficacia gratiæ tractu posse euenire de necessitate absoluta absque præiudicio libertatis. Secundo quia (vt ibidem etiam dictum est) necessitas quæ inuenitur in productione Spiritus Sancti, & in amore beatifico, de se est sufficiens in eius opinione ad veram arbitrij libertatem: at istæ necessitates sunt absolutæ & non solum ex suppositione, cum sint ex ipsa habitudine terminorum iuxta præallegatam Diui Thomæ doctrinam: ergo cum simili necessitate poterunt omnia humana negotia sub tractu gratiæ, absque præiudicio libertatis euenire.

SI FORTE DICATVR, iuxta Vincentium, necessitatem absolutam compati quidem cum libertate arbitrij essentiali; non tamen cum libertate arbitrij accidentali seu contradictionis: & cum inter humana negotia, plurima etiam sint, quæ cum

Suarez  
3. part.  
dist. 37  
sect. 2.  
§. Tertiū  
probat

Lib. 1.  
cap. 1.  
& 2.

cum libertate accidentali seu contradictionis exercentur; ideo ex eius opinione non sequi, omnia humana negotia posse de necessitate absoluta euenire, salua arbitrij libertate; quia licet cum tali necessitate saluaretur libertas arbitrij essentialis; non saluatur tamen omnis libertas absolutè, nimirum accidentalis seu contradictionis, quam etiam constat rebus humanis interuenire.

In contra est: quia inconueniens à nobis illatum, non loquitur de omnibus humanis negotijs absolutè: sed solum de omnibus quæ sunt sub efficaci gratiæ tractu: at illa quæ sunt sub efficaci gratiæ tractu in opinione Vincentij non sunt libertate contradictionis, sed sola libertate essentiali, cum qua necessitas absoluta compatibilis est, vt solutio fateatur: ergo inconueniens illatum subsistit: nimirum omnia negotia humana, saltem illa quæ sunt sub tractu gratiæ, posse euenire de necessitate absoluta, salua eorum libertate. Major cum consequentia constat, & minorem probo: nam libertas contradictionis est illa, qua potest agens in opposita pro eodem instanti: at in opinione Vincentij, humana negotia non sunt sub tractu gratiæ, tali libertate, vt possit agens in opposita pro eodem instanti, cum iuxta eius principia solum possit voluntas in oppositum, *excessu præsentis prædeterminatione non ea retenta*: ac proinde non pro eodem sed pro diuerso instanti: ergo humana negotia quæ sunt sub efficaci gratiæ tractu in opinione Vincentij non sunt libertate contradictionis, sed sola libertate essentiali.

Nec valet dicere, libertatem contradictionis non consistere in potestate ad duo opposita pro eodem instanti, proxima; sed solum in potestate pro eodem instanti proxima ad

vnum extremum & remota ad aliud: in quo sensu Vincentius saluat sub tractu gratiæ voluntatem agere cum potestate ad opposita pro eodem instanti, ac proinde saluat libertatem contradictionis.

Non inquam valet; nam hæc enatio supra luculenter impugnata est, dum ostendimus ad omnem veram libertatem, requiri potestatem ad opposita pro eodem instanti, non qualemcumque sed proximam ad vtrumque extremum.

VNDE SI ALITER DICATUR, concedendo itandem, proximam potestatem ad vtrumque extremum pro eodem instanti requiri, sed dicendo hanc à Vincentio sub efficaci gratiæ tractu in humana voluntate non negari; nisi ad summum in sensu composito, loquendo scilicet de potestate proxima consequente, quæ est potestas coniungenda, cum negatione actus, non autem de potestate proxima absolutè.

In contra est primò: quod si hoc Vincentius fateatur; fateor & ego, me nullam prorsus litem in materia efficaci gratiæ, cum ipso habere, nec habere velle. Hoc enim iam est Thomisticè sentire & loqui, ad minus in illo puncto efficaciæ. Si namque solum negat stante prædeterminatione gratiæ potentiam proximam ad oppositum, consequentem, non autem potentiam proximam ad oppositum, antecedentem seu absolutam; in nullo prorsus à sensu Thomistico recedit.

Sed contra est secundò, quod similem explicationem verba Vincentij minime admittunt.

PRIMO: quia si veram potestatem proximam, antecedentem seu absolutam stante gratia consistetur; cur docet voluntatem prædeterminatam non aliter posse in oppositum quam præsentis prædeterminatione excessu,

Supra  
l. 2. c. 4.  
sect. 3.  
Hæc re-  
plica.

Epist.  
ad Ie-  
tauium  
pag. 12

Epist. ad Pet. c. 11. §. Hoc est opus.  
 cussa, non ea retenta? Certè si voluntas stante gratia pro eodem instanti est verè proximè potens ad oppositum, licet potentia antecedente seu absoluta; ergo absolutè prædeterminatione retenta potest proximè se vertere in oppositum & non solum ea excussa.

Explico hoc: nam verba Vincentij hac in parte sunt huiusmodi. Hoc est opinor quod dicere volunt Thomistæ Doctores, quando aiunt voluntatem prædeterminatam posse vertere se in oppositum, in sensu diuiso, non in sensu composito; id est excussa præsentis prædeterminatione, non ea retenta. Ergo Vincentius cū illis Doctoribus Thomistis quos sibi ipse confingit; negat veram esse stante prædeterminatione hanc propositionem. Voluntas prædeterminata potest vertere se in oppositum: hæc autem propositio si Rudimenta Thomistica consulantur, facit ex propria forma verborum sensum diuisum, non verò compositum; sicque non importat potentiam proximam consequentem, sed solum potentiam proximam antecedentem: ergo si illam negat; negat utique pro instanti prædeterminationis potentiam proximam antecedentem. Quòd autem prædicta propositio solum faciat sensum diuisum, nō compositum; luce meridiana clarius est. Lege Diuum Thomam opusculo 4. de Modalibus, & Magistrum Soto libro tertio summularum, & sic docentes inuenies; nimirum quòd modalis diuisa, quæ sensum diuisum facit, est illa, in qua modus interponitur inter partes dicti: ut prædestinatus potest damnari, album potest esse nigrum. Cuius formæ est quoque nostra propositio; voluntas prædeterminata potest vertere se in oppositum: ad differentiam modalis compositæ, in qua modus non interponitur inter partes dicti, sed potius totum dictum subi-

citur & modus prædicatur; dicendo, prædestinatus damnari, est possibile: album esse nigrum, est possibile: voluntatem prædeterminatam se vertere in oppositum, est possibile.

SECUNDO: quia in quodam loco suæ Theriacæ, explicans qualiter in illo instanti, quo voluntas se determinat, cum ea determinatione componatur aptitudo voluntatis, non restricta ad illud vnum latus, quo potentia se determinat; sed expansa vsque ad oppositum; expressissimè definit hoc non sic debere intelligi; quasi semper voluntas illo instanti tam proximè ad suspensionem actus quàm ad eliciendum actum accincta sit..... sed quia rationes aliquæ subsunt, quas voluntas sibi applicare potest, propter quas actum suum suspendere possit. Quod idem alijs verbis postea prosequitur. Licet actui positiuo libero (inquit) qui eo instanti elicitur, in eadem voluntate coniungatur potestas ad suspendendum actum; non tamen proxima & accinissima est, etsi tamen talis potestas sit, quæ per imperium suum & applicationem intellectus ad conquirendas rationes possit se ad potestatem suspensionis proximam promouere. Ecce quàm disertè doceat, ipso instanti liberæ operationis, esse quidem in voluntate potestatem ad oppositum, non tamen proximam; sed solum remotam, utpote quæ solum possit per alia quæ tunc non adsunt, sed ad potestatem suspensionis proximam promouere.

TERTIO: quia alio in loco expressissimè approbat ex Bellarmino, in quavis electione (via scilicet, ac proinde etiam in illa quæ fit sub efficacis gratiæ tractu) necessitatem illam se ingerere, quæ in amore beatifico internemit: at talis necessitas excludit potestatem proximam ad oppositum, cū (vt modò suppono) sit necessitas absoluta & ex ipsa habitudine terminorum, voluntatis scilicet ad bonum

1. Theriac. l. 1. c. 16. §. 6. Scilicet & §. Ex quibus tam.

In Theriac. l. 1. c. 23. §. 6. Vnde quod magis.

bonum infinitum clarè visum: ergo sub efficacia gratiæ tractu, talem potestatem admittere non potest.

**P R Æ T E R Q V A M** quòd & hoc amplius ad rem nostram adijcio: nèpe Vincetium, siue sub efficacia gratiæ tractu potestatem proximam ad oppositum de facto saluet, siue non; equidem non euadere inconueniens illatum. Illud namque non est, quòd ex opinione eius sequatur omnia humana negotia sub instanti gratiæ euenire secundum necessitatem absolutam de facto; sed præcisè quòd sequatur, posse euenire de possibili, licet de facto aliter eueniant. Ergo quamuis admissa potestate proxima ad oppositum eius euadat, negotia nostra de facto cum tali necessitate non euenire; non tamen euadit, non posse sic euenire; quod præcisè, & nil aliud nos in præsentì intendimus.

Itaque (vt vno verbo dicatur) secundum Vincentium, quæcumque necessitas voluntaria, etiam pertingens vsque ad gradum necessitatis absolutæ, ac proinde quæ omnem prorsus potestatem ad oppositum excludat, est de se compatibilis ad veram libertatem sufficientem ad meritum: ergo esto saluaret actus liberos nostros meritorios sub tractu gratiæ, non euenire de facto cum tali necessitate; tenetur tamen fateari, posse cum tali necessitate euenire salva manente vera & integra ratione meritoria libertatis. Patet consequentia, quia possibile est, rem euenire cum omni eo, quod cum ipsius vera & propria ratione compatibile est: ergo si cum vera & propria ratione meritoria libertatis, compatibilis est quæcumque talis necessitas, poterit sanè cum quacunque tali euenire, absque eo quod vel in minimo lædatur humani arbitrii aut meritum aut libertas. Quod si verum est, nescio profecto qualiter non

vanus sit totius Ecclesiæ Catholicæ labor & conatus in releganda tanto studio à prædestinatione & gratiæ, necessitate absoluta. Si namque cum eadem (quantumvis arctissima) & libertas & meritum in humanis actibus adhuc illæsa subsisterent; cur quæso tanta cum sollicitudine, hanc, ne ista læderentur, relegaret? Vide iterum, Vincenti, (vt superiori capite etiam monui) qualis dogmatis sis magister: tale quippe est, si verum est; vt totius Ecclesiæ conatum circa prædestinationem & gratiam, tamquam vanum & irritum eludere, manifestè probetur.

**S E D Q V I A H V I V S M O D I**, non leuiter partem tuam premere, conspiciuntur, fortè dices, necessitatem absolutam, quam Ecclesia conatur relegare à prædestinatione & gratia, tamquam libertati & merito incompatibilem; non esse qualem eumque necessitatem absolutam, verbi gratia, voluntariam; sed solum talem, qualis conspicitur in rebus naturalibus. Vnde Sanctus Thomas (inquis) cum sibi prima parte, questione vigesima tertia, articulo primo in primo Argumento obieisset Damascenum dicentem, *Omnia quidem præcognoscit Deus; sed non omnia prædeterminat*, respondet, quòd *Damascenus nominat prædeterminationem, impositionem necessitatis, sicut est in rebus naturalibus, quæ sunt determinata ad vnum*. Ac proinde, modò voluntas à prædeterminatione, more agentium naturalium non necessitetur, satis erit, vt iuxta mentem Ecclesiæ, sua ei libertas constet, licet aliis arctissima necessitas voluntaria adesset, omnis prorsus potestatis ad oppositum experts.

Respondeo, quòd ista solutio falsum assumit: & Ecclesiam relegare à prædestinatione & gratia, etiam necessitatem absolutam voluntariam,

Epist.  
ad Pe-  
trouili  
pag. 20  
§. vii  
unico.



riam, probo multipliciter.

PRIMO ex doctrina citata Diui Thomæ, in principio huius capituli, ex prima parte, quæstione decimã nona. Ibidem enim postquam articulo tertio definierat necessitatem absolutam esse illam, quæ est ex habitudine terminorum, & exemplificauerat in amore voluntario Dei respectu sui ipsius: postea articulo octauo docet, voluntatem Diuinam, rebus volitis talem necessitatem non imponere, ne libertas pereat: ergo apertissimè sentit necessitatem absolutam, etiam voluntariam, cum libertate humanorum actuum esse incompatabilẽ, ac proinde ab eisdem omnino relegandam. Patet consequentia, quia excludens à libertate necessitatem absolutam, talem indubiè excludit, qualem antè definierat & exemplificauerat: ergo si definierat & exemplificauerat in necessitate absoluta voluntaria; illã etiam absq; dubio excludere voluit.

SECUNDO: quia ideò necessitas talis, qualis conspicitur in rebus naturalibus, est à gratia & prædestinatione releganda, quia est necessitas absoluta & ex habitudine terminorum, quæ ex principijs sibi intrinsicis aliter se habere non potest: at etiam necessitas voluntaria, potest esse talis ac tanta, vt sit absoluta & ex vi terminorũ, ita vt ex principijs sibi intrinsicis aliter se habere non possit, vt patet in amore Dei increato, & in productione Spiritus Sancti: ergo similes necessitates in tali gradu, sunt pari passu tamquam omnino incompatibiles cum libertate à gratia, & prædestinatione relegandæ.

Explico hoc. Quòd aliqua necessitas sit sicut necessitas naturalis, potest dupliciter intelligi: vno modo, quòd sit sicut necessitas naturalis, etiam entitatiuè & materialiter; alio

modo quòd sit sicut necessitas naturalis solum formaliter, id est, quantum ad rationem formalem necessitatis. Sicut ostendi potest exemplo necessitatis ex suppositione: istæ enim duæ necessitates ex suppositione, *neceesse est canem currere, dum currit, & neceesse est hominem sedere, dum sedet*, sunt quidem similes formaliter quantum ad rationem formalem necessitatis ex suppositione, non tamen similes materialiter seu entitatiuè, quia potius sunt in dissimili materia, dissimilibusque subiectis. Necessitas ergo absoluta voluntaria & intellectualis, quæ est absque vlla prorsus potestate ad oppositum, licet non sit sicut necessitas rerum naturalium, entitatiuè & materialiter, cum non sit necessitas cuiusdam bruti; sed potius rationalis voluntatis; est tamen sicut necessitas naturalis formaliter, videlicet quoad rationem formalem necessitatis, cum sit æquè absoluta, æquè ex habitudine terminorum, æquè determinata ad hoc vnum, ac necessitas brutorum, & cæterarum rerum naturalium: ergo non est, cur hæc non ita sollicitè relegetur à libertate humanorum actuum, ac illa altera. Probo consequentiam, tum quia necessitas inuenitur obesse libertati, potius ratione sui formalis, quam ratione sui materialis. Tum etiam, quia hæretici nostri temporis, non ponunt (sicut teste Diuo Thoma quæstione sexta, de Malo, articulo vnico quidam antiqui) intellectum non differre à sensu, sed potius essentialem inter vtrumque differentiam agnoscunt: ergo quando necessitatem absolutam nostris actibus sub motione diuina affigunt, non affigunt profecto necessitatem aliquam, quæ entitatiuè sit sicut necessitas alicuius rei puræ naturalis seu sensitivæ, sed ad summum necessitatem, quæ quoad rationem

formalem necessitatis talis sit, nempe tam absoluta, tam ex habitu dine terminorum, tam determinata, denique ad vnum sicut illa: & tamen hoc non obstant ab Ecclesia damnantur tamquam liberi arbitrij eueriores: ergo damnabilis est non solum necessitas entitativè naturalis sed etiam voluntaria in eo gradu, quod naturali necessitati quoad rationem formalem necessitatis æqualis sit.

Et per hoc patet explicatio ad locum Divi Thomæ quem Vincentius inducebat. Quando enim docet ex Damasceno à voluntate seu prædestinatione diuina non imponi nostris actibus necessitatem, *sicut est in rebus naturalibus*, ly *sicut*, non tam dicit similitudinem entitativam seu materiale (cum talem non imponi, sit res notissima etiam inter hæreticos) quam similitudinem formalem, seu illam, quæ dicit convenientiam in ratione formali necessitatis: ita ut mens illius sit, relegare à prædestinatione & gratia, omnem impositionem necessitatis, quæ æquè absoluta, æquè ex habitu dine terminorum, æquè ad vnum determinata sit, ac necessitas quæ in rebus naturalibus conspicitur, licet aliàs entitativè seu materialiter diversa sit. Præterquam quod in phrasi Sancti Doctoris, nomine rerum naturalium, etiam venit voluntas, ut natura quædam est, sicut ceteræ res naturales, unde (ut supra vidimus) quosdam etiam motus ipsius vocat naturales: quapropter quando hic dicit, non imponi *necessitatem sicut est in rebus naturalibus*, manifestè comprehendit etiam illam necessitatem, quæ inest voluntati operanti per modum naturæ absque vlla prorsus indifferentia. Nil ergo Vincentius ex loco adducto concludit.

In confirmationem horum addu-

ci possunt ulterius ea, quibus Priori libro probauimus, Vincentium non euadere censuram Divi Thomæ in quæstione sexta de Malo: cui loco similem explicationem adhibebat, sicut hic nostro Argumento adhibet, videlicet D. Thomam solum damnare necessitatem brutalem, stoicam &c. quod ibidem fuscè impugnatum est.

## C A P V T XIII.

*Idem assumptum ostenditur ab alio inconuenienti; quia videlicet sequitur ex opinione Vincentij, omnes electiones humanas sub efficaci gratiæ tractu de facto fieri absque continentiæ.*

VINCENTIUS DOCET, ut iam sæpius inculcatum est, in quavis electione viam illam necessitatem se ingerere, quæ in amore beatifico interuenit, aliterq; hoc non obstare, libertatem minimè euerti; quia illa necessitas non est coactionis, non violentiæ, non fixa, non dominans; sed necessitas merè simplex & coactionis expers: de qua & ipse quodam in loco suæ Theriacæ sic fatur: *Talis est necessitas in amore beatifico, imò in omni electione, quando voluntas omnibus consideratis ex unico ultimo iudicio practico se resoluit, si Aristoteli, & Sancto Thomæ, Peripateticis, & Thomistis, si Bellarmino credimus, qui libro tertio, capite octauo de Gratia & Libero Arbitrio docet, voluntatem in eligendo sequi necessariò iudicium vltimum practicum, nec fieri posse, ut actum suum magis suspendat, quàm Beati ab amore beatifico cessare valeant.* Itaque ex mente Aristotelis, Divi Thomæ, & Peripateticorum vult verum esse hoc prin-

Supra  
l. 1. cap.  
14. sect.  
2. §. 8. d.  
vix vult  
videre.

In The  
riacæ l.  
cap. 2.  
sect. 1.  
§. 1. unde  
iam sen  
cile.

Supra  
l. 2. c. 5.  
per to  
tum &  
c. 6. §.  
Domine  
operi.

cipium; videlicet voluntatem in via, tali necessitate in electiones suas se de facto resoluit, quali se resoluit in amore beatificum voluntas beati. Sed sanè quàm absurda sit hæc Philosophia, consideret Lector ab inconuenienti, quod modo contra eam efformo.

SEQUITUR NAMQUE ex tali positione, omnes electiones humanas sub efficacia gratiæ tractu fieri absque contingentia: consequens non est Catholicum. Ergo, sequela patet, nam positio adstruit, illas fieri tali necessitate, quali sit amor beatificus: at ille sit absque contingentia: ergo & electiones humane absque contingentia fiunt.

Huic syllogismo nil potest responderi, nisi negando amorem beatificum fieri absque contingentia: & videtur certè a Vincentio negari, dum inquit, quod voluntas Beati, visionis illius ductum, satis laxè, sponte, voluntariè, libere & contingenter (quantum est ex parte modi incedendi eius) sequitur. En ubi docere videtur, amorem beatificum, esse contingentem, seu fieri quantum est ex parte modi, cum contingentia.

Sed hæc responsio, præterquam quod est contra omnes Thomistas, qui amori beatifico omnem veram contingentiam contra Scotum denegant, est sufficiens a nobis impugnata, dum supra ostendimus, nullam nec ex parte modi agendi reperiri potentiam ad oppositum respectu actuum, qui specificatiue & eliciuiue sunt necessarii, qualis inter reliquos est amor beatificus. Si namque (vt ibidem demonstratum est) non eliciuntur cum potestate ad oppositum, etiam quantum est ex parte modi; quamquam quæso contingentia ex parte modi illis inesse potest? Profecto contingentia alicuius actionis in eo sita est, quod actio possit esse vel

non esse ex vi suorum principiorum; ergo si actus omnino necessarii, ne quidem ex parte modi, hanc possibilitatem habent, cum eorum principia sint ab intrinseco determinata, ad essendum tantum; vtique omnis contingentia expertes sunt.

Verum non solum contra Thomistas est hæc responsio, sed teste Doctore extatico & planè diuino, Dionysio Carthusiano, est quoque communis doctrinæ Doctorum contraria: nam veram contingentiam seu vllam possibilitatem ad oppositum, menti beati inesse circa Dei amorem, negarunt (inquit) ille, viri verè heroici & perfecti mysticam Theologiam eminenter experti, Augustinus, Bernardus, Thomas, Hugo, Alexander, Bonaventura & similes eis. Et sicut ex Guiljelmo Parisensi viro profundis sensus ac seruido, modò indultum est, aliter sentire, est hominis prorsus ignari, qui diuina natura proprietates & animarum naturam nec ad modicum nouit.

Deinde non minùs est contra proprium suum Authorem. Nam ipse, alibi fatetur cum Diuo Thoma, prima parte quæstione sexta, articulo vltimo, verissimum esse; quicumque videt Deum per essentiam, impossibile est, quin diligat ipsum. Ex quo etiam cum reliquis Thomistis infert, impossibile esse vt Beati voluntas celsationem illius amoris sibi imperet: atque adeo sentit, necessariò amare necessitate ab intrinseco seu ex natura rei, absque omni indifferentia quoad exercitium: qua ergo via potest simul cum ista necessitate in eodem amore adstruere contingentiam? Certè Scotus qui amorem hunc simpliciter contingentem prædicauit, consequenter ab eodem necessitatem intrinsecam & ex natura rei, relegauit: vtpote cum similis necessitas directè contingentia opponatur. Ergo Vincentius ex vna,

Dionysius carth. in 4. dist. 49. q. 5. §. In ratione di. au.

In Th. I. I. C. 164

Suprà l. 2. c. 4. sect. 2. per totam.

parte cum Thomistis affirmās, amorem illum ex natura sua & ab intrinseco esse necessarium, & ex alia volens cum Scoto in eodem amore adstruere contingentiam; apertissime ponit duo directē sibi contradicentia.

Facit insuper contra dictā responsionem (quod & hic potissimum intendendo) quod saltem poterit dici, humanas electiones sub efficacia gratiæ tractu, non euenire cum maiori contingentia, quā eueniat amor beatificus sub ductu claræ visionis: & hoc certē ambas meas aures tinnire facit, Vincenti, nescio cur non tuas. Lege Diuum Thomam Prima Secundæ quæst. decima, articulo quarto, & non sine ratione hoc à me dici inuenies. Probat ibi Angelicus præceptor Authoritate Scripturæ, Ecclesiastici decimo quinto, *Deus ab initio constituit hominem, & reliquit eum in manu consilij sui*; hanc propositionem: *sic Deus voluntatem mouet, quod non ex necessitate ad vnum determinet, sed remanet motus eius contingens, nisi in his ad quæ naturaliter mouetur*, qualiter indubiè mouetur in amore beatifico & in omni actu simpliciter necessario, vt ostensum est supra: sentit ergo contra Scripturam esse, motus electiuos nostræ voluntatis non esse, aliter contingentes, quam sit Amor beatificus, cui perspicuè omnino, ibi contingentiam denegat, ad minus talem, qualem habent motus nostri liberi in via. Quod autem contrarium ex tua positione sequatur, patet manifestè: nam ponis electiones viæ fieri, quali sit amor beatificus: ergo siue amor ille sit contingens, siue non; hoc saltem habemus, electiones nostras non habere maiorem contingentiam quā habet ille amor. Patet consequentia, quia inter ea quæ sunt æquali necessitate, vnum

non potest esse magis contingens quā aliud.

## C A P V T XIV.

*Idem assumptum ostenditur ex propositione damnata in Bulla Pij Quinti; Quod voluntariè fit, etiam si necessitate fiat, liberè tamen fit.*

**S**CIRE oportet pro intelligentia tituli, quondam in Academia Louanienſi grauem fuisse inter Doctores contentione, grauesque tumultus. Id in causa erat, quod quidam inter ipsos, etiam Doctor, nomine Michael Baius, præcipuus illius Academiæ, & magnæ in ea authoritatis, non solum doceret plurimas propositiones à veritate alienas; sed & insuper contra sententias aliorum Doctorum acerrimis censuris insultaret. Ad componendas igitur, seu potius ad compescendas has lites edita fuit à Pio V. anno 1567. secundo verò sui Pontificatus, Bulla quædam, quam postea Gregorius XIII. anno 1579. sui vero Pontificatus anno octauo confirmauit: in qua Bulla prædicti Pontifices, tum vt Catholicam veritatem stabilirent, tum vt omnem occasionem scandali è medio tollerent, plurimas illas Baij propositiones hoc tenore damnarunt. *Quas sententias stricto coram nobis examine ponderatas, quamquam nonnullæ aliquo pacto sustineri possent; in rigore & proprio verborum sensu ab assertoribus intento, hæreticas, erroneas, suspectas, temerarias, scandalosas, & inpias aures offensionem immittentes, respectu, & quæcumque superius verbo scriptoque emissa, præsentium auctoritate damnamus, circumscribimus, & abolemus.*

Inter

Suprà  
l. 2. c. 5.

Suprà  
l. 1. c. 2.  
§. Tertio  
ex eo.  
i. m.  
pro ipis

Inter huiusmodi autem sententias, una continetur, quæ ad rem nostram facit: nimirum; *Quod voluntariè fit, etiamsi necessitate fiat; liberè tamen fit.* Quam propositionem cum reliquis eiusdem Authoris in Bulla recensitis, ab illis Pontificibus esse damnatam, nullus est qui ambigat & ipsi quoque Vincentio constans est, dum alibi in Theriaca sic fatur. *Quam propositionem merito in Lutheranis & Calvinistis, eo sensu damnat Pontifex, quo Ecclesia olim in Manicheis; Stoicis, Astrologis, Abailardo, Vniclesso eam damnauit.*

Sed probemus iam opinionem Vincentij, huic damnationi directè opponi. Pro quo rursus scire oportet, in prædicta propositione, *Quod voluntariè fit, etiamsi necessitate fiat, liberè tamen fit;* subiectum propositionis supponere determinatè. Ratio sumitur ex regula, quam circa suppositionem determinatam communi calculo tradunt Dialectici; inquit enim, quod terminus communis, aut nullo signo, aut signo particulari determinatus: supponit determinatè: at tale est subiectum nostræ propositionis; ergo supponit determinatè. Minor patet: nam subiectum est torum hoc, *Quod voluntariè fit, etiamsi necessitate fiat,* quod æquiualeat huic complexo, *actus qui voluntariè fit, etiamsi sit necessarius:* hoc autem subiectum est terminus communis, nullo signo determinatus, licet afficiatur relativo, quod est pars extremi: ergo subiectum istius propositionis est terminus communis nullo signo determinatus: ac proinde (vt diximus) supponit determinatè.

Explico hoc à simili: nam istæ duæ propositiones, *Quod est rationale, etiamsi sit inanimabile, est homo, & omne quod est rationale, etiamsi sit inanimabile, est homo,* sunt quoad speciem suppositionis omnino similes his; *Quod est*

*voluntarium, etiamsi fiat necessariò, fit tamen liberè; & omne quod est voluntarium, etiamsi fiat necessariò, fit tamen liberè;* at in duabus primis subiectum primæ supponit determinatè, & subiectum secundæ distributiue: ergo pariter in nostro casu, subiectum primæ determinatè supponet, licet distributiue supponat subiectum secundæ: ac per consequens in hac propositione, *quod voluntariè fit, &c.* subiectum supponit determinatè.

Ex hoc sequitur, quòd ad sui veritatem, non petat nisi vnā singularem veram: verbi gratia, quòd detur hic & nunc aliquod voluntarium, etsi factum necessariò, factum tamen liberè. Sicut namque propositio cuius subiectum supponit distributiue, petit ad sui veritatem, quòd prædicatum conueniat omni singulari contento sub subiecto; ita propositio, cuius subiectum supponit determinatè, non petit nisi quòd conueniat vni tantum.

Hoc igitur prælibato, sic argumentor: & probo Vincentium ad lapidem damnationis seu censure Pontificum, pedem suum offendere. Nam supposita eius sententia tamquam vera, damnata illa propositio est pariter vera. Ergo dicendum est, sententiam eius damnationi Pontificum directè opponi. Constat consequentia, & antecedens probo: nam propositio determinata suppositionis ex parte subiecti, cuius vna singularis est vera, tota est vera, seu vera simpliciter; at propositio illa damnata, est ex parte subiecti determinata suppositionis, vt iam explicauimus: & supposita sententia Vincentij habet vnā singularem veram: ergo tota est vera, seu vera simpliciter. Consequentia iterum constat, & probo id in quo est difficultas, nempe quòd habeat iuxta principia Vincentij vnā singularem veram: ipse

Suprà  
l. i. c. 10  
& 11.

namque ( vt suprà diximus ) docet hominem peccare contra præceptū , affirmatiuum etiam in casu , quo omnino impotens est illud peccatū euitare : & ex consequenti tunc datur ali- quod voluntarium , nimirum culpa- bilis omisso istius præcepti , quæ li- cet omnimoda necessitate fiat , tam exercitij , quàm specificationis ; simul tamen ( vt ipse vult ) verè liberè fit . Ergo hæc propositio ; *Quod volunta- riè fit , etiamsi necessitate fiat , liberè ta- men fit* , in eius opinione habet vnā singularem veram , ac proinde tota est vera seu vera simpliciter .

SED DICES , in eius opinione nullam habere singularem veram in sensu formali , id est , prout formaliter est damnata , in sensu quem in- tendebat Baius : licet habeat singu- larem veram absolutè , seu vt termini sonant . Vnde non sequitur , doceri à Vincentio propositionem , in sensu quo est damnata ; sed solum quòd doceat propositionem , quæ cum damnata , materialiter tantum & so- no vocis conuenit .

CONTRA multipliciter . Primò , quia gratis dato , quòd solum doce- ret propositionem damnatam mate- rialiter , seu in sono vocis ; ad minus sequitur , Vincentium damnatis vo- cibus uti , non quidem secundum sen- sum ; sed secundum sonum verborum : quod quàm parum Magistros Ca- tholicos deceat , consideremus paulò fufius ex varijs documentis Sancti Thomæ .

In primis Tertia parte , quæstione decima sexta , articulo octauo in Corpore : Respondeo ( inquit ) dicen- dum , quòd ( sicut Hieronymus dicit ) ex verbis inordinatè prolatis incurritur hæ- resis : vnde cum hæreticis nec nomina de- bemus habere communia , ne eorum er- rori fauere videamur . En cum hæreti- cis non solum nō communē sensum ; sed nec nomina debemus habere co-

munia . Si ergo Vincētius voces dam- natas seu nomina damnata approbat ( esto alium sensum intenderet ) reue- ra more Catholico non procedit .

Rursus prima parte , quæstione tri- gesima prima , articulo secundo in Cor- pore , postquam ex Hieronymo idem docuerat , quòd ex verbis inordinatè prolatis incurritur hæresis ; concludit in rebus fidei cum cautela & modestia esse agendum , vitando scilicet nō so- lum sensus damnatos sed etiam dam- natas voces , seu nomina . Cuius rei nonnulla adfert exempla in mysterio Trinitatis , dicens ; ad euitandum erro- rem Arrii , vitare debemus in diuinis , no- men diuersitatis & differentia , ne tolla- tur vnitas essentie . . . . ne autem tollatur simplicitas diuinæ essentie , vitandum est nomen separationis & diuisionis . . . . ne autem tollatur equalitas , vitandum est nomen disparitatis : ne verò tollatur si- militudo , vitandum est nomen alieni & discrepantis &c . Ecce vbi omnia illa nomina , ad euitandum errorem Ar- rij , vitanda esse docet , licet nonnulla sanum sensum possent admittere , imò & fortè in aliqua scriptura au- tentica inueniantur . Ergo similiter ad euitandum errorem Baii , vitanda sunt hæc nomina seu hæ voces ; quòd voluntariè fit &c . esto sanum aliquem sensum possent admittere . Ad quid ergo similem loquelam in Scholas conatur inuehere Vincentius ?

Deinde audiamus aliud eiusdem Sancti Doctoris documentum ex ea- dem prima parte , quæst. trigesima tertia , articulo primo ad Secundum . Apud Græcos ( inquit ) inuenitur de Filio vel Spiritu Sancto dicti , quòd principien- tur : sed hoc non est in vsu nostrorum Do- ctorū : quia licet attribuamus Patri ali- quid authoritatis ratione principij , nihil tamen ad subiectionem vel minoratio- nem quocunque modo pertinens , attri- buimus Filio vel Spiritui Sancto : vt vi- tetur omnis erroris occasio . Ecce ite- rum ,



rum, ubi docet Filium in diuinis non debere dici principiatum, nec etiam Spiritum Sanctum sic debere appellari, ut vitetur omnis erroris occasio: licet in sano sensu tam Filius quam Spiritus Sanctus à Græcis dicatur principiatus. Ex quo rursus concludo (ut pariter vitetur omnis Baiani erroris occasio) voces Baii damnatas à Schola Catholica esse relegandas, esto eundem sensum quis non intenderet.

Accedat illud quod habet eadem parte, quæst. vigesima nona, articulo secundo ad secundum, quia nomen substantiæ quod secundum proprietatem significationis responderet hypostasi, æquiuocatur apud nos, cum quandoque significet essentiam, quandoque hypostasim; ne possit esse erroris occasio, maluerunt doctores nostri, pro hypostasi transferre substantiam quam substantiam. Unde quæstione trigesima, articulo primo ad primum insert, nos non consueuimus dicere, tres substantias, ne intelligerentur tres essentia propter nominis æquiuocationem. Docet Ecclesiæ Latinæ Doctores fateri quidem in Diuinis tres substantias, non tamen tres substantias; quia hoc nomen substantia apud Latinos est æquiuocum pro essentia, & pro substantia: & sic dicendo dari in Deo tres substantias; fortè esset occasio credendi tres essentias, quod est erroneum. Apertissime innuitur ab ore Catholicorum releganda esse nomina, quæ sunt æquiuoca ad sensum verum, & ad sensum damnatum. Ergo esto admitteretur, hanc propositionem; quod voluntariè fit, etiamsi necessitate fiat, liberè tamen fit, habere aliquem sensum verum, ut docetur à Vincenzio; tamen quia æquiuoca est, & simul habet alium sensum damnatum, omnino ab ore Catholici Doctoris est releganda, ne possit esse erroris occasio.

Aliud occurrit ex Opusculo secundo, capite centesimo trigesimo octauo; ubi postquam docuerat, fati nomen posse accipi dupliciter, vel pro infallibilitate proueniente ex vi positionis fiderum, in quo sensu positio fati est erronea: vel pro infallibilitate proueniente ex vi Diuinæ Prouidentia, in quo sensu positio fati est Catholica; tandem sic concludit. Sed quia cum infidelibus, quantum possumus, nec nomina debemus habere communia, ne à non intelligentibus erroris occasio sumi possit; cauimus est fidelibus, ut nomen fati reticeant, propter hoc quod fatum conuenientius & communius secundum primam acceptionem sumitur: vnde & Augustinus Quinto de Ciuitate Dei dicit, quod si quis secundo modo fatum esse credat; sententiam teneat, & linguam corrigat. Ex quo iterum sic argumentor. Quia nomen fati est commune ad sensum erroneum & ad sensum Catholicum; monet Diuus Thomas, nomen istud à fidelibus esse reticendum, & Augustinus dicit, linguam circa hoc esse corrigendam. Ergo pariter prædicta nostra propositio, esto admitteretur habere aliquem sensum Catholicum; tamen quia communis est, etiam ad sensum erroneum, debet pari lege, ab ore Catholici Doctoris relegari & reticere.

Imò tanti semper habita fuit apud Doctores hæc monitio, ut maluerint aliquando veritatem fidei titulo tenus non fateri, quam fatendo, sola etiam voca cum hæreticis conuenire. Damascenus hic prodeat, & rei huius exemplum præbebit luculentissimum. Teste Diuo Thoma in Tercio ad Annibaldum, Distinctio: ne quarta, quæstione vnica; articulo tertio ad Primum; hæc sunt alibi Damasceni verba, *Iuste & verè Theotocion* (id est Dei Genitricem) Sanctam Virginem nominamus; *Christoto-*

con verò (id est Christi genitricem) non dicimus *Virginem*. Vide quanta verborum claritate renuet hic Damascenus fateri Beatam Virginem esse Matrem Christi! *Christotocon* (inquit) seu *Christi Genitricem* non dicimus *Virginem*. Quid ais cultor Virginis fidelissime? Matrem Dei, creatorum omnium dignissimam, Sanctissimam, Matrem Christi confiteri non audes? Nonne fides nostra hanc veritatem docet? Nonne Ecclesiae preces eam publice protestantur, dum toties auditur, toties canitur, **MATER CHRISTI, ORA PRO NOBIS?** Quæ ergo ratio, quis zelus, quis ardor te impulit ad hoc subticendum? Audi Lector Diuinum Aquinatis ingenium, attende responsum eius sapientissimum, & nulla prorsus circa hoc manebit perturbatio, dubitatio nulla. *Ad illud* (inquit) *quod obicitur de Damasceno; dicendum quod non intendit negare, quin sit vera Mater Christi; sed non in eo intellectu, quo dicebant hæretici, per Christum personam hominis tantum; non Dei intelligentes. Cum hæreticis autem (vt ait Hieronymus) nec debemus habere vocabula communia. Profectus quàm integra, quàm iusta Damasceni excusatio! Erant tunc temporis hæretici, qui hac blasphemia voce exultabant, quod nempe Beata Virgo non esset Theotocon seu Mater Dei; sed tantum Christotocon seu Mater Christi, intelligentes nomine Christi purum hominē. Damascenus igitur, si Christotocon quoque factus fuisset, voce tenus utique cum illis hæreticis conuenisset, licet sensu planè Catholico ab eisdem remorissimus? Quid ergo? Quasi zelo fidei mirabiliter impulsus, & in omnem omnino hæreticæ prauitatis speciem vehementer accensus; maluit veritatem fidei retento sensu Catholico, voce tenus non fateri:*

quàm Catholicis solam etiam voce cum hæreticis conueniendi ansam præbere.

Hæc sunt, Vincenti, quæ memorie reponere oportet, etiam circa propositionem, de qua nos disputamus. In ea profecto (esto non sensus à te intentus) voces tamen ad minus damnatæ sunt, & à Sancta Sede proscriptæ. Ab ore ergo Doctoris oportet eas exulare quàm longissimè, si veraciter rejicit quidquid vel à sinceritate Catholica censetur alienum, vel cum prauitate hæretica inuenitur esse commune. Verùm quòd voces huiusmodi ab ore tuo relegare nequeas, Vincenti, nisi pariter rejicias voces tuæ propriæ sententiæ: patet manifestè. Nam secundum regulas Dialecticæ, bene sequitur à singulari ad determinatam; hæc transgressio præcepti facta à voluntate Petri, etiamsi necessitate fiat, liberè tamen fit: ergo quod voluntariè, fit, etsi necessitate fiat; liberè tamen fit: Sed in bona consequentia, cum nequeat dari antecedens verum, & consequens falsum; nequit consequens negari, non negato antecedenti: ergo nequis, Vincenti, negare hanc, quæ est consequens, quod voluntariè fit, &c. nisi neges pariter hanc, quæ est antecedens: hæc transgressio præcepti facta à voluntate Petri; etiamsi necessitate fiat, liberè tamen fit. Tunc ultra; sed istud antecedens est ipsissima tua sententia, Vincenti; vt constat ex dictis supra: ergo nequis voces propositionis damnatæ ab ore tuo relegare, nisi releges pariter voces tuæ propriæ sententiæ.

Habemus ergo, si solutio data subsistit; Vincentium saltem in sono vocum damnatè loqui; cito admitteretur, sanum sensum sub huiusmodi vocibus habere. Quod sanè quàm directè sit, contra præallegata docet.

Supra  
l. 1. c. 10  
& 11.

documenta Diui Thomæ, quæ vi-  
rum Theologum summè decet ve-  
nerari; iam satis superque demon-  
stratum est. Vincenti, sententiam li-  
cet posses tenere; linguam tamen  
corrigere deberes.

Ast lubet vterius demonstrare,  
quòd non solum conueniat cum pro-  
positione damnata, materialiter,  
seu in sono vocis; sed etiam formaliter,  
& prout est damnata. Argumentor  
iterum sic. Propositio illa est  
damnata in rigore: hoc est secundum  
sensum, quem ex vi verborum facit.  
Ergo cum Vincentius teneatur illam  
admittere in rigore, seu secundum  
sensum quem ex vi verborum facit,  
vt iam probatum relinquo; tenetur  
profecto admittere illam, prout for-  
maliter est damnata. Consequentia  
constat, & antecedens non minus,  
si verba Bullæ inspiciantur: inquit  
enim Pontifices, se damnare senten-  
tias illas, in rigore, & proprio verbo-  
rum sensu ab assertoribus intento. En-  
vbi expressè dicunt, damnare se illas  
in rigore, seu proprio sensu, quem  
verba ex vi sua faciunt, quemque as-  
sertores ipsi intendebant: ergo pro-  
positio est damnata secundum sen-  
sum, quem verba ex rigore suæ signi-  
ficationis sonant. Ergo qui fatetur  
illam ex rigore vocis, & propriæ si-  
gnificationis esse veram, fatetur vti-  
que esse veram, prout formaliter est  
damnata.

Nec valet dicere, Pontifices po-  
tius asserere, illas in rigore & pro-  
prio sensu, posse sustineri, siquidem  
verba illa, quamquam nonnulla aliquo  
pacto sustineri possent, legi debent sine  
interiectione commatis per modum  
vnius sententiæ cum sequentibus, di-  
cendo sic, quamquam nonnulla aliquo  
pacto sustineri possent in rigore & pro-  
prio verborum sensu, &c.

Non (inquam) valet: nam si sic  
sine interiectione commatis legi de-

berent, Pontifices sibi contradice-  
rent; vtpote cum tunc nonnulla, non  
solum aliquo pacto; sed & simplici-  
ter, & absolute possent sustineri: si-  
quidem fieret sensus, quòd possent  
etiam sustineri in rigore & sensu pro-  
prio: quod certè est posse sustineri  
absolute, & simpliciter. Propositio  
namque, quæ ex vi sua & prout so-  
nat, potest sustineri; absolute & sim-  
pliciter sustineri potest. Tum etiam,  
quia absurdissimum est, dicere Pon-  
tifices damnare sententias, quas ip-  
sime in rigore & proprio sensu iudi-  
carent posse sustineri: ergo legenda  
sunt verba cum commatis interie-  
ctione, & tamquam facientia sensum  
verè aduersarium; videlicet hunc;  
quamquam nonnulla aliquo pacto  
sustineri possent (quia nempe aliquæ  
in sano sensu possent vtrumque expli-  
cari) tamen in rigore & in proprio  
sensu, quem verba præ se ferunt; dam-  
namus; circumscribimus, & abole-  
mus. Ille est sensus Bullæ clarissi-  
mus, & alium velle substituere, po-  
tius est Bullam eludere, quàm vene-  
rari.

Secundò argumentor. Quia si Ian-  
senitæ propter aliquam rationem,  
non inciderent in hanc propositio-  
nem damnatam, formaliter vt dam-  
natam; maximè quia non damnatur  
in sensu, quem ipsi intendunt; sed  
in alio longè diuerso: at hoc falsum  
est; ergo incidunt in hanc damna-  
tam, prout damnatam formaliter.  
Probare libet istam minorem, recen-  
sendo & improbando singulos sen-  
sus, quos in excusationem suam pos-  
sunt adducere.

PRIMVS SENSVS esse potest, in  
illa damnatione, respectum haberi ad  
significationem huius temporis, quo li-  
berum nil dicitur à Scholasticis, nisi quod  
fit cum indifferentia saltem contradic-  
tionis, & quicquid non ita fit, non liberum  
vocant: hoc ergo sensu vulgatissimo  
pro-

Iansen?  
com. 3.  
166.c  
26.col.  
724.

propositio falsa est, & iuste damnata. Non enim sufficit ad illam libertatem, quod sit voluntarium; sed opus est, ut qui liber dicitur, possit opus facere & non facere. Sic Cornelius Iansenius.

Notet prius Lector, Iansenium hic fateri, etiam temporibus Pij V. vulgatissimam, & receptissimam Scholasticis fuisse illam significationem; qua liberum nil dicitur, nisi quod sit cum indifferentia saltem contradictionis. Quod si hoc ita est; nonne quilibet cordatus Theologus sibi firmiter persuadebit, eandem significationem fuisse & ante tempora Pij Quinti vulgatissimam? A quo etenim Scholastici illius temporis eam potuerint recepisse, & votis quidem tam communibus, si nulla concors ea de re fuit apud prædecessores sententia? Diceturne ex proprio ipsorum cerebro profluxisse absque ullo præiudicio Doctorum catu, hoc sic unanimiter statuente, hoc sic communiter approbante? Profecto si sic profluxisse credunt Iansenitæ; nominare necesse habent primum Scholasticum, è cuius cerebro tunc temporis sic profluxit: quem cum nominare nec possint, nec ullo unquam modo poterint; sit euidentialissimum, & ante tempora Pij Quinti, & rursus ante, & iterum ante (donec primus mihi nominetur) fuisse significationem illam libertatis Scholasticis receptissimam. Sua ergo confessione propria de ingentissima temeritate contrarij conuincuntur; utpote qui à tam recepta tamque vulgata ante tot tempora inter Catholicos Doctores sententia, audaci suo Marte recedere non pertimescunt.

Sed hoc non nisi incidenter. Sensum propositum sic euerto. Nam significatio illa illius & huius temporis, quo liberum nihil dicitur, nisi quod sit cum indifferentia saltem

contradictionis; vel indicabatur à Prædictis Pontificibus esse vera, loquendo de libertate requisita ad meritum & demeritum (suppono enim de tali libertate Bullam debere intelligi) vel potius indicabatur esse falsa, sicut iudicat Vincentius: si vera; habemus intentum, nimirum Pontifices sentire, voluntarium quod est necessarium, non posse dici liberum libertate sufficienti ad meritum & demeritum: si autem falsa; hoc absurdum sequitur, videlicet damnasse propositionem, quia opponebatur significationi cuidam Scholasticorum, quam ipsimet Pontifices, iudicabant esse falsam. Quo quid irrationabilius? Eò namque magis non damnari sed approbari debebat propositio, quod directius falsa Scholasticorum significationi opponebatur. Elige, Vincenti, ex hoc dilemmate partem quam malueris, & offendes utique.

SECVNDVS SENSVS esse potest propositionem illam non damnari, nisi quatenus eò tendit, ut motus illi concupiscentiæ, qui rationem antequertunt, sint liberi: quod Author affirmabat, ut patet ex propositione eius quadragesima octaua; *Praua desideria quibus ratio non consentit, & quæ homo inuitus patitur, sunt prohibita præcepto, non concupiscas*. Quod sine dubio falsum est. Vnde non damnatur propositio, de qua nos disputamus, absolute seu separatim & ratione sui, quo sensu & non aliter, potest dici, quod asseritur à Vincentio; sed prout viam sternit ad illam alteram de libertate motuum concupiscentiæ, quo sensu potest dici, quod à Vincentio non asseritur. Sic iterum insinuat Iansenius.

Sed contra iterum: nam hoc omnino voluntariè & sine fundamento dicitur: si namque propositio; *quod voluntariè fit &c.* inter damnatas re-

Iansen.  
vbi li-  
præ.

cenfetur, vt fimpliciter diftincta ab illa altera de libertate motuum, cum hac numeretur & vocetur quadragefima octaua, illa autem noſtra, trigefima nona; quo fundamento poteſt dici, non damnari vt diftinctam feu ſeparatim, ſed ſolum vt viam ſternit ad alteram? Profecto qua facilitate hoc ſubinducitur, eadem debet reijci.

Tum etiam; quia vel propositio noſtra ſternit viam ad illam alteram ex meritis ſue propriæ ſignificationis, vel ſolum ab extrinſeco, quatenus ex prauo intellectu Authoris eò dirigebatur: ſi primum; ergo damnabilis eſt ratione ſui & ſecundum ſibi propria: ac proinde etiam vt diſtincta à quacumque ſignificatione alterius proſitionis. Si ſecundum; ergo perperam dicunt Pontifices ſe omnes illas ſententias damnare in rigore; ſed potius debebant dixiſſe, ſe aliquas vel aliquam damnare, non in rigore, ſed ſolum propter prauum intellectum Authoris, quem proſitioni aſſigebat. Imò cum ipſe intellectus Authoris ſit ſententiæ & eius ſignificationi omnino extrinſecus, non debebant dixiſſe generaliter, *damnamus ſententias*, ſed ſolum: *damnamus in hac vel in illa prauum intellectum Authoris*, quo hanc vel illam accipit.

TERTIVS SENSVS eſſe poteſt, quòd etiam vt à cæteris proſitionibus auulſa damnetur; ſed ideo quia facit ſenſum generalem ſeu vniuerſalem; nimirum omne voluntarium etiam illud quod eſt ſine plena aduertentia rationis, eſſe liberum. Sic rurſum Ianſenius eodem in loco videtur indicare.

Sed contra ex dictis: quia (vt ſupra in principio huius capituli probaui) proſitio habet ex parte ſubiecti ſuppoſitionem determinatam, non autem diſtributiuam; ergo non

facit ſenſum generalem pro omni voluntario, ſed ſolum pro aliquo: ita vt ſenſus ſit, *aliquid voluntarium etiamſi neceſſarium; eſſe equidem liberum*: ac proinde cum hoc non obſtante, damnetur; ſentiunt proculdubio Pontifices, nullum voluntarium quod eſt neceſſarium, eſſe liberum: ſicut ſi damnetur iſta proſitio particularis; *quòd eſt rationale, eſt album*; vt damnatio eſſet vera, nullum deberet dari rationale album.

QVARTVS tandem & vltimus ſenſus eſſe poteſt, proſitionem damnari eo ſenſu, quo Eccleſia olim in Manichæis, Stoicis, Aſtologis, Abailardo, Vicleſſo eam damnauit, qui dicebant liberè etiam fieri, id quod ſit neceſſitate naturali aut impetu irrefiſtibili, modò voluntas cooperaretur. Sic expreſſe gloſſat Vincentius.

Sed mirum in primis, quòd tam fidelis diſcipulus nullam ex ſui Magiſtri gloſſis adhibuerit: ſignum dubio procul, omnes illas vel ſuſpectas vel inſufficientes indicaffe. Quid ergo à ipſiusne gloſſa vera & ſufficiens? Minimè gentium. Vera quidem; ſed inſufficiens, vt damnationem euadat: nam (vt ex dictis abundè conſtat) Vincentius in re idem dicit: ponit enim actus noſtræ voluntatis fore liberos etiam in caſu quo haberent ſummum gradum neceſſitatis abſolutæ, ſpecificationis ſcilicet & exercitij: at talis neceſſitas eſt naturalis, vtpote à voluntate: vt natura; & ſit omnino irrefiſtibiliter, vtpote tali propenſione & vi, vt natura voluntatis nullo prorsus modo ei poſſit reſiſtere: ergo in re docet, liberè etiam fieri quod ſit neceſſitate naturali & virtute irroſiſtibili. Quod quia à ſe doceri optimè nouerat Ianſenius; ſimilem proſecto gloſſam non adduxit; ſed alias ſibi conſinxit.

Ve-

Vincen-  
tius in  
Theria  
ca li. 2.  
c. 7. ſect.  
6.

Ianſen.  
vbi ſu-  
pra

Verum nec illæ aliæ, nec ista Vincentij, ad rem vllatenus pertinere comprobantur. Vide dicta libro primo, capite decimo quarto, sectione secundâ: & libro secundo, capite quinto & sexto, & decimo & vndecimo; vbi necessitatem Calvinisticam, Stoicam, & Manichæam Iansenitis improbauimus.

## CAPVT XV.

*Occasione præcedentis propositionis damnatæ, ostenditur quàm irreuenter & quàm libere contra auctoritatem Sanctæ Romanæ Ecclesiæ locutus fuerit Antesignanus Vincentij Cornelius Iansenius.*

**H**ABEMVS ex præcedenti capite, nullum ex sensibus subductis secundum rei veritatem subsistere: ac proinde aduersarios, vndeque se vertant; ad lapidem censuræ pedem offendere. Quapropter meo videri, consequentius hic responderent id, quod ad aliam quandam propositionem damnatam respondit eorum Antesignanus Iansenius. Quid ergo (obijcit ibi) ad propositionem quam proscripsit Apostolica Sedes? Et immediatissime respondet; *Hæreo, fateor. Sed quid ad doctrinam Augustini clarissimam, constantissimamque; quam toties probauit & sequitur sequendumque; monuit Apostolica Sedes?* Quibus profecto verbis sensum non quærit, vt damnationem euadat, sicut capite præcedenti; sed potius damnationem apertissime fatetur, & (vt se excuset) tacite culpam reijcit in Ecclesiam, tamquam ea sibi ignoranter vel imprudenter contraria damnauerit tunc in Augustino hoc ipsum; quod ipsamet olim toties

probauit, sequendumque; monuit. Vnde & ibidem post multa concludit, quod si vel tunc ostendi potuisset, hanc aliaque; nullas propositiones, ab Augustino.....esse.....traditas.....numquam arbitror huiusmodi decretum ab Apostolica Sede promanasset: Quasi tantæ ignorantie decretum Pij Quinti redarguens, vt si tanta in discendo non aduisset, nunquam Ecclesia, quod tunc decreuit, decreuisset.

Viri Iansenitæ, hæreo & ego hic, imò & tota mente obstupesco in tanta Magistri vestri irreuerentia, libertate dicendi tanta? *Ipsò auditu horreo* (inquit Bernardus epistola centesima nonagesima) *& ipsum horrorem puto sufficere ad refellendum.* Attamen ad rem nostram dico, quod hæc eadem Magistri vestri responsio, consequentius quoque adhiberetur ad propositionem damnatam capitis præcedentis, quæ de libertate agebat: cum pari passu patetis, esse clarissimam, constantissimamque Augustini doctrinam, eam quam de libertate traditis.

Sed reuera quantum huiusmodi a Catholica synceritate exorbitent, quantumque hæreticæ prauitatis sapiant spiritum; melius poterit Lector internè meditari, quam ego verbis exprimere. Quid? Audebitne Doctor aliàs Catholicus Ecclesiam, tamquam sibi imprudenter contrariam reprehendere? Audebitne proscriptiones ipsius apertissime fateri, & deinde easdem velut ignoranter; vel non rectè factas redarguere? O tempora, o mores! O Iansenitæ in tali Magistro millies deplorandi! Audite Maximum in epistola Orientalibus directâ, & si disciplinam non contemnitis, sanius erudiemini. *Omnes fines orbis* (inquit) *qui Dominum sincere receperunt, & ubique terrarum Catholici veram fidem consistentes, in Ec-*

*clesiam*

Iansen-  
tom. 2.  
lib. 3. de  
Scaru  
puræ  
naturæ.  
cap. 22.  
col. 978

Maxi-  
mus a-  
pod Di-  
um.  
Thom.  
Opusc.  
1. circa  
form.



ecclesiam Romanorum tamquam in Solem respiciunt, & ex ipsa lumen Catholica & Apostolica fidei recipiunt. Et Bone Deus! Estne hoc in Ecclesiam Romanorum tamquam in Solem respicere, si nos priuati, eiusdem Ecclesie decreta proscriptionesque redarguimus, reprehendimus? Estne hoc lumen ab ipsa velle recipere, si volumus & ipsi lumen porrigere, quo videat, quid dampnandum, quid non?

Cyr. a. pud D. Thom. ibidem  
Et quid ad hæc Sacer ille Cyrillus in libro Theaurorum? *Vt membra (inquit) maneamus in capite nostro Apostolico Throno Romanorum Pontificum, à quo nostrum est querere, quid credere, & quid tenere debemus. Si nostrum est à Throno Romano querere, quid credere & quid tenere debemus; quomodo nostrum esse potest, eidem Throno præscribere, quid rectè tenere debeat, quid dampnare?* Audite iterum Cyrillum: *Ipsius scilicet Apostolici Throni Romanorum Pontificum, solus est reprehendere, corrigere, statuere, soluere, disponere, & loco illius ligare, qui ipsum adificauit. Si ad solum hunc omni laude dignissimum Thronum spectat reprehensio, correctio, solutio, dispositio, ligatio, quid nos priuati homunciones eiusdem Throni acta reprehendere contendimus? Quomodo non erubescimus, corrigere, statuere, soluere, disponere, ligare; si omnia ista solius esse Throni Romani veraciter credimus?*

D. Th. Opusc. 1. circa finem.  
Et nonne istud Sancti Thomæ verissimum: *Subesse Romano Pontifici est de necessitate salutis?* Quomodo autem subest, qui eiusdem Pontificis decreta, vel ignorantia, vel etiam contradictionis nota inurere non veretur? Et nonne sic inurit, qui eò irreuerentia, & libertatis deuenit, ut constanter audeat arbitrari, quòd nunquam ab Ecclesia tale decretum

promanasset, si ipsa mentem Augustini sciisset, sicut se eam scire ipse iactitat? Et rursus; qui ita hæret, ita fatetur (*verba illa eius tango, hæreo, fateor*) vt potius apertè indicet, Pium Quintum in materia dogmatica dampnasse, quod tamen antiqui Pontifices probauerunt, sequendumque monuerunt? Nonne hoc est, Ecclesiam in Ecclesias diuidere, & sub contradicentibus sibi Capitibus, unitatem eius, infallibilitatem dogmaticam euertere? Estne hoc obedire? Estne hoc subesse? Estne hoc auctoritatem Romanorum Pontificum Catholicè reuereri? O puniendæ potius vocis temeritatem! Ideo Ianseni Ecclesie addixisti, iuramento obedientiam, vt eandem scripto tuo sic contemneres? O crudelitatem! Dic quæ causa contemnendi? Forsitan quòd tibi in consecratione Sacerdotij demonum tradidit potestatem? Forsitan quòd elargito tibi in Episcopali infula Crucifixi patrimonio, fecit subueniendi pauperibus facultatem? O verbum totius superbiz! contemnis Ecclesiam, quæ cuncta gubernat, quæ portis inferi imperat, cui obtemperat terra, cui Imperatoria & Regia subiacent potestates, quam denique Diuinus Martyr Ignatius non dubitauit appellare, *Sanctificatam, illuminatam, Deo dignam, castissimam, beatificandam, Spiritu Sancto plenam.*

Profecto quam in eius præiudicium sit libertas tua dicendi, iam ita fortiter innotuit, vt ea de causa ipsi etiam Ecclesie hostes non dubitauerint sibi congratulandum. Perpendite Iansenitæ pestiferam illam Synopsim de gratia, quam famosissimus ille hæreticus Samuel Marsius iam nuper in lucem edidit, & videbitis non sine iustissimo dolore calanum meum ita contra vos inardescere. Nonne passim malignus ille

Ignatius  
Martyr  
in epistol.  
ad Romanos.

contra Authoritatem Sanctæ Sedis insultat? Nonne passim gloriatur eandem iam continuò labascere, & hoc quidem propter vestras liberrimas responsiones defensionisque, quas contra Romanorum Pontificum damnationes audetis non proferre solum sed & continuaciter tueri? Audite verba ipsa hæretici, de vestro patrocinio confidentissimi, & sentietis utique, quàm grande malum vestra in dicendo libertas pepererit. Dicit quodam in loco, ore omnino blasphemo se planè sperare Antichristianismi & idololatriæ in Papatu eversionem, & cur id dicat, imò & planè speret; *graves* (inquit) *habeo rationes. Primo enim ipsius Papæ autoritas sensim labascit, non solum per ea quæ ab Arnaldo Sorbonista... scripta & facta sunt... sed etiam per has ipsas controuersias de gratia, in quibus Pauli & Augustini sequaces* (Intelligit Iansenitas) *plurimas defendunt ac tuentur propositiones, quas Pius Quintus & Gregorius decimus tertius & Urbanus octauus in Jesuitarum gratiam censura notauerant.* Non legitis hic Authoritatem Papæ sensim labascere per vestras propositiones, quas contra Romanorum Pontificum censuram, defenditis, propugnatis? Nonne hæc est huius hæretici confessio? Nonne & insigne doctrinæ vestræ encomium? Quomodo ergo iuxta verbum Maximi in Ecclesiam Romanorum tanquam in solem respicitis, si sic censuram eius oculum dictæ scriptæque vestra obnubilant, vt ipsi citati hæretici spem exinde capiant triumphandi?

Sed videtur Vincentius velle occurrere, & Magistri sui liberrima verba, quæ in principio adduximus, excusare, tanquam ea Ecclesiæ Authoritati iniuriola non sint. Contendit ergo in epistola prodroma ad Richardum, verba illa *potius Ioannis*

11. & tot aliorum veterum Pontificum, qui sancti Augustini Doctrinam approbaverunt, authoritatem cum nonissima ista Pij Bulla librare & in æquilibrio ponere: quod si hoc verbis huiusmodi fit, si sic æquali lance authoritatem veterum Pontificum cum authoritate Pij Quinti appendunt; profecto nullius authoritati detrahunt, sed potius authoritatem omnium, pari passu attollunt.

Me hercle, hoc ego consequens non video, nec ullus quauis intelligentia præditus videre poterit. Speciosum planè est pallium, quo temeritatem sermonis obtegere nititur, sed ratio ipsa primo etiam aspectu eandem prædit. Fateor ingenuè, ita esse, quòd per illa verba authoritas veterum Pontificum cum authoritate Bullæ Pij Quinti libretur & in æquilibrio ponatur: sed in quo quæso æquilibrio? In quo libramento? Profecto non aliter, quàm si in statéra aliqua duo utrimque contradiçtoria appenderes, & tam pertinaci authoritate negaret vnum, affirmaret alterum, vt omnino hæreret animus, penderet affectus, cuius vellet authoritati in tam pertinaci pugna subscribere.

Dic quæso, Vincenti, quid sibi vult illud *hæreo*, illud *fateor*, ad propositionem quam proscripsit Apostolica Sedes regnante Pio? Nonne qui sic hæret, & simul fatetur; ipsam utique propositionem à Pio proscriptam esse confitetur? Et deinde, quid sibi vult illud alterum; *sed quid ad doctrinam Augustini clarissimam. .... quam toties probauit & sequitur sequendamque monuit Apostolica sedes?* Nonne hoc dicto ponitur aduersatio, quasi latenter dicatur; fateor Pij proscriptionem, sed non video quæ via possit ea esse legitima, cum pugnet cum clarissima doctrina toties ab eadem sede probata? Reuèra qui hunc

Epistol  
prodroma  
ad  
Ricardum  
pag.  
91.

hunc sensum negat, soli lucem dene-  
gat: & qui eundem fatetur ( sicut  
satori necesse est ) in æquilibrio po-  
nit evidentissimæ contradictionis  
authoritatem Sanctæ Sedis, ac si ea  
sub Pio damnasset, quod sub alijs  
Pontificibus approbat & probavit.

Et quid quæso circa sensum tam  
evidentem caput nostrum frangi-  
mus? Perpendamus verba tua pro-  
pria, Vincenti, & eodem Magistri  
tui iussulo te persulsum, eadem ( in-  
quam ) libertate dicendi te imbu-  
tum probabunt. Nonne Epistola illa  
dedicatoria ANATOMIÆ HOMI-  
NIS præfixa, quæ ex ultimo occiden-  
tis angulo Eminentissimum & Reue-  
rendissimum Principem FRANCI-  
SCVM BARBERINVM S. R. Ec-  
clesiæ Cardinalem alloquitur, tua  
est? Profecto tam tua est, vt omnem  
omnino Proteum ibidem exuens,  
simpliciter subscribas; *Eminentissima  
D. S. Humillimus & deuotissimus seruus  
L. FROMONDVS.* Ibi detecta  
fronte Fromondus, qui in Theriaca,  
simulata quadam lenitate, Vincen-  
tius. Verum in Epistola illa quid habes?  
Qua modellia, qua reuerentia  
de Bulla illa Pij Quinti loqueris? Hoc  
*super omnia* ( inquis ) in Bulla Pij &  
Gregorij annotandum: in explicatione  
eius sic gubernandam esse doctrinam  
nam, vt non in veterum Pontificum, In-  
nocentij, Zozimi, Bonifacij, Celestini,  
Sixti, Leonis, aliorumque, & doctrine  
S. Augustini Scopulos impingat. En, in  
explicatione Bullæ cauendos esse  
mones veterum Pontificum scopulos  
seu contradictorias definitiones,  
quasi Bulla ipsa, suæ rigore prohibi-  
tionis ansam præberet in eas impin-  
gendi. Hoc certè, Vincenti, non est  
Bullam venerari, aut iustum de ea  
formare iudicium, sed potius vete-  
rum definitionibus Pontificum, taci-  
tè & latenter opponere.

Subiungis deinde; nec tanta nouis-

simorum illorum Pontificum sollicitudi-  
ne oportet occupari, vt vetustiorum cu-  
ra omittatur. Quid iterum hoc? Mo-  
nes hic per eminentissimum Princi-  
pem BARBERINVM, ipsam Eccle-  
siam, ne plus iusto ( hoc est, omit-  
tendo curam vetustiorum Pontifi-  
cum ) distrahatur circa decreta no-  
uissimorum. Si me aut priuatum,  
quemque Theologum sic admo-  
nes; profecto digna esset, quæ am-  
babus manibus & arrectis auribus  
reciperetur admonitio: in indagando  
quippe vero sensu Ecclesiæ (quan-  
do is necdum est explicatus ) oportet  
Theologum definitiones Pontificum  
sic perscrutari, vt nec vni nec alteri  
plus deferat: cum non nisi æqualis  
sit singulorum in definiendo Autho-  
ritas. Verum cum hac eadem admo-  
nitione non nisi ipsam compelles Ec-  
clesiam; quasi apud eam ( vt quidam  
ex vestris conqueritur ) iniquè tradu-  
ctus sit Iansenius, quasi ipsa per pro-  
hibitionem Libri *Authoritatem Augu-  
stini & veterum Pontificum læserit*,  
quasi penitus debuisset Librum exa-  
minasse; cum ( inquam ) sub talibus  
circumstantijs monitorias hæc of-  
formes; quis non videat, te simili  
modo agendi, ipsam iterum Eccle-  
siam, tum ignorantem, tum contra-  
dictionis nota inurere? Ignorantem  
quidem; nam monendo, vt veterum  
hac in parte Pontificum cura non  
omittatur, vt Liber penitus exami-  
neter; nonne quasi apertè supponis,  
in prohibitione Libri, vtrumque de-  
fuisse, & illorum curam Pontificum,  
& debiti examinis discussionem? Et  
quis hic primam ignorantie notam,  
Ecclesiæ obiectam non videat? Dein-  
de cum tacitè insinuas, plus eam ad  
nouissimos quam ad veteres atten-  
disse Pontifices, ex eoque defectu  
prohibitionem emanasse, nonne ite-  
rum quasi Pontifices Pontificibus  
opponis, tamquam nimia nouissi-  
morum

Vide  
Bullam  
Illustrat  
fimi  
Mechli  
nensis,  
daram  
Brusel  
le die 3  
29. Mar  
tij An-  
no  
1651.

In An-  
tomia  
homi-  
nis epi-  
stola de  
dicato-  
ria ad  
Cardi-  
nalem  
Barberi-  
num

morum sequela, occasionem dederit veteribus contrahendi? Et quis ibi alteram contradictionis notam, pariter obiectam non percipiat? Hoc (dico iterum) est verè non iurare Ecclesiam, sed impugnare, non sequi sed redarguere, non obedire sed velle corrigere. Parum vobis Iansenitæ profuerit, verbis obedientiam fateri, & dicere, *Pro Pontificia autoritate defendenda paratos, etiam vos esse, vitam & sanguinem effundere*, si ex altera parte tam sacram, tamque Diuinam auctoritatem, modò latentibus, modò manifestis etiam calumnijs vellicare non desistitis. Imò mirabilis nimis est illa vestra, voluntas Martyrij, si (quod modò dicam) argumentum perpendatur: quomodo namque paratos vos probabitis, fundere pro Ecclesia sanguinem; qui vnus miseri LIBRI prohibitionem ab Ecclesia factam, æquo animo ferre non potestis? Imò tam obtorto collo renitimini, vt iam quasi rauca factæ sint fauces Ecclesiæ, clamore valido & fortè etiam lachrymis obedientiam inculcando. Et quid scio, si vsque in hodiernum diem exaudita sit pro sua reuerentia? Quidquid tamen sit, Mater nostra es, crescas in mille milia, & possideat semen tuum portas micarum suorum.

Gencl.  
24.

Cyroll.  
vbi su-

*Frates (inquit iterum Cyrillus) si Christum imitamur, vt ipsius oves vocem eius audiamus, manentes in Ecclesia Petri, & non inflemur vento superbiæ, ne fortè tortuosus serpens propter nostram contentionem nos eniciat, vt AEnam olim de Paradiso. Hoc ergo Doctores Iansenicę dogma arripiant huic monitioni humiliter veraciterque studeant, si velint in coadunata & fundata super petram Petri vniuersali Ecclesia remanere, & in vniuersitatem non abire. Absit omnino, vt putemus Ecclesiam Catholicam*

dubia sibi æstimatione pendulam, & non magis totum quod in ea est, certa ac solida veritate subnixum, oraculis & miraculis diuinitus persuasum, stabilitum, Consecratum *Partu Virginis, Sanguine Redemptoris, Gloria resurgentis*. Ex testimonijs huiusmodi, Ecclesia Dei certa & stabilis & sibi constans facta est nimis.

Bernard.  
epistol.  
190.

Et certè dato, sed non concessio, quòd Ecclesia hanc aut illam Augustini propositionem damnaasset; quid inde? An nè ideo deberet ipsa vel corrigi, vel ignorantie redargui? Me hercle, in casu damnationis, cui esset standum? Ecclesiæ damnant, vel Augustino damnato? Respondeat Diuus Thomas. *Magis standum est auctoritati Ecclesiæ quàm auctoritati vel Augustini, vel Hieronymi, vel cuiuscumque Doctores*. Et iterum: *Magis est standum Sententiæ Papæ quàm in iudicio profert, quàm quorumcumque sapientum hominum in Scripturis opinioni: cum Caiphas, quamuis nequam, tamen quia Pontifex, legitur etiam inscius prophetaisse*. Sed & ipse respondeat Augustinus: *Leſtorem meum (inquit) nolo mihi esse deditum . . . . ille non me amet amplius, quàm Catholicam fidem*. Ergo ipsius confessione Augustini, non ipsi Augustino, sed Ecclesiæ (extra quam nulla est Catholica fides) standum est. Iansenitæ est profecto hic, quod omnes in vniuersum Scho-

D. Th.  
22. quæ  
stio. 10.  
art. 12.  
in Corp.

Quodlibet  
9. art.  
16. in  
Corp.

Aug. li.  
3. de  
Trinit.  
cap. 1.

læ mirentur. Augustini discipuli esse vultis, & Augustini obedientiam, Augustini filialem timorem, non solum non attenditis sed & verbis & factis negatis.

\*\*\*

# CAPVT XVI.

*Assumptum principale ostenditur ex  
definitione Concilij Tri-  
dentini.*

**S**ACROSANCTA OEcumenica,  
& Generalis Tridentina Synodus  
(neque enim dignè satis de ea loqui  
possumus) inter reliquos Canones  
sessionis sextæ de iustificatione, quar-  
tùm habet omnino celebrem de na-  
tura libertatis sub tractu gratiæ. Est  
autem huiusmodi. Si quis dixerit li-  
berum hominis arbitrium à Deo matum  
& excitatum, nihil cooperari assentien-  
do Deo excitanti & vocanti, quo ad ob-  
tinendam iustificationis gratiam se dispo-  
nat ac præparet, neque posse dissentire  
si velit, sed veluti inanimè quoddam ni-  
hil omnino agere, mereque passivè se ha-  
bere, Anathema sit.

In hoc Canone, vt omnes docto-  
res Catholici fatentur, damnantur  
duo illi inter nominatores hæreticos  
præcipui, Caluinus & Lutherus.  
Quod vt rectè percipiatur, simul-  
que ex eo vires capiat nostri proba-  
tio assumpti; non abs re erit illorum  
errorem (quoad præsens spectat)  
breuiter hic perstringere. Conue-  
niebant igitur in vno & discrimina-  
bantur in alio. Conueniebant qui-  
dem in eo quod vnanimi consensu li-  
berum hominis negabant arbitrium  
ducti hoc argumento. Quia vide-  
licet secundum Scripturas, admit-  
tenda est gratia seu motio à se ipsa  
efficax, quæ facit vt infallibiliter fa-  
ciamus & cui resistere non possumus,  
vt patet ex illo Ezechielis se-  
cundum lectionem Augustini, *fa-  
ciam vt iudicia mea faciatis*: ex illo  
Isaiæ decimo quarto *Dominus exerci-  
tus decreuit, & quis poterit infirma-*

*re? ex illo Esther decimo tertio, non  
est qui possit tui resistere voluntati si de-  
creueris saluare Israel: denique ex illo  
ad Romanos nono voluntati eius quis  
resistit? sed cum motione seu gratia  
ita à se ipsa efficaci, vt ipsa opus no-  
strum faciat, & eidem resistere non  
possimus, non compatitur dari libe-  
rum arbitrium: ergo illud non datur.  
Et sic dicebant arbitrium esse titu-  
lum sine re, vel rem de solo titulo.  
Itaque gratiam à se ipsa efficacem, &  
quæ ipsum velle in nobis operatur,  
apertissimè admittebant: sed ex hoc  
impiè argumentantes, ergo non datur  
liberum arbitrium, pro consequente  
intulerunt. Audi consequentias Lu-  
theri, & vehementer satis vel potius  
nimis id agunt. Gratia predicatur (in-  
quit) ergo liberum arbitrium tollitur.  
Auxilium gratiæ commendatur: ergo li-  
berum arbitrium destruitur. Et iterum:  
Quotquot sunt loca in Scripturis Divinis,  
quæ meminerunt auxilij, tot sunt quæ  
collunt liberum arbitrium. Tandemque  
concludit: Hæc est sanè collectio, & rata  
consequentiæ, quam nec inferorum portæ  
subuertent.*

Et quidem si hæc ipsorum ener-  
gia, siue Genius attentè inspicatur;  
inuenitur ex diametro cum Pelagij  
argumentatione pugnare. Ille oppo-  
situm consequentis Calvinistici, ni-  
mirum liberum arbitrium dari, assu-  
mens pro certo ex Scripturis, intulit  
constantissimè oppositum Calvinis-  
tici antecedentis: nimirum talem  
gratiam sic efficacem non dari: vix  
versa in hunc modum arguens. Libe-  
rum arbitrium datur, vt Scripturæ  
passim clamant: ergo non datur gra-  
tia ita à se ipsa efficax, vt velle no-  
strum operetur. Et consequenter ad  
hæc, fatebatur hominem posse sine  
gratia ex proprijs viribus quoddam-  
que opus bonum facere. Certè cau-  
sa labendi vna & eadem diuersus. Causa  
que, lapsus tamen diuersus. Causa

Luthe-  
rus li-  
bro de  
seruo  
arbitrio  
post me-  
dium.

August  
li. 4. ad  
Bonifa-  
cium c.  
6.

M

laben-

labendi eadem : quia scilicet nemo illorum capere poterat, qualiter stare possent simul gratia à seipsis efficax, & liberi potestas arbitrij : vnde vel vnum vel alterum concludebant negandum. Lapsus tamen diuersus, quia Pelagius eligens se patronum, facere arbitrij, negauit gratiam, vice versa Caluinus & Lutherus volentes causam suscipere gratiæ, negauerunt arbitrium.

Caluinus in Institutionibus de cognitione hominis c. 2. nu. 56.

Caluinus de lib. arbitrio contra Pelagium in librum 4. §. Sequitur tertium membrum.

Verba Caluini quodam in loco sic habent. *Neque secus accipit sententia Christi potest: omnis qui audiuit à patre meo, venit ad me, quam ut EFFICACEM A SEIPSA Deigratiam doceat: quemadmodum & Augustinus contendit.* En admittit hic cum Augustino (sicut & nos Thomistæ facimus) gratiam A SEIPSA EFFICACEM. Sed quodd liberum exinde neget arbitrium seu potestatem dissentendi, in quo à Thomistis differt: ex alio quoque loco patet, vbi sic loquitur. *Sequitur tertium membrum de efficaci gratiæ operatione. Nego igitur gratiam sic nobis offerri, ut nostræ potestati sit optionis vel obtemperare vel refragari, & Paulo post; proinde efficaciter formari voluntatem nostram constituo, ut Spiritus Sancti ductum sequatur necessario.* Quibus verbis constituit gratiam ita efficacem, vt non relinquat homini potestatem dissentendi, sed potius inducat necessitatem: ac proinde liberum arbitrium euertit.

Vnde & clarissima eius de hac confessione varijs in locis extat, & præcipue in Antidoto Canonum Concilij Tridentini: ibidem namque in Canonem quintum sic habet. *De verbo ne moueamus rixam. Sed quia per liberum arbitrium intelligunt (Catholicis scilicet) eligendi facultatem, quæ sit in vtramque partem libera & soluta, titulum sine re esse, qui affirmant (nempe hæretici) Christum habent authorem, cum dicunt liberos fore, quos Filius libera-*

*uit: alios esse seruos peccati. Libertas teretè & seruitus contraria sunt.* En vbi liberum arbitrium prout nominat potestatem indifferenter, expresse negat.

Hinc etiam solam rationem voluntarij, seu spontanei in operibus nostris admittit. Redarguens enim Patres Tridētinis circa illum locum Prophetæ, *Conuertimini ad me, & ego conuertar ad vos*, ex quo ipsi liberum arbitrium eliciebant; sic respondet.

*Rursum ex his verbis, conuertimini ad me, & ego conuertar ad vos, liberi arbitrij vim eliciunt.* Scio alicubi Augustinum hac distinctione vti; sed longè diuerso sensu. *Disertè enim testatur, idque plurimis locis, gratiam Dei sic operari in nobis, ut ex nolentibus volentes faciat.* Vnde etiam concludit, *nihil hominem boni facere, quod Deus in ipso non faciat.* Quid ergo (inquit) sibi vult Augustinus, cum de libertate voluntatis loquitur? Nempe quod toties repetit: non cogi homines inuitos Dei gratia, sed voluntarios regi, vt sponte pareant ac sequantur. En solam rationem voluntarij seu spontanei nobis sub tractu gratiæ cōcedit.

Et iterum §. immediatè sequenti, *Sed insistent (inquit) Prophetæ verbis, quod conuersionem à nobis exigendo, liberum arbitrium compellet: quod frustrà faceret eorum quidem opinione, nisi aliud esset liberum arbitrium.* Fateor sane absurdas fore huiusmodi locutiones, nisi esset aliqua in homine voluntas: non tamen propterea concedo, liberam obsequendi facultatē inde posse colligi. Valde enim nouitios esse oportet venerādos istos Patres (O Caluini dementia!) si ex præceptis æstimant, quid valeat homo: cum ideo potius requirat à nobis Deus, quod supra vires nostras est, vt imbecillitate nostra conuicti, superbiam omnem exuamus. Meminerimus ergo aliud esse voluntatē in homine, aliud liberā boni ac mali electionē. Sublata enim post lapsū primi hominis eligendi libertate, sola voluntas relicta est, quæ sub peccati tyrannide cap-

Caluinus in Antidoto contra Sessio. 1. Secus capere agitur.



tiua vsque adeo tenetur, vt non nisi ad malum feratur. Negat ergo liberum arbitrium, seu libertatem, licet voluntatem seu voluntarium spontaneumque concedat. Qua de causa etiam Pighio dicenti nec se nec quemquam dubitasse orthodoxorum, quin nemo peccet, nisi liberè volens, sic alibi respondet, *his subscribimus nos quoque, si liberè pro sponte positum interpreteris.*

Caluin.  
de libr.  
arb. cō-  
tra Pi-  
ghium  
in librū  
3. 4. Jam  
ad tertiū  
ordinem.

Euidens ergo est, Caluinum ex vna parte gratiam A SE IPSA EFFICACEM admisisse, sed ex altera audacter & impiè nimis, liberum arbitrium negasse. Non enim capere poterat, qualiter vlla potestas dissentienti cum gratia à se ipsa efficaci compati posset. Quod namque nos Thomistæ dicimus, compati cum illa efficacia potestatem dissentienti absolutam, seu in sensu diuiso, sique liberum arbitrium verè saluari, hoc Caluinus non solum repudiat, sed & detestatur his verbis: *quod de absoluta potestate nugantur Scholastici, non solum repudio sed etiam detestor.* Et hoc certè fuit ipsi præcipua errandi occasio: Si enim absolutam illam potestatem dissentienti sub efficacis gratiæ tractu intelligere voluisset; non utique necesse habuisset, essentiam liberi arbitrij negare: nunc autem cum & eam repudiet & detestetur, consequens omnino est, vt veram libertatem è medio tollat: utpote quæ ad minus potestatem hanc absolutam, ad essentialiam sui rationem requirit. Et hoc summopere notatum velim, vt liquido appareat, quam falsa sit calumnia eorum, qui nobis Calvinismum obijciunt. Fatemur quidem gratiam A SE IPSA EFFICACEM, sicut & Caluinus ex Augustino fatabatur; sed in hoc, toto cælo distamus, quod ipse nullam veram potestatem dissentienti, etiam absolutam, sub ista gratia agnoscebat:

Caluin.  
in res-  
ponso-  
ne ad 1.  
art. de  
occulta  
Dei pro  
uidētia  
circa  
principiū

quam tamen nos constanter agnoscimus, imò & ad essentiam libertatis saluandam sufficere, infra luculenter ostendemus. Hæc circa mentem Caluini.

Infra 1.  
3. ca. 1.  
lect. 5.  
appēdi-  
ce per  
totam.

Et quantum ad Lutherum; in eodem prorsus errore fuit & ipse. Gratiæ efficacem pariter admisit; sed ita efficacem, vt necessitatem absolutam induceret & libertatem seu potestatem aliter faciendi euerteret. Accipe verba eius ex libro de seruo arbitrio circa medium. *Si præscinit (inquit) Deus, Iudam fore proditorem, necessariò Iudas fiebat proditor: Nec erat in manu Iudæ aut vllius creatura aliter facere aut voluntatem mutare: licet id fecerit volendo, non coactus: sed velle, erat opus illius, quod omnipotentia sua mouebat Deus, sicut & omnia alia, En fatetur motionem Dei ita efficacem, vt omnia opera nostra de necessitate dicat euenire & nullus possit aliter facere: sique clarissimè liberum arbitrium alio in loco negat his verbis. Liberum arbitrium post peccatum res est de solo titulo, & dum facit quod in se est, peccat mortaliter. Liberum arbitrium est figmentum in rebus, seu titulus sine re: quia nulli est in manus sua quidpiam cogitare boni aut mali, sed omnia (vt V. V. clef articulus constantiæ damnatus rectè docet) de necessitate absoluta eueniunt. Quod & Poeta voluit, quando dixit certa stant omnia lege.*

Iu-  
tus in  
allectio  
nibus  
ad Leo-  
nem X.  
art 36.

Hinc etiam responsionem Catholicorum Doctorum, qua communiter dicitur, à Præscientia Dei non induci necessitatem consequentis sed solius consequentiæ, irritat & exhibilat, dicitque signum & merum phantasma esse. Libro de seruo arbitrio, senserunt (inquit) Sophista (sic appellat Doctores Catholicos) vim inuictam & insusistentibilem huius argumenti: ideo finxerunt necessitatem consequentiæ & consequentis.

*Sed quam nihil hoc figmentum efficiat, supra docuimus. Et post pauca; necessitas vero consequentis, qua illi se solantur merum phantasma est...Rogo te, quomodo conueniunt illa duo. Indas potest non proderet velle, & necesse est (necessitate consequentia) ut Indas proderet velit? Nonne diuersè contradicunt & pugnant? Quasi apertè negans (sicut Caluinus) cum necessitate consequentia subsistere, vllam verani seu absolutam potestatem aliter faciendi: ut nos Thomistæ docemus.*

Vnde de eodem Luthero obseruauit Concilium Senonense: Quòd in errore Manichæi incidit Lutherus, dum nimis anxie & scrupulosè denitat Pelagium: metuens namq; liberum arbitrium cum Pelagio nimis efferre; omne bonum opus, quòd est in homine, Deo tribuit, & Diuina gratia, nihil prorsus libero arbitrio: sicq; tollens omnino liberum arbitrium Lutherus factus est Manichæus, dum refugit esse Pelagianus. Et hoc quidem à Concilio verissimè dici, verbis ipsis Lutheri probatur manifestè. Nisi enim totum (inquit) & omnia libero arbitrio tribueris, exemplo Pelagianorum; manet nihilominus Scripturæ repugnantiæ..... ideo ad extrema eundum est, ut totum negetur liberum arbitrium & omnia ad Deum referantur: sic non pugnant Scripturæ. En ut refugiendo Pelagianismum, negat liberum arbitrium cum Manichæo. Ex quibus liquet tam Lutherum quàm Caluinum in eo conuenisse, quòd vterque gratiam à seipia quidem efficacem admiserit; sed liberum interim arbitrium, talis gratiæ vi vterque oppressus, negauerit.

ID AVTEM in quo discriminebantur, fuit circa modum concurrenti, quem diuersimodè in voluntate nostra sub efficacis gratiæ tractu constituebant. Lutherus namque ponebat, nos nullam in opere bono interno habere actiuitatem, & concurrere

merè passiuè, recipiendo motum à solo Deo productum: vnde quodam in loco super Psalmos sic scribit. Error est liberum arbitrium habere actiuitatem in bono opere, quando de interno opere loquimur: velle enim illud, quod credere, sperare, diligere iam diximus, motus, rapinus, ductus verbi Dei, & quædam continua purgatio & renouatio mentis & sensus de die in diem in agnitionem Dei, licet non semper eque intenta sit illa passio; tamen semper est passio. Ecce (inquit Hieremias) sicut lucum in manu figuli, ita vos domus Israel in manu mea. Quid obsecro actiuitatis habet lutum, quado figulus ei formam affingit? Nonne mera passio ibi cernitur? Sed Caluinus temperans vtrumque hunc errorem, videtur nobis actiuitatem tribuere, ita ut operationes nostræ verè sint à naturali nostra actiua facultate. Extranea (inquit) est illa similitudo, que nos inuidiosè grauat. Quis enim ita desipit, ut hominis motionem à iactis lapidis nihil differre autumet? Neque verò quidquam simile consequitur ex nostra doctrina: in naturales hominis facultates referimus, approbare, respicere, velle, nolle &c. En qualiter affirmat, hominis motionem à motibus inanimatorum differre, cò quòd actus hominis sub Diuina motionem, sint à naturali eius facultate, utique actiua.

IGITUR in Canone Concilij Tridentini, quem adduximus, isti errores dampnantur. In primis namque dicitur: *Liberum arbitrium à Deo motum & excitatum.... posse dissentire si velit*; definitur contra id in quo vterque ille hæreticus conueniebat: videlicet efficaciam gratiæ seu Diuine motionis tollere libertatem. Si enim homo adhuc à Deo motus ad consensum, potest dissentire, si velit: ergo in manu eius est, voluntatem suam mutare, & ex consequenti libertas illa subsistit. Rursus damus ibidem additur, non se habere merè

Luther, in operatione, in Psalmos super Psalmum 1.

Calu. in Institutu, de cognitione hominis.

Con. P. ou. Senon. celebra. in ann. 1528. in præfat. Concilij.

Luther. lib. de libero arbitrio post me citum.

passiuè

*passive aut veluti inanime quoddam*, damnatur specialiter id, quod sentiebat Lutherus: videlicet voluntatem nostram, nullam in opere interno habere aſſuitatem. Si enim non se habet mere passive; ergo aſſuite. Si non veluti inanime quoddam; ergo quantum ad modum concurrendi, non simpliciter sicut lutum in manu figuli, omni aſſuitate carens.

SE D REDEAMVS iam ad opinionem Vincentij: probandum namque nobis est, veritatem huius Canonis, principijs eius aperte contradicere.

ARGVMENTOR SIC. Patres Tridentini definiunt hic liberum arbitrium, stante motione efficacis gratiæ, posse dissentire si velit: at hoc non alia ratione definiunt, quam quia indicant potentiam illam dissentiendi esse de essentia veræ & meritorie libertatis: ergo contra Vincentium, qui iudicat potentiam huiusmodi, ad essentiam talis libertatis non requiri. Discursus est legitimus, si maior & minor probentur.

Probemus ergo primo loco maiorem: & quidem quod definiant adesse potentiam dissentiendi stante motione, patet ex eo quod tribuant illud posse arbitrio, non qualitercumque, sed vt actualiter moto & excitato: at arbitrium actualiter motum & excitatum, posse dissentire, est idem ac stante motione posse dissentire: ergo definiunt potentiam dissentiendi ipsi inesse stante motione. Rursus quod loquantur de motione gratiæ efficacis & non solius sufficientis; probo tripliciter. Primò, quia iuxta confessionem contrariorum, nulla datur in natura lapsa gratia sufficiens, sed omnis est efficax: at Patres ibi loquuntur de gratia seu motione quam Deus præbet naturæ lapsæ: ergo non de sufficienti, sed de efficaci loquuntur. Secundò,

quia loquuntur de motione, quam homo ad obtinendam iustificacionis gratiam se disponat ac præparet: at motio illa est efficax, cum habeat coniunctum effectum actualis dispositionis seu præparationis: ergo loquuntur de gratia efficaci. Tertiò tandem, quia differunt de illa gratia, quam Lutherus & Caluinus dicebant libertatem tollere; at illa eorum opinio est gratia efficax: ergo de huiusmodi loquuntur. Et sic tota maior est vera: nimirum Patres Tridentinos ibi definire, liberum arbitrium stante motione efficacis gratiæ, posse dissentire.

Deinde quod hoc non alia ratione definiant, quam quia iudicant potentiam illam dissentiendi esse de essentia veræ & meritorie libertatis (quod est subsumptum minoris) sic probo. Quia eo motio hoc definiunt, vt ostendant contra Caluinum & Lutherum, indennem manere naturam nostræ libertatis, & non qualiscumque, sed illius quæ fundat meritum & demeritum, qualem illi heretici negabant: ergo si ad hoc ostendendum, assumunt pro medio, manere cum gratia potentiam dissentiendi, sentiunt indubiè, quod sine illa potentia, natura seu essentia libertatis salua non subsistat.

Explico hoc. Patres Tridentini, vel sentiunt sine ista potentia saluari veram naturam libertatis prout ad meritum & demeritum requiritur, vel sentiunt non saluari; si hoc secundum habeo intentum. Si primum, nempe quod sentiant saluari: ergo ad quid pro ea saluanda, tam sollicitè potentiam dissentiendi stabiliunt? Certè vanum & otiosum est, fideles compellere ad credendum, se posse diuinæ gratiæ dissentire, eo sine vt firmiter teneant, se esse verè liberos, si ex alia parte adhuc verè liberi essent, etiam quam-

uis dissentire non possent.

Explico vltcrius : si vera natura libertatis prout ad meritum & demeritum requiritur, subsistit ( vt tu autumas ) absque potentia dissentendi : ergo Caluinus qui solum istam potentiam negauit & reliqua libertatis requisita concessit ; non negauit reuera essentiam liberi arbitrij. Consequens est contra omnes Catholicos : ergo & antecedens quod est tua opinio. Sequela meo videri est euident, si verum est id quod ibi suppono : videlicet Caluinum reliqua libertatis requisita concessisse, & solum potentiam dissentendi negasse. Hoc autem verum esse, patet tum ex his, quæ in principio ex Caluino adduximus ; tum etiam ex dictis supra libro primo : vbi ostendimus Caluinum sub motione gratiæ admisisse in voluntate nostra immunitatem à coactione, & perfectam rationem voluntarij : vnde & quodam in loco ait, *Nos ex quo semel Domini virtute in iustitiæ obsequium edomiti sumus, vltro pergere, & propensos esse, ad sequendum gratiæ actionem : est enim certissimum, vbi gratia Dei regnat, talem esse obsequendi promptitudinem.* En fatetur nos vltro, cum propensione & promptitudine ductum gratiæ sequi, & indubiè non sicut equus & mulus quoad substantiam, id est absque intellectuall cognitione & perfecto rationis iudicio ( hoc enim nescio si somniauit ) sed potius cum cognitione & pleno iudicio, & insuper actiue concurrente : ergo cætera libertatis requisita, nimirum immunitatem à coactione, & perfectam voluntarij rationem, adittebat, & solum potentiam dissentendi negabat.

Quod & amplius confirmari potest ex Luthero, qui omnino dilucidis verbis id ipsum fatetur. Libro de Seruo Arbitrio sic loquentem inue-

nies. *Homo cum vacat Spiritu Dei, non quidem violentia velut raptus oborto collo, nolens facit malum, quemadmodum fur aut latro nolens ad pœnam ducitur ; sed sponte & libenti voluntate facit. Verum hanc libentiam seu voluntatem faciendi, non potest suis viribus omittere, coercere, aut mutare.* Non vides hic, immunitatem à coactione, & rationem voluntarij clarissimè admitti, & solum potestatem indifferentiæ negari ? Accipe & aliam eius sententiam sub tractu gratiæ. *Si Deus ( inquit ) in nobis operatur ; mutata & blandè affibulata per Spiritum Dei, voluntas iterum mera lubentia & pronitate ac sponte sua vult & facit, non coactè : vt nullis contrariis mutari in aliud possit... vt nec hic sit ulla libertas ad liberum arbitrium aliò se se vertendi, aut aliud volendi, donec durat Spiritus & gratia Dei in homine.* Nescio quid expressius adduci possit, ad probandum, Hæreticos reliqua libertatis requisita admisisse, & solum potentiam aliò se vertendi negasse. Imò quod caput est, hæc Lutheri verba sunt eadem ferme cum verbis Vincentij. Ipse alibi dixit, quod voluntas prædeterminatione gratiæ retenta non potest se flectere in oppositum ; & Lutherus hic ; nulla ( inquit ) libertas est in homine aliò se se vertendi, donec durat gratia Dei in homine.

Nec valet dicere, hæreticos illos simul cum omnibus his posuisse, voluntatem nostram naturæ quodam irresistibili impetu ad vnâ partem alligari, quo modo essentiam liberi arbitrij indubiè euertit, vt vult Vincentius.

Non (inquam) valet, nam re ipsa ad idem cogers, Vincenti. Et quidem hoc argumento. Nam peto à te, vtrum stante motione gratiæ efficacis, voluntas possit dissentire, licet non potentia dissensui coniuncta ( hæc enim bene cum Thomistis negas ) potentia

Supra lib.  
I. c. 14.  
sect. 2.  
§. Expli-  
cat hoc.

Calu.  
in Insti-  
tut. ho-  
minis,  
c. 2. no.  
57.

In The-  
ria. lib.  
2. ca. 7.  
sect. 1. §.  
2. ca. 14.  
men.

Ibid.  
§. Si re-  
men.

Supr. l.  
2. cap.  
11. Unde  
fualiter.

rentia tamen verè proxima & expedita quantum ad ea quæ requiruntur ex parte actus primi, ad dissentendum: vel potius hanc quoque potentiam neges: si illam fatearis; fateor & ego quòd nulla mihi tecum sit in hoc puncto concertatio, ut aliàs quòdam in loco supra monui; sed quòd illam non fatearis, ostendi quoque ibidem ex dictis tuis proprijs. Ergo in re ad Calvinismum cogeris. Probo istam consequentiam. Nam ideo equus (verbi gratia) in prosecutione sui obiecti, irresistibili quodam naturæ impetu, ad vnam partem alligatur, quia positus omnibus requisitis ex parte actus primi, non potest proximè eisdem perseverantibus non prosequi, potentia nedum negationi coniuncta; sed nec potentia aliqua absoluta seu antecedente, verè tali pro instanti istorum requisitorum: hoc ipso namque quòd actus primus & omnia eius requisita, careant intrinsicè illa indifferentia æquè ad prosequi & non prosequi: iam est ex parte principiorum constituentium posse, irresistibilis alligatio ad prosequi tantum: cum posse respectu prosecutionis, quod idem manens non est verum posse respectu negationis actus, sit posse irresistibiliter determinatum ad vnum tantum pro illo tunc. Dico autem, ad vnum pro illo tunc, quia quòd aliàs in agente inueniatur posse aliter pro alio instanti, mutatis scilicet requisitis ex parte actus primi, & aduenientibus alijs; hoc ad libertatem nihil prorsus potest conducere, nec ideo irresistibilis alligatio ad vnum tollitur: siquidem æquus etiam tale posse habet respectu non prosecutionis, mutatis videlicet requisitis ex parte actus primi, & aduenientibus alijs: cum tunc etiam possit non prosequi. Igitur irresistibilis alligatio ad vnum per modum naturæ, in illo so-

lūm potest consistere, quòd pro instanti quo ad sunt requisita ex parte actus primi ad operandum, non ad sit proximè id est ex vi eorundem requisitorum potestas æquè indifferens & expedita ad non operandum. Et certè huius rei aliam explicationem nemo poterit inuenire, nisi petendo principium, & dicendo verbi gratia, ideo equum ad vnum quid per modum naturæ irresistibili impetu alligari, quia est equus & non homo: quæ absurditas vero Philosopho indigna est. Ergo si per te, Vincenti, stante efficaci motione Dei, non potest homo illi dissentire, potentia ne dum negationi consensus coniuncta, sed nec potentia aliqua proxima quantum ad ea quæ requiruntur ex parte actus primi; reuera ex vi motionis alligabitur irresistibili quodam naturæ impetu ad vnum tantum, non minus quam equus: sicque re ipsa ad Calvinismum cogeris, licet voce diffitearis.

Et ex his etiam patet, quàm vana & friuola sit glossa illa, quam quòdam in loco, Concilio apposuit Cornelius Iansenius. Nempè quod Concilium istius potestatis dissentendi meminit, non ut in ea libertatem arbitrij sitam traderet, sed ut ostenderet ex contrario, arbitrium sub gratia, non nihil omnino agere, non veluti inanime quòdam, non merè passivè se habere, sed aliud agere instar rei animate... quasi diceret Concilium, hoc est argumentum infallibile, quòd non merè passivè se habeat homo, quia id quod recipit, potest etiam abijcere, seu dissentire si velit.

Patet (in quam) ex dictis, glossam illam vanam & friuolam omnino esse: quod & vterius hoc argumento ostendo. Nam si ita est, quòd Concilium illa sua definitione, solum velit nos actiue instar rei animate agere; ideoque potestatem dissentendi, tamquam huius actiuitatis

Iansen.  
to. 3. li.  
8. c. 17.  
colum.  
863.

argumentum, adduxerit; sequitur aperte, non fuisse ibi damnatum Caluinum, sed solum Lutherum, quod communi sensui Catholicorum contradicit. Patet sequela: nam (vt ex loco Caluini superius adducto constat) ipse expressè docuit hominem sub tractu gratiæ per modum rei animatæ agere, & non merè passiuè se habere: ergo si Concilium hoc tantum stabilire voluit; reuera in illo Canone nil contra ipsum statuit, ac proinde ibi damnatus non fuit. Quare constantissimè tenendum est, potestatem illam dissentendi fuisse à Patribus adductam, eo fine sicut nos diximus: videlicet vt liberi arbitrij naturam in ea sitam, sub gratia illæsam remanere, contra vtrumque hæreticum ostenderent.

Confirmo hoc ipsum. Nam præcipuus scopus Ecclesiæ contra illos hæreticos fuit, vt ostenderetur liberum arbitrium per efficaciam gratiæ non euerti, sicut ipsi contendebant: hoc igitur in aliquo Canone Ecclesiæ statuit & definiuit: quomodo enim præcipui sui Scopi definitionem vlla via poterat omittere? sed in nullo alio Canone id ipsum definiuit, quàm in quarto à nobis adducto, cum in quinto, qui etiam de libertate agit nullo modo gratiæ efficacis mentionem faciat, sed solum definiat, *liberū hominis arbitrium post Adæ peccatum amissum & extinctum non esse, nec rem esse de solo titulo, aut titulum sine re*: ergo cum in quarto, hoc non aliter definiat, quàm dicendo, sub gratia manere potestatem dissentendi: evidens fit, Concilio idem fuisse, liberum arbitrium & potestatem dissentendi: ac proinde istud in illa consistere.

Explico hoc. Necessariò fatendum est, Tridentinum alibi definiuisse, per efficaciam gratiæ non euerti liberum arbitrium, cum hoc in materia libertatis fuerit præcipuus eius

scopus; sed nullibi hoc definiuit, quàm in Canone illo quarto: & ibidem non aliter definiuit, quàm dicendo per gratiam non euerti potestatem dissentendi: ergo Tridentino idem omnino fuit, per gratiam non euerti potestatem dissentendi, ac per gratiam non euerti liberum arbitrium. Quid clarius? Quid euidentius? Igitur ex mente Tridentini, natura liberi arbitrij & potestas dissentendi conuertuntur. Domine (iterum atque iterum dico) aperi oculos horum cæcorum, vt videant.

## C A P V T XVII.

*Vltimò impugnatur Sententia Vincentij à singularitate.*

**H**OC etiam in infirmationem Vincentiani dogmatis apponere non dubito, quòd vix sciam, quem Patronum inter Catholicos habeat, præter vnicum suum Vincentium, ex his qui Scholasticam Theologiam prælo commiserunt.

Quòd enim in his Belgij partibus, nonnulli non Scriptores; imò & vix inter Scholarem plebem perfecti auditores, viro isti adherere conspiciantur; hoc certè opinioni nullam potest fidem facere. Vt quondam Mardochæo Iudæo in Aula Astori clauum regni moderante, nemo non ferè studebat Iudæorum fauorè atque beneuolentiam sibi comparare; in tantum vt (sicut Sacer Textus eloquitur) *plures alterius gètis & si illæ eorum religioni & ceremonijs iungerentur*; quid mirum, quòd & nunc in Aula Academica Louaniensi, Vincentio clauum facultatis moderante, sint quamplurimi, qui fauoris sibi comparandi gratia, eius opinioni præcipiti quodam affectu iungantur? Hoc

*Esther. 8.*

profe-



Cœlest.  
in epi-  
sto. pro  
Prospe-  
ro &  
Hilar.  
cap. 1.

professio ( vt iam dixi ) nullam potest pro veritate rei , fidem facere . Scholasticorum Scriptorum querenda est multitudo , si velimus nobis in dictis Theologicis fidem & auctoritatem conciliari . Quid enim illic spei est ( vt alibi loquitur Cœlestinus Papa ) *vbi magistris tacentibus , illi loquuntur , qui ( si ita est ) discipuli non fuerunt ?* Quid & tibi exinde spei , Vincenti ; quod Scholaris plebis tumultuarium os pro te loquatur , vbi Magistri , id est Scholastici Scriptores , non solum tacent , verum & apertissime libris suis tibi obloquuntur ?

Nonne præter veteres Thomistas , libro primo contra te enumeratos , omnes hi Magistri & Scriptores laudatissimi ?

*Bañez , Alvarez ,  
Medina , Ledesma ,  
Raphael de la Torre ,  
Raphael Ripa ,  
Matthæus de Rispolis ,  
Bartholomæus Sibilla ,  
Asturicensis , Gonzalez , Nuño ,  
Nauarrete , Nazarius , Araujo ,  
Ioannes à Sancto Thoma ,  
Martinez , Marcus Serra ,  
Curiel , Ildephonsus ,  
Cabrera , Lorca ,  
Montesinos , Victoria ,  
Cipullo , Salmanticenses ,  
Complutenses , Corneio ,  
Choquetius , Syluius ,  
Estius , Malderus ,  
Vniggers , Ludonicus à Dola .*

Et innumeri alij ? Omnes hos & singulos ( vt totam adhuc Societatis IESV Scholam cum centenis & centenis pertranscam ) circa disputationem nostram accuratè inspexi : & quid quæro ? Non solum pro dogmate tuo non loquuntur , sed & euidētissimis signis , vel vt erroneum supponunt , vel vt falsum & impro-

babile debere rejici , comprobant , & ostendunt .

Quibus hoc adiicio , quod contra te summa cum veritate citare possum nobilissimam totius Christiani orbis ( aut vt absit inuidia , quæ inter nobilissimas iure merito computari potest & debet ) vniuersitatem Salmantinam . In hac etenim per vadem-cim annos studijs Philosophicis & Theologicis incumbens , numquam aliquid à domesticis aut ab extraneis Magistris audiui , quod vel leuiter tuæ opinioni fauere posset . Quinimò si toto illo tempore , semel somnata fuerit ; nec inter quotidianas fabulas recitatum memini . Quare , mi Vincenti , cum singularitatem semper abhorreant sapientes ; singularitati tuæ subscribendum non est . Quidquid enim ab aliquo vno , vel præter omnes , vel contra omnes , nouum & inauditum subinducitur , id non ad veritatem , sed ad præsumptionem potius intelligitur pertinere . Extremæ quippe temeritatis est , in medio & perspicuo die tot Scholasticorum , commentitiam facem pro cognitione libertatis velle accendere , vbi lux veritatis iam dudum reperta est . Sed quàm bellè Imperator Martianus in Cōcilio Chalcedonensi ! *Qui post veritatem repertam , aliquid vltius discentit ; mendacium querit .*

Et dic quæso te , nonne doctus quisque Molinam præsumptionis redarguit , dum se primum & singularem concordia liberi arbitrij cum diuina gratia , inuentorem iactat ? Cur ergo & eadem nota inuri non times , dum te aut Episcopum tuum CLAVEM ARCANORVM SANCTI AVGVSTINI inuenisse gloriaris ? Ea , Vincenti , hæc alterius Vincentij verba in Medicinam tuam recipe . *O Sacerdos O Doctor , si te diuinum munus idoneum se-*  
*cit*

In The-  
rica l.  
2. cap. 9  
lect. 1.  
6. Ioannes  
Maldo-  
rus.

Vincē. *et ingenij exereitatione.... prafiosas di-*  
 Lytinē *nimi dogmatis gemmas fculpe fideliter,*  
 fis 2. p. *coapta, adorna fapienter, adice splen-*  
 tom. f. *dorem, gratiam, venustatem, .... ea-*  
 Bibl. *dem tamen quæ didicisti, ita doce, vt*  
 vet Pat. *cum dicis nouè, non dicas noua.*

In The *Sed obloquentem audio: non te*  
 rrica l. *noua dicere, fed omnino veterem &*  
 s. ca. 3. *Græcorum Patrum Philofophiam*  
 & deim- *pandere. Sic alibi in Theriaca.*  
 ceptis.

Sanè facillimo negotio idipsum  
 crederem, si reliquorum Doctōrum,  
 quos citauī, testimonia tibi adstā-  
 rent. Stans autem Petrus (ait Sacer  
 Textus) cum undecim leuauit uocem  
 suam. Quid est cum reliquis undecim?  
 Interrogat Chriſostomus: commu-  
 nem quidem uocem (inquit) edebant:  
 at Petrus omnium erat os: sed adstabant  
 illi undecim, testimonio suo comprobantes  
 ea quæ ab illo dicebantur. Efficax  
 planè argumentatio. Petrum tam-  
 quam os omnium Apostolorum lo-  
 cutum fuisse, firmissimè credo: quia  
 reliqui testimonio suo comprobantes,  
 illi adstabant: & te quoque,  
 Vincenti, tamquam os Sanctorum  
 Patrum locutum fuisse credam, quā-  
 do non solus, sed reliquorum Scho-  
 lasticorum testimonio associatus,  
 hoc dixeris.

Mira res. Tot sunt hoc sæculo mo-  
 derni Scholastici, tot & ante tempo-  
 ra nostra exitere uersatissimi, qui  
 non libellos sed & integra volumina  
 rebus Theologicis dedicarunt, & te  
 solum supra omnes veterum & San-  
 ctorum Patrum intelligentiam affe-  
 cutum fuisse credam? Quotquot ci-  
 tiui, putant se in sententia, quam  
 contra te habent, Sanctis Patribus  
 minimè contradicere: imò tot iam  
 annis ante te, eorum libri tamquam  
 Sanctis Patribus gloriosissimè con-  
 formes, ab Ecclesia non solum tol-  
 lerantur; sed & honorantur, ab uni-  
 uersitatibus suscipiuntur, in Scholis  
 praeleguntur, in disputationibus pro-

palantur, citantur, acclamantur; &  
 credam ego (te modò cum glossa tua  
 noua subintrante) omnes hos à men-  
 te Sanctorum aberrare, & te solum  
 ueraciter accedere? Si moderni sunt,  
 eaque de causa non sic opinione tua  
 audiendi, sicut veteres, qua uia tu,  
 modernus quoque cum sis, imò &  
 longè modernior, securius & confi-  
 dentiùs prae ceteris audiri conten-  
 dis? An nè solius tui dicti, tuique  
 Episcopi Authoritas tantum ponde-  
 ris habebit, ut posthabita intelligen-  
 tia tot illustrium, uobis solis in expo-  
 sitione Sanctorum debeat decantari  
 HONORET GLORIA?

Certè non credam, nec credere tu-  
 tò licet. Mira sunt quæ dicitis (uobis  
 uxor Augustini) nona sunt quæ dicitis,  
 falsa sunt quæ dicitis: mira stupemus,  
 noua canemus, falsa conuincimus. In  
 exponendis quippe Sanctorum Pa-  
 trum Sententijs, uocem oportet le-  
 uare communem cum reliquis unde-  
 cim, id est, expositionem oportet ad-  
 hibere, quam reliqua turba Schola-  
 stici germinis amplectitur, non quam  
 unus hominis priuata intelligentia  
 sibi confinxit. Nam si hoc idem non  
 sapiunt omnes, sed unus potius con-  
 tra omnes, iam nec periculo nec pre-  
 sumptione, tanta potest carere sin-  
 gularitas. Credamus, Vincenti, ef-  
 fe de mente Sanctorum Patrum &  
 veterum Theologorum, non id quod  
 tu solus, sed quod reliqua turba  
 Scholasticorum de mente ipsorum  
 esse dicit. Scholastici (inquit tunc  
 Iansenius) libertatem à peccato, longè  
 aliter exponunt, quàm Augustinus.  
 (inquit idem) proprijs opinionibus præ-  
 occupati, Sanctorum Patrum uerba quo-  
 quo modo in suas partes trahunt. Plus  
 iudant, præconceptam suam opinionem  
 in Patribus stabiliendo, quàm genuinū  
 sensum Patrum indagando. Et bone  
 Deus! Credatne ista ueraciter de  
 Scholasticis dici (maximè cum tam  
 gene-

Libr. 1.  
 contra  
 Iulian.  
 cap. 3.  
 in fine.

Iansen.  
 in In-  
 dice to-  
 mi ter-  
 tij uer-  
 bo Scho-  
 lastici.

Athorū  
 2. & ibi  
 Chilo.

Bernardus  
epistol.  
190.

generaliter dicantur de omnibus ubi ab vno solo homine dicuntur? Quid ergo tu Iansenij (vt alibi loquitur Bernardus) quid melius affers, quid subtilius inuenis? quid secretius tibi reuelatum iactas, quòd tot præterierit Sanctos, effugerit Sapientes? Aquas furtivas, & panes absconditos nobis apponis, quibus (dico iterum) nec credam, nec ulli cordato viro credere licet. Quasi verò solus Iansenius non aliter res Theologicas exponat, quàm exponit Augustinus: quasi verò solus ille verba Sanctorum in partes suas non trahat, propria opinione non præoccupatus: quasi verò solus ille, gesuinum sensum Patrum indaget, & præconceptam suam opinionem in Patribus stabilire non labore. O Doctor singulariter mirabilis & mirabiliter singularis! Sed ideo non audiendus, quia homo cum sis (sicut cæteri) tam singularem te facis, tamque singulariter mirabilem.

Libr. 2.  
contra  
Iul. ca.  
30. cir-  
ca me-  
dium.

Vti libet contra vos argumento Augustini contra Iulianum. Vsq̃ue adeo (inquit alibi) permiscuit imis summa longus dies.... vt videant Pelagius, Celestius, Iulianus; & cæci sint Hylarius, Gregorius, Ambrosius? Vsq̃ue adeo (dico & ego vobis) permiscuit imis summa, longus dies, vt his temporibus videant Iansenius, Vincentius, & cæci sint reliqui Scholastici?

Si fortè, Vincenti, respondeas: ista à Iansenio tuo non dici generaliter de omnibus modernis Scholasticis; sed tantum de quodam Scholasticorum genere, ac per consequens nec te, nec tuum Iansenium, simpliciter singulares esse, aut omnes Scholasticos modernos contemnere.

Profecto nescio si vera sit huiusmodi responsio. Quidquid tamen sit; tale genus Scholasticorum contemnit, tam robustum, tam firmum, tam nobile, tam electum,

tam regale, tam venerandum, vt islo semel spreto, euidentissimè apud vos, nulla sit erga reliquos omnes reuerentia.

Nōne idem tuus Iansenius ex magisteriali sua cathedra sic ausus fuit definire; Qui prædeterminationem Physicam in generali subordinatione causæ secundæ ad primam fundant, adeò vt eam ad gratiam hominis integri & Angelorum extendant, Augustini doctrinam funditus, pervertant, Scripturis non exiguam vim inferant, imò & subvertant? Et quale quæso genus Scholasticorum hic contemnitur, imò & infamatur? Suppono enim infamiam esse, eamque grauissimam, totalem peruerterem doctrinæ Sancti Augustini, violentumque Scripturarum interpretem, vel dici, vel cogitari. Quale (inquam) genus Scholasticorum hic infamatur? Nullum profecto aliud, quàm regale illud Thomisticum, cum suo Sanctissimo Præceptore Thoma Aquinate, membrana purissima Diuinæ Sapientiæ: in qua Physica prædeterminatio, in generali subordinatione causæ secundæ ad primam fundata, dilucidis verbis impressa conspicitur. Nam Prima, Secunda, quæstione centesima nona, articulo nono, assignans duas rationes, ob quas homo infirmus sanatus per gratiam adhuc indiget vltiori auxilio mouente ipsum ad opus; sic satur. Homo indiget huiusmodi auxilio, & hoc propter duo. Primo quidem ratione generali, propter hoc quòd (sicut suprà dictum est) nulla res creata (en generalem subordinationem causæ secundæ ad primam) potest in quemcumque actum prodire, nisi virtute motionis Diuinæ. Secundo, ratione speciali &c. propter infirmitatem scilicet status naturæ lapsæ. Vnde & articulo secundo illius quæstionis, loquens etiam de statu naturæ integræ, dixerat, secundum virumque statum

Iansen.  
in lu-  
dice to-  
mi 3.  
verbo  
Præde-  
termina-  
tio Phy-  
sica. Et  
tomo 3  
l. 1. cap.  
3. col-  
721.

*statum natura humana indiget auxilio Diuino ad faciendum vel volendū quodcumque bonum, sicut primo mouente. Et rursus articulo primo ibidem: quoniam tuncumque natura aliqua corporalis vel spiritalis (en extensam prædeterminationem etiam ad gratiam hominis integri & Angelorum) ponitur perfecta, non potest in suum actum procedere, nisi moueatur à Deo. Nonne hoc est apertissimis verbis, prædeterminationem, quā moderni Thomistæ Physicam vocant, fundare in generali subordinatione causæ secundæ ad Primam, ita vt ad omnem statum ad omnem creaturam, siue humanam siue Angelicam extendi debeat? Si ergo idipsum apud vos, Vincenti, est funditus peruertere doctrinam Sancti Augustini; & Scripturis non exiguam vim inferre; profecto non solum Thomistas; sed & ipsum Sanctissimum præceptorem continentis, infamatis.*

*Præterea, nonne disertis verbis docet idem Angelicus, peccato originali non deberi pœnam sensus? Legatur in Distinct. trigesima tertia, quæstione secunda, articulo primo, & præcipue quæstione quinta de Malo articulo secundo, vbi titulus est, utrum peccato originali debeat pœna sensus? Resoluit in argumento sed contra ex mellifluo Bernardo sic. Sed contra, est quod Bernardus dicit, quod sola propria voluntas ardet in inferno: sed originale peccatum non est peccatum propriæ voluntatis, imò consequitur ex voluntate aliena, ergo peccato originali non debetur pœna sensus. Præterea Innocentius Tertius dicit in decretali, pœna sensus debetur peccato actuali, sed originale peccatum non est actuale: ergo ei pœna sensus non debetur. Deinde in Corpore articuli: Respondeo (inquit) dicendum, quod sicut communiter dicitur (notetur phrasis; vocat sententiam communem) peccato originali*

*non debetur pœna sensus, sed solum pœna damni, scilicet carentia visionis diuinæ. Imò postea respondens ad duas auctoritates Augustini, in quarum vna Augustinus dixerat, quod paruuli decedentes sine baptismo, experientur gehennam, & in altera huiusmodi paruulos, esse æterno supplicio puniendos; sic concludit. Ad Primum ergo dicendum, quod nomen tormenti, supplicij, gehennæ, & cruciatibus vel si quid simile in dictis Sanctorum inueniatur; est largè accipiendum pro pœna, vt ponatur species pro genere. Ideo autem Sancti tali modo loquendi vsi sunt, vt detestabilem redderent errorem Pelagianorum, qui asseriebant in paruulis nullum peccatum esse, nec eis aliquam pœnam deberi. Et per hoc patet solutio ad secundum & tertium & ad omnia similia.*

*Ex quibus patet, sententiam negantem, peccato originali correspondere pœnam sensus, doceri à Sancto Thoma, non solum tamquam Bernardi, aut Innocentij, aut Augustini, sed vt suo tempore communem, & tantæ quidem auctoritatis, vt iuxta illam dicta reliquorum Sanctorum debeant explicari. Et quid quæso resolutissimus definitior Ianfenius de istiusmodi sententia, omnibus his non obstantibus iudicat? Audiamus verba ipsius, vt iudicium quoque sciamus. De pœnis vero paruulorum (inquit) post hanc vitam, pœnæ superfluum est, nouum laborem suscipere. Iam enim ante paucos annos Illustrissimus iuxta atque eruditissimus vir Dominus Florentinus Conrins Archiepiscopus Tuamensis opusculo hac de re scripto, perquam accuratè demonstrauit, paruulos absque baptismo ex hac vita decedentes, pœnis non tantum damni, sed sensibilibus & quidem æterni ignis secundum Augustini Doctrinam plecti. Cui operi quamuis quædam addi possent, quodam etiam iuxta Sanctum Augusti-*

Iansen.  
tom. 2.  
li. 2. de  
statu  
naturæ  
lapſæ.  
21. col.  
428.

num rectius aliter dici, quemadmodum nos quodam loco declarauimus; rectissime tamen ostendit id, quod in ista controversia præcipuum ac medulla est, longe ab Augustini & fortassis Ecclesiæ, quæ Pelagianos iuxta eius principia damnauit, mente recessisse Scholasticos, qui paruulis sine baptismo morientibus vel beatitudinem naturalem vel immunitatem à sensibilibus ignis æterni panis tribuerunt. Quapropter ne alium agamus, vel eius lucubraciones in hæc scripta nostra transferamus, remittimus diligentem lectorem ad ipsum tractatum eius. In quo quidquid ab aduersariis pro paruulorum causa benignius quam sapientius opponitur; ex profundissimi Doctoris Augustini sensu ac verbis refutatur. Non vides hic iterum lector mirabilem istius hominis singularitatem?

Profecto non est nobis iam sermo, de Sententiæ aliqua à modernis Scholasticis inuenta aut excogitata; sed de sententiâ quadam quam Sanctissimus Aquinas docet esse, & suam & Bernardi & Innocentij & Augustini & reliquorum Sanctorum & insuper communem inter sui temporis Magistros. Et quid ad hæc Iansenius? Non solum quasi plus sapiens quam Aquinas, contrariam approbat; sed & insuper cum quodam domino Florentio Conrio, iudicat Sæctum Thomam, Bernardum, Innocentium, cum omnibus Scholasticis tam antiquis quam modernis eam tenentibus, ab Augustini & fortassis Ecclesiæ mente longe recedere.

Prò Paradoxum insolens & stupendum! Ab Augustini & fortassis ab Ecclesiæ mente recedit Sanctissimus Aquinas? Quid in his verbis intollerabilius indicem, insolentiam, an arrogantiam? Quid damnabilius, temeritatem an irreuerentiam? An non iustius, os loquens talia censuris moderetur, quam rationibus retelle-

retur? Nonne omnium meritò Thomistarum in se prouocat iram, cuius lingua & calamus contra Thomam? Quam bellè concinat (verbis vtor Iansenij) contra quosdam) quam bellè (inquam) concinat ista censurarum acrimonia.... cum tot elogijs antiquorum.... cum illis oraculis Pontificum Romanorum, quibus (vt supra vidimus) asserunt Sanctum Thomam Beati Augustini vestigia fuisse insecutum, eiusque scripta certissimè esse Christianæ Doctrinæ regulam, & insuper viam regiam communi Ecclesiasticorum Patrum incesu tritam! Vade Doctor mirabilis: nam singularitas tua Ecclesiæ Catholicæ firmamentum vellicat & concutere nititur, quando sic in Sanctum Preceptorem iniuriosa conspicitur.

Non ergo, Vincenti, solum vobis familiare est, aliquod genus Scholasticorum Modernorum flocci facere, sed & insuper eò ascendit vestra singularitas, vestra arrogantia, vt ipsum etiam Scholasticæ Theologiæ Coriphæum Thomam Aquinatem, vestro iudicio anathema ferre non vereamini. Plus igitur cunctis, vultis vos soli sapere? Cunctisque plus genuini Augustinæ mentis interpretes videri? Mira res (dico iterum) Mira res.

Aiebat quondā zelo ductus Elias; Domine Prophetas tuos occiderunt, Altaria tua destruxerunt, & remansi ego solus. Respondit ei Dominus. Reliqui mihi septem milia: quasi diceret: ne putes Elia, te solum pro defensione mei honoris superstitem remansisse: nam adhuc præter te, septem millia ministrantium mihi præsto sunt. Quarit Rabanus, qualiter Propheta, aliàs domino tam familiaris, hanc superstitem multitudinē ignorare potuerit: tanto Propheta (inquit) quid difficile fuit cognoscere in hoc mundo famulos remansisse Deo? Apprimè pro-

Iansenij  
tom. 2.  
l. prox-  
m. ali c.  
16. col.  
38.

Suprà  
lib. 1. c.  
25.

3. Reg.  
19.

Raban.  
ibidem  
in glos-  
sa ordi-  
naria.

profecto quæsto satisfacit. *Qui humilis, etiam occulta Dei nouerat, elatus, etiam aperta nesciebat.* Sed iam ad rem nostram. Putat Vincentius se solum cum suo Iansenio pro vera intelligentia Sanctorum tradenda remansisse, ceterosque Modernos Scholasticos, potius peruersis glossis Sanctos Patres occidere, quam declarare. Quid ergo? Nonne dominus in Ecclesia sua reliquit præter Vincentium plusquam septem millia interpretum? Qua via igitur idipsum vir aliàs tam eximius potest ignorare? Quia nimirum, elatus & aperta nescit. *Quasi verò, Domine, Scholastici Sanctos tuos Patres glossis suis occidunt, Altaria genuini eorum sensus destruunt & remansi ego solus legitimè eos exponens.* Apage singularis interpretis, & doctrinam Rabani attentamente peruolue; voce Dei (prosequitur) ad Eliam solum se estimantem, dicitur, reliqui mihi septem milia virorum, et dum non solum se remansisse cognosceret; elationis gloriam, quæ ei de singularitate surgebat, inclinaret. Et vos ergo Iansenitæ inclinate capita vestra.

Primi Regū duodecimo, Samuel volens populo Israelitico, quantum æquitate ipsum rexisset, ostendere; expressè aliorum illustrium, qui eidem quoque populo præfuerant, mentionem facit. *Et ait Samuel ad populum (inquit Sacer Textus) Dominus qui fecit Moysen & Aaron, & eduxit Patres nostros de terra Aegypti.* En virtutis suæ specimen volens pandere, Moysen quoque & Aaron, celeberrimos viros sibi adiungit. Audiamus magnum Gregorium. *Quid est hoc aliud (inquit) nisi quia & virtutis suæ culmen ostendit; sed in tanto culmine solus apparere noluit: quasi latentibus sensibus dicat, in tanta animi virtute mirandus non sum, quia in ea solus non sum.* Bella sententia. Vin-

centi, magnum nobis tui ingenij culmen ostendis, de libertate discurrens. Asseris te essentialem eius rationem absque indifferentia, in Arcanis Augustini inuenisse, quidquid tota Schola Modernorum reclamet. Vtique in tanta ingenij & mentis perspicacia, mirandus es, quia in ea solus es.

Sed quid de nostro Caietano? Possitne & ipse singularitatem tuam aliquo encomio exornare? Poterit profecto. *Simon Ioannis (aiebat Saluator) diligis me plus his? Dicit ei, etiam Domine, tu scis quia amo te.* Notat Caietanus, duo quæri à Christo, & ad vnum tantum à Petro fuisse responsum. Quærebat Christus & vtrum diligeret, & vtrum plusquam reliqui Apostoli? Sed Petrus ad vnam tantum partem quæsti respondens, ait. *Domine tu scis, quia amo te.* Quare ad secundam quoque partem, nempe, *plusquam hi*, responsum non dedit? Acutissimè & verissimè Caietanus: *Refugit Petrus respondere ad secundam quæsti partem, scilicet plusquam hi; hoc enim non nisi temerè & presumptuosè potuisset affirmare.* Elegans omnino & concinnum pro tua singularitate encomium. *Vincen- ti, intelligis naturam liberi arbitrij plus his?* Id est plusquam omnes Moderni Scholastici? Si dixeris; *Tu scis quia intelligo*, vtiq; tollerabo. Si autem ad secundam quoque partem addideris; *Plusquam omnes Moderni Scholastici*; hoc non nisi temerè & presumptuosè potes affirmare.

Sequamur potius consilium doctissimi Philonis; præstet hic manere (inquit ille) oberrando inter mortales, sicut magna pars humani generis, quam ad Cælum à se ipsis elatos, subuersit, sicut multis Sophistis contingit. Præstat (inquam) hic manere, oberrando inter communes Sententias, sicut magna pars Scholastici germinis, quam

Ion. 11.

Caiet.  
ibid.Greg. 1  
Reg. 12Philo  
li, de  
Migra-  
tione  
Abra-  
ham  
post  
mediū



quàm ad priuatas Sententias à seipsis elatos, subuerti.

Et nonne etiam rectissimè mellis. sua sapientia Bernardi? *Falleris Theodorus* (ait alibi) *si videre Dominum desideras, à collegio Apostolorum segregatus. Non amat veritas angulos, diuersoria ei non placent: in medio stat: communi vita, communi disciplina delectatur.* Falleris tu quoque, Vincenti, si veritatem Augustini videre desideras, à Collegio Scholasticorum segregatus. Non amat veritas Augustiniana angulos: diuersoria priuati intelligenti ei non placent, sed communi potius disciplina, communi que sensu gaudet exponi.

Verùm adhuc fortè obmurmuras: si essent moderni Scholastici tales Doctores, quales fuerunt Hylarius, Hieronymus, Augustinus, Prosper; sequeremur eos: modo autem tales non sunt; sed longè alij, longèque inferiores: vnde à communi eorum sensu recedere; nobis vitio verti non debet. Hanc esse euasione[m] vestram; semel à doctissimo quodam & fide digno audiui.

Sed audite quoque iam Chrysostomum, siue quis alius fuerit in Commemarijs super Matthæum imperfectis homilia quadragesima quinta. *Cum audieris (inquit os aureum) aliquem beatificantem antiquos Doctores, proba qualis sit circa suos Doctores. Si enim illos sustinet & honorat, cum quibus viuit; sine dubio & illos honoraturus fuerat, si cum illis vixisset. Si autem suos contemnit, verè & illos contempturus fuerat, si cum illis vixisset.* Hæcenus ille, quasi Iansenitarum morem prophetice describens. Dicunt summa cum confidentia, se antiquos Doctores venerari, Augustinum amplecti, Hieronymum prosequi, Prosperum attendere; sed quantus qualique sit huiusmodi venerationis spiritus, ex verbis Chry-

stomi iam didicimus. Venerantur ne Doctores sui temporis? Amplectuntur ne illos Magistros cum quibus viuunt? honorant ne tam laudatam à tanto tempore caterinam Scholasticorum, quibus Catholica Scholæ fulgent vt sole luna? Certè qui hoc probare voluerit, vtrum similes venerentur vel non, legat librum Proximalem Iansenij in triginta capita distinctum, & nescio si vel vnum caput legenti occurreret; in quo non continuus sit Scholasticorum omnium & Modernorum villisimus contemptus. Si ergo tales sunt Iansenitæ circa sui temporis Doctores; frustra omnino honores mihi deferunt erga Doctores Antiquos, frustra illos laudibus attollunt: nam si (teste Chrysostomo) Beatificans antiquos Doctores, probandas primò est, qualis sit circa suos Doctores; iam vtrique millicies & millicies probati inueniuntur Iansenitæ, quod antiquorum quoque cõtemptores fuissent, vtpote qui tam proluxa tamque insolenti arrogantia Modernis omnibus & singulis in fultant.

Non sic profecto Doctor noster Angelicus, humillimus, veneratio[n]e plenissimus: qui sicut Antiquos Doctores summè fuit semper veneratus, ita & in laudem Modernorum sui temporis, hoc elogium proferre quodam in loco non dubitauit. *Non est mirum, si Moderni fidei Doctores post varios errores exortos, cautius & quasi eliminati loquantur (quàm Sancti antiqui) circa Doctrinam fidei, ad omnem hæresim euitandam.* Hoc vobis Iansenitæ loco speculi inferuiat, vt nouitia vestra arrogantia confundatur. Quid Scholasticorum morem contemnitis. Quid vtratisimos, clarissimos, præmeditatissimosque modernæ Scholæ terminos abiicitis? Nonne teste Aquinate ea methodo cautius & quasi eliminati ad omnem hære-

Sanct.  
Thom.  
opul. 1.  
contra  
errores  
græcorum  
in  
prin.

hæresim euitandam sermo sit? Hic ergo mos si vobis in scriptis vestris cordi fuisset; calamus utique vester exinde cautiore & climatiore; non tot iam hereticorum deliria integris penè hominibus profudisset.

Nec vilo modo iurat, quod pagina vestra imò & linea, Augustinum spirent continuè. Spirant litteram, sed longè è sensu Augustini, ad vestrum priuatum proximè adspirant: quo fit vt & Spiritus Augustini fidelis & Catholicus, sub onere litteræ, vt à vobis adducitur, suspiret omnino. Et nonne hoc ipsissimo pallio hæreses suas inuoluere, nouit accuratissimè Caluinus? Sanè tam frequens ipsi fuit eloqui Augustiniani vsus, tam familiare Augustini patrocinium; vt ipsemet alibi in fauorem suam de scriptis suis affirmauerit; *Nullum est caput quod non prope ad verbum sepius apud Augustinum occurrat: certe nullum est, quod non luculentio eius testimonio confirmare liceat.* Si ergo hoc Scriptoris Catholici causam iustificat, quod in citandis Augustini testimonijs sit continuus; profecto inter Catholicos, pari legeminerari poterit Caluinus. Quod cum à veritate sit alienissimum, à fide quoque orthodoxa remotissimū; quis ad eò stupidus, vt ea de causa lauream assecutæ Augustinianæ mētis, Iansenitis appendat? Hoc (vt dixi) obseruandum est, vt Augustinus, cum pro veritate confirmanda adducitur, non contra communem Scholasticorum adducatur intelligentiam; sed potius tali sensu exornetur, quem (si possibile sit) suscipiant omnes venerentur singuli. Reliquum, est dammandæ singularitatis notam incurrere, in priuatos errores abire, angulos querere, diuersoria seligere, cum tamen sincera & vera veritas in medio stet, communi vita, communiq; gaudeat disciplina.

Profecto limites suos exiret nostrā disputatio, si singularitas Iansenitarum serio redarguenda esset. Eam, cum humilibus, proindeque sapientioribus abhorreamus, ne in magnos casus eosque miserabiles redigamur. *Enim verò periculosum est,* (inquit iterum Philo) *animam incommittam ad contemplationem eius qui est, ascendere.* Periculosum (dico) est, intellectum Doctoris incommittatum, id est, Scholasticis sui temporis comitibus destitutum, ad contemplanda Sanctorum Patrum profundissima arcana velle ascendere.

Philos.  
ubi su-  
pra.

## C A P V T XVIII.

*Ostenditur, gratis posse admitti, esse verè liberos, actus spirationis & amoris beatifici; exinde tamen non sequi, fore cum eadem necessitate verè liberos actus hominis viatoris.*

**P**RÆCEDENTIBVS argumentis puto falsitatem Vincentiani dogmatis sufficienter esse demonstratam. Sed adhuc in animo est, aliam conclusionem superaddere, qua & gratis aliquid ipsi concedemus; ostendendo tamen adhuc eo concesso, principali intento Vincentium frustrari. Quod hucusque ergo peractum est, eò semper destinauimus, vt ostenderetur, non omnem actum perfectè voluntarium, esse eo ipso liberum, vera libertate sufficienti ad meritum. Siquidem (vt iam auctoritatibus Sanctorum & rationibus tam Philosophicis, quā Theologicis luculenter comprobauimus) ad actum verè liberum requiritur potestas ex parte principij, eque proxima & expedita ad actum, atque ad

Caluin.  
de libe.  
arbitr.  
contra  
Pighuū  
in lior.  
9. & illi  
argumenti

ad negationem actus, quæ tamen potestas in omni actu verè voluntario non reperitur: vt maximè patet in spiratione Spiritus Sancti, & in amore beatifico.

Iam verò libet omnibus istis superaddere, quod etsi gratis daretur, actus istos spirationis & beatifici amoris, esse verè liberos; adhuc tamen non sequatur, liberos fore actus nostræ voluntatis in via, si semel ponantur tam absoluta necessitate elici, quali prædicti actus eliciuntur. Itaque mens est, demonstrare, quod necessitas spirationis & amoris beatifici, si in actibus viæ poneretur; euidenter læderet libertatem actuum hominis viatoris, adhuc gratis dato, quod non lædat libertatem actuum voluntatis Diuine circa productionem Spiritus Sancti, & humanæ circa amorem Dei clarè vñ in Patria.

Quod certè efficaciter probari potest, ex discrimine quod versatur inter modum tendendi, quem habet voluntas in patria circa bonum infinitum clarè visum, & modum tendendi, quem habet in via, circa quodlibet aliud obiectum sibi propositum. Discrimen autem in eo situm est, quod voluntatis natura habet hoc, quod in patria moueatur necessitè à bono infinito clarè viso, necessitate quoad exercitium: sic verò per se loquendo, moueri non potest ab illo obiecto sibi proposito in via. Est doctrina expressa S. Thomæ, Prima Secundæ, quæstione decima, articulo secundo in Corpore, vbi sic loquitur. *Voluntas mouetur dupliciter: vno modo quantum ad exercitium actus, alio modo quantum ad specificationem actus, quæ est ex obiecto. Primo ergo modo voluntas à nullo obiecto ex necessitate mouetur, intelligitur à nullo obiecto in via, vt ex contextu patet. Itaque natura voluntatis est,*

moueri circa bonum infinitum clarè visum (vt contingit in patria) omni-modà cum determinatione à vñ, etiam quoad exercitium: natura verò voluntatis in via, est moueri circa quodlibet obiectum plenè & auertenter sibi propositum, non tali determinatione ad vnum, sed potius cum indifferentia ad minus quoad exercitium.

Et si rationem desideres, ea est: præsupponendo prius, quod sicut necessitas, quoad specificationem postulat vt in obiecto nulla possit apparere ratio mali, aut impedimentum alicuius boni, ita necessitas quoad exercitium actus postulat, ne in ipso exercitio si nilis ratio mali, aut impedimentum boni possit apprehendi: si enim aliquid horum apprehendatur, voluntas non manebit necessitata ad huiusmodi exercitium; sed potius cum indifferentia, vt se applicet, vel non applicet ad illud. Quippe ex qua parte indicatur bonum, poterit appeti & poni in opere à voluntate: ex qua verò apprehenditur in eo aliquid mali, vel impedimentum boni, poterit respui & suspendi. Hoc præsupposito, ratio est: quoniam quàm diu sumus in via, nullus est actus voluntatis, in cuius exercitio intellectus apprehendere non possit aliquid mali vel impedimentum boni: ergo nullus est qui necessiter voluntatem quoad sui exercitium. Consequentia constat ex facta suppositione, & antecedens probatur. Nam cum prædictum exercitium non sit summum bonum, nec inuoluit possessionem summi boni, sicut inuoluit exercitium amoris beatifici in Patria, non est, cur intellectus inuenire non possit aliquod aliud bonum maius sibi placens, & simul impossibile cum tali exercitio, proindeque apprehendere ipsam exercitium vt

malum & disconueniens, in quantum videlicet esset impeditium illius boni magis arridentis. Rursus intellectus potest apprehendere in quolibet exercitio actuum voluntatis viæ, aliquid fastidij, & molestiæ: cum enim, quamdiu sumus in viâ, omnes actus exerceantur dependenter à potentijs sensitivis & corporeis quæ agendo repatiuntur; potest huiusmodi repassio apprehendi vt laboriosa, atque ita fastidiri: ergo saltem ad vitandum hoc fastidium, poterit voluntas repellere à se tale exercitium; vel per omnimodam cessationem; vt fieret per somnum; vel diligendo aliud obiectum & distinctum exercitium assumendo. Constans ergo est, eam esse naturam voluntatis in viâ, vt circa quodlibet obiectum sub plena aduertentia sibi propositum, possit elicere actum, & non elicere. Ac consequenter tali necessitate, aut determinatione nequit in viâ moueri, quali mouetur in Patria circa summum bonum clarè visum, vbi nulla ratio mali aut impedimentum boni potest occurrere.

**EX HOC IGITUR DISCRIMINE** sic breuiter argumentor ad rem nostram. Si voluntas tali necessitate exercitij moueretur circa obiecta sibi proposita in viâ, quali mouetur circa summum bonum clarè visum in Patria; voluntas cogere-  
 tur: sed coactio in omni opinione (vt etiam Vincentius fatetur) tollit libertatem: ergo actus illi in viâ, tali necessitate elicit, liberi minimè essent. Minor cum consequentia constat, & maiorem probo. Nam illud cogitur, quod contra inditam sibi naturam & conditionem mouetur: cum id quod est contra inditam proprietatem naturæ, sit etiam contra inclinationem internam ac proinde coactum, imò & violentum; sed na-

tura seu propria conditio voluntatis; est vt circa omnia obiecta sibi proposita in viâ per se moueatur, absque necessitate exercitij, vt iam probauimus: ergo ponendo quòd circa illa, tali necessitate moueretur sequitur manifestè voluntatem cogi.

Explico hoc. Vincentius (vt supra vidimus) ex doctrina Suarij fatetur, quòd *necessitas illa est aliqua ex parte violenta, qua impeditur voluntas, ne vti possit naturali potestate suspendendi actum*: at si tali necessitate mouetur in viâ, quali mouetur in patria, manifestè impediretur, ne vti posset naturali potestate suspendendi actum, cum illa necessitas patriæ omnem veram potestatem tam consequentem, quam antecedentem, respectu oppositi excludat: ergo apertissimè voluntas cogere-  
 tur, si ex simili necessitate ageret in viâ.

Nec valet dicere, quòd necessitas Patriæ est summè voluntaria, ac proinde si eadem poneretur in voluntate viæ, quòd minimè induceret coactionem sed potius generaret maximam & perfectissimam voluntarietatem.

Non (inquam) valet: nam licet sit summè voluntaria suppositis supponendis, (verbi gratia) supposita propositione clara obiecti infiniti, nullam continentis in se rationem mali, sed potius ostendentis omnem rationem boni; tamen non est summè voluntaria absolutè, seu respectuè ad quodcumque obiectum: illud namque si ex meritis suæ bonitatis non sit necessariò amabile, sed potius indifferenter vel amabile vel respiciibile, sicut semper contingit in obiectis viæ, quando sub plena aduertentia attinguntur; profecto nequit volutatem sic allicere, vt actum suum circa illud suspendere non possit: vnde si hoc non obstante, talem

Supra  
lib. 2. c.  
8. §. 81  
ante

talem necessitatem erga ipsum voluntas sentiret, vt omnis vera potestas suspendendi actum, ipsi deesset; signum certè manifestum esset, quod contra naturam aliunde cogetur.

Vnde Diuus Thomas & Sãcti Patres, loquentes de voluntate hominis in via, seu prout versatur circa obiecta, extra casum claræ visionis, passim pro eodem vsurpant, voluntatem cogi & sic ex necessitate agere, vt oppositum facere non possit. Cum tamen loquentes de voluntate hominis in patria circa Deum clarè visum, ista duo semper distinguant, vt reuera distingui debent. Non enim sequitur, voluntatem beati cogi, quantumvis sic ea necessitate amet, vt non amare non possit. Et ratio est perspicua ex dictis. Nam talis necessitas in patria est iuxta naturam voluntatis respectiue ad bonũ infinitum clarè visum: in via autem potius est contra naturam voluntatis respectiue ad reliqua obiecta, quæ ipsi in via proponuntur: cum in ordine ad omnia (supposita perfectæ obiecti aduertentia) ex propria conditione & naturali suo modo agendi sit indifferens, ad minus quoad exercitium. Ego ponere, quod in via haberet illam necessitatem Patriæ; est profecto ponere necessitatem cogentem, ac proinde quæ libertatem eius absque dubio destrueret. Dixi *supposita perfectæ aduertentia obiecti*, quia non me latet ex defectu perfectæ cognitionis obiecti, posse aliquando voluntatem etiam in via quoad exercitium necessitari: vt patet in motibus primò primis, in quibus tamen nulla est vera coactio; sed potius essentialis ratio voluntarij licet imperfecti, hoc etiam exigente natura voluntatis, vt erga similia obiecta sic imperfectè proposita, necessariò feratur.

Quod autem Diuus Thomas & Sãcti Patres loquentes de voluntate hominis circa alia obiecta seu extra casum claræ visionis Dei, pro eodem vsurpent ista duo; voluntatem cogi & sic de necessitate operari, vt oppositum facere non possit; patet si quis attentè loca sequentia inspicere velit.

IN PRIMIS DIUVS THOMAS clarissimè sic loquitur in Secundo ad Annibaldum Distinctione vigesima quarta, quæstione vnica, articulo secundo ad Primum: nam explanans ibi qualiter *liberum arbitrium non impeditur aliquo cogente*, à propriis operatione; vt loquitur quæstione vigesima quarta de Veritate, articulo quarto ad Primum, dixit in loco ad Annibaldum; *dicatur liberum arbitrium facultas, in quantum homo non impeditur; quin possit hoc facere vel non facere*. Quia nempe extra casum claræ visionis idem est, impediri aliquo cogente, & impediri ne possit facere oppositum.

Rursus apertissimè prima parte, quæst. octuagesima secunda, articulo primo in Corpore, disertis verbis docet, quod *necessitas coactionis est illa quæ conuenit alicui ex agente sicut cum aliquis cogitur ab aliquo agere, ita quod non possit contrarium agere*. Quid clarius? Nonne hoc est dicere, fore coactionem, si voluntas nostra sic moueretur (scilicet in via) vt non possit contrarium facere?

Iterum in Secundo, Distinctione vigesima quinta, quæstione vnica, articulo secundo in Corpore. *Voluntas* (inquit) *neque subiecto cogi potest, cum non sit organo affixa, neque obiecto: quantumcumque enim aliquid ostendatur esse bonum, in potestate eius remanet, eligere illud, vel non eligere*. En euidentissimè tradit pro causa, adæquata incoagulabilitatis, hoc quod est, quocumque bono proposito

(nempe extra casum claræ visionis) posse voluntatem illud eligere vel non eligere. Sentit ergo, quòd si non posset eligere & non eligere; quòd cogeretur. Patet consequentia, quia in causis adequatis; si affirmatio est causa affirmationis, negatio est causa negationis.

Tandem Opusculo tertio contra Græcos, Armenos & Saracenos, capite decimo in fine, hanc habet clarissimis verbis propositionem. *Est autem hic modus naturalis homini, vt liberè agat, non coactus, quia rationales potestates ad opposita se habent.* Non vides iterum pro eodem usurpari, ista duo, non coactè agere & agere cum potestate ad oppositum: ergo à sensu contrario sentit etiam idem esse, agere sine potestate ad oppositum, & agere coactè.

SED ÆQUE CLARE fatetur idipsum Augustinus, libro contra Secundinum Manichæum capite 19. *Si cogitur (inquit) consentire, ita vt non sit in eius potestate aliter facere, non ergo, vt dicbas, voluntate peccat, quando non voluntate consentit.* En breuissimè pro eodem usurpatum, voluntatem cogi & ipsam sic necessariò consentire, vt non sit in eius potestate aliter facere.

ANSELMVS etiam in eodem est sensu: nam Dialogo de libero arbitrio, capite nono, etiam de voluntate extra casum claræ visionis sic fatetur. *Nempe si dicimus, quia cum vult mentiri, ne perdat vitam aut salutem; cogitur deservire timore mortis aut tormenti, veritatem, non est rerum. Non enim cogitur magis velle veritatem: sed quoniam: vt aliena prohibetur, virumque servare simul; ipsa eligit, quod vult. Sponte utique & non inuita, quamvis in necessitate viramlibet deserendi posita sit, non sponte, sed inuita.* Quo discursu (si attentè respicias) probat voluntatem metu mortis non cogi de-

terminatè ad mendacium, quia metus ille non facit sic determinatè velle mendacium, vt non possit velle mortem, ac proinde mendacium vitare. Ergo manifestè supponit quòd cogeret, si sic determinatè faceret velle mendacium, vt mortem potius velle non posset, sicque mendacium vitare. Vnde & à sensu contrario, probat quòd ad alterum horum indeterminatè, cogitur; quia vtrumque simul vitare non potest. Sunt ergo idem iuxta mentem Anselmi voluntatem cogi, & sic de necessitate agere, vt oppositum non possit.

IDEM INVENTITVR in Richardo de Sancto Victore, qui eodem modo tractatu de statu primi hominis, capite decimo tertio probans libertatis esse, quod consensus eius extorqueri vel cohiberi non potest; non aliam rationem adducit; quam quia sic homo consentit, vt possit non consentire. *Potest enim (inquit) consentire aspirationi diuina, similiter & suggestioni diabolica.* En apertissimè supponit fore extorsionem seu coactionem si sic determinatè faceret vnum, vt alterum facere non posset.

TANDEM Optatus Milëuitanus libro septimo contra Parmen. *Homicida fecimus (inquit) dum nemo cogit, potest & facere, potest & non facere. Adulterium machis, dum de foris nemo compellit, potest admittere, potest & non admittere:* à sensu contrario quasi supponit, si non posset facere & non facere; quòd aliunde cogeretur, vel quis eum de foris compelleret.

IAM ERGO VIDES, Vincenti, quòd gratis tibi dare possemus, actus istos inspirationis & amoris beatifici, tamquam verè & essentialiter liberos; & nihilominus negare, sic liberos esse, reliquos omnes, quos in via excrcemus, si semel eadem, in illis necessitas poneretur. Siquidem



dem (vt ratio ostendit & modus loquendi Sanctorum confirmat) actus viz sub tali necessitate essent verè coacti, minimè autem isti actus Patriæ sub eadem cogi conspiciuntur. Vnde licet (quantum est ex isto capite) vera & essentialis libertas ipsis concederetur; adhuc tamen concedi non deberet actibus viz. Ex quo etiam habes, quàm falsum sit dictum illud Antesignani tui Iansenij, dum loquens de gratia, rapiente voluntatem Patriæ, in dilectionem Dei; hanc stabilire voluit sententiam; quòd & si eademmet daretur etiam in presenti exilio, non violaret sed summè perficeret arbitrij libertatem. Arbitrari quippe, quòd perfectio gratia libertatem destruat, stultitia singularis est. Dico quòd potius est stultitiæ singularis huiusmodi sententia: nam (teste Diuino Thoma Prima secundæ, questione decima, articulo quarto in Corpore) ad prouidentiam diuinam non pertinet naturam rerum corrumpere sed seruare: vnde omnia mouet secundum eorum conditionem, ita quòd ex causis necessarijs per motionem diui-

nam consequuntur effectus ex necessitate, ex causis autem contingentibus sequuntur effectus contingentiter. Quia igitur voluntas est actuum principium non determinatum ad vnum, sed indifferenter se habens ad multa: sic Deus ipsam mouet, quòd non ex necessitate ad vnum determinat, sed remanet motus eius contingens & necessarius nisi in his ad quæ naturaliter mouetur. Ex qua doctrina liquidò constat, quòd Deus potius naturam arbitrij corrumpere, quam seruaret aut perficeret; si illud in ordine ad ea obiecta, ad quæ natura eius se habet contingentiter seu indifferenter, moueret tam efficaci gratia sicut mouet in ordine ad ea, ad quæ se habet necessariò seu naturaliter, sicut est bonum infinitum, clarè visum.

Quare videamus nunc, quid roboris habeant fundamenta tua, quibus oppositum nobis commentum persuadere niteris. Primò proponam ea, quæ ex Diuino Thoma, deinde quæ ex Sanctis Patribus, tandem quæ ex ratione & experientia con-

# LIBER TERTIVS.

SOLVUNTUR OBJECTIONES

QVAS VINCENTIVS ADDVCIT

Ex Diuino Thoma & Sanctis Patribus.

## CAPVT PRIMVM.

Proponuntur in genere loca, quæ Vincentius adducit ex S. Thoma.

**D**IXIT quondam Innocentius VI. in Sermone de laudibus Sã-

ti Thomæ; quòd eius doctrina, præ cæteris (excepta Canonica) habet proprietatem verborum, modum dicendorum, veritatem sententiarum, ita vt nunquam qui eam tenuit, inueniatur à te veritatis deuissse: & qui eam impugnauit, semper fuerit de veritate suspectus. Elogium hoc (vt pote à tanto viro & de tanto Præceptore,

dictum) puto in causa esse, quod vix hodie reperiatur Theologorum aliquis, qui non diligentissime studeat Divinum Thomam ad partes suas trahere. Quid ni? Cum nemo prudens, nemo sapiens velit se, aut a tramite veritatis deniare, aut de veritate esse suspectum. Contendit ergo eadem de causa Vincentius, Præceptorem nostrum partibus suis omni studio adiungere: colligens hinc inde ex ora Doctrinæ Thomisticæ nescio quas lacinias, ut suam quoque opinionem, si non re ipsa, saltem Thomisticè consutilem apparere faciat. Sed quam casso labore; ex sequentibus patebit.

Ut autem recta methodo procedamus, & quasi per viam compendij, varia quæ hinc inde spargit Sancti Thomæ testimonia, ad quatuor classes reducemus. In prima expendent illa, quibus videtur Angelicus præceptor docere, solam rationem perfecti voluntarij sufficere ad libertatem, quantumvis sit cum omnimoda determinatione ad vnum. In secunda statuentes alia, quibus abfolutè adstruit, necessitatem naturalis inclinationis, libertati non obesse. Rursus in tertia, proponentes ea, quibus multoties videtur asserere, hominem esse naturaliter liberi arbitrij per solam libertatem à coactione. Tandem in quarta, adducuntur ea, quibus docet prædeterminationem seu motionem gratiæ efficacis, tollere à voluntate, pro instanti quo eam afficit, potestatem proximam ad oppositum; cum tamen constans sit, adhuc pro illo instanti, voluntatem liberè operari.

Ex his omnibus & singulis, putat Vincentius Thomisticam lauream se adeptum. Ex prima Classe arguit sic. Secundum Sanctum Thomam, sola ratio perfecti voluntarij, & si sit cum omnimoda determinatione ad

vnum, ad libertatem sufficit. Ergo secundum eundem non requiritur potestas indifferens ad oppositum. Ex secunda iterum sic. Iuxta Sanctum Thomam, necessitas naturalis inclinationis non obest libertati. Ergo iuxta eundem, actus voluntatis necessarij sunt verè liberi. Ex Tertia sic. Iuxta Sanctum Thomam sola coactio destruit libertatem: ergo iuxta eundem actus voluntatis, quantumvis necessarij, modo sint expertes coactionis, erunt verè liberi. Ex quarta denique sic infert. Docet Divinus Thomas sub efficaci motione gratiæ & ea perseverante, hominem non posse se flectere in alteram partem; & tamen de fide est illum sub eadem gratia liberè agere: ergo potestas ad oppositum, iuxta mentem Sancti Thomæ, non est de essentia libertatis. Sed exantinemus singula, ut appareat, quam veritatem habeant, & qualiter concludant.

## SECTIO I.

*Soluntur specialiter loca Sancti Thomæ, spectantia ad primam classem.*

**A**D PRIMAM CLASSEM pertinet primò locus quidam ex Tertio, distinctione decima octava, quæstione prima, artic. secundo ad Quintum, quem Vincentius sic citat. Dicendum, quod si etiam (liberum arbitrium Christi) esset determinatum ad vnum numerum, sicut ad diligendum Deum (quod non facere non potest) tamen ex hoc non amittit libertatem, aut rationem laudis siue meriti quia in illud non coactè, sed sponte tendit & ita est actus sui Dominus. Ex isto loco sic conficit argumentum. Sanctus Thomas dicit, actum quo Christus viator amavit Deum,

Vinc.  
me, ff.  
prole-  
ad Pe-  
taurini  
pag. 14

Deum, etiamſi non indifferens, ſed ad vnum numero determinatus eſſet, fuiſſe nihilominus liberum, laudis & meriti fontem, voluntariſque dominio ſubiectum. Quomodo igitur dici poteſt, Diuum Thomam non agnoſcere, niſi in ſolo liberi arbitrii utrimque flexilis aſtu, propriam libertatem, laudem & meritum? Quasi alijs terminis arguens; liberum arbitrium Chriſti, in illo aſtu Amoris agit cum determinatione ad vnum; ita vt illud non facere, non poſſit: & tamen (teſte Sancto Thoma) agit in eodem aſtu liberè & meritorie, quia agit ſponte & non coacte, ex perfectò ſcilicet voluntario: ergo ſentit, quòd ſola ratio perfecti voluntarij, etſi ſit cum omni-  
moda determinatione ad vnum, ad libertatem meritoriam ſufficiat.

RESPONDE IN PRIMIS, hic notari debere, locum iſtum non ſatis ſincerè citari. Citatur namque, tamquam ſi eſſet vnica & adæquata reſolutio Diui Thomæ; cum tamen vnica & adæquata non ſit. Non enim inquit abſolutè; dicendum, ſicut Vincentius citat; ſed cum addito; vel dicendum. Pro cuius intellectu nota, quòd quantum argumentum, ad quod Sanctus Doctor ibi reſpondet, eſt huiusmodi. Naturalibus non meremur propter hoc quòd ſunt determinata ad vnum: ſed liberum arbitrium in Chriſto erat determinatum ad bonum: ergo ipſe per liberum arbitrium mereri non potuit: & ita nullo modo, cum omne meritum ſit ex libero arbitrio. Huic argumento adhibet duas ſolutiones. In prima, apertiffimis verbis fatetur noſtram ſententiam, ſic inquitens. Ad quantum dicendum, quòd liberum arbitrium Chriſti non erat determinationem ad vnum ſecundum numerum, ſed ſecundum genus, ſcilicet ad bonum, quia in malum non poteſt: ſed tamen hoc poteſt facere, & non facere: & hoc non excludit libertatem arbitrii, quia poſſe peccare,

re, nec eſt libertas abſolutè, nec pars libertatis, vt dicit Anſelmus. En vbi luce meridiana clariùs, confugit ad indifferentiam penes poſſe facere & non facere hoc vel illud bonum, vt Chriſti libertatem componat, cum neceſſaria determinatione ad bonum in genere. Deinde ſubiungens ſecundam ſolutionem, proſequitur; vel dicendum, quòd ſi etiam eſſet determinatum ad vnum numero &c. Vbi (vt manifèſtè vides) verbis iſtis non tradit vnica & adæquatam ſuam reſolutionem; ſed potius ſecundam quandam ſubneſcit. Qua ergo ſinceritate citatur à Vincentio ſine illa particula vel? Inquit Sanctus Thomas, vel dicendum; & citat Vincentius, quafi abſolutè, dicendum. An nè vnum & idem; dicendum, & vel dicendum? Profecto diuerſa ſunt: nam ly vel dicendum, ſupponit aliud prius dictum, & fortè veriùs, mentique authoris conformius. Hoc ergo non debuerat ſubſtituiſſe aut omiſiſſe, ſi plenam ſibi integramque fidem contendebat Vincentius.

Sed quidquid ſit de parua iſta ſinceritate, dico ad locum inductum dupliciter. Primo (vt dixi ſuprà libro primo) admittendo videlicet Sanctum Thomam in illa ſecunda ſolutione, vti (quantum ad libertatem Chriſti attinet) ſententia, quam docet Vincentius; ſed dicendo, quòd illam aſſerere non intendit: vt enim ibidem ſuſè ſatis oſtendimus; non, vtitur illa ex mente propria; ſed ex mente aliquorum, qui tunc temporis ad ſentiebant. Sicut & (teſte Diuo Thoma) alij magni Doctores, vt Auguſtinus, Dionyſius, Gregorius interdum aliorum opinionibus ſi fuerint; quas tamen nunquam aſſerere intendebant. Et etiam (teſte Caſetano) ipſe Diuus Thomas vſus fuit in libris ſententiarum, illa opinione, quòd beatitudo animæ

Suprà  
l. 1. cap.  
14. ſect.  
3. 6. Sed  
hoc iam  
dixi.

resumpto corpore crescit intensiue, quam tamen propriam eius mentem non esse, constat ex Prima Secundæ.

Imò & his omnibus addo alia tria exempla: vnum ex Hieronymo, qui idem fecisse comprobatur: dum scribens ad Marcellum dixit, quod quidam in fine mundi, qui reperientur viui, Domino veniente ad iudicium, non morientur: sed (vt notat Sanctus Thomas quæst. quarta de Malo, articulo sexto ad Primum.) Hieronymus non ponit hoc asserendo, sed secundum opinionem quorundam, vt patet ex epistola, quam scribit ad Mineruium de resurrectione carnis.

Alterum ex ipso etiam Aristotele, qui alibi dixit, quod intelligere est operatio coniuncti, sicut texere, & ædificare: & rursus alibi, quod intelligere corrumpitur, interius quodam corrupto, scilicet vel corde, vel calore naturali: quasi ipsum intelligere, secundum mentem eius esset actio corporalis. Sed audi Sanctum Thomam quæstione vnica de Anima, articulo decimo quinto ad primum & ad quintum; & qualiter hæc ab ipso dicta sint, percipies. *Ad primum* (inquit) *dicendum, quod illa verba Aristoteles dicit, non secundum, propriam sententiam sed secundum opinionem illorum, qui dicebant quod intelligere est moueri; & rursus; Ad quintum dicendum, quod Philosophus loquitur secundum opinionem quorundam qui posuerunt intellectum habere organum corporale sicut & sensum.* En ab Aristotele minimè alienum, loqui interdum, non secundum mentem propriam, sed secundum mentem aliorum.

Tertium iterum est ex ipso Sancto Thoma prima parte, quæstione vigesima quinta, articulo 1. ad quartum: vbi Sanctus præceptor duas etiam adhibet solutiones. In prima

dicens, potentiam executiuam distinguui in Deo, ratione nostra ab intellectu & voluntate; in secunda autem dicens, non distinguui adhuc ratione: quam secundam solutionem, omnes Thomistæ relicta prima, iudicant esse propriam ipsius mentem, eo quod varijs in locis illâ adhibuerit, primam autem, quia non nisi semel adhibuit, secundum mentem aliorum processisse iudicant. Sic pariter dico in præsentis; quod videlicet secundam illam solutionem, quam Vincentius pro sua opinione citat, non adhibuerit vt propriam suam mentem, sed vt omnino spuriam & alienam, si quidem (vt supra monstratum est) septem vicibus eandem materiam versans, semper illam subticuit, non nisi memor primæ. Ergo nil ex tali loco contra nostram communem doctrinam potest ex mente ipsius confici.

**RESPONDEO SECVNDO,** omnino negando Sententiam Vincentij in illa secunda solutione contineri. Quando enim dicit, liberum arbitrium Christi non amittere libertatem, etiamsi esset determinatum ad vnum numero sicut ad diligendum Deum quod non facere non potest; non est mens illius docere, Christum adhuc posse esse liberum, in illo actu, nulla considerata indifferentia, vt contendit Vincentius; sed solum, quod in eodem potest absolute esse liber, seruatis tamen seruandis: videlicet assignando sub aliqua consideratione indifferentiam, licet sub vna tantæ sit necessitatis, vt illum non facere non possit. Quod vtique verissimum est, & communis nostræ sententiæ minimè contradicens: nam (vt diceret infra libro quarto) actus dilectionis beatificæ in Christo, licet sub vna consideratione fuerit necessarius & non potuerit non elici, sub alia tamen fuit verè liber,

liber, ita vt absolutē potuerit illum sub tali vel tali terminatione, non habere.

Itaque mens Angelici nostri Præceptoris in loco citato est huiusmodi. Argumentum intendebat oppugnare libertatem Christi, ex necessaria eius determinatione ad bonum seu quia in malum non potest. Ad quod ipse respondet dupliciter. Primo ostendendo illam determinationem ad bonum libertati non obesse, ex eo quod solum sit determinatio ad bonum in genere; quæ secum compatitur indifferentiam ad hoc vel illud bonum in particulari, quod proinde hic & nunc potest facere & non facere. Deinde in secunda solutione, quasi volens arguenti adhuc plus dare quam Argumentum petebat; subiungit; *vel dicendum, quod si etiam, liberum eius arbitrium, esset determinatum ad vnum numero sicut ad diligendum Deum, quod non facere non potest, tamen ex hoc non amittit libertatem.* Quod fuit idem ac si dixisset. Quin imò etiam si admitteretur; Christum non fuisse indifferentem ad multa bona, quæ potuit facere & non facere; sed potius fuisse determinationem ad vnum numero bonum sicut ad dilectionem Dei, quam non potuit non facere, tamen adhuc in hoc potest saluari eius libertas, & de facto saluatur: seruatis scilicet seruandis, quæ alijs in locis ipse postea tradidit, & nos pariter libro quarto trademus; ostendendo qualiter adhuc in illo actu habuerit indifferentiam.

Sed instabis. Ergo perperam assignauit Diuus Thomas pro ostendendo libertate istius actus, hanc causalem; quia in illum non coactē, sed sponte tendit; sed debebat dixisse, quia adhuc respectu istius actus habet suam indifferentiam; sicut nos dicimus.

Respondeo, quod dicere illud pri-

mum, idem fuit in re, ac si dixisset illud secundum. Loquitur enim de Christo, prout formaliter erat viator: & in viatore voluntas spontanea ex perfectio iudicio rationis, idem est in re, ac voluntas indifferens: cum (vt supra ostensum est) nullus detur in voluntate viatoris actus, ita necessarius, circa obiectum perfectè sibi propositum; quin possit voluntas illum non elicere. Vnde & rectissime Sanctissimus Præceptor, quasi ostendens se per spontaneum, in re nil aliud intellexisse, quam liberum seu indifferentem; immediatè intulit; *& ita est actus sui dominus.* Quod sanè inferre non poterat, nisi ex modo agendi indifferenter; quandoquidem in Corpore eiusdem articuli dixerat, quod Christus, *actus sui Dominus erat per libertatem voluntatis*, id est, in via Diui Thomæ, per modum agendi cum indifferentia.

Et si dicas; quomodo ergo Sanctus Thomas dixit; *sicut ad diligendum Deum, quod non facere non potest?* In hoc enim apertè videtur significare, actum illum dilectionis esse liberum, etiam sub illa formalitate, prout Christus illum non poterat non facere.

Respondeo quod aliud est dicere; Christum esse liberum in aliquo actu quem non potest non facere; & aliud; Christum esse liberum in aliquo actu etiam reduplicatiuè, prout illum non potest non facere. Primum dixit Sanctus Thomas, minimè autem secundum: & primum verum est, præcisè per hoc quod actus ille sub vna formalitate sit liber, & sub alia ita necessarius, vt illum Christus non facere non possit. Ad secundum autem quod intendit Vincentius, requireretur, quod sub vna & eadem formalitate, qua necessarius, esset quoque liber. Hæc de primo illo loco sufficiant.

SE.

Suprà  
l. 2. cap.  
18. per  
totum.

Infra l.  
4. c. 13.  
per totum.

SECUNDO PERTINET ad eandem Classicem, alius ille locus, quem habet in eodem Tertio, Distinctio ne duodecima, quaestione secunda, articulo primo ad Tertium. *Impotentia* (inquit) *coactio*, quae opponitur voluntati id, tollit rationem meriti & demeriti; non impotentia, quae est ex perfectione in bonitate vel malitiasque hoc voluntarium non tollit; sed perit voluntatem confirmatam ad unum. Idem repetit in Tertio ad Annibaldum in eadem Distinct. quaestione unica, articulo tertio ad Primum, asserens, quod impossibilitas vitandi bonum, duplici ex potest intelligi, vel ex necessitate coactionis, vel ex necessitate immutabilitatis voluntatis; primo modo excludit meritum, secundo modo non, quia non excludit voluntarium. Ecce (concludit Vincentius) ut voluntarium ad meritum & ad meritum ac demeritum sufficiat.

RESPONDEO conclusionem illam deduci ex verbis citatis, absque ullo prorsus fundamento: nam aliud est, quod impotentia non ex coactione; sed ex perfectione in bono, ex proprio suo genere voluntarium non tollat, ac proinde nec rationem libertatis aut meriti: aliud autem, quod ipso facto & quibuscumque non obstantibus sit ad libertatem seu meritum sufficiens. Primum, videlicet impotentiam non ex coactione sed ex perfectione in bono, quantum est ex se, voluntarium, aut meritum non tollere, dicit ibi Sanctus Thomas & verissimum est. Secundum, verò, videlicet ipso facto & quibuscumque non obstantibus, ad libertatem seu meritum sufficere, ex malo intellectu infert Vincentius, & est falsissimum: nam (ut ex superioribus luculentissime constat) si voluntaria perfectio in bono, sit admixta cum omnimoda determinatione ad unum, tam quoad speciem actus,

quam quoad exercitium; est omnino ad libertatem meritumque insufficientis.

Nec oppositum potest ex locis citatis colligi: Nam Divus Thomas revera loquitur ibi, de impotentia, quae est ex perfectione in bono non cum determinatione ad bonum secundum numerum; sed cum determinatione ad bonum secundum genus tantum: quae prout sic compatitur cum indifferentia exercitij respectu huius vel illius boni in particulari. Et quod de impotentia ex perfectione in bono praecise secundum genus loquatur, patet manifestè: nam loquitur de impotentia peccandi: eo modo quo de facto erat in Christo Domino: ut patet ex Argumento, ad quod ibi respondet: quod ex impotentia Christi Domini ad peccandum, procedebat ad meritum eius destruendum: illa autem impotentia prout de facto erat in Christo, tantum erat cum determinatione ad bonum secundum genus, non autem, cum determinatione ad bonum etiam secundum numerum, ut supra, Sanctum Thomam saepius asserentem audimus.

SED IN FAVOREM Vincentij obijciat. Si Divus Thomas in re loquebatur de impotentia peccandi, quae in Christo respectu boni habebat admixtam indifferentiam exercitij; rectius soluit argumentum, dicendo (sicut nos dicimus) utam impotentiam meritum non tollere, quia non tollit omnem indifferentiam: at tali modo non respondit; sed dixit quod meritum non tollit, quia non tollit voluntarium, licet ponat voluntatem confirmatam ad unum; ergo sentit determinationem ad unum, qualiscumque illa sit, merito non obesse, dummodo salvetur ratio voluntarij.

RESPONDEO, negando quod rectius

Supra  
lib. I. c.  
14. lect.

3.

In The  
ria. I. 1  
cap. 13.  
§. D. Tho  
ma 2<sup>a</sup>.



reſtius ſoluisset, conſugiendo ad indifferentiam. Ratio eſt: quia argumentum (vt artiſicioſe & clarē ſolueretur) debebat ſolui formaliter eo modo, quo erat propoſitum. Erat autem propoſitum hoc modo; *Sicut peccatum requirit voluntatem* ( id eſt voluntarium ) ita & meritum: ſed ſecundum Auguſtinum nullus peccat in eo quod vitare non poteſt; ergo etiam nullus meretur vel laudatur de hoc quod dimittere non poteſt, ſi ergo Chriſtus non potuit peccare, non eſt laudandus de hoc quod non peccauit, vel ( vt inferit in eodem loco ad Arinibaldum ) bene faciendo non meruit. Iſtud argumentum vnum ſupponit & alterum aſſumit pro medio: ſupponit quidem Chriſtum habuiſſe impotentiam peccandi; ſed ea ſuppoſita aſſumit pro medio ad deſtruendum eius meritum negatio nem voluntarij, quod eſt radix omnis meriti, licet ſe ſolo ad meritum non ſufficiat: quaſi procederet hoc modo; Chriſtus non potuit peccare: ergo non peccare ſeu benefacere non fuit ipſi voluntarium: ergo nec meritorium. Sic autem Arguens ( vt conſideranti apparet ) nil aliud petit quam dari ſibi ſatiſfactionem, quaſi ſuppoſita impotentia peccandi, ſaluetur in Chriſto ratio voluntarij ad meritum requiſita: vt ergo artiſicioſe ipſi reſpondeatur, non oportet conſugere ad indifferentiam; quia hoc eſſet reſpondere plus, quā arguens petit; ſed ſufficit oſtendere, qualiter præciſa ratio voluntarij ex illa impotentia peccandi non lædatur. Quod Diuus Thomas ingenioſiſſime facit, aſſignando immediatam huius cauſam; videlicet quia iſta impotentia non oritur ex coactione, quæ ſola voluntarium lædit, ſed ex perfectione in bono quæ potius vt ſic voluntatem magis firmat, Itaq; aliud eſt id, per quod reipſa ſolueretur argumentum; aliud au-

tem, per quod ſolueretur artiſicioſe: in re quidem & abſolutē fuiſſet ſolutum, ſi conſuſiſſet ad indifferentiam, non tamen fuiſſet ſolutum artiſicioſe, niſi conſugiendo ad oſtentionem voluntarij, quia in ſola illius ratione arguens difficultatem & vim faciebat.

TERTIO SPECTAT ad eandem claſſem, quidam locus ex Tertijs contra gentes, capite centeſimo trigefimo octauo: vbi S. Thomas ſic loquitur. Eſt enim duplex neceſſitas, quædam coactionis, & hæc laudem virtuoſorum actum dimminuit, quia voluntario contrariatur: coactum enim eſt, quod eſt voluntati contrarium. Eſt autem quædam neceſſitas ex interiori inclinatione procedens: & hæc laudem virtuoſi actus non minuit, ſed auge: facit enim voluntatem magis intenſe tendere in actum virtutis. Patet enim quod habitus virtutis, quāto fuerit perfectior, tantō vehementius facit voluntatem tendere in bonum virtutis: & minus ab eo deſicere: quod ſi ad finem perfectionis deuenit; quādam neceſſitatem inferat ad bene agendum, ſicut eſt in Beatis, qui peccare non poſſunt: vt infra patebit. Nec tamen propter hoc aut libertati voluntatis aliquid deperit, aut actus bonitatis. Hunc locum etiam multoties repetit Vincentius, & vt difficultas eius appareat, ſic poteſt in forma ergeri. Diuus Thomas docet hic, habitum charitatis in Patria in fine perfectionis iam exiſtentem, inferre in Beatis neceſſitatem bene agendi: & tamen inquit hanc neceſſitatem, libertatem non lædere, quia eſt voluntaria ſeu procedens ex interiori inclinatione ipſius voluntatis: ergo ſentit actum neceſſarium eſſe liberum, per hoc præciſe quod ſit voluntarius.

RESPONDEO nec iſtum locum Vincentio ſauere. Iterum ex malo intellectu eandem interpretatur: nam

In Th:  
tia. l. i.  
c. 21. l.  
2. c. 1.  
ſect.

nam aliud est, necessitas agendi absolutè, & aliud, necessitas bene agendi. Necessitas ergo, quam Sanctus Doctor, dicit in Beatis non obesse libertati, est necessitas, non agendi absolutè, sed bene agendi: & de hac verissimè dicit, libertati non obesse; licet verum sit, quòd eidem noceat necessitas agendi absolutè. Ratio est manifesta: nam sola necessitas bene agendi, cum sit necessitas specificationis, compatitur secum indifferentiam exercitij, vt supra Diuum Thomam de Deo & de Christo differentem audiuius. Vnde in presenti loco mens eius eadem est. Nimirum similem necessitatem bene agendi in Beatis, libertatem quoque non lædere: nam cum illa compatitur; quòd multa bona (excepto amore beatifico) quæ faciunt, possint non facere. Vt sunt (verbi gratia) omnes actus illi quos exercent circa Diuinam bonitatem, pro vt formaliter est ratio diligendi creaturas.

ET PER HOC euanescent impugnationes, quibus Vincentius quodam in loco contendit Diuum Thomam etiam loqui de necessitate ipsius amoris beatifici; quasi ipsius necessitas, libertati eiusdem non obstat. Quod & probat ibidem tripliciter.

PRIMO: quia euidenter loquitur de actu illius habitus, qui ad finem perfectionis deuenit, qualis est habitus charitatis in Beatis, Deum facie ad faciem intuentibus: ergo etiam loquitur de amore beatifico.

SECUNDO: nam loquitur de actibus quibus Beati ita bene viuunt; vt a bono deficere non possint: Sed Beati præcipuè bene viuunt, effundendo amorem beatificum: ergo etiam de illo loquitur.

TERTIO: quia cæteri rerum creaturarum in Beatis amores, ab il-

lo beatifico amore tamquam à fonte proficiscuntur: ergo quadam etiam necessitate voluntaria ab illo amore asperguntur: & ex consequenti, si illorum necessitate asperit, libertati non obesse, idem pariter sentit de necessitate amoris beatifici.

DICO, quòd istæ impugnationes friuolæ sunt.

PRIMA quidem, quia licet loquatur de habitu Charitatis existente in patria, non tamen loquitur de illo, respectiuè ad omnes actus, quos ibi elicit, cum nullum sit verbum in textu, istam generalitatem indicans: sed tantum loquitur de illo, respectiuè ad aliquos actus. quos videlicet elicit circa Deum vt est ratio diligendi creaturas, qui actus verè liberi sunt, cum taliter Beatus illos eliciat, vt etiam possit non elicere, licet aliàs eliciantur cum necessitate specificationis ad bene agendum.

Nec valet dicere, illos etiam actus prout sic, cadere aliquando sub præcepto, vel esse ad minus de consilio, ac proinde à Beatis necessario exerceri, cum fieri non possit vt contra voluntatem Dei agant, aut non faciant, quod ipsi Maximè placet.

Non (inquam) valet: nam sicut in Christo, impotentia ad male faciendum, non obstat quominus opera præcepti & consilij liberè exercent, libertate contradictionis, vt Theologi ostendunt tertia parte, questione decima octaua, articulo quarto, & nos pariter infra ostendimus: ita pariter in Beatis impotentia ad malè faciendum, non obstat, quominus opera præcepti & consilij verè liberè libertate contradictionis exercent.

SECUNDA etiam impugnatio friuola est: nam respondeo sicut ad primam: loqui quidem Sanctum Thomam, de actibus quibus beati bene

Suprà  
1. r. cap.  
34. lect.  
3. à 1.  
Sed af-  
sumptū  
affordan-  
mus.

In epist.  
ad Pe-  
tau pag.  
59.

Infra l.  
4 c. 12.  
per to-  
tum.

bene viuunt, sed non vniuersaliter de omnibus. Sufficiebat namque eius intento (quod erat; necessitatem bene agendi vt sic, non lœdere libertatem) actus aliquos dari in Beatis cum tali necessitate, & tamen cum vera libertate.

SED TERTIA impugnatio omnino aberrat, imò & indicat doctrinam Diui Thomæ ab autore suo ignorari. Sanctus namque Doctor quæstione secunda de potentia, articulo tertio in simili materia eandem obiectionem posuit & soluit. Sextum Argumentum ibi erat, ad probandum, quòd in eodem supposito non sit prior ratio naturæ, quam ratio voluntatis. Nam cum natura sit determinata ad vnum, si voluntatem moueat; eam ad vnum tantum mouebit: quod est contra rationem voluntatis quæ secundum quod huiusmodi, libera est. Ad quod Respondet; Ad sextum dicendum, quòd in diuersis considerando, actio voluntatis, actionem naturæ præcedit. Vnde totius naturæ inferioris actio ex voluntate Dei gubernantis procedit. Sed in eodem oportet quòd actio naturæ præcedat actionem voluntatis: natura enim secundum intellectum præcedit voluntatem: cum natura intelligatur esse principium quo res subsistit; voluntas vero, vltimum, quo ad finem ordinatur. Nec tamen sequitur, quòd tollatur ratio voluntatis. Quamuis enim ad inclinationem naturæ voluntas ad aliquod vnum determinetur, quod est vltimus finis à natura intentus; respectu tamen aliorum indeterminata manet: sicut patet in homine, qui naturaliter vult beatitudinem & de necessitate; non autem aia. Sic ergo in Deo natura actio, actionem voluntatis præcedit natura & intellectum; generatio filii est ratio omnium illorum quæ per voluntatem produciuntur, scilicet creaturarum. Ecce ubi Diuus Thomas profundissimè docet & declarat, qualiter actus vo-

luntatis liberi, seu actus voluntati vt voluntas est, originem ducant tamquam ex fonte, ex ipso actu voluntatis necessario, seu ex actu ipsius vt natura est: absque eo tamen quòd eadem necessitate sui fontis aspergantur. Quod & declarat exemplo in Diuinis. Nam generatio in Diuinis necessaria, est fons & origo producendi omnem creaturam; & tamen productio creaturarum fluit ex illo fonte liberè, & cum indifferetia. Et etiam patet in amore quo Pater & Filius se inuicem amant: ille namque amor omnino necessarius, est similiter fons & origo omnis amoris liberi circa creaturas, absque eo quòd hæc necessitas fontis ad riuulos istos deriuetur, aut libertatem illorum lædat. Sic pariter dico de amore beatifico: fateor quòd ex illo tamquam ex fonte, omnis alius Beatorum amor deriuetur; sed nego quòd eadem necessitate fontis aspergatur; quin potius liber remanet ille & indifferens, sed fons necessarius & determinatus, quia fons se occupat circa vltimum finem, vt est ratio diligendi bonitatem increatam secundum se; riuuli autem circa eundem quidem se occupant; sed prout est ratio diligendi creaturas seu bonitatem creatam. Circa hoc vide etiam Sanctum Thomam prima parte, quæstione octuagesima secunda, articulo primo in fine Corporis: & quæstione vigesima quarta de Veritate articulo primo ad Decimum octauum; & Prima Secundæ, quæstione decima tertia, articulo sexto ad Primum.

SECUNDO POTEST responderi aliter ad totum istum locum ex Tercio contra gentes: admitiendo cum Ferrara ibidem, quòd Diuus Thomas etiam loquatur de amore beatifico: ceterum tunc explicandus est de libertate prout opponitur coactioni,

ctioni, non autem de libertate propriè tali, quæ etiam debet opponi necessitati naturalis inclinationis. Itaque admissio, quòd Sanctus Doctor ibidem doceret, necessitatem amoris beatifici, non obesse libertati; sensus est quòd non obest immunitati à coactione: & hoc non est contra nos, vt constat ex his, quæ diximus libro secundo.

Suprà  
lib. 2. c. 3.

QUARTO tandem & vltimò huius quoque classis est, ille locus ex Prima Secundæ, quæstione sexta, articulo secundo: vbi (sicut Vincentius ait) de libertate disputans, non querit, *Vtrum liberum*; sed *Vtrum voluntarium* reperiatur in brutis? Et responsione ad Tertium, *dicendum est* (inquit) *quòd laus & viruperium, consequuntur actum voluntarium, secundum perfectam voluntariam rationem, qualis non inuenitur in brutis, Vbi cernis* (inquit iterum Vincentius) *voluntarium secundum perfectam voluntariam rationem, quod nempe dirigitur à perfecto iudicio rationis, idem prorsus esse ac liberum, quod negat reperiri in brutis.*

In The  
ria. lib. 1.  
ca. 5. §.  
Dicitur  
Thomæ.

RESPONDEO iterum dupliciter. Primò gratis admittendo Vincentio (licet falsum sit) Sanctum Thomam ibi disputare de libertate, & reputare pro eodem liberum ac voluntarium perfectum. Sed vis scire, quæ de causâ? Dicendum esset in illa hypothesi, vel quòd loqueretur de voluntario perfecto hominis viatoris, quod semper admixtam habet libertatem indifferentiæ, saltem contradictionis; vel quòd loqueretur ex parte subiecti: quæ ratione perfectum voluntarium & liberum possunt dici idem, quatenus in subiecto semper conueniunt, siue in via siue extra illam: perfectum namque voluntarium nullibi potest esse nisi in subiecto capaci quoque libertatis. Ex quo nil conficitur contra nos. Nam so-

lùm sequitur, quòd tunc doceret vtramque illam rationem se inuicem in via comitari, vel semper esse idem subiecto; quod nos vtique non negamus; cum hoc non obstat, semper maneat verum, nullum dari liberum verè & propriè tale, absque indifferentia, sicut nos intendimus.

Præterquam, quòd adhuc data illa hypothesi; doctrina articuli est potius contra Vincentium, quàm in fauorem illius. Si namque Dñs Thomas ibi reputat pro eodem, voluntarium perfectum & liberum; profecto per voluntarium perfectum probabitur potius intellexisse, principium operans cum indifferentia, quàm principium operans cum necessaria determinatione ad vnum: ibidem enim in Corpore articuli explicans quid per voluntarium perfectum intendebat; sic fatur: *perfectam igitur cognitionem finis sequitur voluntarium secundum rationem perfectam, prout scilicet apprehenso fine aliquis potest deliberans de fine & de his quæ sunt ad finem, moueri in finem vel non moueri.* En indifferentiam contradictionis: ac proinde potius fundamentum præbet nostræ communi sententiæ, quàm opinioni Vincentij. Imò hoc adeò verum est, vt Vasquez ex illo articulo motus fuerit, ad docendum, nullum dari actum perfectè voluntarium, qui non sit liber, libertate, quæ apud ipsum & nos est libertas contrarietatis vel ad minus contradictionis: vt ipsi namque videbatur; Dñs Thomas in illo articulo expressè includit in ipsa ratione perfecti voluntarij, rationem deliberationis seu libertatis indifferentiæ, ita vt sine illa sentiat rationem perfecti voluntarij non subsistere. Sicq; Vasquez docet defectu libertatis indifferentiæ, actus illos amoris beatifici & spirationis Spiritus Sancti, non esse

Vasquez.  
12. disp.  
23. c. 4.  
nu. 30.

eſſe perfectè voluntarios . Longè ergo à veritate abeſt , quòd Sanctus præceptor in illo articulo ſtaret pro opinione aſſerente , rationem libertatis compari poſſe cum omnimoda determinatione ad vnum , abſque indifferentia tam contradiccionis quàm contrarietatis , vt contendit Vincentius .

SED SECVNDO RESPONDETUR, & indubiè ad mentem litterarum; quòd ſcilicet Dñus Thomas ibi loquatur, non confundendo perfectum voluntarium cum libero, ſed tradendo propriam & formalem eius rationem, prout à libero diſtinguitur, licet in Corpore ( vt iam ex verbis relatis conſtat ) illud in quadam ſpecie determinata voluntarij liberi exemplificet . Nec contra hoc Reſponſio inducta ad tertium, aliquid conuincit . Non enim ibi dicit, voluntarium ſecundum perfectam rationem voluntarij, idem eſſe ac liberum , vt Vincentius contendit ; ſed ſolum quòd liberum ſeu laus & vituperium perfectam rationem voluntarij conſequantur, quod vtique verum eſt, licet non omne perfectum voluntarium, ſit liberum, laudabile aut vituperabile . Ad veritatem namque iſtius propoſitionis, *laus & vituperium conſequuntur actum voluntarium ſecundum perfectam voluntarij rationem*, ſufficit quod huiusmodi, vbi- cumque conſequuntur ; non conſequantur niſi actum perfectè voluntarium . Quod certè longe aliud eſt, ac dicere, quòd conſequantur omnem actum perfectè voluntarium, generaliter & ſemper . Sicut aliud eſt dicere, *malitia peccati conſequitur actum creature* ; ſeu, *non conſequitur niſi actum creature*, & aliud, *malitia peccati conſequitur omnem actum creature* .

Et hanc eſſe ipſiſſimam mentem Angelici præceptoris, euidenter pa-

ter conſideranti intentum argumen- ti, ad quod ibi Reſponderet . Erat nam- que ſcopus eius probare, in brutis non dari voluntarium, quia teſte damasceno, *actus voluntarios ſequuntur laus & vituperium*, quæ tamen actibus brutorum non debentur : cui ſatisfacit dicendo, non bene ſequi intentum huiusmodi, ſi ſermo ſit de voluntario imperfecto ; quia quòd laus & vituperium dicantur conſequi actus voluntarios, hoc debet intelligi de actibus voluntarijs ſecundum perfectam voluntarij rationem, non autem de actibus voluntarijs ſecundum rationem imperfectam, qualiter ponitur in brutis . Ex quo modo Reſpondendi, quis quæſo ( niſi fortè malignari velit ) poteſt inferre hanc vniuerſalem, quòd laus & vituperium ſequantur ad omnem actum perfectè voluntarium ? Nonne rectiſſimè & omnino artiſcioſè argumetur ſoluitur, per hoc præciſè, quòd laus & vituperium, ſi alibi conſequuntur, non conſequantur, niſi perfectam voluntarium, licet non omne ? Profecto, Vincenti, qui plus hoc in loco quærit, vel malignator eſt aut Sophiſta, vel nodum in ſcirpo quæ- rere comprobatur .

## SECTION II.

*Soluuntur loca Sancti Thomæ ſpe-  
ſtantia ad ſecundam  
Clasſem .*

AD SECVNDAM CLASSEM pertinet primò, id quod habetur quæſtione decima de Potentia, articulo ſecundo ad Quintum . *Naturalis neceſſitas ſecundum quam voluntas aliquid ex neceſſitate velle dicitur, vel ſallicitatem, libertati voluntatis non repu;*

repugnat. Ex quo & infert quòd *Deus* sua voluntate liberè amat seipsum, licet de necessitate amet seipsum. Et deinde quòd liberè *Spiritus Sanctus* procedit à Patre, non tamen possibiliter; sed ex necessitate.

SECUNDO PERTINET, articulus ille quintus quæstionis vigesimæ secundæ de Veritate: ubi in responsione ad argumenta in contrarium ter repetit eandem illam propositionem, quòd videlicet necessitas naturalis libertatem non destruat. *Ad primum in contrarium* (inquit) dicendum, quòd *authoritas illa est intelligenda de necessitate coactionis, quæ repugnat voluntati: non autem de necessitate naturalis inclinationis, quæ secundum Augustinum in Quinto de Civitate Dei voluntati non repugnat.* Ad tertium ibidem. *Libertas secundum Augustinum opponitur necessitati coactionis, non autem naturalis inclinationis.* Iterum ad Quartum, *necessitas naturalis non repugnat dignitati voluntatis: sed sola necessitas coactionis.* Quod etiam habet prima parte, quæstione octuagesima secunda, articulo primo ad Primum. *Dicendum* (inquit) quòd *verbum Augustini est intelligendum de necessario necessitate coactionis, necessitas autem naturalis non aufert libertatem voluntatis, ut ipsemet in eodem libro dicit.* Ex his omnibus locis deducit Vincentius, iuxta mentem Sancti Doctoris, actum necessarium necessitate specificationis & exercitij, verè posse esse liberum; siquidem (ut hic apparet) fateretur necessitatem naturalis inclinationis, qualis in huiusmodi actibus reperitur, libertati non repugnare.

MIROR DOCTOR THOMASTICE, te tam superficialiter litteram Sancti Thomæ inspicere. Duc paulisper in altum magis son profundum, mentis tuæ actem, & geminam latitantem nostræ veritatis,

non tuæ falsitatis conspicies.

Primus locus ex quæstione decima de Potentia, iam suprà à me evidentiissimè explicatus est: loquitur enim Sanctus Thomas de libertate non strictè & propiè, pro illa quæ ex se sufficit ad meritum; sed de libertate prout idem est ac immunitas à coactione. Et hanc dicit compati, cum actu necessitatio necessitate naturalis inclinationis, ut est productio Spiritus Sancti, & amor Divinæ Bonitatis. Rationem huius explanationis (ne actum iterum agamus) vide ibidem, si videre placet melius & profundius.

Sed ad reliqua alia ex quæstione illa de Veritate, & ex prima parte, illam solutionem non adhibeo. Loquitur enim in omnibus illis, ut ex contextu patet, de libertate magis absolutè & generaliter, ut etiam comprehendit libertatem verè & propriè talem. Sed quid? An nè ideo voti tui compos, quia de illa loquens, dicit per necessitatem naturalem non destrui? Minimè. Inspice (ut dixi) profundius, & veritatem nostram videbis, non falsitatem tuam.

DVPLICEM ERGO explicationem habent, aliam & diuersam, sed absque vlla prorsus ratione dubitandi, utramque genuinam & legitimam.

PRIMA SIT (& suprà etiam attingi) Divum Thomam in illis locis solum docere, nec essitatem naturalis inclinationis non repugnare libertati voluntatis: quod verissimum est; cum naturæ potentie liberæ non repugnet habere actum necessarium necessitate naturalis inclinationis. Eadem enim potentia libera, qualis est voluntas, sicut potest habere actus liberos, ita & potest habere aliquos actus necessarios naturali necessitate. Sed hoc, Vincenti, intento tuo non sufficit.

Sugget  
libr. 2.  
ca. 3. 9.  
Hinc in-  
telligenda.

In The-  
ria. l. 1.  
c. 10. §.  
cuius  
enim Et  
c. 12. §.  
Hanc ve-  
rè.

Sugget  
libr. 1.  
ca. 1.  
Dicit  
eodem.



sufficit ; nam probandum tibi erat ulterius, quòd & ipsimet actus sic necessarii, dicerentur à Divo Thoma, liberi. Quòd tamen in nullo ex prædictis locis, nec vel leuiter semel indicat. Itaque aliud est, quòd necessitas naturalis inclinationis, non repugnet potentia libera seu libertati potentia ; aliud autem, quòd non repugnet libertati actus. Primum dixit Divus Thomas, & hoc nos fatemur. Secundum tu ex malo intellectu ei affingis, & diffitemur. Nam licet principium horum actuum, verè in re liberum sit, cum sit idem principium cum principio actuum liberorum (eadem namque potentia voluntatis libera, & elicit actus necessarios, & actus liberos) ipsi tamen actus necessarii, liberi non sunt, nec liberi vnquam à Divo Thoma dicuntur ; quando de libertate vera & propria sermonem facit.

Hæc explicatio est ipsissima doctrina Diui Thomæ alio in loco ; quem si perpendisses, Vincentis fortè ad fallam tuam imaginationem, Sanctum Preceptorem trahere minime studuisses. Itaque Prima Secundæ quæstione decima, articulo tertio ad primum, explicans quendam locum Pauli, sic fatetur. *Esti voluntas non possit facere, quin motus concupiscentia in-  
iurgat, de quo Apostolus dicit Romano-  
rum septimo, quod odi Malum illud facio, id est concupisco, tamen potest voluntas non velle concupiscere aut concupiscentia non consentire, & sic non ex necessitate sequitur concupiscentia motum.* Ex hoc autem loco Apostoli, faciens quæstione sexta de malo argumentum ad probandum, hominem non esse liberæ electionis, quia qui facit quod non vult, non habet liberam electionem ; sed homo facit quod non vult, ad Romanos septimo, quod odi malum, illud facio ; ergo homo non habet liberam electionem ; Respondet hoc modo, ad

duodecimum dicendum, quòd ille qui facit quod non vult, non habet liberam actionem ; sed potest habere liberam voluntatem. Ecce vbi affirmat hominem respectu motuum concupiscentia, esse quidem liberæ voluntatis, non tamen liberæ actionis : quia nimirum necessitas illorum motuum licet auferat libertatem ab ipsis motibus ; non tamen auferat libertatem ab ipsa potentia voluntatis : nam illa potest concupiscentia seu motibus consentire & non consentire, alio, scilicet actu à se elicit. Sic pariter dicimus, mentem illius esse, quando docet, necessitatem naturalem in ipsis actibus voluntatis non obesse libertati voluntatis : sensus enim est, non quòd illa necessitas non auferat libertatem ab illis actibus sic necessariis, sed quòd non auferat libertatem ab ipsa voluntate : nam tali necessitate actuum non obstante, potest equidem liberè operari, alijs scilicet actibus.

Sed vis nunc videre, qualiter hæc explicatio, sit absque vlla prorsus ratione dubitandi, ipsissima Sancti Doctoris mens etiam in locis à te adductis, Vincenti ?

Probo hoc primò ex ipsis verbis. Nam in nullo illorum dixit, quòd necessitas naturalis non repugnat libertati actus ; sed, non repugnat voluntati, non repugnat dignitati voluntatis, non auferit libertatem voluntatis. Estne hoc dicere, quòd nec libertati ipsius actus repugnat ? Tu hoc somnias, Vincenti, Divus Thomas non dicit.

Secundò : quia in principio corporis articuli sic fatetur. *Duplex est necessitas, necessitas scilicet coactionis, & hæc in volentem nullo modo cadere potest ; & necessitas naturalis inclinationis, & tali necessitate voluntas aliquid de necessitate vult.* Ecce vbi præcisè dicit, necessitatem

sitatem naturalem posse cadere in-  
volentem seu in voluntatem. Quid  
ergo fingis posse cadere etiam in ip-  
sum actum liberum?

Tertiò: quia argumenta in con-  
trarium solum conabantur probare,  
quòd voluntas nihil poterat velle de  
necessitate; assumendo pro medio,  
quia *voluntas est potentia libera, seu  
rationalis potentia ad opposita se habens,*  
& inferendo: ergo debet esse libera  
in omni suo actu, seu; *ergo omne quod  
voluntas vult, potest velle & non velle,*  
& ita non de necessitate aliquid vult.  
Hoc est ita euidenter intentum ar-  
gumentorum, vt contrarium asserere,  
sit apertissimè velle malignari  
vel contumacia contendere. Huic au-  
tem intento satisfacit Diuus Tho-  
mas in omnibus illis responsionibus  
sub hac forma: concedendo scilicet  
quòd voluntas est potentia libera  
seu ad opposita se habens; sed negan-  
do quòd ideo liberè debeat velle in  
omni suo actu, quia etiam in aliqui-  
bus actibus potest aliquid velle ne-  
cessariò, necessitate non coactionis  
sed naturali, cum necessitas natura-  
lis secundum Augustinum voluntati  
non repugnet aut eius libertati seu  
dignitati. Ergo sic respondendo,  
tantum abest, quòd actibus illis ne-  
cessarijs tribuat libertatem, vt po-  
tius expressissimè ipsos contra libe-  
ros distinguat; asserens non obstan-  
te illorum necessitate, libertatem  
potentiæ equidem non lædi, sed  
potius remanere: respectu scilicet  
aliorum actuum, quos liberè elicit.

Quartò: quia Sanctus Doctor so-  
lùm intendit assignare discrimen in-  
ter actum necessarium necessitate  
coactionis, & actum necessarium ne-  
cessitate naturalis inclinationis, pe-  
nes hoc, quòd primus in potentiam  
liberam nullo modo cadere potest,  
bene autem secundus: at hoc discrimen  
integre & perfectissimè salua-

tur, absque eo quod actus secundi ge-  
neris dicantur verè liberi, vt confi-  
deranti apparet: ergo omnino perpe-  
ram & absque fundamento ex simili-  
bus locis deducitur actus illos neces-  
sarios, verè liberos esse.

Itaque, Vincenti, ( iterum libet  
inculcare ) mens Diui Thomæ est,  
actus illos non obstante sua neces-  
sitate, elici à potentia verè & secun-  
dum rem libera, nimirum à volunta-  
te, licet liberè non eliciantur. Vnde  
libertas quidem potentiæ seu volun-  
tatis semper manet, nulla tamen  
vera libertas ad ipsos actus transit:  
quia necessitas etiam naturalis, si sit  
cum omnimoda determinatione ad  
vnum, inimica est libertati actus, li-  
cet amica sit & socia libertati poten-  
tiæ: ad differentiam necessitatis co-  
gentis, quæ inimica est vtique, &  
libertati actus & libertati potentiæ,  
vt pote cum nullus actus necessarius  
necessitate coactionis possit reipsa  
à potentia libera seu à voluntate  
provenire, vt supra satis explicatum  
est,

SED MODO SIT SECUNDA  
explicatio, per quam omnibus istis  
locis etiam potest satisfieri. Est au-  
tem huiusmodi: videlicet admitten-  
do quòd loquatur, non solum de li-  
bertate potentiæ: sed etiam de liber-  
tate actus: ita vt sensus sit, necessita-  
tem naturalem nec libertati quidem  
ipsius actus obesse. Tunc sanè debe-  
ret dici cum Caterano, quòd loqui-  
tur de necessitate naturali quoad spe-  
cificationem tantum: hanc enim li-  
bertati actus non obesse, constans est,  
cum indifferentiam admittat penes  
exercitium. Verba Caterani sunt hæc,  
*In Responsione ad P. immo nota: quòd  
cum dicitur, quòd necessitas naturalis  
non aufert libertatem; potest bene &  
malè intelligi. Malè quidem, si intelliga-  
tur quòd necessitas naturalis, tam obie-  
ctiue quàm elicitiue, stat cum libertate*

Supra  
l. 2. c. 1.  
s. Quin-  
ta sumi-  
tur.

Cater.  
l. p. qu.  
81. art.  
l. 6 in  
respon-  
sione ad  
1.

*illius actus: hoc enim non eſt intelligibile. Bene verò, intelligendo, quòd naturalis neceſſitas actus quoad ſpecificationem ſeu obiectum, non auferat libertatem eiudem, quia ſtat, quòd liberè eliciatur. Itaque iuxta hanc doctrinam Caietani, ſecunda explicatio eſt, quòd neceſſitas naturalis inclinationis non auferat libertatem; intelligendo videlicet de neceſſitate naturali quoad ſpeciem actus tantum, non autem de neceſſitate naturali quoad ſpeciem, & quoad exercitium ſimul: hanc enim, libertatem actus auferre, ita clarum & evidens eſt, vt contrarium ſit in intelligibile.*

*Igitur, Vincenti, dicta recapitulando, hoc tibi dilemma breuiter propono. Vel loca Sancti Thomæ, vis intelligi de neceſſitate naturali quoad ſpeciem, & quoad exercitium ſimul; vel potius de neceſſitate naturali quoad ſpeciem tantum. Si primo modo; dico quòd loquitur de libertate potentie, non de libertate actus; quando dicit ſimilem neceſſitatem, libertatem non auferre. Si ſecundo modo; admitto etiam, quòd loquatur de libertate actus; ſed nil conficis contra nos: quia iſta neceſſitas quoad ſpecificationem tantum, habet admixtam indifferentiam.*

### SECTION III.

*Soluuntur loca Sancti Thomæ Speſſantia ad tertiam Claſſem.*

**A**D TERTIAM CLASSEM pertinent vniuerſaliter omnia illa loca, in quibus Sanctus Thomas multoties videtur aſſerere, hominem naturaliter eſſe liberi arbitrii, per ſolam libertatem à coactione: vt eſt præci-

pue ille locus ex prima parte, quaſtione octuageſima tertia, articulo ſecundo ad Tertium, vbi inquit, *Quòd homo peccando liberum arbitrium dicitur perdidiffe, non quantum ad libertatem naturalem, que eſt à coactione; ſed quantum ad libertatem, que eſt à culpa & miſeria.* Vbi videtur contra nos ſupponere, libertatem naturalem ſeu eſſentialem ſaluari per ſolam libertatem à coactione.

Huic loco, plures alios agglomerat Cornelius Ianſenius in ſuo Auguſtino, ſed breuitatis cauſa omitto, quia explicato vno; explicabuntur & reliqui.

**RESPONDEO** Igitur, quòd locus inductus, & alij ſimiles explicari debent iuxta doctrinam traditam ſeſtione præcedenti in prima ſolutione. Pro quo nota, hominem retinere libertatem ſuam naturalem, per hoc præciſè quòd maneat liber à coactione; poſſe intelligi in duplici ſenſu: vno modo, vt per hoc præciſè retineat libertatem naturalem quoad potentiam tantum: alio modo, vt per hoc præciſè habeat etiam libertatem naturalem quoad actum. In primo ſenſu verum eſt, & ſic docetur à Sancto Thoma; in ſecundo autem falſum eſt, & non docetur. Itaque mens Sancti Doctoris in illo & alijs ſimilibus locis eſt probare, quòd homo verè & in re ſemper manet & manſit cum voluntate ſua libera ſeu libero ſuo arbitrio, quoad potentiam ex eo quod in nullo ſtatu ſubdatur aut ſubdi poſſit coactioni. Et hæc probatio omnino efficax eſt & legitime concludit: nam eſſentialis incorrigibilitas, ſeu hoc quod eſt in ſuis actibus non poſſe cogi, identicè ſeu in re eſt ipſa entitas voluntatis ſeu potentie liberæ, cum iſta incorrigibilitas ſoli voluntati ſit eſſentialis, vt ſuprà oftendimus: vnde & Diuus Thomas quaſtione vigeſima quarta, de-

Ianſen.  
to. 3. li.  
6. ca. 6.  
& 11.

Suprà  
l. 2. c. 1.  
§. Diu.  
de eadē.

Veritate, articulo quarto ad vndecimum inquit, *quod facultas quæ est per remotionem coactionis, addit determinatam naturam potentis.* Indicans in hoc, incogibilitatem licet dicatur per negationem; nominare in re, ipsam naturam potentis liberæ. Ergo probando, hominem in nullo statu perdidisse illam incogibilitatem, optimè quoque probat, in nullo statu perdidisse potentiam seu voluntatem, qua liberè potest operari. Maxime cum ista incogibilitas, sit primum fundamentum & radix, ex qua voluntas habet prohibito suo posse operari & non operari. Ex hoc tamen non habetur, quòd ipso facto liberè quoque semper operetur in actu secundo, quotiescumque operatur sine coactione, etiam si cæteræ desint (verbi gratia) indifferentia, in modo eliciendi actum. Hoc namque falsissimum est, vt ex toto libro secundo satis constat. Licet enim sola incogibilitas seu negatio coactionis, argumentum sit, hominem habere naturam potentis liberæ, cum incogibilitas non nisi ipsamet potentia libera sit; sola tamen illa, argumentum non est, hominem in actu secundo liberè operari, si indifferentia exercita non adfit. Nam idemmet principium seu potentia libera potest etiam operari necessario seu non liberè: scilicet quando operatur vt natura. Vnde licet quotiescumque operatur, operetur sine coactione; non tamen quotiescumque operatur, operatur liberè, nisi ponatur operari circa obiecta propoſita cum indifferentia & absque essentiali seu intrinseca determinatione ad vnum.

Et pro hac explicatione, est mihi locus evidens in Sancto Thoma primo contra gentes, capite sexagesimo octauo, in fine: vbi aureis plane verbis tradit, ad libertatem in actu se-

cundo non sufficere exclusionem coactionis, si cætera quoque non adſint, scilicet indifferentia seu exclusio determinationis ad vnum. *Dominium* (inquit ibi elegantissime) *quod habet voluntas supra suos actus, per quod in eius est potestate, velle vel non velle, excludit determinationem virtutis ad vnum & violentiam causæ exterioris agentis.* Quid clarius? Quid nitidius. Quid magis ad rem nostram? *Dominium* (ait) *quod habet voluntas supra suos actus, seu (quod idem est) libertas quam in suis actibus exercet; excludit duo, & violentiam causæ exterioris agentis (ecce coactionem) & determinationem virtutis ad vnum, ecce alterum requisitum.* Quid ergo clamatis ex mente Sancti Thomæ, per solam exclusionem coactionis, in actibus voluntatis libertatem subsistere, etiam cum determinatione virtutis ad vnum? Soli tenebras iniicitis, qui hoc commentum Sancto præceptoris affingitis.

SED INSTABIS fortè ex questione vigesima quarta de Veritate, articulo primo: vbi argumentum septimum intendebat probare, hominem semel existentem in peccato, deinceps non liberè peccare, ex eo quòd seruitus libertati opponitur, & in tali homine seruitus peccati inueniatur, iuxta illud Ioannis octauo, *qui facit peccatum, seruus est peccati.* Ad quòd argumentum respondet hoc modo. Ad septimum dicendum, quòd seruitus peccati non dicit coactionem, sed vel inclinationem, in quantum peccatum præcedens aliquo modo inducit ad sequentiam, vel per defectum virtutis naturalis, quæ non potest se à macula peccati eripere, cui se semel subdidit: & ideo sèper in homine remanet libertas à coactione, per quam naturaliter est liberi arbitrii. Vbi sanctus Doctor videtur probare, hominem semel existentem in peccato, non solum habere liberum arbi-

arbitrium quoad potentiam; sed etiam quod de facto liberè deinceps peccet; ex illo solo capite, quia peccatum præcedens ipsum ad sequentia non cogit; ergo sentit per solam libertatem à coactione saluari libertatem arbitrij, non solum quoad potentiam, sed etiam quoad actum. Patet consequentia, quia supponit illum peccatorem deinceps liberè in actu secundo peccare, & hoc non alia de causa quam quia agit non coactè.

Dico verum esse, Sanctum Thomam in illo loco, non solum probare liberum arbitrium quoad potentiam; sed etiam libertatem eius in actu secundo; sed scire oportet quod hoc non probet, ex libertate à coactione nude sumpta seu precisa indifferentia; sed ex libertate à coactione, prout simul exercitium indifferentiæ ad non peccandum adiunctum habet. Quod patet tum ratione, tum etiam ex ipso textu. Ratione quidem; quia loquitur de homine viatore, in quo (vt supra ostendimus) idem est agere non coactè circa obiectum sibi perfectè propositum, & agere cum potestate ad non agendum circa illud. Ex textu etiam; quia dixit, servitutem peccati non cogere hominem; sed tantum aliquo modo ipsum ad peccandum inducere, videlicet per aliqualem inclinationem, cui tamen (vt loquitur ibi articulo duodecimo ad Duodecimum) *potest resisti licet cum difficultate*. Ergo sentit necessitatem prouenientem à servitute peccati, talem esse, vt potestatem ad non peccandum, absolutè non lædat. Et ex consequenti sub illa necessitate seu servitute non solum operatur homo non coactè qualitercumque, sed insuper operatur cum potestate ad oppositum. Ex quo proinde legitime intulit peccatorem etiam retinere libertatem suam.

quoad actum: quod & nos quoque secundum nostram Philosophiam fatemur. Nam licet dicamus solam libertatem à coactione in omni sua latitudine, seu secundum se ad veram libertatem actus non sufficere, vt sufficienter in productione Spiritus Sancti, & amore beatifico ostendimus; dicimus tamen eam sufficere, quando cum potestate indifferentiæ in actum exit; sicut semper contingit in via circa quodlibet obiectum, vbi iudicium rationis non absorbetur.

IGITUR, VINCENTI, iterum concludo cum dilemmate, sicut feci sectione præcedenti. Vel enim loca Sancti Thomæ, indicantia libertatem saluari per remotionem coactionis, vis intelligi de libertate quoad potentiam, vel etiam de libertate quoad actum. Si de libertate quoad potentiam; nil profecto concludis. Nam cum incapacitas ad coactionem, seu incogibilitas, sit identicè potentia libera, & potentia necessaria; rectè ex illa sola inferri potest, hominem esse liberi arbitrij quoad potentiam; absque eo quod sequatur, esse per eam solam liberæ quæque operationis in omni actu, cum & nonnullos habeat, non coactos, necessarios tamen & non liberos. Si autem velis intelligi etiam de libertate quoad actum, tunc debent explicari, sicut iam statim dixi; videlicet quod non loquantur de incogibilitate nude sumpta seu precisa indifferentia; sed de incogibilitate hominis viatoris, quæ semper indifferentiam adiunctam habet, quando in actu secundum exire conspicitur. Imò (vt supra latè probavi) idem est liberum arbitrium hominis viatoris non cogi, ac remanere cum potestate faciendi, & non faciendi.

Suprà.  
li. 2. ca.  
18. per  
totum.

Suprà  
lib. 2. c.  
18.

## SECTIO IV.

*Soluuntur loca Sancti Thomæ, spectantia ad quartam classem.*

**A**D QUARTAM ET VLTIMAM CLASSEM, reduco illa loca, in quibus (iuxta interpretationem Vincentij) videtur Sanctus Thomas dicere, quod voluntas præmotā auxilio efficaci, non possit illo stante seu retento, se flectere in oppositum: cum tamen constans sit, adhuc illo stante, voluntatem liberè operari: ac proinde in eius sententia videtur libertas in actu subsistere, licet cum omnimoda determinatione ad vnum, & absque indifferentia principij operantis eliciatur. Huiusmodi loca, fortè plura sunt; sed quia vnus tantum specialiter meminit Vincentius; hinc & vnus tantum mentionem faciemus.

Loquens igitur Vincentius de mente Thomistarum in hac materia (à qua tamen absque dubio toto coelo distat) *Magister eorum* (inquit) *Sanctus Thomas*, cum sibi obieciſſet, non esse possibile ut voluntas non velit id, ad quod Deus eam mouet, non respondet, quod vos faceretis, Petavi & Ricarde, *liberum arbitrium manere*, adhuc veluti nutandum, & si vellet, alterum non minus eligere posset: sed si Deus (inquit Sanctus Doctor) mouet voluntatem ad aliquid, impossibile est huic poscieri, ut voluntas ad illud non moueatur. Non tamen est impossibile simpliciter. Vnde non sequitur, quod voluntas à Deo ex necessitate moueatur.

MIROR, VINCENTI, qualiter hunc locum, aut vllum illorum in hac materia, pro essentiali tua libertate possis adducere.

IN PRIMIS consideremus verba, quæ ibidem habet in Corpore articuli. Postquam dixerat, *Quod Deus omnia mouet secundum eorum conditionem*, sic concludit. *Quia igitur voluntas est actiuum Principium non determinatum ad vnum; sed indifferenter se habens ad multa, sic Deus ipsam mouet, quod non ex necessitate ad vnum determinet; sed remanet motus eius contingens, & non necessarius, nisi in his ad quæ naturaliter mouetur.* Dic obsecro, Vincenti, nonne hic apertissimè docet Sanctus Præceptor, voluntatem à Deo diuersimodè moueri, in his ad quæ mouetur naturaliter (verbi gratia) ad amorem vltimi finis clarè visi, & in his ad quæ mouetur non naturaliter (verbi gratia) ad reliquos actus quos sub directione rationis exercet in via? Et in quo quæso sensu diuersitatem collocat? Nonne euidenter in hoc, quod ad amorem vltimi finis, ipsam ex necessitate determinat ad vnum, absque indifferentia & contingentia, non sic autem in alijs actibus viæ? Quæ ergo phantasia somnare potes, esse de mente Sancti Thomæ tuam opinionem de libertate essentiali, qua asseris actus nostros in via fore, adhuc verè liberos, quantumvis tali necessitate voluntas ad illos moueretur, quali mouetur ad amorem beatificum in patria? Dicere sicut hic dicit Sanctus Thomas, voluntatem nostram in actibus viæ moueri, seruata indifferentia & contingentia ad amorem verò beatificum moueri sine indifferentia & contingentia; estne hoc dicere, sicut tu ex Bellarmino approbas, in quavis electione (etiam viæ) necessitatem illam se ingerere, quæ in amore beatifico interuenit? Vade, Vincenti, & si velis dicere cum Sancto Thoma, non approbes dictum illud Bellarmini (si fortè hoc dixit) sed potius considera & approba

1.2 qn.  
10. ar.  
+ ad 1.

Epistol  
Prodr.  
ad Petavi  
um  
pag. 22

In The  
ria li. 1.  
c. 11. 4.  
Vnde  
quod ma  
510.



Capre-  
ol. in 1.  
dist. 7.  
q. 1. 2f.  
3. ad 2.  
contra  
primā.  
impo-  
gnatio-  
ne ter-  
cia.

ba dictum Capreoli, qui ex mente  
sui Angelici Præceptoris dixit longè  
aliud. *Aliter* (inquit) *Mouet apprehen-  
sio vicinioris finis, & aliter apprehensio  
aliorum obiectorum, & aliter cognitio  
via, quam patriæ, & ideo alia est ne-  
cessitas dilectionis Patriæ, quam viæ.*  
Nisi hoc idem dixeris, nihil tibi cum  
Santo Thoma in hac materia erit  
commune: nec ullis cum finibus  
(non minus quam tuus Petavius) in  
tuam tuorumque sic determinatā li-  
bertatis opinionem pertrahes, prius-  
quam suam ei prædeterminationem  
extorseris.

VIS ERGO SCIRE, qualis sit  
vera & legitima Sancti nostri Do-  
ctoris prædeterminatio? Omnino  
dilucidis verbis tibi dicere oportebit,  
& nescio profecto qualibus, cum  
cæcitas tua vique adeo nimia sit, vt  
nec ipsa verba Sancti Thomæ sol-  
clariora, tibi ad videndum sufficiant.  
Dicam igitur, per negationem po-  
tius quam per affirmationem, co-  
gitans talem me præ manibus habe-  
re, cui claritatis gratia (ne dicam  
hebetudinis causa) dici debeat, quid  
res non sit, vt aliquo modo capiat, quid  
sit.

Scias ergo, non esse talem neces-  
sitatē Thomisticæ prædetermina-  
tionis, qualis est necessitas motio-  
nis, qua voluntas mouetur ad aman-  
dum Deum in Patria: nec certè qua-  
lis vlla est, qua mouetur ad actum  
specificatiuē & elicitiuē necessariū.  
Ratio est manifest. & (vt appareat  
adhuc manifestior) perscrutamur in  
exemplo amoris beatifici: duplex  
namque discrimen reperitur secun-  
dum viam Dni Thomæ in vno & in  
altero casu: vnum ex parte intelle-  
ctus seu iudicii, alterum ex parte  
voluntatis.

Ex parte quidem intellectus seu  
iudicii consistit in hoc, quod intelle-  
ctus videntis Deum, habet iudicium

essentialissimè determinatum, deter-  
minatione etiam ex parte actus pri-  
mi, tam quoad exercitium, quam  
quoad speciem actus. Hoc est dicere,  
quod dicat non solum necessariò  
Deum esse amandum aut non odio  
habendum; sed etiam necessariò non  
omittendum amorem aut ab illo ces-  
sandum: quia videlicet euidentissimè  
repræsentat sub omnimoda ratione  
boni, non solum ipsum obiectum, sed  
etiam exercitium amoris circa illud:  
ita vt in neutro finat apparere vel  
minimam rationem mali aut defectū  
boni. At verò intellectus viatoris ad-  
huc sub instanti prædeterminationis,  
habet iudicium indifferens, ad minus  
quo ad exercitium actus, indifferen-  
tia ex parte actus primi, vt supra ex-  
plicauimus: quia videlicet à sensu con-  
trario, nullum eius iudicium, si ple-  
nam aduertentiam obiecti habeat, sa-  
tale est; quin ex vi illius finatur ap-  
parere aliqua ratio mali vel defectus  
boni saltem in ipso exercitio actus, vt  
etiam supra ostensum est. Vnde re-  
cussimè Angelicus Præceptor in se-  
cundo sententiarum, distinctione vi-  
gesima quinta, quæstione vnica, arti-  
culo secundo, in corpore, dixit, quod  
*in his quæ ad finem vltimum ordinantur  
nihil inuenitur adeo malū, quin aliquid  
bonum admixtum habeat, nec aliquid  
adeo bonum, quod in omnibus sufficiat.  
Vnde quantumcumque ostendatur bo-  
num (per iudicium scilicet) vel ma-  
lum semper potest (voluntas) adherere  
& fugere in contrarium.* Itaque iudi-  
cium in Patria est determinatum, e-  
tiam determinatione ex parte actus  
primi, in via autem circa quodlibet  
obiectum est indifferens seu ex parte  
actus primi indeterminatum, saltem  
quoad exercitium.

Ex quo nascitur secundum discrimen  
ex parte voluntatis, consistens  
similiter in hoc, quod voluntas vi-  
dentis Deum visione retenta & per-

Suprà  
l. 2. c. 2.  
§. 2.  
de can-

Suprà  
l. 2. c. 2.  
§. 18. Et  
si varie-  
nem.

seuerante, nullam habet potentiam expeditam aut proximam, nec in sensu diuiso, nec in sensu composito, ad omittendum proprio motu amorem, aut suspendendum illum. Dico *motu proprio*; nam alias poterit omittere & suspendere etiam in sensu composito, si Deus concursus ad amorem neget; voluntas verò viatoris prædeterminatione retenta & perseverante (verbi gratia ad amorem) habet ex se ipsa potentiam expeditam & proximam ad amorem proprio etiam motu omittendum, in sensu saltem diuiso: non taliter (ut Vincentius glossat) quod sit proximè potens ad negationem amoris facta diuisione prædeterminationis à potentia, seu prædeterminatione excusata; (hoc enim in Schola Thomistica ridiculum est; nec Calvinus hoc negare potuit: imò & in beatis huiusmodi potentia ad non amandum inuenitur: excusa videlicet visione non ea retenta) sed in alio sensu longè diuerso: quia videlicet adhuc prædeterminatione retenta, cum illa & sub illa remanet aequè proximè potens ad non amandum: sicut ante prædeterminationem ex se ipsa proximè ad hoc potens erat. Prædeterminatio enim ad amorem, quantumvis insuperabilis infallibilitatis sit; cum tamen moueat iuxta naturam & conditionem potentia libera, non tollit indifferentiam iudicii aut naturalem facultatem voluntatis, cui superuenit: ac promde nec tollit potentiam proximam ad amandum: quia sola illa duo, nimirum indifferentia iudicii & naturalis facultas voluntatis, ad proximam potentiam non amandi sufficiunt, quocumque alio secluso. Ex quo etiam habes, cur sub visione non maneat voluntas proximè potens ad negationem amoris: quia videlicet, licet sub visione remaneat naturalis facultas vo-

luntatis; deest tamen illud alterum requisitum, nimirum indifferentia iudicii, quæ ad proximam potestatem non amandi indispensabiliter etiam requiritur.

Igitur ex mente Sancti Thomæ, prædeterminatio gratiæ efficacis non est talis, quæ auferat vel impediatur potestatem proximam ad oppositum (ut Vincentius imaginatur) sed potius illam illasam relinquit, tamque proximam finit esse ad negationem actus, quàm ad eius positionem. Ad differentiam motionis, quæ mouetur voluntas Beati ad amorem Dei. Hæc namque cum moueat iuxta naturam intellectus perfusi luminæ gloriæ, & ad vnum determinati, nimirumque indifferentis; mouet utique nullam finendo in voluntate subsistere potentiam proximam ad negationem amoris. Unde communiter à Thomistis solet dici, quod voluntas Beati stante visione, non solum non est, non amatura; sed nec potest non amare: voluntas tamen viatoris prædeterminata, licet stante prædeterminatione non amatura non sit; stante tamen eadem potest non amare.

## SECTIO V.

### APPENDIX.

*Ostenditur, etiam errare in Schola Thomistica circa materiam libertatis Petauium & Ricardum: simulque declaratur, qualiter Physica prædeterminatio libertatem non ledat.*

SECTIONE PRÆCEDENTI diximus voluntatem viatoris adhuc sub prædeterminatione ad amorem,

rem, esse proximè potentem ad non amandum, ita ut verum sit dicere, ipsam retenta prædeterminatione ad amorem, posse proximè non amare. Hoc tamen non sic dici velim, quasi ipse etiam non amor, retenta prædeterminatione sit cum illa possibilis seu simul composibilis; id enim est commentum Petauij & Ricardi, qui dicunt liberratem actus non saluari, nisi ipsa etiam negatio actus ponatur composibilis, cum omni eo quod ante actum prærequiritur, cuiusmodi in sententia nostra, est prædeterminatio. Quod sanè Schola nostra Thomistica non docet. Constantissimè quippe tenet ad liberam elicientiam actus pro aliquo instanti, sufficere, quòd voluntas sit proximè pro eodem potens non agere, licet pro eodemmet ipsa negatio actus sit impossibilis; ratione alicuius prærequisiti tunc existentis, & cum quo ipsa negatio actus essentialem habet repugnantiam. Itaque aliud est, voluntatem retenta prædeterminatione ad actum, posse proximè in eodem instanti, non agere; & aliud, quòd ipsa negatio actus, etiam retenta prædeterminatione ad actum, sit in eodemmet instanti possibilis. Primum Thomistæ fateamur, nimirum quòd retenta prædeterminatione proximè potens sit voluntas ad non agendum; sed secundum diffitemur, nimirum quòd retenta prædeterminatione sit pro tunc possibilis negatio actus.

Declaremus hoc, quia fortè fecit doctissimos hallucinari. Dicunt Physici, partem substantialem (verbi gratia) formam, etiam extra totum esse verè potentem ad componendum: sed in quo quæso sensu? An nè quia extra totum sit possibilis ipsa actualis compositio? Hoc sanè implicatorium est, cum actualis compositio non extra sed solum intra totum

possibilis sit. Solum ergo volunt, quòd pars extra totum sit verè potens ad componendum, in hoc sensu quòd habeat quidem potentiam ad componendum, etiam in statu quo est extra totum, licet actualis compositio in illo statu nunquam sit possibilis. Et si quæretur, quomodo ista stare possint, nempe potentia pro hoc statu, & quod extremum pro eodem statu possibile non sit; Respondeo rationem esse: nam ad hoc ut alicui inest pro aliquo statu seu duratione, vera potentia ad aliquid, non requiritur, quòd illud aliquid, etiam pro illo statu seu duratione sit possibile, sed sufficit quòd sit possibile absolute. Potentia namque non specificatur ab extremo possibili pro omni statu sed ab extremo possibili absolute. Ut patet manifestè in Deo: ipse namque, adhuc supposito decreto de non creando alio mundo, habet verè potentiam ad creandum, alium mundum: quia alius mundus, licet supposito illo decreto possibilis non sit; est tamen possibilis absolute. Sic ergo pars, etiam in statu quo est extra totum, habet veram potentiam ad componendum, licet extra totum actualis compositio possibilis non sit, per hoc præcisè quòd sit possibilis absolute. Hoc nota bene & eodem prorsus modo quoad rem nostram Philosophare, si Thomistæ loqui velis de sensu composito & diuiso in materia Physicæ prædeterminationis.

Voluntas quippe nostra, etiam in statu quo actu retinet prædeterminationem ad amorem, est verè proximèque potens ad non amandum. Sed in quo quæso sensu? An nè quia sub illo statu etiam sit possibilis actualis positio non amoris? Hoc sanè implicatorium est: cum in via Diui Thomæ prædeterminatio efficax infallibilem & insuperabilem connexionem

nem habeat cum positione amoris. Solum ergo volumus, quod voluntas nostra etiam in statu quo actu retinet prædeterminationem ad amorem, sit verè proximeque potens ad non amandum; in hoc sensu, quod habeat quidem proximam potetiam etiam pro illo statu retenta prædeterminationis; licet actualis positio non amoris, nunquam sit retenta prædeterminatione possibilis: nam ad hoc ut voluntas, etiam retenta prædeterminatione sit proximè potens ad extremum oppositum, non requiritur quod illud extremum etiam retenta prædeterminatione sit possibile, sed sufficit quod sit possibile absolute.

At modo, quod illa possibilitas extremi oppositi, absoluta, licet non pro statu retentæ prædeterminationis, sit quoque ad libertatem salvandam sufficiens, probari potest hac ratione ad hominem, eaque clarissima.

Supponendo prius cum Petauio & Ricardo, quod (verbi gratia) dum loquor, in ipso instanti quo loquor, liberè loquar. Quæ suppositio est communiter recepta & expressis terminis tradita ab Anselmo libro primo *cur Deus homo*, capite decimo octavo, dum dixit; *est necessitas sequens, quam res facit, ut dum loqueris, ex necessitate loqueris & tamen liberè*. Capiamus ergo illud instans libera meæ locutionis;

ET SIC ARGUMENTOR. In instanti quo loquor, ipsa locutione mea iam existente & reduplicata, impossibilis est pro tunc actualis negatio locutionis: quia alias duo contradictoria possent esse simul, nimirum locutio & non locutio. Tunc ultra; & tamen pro illo tunc, locutio mea est libera, cum liberè loquar, ut supponimus: ergo stat libertas locutionis pro aliquo nunc, pro quo ta-

men nunc, non sit possibile oppositum, nimirum negatio locutionis. Quæro ergo, per quid locutio illa pro illo tunc euadat libera? Non certè per hoc, quod pro eodem tunc sit etiam possibile non loqui, cum potius non loqui, sit tunc impossibile: ergo præcisè per hoc quod non loqui, sit possibile absolute. Cur ergo idem non poterimus nos dicere in casu Physicæ nostræ prædeterminationis? Nimirum quod amor cum illa & sub illa elicitus, sit verè liber, licet cum illa & sub illa non sit possibilis pro tunc negatio amoris, dummodo sit possibilis absolute, sicut reuera possibilis est?

Explico hoc. Cum locutione & sub locutione actu exercita, adhuc liberè loquor: quia licet negatio locutionis sit pro illo tunc impossibilis, est tamen possibilis absolute: ex quo etiam fit, quod adhuc cum locutione & sub locutione sim proximè potens ad non loquendum, quia ad istam proximam potentiam pro illo tunc salvandam, non requiritur, quod non loqui sit possibile cum locutione, & sub locutione, sed sufficit quod sit possibile absolute: at totum hoc pari passu verificatur in casu Physicæ nostræ prædeterminationis: ergo adhuc cum illa & sub illa, liberè amo. Probo istam minorem: nam cum prædeterminatione & sub illa, ita amo, ut quamvis non amor cum illa sit impossibilis, sit tamen possibilis absolute: ergo ratione illius possibilitatis absolute, verificari debet, quod adhuc cum illa & sub illa, sim proximè potens ad non amandum. Patet consequentia, nam proxima potentia ad aliquod extremum, non petit possibilitatem illius extremi pro eodem tunc quo est potentia, sed tantum possibilitatem illius absolute.

RESPONDERUNT Petauius & Ri-

Ricardus, non esse simile in illo casu liberæ meæ locutionis & in casu Physicæ prædeterminationis. Quia hoc quod est (inquiunt) impossibile esse non loqui pro illo tunc, quo existit locutio, est solum impossibilitas ex suppositione: videlicet quod tunc loquar: quæ suppositio, cum egomet libera mea voluntate eandem posuerim in effecti aliquam alterius extremi impossibilitatem adfert, sanè libertati obesse nequit, quia simpliciter originem ducit ex mea libera voluntate, quæ le ad alterum extremorum liberè determinauit, & sic est mera impossibilitas seu necessitas ex libera quadam suppositione consequens, quæ nunquam libertati obesse potest. At verò impossibile esse non amorem pro illo tunc quo existit Physica prædeterminatio; hæc (aiunt) impossibilitas est impossibilitas seu necessitas antecedens, cum ortum non ducat ex mea libera voluntate, seu ex aliqua suppositione, quam ego liberè posuerim; sed potius ex suppositione meam liberam voluntatem præueniente: nimirum ex qualitate quadam Physicæ prædeterminante: quæ proinde suppositio seu necessitas, si alterius extremi impossibilitatem infert, non potest non libertati obesse: utpote cum ea sit quasi ligamen seu vinculum indifferentiæ, non consequens ex mea voluntate, & ex consequenti omnino contra illam.

Sic prædicti Patres respondent. Et certè si quis nil aliud de prædeterminatione Physica cogitare velit, quàm id quod in ista responsione dicitur; erit utique responsio omnino convincens. Semel namque posito quod ea sit natura prædeterminationis, ut secum adducat impossibilitatem alterius extremi, omnino contra meam voluntatem, sit evidens eam esse ligamen seu vinculum inimicum

indifferentiæ & libertatis. At res non ita habet: & qui tali glossæ prædeterminationem Physicam inuoluit, potius peruersum ei sensum imponit, quàm verum & Thomisticum exponat. Est ergo longè quid aliud de ea considerandum: videlicet prædeterminationem Physicam ad amorem, inducere quidem pro illo tunc impossibilitatem ad non amorem; sed neutiquam cōtra liberam meam voluntatem, ut responsio pro comperto videtur supponere. Licet namque prædeterminatio, utpote antecedens & præueniens libertatem, non ducat ex eadem libertate originem, sicut ducit libera mea locutio, quæ libertatem consequitur, ac proinde quantum ad hoc sit evidens disparitas inter utrumque, nimirum inter prædeterminationem & ipsam liberam locutionem; quod videlicet prædeterminationis suppositio sit antecedens, locutionis verò consequens; tamen quantum ad illud aliud, quod est libertati non contrariari, sed potius eam edificare, omnino conueniunt, tam prædeterminatio quàm ipsa libera locutio.

Ostendo hoc assumptum, in ipsa paritate persistendo quidem, sed ulterius interrogando: cur nempe impossibilitas alterius extremi pro aliquo tunc, orta ex suppositione consequente libertatem, qualis est suppositio actus liberi, seu liberæ locutionis, libertatem non lædat? Vos omnes, ô Osiores Physicæ prædeterminationis hac interrogatione compello. Dicite quæso, cur libertatem non lædit, impossibilitas alterius extremi orta ex suppositione consequente libertatem? Vel alijs terminis; cur id quod libertatem consequitur, & consequendo facit alterum extremorum pro tunc impossibile; cur (inquam) id libertatem non lædit? Nunquid omnes vno ore dice-

dicetis, ideo id minimè lædere, quia eo ipso quòd libertatem consequitur, est utique ipsius libertatis effectus, ac proinde potius signum libertatem ostendens, quàm eam destruens? Profecto hæc sicut omnium concors, ita & verissima est responsio: ex qua apertissimè conuincitur; me adhuc dum loquor, liberè loqui, quia licet dum loquor, impossibile sit non loqui, illa tamen impossibilitas ex ipsa libertate per modum effectus consequitur, & sic eandem non destruit, sed ostendit.

**AST NVNC AD REM NOTAM.** Si secundum vos, & secundum rei veritatem suppositio consequens non lædit libertatem, ea ratione quia est libertatis effectus: quid putatis fore dicendum; si daretur altera quædam suppositio, antecedens quidem & non consequens; sed quæ antecessione sua, ipsius libertatis esset causa? Dicite iterum; hæcne libertatem læderet, destrueret, aut corrumpere; sicut vos de Physicæ prædeterminatione omnes clamat. Libet repetere, inculcare libet: si daretur suppositio antecedens, quæ esset causa libertatis; sicut datur illa altera consequens, quæ est effectus libertatis; illane libertatem perderet aut destrueret? Sanè qui hoc contenderet, vel ex ipsa posset terminorum euidencia conuinci: implicat namque quòd aliquid, libertatem antecedit ut causa libertatis, & quòd libertatem destruat: sicut pari lege implicat, quòd propria causa destruat proprium effectum: causa effectum suum ædificat, non destruit. Causa ergo libertatis, libertatem ædificaret, non destrueret. Si igitur aliqua suppositio poneretur libertatem antecedere per modum causæ illius; nullus integrè mentis posset contra huiusmodi suppositionem, calumniam ullam prætexere. Ea li-

bertatem quidem antecederet, & sic ex libertate originem non duceret; sed quia ex altera parte antecederet ut libertatis causa, ex ea profecto non periret, sed potius originem duceret libertas. Ex quo ulterius fieret (& hoc sedulo meditare) quòd omnis impossibilitas, omnis necessitas, quæ ex tali suppositione respectu alterius extremi induceretur, perinde esset, ac si ex ipsa mea libertate esset consequens. Patet hoc, quia esset consequens ex aliquo, quòd esset ipsissima causa meæ libertatis; ergo perinde esset, ac si ex ipsa consequeretur libertate: quòd namque ex ipsa libertatis causa, ut actum eam causante descendit, quomodo potest ex ipsa quoque libertate non descendere? Habeamus ergo pro re patentissima, etiam apud quemcumque aduersarium, veritatem huius conditionalis; nimirum si daretur aliqua suppositio libertatem antecedit ut causa eiusdem, quòd ea libertatem non læderet: sed potius illius esset origo: ac proinde omnis impossibilitas ab ea inducta, perinde esset, ac si ipsammet libertatem consequeretur, non minus quàm illa altera, quæ ad suppositionem ipsius actus liberi, seu liberæ locutionis ponitur consequens.

**QVORSVM VERO OMNIA ISTA?** Certè ut exinde in particulari ad Physicam nostram prædeterminationem descendam, simulque fiat manifestum, qualiter impossibilitas non amoris, ex eadem pro eodem tunc proveniens, non sit nisi merè impossibilitas ex libertate consequens, ac proinde libertatem non lædens: sicut ea de causa libertatem non lædit impossibilitas orta ex suppositione ipsius actus liberi, de quo paritatem institueram. Putantne prædeterminationis Physicæ inimici, quòd ipsa libertatem nostram



anteceat aliter, quam id quod est ipsissima libertatis causa? Putantne aliter antecedere, quam id quod libertatem nostram originat, quam id quod libertatem nostram facit, efficit, operatur? Certè si hoc putant, se ipsos corrigant, & correcti capere poterunt, qualiter non magis lædat libertatem suppositio prædeterminationis, quam suppositio ipsius actus liberi, seu liberæ locutionis.

**PRÆDETERMINATIO** (Patres mei) antecedit, **VT CAUSA LIBERTATIS**: antecedit, **VT ORIGINANS LIBERTATEM**: antecedit, **VT FACTRIX**, **VT EFFECTRIX**, **VT OPERATRIX LIBERTATIS**: sicut à sensu contrario, ipse liber actus libertatem subsequitur vt effectus illius, subsequitur vt factus ab illa, subsequitur denique vt originatus ab illa. Hoc Thomistæ fatemur, hoc constatissimè dicimus, hoc verbo & scripto prædicamus. Vnde sicut iuxta contrarios, impossibilitas consecuta ad suppositionem actus liberi, libertatem non lædit, sed ostendit, quia est originata & facta ab ipsa libertate; ita pariter nos dicimus quod impossibilitas consecuta ad suppositionem prædeterminationis, libertatem minime lædat; sed potius ædificet: quia cum prædeterminatio libertatem ponatur causare & originare, perinde est huiusmodi impossibilitas, ac si esset ex ipsa libertate facta seu originata: sicque non minus consequens esse conuincitur, quam ea impossibilitas, quæ ad suppositionem actus liberi consequitur.

Sed quia discursus iste perspicue satis intentum ostendit, indubiè contrarij negabūt principium, quod hic supponimus, nimirum eam posse esse prædeterminationis Physicæ naturam, vt libertatem antecedeat, & eam nihilominus antecedendo cau-

set. Hoc ergo vnicum si posse fieri, ostendero; profectio prædeterminationis liberabitur à seruitute corruptionis, qua contrarij eam sadare conantur, in libertatem gloriæ, qua eandem Thomistæ extollunt, laudant ac prædicant.

Ostendamus igitur, & considerantes primò, quid præcipue in prædeterminatione Physica sit petra scandalii & lapis offensionis imperfectis. Vt ex eorum libris, scriptis & disputationibus quotidie accipimus, ante omnia grauissimè causantur nomen ipsum, quo dicitur & insignitur, nimirum **PHYSICA PRÆDETERMINATIO**: quasi statim sibi persuadentes, quòd Physicam seu naturalem determinationem ad vnum habeat, sicut quælibet forma agentis naturalis, quæ per modum naturæ ad vnum quid est determinata: & certè si ita esset; minimè accommodata esset modo agendi libero: cum agere liberè, & agere cum determinatione ad vnum per modum naturæ, sint modi essentialissimè repugnantes.

**DICO ERGO** ad hoc breuiter quòd **PHYSICA** dicitur, non quasi forma naturalis sit, seu per modum naturæ ad vnum determinata; sed quia ex propria essentia, & ab intrinseco est efficax, independenter à quocumque creato consensu. Hoc est, esse Physicam, non Philosophicè, sed Physicam Theologicè: exemplum tibi dat Thomista, dum docet gratiam Physicè expellere peccatum. An nè quasi gratia exerceat oppositionem formæ naturalis seu Physicæ? Delirare est hoc; sed quia oppositionem habet ex sua propria essentia, & ab intrinseco independenter à quacumque lege extrinseca. Tali ergo ratione prædeterminatio gratiæ Physica dicitur. Efficacia inest ei ex proprijs, ab intrinseco, & independent-

ter à quocumque extrinseco consensu nostro.

Deinde nihil minus capiunt, quā ista duo, quæ spectant ad rem ipsam, nimirum & quòd sit motio, quæ Deus voluntatem nostram præuenit, & rursus quòd ab intrinseco tam efficax sit, ut infallibiliter omnino, actum inferat, tanta etiam infallibilitate, ut stante motione prorsus sit impossibile, actum non sequi. Hæc duo (inquiunt) nimirum motio præueniens, & tanta efficacia seu infallibilitas, si veraciter de prædeterminatione dicuntur, manifestè ostendunt, illam non esse LIBERTATIS CAUSAM; sed perditionem, potius & ruinam. Et quare hoc? Nam si meam voluntatem simpliciter præuenit, & præueniendo ex propria vi infallibilissimè connectit cum vno extremo tantum, videlicet cum actu: qua via (clamant) excusabitur à necessitate antecedente? Nonne tanta infallibilitas, ipsissima est necessitas: & rursus si præuenit, si præintelligitur ante actum, nonne quoque necessitas antecedens? Quòd si necessitas antecedens; hæc profecto (teste Anselmo) libertatem non causat; sed tollit, strangulat, & corrumpit.

DICO ITERVM, non omnem motionem præuenientem, etiam intrinseca infallibilitate actum inferentem, esse necessitatem antecedentem, sed solum illam, quæ sic præuenit & infallibiliter infert, ut connaturali modo agendi voluntatis liberæ, vel non conformetur, vel illum impediatur. Exemplum primi iuxta Scholam Thomisticam est in motionem quam Deus prebet voluntati Beati ad amorem beatificum: illa est necessitas antecedens vel saltem cum ea connectitur aut eam supponit, quia non est conformis modo agendi voluntatis liberæ, sed potius modo agendi

voluntatis determinatæ ad vnum ex vi iudicii. Exemplum secundi esset in casu illo, quem supra retulimus ex Patre Suarez, de motione illa præternaturali. Hæc pariter esset necessitas antecedens; quia modo agendi voluntatis liberæ, non solum non conformaretur, sed & illum positiuè impediret, ut Suarez supponit. Neutrum autem horum habet Physica nostra prædeterminatio. Nam licet sit motio præueniens & infallibilissima, à modo tamen agendi libero nec discrepat, nec illum impedit. Non discrepat, quia indifferentiam iudicii & naturalem facultatem voluntatis intactam relinquit: non etiam impedit; quia fortissimè & suauissimè voluntatem ducit ad actum agendum, non minus liberè, imò longè liberius quàm si sola voluntas seipsam ad actum duceret.

Et quia radix horum omnium ex eo pendet, quòd prædeterminatio antecedit, VT CAUSANS LIBERTATEM; hoc operosius iam probandum est.

IN PRIMIS Itaque, nonne omnes Sancti vniuersim voce clamant, quòd efficacia diuinæ virtutis liberum non lædit arbitrium, quandoquidem non nisi libertatem in libero operetur arbitrio?

QVID ALIVD sibi vult illud Augustini de gratia Christi contra Cœlestium & Pelagium capite decimo quarto, gratia est effectrix bonæ voluntatis? Et illud de gratia & libero arbitrio capite decimo sexto, certum est nos facere cum facimus, sed ille facit, ut faciamus, præbendo vires efficacissimas voluntati? Et illud libro primo contra duas epistolas Pelagianorum capite secundo, Deus cor regis occultissima & efficacissima potestate convertit? Et illud de correptione & gratia capite decimo quarto, Deus intus agit, corda tenet, corda mo-

Supra  
l. 2. c. 8.  
per totum.

uet, eosque voluntatibus eorum, quas ipse in illis operatus est, trahit? Et illud ibidem capite duodecimo, humana voluntas diuina gratia indeclinabiliter & insuperabiliter agitur? Et illud libro tertio hypognost. præcedit misericordissima gratia sua Deus, hominis voluntatem ut eum se quæere faciat? Et illud libro primo retractationum capite nono, gratia Dei nisi voluntatem hominis præuiniat? Et illud epistola centesima septima, ad Vitalem parum à principio, gratia præuenit hominis voluntatem bonam, nec eam cuiusquam inuenit in corde, sed facit? Et illud de correptione & gratia capite octauo, voluntas humana non libertate consequitur gratiam, sed gratia potius libertatem & in superabilem fortitudinem?

ET ILLVD PROSPERI epistola de libero arbitrio ad Rufinum; in libero arbitrio gratia Dei affectum credendi generat?

ET ILLVD CALESTINI primi in epistola ad Episcopos Galliarum capite primo, Deus operatur in ipsum liberum arbitrium, ut omnis bonus motus voluntatis ex Deo sit?

ET ILLVD BERNARDI de libero arbitrio capite duodecimo, Deus & voluntatem applicat operi & opus explicat voluntati?

ET ILLVD FVLGENTII de veritate prædestinationis capite decimo octauo, in nobis gratia Dei bonam efficit voluntatem?

ET ILLVD DIVI DIONYSII capite quinto de Diuinis nominibus lectione tertia apud Sanctum Thomam; Exemplaria esse in Deo dicimus diuinas & bonas voluntates existentium prædeterminatas & effectivas?

ET ILLVD DIVI THOMÆ in Secundo, Distinctione vigesima quinta, quæstione prima, articulo secundo, ad Primum, Deus operatur in voluntate, & in libero arbitrio se-

cundum eius exigentiam: unde etiam si voluntatem hominis in aliud mutet, nihilominus tamen hoc sua Omnipotentia facit, ut illud in quod mutatur, voluntariè velit?

ET ILLVD TANDEM Prima parte, quæstione octuagesima tertia, articulo primo ad Tertium, Deus mouendo causas voluntarias, non aufert quin actiones earum sint voluntariæ; sed potius hoc in eis facit?

Nonne omnia ista apertissimè clamant, Deum operari in nostro libero arbitrio, aliquid reale intrinsecū, quod habeat ex sibi proprijs, vim præueniendi, præcedendi, prædeterminandi, efficiendi, faciendi, generandi, actus ipsos liberos? Et tanta quidem infallibilitate ut efficacissima sit, ut indeclinabilis sit, & denique insuperabilis fortitudinis? Quid ergo? Per motionem ita præcedentem, prædeterminantem, & infallibilem, nos Thomistæ liberum arbitriū euacuamus? Absit; sed magis liberum arbitrium statuimus. Si namque præcedit, prædeterminat & infallibiliter applicat operi; hoc sanè non aliter facit, quàm faciendo, efficiendo, & generando ipsam libertatem, ut Sanctissimi Præceptores vno ore fatentur.

ET CERTE STVPORE me afficit, Petaui & Ricarde, voluntatem ex seipsa, seipsam liberè posse ducere ad consensum (sicut vos in re docere comprobamini) & quòd hoc idem non possit in voluntate operari, qui illam condidit & creauit. Nonne iterum verissimum est illud Augustini de Correptione & Gratia, capite decimo quarto; Magis habet (Deus) in potestate voluntates hominum, quàm ipsi suas? Et illud Sancti Thomæ, quæstione vigesima secunda de Veritate, articulo octauo, sicut voluntas potest immutare actum suum, ita & multò amplius Deus? Si ergo creata voluntas seipsam quasi sua liber-

bertate præueniens, potest se in consensum liberum determinare; cur Omnipotens eandem sua efficacia præueniens, idem facere non poterit? Quæso vos, sine poenitentia arripite Catholicum illud & nobile principium Scholæ Thomisticæ, quod Creator voluntatis est primum liberum, ac proinde potens suæ antecessione causalitatis, in secundo libero causare, & substantiam actûs & modum eius qui est libertas. Voluntas hoc potest illâ libertate per vos; cur illâ eadem, non poterit hoc voluntatis Creator infinite potentior?

Non cogitatis alterius esse virtutis, altioris esse efficaciæ, intimioris esse penetrationis, Divini potentiam brachij, quàm cuiuslibet causæ inferioris, etiam Angelicæ potestatem? De hac sanè & similibus, vobis damus, quod voluntatem nostram prædeterminare efficaciter nequeant sine præiudicio libertatis: vt enim, relictissimè quodam in loco Doctor subtilis; *Contra naturam voluntatis est, determinari à causa inferiori, quia hoc ipso non esset superior: sed cur huiusmodi vim supremæ & omnipotentissimæ denegabimus Causæ? Nonne ea talis est, vt ipsi volenti saluum facere, nullum hominis resistat arbitrium? Nonne ea talis est, vt velle & nolle, in volentis quidem aut nolentis sit potestate; sic tamen vt Diuinam voluntatem non impediatur, nec superet potestatem? Nonne ea talis est, vt de his qui faciunt, quæ ipsa non vult, faciat ipsa quæ vult? Nonne ea talis est, vt miris & occultissimis modis intus operando, ex nolentibus faciat volentes? Nonne denique talis est, vt intimior sit voluntati nostræ, quàm ipsa sibi? Si ergo talis, si usque adeo fortis & efficax, usque adeo penetrans & intima, si super velle & nolle nostrum,*

amplissimè & suauissimè dominatur, cur timebimus per diuinas eius voluntates prædeterminatiuas & effectiuas (vt diuinè loquitur Dionysius) liberum arbitrium euacuari?

Audite iterum Scotum, non est contra naturam voluntatis determinari à causa superiori. Sed audite & Thomam; ex parte voluntatis mutare actû voluntatis non potest, nisi quod operatur intra voluntatem, & hoc est ipsa voluntas, & id quod est causa esse voluntatis, quod secundum fidem solus Deus est: vnde solus Deus potest inclinationem voluntatis quam ei dedit, transferre de vno in aliud, secundum quod vult. Deus ergo gloriosus & solus habet inclinandum cordium, quocumque voluerit, omnipotentissimam potestatem. Et dum illam habet, sicut verissimè habet, quis nisi iniuste & insipienter causabitur, se ab illa potestate præueniri, prædeterminari? Estne non potes, O homo! nisi dependenter ab omnipotenti esse, & vis liber esse independenter ab illo esse? Si omnipotens illud esse fateris; cur ei potentiam super tuum velle negas? Si primum in genere liberi, illud esse prædicas; cur inferiorem, tuam libertatem, ab illa prima libertate eximere contendis? Qui creauit totum te ex nihilo, non poterit partem tui, nempe libertatem causare ex aliquo? Patres mei hoc nisi credamus, periclitatur ipsum nostræ fidei confessionis initium, qua nos in Deum Patrem Omnipotentem credere confitemur. Neque enim veraciter ob aliud vocatur omnipotens, quàm quia in omnem rationem entis potens est. Inter rationes autem entis, non solum est substantia actûs, sed & modus eius qui est libertas. Vnde vel vtrumque ab eo causari, necesse est, vel omnipotens censendus non est.

Quod & eruditissimè & profundissimè

Scotus in  
4. Dist.  
49. q.  
6 & 5.  
136.

Scotus  
vbi tu-  
præ.  
S. Tho-  
mas 9.  
22 de  
verita-  
te art. 9

infel.  
br. de  
pncor  
ia pte  
ciētiā  
e pr-  
est. c.

diffimē docuit Anselmus, dum alibi dixit; quod Deus vult, non potest non esse: cum vult hominis voluntatem, nulla cogi vel prohiberi necessitate ad volendum vel non volendum, & vult effectum sequi voluntatem, tunc necesse est voluntatem esse liberam, & esse quod vult. En voluntatem nostram, ita infallibiliter præuentam à Diuina, vt ipsa velit effectum sequi ad nostram, & tamen ex altera parte, seu potius eo ipso, libertatem eius non destruat sed causatā. Illa nēpe est secreta & altissima vis diuinæ efficaciz, qua absolutē prius ipsa vult, quod velim & quod liberē velim, in vno causans substantiam, & in altero modum non prætermittens.

IMO ET ALIAM RATIONEM non minus efficacem suppeditat nobis sententia vestri Suarez, dum in opusculis suis, libro primo de auxilijs, capite secundo, numero duodecimo, & alibi (vt supra vidimus) docet, Deum stante indifferentia iudicij, posse voluntatem nostram necessitare, auferendo libertatem, & determinando taliter ad volendum, vt non possit non velle. Quem casum esse possibilem, ipse sic probat. Quia cum in voluntate libera duplex sit potestas, ad volendum scilicet & non volendum, neutra earum est infinita virtutis & efficaciz, ergo in vtraque potest superari à Deo superiori agente, qui est infinita virtutis & efficaciz: ergo stante & perseverante adhuc indifferentia iudicij, potest ita à Deo moveri & agi voluntas nostra, quatenus habet potestatem volendi, vt sit prorsus impotens ad resistendum, nec possit villo modo vti altera potestate quam habet ad volendum. Ergo tunc in tali actu non erit vsus libertatis, etiam si facultas in se sit libera, & obiectum ita sit propositum, vt necessitatem non inferat. Hæc (inquam) sententia vel potius eius ratio suppeditat nobis aliud argu-

mentum, quo multo melius probemus esse possibilem casum nostræ Physicæ prædeterminationis: videlicet quod Deus valeat, stante libertate, prædeterminare ad infallibiliter operandum; ita vt antecedens illa infallibilitas, nil prorsus libertati noceat.

Sic ostendo hoc assumptum. Secundum vestrum Suarez, stante iudicio indifferenti, Deus potest à voluntate auferre libertatem, determinando ad vnum tantum: quia facultas eius ad vtrumlibet est finita, ac proinde à superiori agente Deo superabilis. At similiter facultas voluntatis operandi fallibiliter, est finita: ergo adhuc stante libertate, illam fallibilitatem sua infinita efficaciz superare potest Deus: & sic determinabitur quidem voluntas ad operandum infallibiliter, liberē tamen seu libertate illa maenente.

SI PRO VESTRO SVAREZ respondeatis; quod licet facultas voluntatis ad fallibiliter operandum, sit finita; est tamen modus ille fallibiliter operandi, essentialiter connexus cum libertate: ac proinde libertate maenente, fallibilitatem auferre non potest, faciendo infallibilitatem, quia essentiam rei destrueret.

Si (inquam) sic respondeatis, idem nos dicemus: quod licet libera facultas voluntatis ad agendum & non agendum sit finita; est tamen essentialiter connexa illa facultas cum indifferentia ipsa iudicij: siquidem facultas libera voluntatis ad agendum & non agendum, nil aliud est, quam ipsissima potentia voluntatis, vt connotans obiectum indifferenter propositum: vnde modum illum facultatis indifferentis ad agendum & non agendum, auferre non potest aut impedire, stante voluntate sub iudicij indifferentia, quia essentiam

Suprà  
l. 2. c. 8.  
in prin.  
cip.

rei destrueret. Ergo vel dicendum est, quod casum suum contra Thomistas, vester Suarez non probet, vel si probat, quod efficacius ex eodem principio contra vos probemus casum nostræ Physicæ prædeterminationis.

Et certè non est de essentia libertatis, fallibiliter operari; sed indifferenter operari. Quod utique stat cum infallibilitate: ut patet in Deo, qui ad extra operatur indifferenter, id est cum potestate operandi & non operandi, & tamen operatur omnino infallibiliter. Stabit ergo pariter id ipsum in voluntate nostrâ ex participatione diuinæ libertatis, quæ nobis per prædeterminationem communicatur: scilicet & quod ex una parte operemur indifferenter, id est, cum potestate operandi & non operandi; & ex alia infallibiliter: siue infallibilitas sit consequens, ut aliquibus ex nostris placuit, siue sit antecedens, ut in communiori modo dicendi Thomistarum verè antecedens est quantum ad infallibilitatis formam simplicissimam rationem, licet sit consequens quantum ad rationem necessitatis, ut iam ante ostendi.

**DICTA IGITUR** recapitulantes, relinquitur ad liberam eliciendam actus, verbi gratia pro instanti quo reduplicatur prædeterminatio, non requiri, quod pro eodem tunc sit possibile oppositum: sed sufficere, quod sit possibile absolutè. Licet semper requiratur, quod pro eodem tunc voluntas sit verè, proximè & expeditè potens ad oppositum. Illa enim quo distinguì omnino debent, voluntas pro hoc nunc est proximè potens non agere; & ipsa non actio pro hoc nunc est possibilis. Primum, ad libertatem requiritur, secundum minimè. Primum verum est, etiam retenta prædeterminatione; nam aliàs illa retenta, non liberè ageret. Se-

cundum, falsum: nam retenta prædeterminatione, non actio pro illo tunc est impossibilis. Et hoc est, quod Thomistæ communiter dicimus, non requiri ad libertatem, potentiam ad oppositum in sensu composito, quoniam nempe sit possibile poni tam non actum, quam actum cum omni prærequisito; sed sufficere potentiam in sensu diuiso, diuidete quidem à prædeterminatione prærequisita negationem actus, tamquam cum ipsa incompossibilem: non tamen (ut perperam etiam contendit Vincentius) diuidente à prædeterminatione potentiam proximam & expeditam ad negationem actus absolutè.

**EX HIS SEQUITUR** id quod in titulo præsentis sectionis promissimus; nimirum in materia libertatis, nec Thomisticè loqui Petaurium aut Ricardum, nec etiam Vincentium. Peccant duo primi, quia ad liberè operandum sub tractu gratiæ, volunt pro eodem tunc, possibile esse vtrumque extremum, tam actum quam negationem actus, quantum est ex vi illorum, quæ gratia intrinsecè & ex natura sua claudunt: quod tamen Thomistæ negant, & bene etiam negat Vincentius: siquidem nobiscum fateatur, saltem in natura lapsa, gratiam ita ab intrinseco efficacem, & ita infallibiliter connexam cum actu, ut negatio actus pro illo tunc sit impossibilis. Peccat tamen non minus etiam ipse in quodam alio; quia videlicet nec vult fateri, voluntatem pro eodem tunc debere esse proximè potentem ad negationem actus; ut namque eius voce utar; voluntas non lepotest proximè in oppositum flectere, nisi excussa presenti prædeterminatione, non ea retenta. Quod etià aperte contra Scholam Thomisticam pugnat. Vtpote quæ constantissimè fateatur, voluntatem adhuc prædeterminatione gratiæ retenta, esse proximè



mè potentem ad non agendum, ita verè & expedite quantum ad rationem potentie, sicut erat ante prædeterminationem: licet ipsa retenta, non agere, sit pro tunc impossibile. Et rationem huius iam antè assignauimus; quia nimirum, cum potentia non specificetur nisi ab extremo possibili absolute, non autem ab extremo possibili pro omni nunc; bene potest voluntas esse proximè potens ad aliquod extremum, retenta prædeterminatione, quod tamen extremum illa retenta possibile non sit, per hoc præcisè, quòd sit possibile absolute.

ET NE QVISPIAM obijciat, omnia ista à me dici quidem; sed non Thomisticè; lubet rem vno vel altero testimonio comprobare ipsiusmet, qui huius Scholæ est Author & Dux & Patronus.

PRIMUM SIT, ex questione vigesima tertia de Veritate, articulo quinto ad Tertium. Ibidem namque sicut dogma iugulat Petauj & Ricardi, ita, & non minus ipsius Vincentij. *Quamuis* (inquit) *non esse effectus Diuinæ voluntatis, non possit simul stare cum Diuina voluntate; tamen potentia deficiendi effectum, stat cum Diuina voluntate.* En prioribus verbis iugulatos duos primos: nam asserit, nō posse simul stare cum Diuina voluntate seu cum Diuina motione, quòd effectus eius non sequatur; quòd tamen vterque ille negat; nam motionem taliter efficacem & infallibilem, neuter agnoscit. Sed vide & iugulatum Vincentiū verbis posterioribus. Nam simul cum illa infallibilitate, *potentia* (inquit) *deficiendi effectum, stat cum Diuina voluntate: cum Deo scilicet adhuc volente, seu motione eius stante, quandoquidem de Deo actu efficaciter volente seu mouente loquitur.* Sentit ergo cum & sub motione, voluntatem nostram adhuc

verè remanere potentem ad non ponendum effectum motionis, licet negatio seu nōn positio illius pro tunc impossibilis sit.

SECUNDUM SIT & eodem loco, quem Vincentius sectione præcedenti pro sua opinione allegauit. *Ad Tertium* (inquit ibi) *dicendum quòd si Deus mouet voluntatem ad aliquid, impossibile est poni, quòd voluntas ad illud non moueatur: non tamen est impossibile simpliciter.* En idem quòd prius. Contra vos Petauj, Ricarde: nam contenditis, non sic posse Deum voluntatem nostram mouere, quin cum quacumque motione, quantum est ex intrinsicis illius, possibile sit poni oppositum. Sed & contra te, Vincentij; nam dum simul asserit, *oppositum non esse impossibile simpliciter; licet impossibile pro illo tunc; manifestissime supponit, in voluntate adhuc manere, veram, proximam, expeditamque potentiam respectu illius: nam ad illam* (vt in principio annotaui) *sufficit possibilitas extremi absolute seu simpliciter.*

TERTIUM SIT ex questione sexta de Malo, articulo vnico, ad decimum nonum. *Simul inest* (inquit) *homini potentia voluntatis ad opposita se habens.* En contra te, Vincenti. Veram ac proinde proximam potetiam ad agendum & non agendum apertissime fatetur inesse voluntati simul, seu pro eodem nunc.

Et clarius adhuc, loquens in casu nostro diuinæ motionis, quodlibeto septimo, articulo secundo, *Deus* (inquit) *mouet omnia secundum modum eorum: & ideo Diuina motio à quibusdam participatur cum necessitate, à natura autem rationali cum libertate, propter hoc quòd virtus rationalis se habet ad opposita.* Et ideo sic Deus mouet mentem humanam ad bonum, quòd tamen potest huic motioni resistere. Quid expressius? dicit quòd Deus mouet,

& quòd homo potest resistere. Ergo Deo mouente adhuc posse remanet respectu oppositi: posse inquam; sed iterum libet inculcare, quòd intelligat de posse proximo, ita vt nihil ex parte actus primi amplius consideretur. Secundum quòd questione vigesima quarta de veritate, articulo secundo ad septimum dixerat; *quòd in potestate hominum est, vt isdem rebus similiter representatis..... eligant vel fugiant iudicio rationis.* En proprium modum libertatis, quòd scilicet eodem actu primo inuariato inanente, tam ex parte representationis seu iudicii intellectus, quam dispositionis voluntatis, possint idem eligere & fugere. Vnde & prima parte, questione octuagesima tertia, articulo secundo ad secundum, explicans qualiter liberum arbitrium sit potentia ad oppositos actus se habens, dixit, quòd *facultas nominat quandoque potentiam expeditam ad operandum, & sic facultas ponitur in definitione liberi arbitrii.* Quid iterum expressius? Si liberum arbitrium nominat facultatem expeditam ad opposita: ergo eademmet fine sui variatione, qua via potest expeditè seu proximè velle, eadem potest expeditè seu proximè non velle. Et ex consequenti sentit, quòd Deo mouente, adhuc potest homo potentia expedita, motioni resistere. Sed ne hoc intelligas de resistencia formali: nam formaliter resistere motioni Diuinæ efficaci, cum sit simpliciter impossibile; humana voluntas nequit habere aliquod verum posse respectu illius. Intellige ergo de resistencia materiali, id est ex parte rei, ad quam Deus mouet, ita vt sensus sit, *homo potest motioni resistere* (id est) potest rem illam ad quam Deus mouet, non ponere. Et hoc verum est vsque adeo, vt si posse illud non haberet respectu oppo-

siti ad quòd Deus mouet, reuera homo sub illa motione non moueretur liberè, sed de necessitate, sicut mouetur ad amorem Dei secundum se, in patria.

Rem ergo concludamus, nam manifestè satis comprobata iudico. Ad testimonia quartæ Classis (si que sunt alia, præter id quod sectione præcedenti in principio adduximus) vnico verbo respondeo: videlicet Diuum Thomam nusquam denegare voluntati nostræ sub instanti prædeterminationis veram & proximam, potentiam ad omissionem actus: licet namque neget pro illo tunc, possibilitatem ipsius actualis omissionis, non tamen negat, (vt vidimus) pro eodem instanti, ipsi voluntati suam potentiam veram & proximam quam habebat ante. Vt enim illam sub eodem instanti verè & proximè possideat, non requiritur possibilitas omissionis pro eodem instanti, sed sufficit possibilitas omissionis absolute: cum potentia non debeat specificari ab extremo possibili pro omni instanti seu duratione, sed solum ab extremo possibili absolute: omisio autem actus, ad quem Deus mouet, est possibilis absolute: nam (vt in eodem loco Sæctus Doctor habet) *non tamen est impossibile simpliciter.* Exemplum tibi, Vincenti, dat id, quòd tota hac sectione contra Petanum & Ricardum vrsi, de locutione libera. Sicut enim, dum loquor; liberè loquor; taliter vt proximè possim non loqui, licet dum loquor, impossibile sit non loqui, per hoc præcise quòd non loqui sit possibile absolute; ita pariter, dum sum prædeterminatus ad amorem, liberè amo, taliter vt proximè possim non amare, licet dum sum prædeterminatus, impossibile sit pro tunc non amare, quia reuera est possibile absolute. Itaque iuxta mentem Diui Thomæ non magis tollit

tollit proximam facultatem potentie ad negationem actus Physicæ. Dei motio, quàm tollat liberum exercitium locationis proximam facultatem ad non loquendum. Vnde sicut illud exercitium hanc non tollit (nisi fortè velis, & quam Barbare! ex coniunctione cum proprio actu potentiam non perfici sed destrui) ita pariter illa prædeterminationio facultatem proximam eiusdem potentie non tollit, quia non minus connaturaliter & liberè illam perficit, quàm ipsum exercitium actus liberi seu liberæ locationis.

In vanum ergo (vt eò se recipiat nostra disputatio; quò fuerat egressa) laborasti & fortè adhuc laboras, Vincenti, quando ex mente nostri Angelici Præceptoris conaris deducere, veram aliquam libertatem in actibus nostris posse subsistere, abque vera & proxima potestate ad oppositum ex parte voluntatis.

## SECTIO VI.

*Explicatur locus quidam Sancti Thomæ, cuius specialiter meminit Iansenius: nec non alius, qui in fauorem Vincentij adduci potest.*

**S**ed adhuc scrupulum mihi facit locus quidam, quem omnibus prædictis superaddit Cornelius Iansenius ex Secundo, Distinctione vigesima quinta, quaestione vnica articulo primo ad quartum, vbi Sanctus Thomas sic fatetur. *Ad quartum dicendum, quòd illud quod est ad finem, est duplex: quoddam enim est distans à fine, & quoddam est coniunctum fini: vt patet in generatione naturali. Imperfectus enim calor, qui est dispositio ad formam ignis, dum est in alteratione præcedente, non coniungitur ipsi fini:*

*sed caliditas vltima, quæ est in termino alterationis, coniungitur formæ substantiali, nec excluditur per eam. Ita dico, quòd quedam ordinata sunt ad finem vltimum Beatitudinis quæ ipsi fini coniungunt, vt videre, amare & huiusmodi. Et respectu horum erit sempiterna & libera electio, non autem imperfectorum quæ à fine distant, vt fides, spes & huiusmodi. Hic (inquit Iansenius) expressè docet Sanctus Thomas, electionem Beatorum, quæ volunt amare Deum, esse liberam: cum tamen (vt nos fatemur) respectu istius voluntatis, nulla sit indifferentia, seu potestas ad oppositum.*

**HVIC LOCO** pro coronide totius dubitationis satisfaciendum est, vt omnibus numeris maneant mens Sancti Thomæ declarata & absoluta.

**DICO IGITUR**, quod actus, quo Beati volunt amare Deum, est ipse amor Beatificus: eodem enim amore, quo ipsum amant, volunt quoque amare. Sed hunc actum, prout ad Deum secundum se terminatur, non esse liberam electionem, nec sub electione posse cadere, satis superque demonstratum est toto illo libro primo & secundo. Vnde quando hic dicit, respectu horum, nempe videre & amare, esse in Beatis liberam electionem; loquitur de huiusmodi actibus, non prout terminantur ad Deum secundum se; sed prout est ratio videndi vel amandi has vel illas creaturas, quæ cum Deo non habent necessariam habitudinem. Et sub hac formalitate nos quoque fatemur huiusmodi actus esse liberos, & cadere sub electione; sed certè non sine indifferentia, aut potestate ad oppositum. Licet namque Beatus non possit velle cessare à visione aut amore Dei, prout est bonum infinitum in se; potest tamen velle cessare à visione & amore Dei

Iansen.  
rom. 3.  
1.6 cap.  
24. in  
fine. Et  
cap 34.  
etiam  
in fine  
& cap.  
35. an-  
te 4. Sed  
hoc est.

secundum terminationem ad has vel illas creaturas: cum nec visio nec amor, prout sic formaliter, adferant bonitatem, quæ necessario rapiat voluntatem. Sed de hoc latius libro quarto, capite decimo quarto. Quod autem Sanctus Thomas de huiusmodi actibus in sensu à nobis explicato loquatur; potest deduci ex ipso textu. Non enim dicit, quod *respectu* videre & amare Deum, sit sempiterna & libera electio; sed quod *respectu* videre & amare sit libera electio: sumens videre & amare sine determinatione ad Deum, ac proinde quasi ut connotant aliud obiectum præter Deum, quod est visibile, & amabile aliquid creatum.

Quæ etiam explicatio manifestè colligitur ex ipso intento argumenti. Hoc enimerat huiusmodi: *electio est eorum quæ sunt ad finem, cum ergo Beati fini ultimo coniuncti sint, videtur quod ad eos non pertinet electio, & per consequens nec liberum arbitrium.* Ad quod respondet, aliqua media esse, quæ ratione suæ imperfectionis, quæ essentialiter annexæ habent, repugnant ipsi finitiam habito: sicut est quodlibet credibile & sperabile, respectu Dei clarè visi. Horum ergo non est electio in Beatis, quia credere & sperare illis repugnat, ob imperfectionem quam ista important. At alia sunt (inquit) quæ nullam imperfectionem visioni clarè Dei repugnantem adferunt, ut visibilia & amabilia, quæ proinde Beatus videndo & amando Deum, videre & amare potest. Et liberè quidem seu cum potestate indifferentiæ, quia non sunt obiecta habentia cum Deo connectionem necessariam. Ex quo proinde non licet inferre, Divum Thomam ibi docere, quod ipsa visio & amor Dei secundum se, libertatem habeant, ut Iansenius contendit.

Nil ergo ulterius contra nos ad-

duci potest, quam textus quidam Sancti Thomæ ex quæstione vigesima quarta de Veritate, articulo primo ad Vigesimalum, quem semel in fauorem Vincentij à quodam ex nostris commemorari audivi. Hunc si iam cum reliquis explicauero, nulla poterit amplius ratio dubitandi remanere.

**OBIECIEBATVR** igitur in gratiam eius hoc modo. Nam Angelicus Præceptor loco illo sic satur. *Sicut de primis principijs non indicamus ea examinantes; sed naturaliter eis assentimus, ita & in appetibilibus, de fine ultimo non indicamus iudicio discussionis, vel examinationis; sed naturaliter approbamus; propter quod de eo non est electio, sed voluntas.* Habemus ergo respectu eius liberam voluntatem, cum necessitas naturalis inclinationis libertati non repugnet secundum Augustinum Quinto de Civitate Dei; non autem liberum iudicium propriè loquendo, cum non cadat sub electione. Quibus verbis manifestè condistinguit liberam voluntatem à libero iudicio seu arbitrio propriè seu speciatim sumpto. Ergo sentit aliquam liberam voluntatem subsistere absque libertate contradictionis, cum hæc libertas sit solius arbitrij speciatim sumpti.

**RESPONDEO**, quod (sicut supra ostendimus) verum omnino est iuxta mentem Sancti Doctoris liberam voluntatem distingui à libero arbitrio speciatim sumpto, seu prout nominat vim electiuam propriè. Cæterum ex hoc non sequitur, quod len-  
 tiat, dari aliquam liberam voluntatem, absque indifferentia etiam contradictionis; sicut imaginatur Vincentius. Illa namque libera voluntas circa finem ultimum, sicut reuera libera est (scilicet in via) ita, & cum vera indifferentia exercitij elicitur. Teste enim Caetano pri-  
 ma

Suprà  
lib. I. c.  
23. §.  
2. ad  
1.

ma parte, quæstione octuagesima secunda, articulo primo ad tertium, quemadmodum Beatitudinis ( seu finis ultimi ) appetitus est liber elicitive, ita est in potestate nostra elicitive: quatenus videlicet potest homo illum elicere, & non elicere. Licet ergo illa voluntas non sit libera electio, sumpta electione propriè, pro actu terminato ad media; est tamen reuera libera voluntas, quia cum vera indifferentia elicitur. Naturalis namque necessitas actus quo ad specificationem seu obiectivè ( qualem & non aliam habet illa voluntas in via ) non aufert libertatem eiusdem, quia stat quod liberè eliciatur, ut iterum ait Caietanus ibidem ad primum. Vnde & probatio consequentiæ, quàm obiciens inducit, videlicet quod libertas contradictionis sit solius arbitrii speciatim sumpti, omnino falsum assumit. Dici enim debet, quod huiusmodi indifferentia seu libertas, communis sit omni actui verè libero, modò versetur circa finem, modò circa media per modum electionis. Et hoc etiam supra libro primo ostendimus, probantes ex Dino Thoma, indifferentiam requiri tam ad libertatem voluntatis circa finem, quam ad libertatem electionis circa media. Videantur dicta ibidem.

DICES. Si etiam ipse appetitus finis est liber seu indifferens ( ut nos contendimus ) ergo verè istius appetitus sumus Domini: contra, Dium Thomam prima parte, quæstione octuagesima secunda, articulo primo ad Tertium, *Appetitus ultimi finis, non est de his quorum domini sumus.*

RESPONDEO non esse verè dominos istius appetitus, quoad elicentiam. Possumus enim in via illum elicere & non elicere. Nec hoc est contra Sanctum Thomam: nam dicendo quod iste appetitus non est

de his, quorum domini sumus, solum voluit negare dominium ex parte obiecti: quod vtrique verum est. Nam licet sub nostro dominio sit elicentia huiusmodi appetitus, non tamen est sub dominio nostro obiectum illius. Supposito enim, quod actum circa illud obiectum velimus elicere, non possumus illud respicere, sed tantum proficui. Vnde & Angelicus præceptor non dixit, quod ipsiusmet appetitus non sumus domini, sed quod appetitus iste non est de his quorum domini sumus ( id est ) non est de tali obiecto, quod in nostra potestate sit respicere vel proficui, cum de necessitate illud debeamus proficui tantum.

Vincenti, si omnia ista non sufficiant ad te reducendum, noli amplius me aut ullum Thomistarum querere: sed potius vocem clamantem in deserto, aut etiam Orpheo more carentem querere, necesse erit: quæ sicut quondam Sylvas & arbores ad obedientiam traxisse dicitur, ita & te sine dubio ad veritatis Thomisticæ sinceritatem pertrahet. Sed iam de Testimonijs Sancti Thomæ dictum est satis. Pergamus ad illa quæ ex veteribus Patribus adducis.

## CAPVT II.

*Ostenditur, in tradendo Sanctorum Patrum sensu, non continuò attendi debere ad nudam ipsorum litteram; sed præcipuè ad definitiones Ecclesiæ, si quæ subsunt; & iuxta normam earum, litteram esse regulandam.*

**A**UTHORITATEM SANCTORVM, & veterum Patrum maximè esse in rebus Theologicis

gicis venerandam, nulli Catholico-  
rum fas est dubitare. Quod quidem  
à varijs Authoribus luculenter iam  
demonstratum, orationem meam  
non desiderat. Audi Augustinum li-  
bro secundo contra Iulianum, capite  
octauo, non longe à fine. *Hoc autem  
robauimus ( inquit ) Catholicorum au-  
thoritate Sanctorum, qui & hoc asse-  
runt, quod de originali peccato dicimus,  
& illa quinque esse vera omnia, consi-  
tentur: ac per hoc non est consequens, vt  
hoc falsum sit; quia vera sunt illa. Ta-  
les quippe ac tanti viri, secundum Ca-  
tholicam fidem, qua vique toto orbe  
diffunditur, & hoc & illa esse vera con-  
firmant, vt vestra fragilis & argutula  
nonitas, sola autoritate conteratur il-  
lorum.* En Iulianum falsitatis arguit  
in nonnullis de peccato originali sé-  
rentijs, ex eo solùm quòd authorita-  
ti Sanctorum in eisdem contradicat.  
Qua de causa etiam Bernardus re-  
prehendens Petrum Abailardum, sic  
fatetur epistola centesima nonagesima  
ad Innocentium. *Ecclesiasticorum Do-  
ctorum vnā omnium de hac re ( Abai-  
lardus ) dicit esse sententiam, & ipsam  
ponit ac spernit, & gloriatur se habere  
meliozem, non veritus contra præceptum  
Sapientis, transgredi terminos antiquos,  
quos posuerunt Patres nostri.*

Itaque veneranda est sine dubio  
Sanctorum Patrum Autoritas, ac  
proinde & cuiuslibet Theologo, offi-  
cioso studio curandum, tales sibi in  
suis sententijs asciscere Patronos ta-  
liumque munimen. Verùm hoc non  
obstante, vicissim persuasum contendo,  
in querendo huiusmodi vitiorum  
patrocinio, non continuò attendi de-  
bere ad illum sensum, quem sonat  
nuda ipsorum littera, sed vel maxi-  
mè ad ipsas definitiones Ecclesiæ, si  
quæ fortè subsunt. Si namque in di-  
ctis alicuius Sancti quid vel defini-  
tioni Ecclesiæ repugnans aut disso-  
num inueniatur; tunc certè vel de-

serendus est iste Sanctus, vel corri-  
gendus, vel saniori ( quo potest ) mo-  
do explicandus.

Hoc sic à me dictum, sic intello-  
ctum velim, non vt in aliquo autho-  
ritati Sanctorum ( quod Diuina auer-  
tat gratia ) detrahā, sed vt Ianseni-  
tæ tantummodo moniti sint, qui nul-  
lius prorsus alterius rei rationem  
habentes, ita indiscriminatim & per-  
tinaciter ad Sanctorum veterum le-  
ctionem appellant visum & animū,  
vt se nil in ipsis, nisi nudam litteram  
sectari ac tueri gloriantur. Quod sa-  
nè si probè sit; audeo dicere, probi-  
tate excellere peruersissimos etiam  
hæreticos: cum & ipsi id genus stu-  
dij iuxta nudum corticem litteræ pro  
suis tuendis dogmatibus, accuratissi-  
mè peregrisse conspiciantur. Demon-  
stremus igitur in lectione Sancto-  
rum, eorumque sensu tradendo, præ-  
ter litteræ superficiem, rationem ha-  
bendam esse etiam Ecclesiasticarum  
definitionum; ita vt iuxta huiusce-  
modi regulas, aliquando hic vel ille  
Sanctus, aut deseri debeat, aut corri-  
gi, aut explicari.

EXORDIUM nobis præbeat  
( nō enim nisi interpretem ago Tho-  
misticum ) solidissima illa Doctrina  
Sancti Thomæ secunda secundæ;  
quæstione decima, articulo duode-  
cimo, in Corpore: quam etiam ha-  
bet quodlibet secundo, articulo se-  
ptimo in Corpore. *Ipsa Doctrina Ca-  
tholicorum Doctorum ( inquit ) ab Ec-  
clesia auctoritatem habet. Vnde magis  
standum est auctoritati Ecclesiæ, quàm  
auctoritati vel Augustini vel Hierony-  
mi vel cuiuscumque Doctoris.* En asser-  
tum nostrum, rationemque eius à  
priori. Si ( teste Diuò Thoma ) ipsa  
Sanctorum Doctrina ab Ecclesia au-  
thoritatem habet, ita vt magis stan-  
dum sit auctoritati Ecclesiæ, quàm  
auctoritati vel Augustini vel Hiero-  
nyimi vel cuiuscumq; Doctoris: ergo  
casu



casu quo contingeret, litteram alicuius Sancti non ita conformem esse Ecclesiæ definitionibus; profecto vel ea hac in parte deferenda esset vel corrigenda vel explicanda. Nonne Ecclesia, si dictis Sanctorum auctoritatem dat, ipsis utique Sanctis longo intervallo est anteponenda? Quod si anteponenda; ergo ipsi ut regulæ & mensuræ standum est: ergo ad ipsam quorumlibet sententiæ, quamvis Sanctissimorum & laudatorum hominum, tamquam ad Lydium lapidem sunt referendæ. Explicare ergo Sanctorum litteram necesse erit, vel potius corrigere aut deferere, eo modo quo Ecclesiasticæ veritas definitionis id postulauerit.

Occurrit in huius rei confirmationem aurea planè & solo Aquinate, digna resolutio ex quodlibeto tertio, articulo decimo. *Quærit ibidem Præceptor Angelicus, Vtrum auditores diuersorum Magistrorum Theologiæ habentium contrarias opiniones, excusentur à peccato, si sequantur falsas opiniones Magistrorum suorum: Sed considera, quam modeste, quam sanctè, quam reuerenter pro auctoritate Ecclesiæ quæstionem determinet, magistris omnibus longè posthabitis. Respondeo (inquit) dicendum, quod diuersæ opiniones Doctorum Sacræ Scripturæ, si quidem non pertineant ad fidem & bonos mores; absque periculo auditores utramque opinionem sequi possunt. Tunc enim habet locum, quod Apostolus dicit ad Romanos decimo quarto, unusquisque in suo sensu abundat. In his verò quæ pertinent ad fidem & bonos mores, nullus excusatur, si sequatur erroneam opinionem alicuius magistri: in talibus enim ignorantia non excusat: alioquin immunes à peccato fuissent, qui secuti sunt opinionem Arry, Nestori, & aliorum hæresiarcharum. Nec potest excusationem habere propter simplicitatem auditorum, si in talibus erroneam opinio-*

*nem sequatur. In rebus enim dubijs non est de facili præstandus assensus. Quinimò (ut Augustinus dicit in libro tertio de Doctrina Christiana) consulere debet quis regulam fidei, quam de Scripturarum planioribus locis & Ecclesiæ auctoritate percepit. Qui ergo assentit opinioni alicuius magistri contra manifestum Scripturæ testimonium, siue contra id quod publicè tenetur secundum Ecclesiæ auctoritatem, non potest ab erroris vitio excusari. Hæc Sanctus Thomas. Vbi Diuino planè sermone determinat, in sequendis quorumcumque magistrorum opinionibus, non de facili in hanc vel illam partem dandum esse assensum, sed ante omnia consuli debere regulam fidei, quæ est tum manifestum Scripturæ testimonium, tum publica Ecclesiæ auctoritas, si ab erroris vitio immunes esse volumus. Quod si hoc verum est, inò & tamquam dogma fidei indubitanter tenendum; quid mihi caput frangitur, vel cum Augustino, vel cum Hieronymo, vel cum Prospero, vel cum quolibet Magistro etiam Sanctissimo & laudatissimo, in casu quo horum asserta à definitionibus Ecclesiæ dissona reperirentur? Me Herce, amicus Plato; sed magis amica veritas: amicus (inquam) Augustinus, amicus Hieronymus sed magis amica Ecclesia, quæ (teste Paulo) columna & firmamentum est veritatis. Sancti igitur Præceptores omni honore digni quidem, singulæque studio venerandi; sed ad aras vsque: vsque eò (inquam) ut eorum tamen in dicendo auctoritas non ascendat altius, quam Cathedræ Petri in definiendo maiestas.*

Hinc idem Angelicus Præceptor prima parte, quæstione trigesima sexta, articulo secundo in tertio argumento, obiciens sibi Auctoritatem Sancti Damasceni, dicentis Spiritum Sanctum non procedere à Filio,

Præceptor  
ad Titum  
moth.

lio, quod fuit error Nestorianorum; expresse dicit Damascenum in hoc non esse audiendum. *Ad tertium* (inquit) *dicendum, quod Spiritum Sanctum non procedere à Filio, primò fuit à Nestorianis introductum, ut patet in quodam symbolo Nestorianorum damnato in Ephesina Synodo. Et hunc errorem sequutus fuit Theodoricus Nestorianus, & plures post ipsum, inter quos etiam fuit Damascenus: unde in hoc eius sententia non est standum. Non vides hic, sententia Damasceni standum non esse; quia definitioni Ecclesie dissona reperitur? Idem reperire est quaestione decima de Potentia, articulo quarto ad ultimum. Hanc* (inquit) *Theodorici sententiam sequutus est postmodum Damascenus, quamvis dogmata eiusdem Theodorici sint in quinta Synodo condemnata. Unde in hoc non est standum sententia Damasceni. Indubitanter omnino & sine ullo prorsus scrupulo, sententiam Damasceni rejicit, quia Ecclesie non consonat.*

Habe ergo Lector Ecclesie rationem, & noli sic exco amore litteram Sanctorum prosequi.

Accedat id quod docet tertia parte, quaestione sexagesima quarta, articulo nono, nimirum hereticos verè Sacramenta conferre, si non omittant ea quæ sunt de necessitate Sacramenti. Imò hoc definitum conspicitur in Tridentino, sessione septima, canone quarto, his verbis: *Si quis dixerit, Baptismum qui etiam datur ab hæreticis in nomine Patris & Filij & Spiritus Sancti, cum intentione faciendi, quod facit Ecclesia, non esse verum Baptismum, anathema sit.* Sed quid de verbis quibusdam Sanctissimi Martyris Cypriani, dum dixit, *omnia quacumque faciunt hæretici, carnalia sunt, & inania & falsa?* Quibus verbis asserit Sacramenta ab hæreticis collata, nec vera nec valida esse. Audebitne aliquis litteræ isti inhæ-

rere, & determinationem contrariam Ecclesie non attendere? Audi Sanctum Thomam. Cyprianus (inquit) nullo modo Sacramentum conferre hæreticos posse credebat, sed in hoc eius sententia non tenetur. Ergo idem quod prius: habenda est Ecclesiastica definitio ratio, & iuxta illam dictis Sanctorum assensus præbendus vel negandus.

Iterum quaestione quinta de spiritualibus creaturis, quæ est vnica de Charitate, articulo sexto, docet quolibet peccato mortali amitti gratiam, quod pariter est de fide, & definit idem Tridentinum sessione sexta, capite decimoquinto sic; *Adversus etiam hominum quorundam callida ingenia, qui per dulces sermones & benedictiones seducunt corda innocentium, asserendum est non modo infidelitate, per quam & ipsa fides amittitur, sed etiam quocumque alio mortali peccato, quamvis non amittatur fides, acceptam iustificationis gratiam amitti. Cum tamen aliqua verba Bernardi contrarium sonent. Inquit enim (teste Diuo Thoma ibi in secundo argumento) quòd Charitas in Petro, quando Christum negavit, non fuit extincta, sed sopita. Quasi illo mortali peccato negationis non fuisset amissa. Quid ergo Præceptor Sancte de huiusmodi littera dicetur? An nè eidem indiscriminatim adhererimus, veritate Catholica neglecta? Audi Sanctum Thomam. *Ad secundum dicendum, quòd verbum Bernardi non videtur suslinendum, nisi intelligatur, charitas in Petro non fuisse extincta, quia citò resurrexit. Ea enim quæ parum distant, nihil distare videntur. Quasi tacite insinuans Bernardum non fore audiendum, casu quo verba illius commodam illam explicationem non admitterent? Et meritò quidem; nam licet contemnenda non sit Sanctorum Patrum autoritas, præferenda tamen est Ecclesiasti-**

fiasticarum dignitas, & excellentia definitionum.

Præterea tertia parte, quæstione quarta, articulo tertio in Corpore, docet Sanctus Thomas, opinionem erroneam esse, quæ tenet Filium Dei assumpsisse hominem. Et obiiciens sibi in primo argumento auctoritatem Augustini dicentis, quod Filius Dei hominem assumpsit; profecto nudam litteram non attendit, sed piè explicandam esse affirmat. *Ad primum ergo dicendum* (ait) *quod huiusmodi locutiones non sunt extendendæ tamquam propriæ; sed piè sunt exponendæ, ubicumque à Sacris Doctoribus ponuntur, ut dicamus hominem assumptum, quia eius natura est assumpta.* Nonne hoc est, generalem omnino regulam tradere pro sensu Sanctorum debite & ut par est, tradendo? Nempe ut conformitas ad Ecclesiastica dogmata obseruetur, & si quid dissonum reperitur, non extendatur, sed piè explicetur? Si ergo quis velit viam hanc pertinaciter negligere, & nudæ tantum litteræ inhærere, utique non sensum aut sapientiam Sanctorum enarrabit; sed potius errorem, & hæresim sequetur.

Adijcio id quod habet in eadem tertia parte, quæstione septuagesima quinta, articulo primo, ubi in Corpore docet, quod quidam non attendentes, posuerunt Corpus & Sanguinem Christi non esse in hoc Sacramento (scilicet Altaris) nisi sicut in signo. *Quod est tamquam hæreticum, abiciendum, utpote verbis Christi contrarium.* Unde & Berengarius, qui primus huius erroris auctor fuerat, postea coactus est, suum errorem renocare & veritatem fidei confiteri. Sed Sanctissimè præceptor edidit nobis iterum, quid in hac parte agendum sit de littera D. Augustini: illa enim prædicto errori (ut verba sonant) patrociniari vi-

detur: inquit namque super Psalmum nonagesimum octauum, *Non hoc Corpus quod videtis, Manducaturi estis, nec bibaturi illum Sanguinem, quem sutori sunt, qui me Crucifigent.* Nonne ista verba primò aspectu dicunt, nos non manducaturos reale & verum Corpus Christi, nec bibituros realem & verum eius Sanguinem? Licetbitne ergo nudæ significationis corticem auellere, & illo pasci & illo delectari? Profecto famosissimi hæretici sic decorticarunt & in cortice luxuriati sunt, sed Catholicis hoc non licet. Audi iterum atque iterum responsum Sancti Thomæ. *Ad primum* (inquit) *dicendum, quod ex hac auctoritate, prædicti hæretici, occasionem errandi sumpserunt, malè verba Augustini intelligentes, utpote solam litteram rapientes & Catholicum sensum negligentes.* Prosequitur igitur Sanctus Doctor. *Cum Augustinus dicit, non hoc Corpus quod videtis, manducaturi estis, non intendit excludere veritatem Corporis Christi, sed quod non erat manducandum in hac specie, qua ab eis videbatur.* Bone Deus, si quis non sic explicaret, sed in nuda tantum littera contenderet; quàm infelicitè contra fidem erraret!

Sed non omittamus articulum illum quintum ex prima parte, quæstione trigesima nona. Resolvit ibi, essentialia nomina in Diuinis minime posse in abstracto pro Persona supponere: & circa hoc (inquit) errant Abbas Ioachim, asserens quod sicut dicitur, *Deus genuit Deum*, ita potest dici, quod essentia genuit essentiam. Et opponens iterum in primo argumento verba Augustini, dicentis quod *Pater & Filius sunt sig. lat. a sapientia de sapientia, sicut essentia de essentia*, Respondet ad primum sic. *Dicendum quod ad exprimendam unitatem essentia & personæ, Sancti Doctores aliquando expressius loquuntur, quam*

quàm proprietas locutionis patiatur. Vnde huiusmodi locutiones non sunt extendenda, sed exponenda: ut scilicet nomina abstracta exponantur per concreta, vel etiam per nomina personalia. Ut cum dicitur, essentia de essentia, vel sapientia de sapientia, sit sensus, Filius qui est essentia & sapientia. Non audis hic manifestissimè, Sanctos interdum aliter loqui, quàm sermonis proprietas patiatur? Illorum locutiones non esse continuò extendendas sed exponendas? Qua ergo securitate poterit contendere Theologus, passim litteræ esse inhaerendum, Sanctorumque sensum de ea sola, sine vlllo respectu ad Ecclesiasticas definitiones esse tradendum? Si sic sapis, si sic in eorum lectione insanire velis; absque dubio te & illos millicies in errorem abduces.

Nonne & illud alterum verissimum est, quod Sanctus Doctor scripsit in caput primum Ioannis, lectione septima? *Antiqui Doctores & Sancti* (ait ibidem) *emergentes errores circa fidem ita persequabantur, ut interdum viderentur in errores labi contrarios. Sicut Augustinus contra Manichæos, qui destruebant libertatem arbitrij, taliter disputat, quòd videtur in hæresim Pelagij incidisse. Me Hercle, hæc ipsa materia est, quam toto hoc opere de libertate discutimus: sed dic, quæso te; si Augustinus eandem contra Manichæos taliter disputat, quòd videtur in hæresim Pelagij incidisse; eritne viri prudentis, ductum litteræ sine cautela sequi, sine discrimine solam Grammaticam venerari, sine spiritu discretionis nudas voces amplecti, in eisque examinandis Ecclesiasticarum regulam definitionum negligere, præterire? Profecto eiusmodi tibi integrum esse nequit, nisi plus Augustinum, quàm Ecclesiam adamaueris. Et quàm hoc ab ipsa Augustini synceritate exorbitat!*

*LeFlorem meum* (inquit libro tertio de Trinitate, capite decimo) *nolo mihi esse deditum. . . ille non me amet amplius quàm Catholicam fidem.* Vnde si millicies contingeret Augustini litteram à definitionibus Ecclesiæ dissimulare: millicies vtique vel non audiendus, vel corrigendus esset Augustinus.

Nec in hoc certè Augustini, aut vllius Sanctorum honorificentia detrahimus. Ipsum Augustinum sequimur, ipsius documenta sectamur. Scribens namque ad Hieronymum, epistola decima nona, non longè à principio, *Idem idem rogo* (ait) *ut me fideliter corrigas, vbi mihi hoc opus esse perspexeris. Quamquam enim secundum Honorum vocabula, quæ iam Ecclesiæ vsus obtinuit, Episcopatus Presbyterio maior sit; tamen in multis rebus, Augustinus Hieronymo minor est: licet etiam à minore quolibet non sit refugienda, vel dedignanda correctio.* En libenter se Episcopum corrigi vult à Presbytero Hieronymo, necessitate id postulante, siue maior ille sit, siue minor. Quantò ergo magis correctionem pateretur ab Ecclesia, quæ semper Augustino maior, nunquam minor? Vtique id est, quòd solidissimè & verissimè dixit Sanctus Thomas. *Ipsa Doctrina Catholicorum Doctorum ab Ecclesia auctoritatem habet: vnde magis standum est auctoritati Ecclesiæ, quàm auctoritati vel Augustini, vel Hieronymi, vel cuiuscumque Doctoris.* Teneamus igitur firmiter hoc: nempe in tradendo Sanctorum Patrum sensu, non continuò attendi debere ad nudam ipsorum litteram: sed potissimum ad definitiones Ecclesiæ, si quæ subsunt, vt iuxta normam illarum vel deferantur, vel corrigantur, vel explicentur.

## CAPVT III.

*Ostenditur in tradendo Sanctorum Patrum sensu, etiam attendi debere ad rigorem Scholasticum.*

**S**ED QUID de rigore Scholastico? Eritne pariter conueniens Sanctorum dicta iuxta eundem corrigere aut interpretari? Profecto non conueniens solum; sed & necesse interdum; nisi cum Luthero, Viclefso, Philippo Melanch. alijsque hæreticis in absurdissima quæque abire contendas. Aiebant illi Theologiam Scholasticam esse aliud nihil, quam ignorantiam veritatis, inanemque fallaciam; Academias esse Antichristi lupanaria, Lutetiam natam esse prophanam Scholasticam, qua admissa, Euangelium obscuratum, fides extincta. Sed hoc ideo apud ipsos lapidum & iucundum, quod Scholæ authoritate contempta, suorum inde facilius caperent patrocinia errorum. Vt namque bellè & eruditè Episcopus noster Melchior Cano, *comexere sunt post natam Scholam, Scholæ contemptio & hæresum pestes.*

Ast faciamus stare pro honore Scholæ Concilium Viennense. Quod (vt refertur in Clementina vnica de Summa Trinitate) cum retulisset duas Scholasticorum Sententias, alteram, per virtutem Baptismi paruulis quidem culpam remitti; sed gratiam non conferri; alteram, quod etiam virtutes ac informans gratia infunduntur quoad habitum, concludittandem sic; *Opinionem secundam tamquam probabiliorem & dictis Sanctorum, ac Doctorum modernorum Theologia magis consonam & concordem, sacro approbante Concilio duximus*

*eligendam.* Ex quo loco argumentum hoc ad rem nostram conficio. Si opinio concors Iuniorum Scholasticorum tanti apud Patres in Concilio Viennensi fuit, vt iuxta normam ac tenorem illius dignati fuerint sententiae suae electionem facere; quis nobis vitio vertet, quod & dicamus hæc vel illa Sanctorum dicta interdum iuxta probatiorem rigorem Scholasticum esse interpretanda? Nonne sicut superioris authoritatis est ad Sanctos Patres, ipsa Ecclesia; ita pariter & Ecclesiae legitimum concilium? Nonne ipsum quoque est norma fidei, Doctrinae Christianae regula, veritatum Catholicarum irrefragabile firmamentum? Ergo si tantum ponderis ibi habuit Scholasticorum etiam modernorum sensus & rigor, vt basin talem tantamque Concilij, ad partes suas inclinauerit: quid ni & nos ad eiusmodi ponderis mensuram, sententias & litteras Sanctorum interdum inclinabimus? Maxime vbi ipsa littera, capax Scholasticae inclinationis conspicitur? Vbi inclinatione tali non corrumpitur; sed potius ad lucis Theologicæ splendorem extollitur?

Imò dicamus & hoc amplius. Si in casu prædicto non solum probatior pars Modernorum Doctorum; sed Moderni quoque omnes, in illam vnanimi consensu conspirassent sententiam; an non existimas Concilium Viennense, pro eiusmodi, grauiori censura iudicaturum? Indubiè videtur hoc sic statuendum. Cum ergo in præsentī materia de libertate non solum hæc vel illa pars modernorum, verum omnes in vniuersum Scholæ, tanta alias inter se dissensione certantes, in hoc vnum vnanimiter conspirent, quod necessitas absoluta specificationis & exercitij veram seu meritoriam libertatem destruat; quantæ putas authoritatis, eius-

eiusmodi sententia non debet esse apud omnes & singulos rectè opinantes? Sanè abijciamus priuatarum iudicia passionum, & apparebit vtique, tanti faciendum esse pondus hoc communis conspirationis, vt non nisi præsumptuosa & notoria temeritate reijci possit aut contemni. Nec enim minus mirandum est (vt notarunt Doctissimi) varias Scholæ factiones, Doctoresque tam inter se discrepantes, in vnam eandemque sententiam concurrere, quàm septuaginta interpretes, singulos cellis etiam singulis separatos (vt meminit Augustinus) in vnam eandemque conuenisse interpretationem. Quæ si vera sunt; inferamus Constantissimè, non absre esse, Sancto- rum Patrum dicta, interdum iuxta communis Scholæ rigorem corrigere & attemperare.

Hinc Angelicus noster præceptor, Scholæ Modernorum debitum honorem deferre volens, quæstione vnica de Anima, articulo octauo ad tertium; commemorat diuersa Doctorum placita circa animationem corporum celestium, & illis commemoratis tandem adhærendum iudicat illi sententiæ, quæ apud Modernos Theologos est communior. Verba eius enarrare libet, nam notatu digna sunt. Dicendum (inquit) quod de animatione Corporum celestium est diuersa opinio & apud Philosophos & apud fidei Doctores. Nam apud Philosophos Anaxagoras posuit intellectum agentem esse omnino inmixtum & separatum & Corpora celestia esse inanimata. Vnde etiam damnatus ad mortem dicitur esse propter hoc, quod dixit solem esse quasi lapidem ignitum, vt Augustinus narrat in libro de ciuitate Dei. Alij verò Philosophi posuerunt Corpora celestia esse animata. Quorum quidam dixerunt, Deum esse animam Cæli, quod fuit ratio idololatriæ, vt scilicet

Cælis & Corporibus celestibus cultus Diuinus attribueretur. Alij verò vt Plato & Aristoteles, licet ponerent Corpora celestia esse animata; ponebant tamen Deum esse aliquid superius ab anima Cæli omnino separatum. Apud Doctores etiam Fidei, Origenes & sequaces ipsius posuerunt Corpora celestia, esse animata. Quidam verò posuerunt ea inanimata, vt Damascenus ponit: quæ etiam posita apud Modernos Theologos est communior. Quasi tacitè innuens, hanc Damasceni sententiam ea ratione securius teneri; quod Modernorum Doctorum communiori calculo receptor esset atque probator.

Nec profecto ipsos etiam Sanctos Patres credendum est, sui temporis communem Doctorum sententiam neglexisse, aut spreuisse. Si Hieronymus dissenfit Cælestio, si Innocentius Pelagio, si Augustinus Iuliano, ea vtique de causa dissenire, quia eorum dogmata, tamquam noua, singularia & irreptitia, non solum antiquiorum, sed & Modernorum Doctorum communi sensui contradicere conspiciebant. Audiamus vocem Augustini, qua Iulianum Conuincere nititur. Propter quam Catholicam veritatem (inquit) Sancti ac beati & in diuinorum eloquiorum pertractatione clarissimi Sacerdotes, Irenæus, Cyprianus, Reticius, Olympius, Hylarius, Ambrosius, Gregorius, Innocentius, Ioannes, Basilius, quibus addo Presbyterum (velis nolis) Hieronymum, vt omitam eos qui nondum dormierunt aduersus vos proferunt, de omnium hominum peccato Originali obnoxia successione, Sententiam. Et ex hoc concludens, quid est (inquit) quod exultas, & mihi quasi victor insultas? En dictorum suorum fidem facit non solum ex magistris fide Antiquioribus, sed & alios commemorat modernos & sibi Coætaneos, inquiens etiam, vt omitam eos qui nondum dormierunt.

Aug. li. 2. cōtra Iul. ca. 10. cit- ca prin- cip.



Et Paulo post idem repetit; Nec eos qui nunquam fuerunt aut non sunt, aut quorum sententia, de hoc quod inter nos disputatur, incerte sunt, inani cogitatione confixi. En iterum inter reliquos Doctores, eos quoque qui tunc temporis erant, in testimonium adducit. Et alio in loco aduersus eundem Iulianum gloriantem, quod ipse solus pro tuenda veritate remanserit, Ego autem (inquit) absui, ut ad Monomachiam vos pronocem, quos ubique appaerueris, ubique diffusus Christi debellat exercitus: qui debellauit apud Carthaginem Celestium, quando illic ipse non eram, & rursus Constantinopolim tam longè à Regionibus Aphyricanis: qui debellauit in Palestina Pelagium, ubi causam vestram sua damnationis timore damnauit. Quasi à sensu contrario diceret; non ego solus pro veritate contra te Iuliane certo; sed alij mecum Christiani exercitus Doctores, ubique terrarum diffusi, Moderni scilicet & Antiqui, quos (ut idem Augustinus ait) alius atque alijs temporibus atque regionibus, ab Oriente & Occidente congregatos vides, non in locum quod nauigare coartant homines, sed in librum qui nauigare possit ad homines. En qualiter quorumcumque temporum Catholicos Doctores ac proinde & sui temporis Modernos in commendationem suae sententiae inducat. Quae iterum cum ita sint, consequens omnino est, in Ecclesia Catholica, Modernorum etiam Doctorum rationem esse habendam, nec de facili eorum vnanimitem sententiam debere rejici aut contemni. Ex quo ulterius fit, non amari profecto a Sanctis Patribus, eiusmodi discipulos, qui textui aut litterae ipsorum, sensum affigunt à torrente Doctorum alienum. Explicentur igitur necesse est cum grano salis (ut aiunt) conformiter ad communes Theologorum Sententias, nisi fortè velit

quispiam, Ecclesiam quae modo est, in magna sui parte, Doctoribus nempe Scholasticis, toti Antiquitati contradicere.

OBIICIET tamen mihi aliquis, Augustinum in locis à me citatis Scholasticos potius parui fecisse, quam veneratum fuisse: inquit enim ibidem, se in suae sententiae confirmationem non citare Doctores quoslibet, sed Sanctos & in Sancta Ecclesia illustres Antistes, Dei non Platonici & Aristotelici & Zenonici, alijque huiusmodi vel graecis vel latinis, quamquam & istis aliquos eorum, verum omnes sacris litteris eruditos. Quibus verbis nostrorum Modernorum Theologiam quae magna ex parte Aristotelicis niritur fundamentis, contemnere videtur.

RESPONDEO, quod Augustinus, Augustino nequit esse contrarius. Teste Sancto Thoma sic ipsemet fatur in secundo de Doctrina Christiana capite vigesimo. Philosophi qui vocantur, si qua forte vera & fidei nostra accommoda dixerunt, maxime Platonici, non solum formidanda non sunt, sed ab eis tamquam ab iniustis possessoribus in usum nostrum vendicanda. Quibus verbis sicut vniuersaliter omnem Philosophicam approbat disciplinam, quae in obsequium fidei adduci potest; ita à fortiori Scholasticam nostram commendat sapientiam, utpote cuius rationes, formalitates, distinctiones, paritates, consequentiae & discursus, non nisi obsequio fidei dedicata consistunt. Contrarium velle persuadere, non solum est dicere Theologis calumniam, sed in errorem abire Apostatae Iuliani (qui teste eodem Dno Thoma) seruos Christi à studio litterarum arcendos esse dicebat. Augustinus igitur, si alicubi Platonici aut Aristotelici disciplinas improbat; de eis planè loquitur; in quantum

Vbi supra nō longè à princ.

S. Th. opusc. 19. contra impug. relig. ca. 11.

D. Th. vbi supra

Aug. li. 3. contra Iul. c. 1.

Aug. li. 2. contra Iul. ca. 10. non longè à fine.

Hieronymus, citat D. Thib. d. c. 12.

tum à fidei veritate seu Christiana reſtitutione aberrant. Quid plura? Verbis dico Hieronymi: *quæſo ut ſuadeas ei* ( ſcilicet qui Scholaſticam reprehendit Theologiam ) *ne veſcentium dentibus edentulus inuideat, aut oculos caprearum raiſpa contemnat.* Sed paululum digreſſi; ad ſcopum noſtrum reuertamur.

AB ABSVRDIS quæ ex oppoſito ſequuntur, probò rigorem Scholaſticum in intelligentia Sanctorum eſſe adhibendum. Si namque nuda littera ſuperficies, illo altero neglecto, ſit tenenda; ſequitur primò, plurimis paſſim falſitatum, imò & hæreſum ſordibus Sanctorum paginas commaculari: quod planè eſt, ſacra- tiſſima eorum arcana contemptui potius exponere, quàm exponere. Sequelam probò vno vel altero exemplo, quia fortè poſſem infinita commemorare.

IN PRIMIS nonne docet Sanctus Thomas tertia parte, quaſtione decima ſexta, articulo octauo in Corpore, quod hæc, *Chriſtus eſt creatura*, eſt ſimpliciter falſa; ſi abſolutè & ſine determinatione, aut addito proferatur? Imò ſi nuda ſignificatio litteræ attendatur; ſapit hæreſim Arrianorum, qui Chriſtum dixerunt eſſe creaturam, non ſolùm ratione humanæ naturæ, ſed etiam ratione Diuinæ Perſonæ: & tamen ſimilis ſecundum litteram propoſitio inuenitur in Beato illo Pontifice Leone, qui ut Chriſtianæ eloquentiæ parens, & Cicero inter Catholicos habetur. Inquit namque ( teſte S. Thoma ibidem in primo argumento ) *noua & inaudita conuentio! Deus qui eſt, & erat, ſit creatura*, Quid ergo? Dicemus mentem Sanctiſſimi Pontificis talem eſſe, qualem nuda iſta verborum ſuperficies inſinuat? Sanè qui ſic philoſophatur candorem puriſſimi Leonis, non falſitate tantum; ſed & Ar-

riana ſorde polluit. Igitur rigorem Scholaſticum inſpiciamus, & iuxta meſuram illius, cum Angelico Præceptore philoſophemur aliter, longè vtique dignius, nitidius, & honoratius. *Ad primum* ( inquit ille ) *dicendum, quòd aliquando Doctores cauſa breuitatis, determinatione omiſſa, nomine creatura vtuntur circa Chriſtum. Et tamen in eorum diſtiſ intelligenda determinatio, in quantum homo. Eniſi ſic Scholaſticè philoſopheris; ſordeſcere facis id, quod Sanctiſſimi viri non niſi immaculata veritate ſtatuerè intendebant.*

DEINDE; nonne idem Angelicus in eodem loco articulo nono determinat hanc pariter eſſe falſam; *hic homo* ( demonſtrato Chriſto ) *incepit eſſe?* Et hoc ea de cauſa, quia terminus in ſubiecto poſitus, non tenetur formaliter pro natura; ſed magis materialiter pro ſuppoſito; quod cum in Chriſto ſecundum fidem Catholicam æternum ſit, eius æternitati repugnat incipere eſſe? Et quid iterum ( ſi hoc verum ) dicetur de quadam littera Auguſtini, dum ſuper Ioannem dixit; *priuſquam mundus eſſet, nec nos eramus, nec ipſe mediator Dei & hominum homo Ieſus Chriſtus?* Cum tamen Apoſtolus dicat ad Hebræos vltimo, *Ieſus Chriſtus heri & hodie, ipſe & in ſæcula*. Profecto idem abſurdum ſequitur quod prius, niſi rigore Scholaſtico diſtictum Auguſtini temperetur. Audi Scholaſticorum Coryphæum, & acquieſce. *Ad primum* ( inquit ) *dicendum, quòd authoritas iſta* ( Auguſtini ) *eſt intelligenda cum determinatione, ut ſcilicet dicamus, quòd homo Ieſus Chriſtus, non fuit antequam mundus eſſet, ſecundum humanitatem*. Si litteram ſic temperaueris; mentem Auguſtini explicavi, honoravi: ſecus autem corrupiſti, ſædaſti, coinquinavi.

TERTIO: nonne & illud Grego-

in Homilia Epiphaniæ, *Iudeis tamquam reatione utentibus, rationale animal, id est Angelus, annuuciare debuit; falsissimum erit, si in nudo cortice contēdatur? Et illud Augustini octauo de Civitate, in Angelis est vita, quæ intelligit & sentit, nonne pariter falsitatis convincetur; si ductam litteram sequuti fuerimus? Vtpote cum ab Angelis omnis vita animalis & sensitiva procul sit releganda? Crede mihi Lector, hæc & alia huiusmodi rigore Scholastico parum tempera, & veritatem inuenies. Ad illud Gregorij dic cum Sancto Thoma, quæstione sexta de Potentia, articulo sexto ad primum, quod Gregorius Angelum animal appellat largè sumpto animalis vocabulo pro quolibet viuentē. En veritatem, vbi aliās littera falsum sonabat. Ad alterum verò Augustini dic cum eodem prima parte quæstione quinquagesima quarta, articulo quinto, quod authoritates illæ & consimiles sunt intelligendæ per quandā similitudinem: quia cum sensus certam apprehensionem habeat de proprio sensibili, est in vsu loquentium, & etiam secundum certam apprehensionem, intellectus aliquid sentire dicatur. En iterum veritatem, vbi tamen nudus cortex litteræ dissonus apparebat.*

QUARTO. Nonne iterum (teste eodem Angelico in primo, distinctione secunda, quæstione prima, articulo quinto in Corpore) dicere personas distingui tantum ratione, sonat hæresim Sabellianam? Et bone Deus, quanta verborum claritate (si exteriorem tantum speciem attendimus) idipsum dicitur à Damasceno! Tres persone (inquit libro primo Fidei Orthodoxæ capite primo) re idem sunt, ratione autem & cognitione distinguuntur. Quid ergo? Quia litteræ istius superficies solam distinctionem rationis adhiere videtur; dicemusne ideo hanc & non aliam à Damasceno

fuisse intentam? Absit probum hoc à tam Diuino viro quam longissimè vt hæresis Sabellianæ socium ipsum statuamus. Indagemus potius cum Thoma Aquinate sensum illius, tempera, & iuxta normam illius, temperata littera, in locum horroris succedet amabilis veritas. *Authoritas Damasceni* (inquit Aquinas ibidem ad primum) sic intelligenda est: ratione, id est relatione. Et dicitur relatio ratio, per comparisonem ad essentiam: quia nempe sola ratione ab eadem distinguitur, licet realiter ab opposita sibi relatione differat. En iterum Catholicam veritatem, vbi tamen exterior species hæreticam redolebat prauitatem.

VLTIMO. Nonne & hoc falsissimum, non dari in Deo ideas? imo vsque adeo veritati, id repugnat, vt Augustinus alibi dixerit, qui negat ideas esse, infidelis est, quia negat Filium esse, & tamen (si in nuda iterum littera contendere quis velit) videbitur Diuus Dionysius easdem negasse, dum capite septimo de Diuinis nominibus dixit, *Deus non cognoscit res secundum ideam*. Mehercule nisi rursus litteram hanc Scholastico more temperaueris, quasi infidelis apparebit Sanctissimus Dionysius. Confutamus igitur, iterum atque iterum, & toties quoties similia occurrunt, ad Sanctum Thomam Scholastici rigoris obseruantissimum & dubio procul Dionysium à tam turpi nota liberabimus. Intentio Dionysij (inquit in primo ad Annibaldum distinctione trigesima sexta, quæstione secunda, articulo primo ad primum) est dicere, quod Deus non cognoscat res per ideam acceptam à rebus. Non intendens utique negare ideas absolute, sicut verba sonant, sed solam ideas extrinsecus acceptas: qui sensus & verus est & Catholicus. Infinita (vt dixi) possent huiusmodi commemorari:

rari; sed ne superfluis immoremur, omitto.

ALIUD ABSVRDVM principale occurrit ex mutua ad inuicem contradictione, quæ passim in dictis Sanctorum eueniet; si nuda semper littera attendatur. Videbitur interdum Augustinus contradicere Anselmo, Anselmus Augustino, Damascenus Dionysio, Nazianzenus Damasceno; passim alijs atq; absque vilo scdere vel locutionis, vel doctrinæ. Quod verò, si concedimus; iam Sanctos Patres facimus tumultuosos litigatores, non graues veritatis tractatores. Vis autem eiusmodi contradictionum aliquas in dictis ipsorum conspiciere? Attende sequentia, quæ ex Diuo Thoma, hinc inde licet colligere.

IN PRIMIS (vt Author ipse est in caput primum Ioannis, lectione prima, non longè à principio) dicit Augustinus, *Ita dicitur Verbum Dei, vt cogitatio non dicatur.* Sed quid ad hæc Anselmus? *Dicere summo spiritui* (inquit ille) *nihil est aliud quam cogitando intueri.* En in verbis contradictio. Vnus cogitationem à Verbo Dei excludit, alius requirit.

R V R S V S quæstione quarta de Veritate, articulo secundo, in quarto argumento, Anselmus ait, *Pater est dicens; Filius est dicens; Spiritus Sanctus est dicens.* Sed quid Augustinus? *Non singulus* (inquit) *in Trinitate est dicens; sed Pater Verbo suo.* En iterum iuxta litteram aperta contradictio. Vnus attribuit dicere omnibus personis, alius soli Patri.

DEINDE quæstione quinta ibidem, articulo nono in primo argumento, Damascenus sic satur, *Nos autem dicimus, quoniam ipsa scilicet superiora corpora, non sunt causa alicuius eorum quæ fiunt, nec corruptionis eorum, quæ corrumpuntur.* Sed quid Dionysius citatus in secundo argumento

sed contra? *Radius solaris* (inquit) *generationi visibilium corporum confert, & ad vitam ipsam mouet, & nutrit, & auget.* En in verbis contradictio. Vnus causalitatem denegat cælestibus corporibus respectu horum inferiorum; alius concedit.

TANDEM tertia parte, quæstione decima sexta, articulo septimo, in tertio argumento, Nazianzenus concedit loquendo de Christo, *hominem esse Deificatum.* Sed quid Damascenus in argumento sed contra? *Non hominem* (inquit) *Deificatum dicimus.* Nonne hoc iterum manifesta est contradictio, si sola superficies litteræ inspiciatur?

IMO QVOD CAPVT EST, si litteræ sectator proteruus esse velis, inuenies interdum Sanctum aliquem contradicere non solum alteri; sed & sibi ipsi. Patebit quoque id facillime.

CONSIDERA PRIMO illa quæ iam diximus ex Anselmo; quod scilicet dicere attribuit omnibus tribus personis, ac proinde quod nomen Verbi non sit proprium soli Filio, & tamen alio in loco dicit, quod Verbum non dicitur nisi personaliter, & quod soli Filio proprium sit. *in hoc* (inquit Diuus Thomas loco citato) *videtur contrariari Anselmus sibi ipsi.*

CONSIDERA deinde ex Diuo Thoma, quæstione quinta de Veritate, articulo octauo in primo argumento, quod Gregorius quodam in loco dicit, *quod Deus mundum per semetipsum regit, quem per semetipsum fabricatus est.* Quasi negans quod mundum regat media aliqua creatura; & tamen alibi dicit, *in hoc mundo visibili, nihil nisi per creaturam visibilem disponi potest.* En contrarium iam affirmat.

PRÆTEREA Augustinus (vt refert Sanctus Thomas quæst. prima, de Veri-

Veritate articulo septimo) alibi asserit, quod veritas Diuina est summa similitudo principij sine ulla dissimilitudine: quasi veritas in Diuinis soli Filio conueniat, utpote cui soli conuenit summa imitatio principij, & tamen alio in loco habet, quod trium Personarum est vna veritas. Quasi veritas in Diuinis conueniat non soli Filio; sed omnibus tribus Personis. Nonne hoc iterum est, secundum externam verborum superficiem sibijpsi contradicere.

QVID PLURA? Hæc & alia passim in Sanctis Patribus inuenire erit, si aliud nihil in tradendo ipsorum sensu sapere velimus, quam nudum sonum litteræ, aut apparentem vocum significationem. Quare concludamus (vt huiusmodi absurda vitentur) dicta Sanctorum, iuxta rigorem quoque Scholasticum, interdum esse temperanda, aut explicanda: quod in locis prædictis & in omnibus alijs, diligenter, fideliter & veraciter præstet Sanctus Thomas: planè Theologiæ Scholasticæ cultoribus exemplum normamque relinquens, qualiter lectioni Sanctorum insudandum sit: non vtique tanta cæcitate & pertinacia, vt contra fas nefasque, soli litteræ insistamus; sed potius, vt debito examinis pondere reliqua etiam quæ consideranda sunt, trutinantes, exponamus sententias ipsorum, cō veracius, quod scilicet Theologicis locutionibus, seu rigori Scholastico conformius.

ET CERTE RATIO A PRIORI hoc ipsum etiam clarissime suadet. Maxime si perpendatur id, quod in laudem Modernorum Scholasticorum scripsit noster Aquinas, in opusculo primo contra errores Græcorum ad Urbanum Quartum Pontificem. Maximum Monet in exordio opusculi ibi Sanctus Præceptor, quod Moderni fidei Doctores cautius & quasi

elimatius locuti fuerint circa doctrinam fidei, quam Sancti Antiqui. Et ea quidem de causa. Quia errores (inquit) circa fidem exorti occasionem dederunt Sanctis Ecclesiæ Doctoribus, vt ea quæ sunt fidei, maiori circumspectione traderent, ad eliminandos errores exortos: sicut patet quod Sancti Doctores qui fuerunt ante errorem Arrij, non ita expressè loquuti sunt de vnitatis Diuinæ essentia, sicut Doctores sequentes. Et simile de alijs contingit erroribus. Quod non solum in diuersis Doctoribus (protulit) sed in vno egregio Doctorum Augustino expressè apparet. Nam in suis libris, quos post exortam Pelagianorum hæresim edidit, cautius loquutus est de potestate liberi arbitrij, quam in libris, quos edidit ante prædictæ hæresim ortum, in quibus libertatem arbitrij contra Manichæos defendens aliqua protulit quæ in sui defensionem erroris assumpserunt Pelagiani, Diuina gratiæ aduersantes. Et ideo non est mirum (concludit) si Moderni fidei Doctores post varios errores exortos cautius & quasi elimatius loquantur circa doctrinam fidei ad omnem hæresim euitandam. Et immediatè post (quod ad rem nostram attinet) subiungit; Vnde si aliqua in diuersis Antiquorum Doctorum inueniuntur, quæ cum tanta cautela nō dicantur, quanta à Modernis seruatur, non sunt contemnenda aut abiicienda; sed nec etiam ea extendere oportet, sed exponere reuerenter. En amice Lector, totum id quod præsentī capite protuli, rationemque eius à priori. Protuli quidem, dicta Sanctorum interdum etiam iuxta rigorem Scholasticorum seu Modernorum esse temperanda seu reuerenter exponenda, sicut verbis citatis Sanctus Thomas eloquitur, & si rationem desideres, ea est vtique firma & solida, quam Angelicus hoc in loco assignauit: quia videlicet Moderni fidei Doctores cum suis iam temporibus omnia errorum incrementa

pene absoluta conspexerint; profecto ad omnia & singula potuerunt attendere facilius, quàm Sancti Antiqui: sicque non mirum quòd cautius & quasi elimatius de rebus fidei loquantur, ad omnem hæresim evitandam, quàm Veteres illi, quibus tot hæresum errorumque pestes necdum innotuerant, utpote quæ prioribus seculis adhuc quasi in cunabulis absconditæ latitabant. Quod si verum est (vti verissimè à Sancto Thoma profertur) sequitur manifestè, dicta antiquorum Sanctorum si quæ cum tanta cautela non dicantur, quanta à Modernis seruatur, non esse continuò iuxta sonum litteræ in consequentiam trahenda; sed exponenda potius & temperanda iuxta, id quòd Scholasticæ Theologiæ rigor flagitat, nec non modernorum Doctorum abundantior cautela præscribit.

Potissimum autem hæc dicta sint, vt appareat, quàm parum solidè, imò & quàm temerè Vincentius auctoritates Sanctorum ad suas partes trahere conetur. Vt namquè ex sequentibus constabit, adeò cæcè & pertinaciter in nuda littera, verbis & nominibus luxuriatur, vt omnis penitus rigoris Scholastici oblitus, eò præcisè sensum Sanctorum velit dirigere, quòd litteræ primus aspectus, primaque superficies tendere videtur. Et reuera de ipso iure merito dici potest, id quòd olim noster Aquinas de quodam translate inepitò protulit; opusculo primo contra errores Græcorum, in fine. *Vt ut etiam & ipse aliquibus modis loquendi, quos in auctoritatibus Sanctorum inuenit, qui*

*(sicut superius dictum est) magis sunt reuerenter in dictis Patrum exponendi, quàm ab alijs vsurpandi.*

..

## C A P V T IV.

*Proponuntur in genere loca, quæ Vincentius adducit ex Sanctis Patribus.*

**O**BIECTIONES igitur, quas Vincentius ex Sanctis Patribus efformat; iuxta veritatem & multiplicitatem testimoniorum, variæ quoque sunt & multiplices. Sed quia multa sine ordine confusionem parere solent; in eis recitandis, ordo necessarius erit, vt aliquid doctrinaliter & fructuosè tradi possit. Sicut ergo testimonia Diui Thomæ ad quatuor classes reduximus, ita eadem methodo vtentes, omnia in vniuersum Sanctorum dicta alijs sex classibus absoluemus.

In prima expenduntur illa, quibus videntur docere, omnem actum voluntatis, eo ipso quo est voluntatis, esse liberum. In secunda statuentur alia, quibus absolute distinguunt, seu diuidunt voluntatem contra naturam. In tertia proponuntur ea, quibus videntur asserere, actum liberum esse, eo ipso quo ducem habet rationem. In quarta adducentur nonnulla, quibus adstruunt necessitatem peccandi. In quinta considerantur reliqua, quibus Deo & Beatis necessitatem tribuunt, & tamen simul libertatem. In sexta tandem tota machina absoluetur vno vel altero dicto, quo actibus omnino necessarijs laudem adscribere comprobantur.

Ex prima Classe argui potest sic. Omnis actus voluntatis eo ipso quo est voluntatis, est liber: ergo quantumvis necessarius; si tamen voluntatis sit, liber esse debet.

Ex Secunda sic. Voluntas differt à natura: ergo nunquam agit per mo-



modum naturæ: ergo semper libere, ac proinde etiam libere in actibus necessarijs.

Et tertia sic. Actus est liber eo ipso, quo ducem habet rationem; sed multi actus voluntatis quantumvis necessarij, habent ducem rationem: ergo multi tales sunt liberi.

Ex quarta sic. Quando peccamus, necessitate peccamus, & tamen peccamus libere: ergo stat necessitas cum libertate.

Ex quinta sic. In Deo & in Beatis est necessitas, & tamen simul libertas: ergo idem quod prius.

Ex sexta tandem sic. Laus attribuitur actibus omnino necessarijs; sed laus non attribuitur nisi liberis: ergo actus omnino necessarij, sunt liberi. Sed examinemus specialiter singula, ut appareat, quam veritatem habeant & qualiter concludant.

## SECTIO I.

*Soluuntur specialiter loca Sanctorum Patrum spectantia ad primam Classem.*

**A**D PRIMAM CLASSEM PERTINET PRIMO locus ille Augustini, libro tertio de libero arbitrio capite tertio, ubi magnus ille Theologorum imperator contra Ciceronem, præscientiam Dei negantem, hoc modo disputat. *Voluntas nostra nec voluntas esset, nisi esset in nostra potestate, libera est nobis. Non enim est nobis liberum, quod in potestate non habemus. Ita fit, ut Deum non negemus esse præsciunt omnium futurorum, & nos tamen velimus, quod volumus. Cum enim sit præsciens voluntatis nostræ; cuius est*

*præsciens, ipsa erit: voluntas ergo erit, quia voluntatis est præsciens. Nec voluntas esse poterit, si in potestate non erit. Vbi etiam addit, se facile de tam magna questione respondere.*

Sed iam infert Vincentius, quod dicta ista Augustini vera non sunt, si voluntas esse possit, quæ libera non sit. Probat namque, nostram libertatem à Dei præscientia minimè violari, ex eo quod futura est voluntas, quam Deus futuram prævidet. Ergo supponere debet (inquit) voluntatem eo ipso quo voluntas est, suam necessariò secum libertatem asserre. Sic in sua Theriaca, libro primo, capite tertio. Et si cetera Sancti Augustini testimonia congerere hoc loco velim, quibus Vincentius contendit omnem voluntatis actum in Augustini Philosophia liberum esse; integrum certè caput, sicut ipse instituit; imò & plura alia instituenda essent. Quod quia superuacaneum iudico, cum eadem omnino sit difficultas; ad aliorum Sanctorum dicta me conféro. In quibus licet difficultas etiam sit eadem; non tamen est eadem ratio omittendi; nam ex singulis vnum aliquod referre, si non ad necessitatem, ad decorem saltem ornatumque poterit pertinere.

**PERTINET ERGO SECVNDO** ad eandem Classem alius locus Prosperi libro contra Collatorem capite trigesimo octavo. Non conturbat nos (inquit) *superbientium* (Semipelagianorum) inepta querimonia, qui liberum arbitrium causantur auferri, & si principia & profectus & perseverantia in bonis vsque in finem, Dei esse dona dicantur. Quoniam opitulationes Diuinæ gratiæ, stabilimenta sunt voluntatis humanæ. Volentes oramus, & tamen misit Deus, spiritum in corda nostra clamantem, Abba Pater, Volentes loquimur; & tamen si pium est quod loquimur, non sumus nos loquentes, sed Spiritus Patris nostri qui loquitur in nobis, volentes ope-

ramur salutem nostram; & tamen ipsum velle & operari Deus est qui operatur in nobis. Volentes diligimus Deum & proximum, & tamen charitas ex Deo est infusa in cordibus nostris per Spiritum Sanctum, qui datus est nobis.

In The  
ria. l. 1.  
c. 4.

Modo iterum Doctor Vincentius. Ecce (inquit) quoties replicat illud volentes, & ideo libertatem arbitrij in orando, loquendo, operando, diligendo, gratia non everti dicit, quia volentes ista omnia facimus. Quod quid aliud est, quam voluntatem esse libertatem, & nos omnia liberè agere, quæ voluntate agimus? In Philosophia autem nostra nõ sic contingit; sed potius argumentum hoc Prosperi (volentes diligimus: ergo liberè diligimus) simile est isti, homo est animal, ergo homo est equus. A genere quippe non distributo ad certam speciem.

PERTINET TERTIO doctrina Sancti Fulgentij, libro secundo, capite quarto de Veritate Prædestinationis. His verbis (inquit) quibus dicitur si volueritis & si nolueritis, procul dubio libertas humani declaratur arbitrij, vel enim & nolle, voluntatis esse nullus ignorat.

In The  
ria. ibi.  
3. c. 4.

Ad hæc rursus Vincentius. Velle & nolle liberum esse convin cit, quia sunt voluntatis. Quæ probatio (ait) iterum sophistice à genere non distributo ad speciem unam procedit; si aliquid velle sit, quod voluntas non liberè elicit.

PERTINET QUARTO Damascenus, dum libro tertio, capite decimo quarto Fid. Orthod. definit. Quod arbitrij libertas nil aliud est, quam voluntas. Potestne aliquid (infert Doctor noster) esse evidentiùs quam istud?

PERTINET QUINTO Anselmus libro de Concord. capite secundo. Ex libertate fit, quod fit ex voluntate. Glossa Vincencij; Quid ergo evidentiùs, quam ubi voluntas est, secundum eius Philosophiam, ibi & libertatem esse?

In The  
ria. lib.  
4. c. 5.

PERTINET SEXTO & ultimò,

Bernardus in præclaro illo libello de libero arbitrio. Consensus voluntarius (inquit) est habitus animi liber sui, siquidem non cogitur, non extorquetur. Est quippe voluntatis, non necessitatis. Nec negat se, nec præbet cuiquam, nisi ex voluntate. Alioqui si compelli valet inuitus, violentus est, non voluntarius. Ibi ergo consensus, ibi voluntas, porro ibi voluntas, ibi libertas.

Clamat hic eximius Dominus; Quid immediatius, quid expressius, quid evidentiùs dici à quoquam potest? Nonne ex directione Spiritus Sancti videntur ista à Sancto Bernardo aduersus (nostram) musteam Philosophiam esse scripta?

In The  
ria. lib.  
1. c. 5.

O quam musteus potius est clamor ille tuus, Vincenti! Nam loca illa Sanctorum ad talem Philosophiam, qualis tua est, velle accommodare, omnino inter Theologos nouum est & inauditum. Lege Estitium eximium quoque Dominum, nec non de Theologia Scholastica propter doctissima scripta, longè nobilius bene meritum; & (vt ipse testatur) loca similia non Catholici; sed hæretici (vt Caluinus & Bucerus) adducunt, ad probandum sufficere, ad libertatem, id quod tu dicis sufficere, videlicet non coactè sed sponte & voluntariè operari.

Estit  
in  
Distin.  
24. l. 1.

QUAPROPTER sicut hæretico hæc mihi obijcienti, unico verbo responderem, ita & tibi eodem verbo breuissimè satisfacio. At verbum est, non meum, sed Angeli illius, qui Thomisticam linguam & calammum regit, sicut non humano ductu, ita certissimo & verissimo. Docet itaque ille Diuine mentis ac proinde & Sanctorum interpres (vt supra luculenter ostendimus) voluntatem nostram partiri in duos conceptus, & in conceptum naturæ (est etenim sicut & alia res, natura quædam) & in conceptum voluntatis vt voluntas est forma.

Suprà  
1. 2. c. 5.  
per to-  
tūm

formaliter; quod propriè sibi supra alias res vendicat. Hæc autem est differentia inter utrumque illum conceptum, quod voluntas ut natura, agit necessariò, & non liberè, cum prout sic sit determinata ad unum: voluntas verò, formaliter in quantum voluntas, agit semper liberè, cum prout sic ad opposita se habeat. Nam (ut ipse questione secunda de Potentia, articulo tertio in Corpore facit) *Voluntas in quantum voluntas, ad utrumlibet se habet*. Unde etiam cum questione vigesima secunda de Veritate, articulo quinto in septimo argumentum *Sed contra*, sibi obiecit; *Ex eo quod aliquid est voluntarium, dicitur esse in nobis, ita quod nos domini illius sumus: sed illud quod est in nobis cuius domini sumus, possumus velle & non velle: ergo omne quod voluntas vult, potest velle & non velle; & ita non de necessitate aliquid vult*; cum (inquam) hoc sibi obiecit; ad probandum quod voluntas nil de necessitate velit, sic respondet adhibita distinctione de voluntate ut natura est, & de voluntate ut voluntas est. *Ad septimum* (inquit) *dicendum*, quod ratio illa (scilicet quod est a voluntate, dicitur esse in nobis, ita quod nos domini illius sumus) *procedit de voluntate secundum quod voluntas est*. Hoc enim est proprium voluntati, in quantum est voluntas, quod sit de iura suorum actuum. Quasi dicat, solum nos esse dominos seu liberos circa illud, quod est a voluntate non qualitercumque, sed a voluntate in quantum voluntas est. Cum quo tamen comparatur aliquid esse a voluntate ut natura, omnino necessariò & non liberè.

Hac ergo distinctione verè scholastica (utpote Scholasticorum Principis) tota vis tuæ machinæ, Vincenti, corrui & dissolvitur. Dico consequentias illas factas a Sanctissimis illis Patribus, esse omnino legitimas

& bonas, nec defectum à te imaginatum à genere non distributo ad speciem, continere. Scis quare? Attende Prius ad verba Sancti Thomæ, ratio illa procedit de voluntate secundum quod voluntas est. Sic & ego tibi. Cōsequentia illæ Sanctorum procedunt de voluntate secundum quod voluntas est; & in hac acceptione bene & rectè omnino Sancti intulere. Bene intulit Augustinus, *Præcius est nostra voluntatis* (scilicet secundum quod voluntas est) ergo libertatis.

BENE Sanctus Prosper; *volentes oramus* (scilicet voluntate secundum quod voluntas est) ergo liberè.

BENE Fulgentius; *velle & nolle est voluntatis*. (scilicet secundum quod voluntas est) ergo liberum.

BENE Damascenus; *arbitrij libertas nil aliud est quam voluntas*. Scilicet secundum quod voluntas est.

BENE Anselmus; *voluntate fit* (scilicet secundum quod voluntas est) ergo ex libertate fit.

BENE tandem Bernardus; *est alibi voluntas* (scilicet secundum quod voluntas est) ergo & ibi libertas.

Ratio omnium est una & eadem; quia nunquam contingit voluntatem velle in sensu formali (scilicet in quantum voluntas est) quin velit liberè. Licet quandoque contingat eam velle, ut natura est, minime tamen liberè. Sed iam recordare, quod quotiescumque vult in quantum voluntas est; semper velit cum potestate ad oppositum, ac proinde quotiescumque vult liberè, semper vult cum eadem indifferentia. Ut namque Angelicus notiter fatetur, *hoc est proprium voluntati in quantum voluntas est, quod sit de iura suorum actuum, seu possit velle & non velle*. Et rursus; *voluntas in quantum voluntas, cum sit libera, indifferenter se habet ad utrumlibet*. Non ergo ex prædictis au-

thoritatibus probare licet, Vincenti, dari aliquod velle liberum, necessarium tamen & non indifferens qualem liberum.

Quòd autem hæc explicatio sit absque vlla ratione dubitandi legitima & genuina Sanctorum mens; manifestè patet ex quatuor.

Suprà  
lib. 1. 2.  
capite.  
12. &  
dein-  
ceps.

PRIMO: quia cum suprà de eorum sensu & sententia egimus, clarissimis verbis ostendimus, ipsos ad veram libertatem exigere, voluntatem non qualemcumque, aut qualitercumque sumptam: sed voluntatem cum indifferentia seu potestate ad oppositum: ergo & tali modo eandem exigunt hic; nisi quis velit eos in eadem materia sibi contradicere, quòd velle non potest, nisi qui os suum in cœlū ponere non veretur.

SECUNDO: quia quotiescumque prædictas consequentias Sancti faciunt (vt ex subiecta materia euidentissimè constat) loquuntur continuò de voluntate hominis viatoris: voluntas autem hominis viatoris ex iudicio rationis operans, nunquam vult purè vt natura, sed semper vt voluntas formaliter: cum nullum obiectum, ei in via proponatur, nisi ad minus cum indifferentia exercitij circa illud, vt suprà etiam ex Diuo Thoma ostensum est.

Suprà  
lib. 2. ca.  
18. §.  
Quod  
certi ex  
sicaciter

TERTIO & hoc ad hominem. Vt Vincentius fatetur, hæretici contra quos Sanctorum erat disputatio, ponebant voluntatem sub Diuina motione taliter agere, vt potius à Deo ageretur sicut natura brutalis: ergo vt hanc falsam imaginationem Sancti destruerent, dicendum est eos pro medio assumpsisse voluntatem non secundum illum conceptum naturæ, in quo cum bruto, quoad modum agendi conuenit; sed alterum illum voluntatis vt voluntas est formaliter, per quem à bruto differt: *Hoc enim* (inquit Diuus Thomas

articulo citato de Veritate ad Quintum in contrarium) *est considerare ipsam secundum quod ei est proprium.* Imò & ipsi hæretici libertatem oppugnantes, proprijs suis verbis hunc conceptum voluntatis latenter seu ignoranter admittebant: dicebant enim nos velle, nos nolle, & quòd ipsa voluntas hominis erat, quæ hoc respuebat, quæ istud prosequebatur. Ex quo Sancti, quasi propria ipsorum confessione eos redarguentes, argumentabantur hoc modo. Vultis fatomini, vos velle, vos nolle, volitione scilicet quæ propriè est volitio, nolitione quæ propriè est nolitio: ergo voluntate vultis, voluntate non vultis, voluntate scilicet quæ propriè & formaliter est voluntas, & non potentia aliqua brutalis quoad modum operandi: ex quo tandem concludebant, ergo liberè vultis, liberè non vultis; quia videlicet voluntate vultis, quæ formaliter est voluntas, & sic in modo operandi distincta à brutis.

Et ne me putes fingere, Vincenti; temet in testem voco. Vt in Theriaca tua fateris, *Cum Manichæo libertatem arbitrij oppugnantem, verba ista excidissent (qui legem sibi à Deo datam plenius seruare noluerit) statim excipit & exclamat Augustinus; vides in his verbis confirmatum esse etiam à nesciente quid loqueretur, liberum arbitrium? Qui enim seruare legem non vult, in potestate eius est, si velit. Non enim dixit, non potuerint, sed noluerint. Hoc certè quod noluit seruare legem non à gente tenebrarum coguntur: si enim, coguntur, non nolunt; sed non possunt. Quid quæso hoc sibi vult? Nonne ipsissimus modus arguendi, quem iam exposui, videlicet Manichæum istum propria sua confessione ab Augustino redargui? Sic enim quasi arguit; tu Manichæe nescienter libertatem fateris: & hoc probò, quia dicis hominem*

In The  
ria. l. 1.  
cap. 1.  
circa  
mediū.

fer-

servare legem nolle : quod si hoc verum est ; in potestate utique eius est servare si velit : quod enim non facimus nolendo ( nolitione scilicet quæ formaliter est nolitio ) hoc facere possumus , quando volumus : ergo velis , nolis ; ex proprijs tuis dictis libertatem fateri cogeris . En qualiter pro medio assumat velle & nolle in sensu formali , prout scilicet sunt à voluntate , in quantum voluntas est . Alij enim actus qui sunt à voluntate ut natura , non sunt propriè & formaliter velle & nolle : licet defectu terminorum velle & nolle etiam vocentur , quia ipsi voluntati utcumque insunt .

QUARTO tandem : nam exponendo Sanctos , sicut nos exponimus , quod scilicet loquuntur de voluntate secundum quod voluntas est formaliter ; ponitur ipsos loqui in sensu formali & proprio sicut verè Theologos loqui decet : intelligentes nomine voluntatis , id quod revera formaliter est voluntas , & soli homini proprium , non autem aliquid quod in modo saltem agendi est commune hominibus & brutis , sicut est conceptus naturæ : ergo dignius , verius & excellentius sic exponuntur , quam aliter .

NEC OBIICIANT mihi Patristæ Louanienſes , distinctionem illam de voluntate in quantum natura est , & de voluntate in quantum voluntas est formaliter , esse nimis metaphysicam , Scholasticam & reduplicativam : ac proinde verisimile non videri , huiusmodi quid fuisse de mente Sanctorum Patrum .

Non (inquam) mihi sic obijciant , Nam indigna prorsus est viris sapientibus hæc obiectio . Videtur potius esse illius idiotæ , de quo aiebat Sanctus Thomas primo contra gentes capite tertio , *maximè amentis esset idiota , quia ea quæ à Philosopho propo-*

*nuntur , falsa esse assereret propter hoc quod ea capere non potest .* Concedo ergo libentissimè , distinctionem traditam , esse metaphysicam : concedo Scholasticam esse & reduplicativam : sed ideone à mente Sanctorum rejicienda tamquam aliena ? Tamquam à nobis conficta & à Sanctissimis Præceptoribus minime cogitata ? Profecto si ita est ; dicamus Sanctos omnes Metaphysicæ fuisse ignaros , Scholasticas formalitates nescisse , sensus reduplicativos non curasse , sine quibus tamen mille & mille veritates Catholicæ , nec rectè defendi poterunt imò nec explicari . Perpende potissima mysteria Fidei , de incarnatione , de Trinitate , de prædestinatione &c . Et videbis . Unde & rectè dixit subtilis Scotus in tertio , Distinctione vigesima quarta , quaestione unica paragrapho . *Si loquamur de secundo modo , quod immiscere Philosophiæ Scripturæ Sacræ & præcipue metaphysicalia , sine dubio multum valet , ut veritas Scripturæ de Trinitate & intelligentijs & abstractis intelligatur .*

Præterea distinctio quam tradidimus , est in terminis Sancti Thomæ , non semel tantum ab ipso adhibita , sed toties quoties de voluntate libera ipsi sermo fuit . Si ergo ipsi placuit , si tanto Theologo digna visâ fuit , ut in medium proferretur , pro libertatis natura explicanda ; qua ratione , in præsentiarum reprobabitur , cum eandem ad Sanctorum Patrum sensum applicare contendimus ?

Deinde formalitas sensus reduplicativi , nonne varijs in locis Augustino visui fuit , ad obiectiones Iuliani diluendas ? Cur ergo hoc loco tamquam ab ipsis & aliorum Patrum mente , aliena rejicitur ? Dixit Augustinus libro tertio , contra Iulianum , capite septimo , *quando ego negavi naturam hominum esse laudabilem , in quan-*

*quantum homines sunt?* En sensum re duplicatiuum. Dixit capite nono, eodem libro, *horum bonorum fructus homo est, quod in quantum homo est, bonum est.* En iterum sensum reduplicatiuum. Dixit capite vigesimo secundo, *coniugium bonum, in quantum coniugium, est.* En sensum reduplicatiuum. Et immediate post; *homo siue de coniugio siue adulterio nascatur, in quantum homo est, bonum est.* Iterum sensus reduplicatiuus. Rursus, *in quantum homo est, opus Dei est.* Iterum sensus reduplicatiuus. Si ergo toties sensus reduplicatiui formalitate vtitur; quid Louanienses Patritiae eundem tamquam à mente Sanctorum alienum mihi obijciunt? Qui nouit hominem vt natum de stirpe Adæ, distinguere à seipso, in quantum est homo formaliter, asserens sub prima ratione malum esse, sub secunda bonum; an nè idem ignorabit, voluntatem vt naturam, distinguere à se ipsa in quantum voluntas est formaliter; ita vt sub prima ratione sit expers libertatis, sub secunda autem, libera?

Imo si parum fidelius & attentius Scripta Augustini perpendimus; inueniemus etiam præfatam distinctionem, traditam ab eo fuisse in proprijs terminis. Considera illud libro de duabus animabus capite duodecimo; *quamobrem illæ animæ si natura non voluntate faciunt, id est, si libero ad faciendum & non faciendum animi motu carent.* En in primis voluntatem usurpatam pro eo quod voluntas est formaliter, scilicet vt dicit liberum ad faciendum & non faciendum animi motum. Et rursus illud; *si male natara, an voluntate?* Et iterum illud cum Felice Manichæo, *in meritis malis, non natura necessitatem facit, sed voluntas culpam.* Et denique; *cum Dominus dicit, aut hoc facite aut illud facite, potestatem* (id est vo-

luntatem) *indicat non naturam.* In quibus locis apertissime distinguit modum agendi naturæ tamquam non liberum & modum agendi voluntatis tamquam liberum: & cum ex alia parte non potuerit ignorare, quod ipsa voluntas etiam natura quædam est; quia omne quod in rebus inuenitur, natura quædam dicitur, et inquit D. Thomas questione vigesima secunda de veritate artic. quinto in Corpore; hinc euidenter fit, ipsum quoque in voluntate, modum agendi naturæ agnouisse, præter modum agendi voluntatis vt voluntas est. Ex quo vltcrius fit iuxta mentem eius, voluntatem etiam quandoque operari non liberè, scilicet quando operatur vt natura quædam, sicut contingit in actibus specificatiuè & elicituè necessarijs: licet semper liberè operetur, quando agit vt voluntas formaliter. Vnde idem Augustinus dixit libro tertio de libero arbitrio capite primo, *nec enim vlla culpa* (seu libertas) *deprehendi potest, vbi natura necessestaque dominatur* (id est) non solum vbi natura aliarum rerum dominatur, sed etiam vbi natura ipsius voluntatis dominatur, cum tam ipsa, quam aliæ res, suam etiam naturam necessitatemque habeant.

In hoc ergo sensu Sancti omnes, voluntatem sumpserunt, quando ex illa libertatem concludere; vt scilicet nomine voluntatis intelligerent, non voluntatem vt natura est, sed voluntatem vt voluntas est formaliter. Et cum teste Diuo Thoma, *voluntas in quantum voluntas, cum sit libera, indifferenter se habeat ad vtrumlibet*; hinc ex voluntate hoc modo accepta, rectè libertatem intulerunt, non tamen absque indifferentia, vt Vincentius perperam contendit.

En igitur, Vincenti, Primam Classem armorum tuorum dirutam; non certè vi aut violentia aliqua extrinseca;



secā; sed ex ipsa proprietate materiz, ex ipso sensu Sanctorum, ex ipsis principijs Theologiæ Scholasticæ, denique ex ipso Scholasticorum Principe Thoma Aquinate.

## SECTIO II.

*Soluuntur loca Sanctorum Patrum, spectantia ad secundam Classē, & per transennam locus quidam Scoti.*

**A**D SECUNDAM CLASSEM reduco omnia illa loca, in quibus Sancti videntur distinguere naturam contra voluntatem. Ex quo fiet, quod nullus motus voluntatis poterit esse naturalis, sed potius omnis eius motus erit dicendus liber: sicque actus necessarij, cum sint quoque motus voluntatis; liberi erunt, non naturales, ut nos contendimus.

**AD HANC IGITUR CLASSEM PERTINET PRIMO**, illud Augustini libro secundo de duabus Animabus capite duodecimo: *Illæ animæ quidquid faciunt, si natura; non voluntate faciunt*. En distinguit naturam contra voluntatem. Huic loco adiungit Vincentius alia plura; sed ne superfluis immoremur, omitto.

**PERTINET SECUNDO**, illud Bernardi sermone octuagesimo primo in Cantica capite octavo: *interueniente peccato (ait) patitur quandam vim & ipse (homo scilicet) sed à voluntate, non à natura, ut ne sic quidem ingēnita libertate priuatur*. En etiam distinguit naturam contra voluntatem. Sic Vincentius.

**PERTINET TERTIO**, propositio illa Augustini libro tertio de libero arbitrio, capite primo. *Motus voluntatis non est vtrique naturalis, sed*

*voluntarius*. En expressissimè motum naturalem motui voluntatis opponit Sic iterum Vincentius.

Et Diuus Thomas (prosequitur) dogma istud expresse tradens; sic satur Prima Secundæ quæstione decima, articulo primo ad primum. *Voluntas dicitur uidetur contra naturam, sicut vna causa contra aliam, quedam enim sunt naturaliter, quedam voluntariè*.

Sed adiungit etiam subtilem Scotus. tum his verbis ex quæstione quodlibetica decima sexta, *voluntas semper habet suum modum causandi proprium, scilicet liberè*. Non magis igitur voluntas potest esse naturaliter actiua (id est habere motum naturalem) quam natura, ut est principium distinctum contra voluntatem, potest esse liberè actiua. Quem locum pariter citatum inuenies in Cornelio Ianenio, & tanta quidem cum iactantia, ut nō modocriter se admiratum fuisse dicat; cum tandem Doctorem istum, quem nondum legerat, omniumque Scholasticorum remotissimum à sua doctrina crediderat; fortissimum eius defensorem esse deprehendit.

Antequam ad huiusmodi respondeamus; scire oportet quod Sanctus Thomas bis sibi obiecit istam consequentiam; quæ hic ex Sanctis Patribus nobis obijcitur. Consequentia, quæ obijcitur, est hæc. Sancti Patres distinguunt naturam contra voluntatem, seu naturale contra voluntarium, ut ex locis inductis constat; ergo sentiunt voluntatem nunquam operari ad modum naturæ, seu non habere aliquem motum naturalem. Dico quod eandem consequentiam, vel potius idem principium bis sibi obiecit Diuus Thomas. Semel Prima Secundæ quæstione decima, articulo primo, in primo argumento, ad probandum quod voluntas non moueatur ad aliquid naturaliter. *Agens enim naturale (inquit) diuiditur*

Vincentius in Thieria cali. 1. c. 1.

Vincentius ib.

Vincentius ib.

Cornel. Iansen. tom. 3. lib. 6. c. 25.

tur contra voluntarium, ut patet in principio secundi Physicorum, non ergo voluntas ad aliquid naturaliter mouetur. En idem principium seu eandem omnino consequentiam. Deinde questione vigesima secunda de Veritate, articulo quinto in sexto argumento sed contra; idem obijcit, licet alijs terminis, ad probandum quod voluntas non de necessitate aliquid vult. Nam quod de necessitate (inquit) determinatur ad aliquid, naturaliter est determinatum ad illud: sed voluntas contra naturalem appetitum diuiditur: ergo voluntas non de necessitate aliquid vult. En iterum idem prorsus Principium.

Sed nunc videamus quid Sanctus Doctor ad hæc respondeat, ut & nos sciamus, quid ex mente eius Sanctis Patribus in hac parte respondendum sit. Ad argumentum igitur factum in Prima Secundæ, respondet sic. Ad primum dicendum, quod voluntas diuiditur contra naturam, sicut una causa contra aliam. Quædam enim sunt naturaliter, & quedam sunt voluntarie. Est autem alius modus causandi proprius voluntati, quæ est domina sui actus, præter modum qui conuenit naturæ, quæ est determinata ad vnum: sed quia voluntas in aliqua natura fundatur, necesse est quod modus proprius nature, quantum ad aliquid participetur à voluntate: sicut quod est prioris causæ, participatur à posteriori: est enim prius in vnaquaque re, ipsum esse, quod est per naturam, quam velle, quod est per voluntatem. Et inde est quod voluntas naturaliter aliquid vult.

Sensus huius solutionis teste Caietano est: quod voluntas consideratur dupliciter: scilicet ut res, & ut causa: est enim & in genere rei res talis, puta apta nata velle; & in genere causæ, causa talis, puta libera. Quum autem voluntas distinguitur contra naturam, non distinguitur ut res talis contra ta-

lem rem, sed ut causa talis contra causam talem. Id est, quod non distinguitur distinctione reali rei à re, quasi eadem res, non possit esse natura & voluntas; sed solum distinctione causalitatis: quia nimirum non potest eadem esse causalitas seu idem modus causandi, quem illa res habet ut natura, & quem eadem habet ut voluntas: ut natura enim, causat quia est, ac per hoc est causa determinata ad vnum; ut voluntas autem, est causa quia vult, ac per hoc est causa libera ad vtrumlibet.

Ad aliud autem ex questione de veritate respondet hoc modo. Ad sextum dicendum, quod voluntas diuiditur contra appetitum naturalem cum præcisione sumptum, id est qui est naturalis tantum, sicut homo contra id, quod est Animal tantum: non autem diuiditur contra appetitum naturalem absolute, sed includit ipsum, sicut homo includit Animal. Sensus huius solutionis aliquid explicat supra primam. Videlicet quod voluntas diuiditur contra naturam seu naturalem appetitum, etiam distinctione rei à re. Sed tunc debet sumi natura cum præcisione, pro eo scilicet quod est natura tantum, sicut est omnis alia natura præter voluntatem. In hoc namque sensu constans est, quod non potest esse eadem res, natura & voluntas, sicut nec potest esse idem animal, id quod est animal tantum, & id quod est homo.

EX HIS HABEMVS principium istud: Natura distinguitur contra voluntatem, dupliciter exponi à Diuo Thoma. Vno modo, ita ut intelligatur non de distinctione rei à re, sed de distinctione diuersorum modorum causandi, qui possunt esse etiam eiusdem rei. Alio modo, ita ut intelligatur etiam de distinctione rei à re; sed tunc debet sumi natura cum præcisione, pro eo, quod est natura

Caiet.  
21. qu.  
10. art.  
1. §. in  
resp. ad  
3.

tura tantum. Iuxta has ergo expoſitiones dupliciter quoque reſpondeo ad loca Sanctorum inducta, & ad omnia ſimilia.

SEQVENDO PRIMAM; diſtinguo antecedens argumenti facti, ſub hac forma Sancti Patres diſtinguunt naturam contra voluntatem diſtinctione rei à rei; nego antecedens: diſtinctione diuerſorum modorū cauſandi, qui etiam poſſunt eſſe in eadem re, concedo antecedens: ergo ſentiunt voluntatem nunquam operari ad modum naturæ, ſed ſemper liberè; vel nego abſolutè conſequentiam, vel diſtinguo; quando ipſa operatur vt voluntas formaliter, concedo conſequentiam: quando operatur vt natura quædam, nego conſequentiam. Itaque voluntas ſemper operatur liberè, & nunquam ad modum naturæ, quotieſcumque operatur vt voluntas formaliter, vt ſuprà ſeſtione præcedenti dicebamus. Cum hoc tamen compatitur, quòd ſub alio conceptu ſcilicet vt natura quædam (poſteſt namque vterque ille modus cauſandi in eadem re eſſe) interdum operetur naturaliter, ſeu motu naturali non libero. Quod & nos quoque libro ſecundo latè oſtendimus. Diſtinctio clara eſt, & omnino vera. Quam etiam fuſè proſequitur noſter Caietanus loco citato. Quando ergo Auguſtinus dixit, *anima ille ſi natura id faciunt, non faciunt id voluntate*; ſeu liberè; ſenſus eſſe debet iuxta primam hanc expoſitionem; quòd non ſtat aliquid facere voluntate, vt voluntas eſt ſeu liberè; & facere illud ad modum naturæ, ſeu voluntate vt natura eſt. Eodem modo explicanda ſunt reliqua.

SED SEQVENDO SECVNDAM expoſitionem, poteſt & aliter dici ad illud antecedens, Nimirum admittendo gratis, quòd Sancti Patres diſtinguunt naturam contra

voluntatem, etiam diſtinctione rei à rei; ſed tunc in forma diſtinguo ſic. Diſtinguunt diſtinctione rei à re naturam contra voluntatem; naturam ſumptam cum præciſione, ſeu pro eo quòd eſt natura tantum, concedo antecedens: naturam abſolutè: nego antecedens. Quia hæc abſolutè clauditur in voluntate, ſicut animal abſolutè clauditur in homine. Ergo ſentiunt voluntatem nunquam operari ad modum naturæ, diſtinguo conſequens eodem modo; ad modum naturæ cum præciſione, concedo conſequentiam: ad modum naturæ abſolutè, nego conſequentiam. Itaque licet voluntas nunquam operetur ad modum naturæ cum præciſione, ſicut operatur id quòd eſt natura tantum; operatur tamen interdum ſicut natura abſolutè, cum etiam in ſe rationem cuiuſdam naturæ abſolutè contineat. Quod etiam ſufficit, vt non habeat actum liberum; ſed aliquando etiam naturalem, quia non ſolum id quòd eſt natura tantum, habet actus naturales; ſed etiam id quòd eſt natura abſolutè; ſicut non ſolum id quòd eſt animal tantum, ſentit; ſed etiam id quòd eſt animal abſolutè, verbi gratia, homo. Pariter ergo, quando Auguſtinus dixit; *anima ille ſi natura id faciunt, non faciunt id voluntate*; ſenſus eſſe debet iuxta hanc expoſitionem, quòd non ſtat, aliquid facere liberè ſeu voluntate formaliter, & facere illud ad eum modum, quo operantur naturæ aliarum rerum, quæ ſunt naturæ tantum. Quæ vtrique veriſſima ſunt, & nobis minime aduerſantur.

Et per hoc etiam patet ad locum inductum ex Sancto Thoma. Tam enim conſtat, qualiter ibi voluntatem contra naturam diuidat; diſtinctione ſcilicet non rei à re, ſed diuerſorum modorum cauſandi, naturalis nempe & liberi, qui poſſunt etiam in eadem

eadem re inueniri. Vnde & iuxta mentem eius, eadem voluntas interdum habet hunc modum cauſandi, nempe naturalem, & interdum illum, nempe liberum.

SED QUID AD DOCTOREM SVBTILEM? Dico quòd ipſe ſecundum Caietanum vbi ſupra, *Diſtinxit voluntatem contra naturam, non ſolum in genere cauſa, ſed in genere rei, ſeu tamquam rem à re: ita vt crederet, eandem voluntatem non poſſe habere actum liberum & actum naturalem.* Vnde quoad hoc, tranſeat quòd Scotus nobis contradicat. Poſſet nihilominus explicari iuxta ſecundam ſolutionem: videlicet quando diuidit naturam contra voluntatem, diſtinctione rei à re; quòd ſummiſit naturam cum præciſione, ſeu pro eo quod eſt natura tantum: cum nullo verbum in tota illa quæſtione. Quodlibetica inueniatur, indicans ipſum loqui, etiam de natura abſolute. Et ſic poſſet dici, quòd nec in hoc puncto nobis aduerſatur. Niſi fortè in modo loquendi, qui in eo coſiſtit, quòd Scotus non vult vllum motum voluntatis vocari naturalem, cum non habeat pro naturali, niſi id quod eſt naturale tantum: nos autem aliquem eius motum naturalem dicimus, cum exiſtimemus etiam eſſe naturale id quod eſt naturale abſolute.

Imo eſto etiam quòd Scotus diſtinxiffet voluntatem contra naturam tantum abſolute, ita vt voluntas nec identice poſſet eſſe natura quædam; tamen adhuc Vincentio quoad principale punctum libertatis minimè patrocinatur. Quando enim docet nullum actum voluntatis eſſe naturalem, ſed omnem liberum; ita, vt libera etiam ſit libertate eſſentiali productio Spiritus Sancti, proſecto nullo modo mens illius eſt, quod huiusmodi libertas, præciſa etiam li-

bertate contradictionis, ſit ſufficiens ad meritum & demeritum, vt Vincentius contendit. Hoc enim nescio ſi vnquam Scotus ſomniauit. Vnde clariffimè & ſine vlla proriſus dubitationis in Secundo, Diſtinctione ſexta, quæſtione ſecunda, *S. Ad videndam ſolutionem iſtarum, expreſſè* Scotus. *exigit ad meritariam & demeritoriam libertatem, id quod nos curramus* *communem ſententiam exigimus, videlicet indifferentiam ſeu poteſtatem ad oppoſitum.*

Libet verba eius huc tranſcribere, vt nemini ambigendi locus remaneat. Loquens igitur in caſu, quo Angelus haberet appetitum intellectiuium merè, vt appetitum talem, & non vt liberum; ſic ſatur. *Talis Angelus non poſſet non velle commodè, nec etiam non ſummè velle talia, nec imputaretur ſibi in peccatum. Quia iſſe appetitus ſe haberet ad ſuam cognitiuam, ſicut modò appetitus viſiui ad viſum, neceſſariò conſequendo oſtentionem iſtius cognituius, & inclinationem ad optimum oſtenſum à tali potentia, quia non haberet unde ſe reſrenaret. Nonne hic apertiffimè negat Angelum iſtum habiturum ſufficientem libertatem ad demeritum, & non propter aliam cauſam, quam quia in tali caſu appetitus eius intellectiuius ſeu voluntas ſequeretur ductum cognitionis neceſſariò & abſque poteſtate ſe reſrenandi? Sentit ergo ad huiusmodi demeritoriam libertatem manifeſtè exigere indifferentiæ poteſtatem, ſicut nos contendimus.*

Et paulò poſt eundem caſum proſequens, idem repetit: *potentia autem aliqua ( inquit ) ſi fuiſſet appetitiua præciſe ſequens in actu ſuo inclinationem eius, ſicut appetitus viſiui ſequitur viſum, & eius inclinationem, tunc licet illa non poſſet appetere niſi intelligibile, ſicut appetitus viſiui non poteſt appetere niſi viſibile, tamen non poſſet tunc*

peccare. Et qua de causa Doctor subtilis? Quia non esset (ait) in potestate eius aliud nec aliter appetere, quam cognitiva ostenderet & inclinaret. O Clare! Iam distincte pro communi sententia! Imò expressissimis terminis opinionem contrariam in singulari demonstrat, siquidem asserit illum appetitum quantumvis regulatum cognitione intellectiva, non fore liberum libertate sufficienti ad demeritum, quia deesset illi potestas aliter faciendi, seu aliter appetendi.

Corn.  
inlen.  
m. 3.  
b. 6. c.  
f. in  
tunc.

**HIC PER TRANSENNAM** accipere potes lector, quam vana sit gloriatio Cornelij Iansenij, qua dixit; nemo est veterum Scholasticorum post Divum Bernardum, qui quod Sciā, evidentiū, resolutius, constantiusq; summam libertatem cum necessitate summa constare posse & re ipsa constare docuit &c. quam ille totius Scholasticæ subtilitatis Coryphaeus Ioannes Scotus. Accipere (inquam) potes, quam vana quam inania sint eiusmodi, cum ex locis iam adductis de mente Scoti tibi cōstet luce meridiana clarius. Vnde quod in quodlibetica illa quæstione a contrariis citata, summam libertatem cum summa necessitate constare docuerit; professio (ut dixi) id intelligi noluit de illa libertate de qua inter nos est quæstio, scilicet quæ sufficit ad meritum & demeritum; sed de alia quæ in hoc consistit, quod voluntas delectabiliter & complacenter, licet aliās necessariò, ad actum se determinet. Circa quod parum refert, utrum modus ille operandi, libertas essentialis vocari debeat, sicut contendit Scotus, vel non, sicut alij Scholastici. In hoc enim solum potest esse quæstio de nomine; cum de re ipsa constet, minime talem modum ad meritum aut demeritum libertatem sufficere.

Qua de causa verissimum etiam est illud, quod famosus ille Scotista

Hugo Caellus, olim Sacre Theologie apud Louanienſes Lector emeritus, scripsit in supplemento ad quæstiones Scoti in libros de Animæ scilicet quod quæstio circa hoc de processione Spiritus Sancti, utrum sit libera vel non, quæ est inter Scotum & alios, magis est de modo loquendi quam de re ipsa. Quia nimirum in re convenit Scotus, quod illa libertas quæ conspicitur in productione Spiritus Sancti, non sit ad meritum aut demeritum ex se sufficiens, licet illi nomen libertatis constanter tribuat.

Hugo  
Caellus in  
suppl.  
dilect. 3.  
sect. 14.  
nu. 3.

Vnde nec audiendus est Vincentius in epistola sua Circulari, ubi hac in parte Caellum redarguere conatur his verbis. Non ergo in Scoti doctrina satis constans mihi fuisse videtur doctissimus P. Caellus, dum libertatem illam essentialē sic extenuat, ut controuerſiam de hac libertate videri sibi non esse de re ipsa sed de modo loquendi affirmet.

In epist.  
circu-  
lari de  
libero  
arbitrio.  
15. in  
fine.

Dico circa hoc, Vincentium non esse audiendum: nam præter Caellum, idem sentiunt antiqui Scotistæ, quibus circa mentem Scoti Maior est adhibenda fides. Lege Gabrielem in primo distinctione decima, quæstione secunda in principio, & sic dicentem inuenies. Considerandum est, quod quæstio ista, potius consistit, in quid nominis terminum, quam in re. Imò & alios antiquos citat, & insuper superaddit id ipsum posse sumi ex dictis Doctoris subtilis.

**SED INSTAT** Vincentius, quod libertas illa cum summa necessitate compatibilis secundum opinionem Scoti, tamen vera & re ipsa libertas sit, ut Scotus alibi dicat; Christum meruisse omni actu secundum naturam humanam, etiam actu beatifico, quo secundum portionem superiorē fruebatur Deo. Quomodo autem (inquit) fructus illa meritoria esse potuit, si solum nomine tenus, non verè & propriè libera fuit?

Scotus  
in 3.  
dist. 18.  
q. 3.

Vincen-  
tius ubi  
supra.

RE-

**RESPONDEO**, replicam illam nil contra Cavellum convincere: nam ex eo quod Scotus docuerit, actum beatificum fruitionis fuisse in Christo meritorium, ac proinde verè & propriè liberum; minime sequitur, illam alteram libertatem essentialem cum summa necessitate coniunctam, verè & propriè libertatem esse. Patet hoc evidentiissime: nam actus beatificus in opinione Scoti, non habet solam libertatem essentialem, sed veram libertatem contradictionis: cum ipse (ut supra vidimus & Vincentius etiam in sua epistola circulari fatetur) posuerit huiusmodi actum esse simpliciter contingentem: ac proinde rectè compatitur, in eius sententia, quod ille actus beatificus meritorius, & verè liber sit, & tamen verè liber non sit ille alter, qui solam haberet libertatem essentialem, qualis est actus voluntatis simpliciter necessarius.

Et certè quando omnia ista dicta modò Scoti, modò Sancti Thomæ à Vincentio in suam propriam sententiam tamquam in unum cacabam collecta conspicio; videntur mihi (ut Plauti verbo utar) *itidem olere*, quasi quum vna multa iura confundit coquus. Quæ quæso convenientia illius sententiæ Sancti Thomæ, quod nempe amor beatificus sit ab intrinseco seu ex natura rei necessarius, cum illa Scoti, quod huiusmodi amor est ab intrinseco & ex natura rei contingens? Rursus quæ conventio illius sententiæ Vincentij, quod nempe sola libertas essentialis etiam absque omni libertate contradictionis, est sufficiens ad meritum, cum illa Scoti, quod amor beatificus, libertate contradictionis gaudens, vere meritorius sit? Vincenti, Iuristæ dicitur, distinguere tempora & concordabunt iura,

sed coquo dici debet, distinguere cacabos; & concordabunt pulmentaria.

## SECTIO. III.

*Soluntur loca Sanctorum Patrum, spectantia ad Tertiam Classem.*

**AD TERTIAM CLASSEM** reduco omnia illa loca, in quibus Sancti videntur docere, actum voluntatis eo ipso esse liberum, quod ducem habet rationem. Si namque hoc verum sit; sequitur intentum Vincentij; videlicet actus omnino necessarios posse quoque esse verè liberos, cum nonnulli eorum sint, qui ducem habent rationem, imò & perfectissimam rationem; sicut cernere est in inspiratione Spiritus Sancti & amore beatifico.

**AD HANC IGITUR CLASSEM PERTINET PRIMO** locus ille Damasceni libro tertio, capite decimo quarto, *Orthod.* ubi sic factur. *Enim verò cum voluntatem dicimus, non eam coactam ac necessitate constrictam sed liberam dicimus. Nam si rationis particeps est, utique est libera.* Perpende illa ultima verba. Facit quasi hanc consequentiam. Voluntas est rationis particeps, ergo est libera. Sentit ergo, quotiescumque ratione ducitur, esse liberam.

Nec valet dicere, quod loquitur præcisè de voluntate suppositi, seu de libertate potentia, aut quasi in actu primo, non autem de libertate actus secundi, tamquam nil aliud prætendens, quam suppositum seu potentiam gaudere libera virtute, per hoc præcisè quod sit particeps rationis: cum quo tamen comparatur, quod aliquid amplius requiritur,

Suprà  
lib. 2. c.  
13.  
In epist.  
circulari  
c.  
19.

Plautus  
in *Mc-  
stell*,



tur, ad libertatem in actu secundo, scilicet taliter facere, ut possit non facere.

Non (inquam) valet: nam in contra insurgit Vincentius. Ut apertius intelligas (inquit) ad actualis quæ voluntatis libertatem sufficere, quod dirigatur iudicio rationis, libro de duabus voluntatibus, & alibi expressè affirmat idem Damascenus, hominem quatenus rationis est particeps, rationem ducem in appetendo sequi, liberosque appetitus habere. En manifestè sermonem de actibus seu de motibus ipsis.

Deinde libro secundo, capite vigesimo secundo idem prosequitur. In hominibus (inquit Damascenus) utpote ratione præditi, naturalis appetitio, non tam ducit, quam ducitur. Mera enim ac libera potestate & cum ratione mouetur: quod videlicet appetitus & cognitiue facultates in homine coniunctæ sint. Ac proinde libera potestate appetit, vult, querit, considerat, deliberat, iudicat, afficitur, eligit, ad agendum fertur, ac denique in us rebus, quæ naturæ consentaneæ sunt, agit. Vbi (ut iterum ponderat Vincentius) totam illam catenam actuum voluntatis, ab initio ad finem liberam esse, definit, quia à ratione ducitur ac mouetur: loquitur ergo non solum, de libertate suppositi seu potentie, sed etiam de libertate actus.

PERTINET SECVNDO locus ille Bernardi libro de libero arbitrio, ubi inanere in diabolo, aut homine malo meritum malum probat, quia Diabolus vel homo malus cum viget & vigilat ratione, iam quidem merentur; sed non nisi penam, pro eo quod à bono dissentiant. E contra verò sermone octuagesimo primo in Cantica, negat bruta in agendo libera esse, quia iudicio rationis carent, quo appetitus suos regant: Sensus enim aguntur (inquit) feruntur impetu, rapiuntur

appetitu. Neque enim iudicium habent quo se dydicent, siue regant. Sed ne instrumentum quidem iudicii, id est rationem. Inde est, quod non iudicantur, quia non iudicant. In eodem ergo sensu est Bernardus; videlicet ad actum aliquem liberum voluntatis sufficere directionem rationis, sicut e contra liber actus reperiri nequit, ubi directio rationis deest.

His Patribus adiungit Vincentius locum illum Sancti Thomæ, ex Primo contra gentes, capite octuagesimo octauo, dum dixit; homo dicitur præ cæteris animalibus liberum arbitriū habere, quia ad volendum iudicio rationis inclinatur, non impetu naturæ, sicut bruta. En ubi eodem prorūs modo libertatem humanorum actuum explicat, videlicet quia proficiuntur ex iudicio rationis.

Pro vera intelligentia; PRÆNOTARE OPORTET PRIMO: quod dupliciter potest concludi libertas ex intellectu seu ratione. Vno modo ut concludatur præcisè libertas suppositi, quæ tantum est libertas in actu primo, seu liberū arbitrium per modum potentie, ratione cuius dicitur aliquis posse liberè operari: alio modo ut concludatur etiam libertas ipsius actus, quæ est libertas in actu secundo, ratione cuius dicitur aliquis liberè operans de facto. Primo modo fieret; argumentando sic: hoc suppositum habet intellectum seu rationem: ergo habet quoque liberum arbitrium, seu liberam potentiam, Secundo modo fit dicendo; hic actus regulatur intellectu, seu ratione: ergo hic actus est liber. Sed est diuersitas inter istos modos concludendi.

SI CONCLUDERE VELIS iuxta primum, tenet semper consequentia, etiam si nihil ponatur in antecedenti, nisi nudus intellectus seu nuda vis rationalis. Sequitur namque omnino legitimè: Deus habet

R in-

Vincet.  
in Tho-  
riaca 1.  
c. 5.

Vincet.  
ibid.

Vincet.  
in Tho-  
riaca 1.  
c. 7.

intellectum, ergo habet potentiam quæ est liberum arbitrium. Angelus & homo sunt intellectui seu rationales, ergo sunt quoque liberi arbitrij. Ratio est, quia teste Damasceno, *liberum arbitrium nil aliud est quam voluntas*, quod (vt explicat Diuus Thomas prima parte, quæst. octuagesima tertia, articulo quarto,) idem est dicere, ac quod *voluntas & liberum arbitrium non sunt due potentie sed una*: vnde sicut ratione essentialis connexionis intellectus cum voluntate, benè sequitur; hoc habet intellectû, ergo hoc habet voluntatem; ita pariter sequi debet; hoc habet intellectum, ergo habet liberum arbitrium, sumpto arbitrio pro potentia libera, quæ est voluntas.

At iuxta secundum modum concludendi non bene sequitur, nisi aliquid amplius in antecedenti subintelligatur, quam nudus intellectus seu nuda vis rationalis. Non enim sequitur; hic actus regulatur intellectu seu ratione, ergo hic actus est liber. Antecedens est verum pro actu spirationis Spiritus Sancti, & consequens pro eodem actu est falsum. Ratio iterum est, quia (vt constat ex dictis suprà libro secundo) libertas actus voluntatis non fundatur in quolibet intellectu aut quolibet eius actu, sed tantum in actu indifferenter proponente obiectum. Vnde vt consequentia sit legitima, pro concludenda libertate actus, debet in antecedenti subintelligi intellectus seu etiam actualis intellectio, non qualiscumque, sed intellectus cum tali intellectione, quæ sit iudicii indifferens. Et sic bene sequetur dicendo hoc modo. Hic actus regulatur intellectu seu ratione (id est ratione indifferenti) ergo hic actus est liber. Possuntque hæc omnia illustrari à simili in passione illa hominis, quæ dicitur admiratiuum. Benè enim sequitur lo-

quendo de admiratiuo per modum actus primi; hoc habet vim discursiuam: ergo hoc est admiratiuum; propter essentialem connexionem vnus cum altero. Et tamen non sequitur, quemcumque actum intellectus discurrentis sufficere ad admiratiuum per modum actus secundi seu ad admirationem actualem. Hæc enim (teste Diuo Thoma, Prima secundæ, quæstione trigesima secunda, articulo octauo, in Corpore) non fundatur in quolibet actu intellectus, sed determinatè in illo, quo videtur effectus ignorata causa. Sic proportionabiliter dicendum in casu nostro. Bene sequitur; hoc habet intellectû, ergo est liberi arbitrij; propter essentialem vtriusque connexionem; non tamen ex eo fit consequens, quod quilibet actus intellectus ad libertatem actualem sufficiat: hæc enim, determinatè fundatur in actu iudicii indifferents.

**PRÆNOTARE OPORTET**  
**SECVNDO**: Sanctos aliquando vfos fuisse primo modo concludendi, aliquando etiam secundo. Exemplum primi occurrit ex Damasceno, dum libro primo *Orthod. capite vigesimo septimo* dixit, quod *homo cum rationalis sit &c. potestatem habet refrenare appetitum aut ipsum sequi*. Quasi concludens, hominem esse suppositum, liberi arbitrij seu liberæ potestatis, ex eo quod habet intellectum seu rationem. Exemplum etiam occurrit ex Diuo Thoma, dum quæstione vigesima quarta de veritate, articulo primo in tertio argumento *sed contra* sic Arguit. *Liberum arbitrium est facultas voluntatis & rationis, sed in homine inuenitur ratio & voluntas: ergo & liberum arbitrium*. En concludit in homine libertatem suppositi seu liberi arbitrij per modum potentiz, ex eo quod in ipso sit ratio seu intellectus. Idem inuenies ibidem articulo

culo secundo in Corpore. Ratio (inquit) plenē & perfectē inuenitur solum in homine, & immediatē infert; unde in eo solum, liberum arbitrium plenariē inuenitur. Exemplum secundi habemus ex loco illo Damasceni iam citato ab arguente; quo dicit, quod homo libera potestate appetit, vult, querit &c. quod videlicet appetitiua & cognitiua facultates in homine coniuncte sunt. Quibus verbis libertatem etiam ipsorum actuum ex intellectu seu ratione concludit. Idem reperitur in Augustino, qui teste Diuo Thoma, questione citata de Veritate, articulo quarto ad Duodecesimum pro eodem reputat, actum esse liberum, & esse rationalis animæ motum. Ac proinde sentit bene sequi. est motus rationalis animæ, seu motus ratione regulatus: ergo est actus liber.

HIS PRÆNOTATIS potest facillimo negotio authoritatibus inductis satisfieri, absq; eo quod menti Sanctorum vel in minimo detrahat.

DE ARGVENTI optionem in hunc modum. Vel enim vult authoritates intelligi de libertate suppositi seu in actu primo, vel de libertate in actu secundo. Si de libertate suppositi; ita vt ex ratione seu intellectu existente in aliquo supposito, intulerint liberum arbitrium, seu liberam potentiam in eodem; dico quod communi nostræ sententiæ minimē aduersantur. Verum enim est, quod ex virtute intellectus alicuius suppositi, rectē inferatur in eodem supposito liberum arbitrium, seu potentia libera, vtpote cum in omni & solo habente intellectu, huiusmodi potentia inueniatur; tamen ex hoc non sequitur, quod quilibet actus intellectus seu iudicij quantumvis determinati sufficiat ad libertatem in actu secundo, vt Vincentius contendit. Nam quamvis connexionem

habeat liberum arbitrium per modum potentiae cum ipso intellectu; ita vt ab vno ad alterum consequentia teneat; tamen ipse actus liber non habet connexionem cum quolibet actu intellectus; sed solum cum actu intellectus indifferenter proponente obiectum. Teste enim Sancto Thoma in Secundo ad Annibaldum, Distinctione vigesima quarta, questione vnica, articulo secundo, libertas prouenit ex ratione, quæ ad oppositam viam habet, non ex qualibet ratione absolute.

Si verò arguens velit authoritates inductas intelligi de libertate etiam ipsius actus secundi; ita vt argumentum Sanctorum sit; hic actus voluntatis est regulatus ratione: ergo hic actus est liber; dico quod tunc in antecedenti debet subintelligi indifferencia, ac si dixissent; hic actus regulatur ratione indifferenter: ergo est liber. Nec mirum videatur hanc limitationem debere subintelligi, & à Sancti Patribus aliquibus in locis non fuisse expressam: Nam (vt supra ex Sancto Thoma didicimus) aliquando Sancti Doctores causā breuitatis, determinatione ommissa in aliquibus materijs loquuntur: est tamen in eorum dictis intelligenda determinatio, maxime quando illam frequenter satis alijs in locis expresserunt, vt eos in hac materia de libertate fecisse, constat ex ijs, quæ libro primo ex ipsorum mente adduximus.

Præterquam quod & in locis, quæ arguens in præsentiarum adducit, sufficienter hanc eandem limitationem expressisse cōprobantur; si propositiones eorum attentē ponderentur. Requirit enim ad libertatem actus; Damascenus quidem, quod voluntas rationem ducem in appetendo sequatur; quod à ratione propria ducatur & moueatur, & Diuus Thomas, quod ad volendum ipso iudicio rationis

Supra  
c. 3. §.  
In præ-  
sentia  
no.

Lib. 1. a  
cap. 16.  
& de in-  
ceps.

*inclinatur*, quæ profecto in sensu formali & proprio intellecta, sufficienter indicant ipsos loqui de ratione & iudicio indifferenti. Non enim ratio ipsa ducit, mouet, aut inclinat voluntatem ad volendum, nisi quando ex propria sua determinatione eidem præfigit vnum extremum potius quam aliud; quod solum præstat, quando obiectum inspicit indifferenter, non autem quando circa illud ab intrinsecis est determinata. Si namque ratio ex natura sua circa aliquod obiectum determinata sit, ita ut non possit sic vel aliter de prosecutione eius iudicare & proponere; reuera tunc rationi tribui non debet; sed potius naturali determinationi, quod voluntas huiusmodi obiectum prosequatur vel à prosecutione desistat: ac proinde tunc ad volendum ex ipsa ratione nec ducitur, nec mouetur, nec inclinatur; sed potius ex *impressione primæ causæ seu ex impressione diuina*, à qua animæ similis determinatio naturalis inest, ut loquitur Diuus Thomas in quarto, distinctione quadragesima nona, quæstione prima, articulo tertio, quæstiuncula secunda in Corpore ad primum: quod & nos supra libro secundo fuisse ostendimus, & infra libro quarto iterum inculcabitur.

## SECTIO IV.

*Soluuntur loca Sanctorum Patrum, spectantia ad quartam Classem.*

**A**D QUARTAM CLASSEM reduco illa loca, in quibus Sancti videntur adstruere in natura lapsæ esse necessitatem peccandi. Quod si verum est; nos peccamus necessario,

& cum ex alia parte constet nos peccare liberè, fit consequens, necessitatem cum libertate compati.

Ad hanc igitur classem PERTINET PRIMO, illud dictum Augustini contra Iulianum. *Multum erras qui vel necessitatem nullam putas esse peccandi, vel non intelligis illius peccati esse penam, quod nulla necessitate commissum est.* En ubi dicit ex peccato originali homines in peccandi quandam necessitatem præcipitatos esse. Sic Vincentius.

Vincen.  
in The  
riaca l.  
1. c. 12.

PERTINET SECUNDO aliud dictum eiusdem aduersus Pelagium. *Quod ex vitij natura (inquit) non ex conditione naturæ sit quedam peccandi necessitas, audiat homo, atque ut eadem necessitas non sit, dicat Deo dicere, de necessitatibus meis educ me.* En idem quod prius. Sic iterum Vincentius.

Vincen.  
ibid.

PERTINET TERTIO id quod dicit libro primo retracta. capit. decimo quinto, *qui cogenti cupiditati bonæ voluntate resistere non potest, & ideo facit contra præcepta iustitiæ, iam hoc ita peccatum est, ut si etiam pena peccati.* Quid clarius? Affirmat actum esse peccaminosum & contra præcepta iustitiæ, cui tamen homo bona voluntate resistere non possit: ac proinde sentit hominem tali necessitate peccare hic & nunc, ut potestatem resistendi non habeat. Meminit etiā istius loci Vincentius.

Vincen.  
ibid.

PERTINET QUARTO Bernardus sermone octuagesimoprimo, in Cantica. *Quis me (inquit) liberabit de manibus meis? Non quod volo ago, sed me, non alio prohibente: & quod odi, illud facio: sed me, non alio compellente. Atque vimam prohibitio hæc & hæc compulsio ita violenta esset, ut non esset voluntaria: forsitan enim sic possem excusari: aut certe ita esset voluntaria, ut non violenter.* Profecto enim sic possem corrigi. Nunc verò nusquam exitus misero patet, quæ voluntas inexcusabilem &

incom-

Suprà  
1. 2. c. 8.  
Dicit  
quod hæc  
Infra 1.  
4. c. 2. §.  
Respon-  
dit 2.

incorrigibilem necessitas facit. O Bella, ò Fortis, ò Robusta Philosophia, exclamat Vincentius. Dicit Bernardus ex vna parte, compulsionem istam & necessitatem peccandi adeò violentam esse, vt homo corrigere se non possit: & ex alia parte subiungit, à peccato eandem non excusare, ac proinde arbitrij libertatem non euertere. Sentit ergo ad veram libertatem, potestatem ad oppositum non requiri.

Suprà l. 1. cap. 17. per totum.  
Fateor Doctor Catholice plurimorum huiusmodi loca in Sanctis Patribus inueniri: sed reuolue attentius illa, quæ suprà ad mentem Augustini ex Diuo Thoma annotauimus, & errorem tuum conspicias. Necessitatem peccandi vocant, nõ qualem tu imaginaris, ita arctam & constrictam, vt non sit hic & nunc in indiuiduo vera potestas abstinendi; sed quia nomine necessitatis, vel intelligunt aliquando necessitatem moralem peccandi vagè; vel aliquando maximam difficultatem, quæ hic & nunc in abstinendo reperitur. Itaque quotiescumque Sancti adstruunt in natura lapsa esse necessitatem peccandi, vno ex duobus modis debent exponi: vel de necessitate morali peccandi vagè, vel de maxima difficultate in abstinendo. Sed nec necessitas ista moralis peccandi vagè; nec difficultas in abstinendo quantumuis vrgentissima sit, auferunt veram potestatem, qua homo hic & nunc quodlibet peccatum vitare possit. Hæc est, Vincenti, bella, fortis, & robusta Philosophia ex Diuo Thoma, ex Augustino, ex Anselmo deprompta, vt suprà luculenter satis inculcatum est.

Suprà lib. 1. c. 17. per totum. Et c. 18. Magister.  
Hæc ergo satisfactum arbitror quartæ tuæ classi, absque eo quod ad singula testimonia descendamus. Et si fortè ad singula etiam speciatim responsionem desideras; non recu-

so laborem; fiat voluntas tua.

IN PRIMO itaque dicit Augustinus Iuliano; *Multum erras, qui vel necessitatem nullam putas esse peccandi.* Verisimè dicit, sed pro nobis. Fatemur aliquà esse necessitatem peccandi in natura lapsa: non tamen talem, qualis est necessitas absoluta, specificationis & exercitij simul, excludens hic & nunc in indiuiduo veram potestatem vitandi; sed solum intelligendo nomine necessitatis, necessitatem moralem peccandi vagè; quæ tamen hic & nunc in indiuiduo potestati indifferentiæ obesse nequit. Imò pondera verba Augustini. Non enim condemnat Iulianum, quia ipse dixerit (sicut nos defendimus) posse hominem in quolibet actu diuini non peccare; sed quia affirmabat posse etiam non peccare per totam seriem vitæ, in quo adtruebat potestatem vitandi, etiam omnia collectiue; ac proinde excludebat necessitatem peccandi vagè, seu aliquando cadendi: vnde & illa vox eiusdem, *liberum arbitrium & post peccata tam plenum est, quam fuit ante peccata*: quasi homo lapsus non esset magis necessitatus ad peccandum, quam fuit Adam ante peccatum, qui omnia diuini & collectiue vitare potuit. Ergo contra huiusmodi ingenij hominem aliquam peccandi necessitatem adstruens, solum intendit stabilire illam, quæ est respectu alicuius peccati vagè, nisi gratia præueniat, non autem illam, qua hic & nunc in indiuiduo necesse sit peccare. Talis namque necessitas manifestè continet hæresim Manichæam, vt suprà Diuum Thomam dicentem audisti.

SECUNDVM TESTIMONIUM licet ex hoc quoque specialiter solutum sit, iubet adhuc specialius exponere. Fundatur namque in illa propositione Psalmi, *De necessitatibus*

*statibus meis educ me. Sed qualem quælo sensum facit? An nē quia necessitates istæ tam arctæ sint, vt non remaneat mihi in indiuiduo potestas resistendi, saltem per modum virtutis sufficientis in actu primo, sicut nos ad libertatem requirimus? Audi Sanctum Thomam sibi obijcientem & respondentem quæstione vigesima quarta de Veritate, articulo duodecimo. Septimum argumentum erat huiusmodi. Quod est necessarium, vitari non potest: sed peccata quedam sunt necessaria, vt patet per illud Psalmi, De necessitatibus meis erue me Domine: ergo homo per liberum arbitrium peccatum vitare non potest. Putasne, Vincenti, respondebit, sicut secundum tuam Philosophiam possem respondere; concedendo quod homo hoc vel illud peccatum vitare non potest; & tamen dicendo, eum libere peccare; quia cum impotentia hoc vel illud vitandi, stat libertas sufficiens ad hic vel ibi peccandum? Si sic responderet, profecto arma mea in sinu tuo deponerem, vel etiam igni comburenda sponte traderem: attamen quia longè aliter respondet; imò nec umbram talis responsionis, aut vllum prorsus vestigium insinuat; ideo & tota mente persulto, & omnino pertinaciter pro veritate certo. Attende igitur responsum. Ad septimum (inquit) dicendum, quod peccata dicuntur necessaria in quantum non possunt vitari omnia, quamvis possint vitari singula. Estne hoc dicere peccata hic & nunc tali necessitate a nobis committi, vt hic & nunc non sit in nobis potentia vitandi? Totam quidem collectionem (inquit) naturaliter, & sine gratia vitare non possumus, ac proinde necesse habemus quædam incidere in peccatum, vagè scilicet, vt loquitur ibi ad vigesimum secundum; sed cum tali necessitate vaga compatitur, quod singula in*

indiuiduo vitare possumus, ita vt nullum sit in particulari, quod cum impotentia vitandi committatur. Exemplum supra dedi, & nunc iterum appono. Necessè namque est moraliter loquendo, vt ex tota multitudine hominum aliquis sedeatur, & ita quidem est hoc necesse, vt moraliter, id est, attenta tanta varietate hominum & circumstantiarum, non solum oppositum nunquam contingat; sed nec contingere possit, vt aliquis homo vagè non sedeatur. Cum hoc tamen stat, quod nullus in particulari tanta necessitate sedeatur, quin possit non sedere. Hæc ergo necessitas & non maior inuenitur absque gratia, in peccatis vitandis. Necessè namque est moraliter, vt homo lapsus ex tota multitudine suorum actuum, aliquando vnum vagè eliciturus sit peccaminosum, ita vt attenta frequentia tot occasionum peccandi, oppositum non solum non contingat; sed nec contingere possit: vt nempe saltem aliquis actus vagè, non sit tandem peccaminosus. Sed cum hoc (libet inculcare iterum) debet componi, nullum actum in particulari, seu in indiuiduo peccaminosum, tali necessitate elici, quin possit non elici; si velis hæresim Manichæam declinare. Hanc ergo necessitatem & non aliã, intendit Augustinus ex citata propositione Psalmi, De necessitatibus meis erue me. Vnde & rectè dixit, ex vitis nature est quedam necessitas peccandi. Non dicit, necessitas absolute; sed, quedam. Quasi indicans, tantum morale esse, & respectu aliquis peccati vagè, non verò respectu peccatorum hic & nunc in indiuiduo occurrentium.

IN TERTIO TESTIMONIO dicit, quod homo cogenti cupiditati bona voluntate resistere non potest. Quasi iterum desit potentia resistendi. Sed false.

Supra  
l. i. cap.  
17. § 2.  
Nota ex  
de Brina



falleris, Vincenti, sic glossans. Audi iterum Angelicum Præceptorem in eodem loco, & sanius erudieris. Objicit sibi in duodecimo argumento eandem numero propositionem. Augustinus (inquit) in libro retractationum dicit, cogenti cupiditati voluntas resistere non potest: sed cupiditas ad peccatum inducit: ergo voluntas humana sine gratia non potest peccatum vitare. Putasne rursum consequentiam esse concedendam: scilicet quod voluntas sine gratia non habeat potestatem vitandi? Aures erige. Ad duodecimum (inquit) dicendum, quod cupiditas non potest intelligi esse cogens liberum arbitrium (scilicet taliter ut auferat potestatem vitandi: tunc enim absolute cogeret, ut supra ostensum est) sed dicitur cogens propter vehementiam inclinationis, cui tamen potest resisti, licet cum difficultate. En, Vincenti, ille est legitimus Augustini sensus è fonte Thomistico depromptus. Potestatem certè resistendi concupiscentiæ constantissimè affirmat, licet difficultatem non inficietur. Quod ergo verba Augustini sonant, de non posse nos resistere hic & nunc cupiditati, hoc ipsum interpretandum est, non de non posse simpliciter, sed de non posse sine difficultate.

Et frequentem esse illum modum loquendi inter Sanctos Patres, quo impossibile dicimus, id quod sine difficultate non possumus; licet absolute possimus; testatur in primis Anselmus verbis clarissimis. Frequenti namque vsu (inquit in dialogo de libero arbitrio capite sexto) dicimus, nos non posse aliquid, non quia nobis est impossibile, sed quia sine difficultate non possumus. In eodemque sensu explicat iterum Sanctus Thomas dictum quedam Athanasij Opusculo primo contra errores græcorum capite vigesimo octavo. Dixerat A-

thanasius in epistola ad Serapionem, quod Arrianos qui non semel tantum sed pluries blasphemarunt, impossibile est non blasphemare: quod videtur (subnequit Sanctus Thomas) libertati arbitrii repugnans, utpote auferens potestatem indifferentem. Sed (respondet) quod impossibile hic pro difficili sumitur, quæ difficultas ex consuetudine provenit: sicut & Hieremie decimo tertio dicitur, si mutare potest Aethiops pellem suam, & vos poteritis bene facere cum didiceritis malum. En quod impossibile dixerat Athanasius, glossat Thomas Catholicè pro difficili, Anselmi doctrinam omnino secutus. Et certè exemplum quoque huius in Philosophicis est ad manum. Dicitur namque quarto Physicorum capite de infinito, quod infinitum vno modo dicitur, quod nullo modo potest pertransiri; alio modo quod vix & cum difficultate. Sic pariter impossibile, vno modo dicitur quod nullo modo potest fieri, seu respectu cuius non est potestas ut fiat, alio modo, quia vix, & sine difficultate non potest fieri. Quando ergo Sancti videntur dicere, quod homo hic & nunc aliquando non potest resistere, non potest vitare &c. capiunt impotentiam vel impossibilitatem pro difficultate. Hæc est, Vincenti, Doctrina Catholica; illam festare, illam sequere, & magnum Augustinum non euerforem sed liberi arbitrii defensorem facies.

QUARTVM iam restat testimonium, quod est Bernardi, & fundatur in illa propositione Apostoli, non quod volo bonum, hoc ago, sed quod odi malum, illud facio. Piacet iterum præceptorem meum Angelicum audire? Absque dubio placebit, quia Thomistam te esse non inficiaris, licet non de numero modernorum. Igitur Prima Secundæ quæstione decima, articulo tertio ad illum locum

Pauli sic fatur. *Ad primum ergo dicendum, quod etsi voluntas non possit facere quin motus concupiscentiæ insurgat, de quo Apostolus dicit Romanorum septimo, quod odi malum illud facio; id est concupisco, tamen potest voluntas non velle concupiscere aut concupiscentiæ non consentire, & sic non ex necessitate sequitur concupiscentiæ motum. Non vides iterum S. Thomam negare necessitatem, quæ auferat posse ad oppositum? in eodem ergo sensu accipe dictum Bernardi. Necessitas (inquit ipse) incorrigibilem facit; non tamen sic, ut malo dissentire absolute non possim, seu quia correctio sit absolute impossibilis, sed quia summe difficilis est propter vehementiam inclinationis.*

Ast non & vides modò, Vincenti, me nihil ad tuas obiectiones dicere, nisi ex Diuo Thoma? Cur ergo non acquiescis, si huius Magistri doctrinam proferis? An nè Magistrum vocas, cuius non vis esse discipulus? Vincenti, lenitatem præfers in nomine, sed interim dura nimis ceruice Præceptoris tuo resistis. Verùm ignoscamus: nā epistola tua ad Diffinitorium capituli nostri Louanienfis nupèr missa; qua Theses meas de libero arbitrio huic operi iam præfixas, prohiberi postulabas, te excusat. Aiebas etenim te Augustinum sequi, & mihi Sanctum Thomam dabas, quem iudicio tuo non oportebat sequi, relicto maiori duce Augustino: quasi opinione tua duo

duces contrarij sint Thomæ & Augustinus.

Sed quàm barbarè & hoc!  
diuide-  
bat

olim Deus lucem à tenebris; at lucem à luce  
diuidit Doctor A-  
rausicanus.

## SECTIO V.

*Soluuntur loca Sanctorum Patrum  
spectantia ad quintam  
Classem.*

**A**D QUINTAM CLASSEM reduco pariter illa loca, in quibus Sancti videntur tribuere Deo & Beatis respectu aliquorum actuum, necessitatem simul & libertatem, sublatam omni indifferentia etiam contradictionis.

**PERTINET PRIMO** ad hanc Classem Augustinus libro de natura & gratia, capite quadragesimo sexto, ubi cum Pelagius ei obiecerit, voluntatis arbitrio ac deliberatione priuatur, quod naturali necessitate constringitur; respondet sic. *Perquam absurdum est, ut ideo dicamus non pertinere ad voluntatem nostram (hoc est ad libertatem) quòd Beati esse volumus, quia id omnino nolle non possumus, nescio qua, & bona constrictione naturæ. Nec dicere audemus, ideo Deum non voluntatem, sed necessitatem habere iustitiæ, quia non potest velle peccare. Ad quæ verba sic subiungit Vincentius. Vbi vides, bonam constrictionem naturæ, qua homo beatus esse vult, & qua Deus contritus, necessariò & tamen liberè, omnia quæ vult, bene & iuste vult. Quasi iuxta mentem Augustini ster libertas in Deo cum necessitate, sublatam omni indifferentia, etiam contradictionis.*

**PERTINET SECVNDO**, illud eiusdem Augustini libro primo operis imperfecti contra Iulianum, capite centesimo. *Siccine Deum laudas (inquit) ut ei auferas libertatem? An potius intelligere debes, esse quandam beatam necessitatem, qua Deus iustus esse non potest? En idem quod prius. Beatam illam necessitatem,*

Vincen-  
rius in  
Ther. l.  
1. c. 12.  
circa fi-  
nem.

Vincen-  
rius  
ibid.

qua

qua Deus malum facere non potest, libertatem dicit non auferre.

**PERTINET TERTIO** aliud, & ex eodem quidem libro, capite centesimo undecimo. Vbi cum iterum Iulianus Augustino obiecit, ab ipso liberum hominis arbitrium subverti, quia ante gratiam ponebat mali necessitatem, post gratiam autem necessitatem boni; respondet: *Discurus es (ut video) Deum necessitate premi, ut peccare non possit, qui utique nec potest velle, nec vult posse peccare. Imò si necessitas dicenda est, qua necesse est aliquid vel esse vel fieri, beatissima ista omnino necessitas, qua necesse est feliciter vivere, & in eadem vita necesse est non mori, necesse est in deterius non mutari. Hac necessitate (si necessitas etiam ipsa dicenda est) non premittitur Sancti Angeli, sed fruantur, Ad quæ iterum Vincentius. Significat beatissimam necessitatem, qua Deus & Beati omnia bene & iuste volunt, non esse necessitatem, qua voluntatis libertatem premit & strangulet, etiamsi aliquid per illam necessitatem fieri necesse sit.*

**PERTINET VLTIMO** locus quidam ex Quinto de Civitate Dei, capite decimo. Si illa (inquit) definitur necessitas, secundum quam diximus necesse esse, ut ita sit aliquid, vel ita fiat; nescio cur eam timeamus, ne nobis libertatem auferat voluntatis. Neque enim & vitam Dei, & præsentiam Dei sub necessitate ponimus, si dicamus, necesse esse, Deum semper vivere, & cuncta præscire. Sentit ergo iterum, libertati actus non obesse, quod habet necesse estendi, etiam subblata omni indifferentia.

Plura alia ad hanc Classsem spectantia inuenire est in Iansenio, tomo tertio, libro sexto, capite septimo & octauo, sed quia ad nauseam fortè inculcarem, faciendo per plura, quod potest fieri per pauciora, omitto.

Duo TAMEN omittere non possum, quæ ibidem in fine capitis octaui Iansenius subiungit.

**PRIMUM:** in Augustini doctrina paradoxum inauditum esse quod actus aliquis voluntatis propterea liber sit, quia ab illo desistere voluntas & non agere potest. Ex quo fit (inquit) ut in illo consensu (quo cum Pelagianis de libertate disputat) in nullis eius libris, vel semel inueniri queat vnus textus, vel vestigium opiniois istius.

**SECUNDUM:** quod ipse loco miraculi esset habiturus, si in Augustini doctrina ostendi posset, voluntatem non esse in amore beatifico liberam.

Mira sunt profecto hæc, noua sunt; sed (ut alibi dixi ex Augustino) mira stupemus, noua cauemus. Iansenius autem nec ista cauet, nec illa stupet: quin potius de sua doctrina fatetur. Mira videbitur Scholasticis ista doctrina. Et alio in loco, Recentioribus inaudita est, & non mediocriter mira videbitur.

**AD PRIMUM** respondeo, sicut olim Augustinus Iuliano, licet in alia materia. Rimam queris (Iuliane) inter tot innocentie præsidia, qua potuerit intrare peccatum, cum tibi ostendat Apostolus Paulus, non rimam, sed apertissimam ianuam. Sic & ego Iansenio in præsentia. Rimam queris, Iansenie, aut vestigium communis nostræ sententiæ in Augustino, cum tibi tot euidentiæ testimonia (quæ libro primo commemorari) non rimam aut vestigium ostendant; sed apertissimam ianuam. Præterea nonne alibi ex Sancto Thoma retuli; quod Augustinus contra Manicheos, qui destruebant libertatem arbitrij, taliter disputat, quod videtur in hæresim Pelagij incidisse? Quomodo ergo stare potest, quod in scriptis eius nullum esset vestigium, pro indifferentia requisita ad libertatem, vbi Pelagius requirebat indifferentiam etiam contrarietatis?

Iansen.

Suprà lib. 1. c. 17.

Iansen. tom. 3. l. 6. c. 6. §. Doctrina igitur &amp; c. 12. in prin.

li. 3. c. 5. tra Iul. c. 14.

Suprà cap. 2. §. Nunc &amp; illud.

Vincet. in Theoria. lib. 1. c. 25. circa finem.

Vincet. in Theoria. lib. 1. c. 28. §. Doctrinam.

Si

Si ( teste Angelico Præceptore ) videtur Augustinus in talem hæresim incidisse, quæ sola indifferentia contradictionis pro libertate tuenda, contenta non erat; quomodo verum, quod nullum in ipso etiam minoris indifferentiæ sit vestigium, nullusque textus? Profecto videtur vsque adeo permiscuisse imis summa, longus dies, vt solus videat Iansenius, & cæcus sit Diuus Thomas. Sed quis credet auditui isti? Vt alibi ipse Aquinas, contra quosdam ponentes in certa materia repugnantiam; dixit, *Si esset aliqua repugnantia; mirum est, quomodo Augustinus eam non vidit: sic ego iterum Iansenio.* Si nullum esset in Augustini scriptis nostræ sententiæ vestigium, vt Iansenius dicit; *mirum est, quomodo Sanctus Thomas hoc non vidit.*

DICO AD SECVNDVM, me potius loco miraculi habiturum, si idipsum in doctrina Augustini ostendi non posset. Quid enim re & nomine miraculi dignius, quam vnum solum Iansenium suam priuatam opinionem posse in Augustino ostendere, & suam communem ostendere non posse reliquos omnes Scholasticos? Profecto ostendi potest, ostendi potest: imò & euidenter demonstrari dilectionem beatificam, sublata omni indifferentia, iuxta mentem Augustini verè liberam non esse. Fateor quidem quod per verba ostendi non poterit, potest tamen secundum sensum, si dicta libro primo non pigeat numerare aut intellectu appendere. Sicut & in simili Diuus Thomas prima parte, quæstione trigesima sexta, articulo secundo ad Primum docet, *quod licet per verba non inueniatur in Sacra Scriptura, quod Spiritus Sanctus procedat à Filio, inuenitur tamen quantum ad sensum.* Et certè si de mente Augustini oportet dici solum illa, quæ secundum

verba ipsemet tradit, sequeretur quod nunquam in alia lingua posset aliquis loqui de mente Augustini, nisi in illa, in qua libri eius traditi sunt; quod non solum puerile & ridiculum; sed & absurdum est: vt pote omnem euertens rationem prædicandi dicta, scriptaque Augustini in lingua vernacula, quæ tamen omnibus tam populis quàm linguis tam grata semper fuit, tamq; salutaria, vt Hispanus etiam in proverbium circumferat, *Ni olla sin tocino, ni sermón sin Augustino.* Et ne putet quis leue esse hoc argumentum; audiat iterum Sanctum Thomam in simili sic argumentantem. *Si oportet* (inquit ille prima parte, quæstione vigesima nona, articulo tertio ad primum) *de Deo dici solum illa secundum vocem, quæ Sacra Scriptura de Deo tradit, sequeretur quod nunquam in alia lingua posset aliquis loqui de Deo, nisi in illa, in qua primò tradita est scriptura veteris vel noui testamenti.* En meum argumentum mutatis solis terminis. Quapropter ingenuè fateor, voces has seu has dictiones; *voluntas in amore beatifico non est libera*, in Augustino non reperiri: sed si ideo Iansenius putat se rem euicisse; cogitet profecto, quas victorias Arriani non iactauerint, quod nomen hoc *Homousios* non haberetur in scripturis, nil penitus curantes, quod alijs sententijs alijsque verbis idem patentissimè probaretur.

Sed transcamus ad soluenda illa, quæ obiecta sunt. Dico igitur loca obiecta clarissima esse pro communis veritate sententiæ, & non nisi à corruptore Theologo posse in opinionem Iansenianæ libertatis trahi. Pro explicatione non debet supponi, nisi hoc vnicum dictum Anselmi; quod *posse peccare nec est libertas, nec pars libertatis.* Quia scilicet cum impotentia peccandi, stat in subie-

Ad liberum arbitrium respecta bonorum, quæ potest facere & non facere. Vnde licet ibi non sit indifferentia contrarietatis cum extensione ad malum; est tamen vera & essentialis libertas, utpote cum alia indifferentia contradictionis seu quoad exercitium, quam communis sententia ad libertatem dicit requiri & sufficere.

AD PRIMVM ergo locum Respondeo. In primis quod Vincentius illam obiectionem Pelagij non satis fideliter citat. Non enim obiebat in sensu solum particulari; scilicet, *voluntatis arbitrio ac deliberatione privari, quod naturali necessitate constringitur*, ut Vincentius refert; sed potius in sensu vniuersali, *voluntatis arbitrio ac deliberatione privari, quidquid naturali necessitate constringitur*. Quæ duo valde diuersa sunt: in primo namque solum fit sensus, aliquod ens indefinite hic & nunc libertate privari, quod naturali aliqua necessitate constringitur: qui sensus vique verus est. Nam cum faciat suppositionem determinatam: non petit ad sui veritatem nisi vnam singularem veram: sicque verificatur in voluntate beatificè amante: hæc enim, sicut in actu beatifici amoris naturali aliqua necessitate constringitur, ita pariter in eodem, omni vera libertate priuatur, quia nempe est naturalis quædam necessitas, tam arcta, ut excludat etiam indifferentiam contradictionis. In secundo verò fit sensus omnino vniuersalis propter illam particulam *quidquid*, quasi generaliter & indispensabiliter libertate priuatur, quidquid qualicumque naturali necessitate cōstringitur: quod vice versa falsissimum est: nam dantur aliqui actus naturali necessitate constricti, qui tamen libertate non carent; nempe quando est sola naturalis necessitas quoad

specificationem. Augustinus ergo in illo loco solum intendit prædictam propositionem falsificare in sensu generali, sicut à Pelagio asserbatur. Hoc autem præstitit adducendo duas instantias: vnam de necessitate, quæ in via volumus beatitudinem, taliter ut miseriam velle non possimus; & aliam de necessitate, quæ Deus vult iustitiam seu bonum, ita ut non possit velle facere malum aut peccatum. Quas necessitates constat ex vna parte esse utrimque naturales, cum fiat absolute quoad specificationem determinatæ ad huiusmodi obiecta, & ex alia, libertatem arbitrij non minueret, cum habeant admixtam indifferentiam exercitij, sicut communis nostra sententia ad libertatem requirit. Quasi contra Pelagium directè concludens hoc modo; per quam absurdum est Pelagi, in sensu generali affirmare, quod libertatis arbitrio priuatur, quidquid constringitur necessitate naturali, cum in his duobus exemplis necessitas naturalis conspiciatur, & tamen vera libertas, illæsa subsistat: propter indifferentiam scilicet contradictionis ibi inuentam.

Pro quo etiam nota, quod Pelagius contendebat, ad essentiam libertatis spectare, indifferentiam non solum contradictionis sed etiam contrarietatis. Volebat enim liberum arbitrium non subsistere; si non esset ex proprijs suis viribus æquè indifferens & potens ad malum & ad bonum: vnde vox ipsius ista, apud Augustinum ibidem cap. quinquagesimo, quod posse facere bonum etiam conducent ad salutem æternam, *inseparabiliter insitum probatur esse nature*. Et rursus capite quinquagesimo primo, *ipsa non peccandi possibilitas* (quæ idem est apud Pelagium ac potestas faciendi quodcumque bonum) *in natura necessitate est: quasi natura-*  
lis

lis facultas arbitrij sine huiusmodi potestate non subsisteret. Ex quo proinde magis constat, quòd rectè ab Augustino duobus illis exemplis redarguitur, cum ea demonstrent essentiam libertatis sine indifferentia, ista contrarietatis ad bonum & malum subsistere. Hæc, Vincenti, clarissima sunt, & de Augustini mente plus velle, est nodum in scirpo quæ-  
rere.

### SED OBHICIT IANSENIUS.

Licet Voluntas, qua in via volumus beatitudinem, sit indifferens indifferentia contradictionis; tamen huiusmodi adhuc indifferentiam non habet voluntas, qua Deus vult iustitiam. Certissimum enim est (inquit ipse) hanc voluntatem esse ad iustitiam omnimodè determinatam, & indifferentia carere contradictionis. Ergo si hoc non obstante, Augustinus illam etiam voluntatem iustitiæ asserit esse liberam; sentit indubiè actum aliquem esse liberum, adhuc indifferentia contradictionis sublatam.

RESPONDEO, certissimum esse oppositum; nempe voluntatem illam iustitiæ (de qua Augustinus ibi loquitur) esse indifferentem indifferentia contradictionis. Non enim huiusmodi voluntas, seu volitio debet confundi (ut perperam Iansenius confudit) cum volitione qua Deus vult suam bonitatem secundum se, seu iustitiam sempiternam, & increatam, quæ est sua essentia: hanc enim non esse sic indifferentem, infra ostenditur; sed debet sumi pro volitione, qua Deus non nisi bona seu iusta ad extra operatur, quotiescumque operatur: quæ voluntas indifferentiam contradictionis habet, licet malum velle aut operari non possit. Ut enim ait Sanctus Thomas in Secundo, Distinctione vigesima quinta, quaestione prima, articulo primo ad Secun-

dum, *bona quæ facit Deus, potest non facere, nec tamen malum facere potest.*

SED INSTAT; nam Augustinus loquitur de voluntate iustitiæ, prout in Deo seu beatis est stabilis, perpetua & immutabilis voluntas non deficiendi à iustitia: ergo non loquitur de aliqua voluntate iustitiæ admittente indifferentiam contradictionis. Patet consequentia: quia hæc sicut potuit ad iustitiam non terminari, ita & potuit à iustitia deficere: quæ tamen deficientia nec Deo nec Beatis competit.

RESPONDEO distinguendo in forma antecedens: loquitur de voluntate iustitiæ, prout est immutabilis voluntas non deficiendi à iustitia, privatiuè seu contrariè, concedo antecedens: prout est immutabilis voluntas non deficiendi à iustitia, etiam negatiuè, nego antecedens. Ergo non loquitur de aliqua voluntate iustitiæ admittente indifferentiam contradictionis; nego consequentiam. Itaque non deficere à iustitia, stat dupliciter: vno modo per conuersionem ad malum seu peccando, & hoc est deficere à iustitia privatiuè seu contrariè: alio modo non exercendo, aut non habendo terminationem circa hoc vel illud iustum, quam voluntas aliàs habere posset, & hoc est deficere à iustitia negatiuè. Loquitur ergo Augustinus de voluntate iustitiæ, solum prout est immutabilis voluntas non deficiendi ab illa privatiuè vel contrariè, non autem prout etiam est voluntas non deficiendi ab illa negatiuè. Hoc est alijs terminis dicere, quòd loquitur de volitione iustitiæ, qua Deus ad extra semper iuste operatur, quotiescumque operatur: quæ cum ex vna parte sit naturaliter determinata quoad specificationem, ad faciendum bonum, ita ut in malum non possit; non potest utique à iustitia deficere, agen-

Iansen.  
Ibidem  
ca. 8. 4.  
Hanc  
tur de  
Grinon.

Iansen.  
to. 3. li.  
6. c. 7.

infra 1.  
4. c. 13.  
per to-  
lum.



do contra illam; sed cum ex alia, etiam parte non sit in Deo necessario terminata, ad hoc vel illud, sed omnino liberè, iuxta illud Ambrosij in libro de fide, *operatur omnia unus atque idem Spiritus dividens singulis prout vult, id est pro libera voluntatis arbitrio, non pro necessitatis obsequio*; hinc fit quòd etiam illa volitio saltem terminatiuè potuit non esse, & sic deficere, vel cessare potius à iustitia, negatiuè: per non terminationem, nempe ad id iustum, ad quod aliàs de facto terminatur. *Bona enim quæ facit Deus, potest non facere*, ait S. Thomas.

**AD SECVNDVM LOCVM**  
Dico eodem modo. Scilicet quòd illa beata necessitas de qua Augustinus ibi loquitur, etiam non est nisi necessitas solius specificationis, quæ nempe *Deus iniustus non potest esse*, seu iniusta operari. Hanc ergo iterum, verissimè ait libertati non obesse, sicut & nos dicimus, quia indifferentiam contradictionis admittit. Et patet etiam Augustinum non aliud intendere: quia Iulianus contra, quem ibi agit, in eodem errore erat, in quo Pelagius, putans similiter (vt ex eodem capite ibi constat) *liberum non esse, nisi quod duo potest velle, id est bonum & malum*. Ex quo Augustinus ei inferebat, ergo *Deus liber non est, qui maium non potest velle*, & immediate post; *sicne Deum laudas, vt ei auferas libertatem*; quasi dicens Iuliano, sicut dixerat Pelagio; illam indifferentiam contrarietatis ad bonum & malum minimè ad libertatem requiri, cum Deus sit liberissimus & tamen huius infelicis indifferentiæ omnino expertus: beatam prædicans illam necessitatem ad solum bonum; & ò verè beatam! Quam vtinam tu mecum, Vincenti, & ego tecum, & omnes simul, semel pro semper adipiscamur.

**AD TERTIVM LOCVM** est etiam eadem solutio. Nisi quòd gratia materiæ adiungere libet, Dignum Augustinum conuincere ibidem Iulianum; quasi arguendo à maiori necessitate ad minorem. Certum enim est, auxilium gratiæ efficacis, non inferre absolute in nostra voluntate, nec etiam necessitatem specificationis ad bonum: cum adhuc stante tali auxilio, fiet simul in voluntate nostra, absoluta potestas non solum non operandi, sed etiam peccandi. Quomodo ergo Augustinus probat, necessitatem ortam ex auxilio, libertatem nostram non lædere, ex eo quòd necessitas specificationis ad bonum, libertatem non lædat voluntatis diuinæ? Siquidem non videtur esse paritas inter vnā & alteram necessitatem? Hoc profecto ideo fecit, vt efficaciiori argumento malignum conuinceret. Quasi dicens hoc modo; tu Iuliane contendis libertatem nostram destrui per gratiam; quia eam ita efficacem prædico, vt voluntas mediante illa sit infallibiliter operatura bonum tantum; sed profecto erras; quia maiorem necessitatem respectu boni videmus in Deo, quam sit illa, quam respectu boni habemus ex gratia, quæ tamen libertatem diuinam minimè lædit. Ergo (sub intellige) multo minus nostram libertatem lædet, illa altera quæ prouenit ex efficacia gratiæ, cum longè minor sit. Et in quo quæro minor? Certè in hoc; quòd necessitas specificationis ad bonum in Deo, est absoluta, excludens potentiam ad malum non solum consequentem sed etiam antecedentem; necessitas autem specificationis ad bonum, quæ in nobis prouenit ex gratia, est solum conditionata, excludens quidem potentiam ad malum consequentem; minimè tamen antecedentem. Vt enim iam dixi, adhuc stante efficaci gratia,

gratia, stat simul potestas peccandi, licet peccatum de facto non sit securum.

AD QVARTVM RESPONDEO, Augustinum ibi loqui de necessitate ex suppositione, secundum quam dicitur, necesse esse, rem esse, dum est. Et hanc quoque nos fateamur, libertati non obesse, utpote cum indifferentiam seu potestatem ad oppositum, absolute non excludat. Et quod de tali necessitate loquatur, patet ex multis.

PRIMO: quia agit ibi contra Stoicos, qui (ut ipse refert) voluntates nostras nolebant necessitati subdi, ne videlicet non essent libera, si subderentur necessitati. Quibus respondet, hoc non esse formidandum. Nam vel necessitas (inquit) talis esse dicitur, quæ non est in potestate, sed etiam si volumus, efficit quod potest, sicut est necessitas mortis: & manifestum est (inquit) voluntates nostras quibus recte vel perperam vivitur, sub tali necessitate non esse. Quasi concedens pro talem necessitatem, libertatem destruat iri, quia nempe nobis eriperet potestatem aliter faciendi. Vnde & probans voluntates nostras sub tali necessitate non esse, assignat pro causali ipsam experientiam indifferentiam, quæ in nobis invenitur. *Multa enim facimus (inquit) quæ si nollemus, non utique faceremus.* Quod idem fuit ac dicere; quia constat nos multa, facere cum potestate non faciendi, si nolumus. Si autem (prosequitur) illa definitur esse necessitas, secundum quam diximus, necesse esse, ut aliquid sit, vel ita fiat (supposito nempe tali vel tali ordine causarum, secundum quem præcedenti capite dixerat, res taliter vel taliter debere enenire) *viscio cur eam timeamus, ne nobis libertatem auferat voluntatis:* quia nempe secunda illa necessitas non eripit nobis potestatem ad oppositum, sicut prima:

ergo manifestè supponit, hanc secundam necessitatem, de qua dicit nostræ libertati non esse timendum, non esse aliam, quam necessitatem ex suppositione.

SECUNDO: quia assignans potestatem rationem, cur ista secunda necessitas libertatem non auferat, expressè dicit; quia illa necessitate non obstante, equidem nostræ voluntates sunt, & ipsæ faciunt, quidquid volendo facimus, quod non fieret, si nollemus. Quibus verbis apertè indicat, necessitatem (de qua loquitur) non esse, aliam, quam quæ ex nostris liberis descendit voluntatibus; ita ut si necesse sit ita esse, ideò necesse sit; quia nostræ voluntates sic faciunt, & quia sic volunt. Ergo non est alia necessitas, quam ex suppositione nostræ libertatis.

TERTIO: quia id ipsum ostendit, illud exemplum quod apponit de necessitate, secundum quam necesse est, Deum cuncta præscire. Hanc enim constans est inter Theologos, non esse absolutam; sed solum ex hypothese, qua supponitur ipsa rerum libera futuritio, quæ sicut absolute potuit non esse, ita & absolute potuit à Deo non præsciri. Ergo ex simili paritate non potuit aliam necessitatem intendere, quam ex suppositione.

QVARTO: quia & aliud ibi exemplum apponens; sicut etiam cum dicimus (inquit) necesse est esse, ut cum volumus, libero velimus arbitrio. Et verum proculdubio dicimus; & non ideò ipsum liberum arbitrium necessitati subiacens, quæ admittit libertatem. Nonne hoc est evidenter exemplum solius necessitatis ex suppositione? Certè me necessitari ad libero volendum arbitrio, cum volo; idem est ac me necessitari ad sedendum, cum sedeo: quæ non est alia, quam pura & mera ex suppositione necessitas.

SED DICES, etiam Augustinum apponere exemplum in vita Dei; cuius tamen necessitas, est necessitas absoluta. Deum enim semper vivere, non est necesse ex suppositione; sed omnino absolute, & absque ulla prorsus potestate ad oppositum: non minus quam Deum semper esse Deum.

RESPONDEO, Augustinum nomine vitæ, ibi non intelligere vitam naturalem Dei, qua in se est subsistens sine ullo respectu ad creaturas. Nimis namque absurdum esset, velle quod vita in hoc sensu subderetur diuinæ libertati. Nec puto quod ipse aduersarius simile quid possit intendere. Vt enim alibi ex Bernardo diximus, vita naturalis non subditur libertati in nobis, ac proinde multo minus in Deo, cum ibi incomparabiliter sit magis necessaria. Sumit ergo vitam pro eo quod est, Deum vitaliter operari in creaturis: in qua acceptione nil aliud sonat, quam actiones liberas intellectus & voluntatis, quibus ad extra producit ea, quæ producit: & in hoc sensu non est necesse Deum semper vivere, nisi ex suppositione quod velit. Sicque nec ex illo exemplo maior necessitas potest argui, quam necessitas ex suppositione.

## SECTIO VI.

*Soluntur loca Sanctorum Patrum,  
spectantia ad sextam  
Classem.*

AD SEXTAM ET VLTIMAM CLASSEM, spectat præcise duplex locus Augustini, in quo Angelis beatis & Deo tribuit laudem ratione aliquorum actuum,

qui sunt omnino necessarij: ac proinde videtur sentire huiusmodi actibus veram libertatem inesse, cum nullus laudetur (sicut nec vituperatur) nisi propter actus liberos.

PRIMVS LOCVS est ille, quem habet duodecimo de ciuitate, capite primo, ubi in fine capitis de Angelis sic fatur. *Quam enim magna sit laus (naturæ Angelicæ) adhærere Deo, ut ei viuat, inde sapiat, illo gaudet, tantoque bono sine morte, sine errore, sine molestia persuasatur; quis cogitare dignè possit aut eloqui? En Angelos laudatos ratione amoris beatifici.* Huius loci meminit Vincentius in epistola prodroma ad Perauium.

In epist.  
prod.  
ad Perau-  
pau. 31.

SECUNDVS HABETVR tractatu quinquagesimo quinto in Ioannem, ubi explicans illa verba Pauli dicta de Deo, *negare seipsum non potest*; sic loquitur. *Sic dictum est, non potuerunt credere (ubi intelligendum est, quod volebant) quemadmodum dictum de Domino Deo nostro, si non credimus, ille fidelis permanet, negare se ipsum non potest. De omnipotente dictum est, non potest. Sicut ergo quod dominus, negare seipsum non potest, laus est voluntatis diuinæ; ita quod illi non poterant credere (scilicet iudæi) culpa est voluntatis humana.* En iterum laudem ascribit Deo, ex eo quod se ipsum nequit negare, cum tamen sit maxime necessarium. Huius loci meminit quoque Vincentius in eadem epistola.

In epist.  
prod.  
ad Perau-  
pau. 37.

Sed ut apparet, quam frivola sit hæc argumentatio, nota ex Doctrina Diui Thomæ nonnulla.

PRIMO, quod laus sumitur dupliciter: vno modo communiter, prout coincidit cum honore: alio modo specialiter, prout ab honore differt. Prout coincidit cum honore, nil aliud est, quam protestatio de excellentia seu virtute alicuius, sine fiat verbis, ut eloquendo vel nar-

rando

rando virtutem, siue signis tantum, vt quando aliquis alteri assurgit vel genuflectit: & sic laus & honor idem sunt: specialiter autem sumitur prout est protestatio de virtute alicuius, determinatè exhibita per verba. Quà ratione à Diuo Thoma super Plalmum decimum septimum, definitur, *quòd est sermo dilucidans magnitudinem virtutis*: Et in hoc sensu ab honore differt, quia honor consistit in protestatione excellentiæ, siue fiat per verba siue per facta aut quælibet signa, laus autem specialiter dicta, debet fieri determinatè per verba tantum. Est expressa doctrina Dini Thomæ in primo Ethicorum, lectione decima octaua in principio, & Secunda Secundæ, quæstione centesima tertia, articulo primo ad tertium.

**SECUNDO NOT A** quòd laus specialiter sumpta non tribuitur alicui nisi propter bonitatem alicuius in ordine ad aliquem finem; puta, *quia facit actum congruentem fini honor autem debetur alicui propter bonitatem quam habet secundum se*: vt inquit idem Diuus Thomas in Tertio, Distinct. nona, quæstione prima, articulo secundo, quæstiuncula prima, in Corpore, & Secunda Secundæ loco citato.

Ex quo sequitur, quòd laus propriè non tribuitur nisi tendentibus ad finem: *honor autem est etiam optimorum, quæ non ordinantur ad finem, sed iam sunt in fine*, vt Secunda Secundæ iterum ait Diuus Thomas. Vnde nec Deus, nec beati in se spectati, propriè loquendo laudantur, sed honorantur. Non Deus, quia ipse non est tendens in finem, sed finis omnium. Non etiam beati, quia iam amplius ad finem non tendunt, sed sunt in fine. Quæ de causa (teste D. Thoma in eadem Secunda Secundæ quæst. 19. art. 1. ad 1.) dicitur Ecclesiastici quadragesimo tertio, quod

*Deus maior est omni laude*. Et in Psalmo 64. ad illa verba, *te decet hymnus Deus in Syon*, versio Hieronymi habet, *tibi silet laus Deus*. Vade & bene Philosophus in primo Ethicorum, quòd optimorum non est laus, sed maius aliquid & melius, scilicet honor.

Dixi autem hoc de Deo & de Beatis spectatis in se seu absolutè; quia (vt docet idem Angelicus Præceptor in eodem illo loco ex Secunda Secundæ ad Primum) de Deo (ac proinde & de Beatis) possumus loqui dupliciter: vno modo absolutè, seu considerando propriam eorum excellentiam in ordine ad se, alio modo comparatiuè ad effectus, quos in nostram vtilitatem ordinant. Primo modo (inquit Sanctus Thomas) non debetur ipsis laus, sed honor. Secundo verò modo etiam ipsis laus debetur. Et sic debent intelligi loca Scripturæ, quando nobis proponuntur laudandi. Quod & clarè exprimitur Isaia sexagesimo tertio, laudem Domini annuntiabo super omnia, quæ reddidit nobis Dominus, id est, propter effectus, seu in ordine ad illa quæ nobis contulit.

**NOTA TERTIO** ex loco citato ex tertio Sententiarum, quòd laus non debetur nisi actui, vel agenti, qui est dominus actus, quasi per electionem agens, sicut nec etiam honoratur ratione sui, nisi cuius est per electionem agere. Ex quo sequitur quòd propriè non laudatur aliquis, nisi ratione actionis liberæ, & quidem liberæ (attende, Vincenti,) per electionem, quod (vt tumet fateris) est operari cum libertate indifferentiæ. Quamvis etiam honor alicui exhibeatur, non ratione actionis: sed etiam ratione dignitatis solius suppositi: vt namque ibidem Sanctus Thomas; *honor non ita debetur actui, sicut laus, sed magis agenti*.

His prenotatis, Vincenti, facillimo negotio ostendo, quod nec pes, nec caput tui argumenti appareat. Vnico verbo tantum opus est.

Et quidem quantum ad Angelos, dico Augustinum ipsos appellare, laude dignos, ratione amoris beatifici; sumendo laudem non specialiter seu propriè, & prout ab honore distinguitur, in qua acceptione solum tribuitur propter actus liberos; sed sumendo laudem pro aliquo quod est maius & melius; nempe pro honore: quo sensu sicut alicui exhibetur propter solam dignitatem suppositi, nulla ibi considerata actionis libertate, ita & potest exhiberi eidem propter excellentissimos & perfectissimos actus, quantumvis non liberos. Vnde sensus est, Angelos propter indefectibilem illam adhesionem ad summum bonum per incessabilem amorem, esse ineffabiliter honorandos, venerandos, & colendos. Quod utique est ipsissima veritas; sed tua opinioni, nec festucam addit fulciminis aut decoris.

Nec tam ineptè ex hoc inferas; Ergone Augustinus tali laude dignos Angelos esse dicit, quali solem laudamus, quando excellentiam eius, lucis abundantiam, cursus velocitatem, vas admirabile, opus excelsi predicamus? Et voluntate ac amore perpetuo adhærere Deo, aliam laudem non meretur, quam siderum lux aut motus, cæteraq; opera naturæ, quorum pulchritudinem vel usum admiramur?

Falleris Doctor Arausicanè. Nam licet dixerim cum Sancto Thoma, Angelos propter illam beatæ mentis ad Deum adhesionem, non esse laudandos laude specialiter, seu propriè dicta; dixi tamen cum eodem, propter eandem dignos esse, aliquo quod est maius & melius laude, nempe honore: & non qualicumque, sed honore Sanctorum, qui est cultus

dulci; quem sideribus exhibere, gentilis poterit, non Christianus.

Accedit quod nec sidera ratione sui vilo honore honorari possunt, utpote inanimata. Ut enim inquit Sanctus Thomas in Tertio, distinctione nona, questione prima, articulo secundo, questione secunda in Corpore, loquens de imagine (& eadem ratio est de qualibet alia re inanimata) *imagini secundum quod est res quadam, nullius honor ei debetur: sicut nec alii lapidi vel ligno.* Imò ut tueri secundum fidem teneris fateari, nec ipsa Crux Christi ratione sui honorari potest: cum tamen Sancti & Angeli sic honorentur. Vade ergo, Vincenti, & simili argumento, non Theologos, sed Scholares tuos, qui necdum manum ferulæ subdixerunt, terrere poteris.

Quantum verò ad illud alterum, quo Augustinus asserit, esse laudem voluntatis Divinæ, quod negare se ipsum non potest; fateor quidem, ibi sermonem fieri de laude propriè dicta; sed non est contra nos: nam loquitur de Deo comparative ad effectus, quos in nostram utilitatem ordinat per actum verè liberum Divinæ suæ fidelitatis, tenendo nempe seu servando suam fidem, qua promittit non credentibus iustitiam, sicut & credentibus remunerationem, ut ad illum locum Ioannis interpretatur Sanctus Thomas: ille autem, actus promissionis, licet quoad specificationem sit necessarius; quia videlicet nequit esse infidelitatis; est tamen absolute indifferens quoad exercitum, non minus quam quilibet alius actus quem Deus exercet in ordine ad creaturas. Vnde non mirum propter huiusmodi actum, Deum appellari dignum laude propriè tali. Nam (ut ex Sancto Thoma ostendi) Deus verè & propriè laudari potest, si consideretur

Vincen.  
ad Pet.  
cau. pa.  
34.

non secundum se, sed in ordine ad suos effectus, quos in nostram utilitatem liberè ordinat.

Itaque sensus testimonij Augustini est, laudem esse voluntatis Divinæ, non quod se negare non possit, quasi in actu primo (hoc enim totum est perfectio necessaria) sed quod se non neget, idest, fidelitatem exerceat in actu secundo, quod verè est actus liber, quem absolutè potest non ponere, licet non quo ab substantiam saltem quoad terminationem, vt de actibus liberis Divinis Thomistæ dicere solent. Et quod non nisi huiusmodi, mens Augustini sit, constat apertè ex verbis prioribus, quibus comparat hoc quod est Deum se non posse negare, cum eo quod Iudæi non poterant credere. *Vbi intelligendum est* (inquit) *quod nolebant*. Ergo in eodem sensu intelligit, quod Deus se negare non possit, nempe *non vult se negare*: quod idem est, ac quod actu velit suam fidelitatem servare.

& exequi, quod absolutè liberum est, sicut & indifferens quoad exercitium.

Sed rem concludamus verbis Augustini. *Hæc sunt cetera* (Vincenti) *capita argumentorum, quasi formidanda verborum, quibus terretis infirmos, & minus quam contra vos expedit, sacris litteris eruditos seu in lectione Sanctorum versatos; puto tamen ea omnia ex Angelico Doctore soluta & declarata esse, tanta rerum evidentia, tanta verborum eius manifestatione; vt profecto si nulla te ratio, cogitatio, consideratio communis sententiæ atq; in te ipso advertenda veritatis à pertinaci intentione renocaverit, offendas quantum in malis humanis valeat, eo quemquam fuisse progressum ubi manere non libeat, unde iam redire pudeat. Sic enim credo te affici, cum ista legeris. Sed ò si veritas Thomistica in tuo corde vincat, & communis intelligentia de priuata tua opinione palmam ferat!*

Aug. li.  
2. com.  
lul. c. 1.

Ibid. li.  
2. ca. 5.  
in fine.

# LIBER QVARTVS.

SOLVNTVR OBIECTIONES

QVAS VINCENTIVS CONFICIT

ex ratione & experientia.

## CAPVT PRIMVM.

*Redarguitur Vincentius, ex eo quod rationes eius vix Philosophiam aut Theologiam sapiant.*

**I**AM ORDINEM dispositionis meæ video postulare, vt faciam Deo donante; quod quarto libro me

facturum esse promisi; hoc est, vt Vincentij obiectiones, quas ex ratione & experientia conficit, constringam. Dum autem earum stylum formamque considero attentius; potius hominem hunc, tamquam Rhetorem, lingue & verborum flosculis ornatum, quam vt Philosophum aut Theologum soliditate Philosophica aut Theologica munitum comperio. Id fortassis in causa fuerit, quod veram Sacræ Paginæ, Sanctorumque Patrum intelligentiam,



tiam, contemptis Philosophiæ & Theologiæ solidissimis discursibus, solo putet verborum subsidio posse comparari.

Sed quam belle contra huiusmodi ingenij homines, sapientissimus noster Dominicus Soto in sua ad Sanctos Patres Trydentinæ Synodi nuncupatoria præfatione! Postquam dixerat, esse Scholasticorum nomen Lutheranis iniuncti & infame; imò & ab eis velut publicam perniciem exhibitari; sic prosequitur de nonnullis etiam Catholicis. Atqui si superioris placet, ac si essent ipsi, qui iura deberent ponere orbi, ita sunt inter Catholicos multi, qui eos audientes (scilicet hæreticos) questionarios post habent, Philosophiam abijciunt, & solis voluminibus linguarum ferculis conuiuium instrui. Vtpote quarum cognitione & subsidio arbitrantur absque Theſeo, per se posset cum Sanctorum Patrum, tum etiam Sacre Pagine adire volumina. O quam turpis error! Quam intollerabilis præsumptio! Scelericia quam inuerecunda! Cui profecto malè (inquit gravisimè idem Soto) id quod coram vestra Sanctitate in publica Synodo declamavi, nisi obuiam publicitus occurratis, & vniuersitates melius sibi & bono publico consultum properent, totum breui Christianum orbem errores ebullire dolabimur. Quid ni? Philosophia namque & Scholasticæ subtilitatis discursus necessaria sunt, si pacem velit Ecclesia perennem contra hæreticos possidere, qui potissimam semper vim ad fidem enervadam ex ipsa subtilitate, discursu, & ratione conficiunt. Nōne hinc apud Priscos Orthodoxos, Arius, Sabellius & id genus monstra prodierunt? Attamen (vt rectè iterum Soto) nisi fuissent inter eos, qui ipsos ex ipsa etiam Philosophia euincerent, vix belluas illas, sacris testimoniis, quæ in sinistram sensum ab illis detorquebantur superassent. Philosophos enim fuisse necesse erat, qui

explicarent, vt non esset demonstratio, quam Arius inuictissimam censebat: nempe quod si indiuidua essentia est Pater, eademque Filius; Pater sit persona Filij. A Philosophia falsus fuit Berengarius, qui negabat accidentia Sacramenti esse sine subiecto, quia repugnare hallucinabatur ipsi eorum naturæ: quo nunc Germanorum permulti tenentur errore. Sed vera Philosophia est, quæ edocet minime id repugnare. Vnde & idem sapientissimus sapientissimè cōcludit; Si fieri posset vt nulli essent Pseudophilosophi, qui hæreses progignerent, nulla forte in hunc usum necessaria esset Philosophia, quæ hæreticorum ausum retunderet. Verum quàm est (auctore Paulo) necesse, hæreses esse, tam necessarium existimauerim, Philosophiam inter Theologos conseruendam. Quæ sint, iuxta verbum Petri, paratiore ad satisfactionem omniposcenti rationem de ea quæ in nobis est spe. Et post pauca nō minus egregiè; Sanè Augustinus (inquit) quantò sua Dialectica & Philosophia maius exhibuit Ecclesiæ negotium, dum erat Manichæus, tantò fuit ei postea aduersus hæreticos utilior.

Et certè si tam præstans Philosophicæ subtilitatis utilitas, quàm colenda quoquæ non erit Theologicæ rationis excellentia & profunditas! Audebitne Catholicorum aliquis hanc negligere, & soli nudæ continuæque lectioni Scripturarum & Patrum insudare, vt veritas sibi in talibus arcanis pateat? Audiat eandem sapientissimū: Quinam linguas quam Germani excultius poltuere? Qui Augustino & id genus Patribus legendis plus temporis insumpserunt? Qui pluries Sacram paginam renouerunt? Imò & audiam ego, Academicæ Louanienſis Doctores se hac de causa Patriſtas nominare, vtpote, quod Patrum volumina toties voluant & reuoluant. Sed quid ad hæc noster Soto? Quid ergo (inquit) restet illis cauſe tam plurimum errorum, quàm, quod

Cano  
de io  
cisl. 8  
c. 1. in  
princi-  
pio.

Theologiam Scholasticam neglexerunt? Ex cuius ignorantia omnes dimanasse, facile erit rem perperenti conicere. Profecto simul (profecto nil verius) apud eosdemq; capere & linguarum cultura & Scholasticæ rationis contemptus & heresum turba. Quod & paucis cõfirmat noster Episcopus Cano, dum hanc eadem de re protulit sententiã. Connexa sunt post natam Scholam Scholæ contemptio & heresum pestes. Et merito quidem: nam si Scholæ contemnitur, si solis autoritatibus Sanctorum utcumque intellectus arguitur, si rationes, discursus, subtilitates excluduntur, damnantur: quæ quæso via, quæ semita, quæue modus ad ipsa veritatis arcana tutò nos ducet?

SED ADIICIAMVS & aliquid, quod huic rei maiorem conciliet fidem & pariter decorem. Querit Sanctissimus Doctor Ecclesiæ Thomas Quodlibeto quarto, quæstione nona, articulo decimo octauo, *utrum Magister determinans quæstiones Theologicas, magis debeat uti autoritatibus, quam rationibus?* Et postquam vnico argumento, magis autoritatibus debere uti, probauerat; sic respondet in argumento sed contra. *Sed contra est, quod dicitur ad Titum primo, ut sint potentes exhortari in Doctrina sana & contradicentes reuincere; sed contradicentes melius reuincuntur rationibus quam autoritatibus, ergò magis oportet determinare quæstiones per rationes quam per autoritates.* In Corpore autem articuli sic resoluit. *Respondeo dicendum quòd quilibet actus exequendus est, secundum quòd conuenit ad suum finem. Disputatio autem ad duplicem finem potest ordinari. Quædam enim disputatio ordinatur ad remouendum dubitationem, An ita sit: & in tali disputatione Theologica maxime utendum est autoritatibus, quas recipiunt illi cum quibus disputatur.* Et post pauca; *quædam vero (inquit) disputatio est Magistræ in*

Scholis, non ad remouendum errorem sed ad instruendum auditores, ut inducantur ad intellectum veritatis quam intendit: & tunc oportet rationibus inniti, in vestigantibus veritatis radicem & facientibus scire, quomodo sit verum quod dicitur, alioquin si nudis autoritatibus Magister quæstionem determinet, certificabitur quidem auditor, quòd ita est, sed nihil scientiæ vel intellectus acquirit sed vacuus abscedet. O Bella doctrina, quam quilibet Doctor Patrista summè deberet venerari & colere!

Non audis hic, Vincenti, autoritatibus quidem utendum esse; sed ad eum præcise finem, ut remoueatur dubitatio, *an ita sit?* Tu certè abundè & ad nauseam id egisti & nos quoque agere cogis: minus tamen, feliciter, puto certissimè, cum tot tibi Patrum autoritates opposuerim, & contrarias tuas iuxta Sancti Thomæ veram intelligentiam explanauerim. Sed dic quæso; eanti tibi mens fuit, ut in tota tua Theriaca & in vtraque epistola prodroma, nil aliud faceres, quam remouere prædictam dubitationem scilicet *An res ita sit*, ad quem tantummodo finem dicit Sanctus Doctor viam procedendi per autoritates principaliter deseruire? Profecto & absque dubio voluisti demonstrare, quomodo verum sit, id quòd de libertate tuæ essentiali toties inculcas, Et iuxta hanc viam qua methodo putas principalius esse utendum? Nonne iuxta verbum Angelici præceptoris, *tunc oportet rationibus inniti, in vestigantibus veritatis radicem*; alioquin si nudis autoritatibus Magister quæstionem determinet, certificabitur quidem auditor, quòd ita est, sed nihil scientiæ vel intellectus acquirit, sed vacuus abscedet? Profecto hoc idem vacuum ex tua Theriaca & epistolis, puto quilibet lectorè facile posse haurire. Quæ enim de paupere peno rationes tux sint, quas  
ibidem

ibidem promissus; nemo est vel mediocriter peritus, qui non percipiat. Sed ve in principio monui, id in causa fuit, quod lectioni Sanctorum putes te studere feliciter; peripateticas rationes si potius neglexeris, quam secutus fueris. Non sic tamen veri Theologi, non sic. Non sic Magister omnium Aquinas. Rationibus, subtilitatibus, discursibus, peripatetica forma abundant ubique articuli eius omnes, distinctissime, sapientissime & ornate. Imo non ob aliud Sacer ille Antilles, tot quondam Miracula in eodem, quot Articulos contemplabatur. Si ergo & tu, Vincenti, Magistrali in Scholis disputationem de libertate nobis instituis, profecto id meminisse oportebat vberius ut non totaliter peripateticum morem, subtilitatemque discursuum & rationum defereres.

Dialog  
contra  
Pelagium

Nec iniure te potest, quod olim aiebat Hieronymus: non nobis cura est, quid Aristoteles, sed quid Paulus doceat. Hoc quidem religiosissime dictum, sic tamen à viro Theologo capi debet, ut Aristotelica ratio non contemnatur, ubi ipsa Paulum non contemnit. Quem enim honore commentarij, non sine maximo labore, calamoque noctu diuque vigilante dignatus est Sanctissimus Aquinas; iustum non est, ut vel vilius Theologus contemnere præsumat. Imo ut egregie satur Augustinus, Philosophi qui vocantur, si qua forte vera & fidei nostræ accommoda dixerunt, maxime Platonici, non solum formidanda non sunt sed ab eis tamquam ab iniustis possessoribus in usum nostrum vendicanda.

Aug. li.  
2. de  
Doct.  
Chr. c.  
40.

Ad Rationes igitur tuas, quales illæ sint, procedamus: & quam parum peripatetica rationis acumen redoleant, sicut iam præambule verbis indicavi; ita & reipsa vel facto ostendere, operosum non erit.

## CAPVT II.

Solvitur prima ratio, qua Vincentius probat omnem actum perfectè voluntarium, esse eo ipso verè liberum, licet sit necessarius; ex eo quod in omni tali actu iudicium rationis ducem se prabeat voluntati.

**V**ERBIS AVGVSTINI libet incipere. Iam nunc tibi deleste, Vincenti, Domino donante respondere deo; & sic tuos libros atque argumenta refellere, ut (si possis) intelligas, malè tibi fuisse persuasum, quod alijs persuadere moliris: reque salubriter peniteat incautæ ac temerariæ progressionis & prolapsionis tuæ, non tantum tibi tua correctione, verum etiam pluribus profutura, cognoscentibus vobis atque fatentibus, quim non maniter quamq; veraciter tot & tanti Scholastici Doctores hoc in Ecclesia Dei didicerint, & docuerint, quod verisimilitudine vos vultis euertere... ac ne longum faciam, non omnia verba tuæ ponam, sed si Dominus adiuvet, tuarum velut acutarum argumentationum nihil non solum destructumque dimittam.

Cont. a  
Iulian.  
l. 3. c. 1.

Ratio autem, ob quam non omnia verba tua positurus sim, quasi eadem mihi videtur, cum illa quæ olim Sanctum Thomam movit, ut in opere Catenæ suæ aureæ non singula Doctorum verba adamussim proferret. In assumendis (inquit ibi in epistola præmiali) Sanctorum testimonijs, plerumque oportuit aliqua rescindi de medio ad prolixitatem vitandum, nec non ad manifestiorem sensum, vel secundum congruentiam expositionis, litteræ ordinem commutari. Interdum etiam sensum posui, verba dimisi: præcipue in homiljs

S. Tho.  
in epist.  
præmiali  
ante cat.  
tenam  
auream

*Chrysostomi*, propter hoc quod est translatio vitiosa. Hac (inquam) eadem ratione per motum me sentio, quando de recitandis & refellendis argumentationibus tuis cogitare incipio. Non semper omnia verba tua, Vincenti, proferam, ad prolixitatem vitandam. Litteræ etiam tuæ ordinem aliquando commuto, ad manifestiorem sensum reddendum. Denique ipsa etiam verba interdum totaliter omitto, & solum sensum pono; non quod in ipsis vitiosa aliqua translatio interpleverit, sed quia (vt superiori capite monui) tam parum sint peripatetico & Scholastico mori accommodata, vt planè dubitem, vturum lectorum meum non potius confunderem quàm instruerem, si omnem inde quaque litteræ tuæ & grammaticam & seriem verbotenus hic exprimerem.

PRIMO Igitur (quoad sensum) arguis sic in tua Theriaca libro primo, capite septimo. Quoties iudicium rationis ducem se præbet voluntati, voluntas liberè agit; at in omni actu perfectè voluntario iudicium rationis, ducem se præbet voluntati: ergo in omni tali actu voluntas liberè agit. Discursus tenet, minorem videris supponere, & maiorem probas autoritatibus & ratione. Autoritates iam supra sunt solutæ; & ratio tua est hæc. Nam quoties voluntas modum agendi agentium naturalium supergreditur; ipsa liberè agit: at quoties iudicium rationis, ducem se præbet voluntati, voluntas modum agendi agentium naturalium supergreditur; ergo quoties iudicium rationis, ducem se præbet voluntati, voluntas liberè agit. Hoc totum pondus est tuæ rationis, quam capite illo septimo promissis. Miror quod tantum te urgeat, vt à communi ad priuatam opinionem moueat.

RESPONDEO DVPLICITER. Primò negando maiorem in sensu, quo à te intelligitur. Tu enim per hoc, quod est; iudicium rationis ducem se præbere voluntati, nil aliud intelligis (vt ex capite citato patet) quàm quod voluntas præeunte iudicio ac sufficienti aduertentia rationis aliquid velit. In quo sensu maior ista, nempe quoties iudicium rationis ducem se præbet voluntati, voluntas liberè agit; omnino claudicat, si vniuersaliter & absque distinctione sumatur. Quod certè manifestari potest in duplici casu, qui à te admittitur.

PRIMVS est in motione præternaturali Suarii: sub qua tumet admittis (vt supra vidimus) posse Deum omnipotentia sua voluntatem creatam ita abripere, stante etiam plena aduertentia rationis, seu præeunte perfectio iudicio; vt libertatem nihilominus adimeret. In quo casu manifestè apparet falsitas istius maioris. Tunc enim voluntas præeunte iudicio ac sufficienti aduertentia rationis, aliquid vult, & tamen minimè liberè vult: ergo falsum est, quod quoties præeunte iudicio ac sufficienti aduertentia rationis aliquid vult, velit eo ipso liberè.

SECUNDVS est de necessitate Manichæa. Hæc namque (vt supra etiam ostensum est) in tuamet opinione destruit libertatem voluntatis animæ bonæ in omni eius actu, & tamen non destruit perfectum seu sufficientem iudicium rationis, cum Manichæi non posuerint iudicium hominis in omni suo actu absorberi: ergo iterum falsissimum est, voluntatem liberè agere, quoties agit præeunte iudicio ac sufficienti aduertentia rationis.

Quare sicut tu, Vincenti, in illis casibus maiorem vel negares vel distingueres; ita pariter & ego iuxta communem & veram doctrinam, eandem

Supra  
l. 2. ca.  
8.

Supra  
l. 2. ca.  
8.

Supra  
l. 3. c. 4.  
sect. 3.

vel

vel nego, vel distinguo sub hac forma. Quoties iudicium rationis du-  
cem se præbet voluntati, seu quoties  
voluntas præeunte iudicio, ac suffi-  
cienti aduertentia rationis aliquid  
vult, toties ipsa liberè agit; distinguo,  
quoties præit iudicium qualecum-  
que, nego: quoties præit iudicium in-  
differens, concedo. Sed tunc minor  
subsumpta, est falsa: nam non in omni  
actu perfectè voluntario præit iudi-  
cium rationis indifferens; licet quale-  
cumque seu aliquid iudicium præcat.  
In actibus enim voluntatis necessa-  
rijs, quantumvis perfectè sint volun-  
tarij, præit quidem iudicium, & ali-  
quando perfectissimum, non tamen  
indifferens sed omnino determina-  
tum. Non ergo sequitur voluntatem  
in huiusmodi actibus liberè agere;  
esto alias agat præeunte iudicio seu  
perfecta aduertentia rationis.

Nec contra hoc conuincit tua pro-  
batio. Concessa enim maiori videli-  
cet voluntatem liberè agere, quoties  
supergreditur modum agendi agen-  
tium naturalium; nego minorem;  
quod in omni actu perfectè volunta-  
rio illum modum agendi supergre-  
diatur. Cum enim aliqui actus per-  
fectè voluntarij, sint etiam absolutè  
necessarij, & in illis voluntas habeat  
modum agendi communem cum cæ-  
teris rebus naturalibus scilicet cum  
determinatione ad vnum, vt sapius  
iam inculcatum est; fit consequens,  
ipsam in huiusmodi actibus, modum  
agendi rerum naturalium non super-  
gredi. Fateor quidem, quod ijs ip-  
sis actibus agentia naturalia super-  
grediatur quantum ad substantiam  
operis sed hoc ad libertatem non suf-  
ficit: quod iterum patet in casibus  
illis inductis: in quibus proculdu-  
bio, actus illi voluntatis agentia na-  
turalia excederent quantum ad sub-  
stantiam operis, vtpote profecti ex  
principio intellectuâli, & tamen li-

beri minimè essent: quia non habe-  
rent modum voluntati proprium,  
qui teste Diuo Thoma questione  
sexta de veritate, articulo tertio ad  
tertium in libertate ad *utrumlibet con-*  
*sistit.*

RESPONDEO SECVNDO ali-  
ter, concedendo videlicet maiorem.  
argumenti, si in sensu formali & pro-  
prio verba accipiantur. Hoc enim  
quod dicitur, *quoties iudicium rationis*  
*ducem se præbet voluntati*; in sensu for-  
mali & proprio acceptum, non solum  
sonat præcedentiam rationis qua-  
lemcumque; sed talem, vt ipsa ratio  
ex sibi proprijs voluntatem fleat,  
inclinat, determinet ad volendum,  
quod idem est, ac ex propria sua de-  
terminatione & arbitrio, ipsi præfi-  
gere vnum extrinsecum potius quam  
aliud. In quo sensu maior vtique ve-  
ra est; nimirum quod eo ipso volun-  
tas liberè agat, quo ratio ex sibi pro-  
prijs ipsam fleat, inclinat & deter-  
minat ad volendum, actum ei præfi-  
gendo. Vnde Sanctus Thomas primo  
contra gentes capite octuagesimo  
octauo, volens ostendere volun-  
tatem diuinam in aliquibus actibus  
esse liberam, expresse sic arguit; *vol-*  
*untas diuina in his ad quæ non secun-*  
*dum naturam suam determinatur, neli-*  
*natur quodammodo per suum intellectu;*  
*sed ex hoc homo dicitur præ ceteris ani-*  
*malibus liberum arbitrium habere, quia*  
*ad volendum iudicio rationis inclinatur,*  
*non impetu nature, sicut Bruta, ergo*  
*in Deo est liberum arbitrium.* Apertè  
significans, libertatem in voluntate  
colligi, ex præcedentia rationis, vo-  
luntatem inclinantis seu determi-  
nantis.

Itaque Maior intellectuâ de ratio-  
ne propriè ducente; scilicet quæ vo-  
luntatem inclinât & determinet ad  
volendum, ei quæ actum præfigat, veri-  
fima est. Ceterum nec in illo sensu opi-  
nioni Vincentij fauere potest: nega-

ri enim tunc debet minor, videlicet quod in omni actu perfecte voluntario, tali modo ducem se præbeat iudicium rationis. Aliud namque est, quod in omni actu perfecte voluntario adsit iudicium rationis, aliud autem, quod adsit tanquam verè & propriè ducens, inclinans, determinans & præfigens quid sit agendum: quæ duo distinctissima sunt; siquidem in quolibet actu voluntatis, eo ipso quod perfecte voluntarius, adest iudicium rationis; non tamen in quolibet adest per modum ducis aut arbitri ex propria determinatione actum præfigentis.

Pro quo recolere oportet ea quæ <sup>Suprà li. 2. ca. 6. §. 8. Sed ad quid?</sup> suprà docuimus ex doctrina Divi Thomæ in quarto, distinctione quadragesima nona, quæstione prima, articulo tercio, quæstionculla secunda ad primum, quædam esse, quæ sunt potentia rationali ab alio determinata seu præfixa, quædam autem quæ ipsa sibi determinat & præfigit. Ab alio sunt ei determinata, volitio finis ultimi & vniuersaliter quicumque actus necessarius necessitate naturalis inclinationis, pro ea parte qua formaliter est necessarius. Actus enim huiusmodi cum sint naturales, & naturalia voluntati non subsint: necesse est, quod ab altiori principio scilicet ab authore voluntatis ipsi determinantur; vnde & ibidem in Corpore ait, quod *ex impressione primæ causæ Dei, hoc anima inest, ut bonum velit*. Et rursus ad primum loquens de volitione finis ultimi, ad eam (inquit) *ex divina impressione determinatur*.

Deinde nota, quod in his ad quæ voluntas à suo authore specialiter determinatur, non potest propriè verificari, quod ipsa ratio eam ducat aut determinet aut actum ei præfigat. Qua de causa dixit idem Divus Thomas Secunda Secundæ quæstione de-

cima septima, articulo quinto ad primum, quod *primus voluntatis actus ex rationis ordinatione non est, sed ex instinctu nature aut superioris causæ*. Enim negat, illum actum (qua parte scilicet est necessarius quoad specificationem) esse ex ductu seu ordinatione rationis, licet aliàs certum sit, eundem non elici nisi præeunte iudicio seu ratione, vtpote cum voluntas in incognitum ferri nequeat. Itaque aliud est, actum fieri præeunte ratione; aliud autem, actum fieri præeunte ratione duce, seu ratione ipsum ordinante, imperante, & præfigente. Ratio non ordinat, non imperat, non præfigit, nisi in his quæ rationi subduntur, vt ibidem loquitur: quæ sunt tantum illa, de quibus pro arbitrio suo potest sic vel sic iudicare, convenientiam scilicet vel disconvenientiam, sicut & actum vel suspensionem actus. A sensu autem contrario nihil habet ratio ordinare, imperare, præfigere in his quæ ei ab alio sunt determinata: respectu enim illorum (cum supponantur ea determinata, aliunde & ex consequenti minime rationi subsint) ratio seu intellectus ostendit quidem voluntati talem determinationem, cum in incognitum non feratur; non tamen eandem ex arbitrio suo proprio ipsi præfigit, sed ab alio præfixam supponit. Sicque contingit in omni actu voluntatis perfecte voluntario, si necessarius sit. Ratio in illo actu præit quidem, tamquam ostendens quid præfixum & determinatum sit, non tamquam ipsa præfigens aut determinans.

Ex qua doctrina sic in forma adhibeo secundam solutionem. Concedendo videlicet maiorem, qua dicitur, quod tunc actus voluntatis est liber, quando iudicium rationis ducem ei se præbet: sed nego minorem; hoc contingere in actibus necessarijs. In illis namque, vtpote naturalibus



& rationi minimè subditis; sicut ratio non habet ordinare, imperare aut præfigere, ita nec propriè dux est. Dux enim est, non qui præit qualitercumque, sed qui præit regendo, disponendo, ordinando, præfigendo hoc vel illud iuxta arbitrium suum: quod certè locum non habet, ubi ratio ab ipsa natura est determinata ad vnum tantum, tam quoad specificationem quam quoad exercitium, sicut cōringit in actibus omnino necessariis. Tunc enim nec ipsa ratio nec voluntas se ducunt, sed tam hæc quam illa ducitur à natura vel ab authore naturæ.

SED FORTE DICES. Ergo amor beatificus non fit duce ratione seu ex ordinatione rationis. Quo quid absurdius? Cum amor ille sit actus voluntatis ordinatissimus & omnis ordinatio in actibus voluntatis sit ex præuia ordinatione intellectus, seu rationis.

RESPONDEO. Constanter, amore beatificum non fieri duce ratione seu ex ordinatione rationis. Et noli turbari, Vincenti, nam sic cogit nos loqui aperta doctrina Sancti Thomæ. Si namque ipse (vt ex loco citato ex Prima Secundæ constat) negat ratione necessitatis & naturalitatis, *primum voluntatis actum ex ordinatione rationis esse*; cur id ipsum non negabimus nos de amore beatifico, qui est in summo gradu necessitatis, & supposita gratia visionis, in summo quoque naturalitatis? Certè sicut *primum voluntatis actum ex rationis ordinatione non est, sed ex instinctu naturæ aut superioris causæ*, ita ne mireris, quòd amor beatificus sit ex instinctu naturæ supernaturalis, non autem ex ordinatione rationis.

Sed vt sine admiratione hoc capere possis, si velis; aduerte nos præcisè loqui de ratione propria ipsius hominis vel Angeli, quando nega-

mus talem amorem ex ordinatione rationis esse: ita vt sensus sit quòd nō est ex ordinatione intellectus humani vel Angelici huiusmodi amor; licet aliàs sit ex ordinatione rationis Diuine vel superioris intellectus primæ causæ. Per quod etiam patet, qualiter amor ille sit ordinatissimus. Est namque ordinatissimus, non quia ex aliqua ratione naturali aut super naturali intellectus creati præscribatur, aut voluntati præfigatur, ad eum modum quo ipsa ratio in nobis existens, præscribit aut præfigit actus liberos: hoc enim impossibile & falsum est, cum ratio nostra nil habeat præscribere aut ordinare in his quæ à natura sunt determinata, & aliter se habere non possunt, sicut est ille amor. Huiusmodi enim, sicut rationi nostræ non subduntur; sed altiori causæ; ita nec à ratione nostra dicuntur ordinata aut disposita; sed à ratione existente in alteriori causa, nempe in prima: per cuius ordinationem, omnia ordinatissime fiūt, quæcumque naturaliter fiūt, siue in ordine naturæ, siue in ordine gratiæ: licet etiam per nostræ rationis ordinationem aliqua ordinatè fiant in utroque illo ordine, nempe illa quæ à nobis fiunt liberè, non naturaliter aut necessariò. Dicitur ergo amor beatificus, actus voluntatis ordinatissimus ex ordinatione rationis, quæ est in intellectu Diuino, non ex ordinatione rationis, quæ sit in nobis: sicut & opera naturæ dicuntur ordinata, non per rationem, quæ sit in natura, sed per rationem, quæ est in Authore naturæ.

SED DICES iterum; ergone negabitur Beati voluntatem ex sapientissima & altissima intellectu sui contemplatione, & prudentissima directione, amorem illum per vim actum suorum imperatricem, tranquillissimam effusione exprare? Sunt hæ phræses Vincentij.

DICO

In The  
tiac. l.  
1. c. sec.  
2. §. 1. §.  
tur licet  
quis.

DICO te potius Rhetorem agere, quàm Theologum. Theologus simpliciter cum Diuo Thoma negat, quòd ille amor sit ex imperio seu ordinatione rationis; esto ad illius elicientiam concurrat ex parte intellectus, sapientissima, altissima, & prudentissima contemplatio seu intellectio. Concurrit namque huiusmodi intellectio, non tamquam pro arbitrio suo amorem imperans, ordinans, aut præfigens; sed tamquam aliunde ordinatum & præfixum simpliciter ostendens, cum voluntas in cognitum ferri non possit. Longè utique aliter, ac in actibus voluntatis liberis: ad quos ratio concurrit non solum tamquam ostendens; sed insuper tamquam proprio suo imperio inclinans, & determinans ad actum, cum posset etiam inclinare & determinare ad non actum. Pondera quæso illa verba Sæcti Thomæ, & acquiesces: verba sunt hæc ex Primo contra Gentes. *Voluntas diuina in his ad quæ non secundum naturam suam determinatur, inclinatur quodammodo per suum intellectum.* Cur non dixit voluntatem diuinam inclinari per suum intellectum generaliter in omnibus, sed solum in his ad quæ non secundum suam naturam determinatur? Cum tamen certum sit, etiam ad alia, ad quæ naturaliter determinatur, non ferri nisi ex perfectissima & infinita cognitione; certè hoc alia de causa non fecit, quàm quia ratio, licet in omnibus actibus voluntati adsit, non tamen adest in omnibus tamquam ex imperio suo inclinans & determinans, nisi in solis liberis, quorum obiecta respicit cum indifferentia, de quibus proinde sic vel aliter pro suo arbitrio disponere potest, præfigendo potius hoc quàm illud, seu inclinando potius ad actum, quàm ad non actum. Igitur amor beatificus elicitur præeunte ratione, & quidem

perfectissima ratione, non tamen est ex ordinatione seu arbitrio rationis. Idemque debet dici de quolibet actu voluntatis necessario pro ea parte, qua naturalis & necessarius est.

## CAPVT III.

*Solvitur secunda ratio eiusdem, ex eo quòd in omni tali actu voluntas seipsam agit, seu seipsam moueat.*

SECUNDO arguit Vincentius in sua Theriaca libro primo, capite octauo. Omne quod non solum agit, sed etiam seipsum agit seu seipsum mouet; est prout sic liberum in agendo: at voluntas in omni actu voluntario, seipsam agit seu seipsam mouet: ergo in omni tali actu est formaliter libera in agendo. Discursus est legitimus, minorem videtur supponere, cum modus se agendi conueniat voluntati ex specifica sua differencia, & in quantum volitiua est; maiorem autem probat ex Diuo Thoma dupliciter.

PRIMO: quia quæstione vigesima quarta de Veritate, articulo secundo in secundo argumento. *Sed contra, sic satur. Omne quod est liberi arbitrij, agit & non solum agit; sed bruta non agunt, sed aguntur, vt Damascenus dicit: ergo bruta non sunt liberi arbitrij.* En ubi probat bruta non esse liberi arbitrij, quia non se agunt, sed potius aguntur: ergo a sensu contrario sensit, quod omne se agens, prout sic est liberum in agendo.

SECUNDO: quia libro secundo contra gentes, capite quadragesimo octauo, ratione secunda docet, quòd *sola momentia seipsa libertatem habent*

in agendo. Ergo idem quod prius. Hoc, quantum capio, quantum sapio, totum portentum est tuæ secundæ rationis, Vincenti.

RESPONDEO maiorem argumenti vniuersaliter, & vt iacet, esse aperte falsam. Vera tamen erit, si intelligatur de solis mouentibus seipsa cum dominio sui actûs. Quo sensu voluntas non se mouet in omni actu perfectè voluntario; sed solum in illo, quem taliter elicit, vt possit non elicere, vel taliter imperat, vt possit non imperare: quod & tunc ostendimus supra libro secundo. Ratio autem, cur vniuersaliter de omni mouente seipsum, nequeat maior esse vera; euidenter patet ex duobus.

Tum quia patitur eandem illam instantiam, quam capite præcedenti ad hominem formauimus in duplici illo casu motionis præternaturalis Suarij, & necessitatis Manichææ. In utroque enim voluntas verè se ipsam moueret seu se ipsam ageret; & tamen minime liberè, vt Vincentius fatetur, ergo ad libertatem actûs non sufficit seipsum mouere seu se ipsum agere, si aliud non addatur.

Tum etiam, quia secundum communem Philosophiam, omne viuens mouet seipsum, vtpote sufficienter distinctum in partem per se mouentem & partem per se motam quæ distinctio ad se mouendum sufficit, & tamen non omne viuens habet prout sic, libertatem in agendo, vt manifestum est: ergo aliquid amplius ad veram libertatem requiritur. Et hoc requisitum dicimus esse, quod taliter quidpiam se moueat, vt simul habeat dominium sui actûs. Quem modum se mouendi, supra ostendimus, voluntati in actibus omnino necessarijs deesse: vt namque concedit Diuus Thomas prima parte, quæstione octuagesima secunda,

articulo primo in tertio argumento, eius quod est ex necessitate, non sumus domini.

Et quoddam hæc solutio sit vera & tenenda, patet iterum ex Angelico Doctore, qui secundo contra Gentes, capite quadragésimo septimo, Ratione tertia in fine, probans in substantijs intellectualibus dari voluntatem seu principium operandi liberè, non certè lumpsit pro medio, quod ipsæ seipsas agunt aut mouent qualitercumque, sed; quia seipsas agunt ad operandum, vt habentes sue operationis dominium. Ergo apertissime sentit, hoc præcisè quod est se mouere vel se agere, non sufficere ad veram libertatem, si simul facultas dominij non adsit.

Nec contrarium conuincitur ex duplici illo loco inducto.

NON EX PRIMO: quia quando asserit bruta non esse liberi arbitrij, quia non agunt sed aguntur, hoc debet sic intelligi; quia non agunt cum dominio sui actûs, taliter vt in potestate ipsorum sit, posito iudicio agere vel non agere. Si enim intelligeret absolute & sine vlla limitatione, quia non agunt; hoc certè doctrinæ communi & per se notæ contradiceret, eum euidentissimum sit saltem, apud sapientes, bruta verè se agere seu se mouere, vtpote verè viuientia & vitaliter operantia. Intelligit ergo sicut nos explicamus; quia non agunt, id est; tamquam habentia suæ operationis dominium.

Et si quæras; si bruta verè se agunt & mouent; cur Sanctus Thomas cum Damasceno dicit ea potius agi quam agere?

Respondeo rationem in promptu esse. Nam licet Physicè seu Philosophicè loquendo, hoc quoddam brutum se vitaliter mouere, sit verum, quoddam agere; tamen in materia morali (de qua vterque loquebatur) non:

Supra  
li. c. 7.  
per to-  
tum.

vbi su-  
pra

non debet censerī tamquam quoddam agere, hoc quod est agere absque dominio seu potestate agendi & non agendi. Vnde quotiescumque in Sanctis Patribus legitur, solum hominem verē se agere, bruta autem potius agi, hoc debet iuxta dictum, a nobis sensum intelligi; quia videlicet solus homo seu substantia intellectualis, se agit non solum Physicē sed etiam moraliter seu cum dominio faciendi vel non faciendi; bruta vero licet Physicē se agant, moraliter tamen potius aguntur ab alio, cum suis actibus non dominentur, sed ad vnum quid ita determinata sint, vt in oppositum ex vi eiusdem iudicii non possint.

Imò & ipse Diuus Thomas totum hoc expressē tradidit capite quadragesimo septimo iam citato, ratione tertia. *Licet bruta (inquit) quodammodo dicantur mouere se ipsa, in quantum eorum vna pars est mouens & alia mota, tamen ipsum mouere non est eis ex seipsis, sed partim ex exterioribus sensatis & partim a natura, in quantum enim appetitus mouet membra, dicuntur se ipsa mouere, quod habent supra inanimata & plantas, in quantum verò ipsum appetere sequitur de necessitate, in eis ex formis acceptis per sensum & iudicium naturalis estimationis; non sibi sunt causa quod moueantur. Vnde non habent dominium sui actus. En vbi Clarissimè affirmat bruta quodammodo se mouere; scilicet physicē, in quantum eorum vna pars est mouens & alia mota. Tamen ipsum mouere (inquit) non est eis ex seipsis, vel; non sibi sunt causa quod moueantur, quia scilicet non se mouent cum dominio sui actus. Sic enim se mouens; ex seipso seu ex proprio suo iudicio præfigit & determinat sibi actum, vt explicui capite præcedenti: quod tamen brutis non conuenit, sicut nec homini, aut voluntati, quando eli-*

cit actus necessarios seu naturales. *Ferrara*  
Vide ibi Ferrariensem, qui eruditè  
etiam id ipsum explicat. *2. c. 6. r. a*  
*Boetius*  
*c. 47. s.*  
*Circa id*  
*quod de-*  
*citur.*

EX SECVNDO etiam loco, nil conficis, Vincenti: nam potest responderi eodem modo, sicut responsum est ad primum. Videlicet, quando Sanctus Thomas dixit, *sola mouentia seipsa, libertatem habent in agendo*; quod loquitur de mouentibus seipsa moraliter seu cum dominio sui actus, vt capite illo quadragesimo septimo præmiserat.

Nihilominus est adhuc alia responsio magis ad litteram, quam ibi adhibet Ferrara; nempe Diuū Thomam non intelligere ibi per *libertatem in agendo*, libertatem de qua nos disputamus, quæ est voluntatis seu liberi arbitrii; sed aliquid aliud longè diuersum, quod omnino est extra nostrum propositum; videlicet principalitatem illam secundum quam aliquid dicitur esse causa principalis sui motus, non mota ab alio extrinseco vt à principali agente, qualiter mouentur graua & leuia a generante & vniuersaliter quælibet inanimata. Et quod in tali sensu libertatem sumat; patet ex contextu. Inquit enim ibi quod animalia irrationalia sunt quodammodo liberi quidem motus siue actionis, non autem liberi iudicii: inanimata autem quæ solum ab alijs mouentur neque liberæ actionis sunt aut motus. Intellectualia verò non solum liberæ actionis, sed etiam liberi iudicii. Pondera in illis verbis, quod tribuat libertatem in agendo seu liberam actionem animalibus irrationalibus, cum tamen vera libertas ipsis tribui nequeat; ergo per libertatem in agendo seu per liberam actionem, nequit libertatem intelligere de qua nos disputamus. Solum ergo potest velle, animalia esse causas principales sui motus, non purè motas ab extrinseco, sicut mouentur inanimata:

ta: & hanc principalitatem, libertatem vocavit, non absolute sed comparative ad illum infimum gradum motus inanimatorum. Ex quo proinde nil potest ad rem nostram con-  
necti, ut intuenti apparet. Solum namque concluditur, voluntatem in actibus suis necessarijs habere libertatem in agendo, id est agere tamquam causam principalem sui motus, quod libenter admittimus.

## SECTIO IV.

*Soluitur tertia ratio eiusdem, ex eo quod omnis talis actus emanat a voluntate, non solum per modum actus eliciti, sed etiam imperati.*

**T**ERTIO ARGVIT Vincentius in sua Theriaca, libro primo, capite nono. Quia actum esse liberum vera & essentiali libertate, nil aliud est quam ipsum emanare a voluntate, non solum per modum actus eliciti; sed etiam per modum actus imperati: at quilibet actus perfecte voluntarius, quantumvis sit necessarius, emanat a voluntate non solum per modum actus eliciti, sed etiam imperati: quare talis est vere liber, vera & essentiali libertate. Discurus tenet: maiorem probas, & bene; quia apud Sanctum Thomam & veteres Scholasticos, actum esse vere liberum, nil aliud est quam voluntatem esse imperatricem illius: hoc enim ipso habet illum in sua potestate seu dominio, ac proinde est libera in agendo illum. Sed minorem probas hoc modo. Quia actum aliquem emanare a voluntate per modum actus ab ipsa imperati, nil aliud est quam eundem esse ab illa volitum; cum voluntatem imperare aliquid, nil aliud quoque sit, quam

eam idipsum velle. At quilibet actus perfecte voluntarius, & si sit necessarius, exit a voluntate ut volitus: ergo exit ab illa ut vere imperatus. Posteriolem hanc minorem probas multipliciter.

**PRIMO**; quia omnis actus voluntatis perfecte voluntarius, est virtualiter super seipsum reflexus: ergo taliter est velle, ut etiam sit volitio sui; & ex consequenti est volitus.

**Secundo**: quia sic expresse docet Anselmus dialogo de libero arbitrio, capite quinto, quod omnis volens, ipsum suum velle vult. Ergo omne velle est volitum.

**Tertio**, quia idem expresse tradit Sanctus Thomas Prima Secundae, quaest. decima sexta, articulo quarto ad Tertium. Quia actus voluntatis (inquit) reflectuntur super seipsos, in quolibet actu voluntatis potest accipi consensus & electio & usus, ut si dicitur quod voluntas consentit se eligere, & consentit se consentire, & utitur se ad consentiendum & eligendum. Ergo idem quod prius.

**Quarto**: quia sic hoc clarificat Caietanus Prima Secundae, quaestione nona, articulo quarto, dum ait, Voluntarij actus voluntatis, sic supra seipsos reflectuntur, ut quilibet illorum explicite, vel implicite, formaliter vel virtualiter habeat rationem voluti obiectivae. Dum enim eligo vitam contemplativam, consentio in talem electionem, & utor voluntate mea ad actum eligendi, applicando illam.

Ad idem adducit Vincentius Franciscum Suarez, disputatione prima, sectione prima de Voluntate, ubi apertis verbis definit, esse voluntarium in actu elicito, nil aliud est, quam esse actum ita immediate manantem a voluntate, ut per seipsum intrinsece sit volitus per virtutalem & intrinsecam reflexionem in ipso inclusam. Igitur con-

stans

stans est, omnem actum voluntarium esse ipso facto volitum. En totam machinam tertiæ rationis.

RESPONDEO omnino debilem esse, & nil convincere. Concedere oportet maiorem; videlicet actum aliquem esse verè liberum, nil aliud esse, quàm eundem emanare à voluntate etiam per modum actus imperati: sic namque voluntas erit imperatrix & domina illius, habebitque eundem in sua potestate, quod est, actum esse liberum. Caterum ( *ut* *suprà* *hise ostendimus* ) hoc non competit actibus voluntarijs necessarijs, quos elicit absque indifferentia seu potestate ad oppositum: sicut namque esse Diuo Thoma prima parte, quæstione octuagesima secunda, articulo primo, *eius quod est ex necessitate, non sumus domini*; ita nec eiusdem voluntas est Imperatrix.

Nec probatio quæ contra hoc inducitur, est alicuius momenti. Fateor namque libenter, quemlibet actum voluntarium quantumvis necessarium, esse à voluntate volitum propter intrinsecam & virtualem reflexionem ibi repertam, ut Damascenus, Sanctus Thomas, Caietanus & Suarez apertè docent, estque communis Doctrina omnium; sed negari debet, hoc ipso esse talem actum à voluntate imperatum aut procedere ex imperio illius. Hoc enim quod est, esse actum à voluntate volitum, latius patet, quàm eundem esse ab illa imperatum: sicut & latius patet voluntas absolute, quàm voluntas ut imperans. Vnde sicut non omnis voluntas absolute, est voluntas imperans, cum hoc quod est imperare, addat specialem modum voluntatis; ita pariter non omnis actus absolute volitus, est actus imperatus. Id autem quod specialiter addit voluntas ut imperans ad voluntatem absolute, est facultas taliter volendi ut pos-

sit non velle. Quod clarè sumitur ex doctrina Diui Thomæ Secunda Secunda, quæstione decima septima, articulo septimo in Corpore, ubi dicit quod *secundum hoc aliquis actus imperio nostro subiacet, prout est in potestate nostra, ut suprà dictum est*: dixerat autem suprà articulo sexto in fine Corporis, quod actus necessarius & qui aliter se habere non potest, *non est in potestate nostra sed in ordine nature, & ideo propriè loquendo natura imperio subiacet, non nostræ voluntatis*. Sentit ergo potestatem imperatricem voluntatis hoc superaddere ad voluntatem absolute, quod possit sic velle vel aliter velle. Vnde id quod vult voluntas necessariò, erit quidem volitum, non tamen erit ab eadem imperatum: quia scilicet non est taliter volitum ut possit esse non volitum.

Et totum hoc patet manifestissimis instantijs. Primo in duplici illo casu quem suprà contra Vincentium expendimus: de præternaturali scilicet motione Suarj, & de necessitate Manichæa inducta ab anima mala. In illis enim casibus, actus quos eliceret voluntas, essent seipsis per virtualem reflexionem voliti, ut manifestum est, siquidem procederent ab illa verè voluntariè: & tamen ipsemet Vincentius nequit dicere illos esse imperatos, seu procedere ex imperio voluntatis, cum omnem veram libertatem eis deneget. Ergo non est idem, actum aliquem à voluntate esse volitum & esse ab illa imperatum.

Secundò in illo in primo actu voluntatis. Ille enim quæ parte est necessarius, etiam est voluntarius, utpote ab intrinseco & non sine præiuncta cognitione intellectuâ: quapropter & obrinet rationem voliti, sicut & volitionis: in primo namque actu sicut voluntas reuera vult, ita & vult

*Suprà*  
*l. 2. c. 8.*  
*& 9.*

sc



se velle. Et tamen actus ille non est imperatus, aut ex imperio voluntatis qua parte est necessarius, cum teste Dico Thoma Secunda Secundæ, questione decima septima articulo quinto ad tertium, sit ex instinctu nature aut superioris cause. Ergo idem quod prius; non omnis actus à voluntate volutus, est eo ipso imperatus.

Tertiò tandem insto, in actu voluntatis, quo producit Spiritus Sanctus. Ille actus est verè à voluntate Divina volutus, cum sit perfectissimo modo voluntarius; & tamen non procedit ex imperio voluntatis, nec à voluntate imperatur, vt supra ex professio diximus, ergo latius patet, actum aliquem esse volutum, quam eundem esse à voluntate imperatum.

Dici igitur debet, præter rationem voluti in actu, desiderari ulterius ad hoc, vt sit à voluntate imperatus, quòd procedat ab eadem vt mouente se cum facultate ad oppositum, vel (quod in idem redit) quòd sit volutus à voluntate in quantum voluntas est. Quod actibus perfectè voluntarijs & necessarijs minimè competit. Ecce tertium tuum argumentum, Vincenti, quanta facilitate destructum est: dum attendere negligis discrimen inter actum vtrumque volutum & imperatum.

## CAP V T V.

Solvitur quarta ratio eiusdem, ex eo quòd in omni tali actu voluntas agit incoactè.

Q VARTO ARGVIT Vincentius in sua Theriaca, libro primo, capite decimo. Liberè operari, & incoactè operari in voluntate

idem sunt: sed voluntas in omni actu perfectè voluntario operatur incoactè: ergo in omni tali actu operatur liberè. Minor cum consequentia conlitar, & maiorem probat pluribus autoritatibus; sed breuitatis causa, ponamus tantummodo vnam, quam adducit ex Augustino, ex cuius effectu cognoscitur reliquæ. Augustinus (inquit) passim existimat, se sufficienter ostendisse liberum consensum voluntatis, si quis non coactus, quippiam facit. Ergo liberè operari & incoactè operari idem sunt. Et qua quæso via probat huiusmodi antecedens? Sanè non alia, quam adducendo ex Augustino capit. decimo nono contra Secundinum Manichæum, hæc verba: Si cogitur consentire, itaut non sit in eius potestate aliter facere: non ergo vt dicebas, voluntate peccat, quando non voluntate consentit. Ergo existimat Augustinus se sufficienter ostendere liberum voluntatis consensum; si quis non coactus, quippiam facit.

FRVSTRA TE INTORQUES, Vincenti, argumentationibus vanis. Non est ita vt dicis, multum falleris. Nego esse idem, etiam respectu voluntatis, liberè agere & incoactè agere. Vt enim iam multis ostendimus, Pater & Filius in productione Spiritus Sancti, & similiter beati in amore beatifico, agunt incoactè, & tamen non agunt liberè. Quod etiam patet in actu voluntatis viæ qui versatur circa beatitudinem in communi. Ille enim actus formaliter pro ea parte, qua est necessarius & naturalis, nempe quoad specificationem seu obiectivè, non est vtrique liber: teste enim Caietano, sicut est naturalis obiectivè, ita non est in potestate nostra obiectivè; & tamen adhuc prout sic, seu respectivè ad obiectum, est incoactus; cum adhuc prout sic sit voluntarius: ergo non sunt

in The  
riaca l.  
1. c. 10.  
§. Indidè  
etiam  
patet.

Suprà  
l. 2. c. 7.  
h. Certe  
insignis.

Caiet.  
1. p. qu.  
81. art.  
1. ad 3.

sunt formaliter idem incoactè agere & liberè agere.

Nec probatio tua ex Augustino quidquam conuincit; sed potius turpiter in ea hallucinaris. Non enim Augustinus intendit hanc consequentiam quam tu intendis; scilicet voluntas agit incoactè, ergo agit liberè; sed hanc: si voluntas agit coactè, ergo non agit liberè. Quam utique & nos concedimus, sed tuam constanter negamus. Tua est à superiori ad sumum inferius affirmatiue, quæ proinde vitiosa est: sicut si diceretur; est animal, ergo est homo: agere enim incoactè, est superius ad agere liberè & ad agere necessario seu non liberè: unde nullo modo sequitur: iste actus voluntatis est incoactus, ergo iste actus est liber; potest namque esse necessarius. Consequentia tamen Augustini, optima est. *Si cogitur (inquit) consentire, non ergo voluntate (seu libertate) peccat. Qui processus, est à prædicato repugnanti, ad negationem illius cui repugnat; procedit enim à positione coactionis ad negationem libertatis, cui coactio repugnat. Sicut si dicerem, si hoc est substantia inanimata, non ergo est homo. Vnde licet rectè inferat Augustinus; si cogitur; non ergo liberè vult; ineptè tamen inferis tu, incoactè agit seu non cogitur; ergo liberè vult.*

Et hac eadem deceptione, Vincenti, laborant omnes alie authoritates, quas toto illo capite decimo ex alijs Patribus Fulgentio, Prospero, Anselmo & Bernardo adducis. Nul- lus enim illorum ex sola aut mera incogibilitate, inter libertatem; sed tantum contendunt non fore libertatem, si coactio adesset. Et dato, quod alibi, etiam ex sola incogibilitate libertatem inferrent; explicandi sunt, sicut supra ostendimus, de libertate potentie seu suppositi, non de libertate actus.

SED INSTAS ratione. Libertatis, negativa quasi proprietates est, non cogi; sed ubicumque inuenitur proprietates, inuenitur & essentia ad quam proprietates consequitur; ergo ubicumque voluntas agit incoactè, agit ibidem & liberè.

RESPONDETUR facillimè. Negando quòd incogibilitas sit proprietates determinatè consequens essentiam liberi. Consequitur enim essentiam cuiuscumque voluntarij, si sumatur in tota sua latitudine, ut patet in brutis: in quorum actibus sicut inuenitur ratio voluntarij, ita & ratio incogibilitatis: & si sumatur magis strictè, ut sumit Vincentius, pro sola incogibilitate reperta in natura intellectu, sic consequitur essentiam voluntarij perfecti. Quæ cum sit prædicatum superius ad voluntarium liberum & ad voluntarium necessarium; inuenitur quoque huiusmodi proprietates in utroque illo voluntario, tam libero quam necessario: unde non sequitur; ille actus voluntatis procedit incoactè, ergo procedit liberè, quia ratio incoacti etiam inuenitur in actu voluntario necessario seu non libero. Exemplum est, in potentis sensitiuis animæ, quæ sunt proprietates consequentes essentiam animalis non in determinata aliqua specie, sed essentiam animalis ut sic, seu prout abstrahit à rationali & irrationali: unde sicut non sequitur; hoc suppositum habet potentias sensitiuas, ergo habet formam animalis rationalis, quia huiusmodi potentie etiam consequuntur formam irrationalem; ita pariter in præsentem non rectè inferitur hic actus procedit incoactè, ergo procedit liberè; quia ratio incoacti est proprietates consequens actum voluntarium non indeterminata specie liberi, sed actum voluntarium ut sic, prout abstrahit à libero & necessa-

rio, ac proinde inuenitur etiam in actu non libero.

## CAPVT VI.

*Soluitur prima ratio, qua Vincentius speciatim probat amorem beatificum esse liberum, ex eo quod sit actus humanus.*

**E**TIAM habet Vincentius rationes nonnullas, quibus in particulari conatur ostendere, esse liberum, amorem beatificum, non obstante eius necessitate ab intrinseco, quam nobiscum latetur.

PRIMO ARGVIT in Theriaca libro primo, capite vigesimo primo.

*Quis enim (inquit) amorem viri finis & beatificum hominis, negabit actum humanum esse? Quasi tacite intendens concludere; si humanus: ergo liber.*

**R**ESPONDEO quod nulla est argumentatio. Si enim Theologi consulantur; negant in primis aliqui non infimæ notæ (vt Medina) amorem beatificum, actum humanum esse. *Dicendum (inquit ille) actionem beatificam non esse actionem humanam, sed potius esse finem omnium actionum humanarum.*

Deinde alij (vt Curiel, Corneio, & idem Medina, quibus & ego subscribo) distinguunt de actione humana. Vel enim fit sermo de actione humana quoad substantiam operis, vel de humana etiam quoad modum operandi. Actio humana (inquiunt) quæ est humana etiam quoad modum operandi, est quidem libera; non tamen est libera, actio humana, quæ est humana præcisè quoad substantiam operis. Patet hoc in prima intellectione, præueniente omnem actum voluntatis: illa est actio

humana quoad substantiam, cum secundum suam substantialem speciem non procedat nisi ab anima rationali; & tamen libera non est: quia non est humana quoad modum operandi: vtpote cum procedat ab homine, non secundum modum proprium hominis, qui est agere cum indifferentia, sed cum determinatione ad vnum, qui est modus communis etiam ipsis brutis. Amor ergo beatificus secundum hos Doctores, ponitur esse actio humana primo modo, nempe quoad substantiam operis, non quoad modum operandi, quia pariter procedit ab homine, cum omnimoda determinatione ad vnum, non autem cum indifferentia, per quam à modo agendi brutali homo differt. Vnde nec in horum opinione vllatenus sequitur, actum illum liberum esse.

Sed rursus alij (vt Salmanticenses) aliter philosophantur. Admittunt quidem amorem beatificum esse, actum humanum, etiam quoad modum operandi; sed negant exinde sequi, illum liberum esse. Nam latius (inquiunt) patet, actio humana etiam quoad modum operandi, quam actio libera. Vt sit humana etiam quoad modum operandi; sufficit secundum illos, exire ab homine, secundum aliquem modum proprium hominis pro aliquo statu, nempe pro statu Patriæ, licet non exeat ab homine secundum modum proprium hominis pro statu viæ. Vnde cum amor beatificus (iuxta hunc modum dicendi) exeat ab homine secundum modum operandi, quem vt sibi proprium habet homo in patria, fit consequens actionem humanam esse, etiam quoad modum agendi. Non tamè liber est huiusmodi amor; quia etiam hi Authores ultra rationem actionis humanæ vt sic seu in totalitudine exigunt ad actum liberum;

indifferentiam ex parte principij, quæ tali amori deest,

Itaque, Vincenti, prima illa tua ratio pro libertate amoris beatifici, in quocumque modo dicendi inefficax est. Vel enim antecedens à Theologis negatur, vel distinguitur, vel si conceditur absolute; negatur consequentia,

Et certe id, in quo omnes isti modi dicendi cōueniunt; videlicet amorem beatificum non esse simpliciter & omnibus modis actionem humanam, nil miri, nil noui, nil insoliti continetur: ita vt mirum potius esse debeat, te (Doctōr Scholasticus cum sis) tanta confidentia nobis obijcere; *quis amorem beatificum negabit actum humanum esse?* Profecto si tantisper libet primum articulum ex Prima Secundæ attendere, videbis Sanctum Thomam hoc ipsum negare, quasi aperte & euidenter. *Actionum quæ ab homine aguntur* (inquit ibi) *illæ solæ propriè dicuntur humanæ quæ sunt propriæ hominis in quantum est homo. Distinguit autem homo ab alijs irrationalibus creaturis in hoc quòd est suorum actuum dominus. Vnde illæ solæ actiones vocantur propriè humanæ, quarum homo est dominus. Est autem homo dominus suorum actuum per rationem & voluntatem: vnde & liberum arbitrium esse dicitur facultas voluntatis & rationis. Illæ ergo actiones propriè humanæ dicuntur, quæ ex voluntate deliberata procedunt: si quæ autem aliæ actiones homini conueniant, possunt quidem dici hominis actiones, sed non propriè humanæ.* Non vides hic amori beatificò rationem actionis humanæ quasi expressis verbis denegari? Concludit Sanctus Doctor summa claritate illas solum actiones propriè dici humanas, quæ ex voluntate deliberata procedunt: & dic quæso, comprehenditurne sub genere actionum ex voluntate deliberata procedentium.

amor beatificus? Si hoc iuxta tuæ principia pertinaciter asserueris; inferam & ego ex deliberata voluntate procedere Spiritum Sanctum, & si hoc quoque concesseris, audeo dicere Catholicam vocem non esse: nam ratio deliberata, si terminis non abutatur, ad minus importat, si non consultationem seu inquisitionem de medijs; saltem rationem indifferenter proponentem obiectum: quorum neutrum in tuam opinionem inuenitur in amore beatifico, & ponere alterutrum istorum in productione Spiritus Sancti, proculdubio à fide aberrat. Ergo si discursus Sancti Thomæ pro legitimo habeatur; negandum utique est, amorem beatificum, propriè & simpliciter actionem humanam esse. Confiteri quidem compellimur, esse actionem hominis, sed humanam actionem dicere, Angelica doctrina prohibetur.

NEC valet tua explicatio, qua dicis Diuum Thomam loco citato non definuisse actionem humanam, nisi in quodam sensu speciali, quo solæ electiones mediorum vocantur humanæ: quo utique sensu fateris amorem beatificum, actionem humanam non esse. Et moueris ex eo quòd ipsam definierit per voluntatem deliberatam, quæ secundum te solum est voluntas electiua, cum in media tantum, non in finem deliberatio cadat.

Non inquam valet; tum quia hoc est volutariè restringere doctrinam, quam tamen ex ipso textu constat vniuersaliter tradi, pro omni actione humana vt sic.

Tum etiam, quia sic explicando, facis doctrinam Sancti Thomæ diminutam: cum enim nullo alio in loco ex professo actionem humanam hominis vt sic, definiat; si hic in tota latitudine seu absolute non definiuit;

uit; sequitur quòd nusquam sic definitur; ac proinde omnino diminutè processit.

Tum denique, quia probatio potius erit nugatoria quàm artificiosa. Patet sequelas: nam iuxta tuam explanationem; fiet ille sensus, *actuum quæ ab homine aguntur, illæ solæ propriè dicuntur humane, proprietate actionis electiue, quæ sunt propriè hominis in quantum electiui: differt autem homo (in quantum electiui) ab alijs irrationalibus creaturis in hoc, quòd est suorum actuum dominus, speciali dominio electiuo: vnde solæ illæ actiones vocantur propriè humane, proprietate actionis electiue, quarum homo est dominus dominio speciali electiuo &c.* Quam probationem quis non videat esse omnino ridiculam, & nugatoriam, cum semper manifestet idem per idem? Vnde & ad fundamentum tuum dicendum est, Sanctum Thomam nomine voluntatis deliberatæ non intellexisse determinatè voluntatem electiuam, prout solum respicit media; sed quæcumque voluntatem liberam prouenientem ex iudicio indifferenti, quo sensu etiam datur voluntas deliberata circa finem.

Et ne putes propria phantasia hoc à me dici: accipe locum euidentem eiusdem Sancti Thomæ, in quo ipsemet voluntatem deliberatam iuxta dictam intelligentiam usurpat. Locum habetur Prima Secundæ, questione sexta, articulo secundo in Corpore. *Perfectam (inquit) cognitionem finis sequitur voluntas secundum rationem perfectam. Prout scilicet apprehenso fine aliquis potest deliberans de fine (eu deliberatio etiam circa finem) & de his quæ sunt ad finem, moueri & non moueri. Velis, nolis, hic cogimur nomine deliberationis intelligere, non actum liberum determinatè circa media, seu electiuum*

specialiter: sed actum liberum in tota sua latitudine, prout idem est, ac actus exercitus cum indifferentia tam circa finem, quàm circa media. In eodem ergo sensu sumpsit voluntatem deliberatam in articulo illo à nobis adducto, & à te malè intellecto.

## CAPVT VII.

*Soluitur secunda ratio eiusdem, ex eo quòd visio beatifica nequeat eripere voluntati istam maximam perfectionem, quæ est libertas.*

**S**ECUNDO ARGVIT ad idem, in sua Theriaca libro primo, capite vigesimo secundo. Cum *libertas (inquit) sit maxima perfectio voluntatis, & ad eam exercendam, intellectus tamquam dux & lucifer sit ei à natura datus, nimis incredibile est, perfectissima & splendidissima operatione intellectus, qualis est visio beatifica, voluntati libertatem & perfectionem istam eripi, & à culmine mentis in modum & impetum agendi brutalem deijci.* Profecto satis Rhetoricè, pulchrè, & ornatè.

Quod idem argumētum alijs terminis repetit libro secundo, cap. primo, sectione secunda, quasi admirandus inquit; *Intellectus voluntati appositus est, ut in modo suo conaturali agendi (id est, qui cum imperio & libertate essentiali exercetur) eam dirigat; & tamen perfectissima operatio intellectus, quæ est videre Deum, modum illum agendi, in quo suprema excellentia voluntatis consistit, euerteret? Quàm hoc paradoxum (concludit) & adoxum mihi videtur!*

Sanè, Vincenti, quod tibi adeò adoxum, hoc mihi omnino orthodoxum.

xum. Verba tua ad formam Scholasticam licet reducere, vt rei veritas appareat. Quasi sic ergo probas. Intellectus datus est voluntati, vt illo mediante, voluntas libertatem suam exerceat: & alias libertas est maxima & suprema voluntatis perfectio: ergo mediante perfectissimo actu intellectus, qualis est visio, nequit maxima illa libertatis perfectio eueri, ac proinde adhuc sub visione manet amor liber.

RESPONDEO duas propositione in illo syllogismo contineri. Prima est; *Intellectus datus est voluntati, vt mediante illo voluntas suam libertatem exerceat*. Secunda; *Libertas est maxima & suprema voluntatis perfectio*.

Prima propositio potest bene & malè intelligi. Malè, si intelligatur de quocumque intellectu, sine determinato ad vnum, siue indifferenti. Falsum enim est, intellectum in tali amplitudine esse regulam libertatis. Vt namque inquit Sanctus Thomas in Secundo ad Annibald. Distinct. vigesima quarta, quæst. vnicæ, articulo secundo. *Libertas provenit ex ratione quæ ad opposita viam habet*. En non ex qualibet ratione, non ex quolibet intellectu nascitur libertas; sed ex ratione, ex intellectu ad opposita viam habente; hoc est ex ratione seu intellectu indifferenti. Bene ergo intelligetur, si sumatur propositio, non de quolibet intellectu, sed determinatè de intellectu, qui habet allociatam sibi indifferentiam. Sed in hoc sensu nil concluditur ad propositum, nam amori beatifico non præluet intellectus aut ratio proponens obiectum indifferenter, sed potius cum omnimoda determinatione ad amorem tantum.

Secunda propositio est simpliciter falsa. Libertas enim non est maxima & suprema perfectio voluntatis: cum cæteris paribus ex parte cogni-

tionis, longè maior perfectio sit in voluntate amor omnino necessarius seu non liber, quàm amor non necessarius seu liber. Quod & multis potest ostendi.

Primo à priori: quia amor omnino necessarius quoad specificationem & exercitium, cum ex vi sui principij non sit indifferens ad esse, & non esse, minus habet de potentialitate, & plus de actualitate. Ergo absolutè est perfectior amore libero seu indifferenti, qui in nobis habet admixtam illam potentialitatem ad esse & non esse, & in Deo ad minus defectibilis est sub conceptu terminationis.

Secundò etiam à priori: quia amor omnino necessarius provenit à voluntate vt natura est, liber verò provenit à voluntate vt voluntas est, vt supra ex propositis ostendimus. At cæteris paribus perfectior est voluntas vt natura est, quàm voluntas vt voluntas est: ergo perfectius operatur necessarius, seu vt natura, quàm quando operatur liberè seu vt voluntas. Constat consequentia & minorem, probo, quia Spiritus Sanctus procedit à voluntate Divina secundum conceptum eius perfectissimum: at, teste Sancto Thoma, questione secunda de Potentia, articulo tertio in fine Corporis, & ad Undecimum, procedit à voluntate vt natura est, non à voluntate vt voluntas est: ergo in voluntate conceptus naturæ est simpliciter perfectior conceptu voluntatis.

Tertiò à simili: quia sicut se habet intelligere sine discursu ad intelligere cū discursu, ita se habet amare sine libertate ad amare cum libertate: sed intelligere sine discursu est absolutè perfectius, quàm intelligere cum discursu, vt patet in Deo, & in Angelis: ergo cæteris paribus, cetera amare sine libertate est absolutè perfectius.

Supra  
l. i. c. 5

per-



perfectius, quam amare cum libertate.

Quartò: quia actus Diuinæ voluntatis necessarij, nostro modo recipiendi sunt perfectiores actibus eiusdem voluntatis liberis: quia de causa perfectior est amor necessarius suæ bonitatis quam amor liber creaturæ: ergo pariter in nostra voluntate, si cetera sint paria perfectiores erunt actus voluntatis necessarij, quam liberi.

Dixi autem, si cetera ex parte cognitionis sint paria: quia certum est quod amor liber ex perfecta aduertentia rationis, perfectior est amore necessario, qui non est cum tali aduertentia: ut patet in motibus primo primis, in pueris, & amentibus.

Ex his ergo patet ad rationem factam. Non debere esse incredibile, perfectissima & splendissima operatione intellectus, qualis est visio beatifica, voluntati perfectionem illam, eripi, quæ est libertas. Erepta enim illa, patet ei via ad exercendam aliam perfectionem longè superiorem, nimiram amorem diuinæ bonitatis omnino necessariam.

Non hoc profecto est (ut terrificata verba, Vincenti, sonant) *à culmine mentis in modum & impetum agendi brutalem deijci*: sed potius, à flexibilitate mentis in perpetuam stabilitatem Sanctorum erigi. Quod enim mos dicamus, amorem illum quoad modum exeundi cum determinatione ad vnum, habere conuenientiam cum modo agendi brutorum: hoc non sic capi dehet, quasi Physicè & à parte rei brutaliter exerceatur: hoc namque blasphemum potius quam Theologicum esset: habet enim modus ille determinationis ad vnum in amore beatifico, Physicè & à partè rei differentiam sibi propriam, quam longissimè distantem à modo

Physico operationis brutalis: utpote cum exerceatur cum perfectissimo voluntario, quod in operatione bruti minimè reperitur. Solùm ergo intendimus esse brutalem quoad modum, in hoc sensu, quia videlicet modus operandi cum determinatione ad vnum, absque indifferentia & per modum naturæ, sumptus secundum suam rationem formalem seu logicè in sui abstractione, inuenitur etiam in brutis, licet aliàs Physicè contractus per differentiam quādam voluntarij longè imperfectioris, videlicet absque cognitione intellectiua. Sicut communiter solet dici de homine & de equo: quod in ratione animalis logicè considerata habent conuenientiam formalem, licet aliàs differant in eadem ratione animalis, considerata Physicè seu ut contracta per proprias differentias.

Præterquam quod omnino abusive dicitur, per visionem beatificam, voluntati perfectionem libertatis eripi. Aliud namque est, quod à splendissima illa operatio non fiat in ordine ad suum obiectum primum, libertatem voluntatis exerceri, aliud autem, quod eam ipsi absolute eripiat. Primum, verissimum est, secundum autem, à veritate prorsus alienum. Licet namque voluntatis libertatem exerceri non fiat respectu obiecti primarij quod est diuina bonitas secundum se; non tamen libertatem absolute eripit aut euertit: cum permittat, imò & eandem stabilitat circa obiecta secundaria seu circa diuinam bonitatem, ut est ratio diligendi creaturas, sicut namque supra ex D. Thoma ostensum est, amor beatificus, necessarius & immobilis & indefectibilis & immutabilis, est fundamentum & origo reliquorum actuum liberorum, quæ beati circa creaturas liberè, mobiliter, defectibiliter, & mutabiliter exercent. *opor.*

*et enim ( inquit Angelicus præceptor prima parte quæstione octuagesima secunda articulo primo in Corpore ) quod illud , quod naturaliter alicui convenit , sit fundamentum & principium omnium aliorum : quia natura rei est primum in vnoquoque , & omnis motus procedit ab aliquo immobili.*

## CAPVT VIII.

*Solutur tertia ratio eiusdem , ex eo quod necessitas beatifica voluntatem non adigat in illum amorem vi quadam nature .*

**T**ERTIO ARGVIT ad idem in sua Theriaca , libro primo , capite vigesimo sexto . *Non enim illa necessitas ( ait ) voluntatem beati more appetitus brutalis in illum affectum amoris vi quadam nature exprimit & adigit ; sed eam sub sapientissima directione beatificæ visionis , se in illum resolvere , & sibi illum ex potestate sua dominatiua , imperare sinit .*

Meo videri in hac Rhetorica , Vincenti , ponis triplex enthimema . Quasi in forma Scholastica dices ;

**PRIMO SIC :** necessitas amoris beatifici non adigit voluntatem . Beati more appetitus brutalis : ergo non adimit ei in illo actu libertatem .

**SECUNDO SIC :** nec etiam adigit vi quadam nature : ergo pariter libertatem non tollit .

**TERTIO SIC :** sinit voluntatem se in illum amorem resolvere ex potestate sua dominatiua : ergo liberè .

**RESPONDEO** ad singula . **AD PRIMVM** iam patet ex dictis capite præcedenti . Distinguo enim sic . Necessitas illa non adigit volunta-

tem more appetitus brutalis Physicè , & quoad substantiam ; concedo antecedens : more appetitus brutalis , quoad modum agendi , logicè vtriusque communem ; nego antecedens . Ergo non adimit ei in illo actu libertatem ; nego consequentiam . Sed tantum sequitur , quod amor ille sit substantialiter & Physicè differens ab appetitu brutali : quod nos concedimus , cum habeat perfectissimam rationem voluntarij , qua tamen caret appetitus bruti . Sed ut liber esset vera libertate , ultra hoc requirebatur : quod etiam differret ab appetitu brutali , quoad modum , qui est cum determinatione ad vnum . Hunc enim modum verè libertati repugnare , iam sæpè satis inculcatum est .

**AD SECVNDVM** dico , quod hoc quod est , voluntatem Beati non adigi in illum amorem vi quadam nature ; potest bene & malè intelligi . Bene si solum significetur , non adigi in illum amorem vi aliqua cogente aut violentante ; malè autem si ultra hoc intendatur , nec etiam adigi in illum amorem vi seu efficacia naturalis inclinationis determinatæ ad vnum . Sed primum ; non suvat intentum aduersarij : quod enim non adigatur voluntas Beati in illu amorem , vi aliqua cogente seu violentante , hoc ad rationem liberi non sufficit , si simul cum hoc necessitetur ad eundem vi seu efficacia naturalis inclinationis per omnimodā determinationem ad vnum . Ut enim supra ex D. Thoma audiimus , *dominium seu libertas excludit duo , & violentiam causæ exterius agentis , & determinationem virtutis ad vnum .*

**AD TERTIVM** absolutè nego antecedens . Non enim se resolvit voluntas Beati in illum amorem ex potestate sua dominatiua , cum se resolvat ex necessitate : & illius quod est ex

Suprà  
l. 3. c. 1.  
sect. 3.  
§. Expro  
hac.

In The  
riac. l.  
2. c. 26.  
§. Non  
enim il  
la .

necessitate, non sumus Domini, concedit S. Thomas prima parte, quaestione 82. articulo primo.

## CAPVT IX.

Soluitur quarta ratio eiusdem, ex eo quod minimè expediret, tam sapientem & prudentem esse, sicut beati sunt: si semel amor illorum liber non esset.

**Q**UARTO ARGVIT ad idem in Theriaca libro secundo, capite primo, sectione secunda. Si necessitas (inquit) qua ex sapientissimis & praequantissimis, quas intellectus voluntati proponit, amandi rationibus & motibus provenit (ut scilicet contingit in amore beatifico) necessitatem coactivam, libertati naturali inimicam inferret; tam sapientem & prudentem esse (sicut sunt beati) minimè expediret.

Est argumentum ab absurdo. Redactum in formam Scholasticam sic sonat. Si iudicium visionis beatorum, quo beatus iudicat Deum esse amandum, inferret necessitatem coactivam, libertati inimicam; minimè esset expediens, tam sapienter iudicare, sicut beati iudicant. At hoc est absurdissimum: ergo & dicere, quod simile iudicium necessitatem coactivam libertati inimicam inferat.

Profecto, Vincentij; cum nemo sit inter Catholicos, nec vir nec mulier, qui sibi tale iudicium tota mente tandem aliquando non optet) non possum non tecum fateri absurditatem istam, vel potius stultitiam singularem, qua quis diceret, simile beatorum iudicium non adeo expedire. Imo si tale quid in vulgus quis spargeret, timere deberet utique (Phrasi vtor Augustini) ne non solum facies

eius spiritus obliniretur virorum, verum etiam caput sandalijs mulierularum commingaretur. Dicamus ergo, multum per omnem modum, imò & plusquam humana mens capere possit, sapientiam istam Sanctorum, qua invidiosissime iudicant Deum semper amandum, omnibus & singulis expedire. Sed me hercle! sequiturne oppositum ex communi nostra sententia, qua dicimus, tale iudicium cum libertate amoris non compari? Sanè contendis id tuo argumento; sed quam inaniter, solutio docebit.

**RESPONDEO** ergo in primis, negando suppositum: scilicet nos docere, quod necessitas illa ex iudicio visionis beatificae proveniens, inferat in voluntate beati necessitatem coactivam. Aliud namque est quod inferat absolute necessitatem auferentem actus libertatem, aliud autem, quod inferat necessitatem coactivam. Primum, verum est, & nos fatemur: cum enim iudicium illud sit determinatum ad unum, inferat in actione subsequuta necessitatem, ita ut libertas in ipsa inveniri nequeat. Unde, Divus Thomas quaestione vigesima quarta de veritate, articulo secundo ad tertium, loquens de actionibus regulatis iudicio determinato, sic fatetur; considerato ordine actionis ad iudicium a quo provenit, quod est determinatum ad unum, etiam ad ipsas actiones, obligatio quaedam derivatur (id est quaedam necessitas) ut non possit in eis inveniri ratio libertatis absolute. Secundum verò, quod inferat necessitatem coactivam; hoc constantissime distinetur. Licet enim amor beatificus cum summa determinatione iudicii a voluntate exeat, in illo tamen inclinationem suae naturae: non est autem violentia vel coactio in hoc, quod aliquid secundum ordinem suae naturae moveatur, sed magis in hoc quod naturalis motus

impeditur, inquit iterum Diuus Thomas, quæstione decima de potentia, articulo secundo ad Quintum.

Deinde dico, quod iudicium illud visionis beata, non solum non infert necessitatem coactionum, sed nec necessitatem aliquam, quæ absolute sit libertati inimica. Vt namque constet ex capite septimo præcedenti, in fine; libertas ex vi visionis & amoris beatifici, non solum indemnitas relinquatur circa obiecta secundaria, verum etiam magis circa ea stabilitur & confirmatur. Fatemur quidem, quod non finitur ibi libertas exerceri circa obiectum amoris primarium, quod est Diuina bonitas inspecta secundum se; sed hoc minimè inconuenit, imò omnibus modis necessarium est. Cum namque Diuina bonitas secundum se & sine habitudine ad creaturas sit bonum infinitum, in cuius contemplatione nulla prorsus apparere potest ratio mali aut defectus boni; profecto prout sic liberè amabilis non est, sed omnino debet sine libertate amari.

Sed quid? An nè ideo (sicut tuum argumentum, Vincenti, contendit) minimè expedit tam sapientem & prudentem esse: ut nempe tam inuidè indicetur Deus amandus, ut non libertate, sed necessitate ametur? O Deus meus & omnia! Quam hoc non obstante expedit hoc felicissimè, beatissimè, & desideratissimè! Da quæso Domine talem sapientiam, da splendidissimum illius iudicii lumen, quo præeunte, te ita amare valeam, ut liberè amplius non amem. Si gratiæ tuæ misericors liberalitas hoc semel dederit, non solum semel te amabo, sed semel pro semper: non solum aliquo tempore, sed tota æternitate. Imò non solum tota æternitate te amabo, sed nec aliud per totam æternitatem facere poterò, quam te amare, Aiebat Sponsa.

Canticorum tertio, Tenui eum nec dimittam; sed dicam & ego tunc longè confidentius; tenui eum, & nò solum non dimittam, verum nec dimittere possum; imò nec mente concipere, qualiter possim. Felices compedes, felicia vincula, quæ sic libertatem constringunt, sic ligant. Constringe Domine, liga audacter, quia planè gestio, sic potius esse ligatum, quam mea libertate solutum. Solutus; & amorem tui & te perdere possum; sic ligatus; non possum, non possum. Vincenti, quam felix, quam beata, quam summe expédiens, ista, licet sine libertate sapientia!

## C A P V T X.

Soluitur quinta ratio eiusdem, sumpta ab exemplo Lucretiæ.

**Q**UINTO ARGVIT ad idem, in Theriaca libro primo, capite vigesimo quinto: asserens exemplo posse probari, prægnantissimas illas amandi rationes, in Beatis libertati amoris non obesse. Cuius rei (inquit) etiam in moribus humanis exemplum inueniri potest..... Nam si quis Lucretiæ pudicæ matronæ persuadere conetur, ut pudicitiam suam publice in Theatro nudam prostituat, nullis montibus aurcis, nullis tormentis id ab ea extorquebit. An tamen in amore isto pudicitia tam liberè non est, quam meretrix Thais, quæ cum antea pudica quoque esset, postea vno coronato se prostituat? Est sanè. Nam necessitatem illam volendi seruare pudicitiam, voluntate spontanea sibi imponit, & se quoque prostituere posset, si veller, quod tamen nullis blanditijs, nullis tormentis, nulla ratione imaginabili, ut faciat, impetrabis.

Forma Scholastica opus est, ut vis argu-

In Theriaca l. 1. cap. 28 §. In quibus.

argumenti appareat. Ponamus ergo sic. Prægnantissimæ rationes amandi, non nocent libertati amoris: ergo licet in amore beatifico adsint prægnantissimæ rationes amandi Deum, non ideo desinet esse liber ille amor. Consequentia patet, & antecedens probatur exemplo Lucretiæ, taliter determinatæ ad amorem pudicitæ, ut nulla ratione, quantumvis prægnantissima, à ratione amandi pudicitiam abduci valeat: & tamen illa (ut experientia constat) pudicitiam amat liberè, non minus quam meretrix Thais: ergo prægnantissimæ rationes amandi ali- quod obiectum, non nocent libertati amoris.

RESPONDEO, me summo opere mirari, tale quid à viro aliàs Theologo in præsentiarum adduci. Distat namq; sicut terra à cælo exemplum huiusmodi ab amore beatifico. Vnico verbo dico, matronam illam omnino liberè pudicitiam amare, beatos autem amare Deum necessariò & non liberè. Ratio est in promptu. Nam licet Lucretia rationes habeat amandi pudicitiam, ita ut nulla via de facto vincenda sit; hoc tamen præcise arguit necessitatem consequentem seu ex suppositione: quia videlicet ita efficaci proposito se de facto determinavit, ut velit etiam pro retinenda pudicitia montes aureos respuere. Cæterum huiusmodi determinatio absolutè libera est, & potuit eandem non facere, sicut & semel habitam retrahere: utpote quæ non fuit profecta ex iudicio per se & à natura rei determinato ad vnum, sicut contingit in beatis; sed potius ex iudicio quoad actum primum indifferenti iuxta merita obiecti. Obiectum enim illud, cum sit bonum quoddam particulare & finitum, nempe virtus pudicitæ; per se

loquendo, apprehendi potest cum aliqua ratione mali seu cum aliquo defectu boni, & ex consequenti nequit ex proprijs meritis alicui voluntati proponi ut necessariò amandum, qualiter proponitur bonum infinitum clarè visum, sed potius proponitur ut indifferenter eligibile vel sumibile. Ut namque docet Diuus Thomas Prima Secundæ, quæstione decima tertia, articulo sexto in Corpore; intellectus in omnibus particularibus bonis potest considerare rationem boni alicuius, & defectum boni alicuius, quod habet rationem mali: & secundum hoc potest unumquodque huiusmodi bonorum apprehendere ut eligibile vel sumibile. Solum autem perfectum bonum quod est beatitudo, non potest ratio apprehendere sub ratione mali aut alicuius defectus, & ideo ex necessitate (id est non liberè, ut patet insipienti titulum articuli) beatitudinem bono vult.

Ex hoc clarissimè patet ad formam argumenti. Distingui enim debet antecedens hoc modo. Prægnantissimæ rationes amandi, non nocent libertati amoris; distinguo: si ita prægnantes sint, ut suam tamen habeant indifferentiam ex parte actus primi, sicut contingit in amore illo pudicitæ, concedo antecedens: si ita prægnantes sint, ut omnem indifferentiam ex parte actus primi excludant, sicut contingit in amore Dei clarè visum; nego antecedens. Distinctio constat

ex varijs, quæ hinc inde tradidimus,

& adhuc

constabit amplius  
ex sequentibus.

## CAPVT XI.

*Soluitur sexta ratio eiusdem, desumpta ab inconuenienti, nempe quod nec Virgo Mater, nec alij confirmati in gratia, fuissent liberi.*

In The  
tia. l. 1.  
cap. 1.  
sect. 2. §  
igitur l.  
c. 1.

**S**EXTO ARGVIT ad idem, in Theriaca libro secundo, capite primo, sectione secunda. Si amor proveniens ex iudicio determinato ad vnum, non esset liber; sequitur quod nec *Virgo Mater*, nec alij confirmati in gratia, fuissent liberi: consequens est falsum: ergo & illud ex quo sequitur.

**R**ESPONDEO hæc quoque exempla, non minus quam præcedens, a casu nostræ disputationis esse maximè distantia. Certum enim est nobis, tam Virginem Matrem quam alios confirmatos in gratia, actus suos in via exercuisse cum vera indifferentia seu potestate ad oppositum. Licet namque nec illa, nec ipsi in illo scilicet peccare potuerint, ratione gratiæ confirmantis; hoc tamen veram indifferentiam seu libertatem non impediuit.

Eamus iterum ad doctrinam Diui Thomæ, & fiet manifestum. Ipse ergo questione vigesima quarta de Veritate, articulo nono in Corpore, loquens de confirmatione in gratia qualis esse potest in puro viatore, expressè docet, quod confirmati in gratia, non dicuntur non posse peccare, quia habeant in se sufficiens suam limitatis principium, quod omnino peccare non possint; sicut contingit in Beatis ratione gratiæ consummata; sed quia ita complentur per custodiam Diuinæ Providentiæ, ut quandoeunque occasio peccati se ingerit, eorum mens diuinitus extetur ad resistendum. Hoc est dicere, quod sunt impeccabiles non ab in-

trinfeco ratione necessariæ determinationis iudicii aut voluntatis, sicut Beati; sed ab extrinfeco tantum, propter Diuinam manutentionem: ad eum sensum (inquit Diuus Thomas) sicut dicitur de immortalitate *Adæ*: qui ponitur immortalis, non quod omnino aliquo sibi intrinfeco protegeretur ab omni exteriori mortifero, ut puta ab incisione gladii & alijs huiusmodi, sed quia à similibus Diuina Providentia conseruabatur.

Patet ergo actus Beatæ Virginis, & aliorum confirmatorum, ratione confirmationis in gratia, non sic fuisse necessarios, sicut est amor beatificus. Quia respectu huius amoris est determinatio ab intrinfeco, ratione nempe cuiusdam iudicii ex natura sua determinati ad amorem, tam ex parte actus primi, quam ex parte actus secundi, non minus, imò magis quam iudicium bruti, representatum proprio appetibili, sit determinatum ad prosecutionem. Confirmati autem in gratia, non amant aut operantur ex iudicio sic determinato; sed potius obiectum cum indifferentia ex parte actus primi prosecutionunt: imò non solum cum indifferentia contradictionis; sed etiam (quantum est ex vi iudicii & intrinfecis voluntatis) cum indifferentia contrarietatis ad malum. Confirmati namque, ab intrinfeco non prohibentur peccare, sed solum ab extrinfeco. Vnde determinantur quidem ex parte actus secundi ad bonum faciendum infallibiliter, seu necessitate consequentiæ; sicut Thomistæ docent de quolibet auxilio efficaci viæ: sic tamen, ut etiam malum ex indifferentia iudicii & intrinfecis libertatis, absolute possint eligere.



# CAPVT XII.

Soluitur septima ratio eiusdem, ab alio inconuenienti, quod nempe multò minus Christus Dominus fuisse liber in subeunda morte sibi præcepta.

**S**EPTIMO ARGVIT ad idem in eodem loco. Sequitur etiam, quòd multò minus Christus ipse, quando Patri obediens vsque ad mortem erat, liber fuisse ac proinde omnem laudem & meritum perdidisset.

Fateor hoc argumentum difficilius esse, & maximum negotium Theologis facessere. Cum enim Christus fuerit impecabilis etiam ab intrinseco ratione vnionis ad suppositum infinitè Sanctum, vix appareret qualiter mortem sibi præceptam, cum indifferentia seu potestate ad oppositum obinerit. Si namque ab intrinseco peccare non potuit; ergo ab intrinseco non potuit non facere, actum sibi præceptum: quia alias ab intrinseco potuisset peccare, siquidem non facere actum sibi præceptum, est peccare. Cum ego ibi, supposito præcepto, ex libertate contradictionis seu ex potestate non moriendi, videatur sequi libertas contrarietatis seu potestas peccandi, Christo repugnans; absque dubio maiorem hoc ingerit difficultatem.

Et quidem, quia à Vincentio solum insinuat, minime verò vrgetur; ideo loco eius substituendus venit Iansenius, qui rem ita prosequitur.

Difficultatem illam (inquit) inelutabilem esse Scholasticis, satis perspicue probat, quòd illa ipse solutiones quas tamquam probabiles amplectuntur, ita difficultatis satisfaciunt, vt nec attingere quidem, vel authores sub ea suc-

cumbere, manifestum sit. Nam qui in ista materia plausibilis isti malo mederi volunt, dicunt, quamuis determinatur Christus ad bonum; non tamen ad hoc vel illud bonum, quia substantiam præcepti actus, ex varijs motibus potuit facere, charitatis, iustitiae &c. Sub quibus præceptus non erat. Alij dicunt, libertatem fuisse, quantum ad intensionem actus, aliasque circumstantias, loci, temporis, modi &c. Alij actus reflexos liberè exerceri posse circa actum præceptum etiam necessarium, & per illos tamquam honestissimos & liberrimos esse posse meritum, si status viatoris ferat. Alij coniungunt omnes modos simul, dum singulos suspectos habent, vt si forsitan in vno cadant, altero subleuentur. Sed vt ante monui, nullus istorum modorum, nec omnes simul, vel nodum ipsum tangunt & tacite clamant, authores bastam & clypeum abijcere difficultatis mole superatos.

Et quia similia dicere, aliunde auctoritatem non habet, quam sola voluntate dicentis; qua de causa posset & eadem facilitate contemni quaprobat; hinc rationem omnium subiungit hoc modo inquit. Nam ex quocumque motu non præcepto vel circumstantia non præcepta, præceptus actus fiat, vel quibuscumque reflexis actibus non præceptis, præceptus actus approbetur & offeratur Deo, nunquam offenditur circa præceptum vt præceptum versari libertate nisi; sed tantummodo circa aliquid, quod sub nullum præceptum cadit, quod sanè ad præcepti adimplendi rationem per accidens se prorsus habet. Ergo nullus ex prædictis modis, saluat Christum liberum fuisse in adimplitione præcepti mortis, formaliter vt præcepta erat. Pater consequentia, quia tantum saluant indifferentiam respectu alienius quod sub præcepto non cadebat; vt est motuum charitatis aut iustitiae, circumstantia loci aut temporis, aut deni-

denique actus reflexus, quo necessitas mortis offertur & acceptatur.

Quod si cum Thomistis superaddas alium modum; videlicet mortem non solum quoad substantiam, verum etiam, quoad omnes circumstantias quantumvis minutissimas, fuisse Christi præceptum, iuxta verbum Ioannis decimo quarto, *sicut mandatum dedit mihi Pater, sic facio* (Id est) eo loco & tempore & cum præfinitis circumstantiis: & Luca vigesimo secundo, *Filius hominis, sicut definitum est, venit*;

In contra quasi peremptoriam inferens resolutionem, sic concludit: *quid si enim & motum & omnes circumstantia præcepto præscribantur? profecto hic omnes cuniculi clausi sunt, nec ullus datur exitus.*

Ac si aperta voce probet, indifferentiam ad libertatem non requiri, hoc syllogismo. Christus in adimplendo præcepto mortis, fuit liber, ut omnes supponimus: & tamen respectu adimplentis præcepti formaliter loquendo, nullam habuit indifferentiam: ergo indifferentia ad libertatem non requiritur. Minor probatur. Nam omnis indifferentia, quæ hic à Scholasticis ponitur, vel est respectu alicuius quod sub præcepto non cadit, vel respectu alicuius quod sub præcepto cadit: si respectu alicuius quod sub præcepto non cadit; ergo ex vi huius non ostenditur habere libertatem respectu adimplentis præcepti, formaliter loquendo. Si respectu alicuius, quod sub præcepto cadit, ergo potuit peccare, patet hæc consequentia. Quia qui est indifferens ad rem cadentem sub præcepto, ita ut illam possit facere & non facere, potest præceptum adimplere, & præceptum transgredi, quod est posse peccare. Omnes ergo cuniculi clausi sunt, nec ullus datur exitus pro libertate Christi tuenda; si se-

mel ad rationem formalem libertatis, indifferentia ad agere & non agere requiratur.

RESPONDEO TIBI IANSENI, ET TIBI, VINCENTI, verbis Augustini. *Numquid ideo negandum est, quod apertum est, quia comprehendendi non potest quod occultum est? Numquid, inquam, propterea districsumus, quod ita esse perspicimus, non ita esse, quoniam cur ita sit, non possumus inuenire?* Certè hoc vitio vos hic laboratis. Omnibus namque & singulis Scholasticis apertum est, ad libertatem requiri, ad minus indifferentiam contradictionis. vos tamen, quia hoc ipsum in libertate Christi aliquantulum occultum est, nec ita facile comprehendere potestis, propterea dicitis, non ita esse. Quasi verò non sit hoc, hastam elypeumque abijcere & difficultatis mole superari. Est sanè indignius aliquid: nam qui notissimum principium, ne difficultatibus inde nascentibus insudandum sit, abnegat & diffidet, non tantum hastam ex desperata victoria inglorius abijcit, verum & causam iusti belli metu pugne turpiter formidat. Imò & hoc addo, dato quòd Scholastici argumentum reuera non soluerent; securius esset, cum illis non soluere, quam Mòstrum singularitatis contra torrentem omnium in Scholas adducere.

Alt argumenti vim dissoluamus. Pro quo in primis hoc præmitto, indifferentiam debere assignari respectu alicuius, quod cadebat sub præcepto. Alias (ut rectè arguit Iansenius) non ostenderetur, Christum liberum fuisse respectu adimplentis præcepti, formaliter loquendo. Ex quo ulterius fieret, quod moriendo non habuisset meritum obedientie formaliter; per actum scilicet, qui formaliter fuisse actus obedientie, quòd videtur repugnare ver-

August.  
lib. de  
Bono  
peccatore  
c. 14. in  
fine.

bis Apostoli ad Philipenses secundo, humiliavit semetipsum factus obediens usque ad mortem, propter quod & Deus exaltavit illum. Igitur assignari debet indifferentia respectu alicuius cadentis sub præcepto.

Dico secundo, ex doctrina communi Thomistarum quam tradunt Alvarez, Medina, Martinez, Bannez, Salmanticenses & fere reliqui omnes; mortem videlicet in individuo non solum quoad Substantiam, sed etiam cum omnibus circumstantiis Christo fuisse præceptam: & nihilominus habuisse veram indifferentiam seu veram potestatem ad oppositum seu ad non moriendum, qualiter ad libertatem requiritur: in sensu videlicet diuiso seu absolute, quamvis in sensu composito & ex suppositione præcepti, necessarium ei fuerit mori, necessitate (inquam) infallibilitatis & consequentiæ, quæ libertati non obstat: ut supra in simili de prædeterminatione Physica explicauimus.

Solum oportet satisfacere syllogismo facto in forma. Pro quo dico tertio, distinguendo hanc propositionem; *Christus stante præcepto de morte quoad omnes eius circumstantias, non potuit non mori*; distinguo, non potuit non mori in sensu composito, id est, componendo negationem mortis cum præcepto; concedo: non potuit non mori in sensu diuiso, id est, diuidendo negationem mortis à præcepto, componendo tamen cum eodem præcepto potentiam ad non moriendum absolute; nego. Ergo stat libertas sine potestate ad oppositum, vel nego consequentiam: vel explico consequens; *Ergo stat libertas sine potestate ad oppositum*, ad oppositum secundum se seu absolute, nego consequentiam. Ad oppositum ut hic & nunc cum quacumque; etiam connotatione ponendū; transeat consequens.

Itaque ad veram libertatem non requiritur posse ponere oppositum, sub quibuscumque etiam connotationibus & quocumque tempore; sed sufficit posse illud ponere absolute seu secundum se. Quæ potentia in Christo adhuc stante præcepto verè saluatur in ordine ad moriendum; nam licet stante præcepto non potuerit non mori: componendo hic & nunc negationem mortis cum præcepto, potuit tamen adhuc stante præcepto non mori absolute seu secundum se.

Alijs etiam terminis potest hoc idem declarari; negando nempe absolute itam propositionem commemoratam; *Christus stante præcepto non potuit non mori*. Nam aliud est quod non mori stante præcepto fuerit impossibile propter eius intrinsicam, impeccabilitatem: aliud autem, quod stante præcepto non fuerit proximè potens ad non moriendum. Primum concedo; nempe quod non mori pro illo tunc fuerit impossibile: secundum verò simpliciter nego: videlicet quod nec pro illo tunc fuerit proximè potens ad non moriendum: nam ad proximam eius potentiam, etiam pro illo tunc præcepti, saluandam, non requiritur possibilitas non mortis, pro illo tunc; sed sufficit possibilitas eius absolute seu secundum se. Ut iterum in simili diximus de prædeterminatione Physica.

Et ex his facillimo negotio soluitur communis consequentia; nimirum *stante præcepto potuit non mori, ergo potuit peccare*. Soluitur (inquam) hoc facillimè, si consideretur qualis conditionis sit hæc potentia, quæ stante præcepto ipsi conceditur: non enim est huiusmodi, ut habeat pro termino non mori in sensu composito, seu non mori, possibile stante præcepto; sed solum non mori in sensu diuiso seu non mori possibile absolute. Et cum non mori,

mori, vt præcisè poſſibile abſolutè, nullam claudat inobedientiam: vt pote à præcepto moriendi abſtrahens, hinc fit, nullam concedi Chriſto potentiam ad peccandum, quamvis eidem potentia ad taliter non moriendum concedatur.

Explico hoc. Negatio mortis poteſt conſiderari, vt dupliciter poſſibilis: vel vt poſſibilis ſolùm abſolutè, vel vt poſſibilis etiam tempore præcepti. Primo modo, ſicut nullam connotat præcepti exiſtentiam, ita nullam connotat inobedientiam ſeu malitiam. Secundo modo vice verſa; ſicut præceptum connotat, ita & malitiam connotat. Potentia ergo, quam ſtante præcepto Chriſto concedimus, non eſt niſi ad negationem mortis vt poſſibilem abſolutè, non vero ad negationem mortis vt poſſibilem etiam tempore præcepti: vnde nullum claudit reſpectum ad aliquod peccatum ſeu malum morale.

ET SI DICAS Chriſtum ſtante præcepto non mori, eſſet Chriſtum actu peccare; ergo Chriſtum ſtante præcepto poſſe non mori, ſicut nos dicimus, eſt, Chriſtum poſſe peccare. Probabis conſequentiam, quia ſic ſe habet potentia ad potentiam, ſicut ſe habet actus ad actum. Sicut bene valet; actu currere eſt actu moveri, ergo poſſe currere, eſt poſſe moveri. Et ruruſus; actu eſſe animal, eſt actu viuere vita ſenſitiua, ergo poſſe eſſe animal eſt poſſe viuere vita ſenſitiua.

RESPONDEO, conſequentiam inductam non valere. Concedi enim debet antecedens, & negari conſequentia. Verum eſt; ſi Chriſtus ſtante præcepto, actu non moreretur; quòd actu peccaret; ſed non ſequitur; ergo ſi ſtante præcepto poteſt non mori, poteſt peccare. Et ratio eſt: nam tunc ſolùm ſe habet potentia

ad potentiam, ſicut actus ad actum; quando actus ſumitur ſecundùm id quòd conuenit ipſi per ſe & ratione ſui, non autem quando ſumitur ſecundùm id quòd conuenit ipſi extrinſecè, ſeu ratione alterius ſibi per acciſſens adiuncti. Patet hoc in exemplis adductis. Cur enim valet: actu currere, eſt actu moveri, ergo poſſe currere, eſt poſſe moveri? Cur inquam hoc valet? Certè, quia actu currere, eſt per ſe & ratione ſui actu moveri; vnde implicat quòd poſſe currere, non ſit pariter poſſe moveri. At vero actu non mori, quò quæſo ſenſu eſt idem ac actu peccare? An nò ratione ſui & per ſe? Minimè proſecto: competit namque iſti actu ratio peccati, ab extrinſeco ſeu ratione exiſtentia præcepti, quæ in antecedenti connotatur. Vnde bene compatitur, quòd aliquid verificentur de iſto actu ratione illius ſibi per acciſſens adiuncti, quòd tamen non verificentur de potentia, quæ præciſe eſt in ordine ad illum actum ſecundùm ſe. Vt (verbi gratia) ſi dixeris, ſtante decreto efficaci, actu non agere, eſt frustrare decretum, ergo ſtante decreto efficaci poſſe non agere, eſt poſſe frustrare decretum; ſi (inquam) ſic dixeris; nulla eſt conſequentia. Quia non ſumitur illud actu non agere, ſecundùm id quòd ipſi conuenit per ſe & ratione ſui, ſed ſecundùm id quòd ipſi conuenit ratione extrinſeci decreti, cum tamen potentia ad non agere, ſolùm ſit ad non agere ſecundùm ſe. Idem dic in præſenti.

Per hæc quæ dicta ſunt, puto in forma ſatiſfactum eſſe argumento poſito. Sed iam accedamus ad doctrinam: & oſtendamus verum eſſe illud de quo principaliter litigamus, nimirum adhuc ſtante præcepto voluntati Chriſti ineſſe veram proximamque potentiam ad non moriendum

dum secundum se seu absolutè. Libet repetere id quod de prædeterminatione Physica loco iam citato diximus: nam utrobique eadem est ratio proportionabiliter. Sicut namque prædeterminatione Physica mouente ad amorem, adhuc remanet potentia proxima ad non amorem absolutè seu secundum se, quia prædeterminatio mouet iuxta naturam potentia liberæ, non tollendo indifferentiam iudicii, aut naturalem facultatem voluntatis, quæ duo integram potentiam non amandi constituunt: ita pariter præcepto inclinante ad mortem, adhuc remanebat in voluntate Christi potentia proxima ad non moriendum absolutè, quia præceptum inclinabat humanam eius voluntatem, omnino iuxta naturam suæ libertatis, non tollendo nempe indifferentiam iudicii circa mortem subeundam, aut naturalem facultatem voluntatis, quam ad non mori absolutè habebat.

SED LIBET VRGERE, vt res fiat manifestior. Obijcio sic. Iudicium quod formabat Christus de morte formaliter vt præcepta, non representabat ipsi mortem indifferenter, id est subeundam vel non subeundam; sed potius determinatè; hoc est, taliter subeundam, vt minimè non subeundam; cum præceptum immutet negationem mortis in ratione obiecti, vtpote reddens omissionem eius peccaminosam: ad quam prout sic, nulla erat in voluntate Christi impeccabili, potestas indifferentia. Ergo falsum est, præceptum non tollere indifferentiam iudicii circa mortem subeundam.

Hæc obiectio ita difficilis visa fuit Episcopo Arauio, doctissimo Thomistæ, & meo quondam Magistro, vt ipsum in aliam viam abire coegerit. Sed cum venia tanti viri respondeo perseverando in communi Tho-

mistarum doctrina, & concedo quòd iudicium de morte, vt reduplicatiuè hic nunc præcepta, non representabat illam prout sic, vt indifferenter subeundam vel non subeundam; sed potius determinatè & infallibiliter, vt de facio subeundam tantum: taliter vt pro illa parte infallibiliter connecteretur ita cum morte, vt minimè indifferens esset ad negationem mortis. Tamen quia non connechiebatur sic infallibiliter & determinatè cum actu mortis, ex meritis obiecti secundum se propositi (vtpote cum bonitas mortis quoad suam substantiam, non esset obiectum necessario amabile) sed solum ex meritis circumstantia præcepti extrinseci, efficientis per accidens obiectum propositum; hinc est quòd absolutam libertatem regulare possit. Quia quamuis mortem vt affectam præcepto, indifferenter non proponat quantum ad circumstantiam præcepti, sicque iudicium illud ex parte actus secundi sit omnino determinatum; quæ determinatio libertati non obstat; tamen absolutè, & quoad substantiam, mortem indifferenter respiciebat, sicque erat indifferens ex parte actus primi: quæ indifferentia ad libertatem sufficit, vt supra ostensum est. Pro quo vterius aduerto, quòd solum cognitio mortis quoad substantiam, tenet se ex parte principij, seu actus primi, non verò cognitio mortis, quantum ad circumstantiam præcepti. Quia hæc præcisè tenet se ex parte actus secundi, & est quasi suppositio consequens in Christo respectu acceptationis obiecti secundum se, non verò antecedens. Vnde licet hæc determinatè & infallibiliter connecteretur cum actu mortis, non tamen inferebat determinationem ex parte actus primi, seu necessitatem antecedentem sed consequentem tantum

Suprà  
l. 2. c. 2.  
§. 2.  
de causa

in acceptanda morte, quæ proinde libertatem principij non tollit.

Sed modò fortassis videbitur ali cui redire totum argumentum: siquidem omnis indifferentia, quam hæc solutio fatetur, solum est respectu mortis quoad substantiam, non autem respectu mortis formaliter ut præcepta: ergo illam ut hic & nunc præceptam, liberè non adimpleuit, vel si liberè adimpleuit etiam prout sic, adimpleuit utique liberè absque indifferentia contradictionis, quòd est primum & ultimum intentum aduersariorum.

Respondeo concessio antecedenti, negando consequentiam. Nam ut Christus liberè adimpleat mortem, etiam ut formaliter præceptam; non requiritur, quòd respectu illius etiam ut præcepta, formaliter sit indifferens, sed sufficit quòd sit indifferens respectu illius absolute. Sicut ad hoc, ut voluntas liberè ponat actum, etiam ut formaliter prædefinitum, non requiritur quòd respectu illius adhuc ut prædefiniti sit indifferens (cum implicet, quòd ut prædefinitum possit non ponere) sed sufficit quòd sit indifferens respectu illius absolute. Et ratio utrobique est eadem: nam sicut voluntatem non esse indifferentem respectu actus formaliter ut prædefiniti, non arguit nisi determinationem in actu secundo seu necessitatem ex suppositione suæ libertatis; quæ proinde absolutam libertatem seu indifferentiam in actu primo non lædit; ita pariter voluntatem Christi non esse indifferentem respectu mortis formaliter ut præcepta, non arguit nisi determinationem in actu secundo seu necessitatem ex propria sua libertate consequenti, quæ proinde absolutam eius libertatem seu indifferentiam ex parte actus primi non lædit.

Neque ex hoc sanè potest concludi

intentum aduersariorum, videlicet stare in Christo liberam adimpletionem præcepti ut præceptum est; absque indifferentia etiam contradictionis. Non (inquam) potest hoc concludi: nam licet in illo stet libera adimpletio præcepti absque indifferentia ad omittendam rem præceptam, formaliter & reduplicatiue ut præcepta est; quæ est indifferentia contrarietatis ad malum; non tamen stat absque indifferentia ad omittendam rem, quæ aliàs est præcepta, quæ est indifferentia contradictionis. Itaque aliud est, indifferentia qua potest omitti res, quæ est præcepta seu quæ cadit sub præcepto, & aliud est indifferentia qua potest omitti res, etiam prout formaliter est præcepta seu prout formaliter cadit sub præcepto. Prima, est indifferentia contradictionis: & hanc habuit Christus. Secunda, est contrarietatis, & hanc non habuit, quia ad libertatem non requiritur.

Igitur ex dictis manifestum est, qualiter in Christo saluetur libertas respectu adimpletionis præcepti formaliter: siquidem assignauimus indifferentiam; non præcise, quia potuit facere & non facere aliqua, quæ non cadebant sub præcepto; sed etiam quia potuit facere & non facere omnia & singula quæ sub præcepto cadebant. Potuit (inquam) illa facere & non facere secundum indifferentiam contradictionis, licet non potuerit facere & non facere secundum indifferentiam contrarietatis, prout scilicet præcepta erant formaliter & reduplicatiue: nam potestas ad non faciendum illa prout sic, est potestas ad malum seu potestas peccandi. Et totum hoc, ita clarè meo videri exprimitur à Sancto Thoma in tertio, distinctione decima sexta, questione prima, articulo secundo ad secundum, ut non possim non mirari,



rari, Eiscopum nostrum Araucio ab hac communi via discedere. Inquit enim ibidem, quod in illa propositione Christus mortuus est quia voluit, si ly quia dicat causam respectu mortis violentè illatæ, sic potest referri ad voluntatem humanam per quam voluntariè se obtulit persecutoribus. Potest etiam dicere concomitantiam & sic refertur etiam ad voluntatem humanam per quam mortem acceptavit, & hoc non excludit necessitatem moriendi (scilicet morte naturali) quia hoc idem accidit in Petro & in alijs Sanctis. En vbi parificando libertatem Christi cum alijs Martyribus in acceptanda morte; satis clarè supponit, ipsum mortuum fuisse cum potestate absoluta non moriendi sicut & alijs Martyres.

## CAPVT XIII.

Soluitur octaua ratio eiusdem, ex eo quod amor beatificus in Christo fuerit meritorius.

**O**CTAVO ARGVIT ad idem in Theriaca, libro secundo, capite primo, sectione secunda. Dicitur Thomas (inquit) cum sibi obieccisset questione vigesima nona, de Veritate, articulo sexto, in sexto argumento; Non potest esse idem principium meriti & terminus, & sic non potest esse idem præmium & principium merendi; sed charitas quæ erat in Christo ad præmium eius pertinebat, quia erat de perfectione beatitudinis; ergo non poterat esse principium merendi, non respondet quod plerique hodie, meritum Christi fundatum fuisse super alio actu quam beatificæ charitatis; sed potius eodem actu beatificæ cha-

ritatis docet eum meruisse; inquit, Charitate eadem fruebatur & merebatur sicut & eadem voluntate. Nec tamen erat idem principium meriti, & præmium, quia non merebatur gloriam animæ ad quam pertinet charitas, sed gloriam corporis. Ergo sentit Sanctus Thomas amorem ipsum beatificum in Christo viatore, (de illo enim prout sic loquebatur) fuisse meritum & ex consequenti liberum.

**R**ESPONDEO, Vincenti, nec me hoc respondere quod plerique illi; nempe meritum Christi fundatum fuisse super alio actu, quam beatificæ charitatis. Sic quidem docent Soto & Suarez, & reputant probabile Medina & Asturicensis: sed horum sententiam esse contra mentem Diui Thomæ, tecum pariter iudico. Non tamen exinde cogimur tuam de libertate opinionem amplecti. Nam restat alia via longè diuersa, quam docent Capreolus, Aluarez, Araucio, Martinez, & etiam idem Medina & Asturicensis.

Via autem est huiusmodi: sustinendo nempe cum Sancto Thoma, eundem quidem actum amoris beatifici in Christo liberum & meritum fuisse; non tamen absque indifferentia secundum illam rationem, secundum quam liber & meritiorius erat.

Pro quo scire oportet, quod bonitas Diuina clarè visa, etiam quatenus immediatè attingebatur ab anima Christi per actum dilectionis beatificæ, potest dupliciter considerari. Primò secundum se & absolute; & secundum hanc rationem anima Christi sicut per dilectionem beatificam diligebat Deum necessariò, ita secundum eandem, nec diligebat liberè, nec meritoriè. Secundò potest considerari eadem bonitas Diuina, secundum quod in actuali exercitio erat ratio formalis

Soto l. 3. de nat. & grat. c. 7. circa mediū. Suarez 3. p. dist. 39. sect. 2. cōcl. 1. Medina. vbi sup. ad 3. in 2. fol.

Capr. in dist. 18. q. vnic. ar. 3. in fine. Aluar. vbi sup. dist. 45. n. 9. Araucio 3. p. quæ 19. a. 4. dub. 3. nu. 16. Asturic q. 5. de grat. Christi. pp. 415. Martin vbi sup. ad 8.

In The  
ria. l. 2.  
cap. 1.  
sect. 2. §  
2. mo verò  
S. Tho.  
mas.

diligendi creaturas præsertim rationales, pro quibus Christus mortuus est: & sub hac ratione idemmet actus dilectionis beatificat, sicut erat liber & meritorius; ita pariter habebat suam indifferentiam: sicut namque Christus amore beatifico taliter diligebat ipsas creaturas, ut eas eadem charitate posset non diligere: ita pariter illo amore diligebat bonitatem Diuinam secundum istam rationem, nempe quatenus in exercitio erat ratio formalis illas diligendi, ut posset prout sic non diligere.

**NEC EST INCONVENIENS** (ut etiam tacite cuidam obiectioni satisfiat) quod idemmet actus respectu eiusdem obiecti, secundum diuersas rationes, sit absolutè necessarius & liber. Ut patet in Deo ipso. Deus namque eodem actu, necessariò & non liberè diligit suam bonitatem, secundum se consideratam seu absolutè, non tamen eam diligit necessariò sed omnino liberè, si consideretur quatenus eam amas secundum quod in actu exercitio est ratio formalis diligendi creaturas. Sic ergo proportionabiliter Philosophandum est de amore beatifico animæ Christi imò & aliorum beatorum. Et ratio suffragatur: quia amores beatifici creati sunt participationes formales amoris diuini increati, unde sicut ille idè manens est liber & non liber seu necessarius, secundum diuersam terminationem obiectiuam: ita pariter & illi. Licet cum hoc discrimine in beatis & in Christo, quod in illis non sunt secundum ullam rationem meritorij, defectu status viæ, cum tamen meritorius esset in Christo, qui simul erat viator & comprehensor.

En, Vincenti, argumentum tuum apertissimè solutum, & ex doctrina quidem, quæ ita ad oculum patens est, in scriptis Thomistarum; ut mi-

rum sit, te illam non vidisse: vel si videris, necesse sit, ex eo numero sis (verbis vtor Augustini) quos in Sanctis psalms veritas notat, dicens, noluit intelligere, ut bene ageret.

**SED ADICIAMVS** modo aliqua, ut prædicta solutio magis elucideatur. Probo contra illam, quod diuina bonitas, etiam ut est ratio diligendi creaturas, non ametur amore beatifico, cum aliqua indifferentia. Assumo id quod solutio concedit, videlicet amari absque vlla indifferentia diuinam bonitatem secundum se: ex quo sic paritatem efformo. Nam diuina bonitas secundum se, amatur absque vlla prorsus indifferentia: ergo pariter absque vlla prorsus indifferentia amabitur diuina bonitas prout est ratio diligendi creaturas. Antecedens ex solutione suppono & consequentiam probo. Nam ideo sub prima consideratione amatur absque vlla indifferentia, quia prout sic, est bonum infinitum clarè visum, quod necessariò rapit voluntatem: sed etiã sub secunda, est bonum infinitum clarè visum, cum sit eadem prorsus indiuisibilis bonitas diuinæ essentie: ergo pariter sub secunda consideratione, rapit voluntatem necessariò & absque vlla prorsus indifferentia.

**SI RESPONDEATVR**, bonitatem diuinam, ut est ratio diligendi creaturas, esse quidem in se seu subiectiuè infinitam; tamen formalissimè ut applicatam creaturis per modum rationis illas diligendi, finitam esse, quia finito modo applicatur, sicut & ipsæ creature finitè illam participant. Cuius rei exemplum est in essentia, diuina, vnita per modum speciei impressæ, mentibus beatorum, quæ prout vnita, formaliter finita est, quia finitè vnitur; licet in se seu subiectiuè infinita sit, & rursus in eadem essentia, ut continente rationem, idealem equi, quæ etiam prout sic

August  
lib. 3.  
cōc. lū-  
ca. 1. in  
princ.

formaliter, comprehensibilis est, licet in se seu subiectivè incomprehensibilis sit.

SI INQVAM SIC respondeatur: in contra potest vrgeri: nam quando dicitur, bonitatem divinam vt applicatam creaturis, formalissimè esse finitam; vel significatur quòd ipsa diuina bonitas sit finita, vel quòd applicatio ipsius sit finita, vel tandem quòd terminus applicationis, qui est creatura, sit finitus. Primum est falsum, & per secundum aut tertium nõ soluitur difficultas: ergo solutio nulla est, & potius terminis ludit. Probo istam minorem pro secundo & tertio. Nam licet applicatio & terminus applicationis sint finiti: si tamen res applicata infinita sit, hoc sufficit vt actus sit necessarius, & eliciatur absque indifferentia. Quod duplici paritate potest probari.

PRIMA SIT huiusmodi. Etiam si voluntas creata sit libera & applicatio auxilij à Deo facta, sit quoque libera: si tamen auxilium applicatum esset motio quædam merè naturalis & omnino ad vnum determinata; actus voluntatis exiret omnino necessariò & absque vlla prorsus indifferentia, vt omnes tam Thomistæ quàm extranei tenentur scire: ergo pariter, etiam si applicatio Diuinæ bonitatis ad creaturas, & ipsa quoque creaturæ finitæ sint; si tamen Diuina bonitas applicata, infinita sit; actus circa illam exibat omnino necessariò, & absque vlla prorsus indifferentia. Probo consequentiam: Ex eo primùm sic contingeret; quia licet potentia in se, & applicatio libera sint, auxilium tamen applicatum, quod est ratio formalis operandi, esset quid merè naturale & omnino determinatum: ergo etiam licet in casu nostro, applicatio Diuinæ bonitas & terminus applicationis sint quid finitum & indifferenter diligibile: quia

tamen bonitas Diuina applicata, infinita est, quæ est ratio formalis diligendi; actus circa illam exibat omnino necessariò & sine indifferentia.

SECUNDA SIT; nam actus quo Beatus amat suam beatitudinem formalem vt quod, est omnino necessarius, in sententia multorum Thomistarum: non nisi, quia essentia Diuina, quæ est ratio formalis amandi talem actum, est infinita: ergo idem, quod prius. Minor patet, quia cætera omnia, nempe applicatio essentia, & terminus applicationis seu ipsa beatitudo formalis sunt quid finitum: ergo præcisè propter infinitatem essentia applicata.

Hæc obijcere placuit aduersus nostram solutionem, vt veritas Thomistica instar balsami arctius conficitur, suauius, gratiusque redoleat.

RESPONDEO IGITUR solutione data inter arguendum. Ad replicam concedo minorem pro prima parte, & nego pro secunda & tertia. Eo namque ipso quo Diuina bonitas proponatur voluntati Beati cum finita applicatione ad creaturam finitam; certè proponitur prout sic, cum amabilitate quadam liberè secum in essendo connexa, qualis est bonitas creata, quæ proinde prout sic nequit ad sui amorem vllam voluntatem rapere necessariò seu absque indifferentia: cum nihil possit voluntatem necessitare nisi bonum infinitum clarè cognitum, vel saltem cum infinito bono necessariò connexum. Ex quo fit quòd non solum bonitas creaturæ indifferenter debeat amari: sed etiam ipsa increata bonitas, si sumatur vt liberè secum bonitatem creaturæ connectens, seu (quòd idem est) vt est ratio in actu exercito illam diligendi. Nam reuera prout sic formalissimè, est ratio formalis diligendi cum indifferentia, licet in se & secundum se sit ratio formalis diligendi necessariò.

fariò. Neque contra hoc conuincunt paritates inductæ.

NON PRIMA: nam concessio antecedenti; nego consequentiam. Et disparitas est; quòd in casu illo de auxilio, ratio formalis operandi reuera est quid naturale, & omnino determinatum, non solum in se, seu subiectiue; sed etiam prout formaliter & per modum formæ applicat potentiam ad operandum. Suppono enim, quòd motio illa naturalis semel collata, applicat iuxta naturam suæ intrinsicæ determinationis ad vnum, & non iuxta modum libertatis, cum omni libertate, tam vt quòd quàm vt quòd careat. Vnde libertas potentia & etiam libertas applicationis actiue, qua Deus illud liberè ex parte sui, voluntati imprimit, omnino materialiter & per accidens se habent, siquidem voluntas non concurrat formaliter ad actum, nisi vt informata per illam formam motionis omnino & ab intrinseco determinantis ad vnum: vnde non mirum quòd necessariò & sine indifferentia in actum exeat. In nostro autem casu (vt dictum est) ratio formalis diligendi, licet in se & secundum se necessaria sit; tamen formaliter & prout ratio sic diligendi, est quid liberum; siquidem est Diuina bonitas sumpta secundum formalitates, seu prædicata libera, seu prout liberè connectitur cum creaturis: vnde à sensu contrario non mirum, quòd actus voluntatis circa illam non exeat necessariò, cum omnimoda determinatione ad vnum, sed potius cum indifferentia prout sic ad amare & non amare.

ET PER HOC etiam patet ad secundam paritatem. Dato enim antecedenti, nego pariter consequentiam. Nam beatitudo formalis, licet finita sit, & finitè etiam ipsi applicetur essentia Diuina per modum rationis

illam diligendi; tamen alia ex parte habet hoc speciale, ratione cuius necessitat, quòd cum infinito bono clarè viso, necessariò connectatur. Siquidem essentialiter est ipsissima & actualis infiniti boni intuitio & possessio: quæ tamen necessaria connectio, non conuenit bonitati creaturarum, de quibus est sermo.

IAM VERO ACTIUE & aliud argumentum, quod adhuc amplius ad rem elucidandam còducet. Actus amoris beatifici in Christo, & in quo, cumque Beato habet aliquod prædicatum necessarium sibi identificatum, nempe secundum quòd fertur in Diuinam bonitatem secundum se, seu secundum sibi intrinseca: prout sic enim verificatur de ipso, quod sit entitatis necessariæ: ergo repugnat quòd ex alia parte sit indifferens seu liber. Probo consequentiam, quia, actus liber seu indifferens potest non esse: at identificans sibi aliquod prædicatum necessarium, non potest non esse: ergo repugnat amorem, beatificum identificantem sibi aliquod prædicatum necessarium, esse ex alia parte indifferentem seu liberum.

SI ITERVM RESPONDEATUR illum actum solum esse liberum seu indifferentem quoad terminationem, necessarium verò quoad entitatem, sicut solent Thomistæ dicere de actu libero increato; quod est defectibilis quoad terminationem, & quoad entitatem indefectibilis seu necessarius.

IN CONTRA Potest vrgeri. Quia libertas voluntatis, quæ non est suus actus secundus sed potius in potentia ad illum, qualis est creata, consistit in posse producere suum actum & posse non producere illum Physicè: ergo vt actus voluntatis creata sit liber, debet habere quod possit non produci, ac proinde quòd possit non esse

esse etiam quoad entitatem.

ARGVMENTVM sanè nervos tangit difficultatis: sed interim respondeo solutione data. Ad replicam distinguo antecedens: libertas creata consistit in posse producere suum actum & posse non producere illum; libertas creata, quæ non est ordinis diuini, concedo antecedens: libertas creata quæ per participationem formalem, eminentiam illius ordinis participat, nego antecedens. Itaque actus amoris beatifici quantumvis creatus, habet hoc speciale inter reliquos actus, quod sit immaterialior & immediatior participatio amoris diuini increati: vnde sicut iste ratione suæ eminentiæ idem manens, attingit prædicata diuina necessaria & libera, qua ratione secundum eandem entitatem habet terminationem necessariam & liberam: ita pariter actus amoris beatifici creatus, cum hanc ipsam eminentiam participet, tendatque indiuerfas illas formalitates obiectiuas, pariter potest duplicem illam terminationem in eadem indefectibili entitate obtinere. Vnde libertas illius non consistit in eo, quod secundum suam entitatem possit esse & non esse, sed quod possit terminari & non terminari. Exemplum aliquo modo hanc dilucidans, est in speciebus Angelicis, quæ quia sunt immaterialiores participationes speciei increatæ; habent maiorem vniuersalitatem in representando, quam nostræ: ita ut secundum vnā & eandem entitatem possint ad plura obiecta extendi, ad quæ tamen vnā & eandem entitas speciei inferioris, extendi nequit. Sic proportionem seruata Philosophamur de amore beatifico.

Et hæc pro præsentipuncto dicta sufficiant.

## CAPVT XIV.

*Soluitur quedam ratio, qua Vincentius nominatim impugnat indifferentiam, & ibidem de experientia sui canis.*

QUAMVIS omnes rationes Vincentij eò tendant; vt ostendatur, non requiri vllam indifferentiam ad libertatem: tamen inter cæteras quandam adfert, qua expressius & magis nominatim indifferentiam impugnat, absq; eo quod ad alias materias diuertat, sicut fecit in præcedentibus. Vnde & illa hoc loco subiicienda est, & soluenda.

ARGVIT IGVTVR sic, in Theoriaca libro primo, capite vigesimo secundo. Contrarietatis aut contradictionis indifferentia, motum voluntatis liberum non efficit, si antea per se liber non fuit: ergo omnino per accidens se habet indifferentia ad essentialem rationem libertatis. Constat consequentia, & antecedens probat, ex eo quod Sanctus Thomas in motibus etiam brutorum quandam indifferentiam esse fateatur, quibus tamen nulla vera libertas competit: ergo contrarietatis aut contradictionis indifferentia motum liberum non efficit. Antecedens ostendit ex questione vigesima quarta de Veritate, articulo secundo ad Tertiū, vbi dicit, *Quod est indifferentia ad agere & non agere in bruto, considerata actione secundum seipsam.* Et postea ad Septimū, *Bruta beneficus inducuntur & flagellis prohibentur... propter indifferentiam actionum.* Ergo agnoscit in motibus brutorum quandam indifferentiam.

RESPONDEO nullum motum esse verè liberum, si à voluntate non processit cum indifferentia ex parte

In Theoriaca. l. 1. c. 20. 22. §. Nec enim.

principij, vel contrarietatis, vel contradictionis. Hoc puto sufficienter à priori & à posteriori ostensum esse, toto libro secundo. Nec id quod hic obijcitur de indifferentia etiam inuenta in brutis, quorum tamen motus liberi non sunt; huic veritati vilo modo obest. Soluitur namq; facillimè ex doctrina quam idem Sanctus Thomas loco citato tradit, quam si tu, Vincenti, ex integro inspexisses; minimè ex hoc loco patrocinium tibi finxisses. Postquam enim dixerat ad Tertium, quod *in brutis est quadam indifferentia actionum*; immediatè subiungit; *tamen non potest propriè dici, quòd sit in eis libertas actionum, siue agendi vel non agendi*. Et rationem assignat, quam tu (nescio si scienter vel ignoranter) præmittis. Quia *quamuis sit (inquit) indifferentia ad agere & non agere in bruto, tamen considerato ordine eius ad iudicium à quo prouenit, quod est determinatum ad vnum*; etiam ad ipsas actiones obligatio quadam (id est necessitas) derivatur, *vt non possit in eis inueniri ratio libertatis absolute*.

Quibus verbis tradit apertissimè hanc doctrinam. Nimirum aliquam actionem esse indifferentem ad essendum & non essendum, posse accipi dupliciter; vno modo considerata actione secundum se ipsam. Et in hoc sensu, actiones brutorum indifferenter possunt esse & non esse. Vt enim, inquit ibidem in Corpore; *bruta possunt agere, si iudicant esse agendum, vel non agere, si non iudicant*. Et ex consequenti actio illorum in seipsa indifferens est, vt sit vel non sit. Sicque aliquando est, si ponantur requisita, & aliquando non est, quando requisita desunt. Sed profecto talis indifferentia, actionem liberam non constituit aut facit, nec nos in illa, libertatis rationem constituimus. Alio ergo modo dicitur actio indifferens ad esse vel

non esse considerato scilicet ordine eius ad iudicium. Hoc est dictum, quod quantum est ex vi iudicij, actio taliter ab illo originetur, vt etiam ex vi eiusdem possit non prodire. Et in tali indifferentia consistit essentialis ratio libertatis. Sed ista solum inuenitur in actionibus creaturæ intellectualis, non autem in actionibus brutorum: cum iudicium brutorum sit ab intrinseco determinatum ad vnum, hoc est, taliter ad actionem, vt minimè ad non actionem, quantum est ex vi illius. Quod & manifesto exemplo Sanctus Doctor ibidem declarat, ad Septimum sic inquit. *Tam homines quam bruta beneficijs inducuntur, & flagellis prohibentur, vel præceptis & prohibitionibus: sed diuersimodè: quia in potestate hominum est, vt eisdem rebus similiter representatis, siue sint præcepta & prohibitiones, siue sint beneficia & flagella, ellegant vel fugiant*. Nota illum terminum, *eisdem rebus similiter representatis*, hoc enim est, quod est ex vi iudicij eiusdem, seu stante eadem representatione obiecti possint prosequi vel relinquere. Sed in brutis est iudicium naturale determinatum ad hoc, quod id quòd vno modo proponitur, vel occurrit, eodem modo accipitur vel fugiatur. Ecce à sensu contrario qualiter bruta ex vi eiusdem iudicij, seu obiecti eodem modo propositi vel occurrentis, non possint nisi facere hoc determinatè, & non eius oppositum. Rectè ergo, Vincenti, in hac indifferentia veram libertatem ponimus: nec certè idipsum exemplo indifferentiæ brutalis falsificas. Error tuus (vt dixi) in eo fuit; quòd integrum Sancti Doctoris textum intellectu appendere neglexisti. Solum ponderas quòd dicit, *est indifferentia ad agere & non agere in bruto, considerata actione secundum seipsam*. Quod tibi in exteriori specie fauere videtur; sed omittis illud alterum, quod subiun-



Subiungitur tamē considerato ordine eius ad iudicium, quod determinatum est ad unum, actio necessitatem habet. Et hoc te apertissime iugulat.

Aug. li.  
1. cont.  
Iul. c. 7.

Quid te igitur adiuvit (locutio est Augustini) quod Sancti Thomæ, tamquam tibi suffragetur, testimonium posuisti? An ut unum verbum, quasi ab eo prætermisum, velut acuta calliditate captares, & tot verborum eius, quibus obrueris, tam ingentem tibi aggerem commoveres? In tantum impronidus & incautus, ut nec (in ipso articulo) ubi vix unum de quo male intellecto decepti deciperetis, testimonium reperire potuistis, adverteres Sanctum Doctorem satis evidenter expressisse, non in qualibet actionum indifferentia libertatem consistere. Et tamen postquam verba eius varijs in locis tuæ Theriacæ interposuisti, quibus intentionem tuam putasti aliquid adinuari, sequeris & dicis in ultimo capite, contra apertam doctrinam S. Thomæ nos sentire. Hac verba tua quod proficiunt, nisi ut appareat, vel quomodo de hac causa scire neglexeris Angelici Doctoris sententias sermonesq; vel si eos nosse curasti, qua fraude coneris circumvenire nescientes?

In The  
ria. l. 1.  
cap. 8.  
sect. 2.  
§. Versi  
deinde.

**S ED POS SANCTVM THOMAM** canem Chryssippi nobis obijcis in Triuto deliberantem, quauia cum

In The  
ria. l. 1.  
ca. 2. §.  
Nam ca.  
ut illu.

herus præcessisset.

Dico quod in Schola Thomistica homines deliberant, non canes.

Ast non quiescis. De cane tuo id ipsum asseris te nuper expertum.

Certē appare in hoc, non solum eximius, verum & expertissimus dominus. Vincenti.

Omnibus in triuijs vulgetur fabula passim,

Tam cautos vestris artibus esse canes. Sed videamus qualiter. Os è mensa (inquis) ei obieceram, & etiam rodere inceperat. Alterum deinde ipsi adiecto. Quod ubi vidit, subsistens & quasi dubitans, tandem relicto priori osse, ad po-

sterius accessit, sed eo osfacto mox ad prius rediit. Nonne hic indifferentiam appetitus inter duo illa ossa, imo quasi deliberationem quandam & tandem determinationem ad illud quod melius videbatur, clarissime cernimus? Quare ergo tam indifferens & deliberans ille canis liber non fuit?

Dico sicut dixi; ideo liberum non fuisse, quia licet tam indifferens; fuit tamen indifferentia actionum secundum se, non vero indifferentia actionum, considerato ordine earum ad iudicium. Hoc est iterum dicere, quod canis ille tuus agebat quidem modo hoc, modo illud, quia modo hoc, modo illud eius sensui vel imaginationi repræsentabatur: cæterum nec hoc nec illud poterat aliter facere, hac aut illa repræsentatione stante & perseverante, quod tamen ad veram libertatem requirebatur. Ut enim ex Diuo Thoma audiui, ideo homines liberi sunt, quia in potestate habent, ut eisdem rebus similiter repræsentatis eligant vel fugiant: sed in brutis est iudicium naturale determinatum ad hoc, quod id quod uno modo proponitur vel occurrit, eodem modo accipitur vel fugiatur.

Itaque quod canis ille os primum ei obiectum de facto roserit, hoc ideo liberè non fecit, quia osse illo tunc & illic & sic repræsentato, necesse habebat rodere, absque indifferentia, ad non rodere ex vitalis repræsentationis, propter intrinsecam videlicet & naturalem determinationem sui iudicii ad rodere tantum. Rursus, quod altero osse adiecto, primum deseruerit & ad illud alterum accesserit, eadem de causa liberè non fecit, quia videlicet altero osse tunc & illic & sic adiecto, necesse habebat primum deserere & ad alterum accedere, alio iudicio sic naturaliter absque vlla indifferentia dicente. Ultimo tandem, quod posteriori osse ol-

facto, mox ad primum redierit, idem prorsus in causa fuit, quia aliter facere non poterat ex vi iudicii, quod ultimo loco ex tali olfactu formabat. Homines autem, quacumque re qualitercumque representata, in potestate habent eligere vel fugere, prosequi vel deserere, quamdiu iudicium rationis non absorbetur.

Et certè, Vincenti, si Diuus Thomas ulterius consulatur; hæc potius ut ipsius dicta, quam ut mea debes accipere. Obijcit sibi Prima Secundæ, questione decima tertia, articulo secundo in secundo argumento, sic. *Ipsium nomen electionis significare videtur, quod aliquid præ alijs accipitur: sed bruta animalia acceptant aliquid præ alijs: sicut manifestè apparet quod omnis unam herbam commedit, aliam refutat, ergo in brutis animalibus est electio.* Imo si aliud magis simile desideras, etiam sibi obijcit in tertio argumento exemplum de cane. *Canis* (inquit) *insequens cernum, si ad trinitum venerit, odoratu explorat, an ceruus primam vel secundam viam transierit: quod si inuenerit non transisse, iam securus per tertiam viam incedit: ut explorando, quasi utens syllogismo diuino, quo concludi posset, ceruum per illam viam incedere, ex quo non incedit per alias duas. Ergo videtur quod electio (ac proinde & libertas) brutis animalibus conueniat.* En exemplum omnino similia, & certè tui canis experientia opus non erat, si Sanctum Thomam legisses.

Sed quid quæso, ad hæc omnia Angelicus Doctor respondet: profecto nil aliud, quam quod nos iam toties inculcauimus. *Dicendum* (inquit) *quod brutum animal accipit unum præ alio, quia appetitus eius est naturaliter determinatus ad ipsum: unde statim quando per sensum, vel per imaginationem representatur sibi aliquid, ad quod naturaliter inclinatur; eius appetitus*

*absque electione mouetur ad ipsum, sicut etiam absque electione ignis mouetur sursum & non deorsum.* Ecce qualiter liberam electionem ab huiusmodi actionibus brutorum excludat, eadem prorsus de causa, sicut & nos nempe quia bruta sunt respectu huiusmodi, omnino determinata ac vnum; taliter ut statim debeant habere illa representatione rerum sibi facta sic operari, ut aliter non possint.

Vanè ergo & inaniter in epistola tua prodroma gloriaris, Vincenti, *offendi non posse, quare canes, asini, simia, & psittaci libertate vera præditi non sint, nisi ad tuam libertatem essentialem & non ad indifferentiam fiat recursus.*

Ep. pro  
dro. al  
Petau.  
pag. 69.

## CAPVT XV.

*Soluitur quedam ratio Vincentij, de sumpta ab actu intentionis circa finem.*

**V**IDETUR etiam Vincentius hoc nobis velle obijcere in Theriaca libro primo, capite vigesimo primo. *Nisi voluntas finis non tantum electio mediourum libera esset, amare turpem voluptatem tamquam finem, nullum peccatum esset, quia talis actus liber non esset; nec in amore Dei, ut finis ultimi vllum meritum foret.*

In The  
ra. l. I.  
ca. 21.  
§. Et sa-  
ne.

**RESPONDEO**, dato illo antecedenti, quod nimirum sola electio mediourum libera esset, rectè sequi, quod amare turpem voluptatem tamquam finem, nullum peccatum esset; sicut neque vllum meritum esset, Deum ut vltimum finem in via amare. Cæterum nec nos illud antecedens concedimus, nec concedere cogimur, ex eo quod ad omnem actum liberum

liberum requiramus modum operandi cum indifferentia seu cum potestate ad oppositum. Dicimus ergo, non solam electionem mediorum; sed etiam volitionem finis in quantum finis est, esse verè liberam saltem libertate quoad exercitium actus: si tamen non sit volitio finis ultimi clarè visi, vt contingit in Patria. Ibidem enim sicut deest omnis indifferentia, tam specificationis quam exercitij; ita & deest omnis vera libertas. In reliquis tamen volitionibus via cum sufficienti iudicio exercitis, quantumvis exerceantur circa finem, siue turpem siue bonum, siue ultimum siue nō ultimum, sicut vera est indifferentia saltem quoad exercitium, ita & vera libertas conspicitur. Perperam igitur ex nostra communi sententia inferitur, nullum peccatum fore, amare turpem voluptatem tamquam finem: aut nullum fore meritum, amare in via Deum vt finem ultimum.

Sed quia ex alibi dictis, posset fortè quis ansam capere, dicendi doctrinam istam de libertate actus intentionis non coherere cum nostra sententia; libet claritatis gratia vnum obijcere.

ARGVMENTOR SIC. Nam videtur quòd secundum nostra dicta, omnem actum liberum debeat antecedere deliberatio intellectus: at intentionem finis non antecedit deliberatio intellectus, cum deliberatio solum sit de medijs, quæ intentionem finis supponunt, ergo in nostra sententia non potest saluari, intentione finis esse liberam. Minorem cum consequentia suppono, & probo maiorem ex his quæ docuimus libro secundo: ibidem enim expressè diximus, omnem actum liberum debere esse sub dominio seu potestate operantis: at nequit esse sub dominio seu potestate operantis, nisi sit ex deli-

beratione, cum teste Dico Thoma, quem ibidem etiam adduximus; ex hoc homo sit dominus sui actus, quòd habet deliberationem de suis actibus: ergo in nostra sententia seu secundum nostra dicta, videtur, quòd omnem actum liberum debeat antecedere deliberatio.

NEC VALET DICERE, doctrinam illam libro secundo traditam, debere intelligi de deliberatione vera vel interpretatiua; hoc est dictum, ad actum liberum requiri alterutrum horum; vel quod intellectus de facto de illo deliberauerit, vel si de facto non deliberauit, quòd potuit deliberare. Qua de causa, libera est mea scriptio & commentio, licet multoties actu de illis non deliberem: quia saltem potui de illis deliberare: in eodemque sensu hoc ipsum verificari de actu intentionis circa finem: cum enim sit liber quo ad exercitium, saltem potest intellectus de illo deliberare licet aliquando de facto non deliberet.

NON (INQVAM) VALET propter duo.

PRIMO: nam loquimur de actu intentionis formaliter vt intentio est: at actus intentionis formaliter vt intentio est, non solum non cadit de facto sub deliberatione, sed nec villo modo, prout sic, cadere potest, cum repugnet ipsi, in quantum intentio est formaliter, subinduerationem medijs: ergo solutio illa non saluat, actum intentionis formaliter in quantum intentio est, esse liberum.

SECUNDO: nam constat in doctrina Sancti Thomæ prima parte, quæstione sexagesima tertia, articulo quinto ad tertium, primum actum voluntatis Angelicæ fuisse liberum vtpote meritum: & tamen ille sub deliberatione, nec de facto cecidit, nec cadere potuit, cum actui sim.

simpliciter primo, repugnet supponere priorem, sicut debet supponere actus deliberatus: ergo ad veram libertatem non requiritur, nec deliberatio vera, nec interpretatiua.

<sup>Suprà  
ca. 6. §.  
Vnde &  
fundamētum.</sup> Hac ergo solutione reiecta, aliter  
**RESPONDEO**; quòd sicut suprà dixi de electione, quòd potest sumi dupliciter, vno modo generaliter pro quacumque volitione libera siue sit circa media, siue etiam circa finem ipsum; alio modo specialiter seu propriè, pro sola volitione libera circa media: ita pariter deliberatio potest sumi dupliciter. Vno modo specialiter seu propriè, alio modo generaliter. Specialiter seu propriè, inuoluit consultationem seu inquisitionem de medijs, vel formalem quæ sit per discursum in nobis, vel virtualem seu æquiualentem absque discursu per subitam acceptionem veritatis, sicut teste (Duo Thoma) contingit in Angelis. Et in hoc sensu sumpta deliberatione; verum est, quòd debet præsupponere intentionem finis. Generaliter autem, solum importat quodlibet iudicium intellectus indifferens cum sufficiente lumine ad discernendum inter bonum & malum: & deliberatio in hoc sensu, non de necessitate præsupponit intentionem finis; sed etiam inuenitur antecedenter ad ipsam intentionem finis: quando nempe illa intentio finis est libera quoad exercitium, vt in casu nostro loquimur: tunc namque sicut finis liberè quoad exercitium amatur, ita eueria amatur ex iudicio indifferenti & cum prædicto lumine ad discernendum inter bonum & malum: & huiusmodi deliberatio ad actum liberum sufficit.

Nec certè ex dictis nostris potest plus colligi. Quando enim suprà docuimus, ad omnem actum liberum requiri dominium, quòd (teste Sancto Thoma) habetur per delibera-

tionem; nec nostra nec Sancti Thomæ intentio fuit, intelligere nomine deliberationis, deliberationem propriè, & specialiter dictam pro solo actu intellectus inquirente & consultante de medijs; sed tantum deliberationem generaliter sumptam & in tota sua latitudine, prout præcisè nominat actum intellectus proponentis obiectum cum indifferencia: qua ratione æquè est circa finem & circa media.

Imò solum in hoc sensu & non in alio, deliberationem à Sancto Thoma sumptam fuisse, constat ex duobus. Tum quia post illa verba: *ex hoc homo est dominus sui actus, quòd habet deliberationem de suis actibus*; immediatè subiungit hæc; *ex hoc enim quòd ratio deliberans se habet ad opposita, voluntas in utrumque potest*: quasi nomine deliberationis, nil aliud intelligens, quàm rationem seu iudicium indifferenter representans obiectum, ita vt voluntas possit hoc vel oppositum. Tum etiam, quia in corpore eiusdem articuli expressè præmiserat sic; *prout scilicet apprehenso fine, aliquis potest deliberans de fine & de his quæ sunt ad finem, moueri in finem, vel non moueri*: quibus verbis cum dicit; *deliberans de fine & de his quæ sunt ad finem*, apertè significat, se non sumere deliberationem in stricto sensu, prout

solum dicit actum intellectus circa media; sed potius,

vt comprehendit etiam actum indifferenter versantem circa finem.

••

CAPVT XVI.

*Soluitur quadam ratio Vincentij, de-  
sumpta ab impotentia adimplen-  
di præcepta supernatura-  
lia in natura lapsa.*

Epist.  
prodr.  
ad Pe-  
tau. pa-  
gia. 48.

**P**RÆTEREA potest & hoc ar-  
gumentum formari ex doctrina  
Vincentij in epistola prodroma ad  
Petauium. Quia stat hominem pec-  
care contra aliquod præceptum, &  
tamen nõ esse pro tunc proximè po-  
tentem ad præcepti adimpletionem:  
ergo stat vera libertas sufficiens ad  
demeritum absque proxima potesta-  
te ad oppositum. Discursus est legi-  
timus, & antecedens probatur ex do-  
ctrina Vincentij. Quia sit casus, quòd  
inset præceptum aliquod supernatu-  
rale, verbi gratia: de amando Deum  
amore supernaturali, & quòd Deus  
mihi tunc denegat in pœnam pecca-  
ti originalis, omnem gratiam tam  
sufficientem quàm efficacem, sicut  
iustissime denegare potest, iuxta il-  
lud Augustini libro tertio de libero  
arbitrio, capite decimo octauo, *illa  
est peccati pana iustissima, vt qui rectè  
facere cùm posset, noluit, amittat posse  
cùm velit.* Tunc si pro illo instanti  
non amo; pecco: cùm præceptum  
amandi pro tempore quo obligat,  
non adimpleam; & tamen non sum  
proximè potens ad oppositum, verbi  
gratia ad præcepti adimpletionem:  
cùm denegata & absente omni gra-  
tia non stet secundum fidem Catho-  
licam proximum posse ad actum su-  
pernaturalem: ergo stat hominem  
peccare contra aliquod præceptum,  
& tamen non esse proximè potentem  
ad oppositum, seu ad præcepti adim-  
pletionem. De materia huius argu-  
menti fusè egi libro secundo, capi-  
te decimo & vndecimo.

**MODO RESPONDEO** breui-  
ter, negando, quòd homo in illo ca-  
su peccet, aut quòd præcepti adim-  
pletio pro tunc obliget. Licet enim  
denegato solo auxilio efficaci, & con-  
cesso vel oblato sufficienti præceptū  
obligaret, & non amando homo pec-  
caret; tamen denegatio vtriusque  
auxilij simul, tam sufficientis quàm  
efficacis ob solam originalem culpā,  
à præcepti obligatione & nouo pec-  
cato personali excusat. Rationem  
suprà fuimus profecuti; quia videli-  
cet homo ille, denegato sic auxilio  
sufficienti verè impotens est ad su-  
pernaturaliter amandum, & quidem  
absque culpa sua personali: & ex con-  
sequenti non amare, nequit ipsi vt  
peccatum seu culpa personalis impu-  
tari: *Quis enim* ( inquit Chrysosto-  
mus ) *inbet aliquem, ne faciat malum  
quod non potest declinare?* Vnde &  
communiter docent Thomistæ, vt  
Aluarez, Bañez, Ledesma, Deum  
teneri ad dandum, vel saltem ad of-  
ferendum omnibus & singulis homi-  
nibus auxilia sufficientia, pro loco &  
tempore, quo vult illos obligari ali-  
quo præcepto, quod sine talibus au-  
xilijs adimplere non possunt. Quòd  
sivea non dederit, aut dare paratus  
non fuerit ( quòd & contingere po-  
test, & multoties contingit ) certè  
nullus eorum in omissione talium  
præceptorum peccabit, sed omissiones  
habebunt rationem pœnæ, non  
peccati.

Hoc tamen sic intellige: quando  
ille qui omittit præceptum, nouo ac-  
tu non impedit auxilij sufficientis  
collationem vel oblacionem. Verbi  
gratia; si Deus imponeret præceptū  
alicui, vt volaret, & ipse responderet;  
Domine non habeo alas, non  
possum, non habeo potentiam, &  
Deus tunc offerret illi alas seu poten-  
tiam; si tunc responderet, nec volo  
accipere alas, nec volare, proculdu-  
bio

Chryf.  
cit. à  
D. Th.  
in cate-  
na au-  
rea.  
Marth.  
secū 10  
Alua.  
rez lib.  
11. de  
Auxil.  
disput.  
112. n.  
10.  
Banez  
1. p. qu.  
23. art.  
1. dub.  
1. con-  
clus. 8.  
Ledes-  
ma de  
Auxil.  
art. 16.  
post vlti-  
mam  
conclu.  
9. Circa  
solutio-  
nem ius-  
tus ar-  
gument.

bio imputaretur ei ad culpam, non volare, seu omissio huiusmodi: quia iste talis nouo actu impediret virium sufficientium collationem, & sic esset impotens ex culpa sua personali, quæ proinde impotentia à peccato personali non excusaret. Idem proportionabiliter dicendum est in alijs casibus. Si enim quis impediret nouo actu personali collationem vel oblationem auxilij sufficientis pro adimplerione alicuius præcepti supernaturalis, verbi gratia de facto impediendo, ne sibi prædicaretur Evangelium, iam peccaret saltem indirectè contra fidem: quia impediendo prædicationem fidei, impedit vires ad credendum requisitas, quas ipsi Deus in tali prædicatione offert, quasque ex præcepto fidei tenetur non impedire.

Sed modo obijcies aliqua ex Augustino.

PRIMO, quia tractatu quinquagesimo tertio in Ioannem expressè fatetur culpam esse, non credere, etiam in his, qui credere non poterant: ac proinde sentit, adhuc absente omni gratia ad credendum requisita, hominem à peccato non excusari, & eadem ratio est de alijs præceptis supernaturalibus. Verba Augustini sunt hæc. Sicut ergo quòd dominus negare seipsum non potest laus est voluntatis diuinæ, ita quod illi (scilicet Iudæi) non poterant credere, culpa est voluntatis humane. En ubi culpam adstruit, etiam cum impotentia ad credendum.

SECUNDO, quia idem videtur docere libro de correptione & gratia capite vndecimo: ubi loquens de auxilio sufficienti, quo Adam potuit perseuerare, si voluisset, sic fatetur. Si autem hoc adiutorium vel Angelo vel homini, quum primum facti sunt, defuisset; quoniam non talis natura facta erat, ut sine diuino adiutorio posset ma-

nere si vellet; non utique sua culpa cecidissent; adiutorium quippe defuisset, sine quo manere non possent. Nunc autem quibus deest tale adiutorium, iuxta pœna peccati est: quibus autem datur, secundum gratiam datur, non secundum debitum. Vbi ponit discrimen inter primum hominem & nos; quod illi sua culpa non cecidisset, seu non perseuerando non peccasset, casu quo ipsi auxilium sufficientis defuisset: secus autem nos; etiam si modo illud auxilium nobis desit. Ergo culpam in natura lapsa fatetur, etiam cum impotentia faciendi actum, seu sub carentia gratiæ sufficientis.

TERTIO, quia in epistola centesima quinta ad Sixtum Presbyterum, loquens de quibusdam, qui se à peccato excusatos existimabant, excusabunt se (inquit) homines qui nolunt rectè & fideliter viuere, dicentes: quid nos fecimus, qui malè viuimus quandoquidem gratiam vnde bene viueremus, non accepimus? Quibus respondet, non profecto quòd nos diceremus, ineptam esse illorum hominum quærelam, quia saltem habuerunt auxilium sufficienti ad rectè viuendum, quo abusi sunt; sed; non possunt veraciter dicere, nihil mali se facere, quia malè viuunt: si enim nil mali faciunt, bene viuunt. Si autem malè viuunt, de suo malè viuunt, vel quod originale traxerunt, vel quod insuper addiderunt. Sed si vasa sunt iræ, quæ perfecta sunt ad perditionem, quæ illis debita redditur, sibi hoc imputent, quia ex ea massa facti sunt, quam propter vnus peccatum, in quo omnes peccauerunt, meritò Deus iusteque damnauit. Et postea, quamuis se ipsi excusare videantur, non admittit hanc excusationem, qui scit se fecisse hominem rectum eique obedientia dedisse præceptam, nec nisi eius quo malè vsus est, libero voluntatis arbitrio etiam quod transiret in posteros, manasse peccatum. Neque enim damnantur,



qui non peccauerunt, quandoquidem illud ex uno in omnes pertransiit, in quo autem propria ex singulis quibusque peccata, omnes communiter peccauerunt. Ac per hoc inexcusabilis est omnis peccator, vel reatu originis, vel additamento etiam propria voluntatis: siue qui novit, siue qui ignorat, siue qui indicat aliquid esse peccatum, siue qui non indicat. Quia & ipsa ignorantia in eis qui intelligere noluerant, siue dubitatione peccatum est, in eis autem qui non potuerunt, pœna peccati. Ergo in vniuersis que non est iusta excusatio, sed iusta damnatio. Jam hic infert Vincentius: Ecce ut omnium peccatorum, per quos iam homines ab ignorantia vel concupiscentia distorti, peruersè ambulant, imputabilitatem semper eò tandem Sanctus Augustinus reuoluat, quod Deus hominem fecit: ita ab initio rectum, & defectus illi non à natura (ut Manichæi delirabant) sed præcedens peccati sint pœna. Quasi apertè contendens, inodo peccata nobis imputari, etiam in casu, quo omnis gratia desit, per hoc præcisè, quod amissio illis gratiæ nobis voluntaria sit in primo homine, quem Deus cum sufficienti gratia condiderat. Eandem objectionem alibi latè prosequitur Cornelius Iansenius.

Sed magne Deus, quibus oculis homines isti Sanctum Augustinum legere potuerunt, quandoquidem verissimam eius doctrinam in tam peruersos sensus tanta cōfidentia trahere non erubescunt? Verùm sic Deus eos excæcat, quos priuatæ opinionis amore pericacices, aduersus communem Scholasticorum sententiam, tanta audacia & securissima libertate delectat disputare.

AD PRIMVM dico, negando quod Augustinus ibi dicat esse peccatum non credere, in casu quo quis credere non potest. Imò apertissimè latetur contrarium, ut supra luculen-

ter ostendi. Nec certè locus indubitanter contrarium ostendit. Nam, quando ibi negat Iudæis potentiam credendi: non negat illis profectò potentiam antecedentem, quæ habetur per auxilium sufficiens; sed solum potentiam consequentem, quæ habetur per auxilium efficax. Et quod hæc explicatio sit ad mentem Augustini, patet ex ipso contextu: immediate enim ante verba citata præmiserat; sic dictum est, non poterant credere: ubi intelligendum est, quod nolabant. Ergo quando statim subiungit, quod illi non poterant credere, culpa est voluntatis humana, intelligit per ly non poterant, idem ac nolabant. Et ex consequenti sensus est, Iudæos, de quibus ibi loquitur, peccasse in eo quod noluerunt credere. Quod si noluerunt credere, & nolendo peccauerunt, euidenter supponit, quod potuerint credere potentia saltem antecedente per auxilium sufficiens, vel ipsis intrinsecum, vel saltem oblatum, ut ad peccandum contra præceptum fidei requiritur. Vnde idem Augustinus libro tertio contra Faustum, capite vndecimo expressè de Iudæis dicit, illos excæcos fuisse à Deo propter occulta quædam ipsorum peccata, ne agnoscerent Christum. Et rursus, occulti eorum meriti fuit, quod Christum non agnoscerent. Enim ubi solū significat, illos propter propria peccata priuatos fuisse gratia efficaci, ne de facto agnoscerent: cum quo proinde compatitur, quod auxilium sufficiens modo dicto haberint, quo poterant agnoscere.

Et certè velle Iudæis auxilium sufficiens ad credendum denegare, non solum sacris litteris, sed ipsi etiā experientia videtur repugnans. Sacris quidem litteris, nam quid aliud significat illud Sancti Stephani Actuum septimo, Vos semper Spiritui Sancto resistitis? Nonne illo modo Iudæos

Supra  
lib. a. c.  
to.  
Tertio  
disputum.

In The  
riaca l.  
1. c. 1.  
sect. 4.  
in prin  
cip.

Iansen.  
ro. 3. li.  
3. c. 14.  
col. 331

duos reprehendendi, apertè significat, ipsis inspirata fuisse bona aliqua desideria à Spiritu Sancto, quibus, licet verè potuerint conuerti & credere, de facto tamen sua malitia reſiterunt? Et rursus illud Isaia quinto, ubi Dominus sic loquitur? *Habitatores Hierusalem, & viri Iuda, indicate inter me & vineam meam. Quid est quod ultra debui facere vinee mee & non feci ei? An quod expectavi, vt faceret vinas, & fecit labruscas? Nonne hic iterum significatur, Iudæos quos Dominus sub parabola vinee reprehendit, verè habuisse media sufficientia, per quæ potuerint fructificare, conuerti & credere? Experientia etiam ipsi videtur repugnās; nam cum consilet Iudæos habuisse exemplum Christi, externam prædicationem Euangelij, tot miracula & legem ipsam, quæ omnia sunt auxilia sufficientia extrinseca; quis neget ex his omnibus corda ipsorum etiam fuisse interius commota per varias inspirationes, quæ sunt auxilia sufficientia intrinseca? An nē credendum erit Spiritum Sanctum nil in ipsorum cordibus fuisse operatum ad tot ingentia miracula, ad tam stupendum exemplum Christi? Profecto vix id stare potuit, quin quasi singulis momentis intus senserint, conscientia remorsus varios, affectus credendi plurimos, tacitus voluntatis pene innumeros, quibus omnibus sic præuerti verè potuerunt supernaturaliter credere, potentia per modum virtutis sufficientis in actu primo, licet nūquam illam ad actum redaxerint, nec reducere voluerint sua malitia, exacerati & obdurati.*

Et quid plura? Extat in ipso etiam Augustino locus clarissimus, quo Iudæis auxilia sufficientia concedit. Lege libri de prædestinatione Sanctorum caput decimum sextum, & sic loquentem inuenies. *Vocat enim Deus*

*prædestinatos multos filios suos, vt eos faciat membra prædestinati vnici filij sui, non ea vocatione, qua vocati sunt, qui noluerunt venire ad nuptias: illa quippe vocatione & Iudæi vocati sunt, quibus Christus crucifixus scandalum est, & gentes quibus Christus crucifixus stultitia est, sed ea vocatione prædestinatos vocat, quam distinxit Apostolus dicens, ipsis vocatis Iudæis & Græcis prædicare se Christum Dei virtutem & Dei sapientiam: sic enim ait, ipsis autem vocatis: vt illos ostenderet non vocatos; sciens esse quandam certam vocationem eorum qui secundum propositum vocati sunt, quos præscit & prædestinauit conformes imaginis filij sui. Quam vocationem significans ait, non ex operibus sed ex vocante dictum est ei, quia maior seruiet minori. Nunquid dixit, non ex operibus sed ex credente? prorsus etiam hoc abstulit homini, vt totum daret Deo. Dixit ergo sed ex vocante, non quacunque vocatione, sed qua vocatione fit credens. Nonne hic apertissime distinguit duplicem vocationem ad fidem, vnā efficacem qua quis de facto & cum effectu fit credens, alteram inefficacem seu sufficientem, qua & Iudæos vocatos esse dicit, licet ipsi cum effectu venire noluerint? Quomodo autem ista starent, si Iudæis media sufficientia ad credendum non obtulisset Deus? Illene sincerè & verè ad fidem vocat & inuitat, qui ipsa media ad veniendum non offert, sed denegat? Ergo si Augustinus apertè fateatur, Iudæos verè fuisse à Deo vocatos & inuitatos ad fidem; sentit quoque Deum eisdem media seu auxilia sufficientia vel dedisse vel saltem ex parte sua obtulisse. Concludamus ergo, primam obiectionem minimè ostendere, quòd ex mente Augustini culpa sit non credere, etiam in his qui credere non potuerunt. Si namque Iudæis culpæ adscribit, quòd non crediderint, iam ostendat.*

ostensum est, ipsos verè credere potuisse, licet sua malitia de facto credere noluerint.

AD SECVNDVM respondeo, Augustinum ibi solùm docere, quòd in natura lapsa sit pœna peccati, hoc quòd est nò dari aliquibus auxilium sufficiens. Quod vtiq̃ue verissimum est & nos fatemur: potest namque Deus iustissimè in pœnam solius peccati originalis, alicui denegare omne auxilium, sicut & hominem æternaliter propter solū originale damnare. Non tamen docet Augustinus, quòd sit nouum peccatum, non facere ea, quæ defectu talis auxiliij solo illo titulo denegati, homo facere non potest. Vide ea quæ suprà ad hunc locum docuimus: est namque euidenter pro nobis & capitaliter contra Vincentium.

AD TERTIVM prænotare libet; quòd verba illa cautè legenda sunt: ex illis namque vel alijs similibus malè intellectis, Calvinus occasionem sumpsit dicendi hoc ipsum, quòd in præsentī dicit Vincentius: nempe modo nobis in natura lapsa, imputari nonnulla, tamquam verè & propriè peccata, quamuis ea vitare non possimus, per hoc præcise, quòd impotentia illa nobis voluntaria sit in primo homine. Hoc infra libro quinto ex professo ostendetur.

Dico igitur ad locum inductum, tale quid minimè sequi, si rectè perpendatur. Augustinus namque ibi non agit de imputabilitate peccatorum, tamquam ea nobis quantumuis impotentibus; ob culpam tamen primi hominis verè imputentur; sed de imputabilitate æternæ damnationis & aliorum defectuum seu malorum, quæ in natura lapsa conspiciuntur: hæcque reducit tamquam in iustissimam causam, vel in ipsa peccata personalia, vel in peccatum saltem originale. Ita vt sensus sit; ho-

mines omnino iniuste còqueri, quòd damnentur; quòd multoties careant gratia efficaci, *qua benè viuunt*; quòd mille defectibus ignorantie (ratione cuius etiam carent gratia sufficienti, vt possint benè viuere) obruantur; quia omnium illorum malorum in ipsis iustissima causa inuenitur, nimirum vel culpa originis, vel culpa etiā propriæ voluntatis. Hic sensus ita perspicuè in tota illa epistola apparet, vt non nisi à corruptore Theologo possit alius effingi. Sed probemus idipsum, vt fides adhibeatur.

Ex nulla parte id constabit clariùs, quam ex intento quæstionis ibidem contra Pelagianos susceptæ. Quæstio erat ( vt ex principio epistolæ constet ) quòd Pelagiani personarum acceptorem Deum se credere existimant, si credant quòd sine ullis præcedentibus meritis, cuius vult, miseretur, & quos dignatur, vocat, & quem vult, religiosum facit. Quæ verba significant, non posse Deum sine vicio acceptio- nis personarum, dare & negare pro libera sua voluntate aliquibus gloriam, & gratias requisitas ad credendum, & gratias requisitas ad piè operandum. Primum de gloria significatur his verbis; *si cuius vult, miseretur*. Secundum de gratijs requisitis ad credendum, in his; *si quos dignatur, vocat*. Tertium tandem de gratijs requisitis ad piè operandum, in his; *si quem vult, religiosum facit*. Ex quo vterius eidem Pelagiani inferebant; si Deus omnia ista donat, & negat pro libera sua voluntate: ergo excusare se poterunt homines, & causari, quòd sine culpa damnentur; quòd sine culpa malè viuant; siquidem per Deum hoc stat negantem sua dona, non per ipsos. Cui posteriori puncto Augustinus satisfacit verbis citatis in argumento, inquit; *non possunt veraciter dicere, nihil mali se facere, sine sua scilicet culpa, quia*

fa-

Suprà l.  
2. c. 10.  
§. Secun-  
do pon-  
dere.

Infra l.  
5. c. 26.

fatentur se malè viuere : & si malè viuunt , causa huius non ex Deo , sed ex ipsis descendit hominibus , nimirum vel ratione peccati originalis , vel ratione actualium : quia nempe alterutrum horum , sufficiens causa est , cur homines iustissime possint destitui gratijs requisitis ad credendum & piè viuendum , & sic damnari . Ergo de primo ad vltimum nil aliud Augustinus intendit , quàm Pelagianis offendere , qualiter Deus iustè possit hominibus imputare carentiam omnis gratiæ , & æternam denique damnationem . Sicque perperam ex illo loco deducitur , Augustinum in illa esse sententia , quòd modo in natura lapsa siet nos peccare , etiam cum impotentia ad faciendum id quod lege præscribitur , vel ad vitandum id quod lege prohibetur .

SED INSTABIS . Augustinus de illis hominibus destitutis omni gratia dicit , quòd *malè viuunt* . Ergo sentit , quòd peccant , seu præcepta transgrediantur . Quod enim est aliud malè viuere , quàm peccare , seu præcepta transgredi ? Ac proinde in eius doctrina fiat hominem contra ali-quod præceptum peccare , licet defectu omnis gratiæ impotens sit ad illud adimplendum .

RESPONDEO vno ex tribus modis .

PRIMVS est , quòd illa verba *malè viuunt* , solum referuntur ad destitutos , non omni gratia absolute , tam sufficienti videlicet quàm efficaci . Et hæc responsio fundamentum habet in eo , quòd tantum dicuntur ad illos , qui obijciebant ; *quandoquidem gratiam , vnde bene viueremus , non accepimus* . Non obijciebant , se non accepisse gratiam , qua possent bene viuere ; sed qua bene viuerent de facto : quæ præcisè est gratia efficax .

Vnde sensus est , istos homines iniuste omnino conquiri , quòd careant gratia efficaci , qua bene viuunt , quia , si fatentur se malè viuere , eo ipso merentur ob peccatum suum personale , gratia efficaci priuari . Quod in re idem est , ac si Augustinus nobiscum diceret , ideo homines illos iniuste conquiri de priuatione gratiæ efficaci , quia per peccata sua malè abutuntur gratia sufficienti . Nam idem est gratia sufficienti per peccata abuti , ac per peccata gratiæ efficaci priuationem mereri : non enim aliter fit abusus gratiæ sufficientis , quàm nouis peccatis impediendo collationem efficaci .

SECUNDVS est , admittendo etiam quòd referantur ad destitutos omni gratia absolute , tam sufficienti quàm efficaci : sed tunc sensus est , quòd malè viuant , non in omni ordine tam naturali quàm supernaturali , sed solum in naturali : peccando scilicet contra aliqua præcepta naturalia , quæ sine vlla gratia per solas vires liberi arbitrij adimpleri possunt . Vnde & Diuus Thomas Secunda Secunda , quæstione decima , articulo primo in Corpore dixit de infidelibus negatiuè , quòd *damnantur quidem propter alia peccata* ( scilicet quæ committunt contra legem naturæ ) *non autem damnantur propter infidelitatis peccatum* : quia nempe illud non incurrunt , sicut nec vllum aliud contra præcepta supernaturalia , si casus sit ( vt nos loquimur ) quòd omnis gratia absolute , ipsis sit propter solum originale denegata .

TERTIVS tandem est , admittendo vterius , quòd etiam illi malè vivant in ordine supernaturali : sed tunc malè viuere debet accipi , non positiuè pro eo quod est peccare seu præcepta illius ordinis transgredi ; sed negatiuè , pro eo quod est , bona illius ordinis non facere , seu præcepta

ptā eius non adimplere. Quod utique verissimum est: nam licet destituti omni gratia sufficienti, contra praecepta supernaturalia non peccēt, sique reuera vitent peccatum omissionis illorum praeceptorum, cum desit eis potestas adimplendi abique nona ipsorum culpa, vt suppono; tamen certum est, eosdem in ordine supernaturali, malē viuere negatiue, id est, bona illius ordinis non facere seu praecepta supernaturalia non adimplere. Verum hac non adimpletio, non est transgressio, sed mera negatio, & non habet rationem peccati, sed magis pena, ait Diuus Thomas loco citato: imo & ipse Augustinus expressit hoc ipsum, dum dixit, *in eis autem qui non potuerunt, pena peccati.*

ET SI QVÆRAS, quomodo ista duo stent simul; quod nempe ex vna parte, vitent peccatum omissionis praeceptorum gratiæ, & ex altera, huiusmodi praecepta verē non adimpleant, cum vitare peccatum omissionis alicuius praecepti, & illud praeceptum adimplere, videantur esse vnum & idem.

Si (inquam) hoc quæras; respondeo cum Caietano Prima Secundæ quæstione centesima nona, articulo octauo, quod prædicta duo optimē compatiuntur. Nam aliud est implere praecepta huiusmodi, & aliud est vitare peccata omissionis opposita. Adimpletio enim praeceptorum horum claudit in se de necessitate donum supernaturale in habente, quo fit potens adimplere & ex quo præcipitur adimplere. Cum enim dicitur, *diliges Dominum Deum tuum*, vt est praeceptum charitatis, subintelligitur, *diliges ex charitate dominum Deum tuum*: vbi manifestē patet claudī charitatem vel secundum habitum vel secundum auxilium in facultate adimplendi. Vnde qui talem

facultatem non habent, necesse habent non adimplere huiusmodi praecepta. Ad euitandum autem peccata omissionis horum praeceptorum, non exigitur supernaturale donum, sed sufficit, nullum ponere obicem, in nulloque reniti motioni Diuinæ supernaturali, qua quis constituere-  
tur potens adimplere. Hoc autem, totum potest homo prestare per hoc quod de nouo non peccet mortaliter, cum obex non ponatur nisi per peccatum mortale. Potest autem de nouo non peccare, per solam facultatem liberi arbitrij, licet nullum donum supernaturale habeat. Vnde si quis omni gratia destitutus, ponatur de nouo non peccare, sicut nos in casu nostro ponimus, iste talis verē vitat peccatum omissionis, licet ex alia parte praeceptum non adimpleat, quia gratia, quæ daret vires pro adimplentione, ipsi sine sua personalī culpa deest.

Itaque praecepta supernaturalia, aliter obligant hominem gratia sufficienti præditum, & aliter hominem gratia sufficienti sine sua culpa destitutum. Præditum obligant ad ponendum actum praeceptum, tempore quo currit obligatio, quia potens est illum ponere. Vnde nunquam contingit, quod talis actum praeceptum non ponat, & simul vitet peccatum omissionis. Destitutum autem obligant, non ad ponendum actum praeceptum, quia ad hoc est impotens; sed solum ad non ponendum obicem per peccatum: quia ad hoc etiam sine gratia est potens: sicut enim sine gratia potest peccare, ita & sine gratia potest hic & nunc non peccare, seu non ponere obicem; secundum quod Sanctus Thomas tertio contra gentes, capite centesimo quinquagesimo nono dixit quod est in potestate liberi arbitrij impedire Diuinam receptionem vel non impedire.

casus sit quòd obicem non ponat, satisfaciat præcepto pro ea parte qua ipsum in tali statu obligat: & ex consequenti peccatum omissionis non incurrit, licet alias actum præceptum non ponat.

Igitur aliud est, vitare peccata omissionis præceptorum gratiæ, & aliud præcepta gratiæ simpliciter adimplere. In cuius signum, constantissime etiam docent Scholastici, & præcipue Sanctus Thomas articulo illo octauo superius citato; quòd homo in statu naturæ integræ poterat vitare omnia peccata collectiue, & in natura lapsa omnia diuisiue, ex virtute naturali liberi arbitrij, comprehendendo tam peccata omissionis præceptorum gratiæ, quàm alia: cum tamen nullus Catholicus docere possit, hominem virtute liberi arbitrij, siue integrum siue lapsum, posse adimplere omnia præcepta vel collectiue, vel diuisiue, comprehendendo etiam præcepta gratiæ.

His puto nil amplius ad Augustini intelligentiam desiderari. Quapropter te rogo, Vincenti, vt dicta hæc memori mente reponere digneris si vis viam veritatis ingredi. Omnia confundis, nil Scholasticè vis distinguere, nudum sonum verborum attendis, & hoc in causa est, quòd Sanctissimi Præfatis verissimas sententias in tam peruersos sensus interpreteris.

Verùm & illud solui debet, quod etiam in Theriaca tua, inuenio sic ab Augustino dictum. *Deus iubet aliqua quæ non possumus, vt nouerimus, quid ab illo petere debeamus.* Vbi videtur docere, nobis aliqua à Deo præcipi, quæ tamen facere non possumus.

Distinguiamus, Vincenti, vel potius explicemus verba hæc iuxta rigorem Scholasticum, & Catholicam nobis pandent veritatem, vbi tamen littera dissonans apparet. Breuiter

igitur respondeo, vel quòd iubet aliqua, quæ non possumus potentia, consequente, nunquam tamen quæ non possumus potentia etiam antecedente. Vel si de vtraque potentia intelligi velis; iubet aliqua quæ sic non possumus, ex viribus nempe naturæ, quæ tamen eadem possumus ex viribus gratiæ de communi lege parata, loco & tempore, quibus obligatio inflat: ita vt sic etiā verificetur, tempore præcepti me esse proximè potentem ad præcepti adimplentionem, vel per gratiā intrinsicè in me receptam, vel saltem extrinsicè ex parte Dei oblaram, & nunquam illo tēpore negandam, nisi culpa mea denegationem meruerit: iuxta illud Sancti Thomæ omni consolatione plenissimum; *Illi soli gratia priuantur, qui in se ipsis gratiæ impedimentum præstant.*

S. Tho.  
3. cont.  
gent. c.  
159.

## C A P V T XVII.

*Soluitur quædam ratio Vincentij, de sumpta ex eo, quod iam iustitia liberaret non gratia.*

**A**ST IAM præter Augustini auctoritates superiori capite commemoratas, duæ restant retinculæ, quas nec negligere volo, ne aliquid difficultatis videar præterire. De prima hæc, de secunda, capite sequenti.

**PRIMA EST HVIVSMODI.** Si adiutorium sufficiens, homini tempore præcepti supernaturalis debetur, vt nos capite præcedenti docuimus; ergo iam iustitia, non gratia eum sanat & liberat: quòd est inconueniens illatum ab Augustino in eadem illa epistola ad Sixtum. *Non inde iam gratia sed iustitia eum liberaret.* Sic Vincentius in sua Theriaca & alibi Iansenius.

In The  
rica l.  
2. ca. 1.  
Iansen.  
tom. 3.  
l. 3. cap.  
14. col.  
355.



RESPONDEO. Vel arguens intelligit per liberationem, nudam enationem peccati omissionis istorum præceptorum, vel ipsam adimplentionem eorundem. Si primum; factor hominem sine ulla gratia posse sic liberari: quia (ut iam præcedenti capite ostendi) potest homo virtute sua naturali liberi arbitrij, vitare peccata omissionis opposita illis præceptis, per hoc præceptum, quod non ponat hic & nunc obicem gratiæ, quæ reciperet facultatem adimplendi. Nec hoc est contra mentem Augustini, cum potius contrarium sit hæresis Manichæa, ut supra libro primo ex Dino Thoma ostendi. Si verò intelligat secundum; nempe ipsam adimplentionem præceptorum supernaturalium; concedo quod auxilium seu gratia sufficiens pro ista adimplentione requisita, sit debita ex suppositione, quod Deus istis præceptis hic & nunc velit obligare. Sed nego inconveniens illatum, nimirum quod iam iustitia hominem liberaret, non gratia. Nam licet auxilium sufficiens, ex suppositione obligationis præcepti sit nobis debitum; tamen cum in sententia Thomistica non contingat cum effectu seu de facto ista adimplerio, solo auxilio sufficiens, sed insuper requiratur efficax, omnino indebitum, seu gratuitum; hinc fit, quod iuxta nostram doctrinam nunquam verificetur, nos de facto adimplere, seu liberari per iustitiam & non per gratiam. Verificatur quidem, nos posse adimplere, seu liberari absque dono omnibus modis indebito; sed hoc non est contra Augustinum: nam ipse non intulit pro inconuenienti; *iam iustitia posset liberare, sed, iam iustitia liberaret.* Quod sonat liberari cum effectu & de facto seu efficaciter per actuale præcepti adimplentionem.

Hic tamen aduerte, me consulto dixisse, nos posse adimplere seu liberari *absque dono omnibus modis indebito*, & non; *absque dono indebito absolute.* Nam gratia sufficiens quæ possumus præcepta supernaturalia adimplere; est donum indebitum absolute, licet non sit indebitum omnibus modis: cum debeat saltem ex suppositione obligationis præcepti. Et certè Pelagianum esset dicere, nos posse adimplere talia præcepta, absque dono absolute indebito: hoc enim idem esset, ac dicere, quod possumus præceptum supernaturale adimplere sine dono gratiæ, & per vires nature: cum tamen illud aliud sit Thomisticum, nempe, nos posse præceptum istud adimplere absque dono indebito omnibus modis.

Ex qua animadversione poteris & aliter solvere si placuerit. Dicendo quod in nostra sententia, per iustitiam non solum non adimplemus, sed nec possumus adimplere: intelligendo tamen per iustitiam, aliquam formam omnibus modis debitam. In hoc namquam sensu verum est, nos nec per iustitiam posse adimplere. Licet enim possimus adimplere per gratiam sufficientem, quæ est forma aliquo modo debita, nempe ex suppositione præcepti; tamen ea non est debita omnibus modis; sed potius absolute indebita, cum Deus iustissime illam denegare possit, imò & de facto plurimis denegauerit propter peccatum saltem originale.

Et si velis vtramque solutionem, in eadem forma argumenti combinare; distingue consequens hoc modo. Ergo iam per iustitiam adimplemus, non per gratiam: *distinguo*; adimplentione actuali & cum effectu; nego consequentiam: adimplentione in actu primo & sufficienti, subdistinguo; per iustitiam absolute &

simpliciter iustitiam; nego consequentiam: per iustitiam secundum quid iustitiam, absolute tamen gratiam; concedo consequentiam. Et hoc certe inconueniens non est: cum verè saluetur, nos non adimplere huiusmodi præcepta sine gratia absolute, nec in actu secundo, nec in actu primo: ac proinde nec liberari villo modo, absque dono absolute gratuito.

Fateor tamen (& hoc per transennam notatum velim) quod prædicta ratiuncula omnino peremptoria est, contra gratiam sufficientem Petavianam: cum enim illa, se sola possit reduci ad actum independentem ab ulteriori gratia ex se efficaci; sequitur manifestè, in casu quo duo sint habentes æqualem gratiam sufficientem, & vnus de facto adimpleat præceptum, alter non; quod ille adimplens, adimpleat per maiorem virtuositatem (vt ita dicam) liberi arbitrij: ac proinde quod in actu secundo liberetur per aliquid naturale, non verò per gratiam simpliciter debitam.

## C A P V T XVIII.

*Soluitur quedam ratio Vincentij, desumpta ab oblatione Dæmonum.*

**S**ECUNDA RATIVNCVLA est huiusmodi. Quod homo in natura lapsa careat gratia sufficenti, est ex culpa ipsius, ad minus originali, vt ex testimonio Augustini supra citato aperte constat: ergo defectus subsecuti ex carentia talis gratiæ, verè imputabuntur ad peccatum. Probo consequentiam, quia licet defectus subsecuti ex causa inculpabili, ad peccatum non imputentur, qua ratione non imputatur homicidium secutum

ex inculpabili ebrietate; tamen defectus subsecuti ex causa culpabili, verè imputantur: qua ratione à sensu contrario imputatur homicidium secutum ex ebrietate culpabili. Ergo si carentia gratiæ sufficientis est ex causa culpabili, nimirum peccato originali; defectus exinde secuti, vt sunt non adimpleriones præceptorum supernaturalium, verè debebunt ad peccatum imputari.

**RESPONDEO** ex doctrina tradita libro secundo. Cum peccatum personale petat essentialiter voluntarium personale; nullus defectus potest mihi tamquam peccatum personale imputari, nisi sit mihi voluntarius voluntate personæ. Cum igitur huiusmodi defectus (vt est non adimplerio præceptorum supernaturalium ex negata gratia sufficiente propter solum originale) non sit mihi voluntarius voluntate personæ, sed solum voluntate naturæ seu capituli hinc fit, non posse mihi similem defectum tamquam verum peccatum personale imputari. Et per hoc patet ad exemplum de homicidio secuto ex ebrietate culpabili: hoc enim iustissime mihi tamquam peccatum personale imputatur; quia est voluntarium in causa, voluntate personæ; eo ipso, quod ebrietas, quæ est causa, tali modo voluntaria fit.

**AC TANDEM**, vt omnibus modis argumenta tua absoluam; ex hoc etiam patet ad id quod alibi in Theriaca obijcis de Dæmonibus: quos licet omni gratia destitutos constat peccare, in eo quod non se conuertant ad Deum, vel quod Deum non diligant; siquidem ad conversionem seu dilectionem tenentur: & hoc non ob aliud, quam quia destitutio ab omni gratia, ex præcedente eorū culpa processit: ergo pariter, si in nobis huiusmodi destitutio ex præcedente culpa originali contingat,

non

Suprà  
l. 2. c. 11  
6. 2. 2. 2.  
to. 1. 1.  
do. 1. 1.  
ps. 1. 1.

In The  
riaca l.  
2. ca. 3.  
sect. 6.  
in fine  
& c. 11.  
7. etiam  
in fine.  
In epi  
stola e  
tiam ad  
Ricard.  
pag. 7.

Suprà  
c. 16.

non ob id à peccato excusabimur. Quod assumptum etiam probas (& bene) ex doctrina Diui Thomæ quæstione decima sexta de potentia, articulo quinto ad vndecimum, vbi sic habet. *Sicut ebrius tenetur non peccare, non quidem considerato presenti statu, sed considerata ebrietatis voluntaria causa, secundum quam imputatur ei aliquid ad culpam; ita etiam potest intelligi quod diabolus tenetur conuer-  
ti ad Deum, quamuis hoc ei sit impossibile secundum præsentem statum, quia in hunc statum ex voluntaria causa deuenit.* En vbi docet diabolum tene-ri ad aliquod sibi impossibile, defectus scilicet gratiæ, quia defectum hunc ex voluntaria causa contra-  
xit.

**PATET (INQVAM)** ex præmissis, quid ad hoc dicendum sit. Nam illum defectum, qui est negatio dilectionis seu conuersionis, etiam contraxit Dæmon ex causa voluntaria non qualitercumque, sed voluntaria voluntate personali: & sic non mirum ipsi vt culpam imputari, hoc quod est Deum non diligere aut ad ipsum non conuer-ri: vnde expressè etiam dixit Diuus Thomas quæstione vigesima tertia de veritate, articulo septimo ad sextum, quod illi qui sunt in inferno, adhuc tenentur ad conformitatem prædictam (scilicet suæ voluntatis cum Diuina) ad quam quamuis peruenire non possint ipsi tamen huius impotentie sibi causa extiterunt: vnde non conformando peccant. Quod autem hanc impotentiam seu defectum huiusmodi, voluntate personali liberè Dæmon contraxerit, ex eo manifestum est, quod actu omnino deliberato voluerit adhærere prano fini: quæ adhæsiō, cum ratione inflexibilitatis arbitrij Angelici inferat obstinationem in malo, intulit quoque debitum carenti omni gratia pro quouis actu bono: sic-

que eadem libera voluntate, qua voluit adhæsiōem; voluit & illud debitum, & ex consequenti omnem, quoque defectum ex illo debito con-secutum.

Hic tamen aduerte, quod licet casus ebrij & casus Dæmonis in hoc conueniant, quod neuter auferat imputabilitatem defectus subiecti; est tamen ex alia parte duplex adhuc disparitas. Prima est, quam etiam aduertit Vincentius, quod ebrius, in illo statu non potest nono peccato formali delinquere, cum status ille exciderit vsu rationis, in quo formaliter peccari non potest; at verò Dæmon à sensu contrario cum intravium rationis permaneat; nono peccato formali delinquere potest, & toties sic delinquit, quoties exit in nouum actum, distinctum à primo, illa praua adhæsiō: eligendo verbi gratia ex vi illius, hæc vel illa ini-qua media, quæ pro suo arbitrio in executione ponit. Vnde & ibidem, dixit Sanctus Thomas in fine Corporis, quod Dæmones diuersa eligunt per liberum arbitrium, & in omnibus peccant (intellige formaliter) quia in eorum electione permanet via (siue vis) primæ electionis eorum. Secunda est, quod homicidium ex ebrietate culpabili commissum; licet non imputetur vt nouum peccatum formale; imputatur tamen vt nouum seu distinctum peccatum simpliciter. Ratio est, quia ebrietas & homicidium sunt simpliciter duo peccata, & distinctæ malitiæ. At verò hoc quod est dæmonem semel à Deo auersum, ad Deum amplius non conuer-ri; nullo modo vt distinctum aut nouum peccatum imputatur: ratio sumitur ex opposito; quia nimirum negatio conuersionis ad Deum, non est in Dæmone distinctæ malitiæ à malitia positivæ auersionis ab ipso; sed tantum libera eiusdem auersionis conti-

In epi-  
stol. ad  
Ricard.  
vbi su-  
pra.

nuatio : sicut nec in nobis duplex peccatum est, per actum positivum a Deo auerti & ad ipsum non conuerti.

SED INSTABIS. Negatio illa, conuersionis, supposita carentia omnis gratiæ inest voluntati Dæmonis, omnino necessariò, etiam necessitate quoad exercitium: ergo si Dæmon non conuertendo se, seu non diligendo Deum, peccat; peccat utique in aliquo, quod ipsi est simpliciter necessarium; & nullo modo indifferens: quo proinde ruere videntur omnia hucusque dicta. Consequentia apparet legitima, & antecedens potest probari manifestè: nam talis negatio supposita carentiæ omnis gratiæ, inest dæmoni absque vera & proxima potestate illam destruendi, cum illam destruere potens non sit, nisi per actum conuersionis aut dilectionis, quem tamen absque omni gratia ponere non potest: ergo inest ei omnino necessariò, etiam necessitate quoad exercitium.

RESPONDEO quòd negatio

illa conuersionis potest dupliciter sumi: vno modo secundum se, seu præcisè in quantum est negatio: & hoc modo fateor, quòd supposita carentia gratiæ ad amorem supernaturalem; inest Dæmoni huiusmodi negatio omnino necessariò: ceterum per illam prout sic, minimè peccat, cum sub ista formalitate non consideretur ut volita. Alio modo potest sumi non præcisè; sed in quantum per actum positivum prauæ illius conuersionis est volita: & sic sicut per illam peccat, ita pariter ei inest omnino liberè, imò & deliberatè, sicut & ipse actus conuersionis libertate deliberata ipsi inest. Itaque Dæmones non peccant, præcisè quia non diligunt, cum hoc ipsis sit omnino necessarium; sed quia dilectionis negationem volunt per actum deprauatum, quo liberrimè se ad malum finem conuerterunt. Et quia actum istum potuerunt ponere & non ponere; hinc pariter negatio illa prout per illum actum volita, potuit indifferenter esse & non esse.

# LIBER QVINTVS.

SOLVUNTUR ARGVMENTA

CORNELII IANSENII,  
Vincentiani dogmatis Antesignani.

## CAPVT PRIMVM.

*Solvitur prima ratio Cornelij Iansenij,  
ex eo quòd omnis actus intellectua-  
lis voluntatis sit in potestate nostra.*

CAVSA VINCENTII iam  
Deo dante finita est. Sed cum

is non nisi militem agat sub Duce Iansenio, ipsius quoque Ducis arma, si quæ fortè supersunt, infringere necesse erit: ne quis fortasse exprobet, me præcipuè belli pondere declinato, solum militem inuasisse, tamquam ea pars sit debiliior, vel potius astutias serpentis imitatum, in fragiliori Eua,

*Iansen.  
tom. 3.  
l. 6. c. 4.*

vel

vel noluisse perpendere vel formidasse.

**ARGVIT IGVTVR PRIMO** sic. Omnis actus qui est in nostra potestate, est liber: sed quilibet actus, rationalis voluntatis, quantumvis necessarius, est in nostra potestate: ergo quilibet talis est liber. Maiorem supponimus, nam loquimur de potestate non purè Physica, secundum quòd nominat solam vim agèdi; quo sensu etiam actiones naturales sunt in potestate agentis; sed de potestate morali, prout nominat vim agendi cum dominio. Minorem verò probat dupliciter.

**PRIMO** quia teste Augustino, hoc quisque in potestate habere dicitur, quod si vult facit, si non vult, non facit. At quemlibet actum voluntatis quantumvis necessarium: si volumus, facimus: si nō volumus, nō facimus: ergo quilibet talis est in nostra potestate.

**SECUNDO** nam actus externi imperati à voluntate, sunt in nostra potestate per ipsam volitionem: ergo ipsa volitio est in potestate voluntatis per seipsam seu ratione sui. Patet consequentia, quia quòd alijs est causa seu ratio formalis, quòd sint talia; hoc per seipsum seu ratione sui, tale est; sicut ipsa prima differentia, quia facit alia differre, seipsa differentia est. Tunc ultra, sed quilibet actus voluntatis rationalis, quantumvis necessarius, est verè volitio: ergo quilibet talis est in potestate voluntatis, & quidem per seipsum seu ratione sui. En primum argumentum Ducis, sed pede quoque claudicante, sicut & cetera militis.

**RESPONDEO** concessa maiori, negando minorem, ad Primam probationem ex Augustino, concedo hoc quemque in potestate habere, quod si vult, facit, si non vult, non facit; sed nego hoc verificari respectu actuum quos voluntas elicit om-

nino necessario, seu absque potestate ad oppositum. Nisi forte etiam velis dicere, quòd Pater & Filius, si volunt, spirant Spiritum Sanctum, si non volunt, non spirant: quæ locutio hæresim sapit, vt supra ostensum est.

Possit hoc pro prima probatione sufficere; sed pro ampliori intelligentia liber & hoc notare: quòd locutiones istæ in quibus exprimitur opus aliquod sub conditione voluntatis, vt dicendo; si vis, hoc facis, si non vis, non facis, vel, hoc fit, quando vis, non fit, quando non vis, si in verò & legitimo sensu accipiantur, de necessitate supponunt, te habere respectu istius rei, potestatem indifferentem faciendi vel omittendi: unde impossibile est, verificari respectu actuum, in ordine ad quos talis potestas non existit. Hoc autem probamus multipliciter.

**PRIMO** ex quodam loco ipsiusmet Augustini, qui ipso sole evidentior est. Inquit enim libro de correctione & gratia capite septimo, potest dici, homo in eo quod audieras & tenueras, in eo perseverares si velles: nullo modo autem dici potest, id quod non audieras, crederes, si velles. Quibus verbis apertissimè significat, istam locutionem, crederes si velles, in qua exprimitur opus sub conditione voluntatis, nullo modo posse verificari de homine, qui defectu notitiæ fidei, est impotens ad credendum; ac proinde supponere in subiecto potestatem indifferentem ad illud opus sic sub conditione voluntatis expressum. Quasi manifestè dicens; non potest de homine isto dici, crederet si vellet, quia non potest credere. Ergo pariter sentit, non posse de beato (verbi gratia) dici, non amaret si vellet, supposito (vt nos supponimus) quòd non potest non amare.

**SECUNDO**, ex alio loco eius-

Suprà  
l. 1. c. 16  
s. Quod  
idem &  
c. 19. s.  
Aff. ea-  
mus &  
s. Nes-  
sum cu  
Bernar.

dem libro de correptione & gratia, capite duodecimo, ubi de Adamo seu de primo homine, intendens probare quod potuerit mori; hoc videtur discursu. *Nunquid dicturi sumus, .... non potuit mori, cui dictum est, si peccaueris, morte morieris?* Quorum verborum sensus est, nos cum veritate non posse denegare Adamo possibilitatem moriendi, utpote cui ipsa mors sub conditione operis voluntatis fuit prædicta. Ex quo discursu sic arguuntur. Augustinus probat hic, Adamum reuera potuisse mori, quia potuit ponere actum peccati sub cuius conditione, mors ipsi infallibiliter erat prædicta: sed quod potuerit ponere actum peccati, non aliunde supponit esse verum; quam quia ipsi dictum fuit, *si peccaueris*, vel (quod idem est) *si volueris peccare*: ergo manifeste iterum sentit, huiusmodi conditionatas locutiones, supponere in subiecto potestatem ad opus sub conditione expressum. Cum ergo ad volendam suspensionem amoris nulla sit potestas in beato, nequit iuxta mentem Augustini verificari, quod suspenderet si vellet: nā in hoc quod dicitur, *si vellet*; supponitur posse vellet, sicut in hoc quod dicitur, *si peccauerit*, supponitur posse peccare.

**TERTIO**: quia disertis verbis eandem phrasim facit Ambrosius libro primo Hexameron capite octavo. *Quorum ergo nos sumus Domini* (inquit) *horum principia extrinsecus non requiramus. Quod enim possumus non facere si volumus, huius electionem mali, nobis potius debemus, quam alijs ascribere.* En ubi per hanc locutionem, quod possumus non facere, si volumus, exprimens negationem mali operis sub conditione voluntatis, pariter supponit potestatem faciendi & omittendi.

**QUARTO**: supponamus verbi gratia, quod Christus Dominus ita

necessario voluisset mundationem leprosi; sicut beati necessario volunt amorem Dei; taliter ut sicut ipsi non possunt non velle amare, ita pariter Christus non potuisset non velle mundare: & deinde etiam, quod necessitas istius voluntatis mundandi fuisset omnino nota & cognita leproso; nonne tunc monstruosissime & absurdissime dixisset *Domine si vis, potes me mundare?* Quis hoc neget? Quis tam obstinati sensus, ut hoc diffiteatur? Me hercle, ego scio & certus sum, te esse necessitatum ad volendum mihi dare pecunias, ita ut semper velis dare & non possis non velle dare: & tamen prælo tibi istum libellum supplicem, *Domine mi, si vis, potes mihi dare pecunias*; nonne me ut stupidum imo ut mentis impotem reijceres, utpote qui rem appendo conditioni tue voluntatis, ubi certus sum te illa voluntate carere non posse? Profecto non alia de causa id iustissime faceres, quam quia similes locutiones appendentes opus conditioni voluntatis, appertissime supponunt, te aliquando posse illud velle & aliquando non velle. Quo ergo somnio, qua phantasia persuadet nobis Iansenius, quod beati si volunt amare, si non volunt, non amant, si nobiscum supponit eos numquam posse non velle?

**QUINTO A PRIORI**: quia huiusmodi propositiones, dictæ de libero arbitrio, non dicuntur profecto in sensu purè conditionali; prout scilicet solum denotant vel illationem vnius ex alio, vel nudam concomitantiam antecedentis cum consequenti: sic enim, cum nihil ponant in esse nec ex parte antecedentis nec ex parte consequentis; verè possunt dici etiam de quibuscunque extremis impossibilibus. Quaratione D. Thomas in primo, distinctione vigesima secunda, questione secunda, arti-



articulo primo ad secundum concedit in sensu conditionali illativo has; *Deus si vellet, posset praua agere; si centum sunt minus quam quinque, sunt minus quam decem.* Imò & de rebus inanimatis eadem ratione potest dici; si lapis vult; potest praua agere, si non vult, potest non agere. Rursus in sensu conditionali secundum concomitantiam idem apparet: potest namque de lapide verissimè dici; quando lapis vult, potest descendere, quando non vult, potest non descendere. Et ratio omnium est eadem. Nam (vt notissimum est dialecticis) propositio conditionalis, siue sit conditionalis illativa, siue conditionalis secundum concomitantiam, ad sui veritatem non petit, nec veritatem antecedentis, nec veritatem consequentis; sed solum, si sit conditionalis illativa, quòd rectè inferatur vnum ex alio, vel si sit conditionalis secundum concomitantiam, quòd antecedens nunquam de facto sit verum; quin sit verum consequens. Igitur quando similes locutiones passim à Sanctis Patribus dicuntur de libero arbitrio seu de libertate hominis; *homo si vult, facit, si non vult, non facit*; Et rursus; *quando volumus, facimus, quando non volumus, non facimus*; non debent profecto sumi in sensu purè conditionali; sic enim nil speciale significarent de libero arbitrio, quod non posset etiam dici de rebus inanimatis; sed debent sumi tamquam supponentes ex parte subiecti potestatem indifferentem ad velle & non velle, ad facere & non facere, qua ratione soli libertati possunt attribui, & non alijs. Ex quo manifestè liquet, huiusmodi propositiones falsas esse; quando voluntati applicantur in ordine ad actus, respectu quorum potestatem sic indifferentem non habet. Et per hoc abundè patet ad primam mino-

ris probationem.

AD SECVNDAM, qua dicebatur, quòd actus externi imperati à voluntate, sunt in nostra potestate, per ipsam volitionem: ergo ipsa volitio est in potestate voluntatis per se ipsam; respondeo, distinguendo sic antecedens. Actus illi externi sunt in nostra potestate per ipsam volitionem; si sermo sit de quacumque volitione, etiam necessaria; nego antecedens: per ipsam volitionem, si sermo sit de volitione elicità cum indifferentia; concedo antecedens. Ergo ipsa volitio est in potestate voluntatis per se ipsam; distinguo consequens, volitio necessaria; nego consequentiam: volitio elicità indifferenter; concedo consequentiam. Itaque sicut non quilibet volitio; sed solum volitio indifferenter elicità, est ratio formalis constituens actus externos in nostra potestate; ita non quilibet volitio, sed solum volitio indifferenter elicità, est in potestate voluntatis per se ipsam: volitio autem omnino necessaria, nullo modo est in potestate voluntatis, nec per se ipsam, nec etiam ratione alterius. Et hoc mirum esse non debet, nam (vt suprà monui) volitio omnino necessaria, cum non sit à voluntate, vt voluntas est formaliter; non est propriè volitio, sed solum sic appellatur defectu terminorum.

## CAPVT II.

*Solutur secunda ratio eiusdem, ex eo quòd voluntas Christi fuerit libera formaliter in non peccando.*

SECUNDO ARGVIT Iansenius. *To. 3. l. 6. c. 9.*  
Voluntas Christi fuit libera non solum

*suprà  
l. 3. c. 4.  
sect. 1.*

solum in bonis operibus; sed etiam formaliter in non peccando: at licet habuerit indifferentiam respectu bonorum operum, nullam tamen habuit ad non peccandum: ergo stat formaliter libertas absque indifferentia. Minor est certa, nam negatio omnis peccati, supposita gratia vnius hypostaticæ inest voluntati Christi absque omni prorsus potentia illam destruendi, cum destrui non possit, nisi per potentiam peccandi, quæ formaliter in Christo non fuit; & sicutalis negatio insuit ipsi omnino necessario & sine vlla prorsus indifferentia ad non essendum. Maiorem autem, quod respectu illius negationis, seu in non peccando, fuerit liber; probat ex quodam dicto Augustini libro de prædestinatione Sanctorum, cap. decimo quinto, ubi Sanctus Pater loquens de voluntate humana Christi sic habet. *An ideo in illo non libera voluntas erat, ac non tantò magis erat, quantò magis peccato seruire non poterat?* En qualiter expresse dicat voluntatem illam in non peccando, seu in eo quod peccato seruire non potuit, fuisse liberam, imo & tantò liberio rem, quanto magis ad id determinata fuit.

Imò addit hic Iansenius, solito suo more tamquam è Cathedra definiens aut resoluens, *nec vllum elucere vestigium, quòd Augustinus cogitauerit in eo Christi libertatem collocare*, quòd possit hoc vel illud bonum eligere, multo minus, istud eligere & non eligere.

RESPONDEO, negando quòd Christus fuerit liber in non peccando si non peccare, sumatur præcisè per modum negationis, sicut argumentum videtur supponere: vt enim rectè dictum est, circa certitudinem minoris, negatio peccati insuit voluntati Christi omnino necessario & absque vlla prorsus indifferentia. Fuit

tamen liber in non peccando; si per non peccare, intelligatur hoc positium, quod est bene operari, vel etiam ipsa negatio peccati, quatenus erat per actum positium complacentiæ volita. Sed ex neutro horum innatur arguens, cum respectu vtriusque assignetur vera indifferentia. Respectu primi quidem; nam si per non peccare, intelligatur hoc quod est bene operari; Christus in eo, simpliciter loquendo fuit indifferens: poterat enim hoc vel illud bonum facere & non facere. Respectu secundi etiam; nam licet supposita gratia vniionis necessitaretur ad habendam negationem omnis peccati; non tamen necessitabatur ad volendum per actum positium complacentiæ istam negationem; sed potius actu libero eam taliter volebat, vt absolute posset non velle. Simile quid supra dictum est, quando explicauimus, qualiter Dæmon peccet per negationem conuersionis ad Deum: Tunc enim distinguimus illam negationem conuersionis, & in negationem præcisè, & in negationem vt per actum positium à Dæmone volitam. Primo modo, diximus esse necessariam; secundo verò, omnino liberam. Sic pariter dicimus in præsentia. Negatio Peccati in Christo potest sumi dupliciter: & per modum negationis præcisè, & quatenus per actum positium complacentiæ à Christo erat volita. Primo modo; sicut in ipso nullam admittebat indifferentiam, ita pariter nec libertatem aut meritum: secundo vero modo; sicut in ea taliter placebat, vt posset non complacere, ita & libertatem & meritum habebat.

In simili tradit hanc doctrinam Sanctus Thomas quæstione septima de Malo, articulo vndecimo ad octauum. *Vitare peccatum veniale* (inquit) *potest intelligi dupliciter. Vno modo secundum naturam*

Supra  
l. 4. ca.  
18.

cundum puram negationem & sic non meretur vitam aeternam, quia etiam dormiens non peccat venialiter & tamen non meretur. Alio modo secundum aliquam affirmationem, secundum quod dicitur ille vitare peccatum veniale, qui vult non peccare venialiter: & quia ista voluntas potest esse ex charitate, ideo vitare peccatum veniale, potest esse meritum vite aeternae. En idem quod nos proportionabiliter dicimus, de eo quod est, Christum non peccare, nec posse peccare. Si namque sumatur per modum purae negationis, dicimus nec meritum nec liberum fuisse Christo prout sic: si verò sumatur secundum aliquam affirmationem, pro eo quod est, velle non peccare seu in non peccando habere complacentiam; sic & liberum ipsi fuit & meritum, sicut & indifferens.

Hic tamen adverte discrimen, quod intercedit inter Christum & Dæmonem quantum ad illas negationes: Dæmoni namque inest negatio conversionis ad Deum, omnino dependenter à libera sua voluntate; siquidem eandem per primam volitionem deliberatam, voluntariè & liberè contraxit: Christo autem non inest illa negatio peccati, nisi omnino naturaliter & necessariò; siquidem inest ex vi gratiae unionis, quæ à libera voluntate Christi fuit simpliciter independens.

Et contra hanc doctrinam nil facit probatio inducta ex verbis Augustini. Quando enim dicit, quod liberior fuit Christi voluntas, quanto magis peccato servire non poterat, noluit profecto dicere, quòd in ipsa impossibilitate peccandi formaliter sumpta, seu per modum purae negationis libera fuerit; sed solum, quòd huiusmodi impossibilitas, quo arctior & maior, eo magis libertatem eius auxerit & perfecit respectu bono-

rum operum. Cum enim posse peccato servire, potius sit defectus libertatis, quàm pars aut perfectio eius; rectè sequitur, bona opera fieri tantò liberius, quanto à potestate peccandi remotius: semper tamen cum indifferentia ad facienda eadem vel omittenda.

Liber exemplum apponere, vt res fiat manifestior. Peto à te Iansenii, vel quisquis sectator eius exiit: utrum naturam humanam Christi subsistere in supposito Diuino fuerit voluntati humanæ Christi liberum, vel non? Si responderis affirmatiuè: ergo Incarnatio pro aliquo priori fuit dependens à voluntate humana Christi: hoc est, quòd ideo facta fuerit, quia humana Christi voluntas ita voluit. Patet ista consequentia; quia (vt supra libro secundo ostendi) omne quod mihi liberum est, pro aliquo priori à mea voluntate est dependens, & ideo fit, quia volo. Tunc ultra: ergo voluntas humana Christi pro aliquo priori ad Incarnationem, habuit aliquem actum liberum quo illam mereri potuit; contra illud Augustini: *Ista natiuitas profecto gratuita, coniunxit in vnitate persona hominem Deo, carnem Verbo. Istam natiuitatem boni opera secuta sunt* (nempe in Christo) *non bona opera meruerunt*. Si autem responderis, quòd huiusmodi subsistere Christi voluntati liberum non fuerit; rectissimè quidem: sed iterum contrate. Nam si voluntati Christi liberum non fuit in persona Verbi subsistere: ergo nec liberum ipsi fuit, non peccare, si non peccare, sumatur præcisè & per modum purae negationis. Patet rursus ista consequentia, quia eadem indiuisibili necessitate, qua necesse est naturam humanam Christi subsistere in persona Verbi; necesse quoque est, eandem non peccare, nec posse peccare: &

Suprà  
lib. 2.  
ca. 5. 6.  
Termin.

August.  
lib. de  
correp.  
& gratia. cap.  
11.

ex consequenti, si primum ipsi liberum non est, nec secundum ei liberum esse potest. Quo ergo sensu (vt rem nostram concludamus) Theologus accipere debet hoc dictum Augustini, *Voluntas Christi tantò fuit liberior, quantò magis peccato seruire non potuit*? An nè ita, vt in ipsa impossibilitate peccandi præcisè sumpta, liberam esse dicamus? Minimè gentium: hoc enim tam apertè falsum est, quàm quòd liberum ei sit in persona Verbi subsistere. Debet ergo accipi illa negatio modo positiuo, vel pro eo quod est benè operari, vel pro eo quod est, eam per actum positium complacentiæ esse volitam: hoc namque sensu & non aliter Christo fuit libera, sicut neque indifferens.

SED FORTE OBIICIES, quòd nec isto modo fuerit indifferens: siquidem actus positius, quo in negatione peccandi sibi placebat, videtur ita fuisse necessarius, vt ab illo cessare non potuerit: *Cùm non esset alia voluntas illa* (inquit Iansenius) *quàm qua iustitiam Dei peccato repugnantem sine cessatione diligebat; vel si eam ab illa distinguere voluerimus, tam est perpetua, quàm voluntas immutabilis iustitiæ, quàm indiuersa comitatur.*

RESPONDEO, quòd sicut Christus ex varijs & diuersis bonis, hoc vel illud in particulari voluit cum indifferentia, ita vt absolutè potuerit non velle; sic pariter negationem peccandi, vt pote particulare quoddam bonum, voluit cum indifferentia, ita vt absolutè non velle potuerit. Verùm quidem est, quòd semper & absque cessatione eam voluit; sed reuera non cum necessitate quoad exercitium, sicut volebat Diuinam bonitatem secundum se. Vnde & negari debet fuisse eundem actum formaliter seu terminatiuè, illum

quo expresse & formaliter volebat negationem peccandi, seu quo peccatum in seipso detestabatur, & illum quo Diuinam bonitatem seu iustitiam increatam secundum se diligebat.

Explico hoc. Nam actus quo Beati diligunt eandem bonitatem secundum se non habet formaliter eandem terminationem, quam habet actus quo diligunt eandem bonitatem vt est ratio formalis producendi creaturas: cùm prima terminatio sit omnino necessaria & indefectibilis, secunda autem, libera & absolutè defectibilis, vt diximus capite decimo tertio præcedenti. Ergo pariter voluntas seu volitio illa Christi, quæ expresse volebat non peccare, fuit quoque absolutè quoad terminationem defectibilis, ita vt prout sic, potuerit non esse. Patet ista consequentia, quia actus ille non habuit maiorem necessitatem, quàm aliter quo Beati volunt Diuinam bonitatem, prout est ratio formalis producendi aliquod bonum particulare creatum siquidem expresse velle non peccare voluntate creata, non nisi inter bona particularia creata annumerari debet.

NEC VALET dicere, quòd Christus necessitate quoad exercitiū voluerit suam vnionem hypostaticam, ac proinde & suam impotentiam peccandi, quæ ad vnionem naturaliter consequebatur: sicque videtur eadem necessitate voluisse non peccare: cùm volitio non peccandi, sit eadem cum volitione, qua volebat prædictam vnionem.

NON (IN QVAM) VALET. Nam negari debet, Christum voluisse necessitate quoad exercitiū suam vnionem hypostaticam. Et ratio est: nam nihil necessitat voluntatem ad amorem, necessitate quoad exercitiū, nisi vel bonum infinitum clarè

Supra  
cap. 11.  
per 10.  
tum.

viliū,

visum, vel aliquid cum tali bono essentialiter connexum: vno autem hypostatica nec est bonum infinitum clarè visum (vt manifestum est) nec etiam cum bono infinito clarè viso essentialiter habet connexionem, cum absolute posset natura aliqua intellectualis hypostaticè vniri cum persona Diuina, & tamen Deum intuitiue non videre.

SED INST ABIS. Humana Christi voluntas saltem erat necessitata, quoad exercitium, ad volendam dilectionem Dei super omnia; ergo eodem gradu erat necessitata ad volendam negationem odij Dei seu cuiuscumque peccati. Probabis consequentiam: quia quo gradu necessitatur quis ad volitionem alicuius formæ; eodem prorsus necessitatur ad volendam exclusionem priuationis oppositæ.

RÉSPONDEO, concesso antecedenti, distinguendo consequens: ergo eodem gradu erat necessitata ad volendam negationem odij Dei, prout virtualiter & implicite contentam in actu dilectionis; concedo consequentiam: ad volendam negationem odij prout in se ipsa, seu sub expresso & formali conceptu malitiæ odij; nego consequentiam. Itaq; dupliciter volebat Christus negationem odij Dei, & cuiuscumque alterius peccati. Vno modo implicite & virtualiter, volendo nempe dilectionem, quæ implicite & virtualiter est ipsa negatio odij Dei: & hoc sensu sicut illam volebat necessariò, & absq; vlla indifferentia, ita & volebat absque vlla prorsus libertate & merito. Alio modo volebat illam explicitè & formaliter, per actum scilicet detestatum odij sub proprio conceptu malitiæ odij: & hoc sensu liberè quidem volebat & meritorie, sed non sine indifferentia quoad exercitium. Licet enim Christus esset necessitatus ad volendam,

negationem odij Dei, prout virtualiter contentam in actu dilectionis, non tamen erat necessitatus ad illam volendam per actum formaliter & expressè detestatum ipsius malitiæ odij.

Patet ergo ex his, qualiter ad propositum nil conficiat Iansenius: siquidem si Christus, etiam in non peccando fuit liber; hoc eatenus verificari debet, quatenus negationem peccati per actum positium volebat cum potestate indifferenti ad illum, omittendum.

SED QUID IAM AD ILLUD, quod Iansenius addit; nec vllum elucere vestigium, quòd Augustinus cogitauerit in eo Christi libertatem collocare, quòd possit hoc vel illud bonum eligere, multo minus istud eligere & non eligere?

PROFECTO SI RES ita habet; ergo Sanctus Thomas vel Augustino contradixit, vel mentem eius in materia libertatis non penetravit: siquidem in nullo alio ipse libertatem Christi collocat, quàm quòd hoc vel illud bonum potuit eligere & non eligere. Quare verba illius questionis vigesima nona de veritate, articulo sexto ad primum, & sic loquentem inuenies. *Ad primum ergo dicendum, quòd licet anima Christi, esset determinata ad vnum secundum genus moris, scilicet ad bonum; non tamen erat determinata ad vnum simpliciter. Poterat enim hoc vel illud facere & non facere, & ideo libertas in illo remanebat, quæ requiritur ad merendum.* Nonne hoc est euidentissimis verbis libertatem Christi collocare in indifferentia, hoc vel illud bonum eligendi & non eligendi? Cur ergo mihi dicitur, nullum huius rei in Augustino elucere vestigium? Credendumne erit, Sanctum Thomam Augustino contradixisse, de quo tamen Urbanus quintus in Bulla ad Academiam Tho-

Tholosanam testari non dubitavit, quòd beati Augustini vestigia insecutus fuerit? Imò de quo ipse Augustinus Alberto; Ego sum missus ad declarandam gloriam Sancti Thomæ, qui doctrinam meam & Apostolicam in omnibus secutus est? Quæro Ianseni, noli caput meum tam hyperbolica resolutione frangere; nam (vt in altum euolas) videris lunam digito posse contingere. Et vt in ipso Augustino non solum vestigium, sed & pedem integrum sentias; accipe hoc patentissimum testimonium libro quarto de Trinitate, capite decimo tertio, vbi probans Christum liberè fuisse mortuum; non aliunde profecto id ipsum probat quàm ex potestate indifferenti ad mori & non mori. *Non carnem* (inquit) *deseruit inuitus, sed quia voluit, quando voluit, quomodo voluit.* Et explicans, quid intelligeret per illam causalem *quia voluit*, subiungit; nam qui posset non mori, si nollet, proculdubio quia voluit, mortuus est. En disertissimè collocatam libertatem, Christi in eo quòd hoc poterat facere & non facere.

## CAPVT III.

*Soluitur tertia ratio eiusdem, ex eo quòd Deus est verè liber, & tamen nec habet, nec vnquam habuit indifferentiam agendi & non agendi.*

To. 3.  
lib. 6. c.  
11. in  
princ.

**T**ERTIO ARGVIT Iansenius, iuxta propria principia Scholasticorum, vt ipse ait. Si quæ indifferentia ad libertatem requireretur, esset utique indifferentia agendi & non agendi, quæ propriè est exercitij; sed & ista prorsus in Deo perijt, hoc ipso quo semel aliquid immobili voluntate statuit

atque voluit quam retractare non potest: ergo si hoc dumtaxat est esse liberum, indifferentem esse ad agendum & non agendum; liber fuisse Deus dici potest, liber verò esse non potest. Imò vero (prosequitur) nec liber fuisse dici potest. Quando enim liber fuerit, cum ab æterno, hoc est sine vilo initio semper ad agendum vel non agendum determinatus fuerit?

RESPONDEO, Iansenium in hoc argumento apertissimè contradicere Diuo Thomæ. Ipse namque eisdem ferè terminis idem argumentum posuit: sed reuera, non vt eo conuinceretur sicut Iansenius, sed vt verissimè solueret, sicut bonus Scholasticus.

Audi argumentum. Quæsitum erat in Primo ad Annibaldum, Distinctione quadragesima septima, articulo primo, *Vtrum Deus de necessitate velit, quidquid vult?* Id est, vtrum omnia quæ vult, velit sine indifferentia ex parte principij ad volendum & non volendum, sed potius cum necessaria determinatione ad volendum tantum? Et videtur (inquit) in secundo argumento, quòd sic. Nam quid quid Deus voluit vel vult, postquam vult illud vel voluit, non potest illud non velle vel non voluisse: quia voluntas eius est immutabilis: sed quidquid Deus vult vel voluit, nunquam non vult, quia ab æterno voluit, quidquid voluit & vult: ergo Deus non potest non velle quod vult, & ita de necessitate vult, quidquid vult. Nonne idem prorsus argumentum? Nonne conatur sicut & Iansenius, ex immutabilitate Diuinæ voluntatis, & ex determinatione eiusdem ab æterno circa omne volitum, ostendere, Deum nihil velle cum indifferentia ad volendum & non volendum? Quasi vltimate inferens, Deum nihil velle liberè, si velle liberè dumtaxat, est posse velle & non velle? Sed quid? Conceditne consequentiam,



tiam, sicut nouus noster Doctor? Dicitur ita esse, Deum nihil velle liberè, si semel libertatis ratio exposcit posse velle & non velle?

Audi rursus resolutionem, & si imaginationem sensumque priuatum deponere non libet; vel ipsa saltem euidencia litterarum confundere. Sed contra est (inquit) quòd necessitas opponitur gratuita voluntati (id est liberè) sed Deus vult saluum hominem ex gratuita voluntate (scu liberè) ergo non ex necessitate. Præterea voluntas Dei est magis libera quam nostra (en ipsum terminum libertatis, ne glossam à me affixam falsitatis arguas) sed voluntas nostra non ex necessitate vult (hoc est, absque libertate) quidquid vult: ergo nec voluntas Dei. Nonne hoc est apertissimè fateri, Deum non omnia velle necessitate excludente libertatem, sed potius aliqua cum tali necessitate, aliqua verò non; sed omnino liberè? Et quæ quælo sunt huiusmodi Præceptor Angelice? Audi iterum loquentem in Corp. Sic ergo Deus de necessitate vult bonitatem suam & quidquid in ipso est. Creaturas autem non vult de necessitate, quia hoc modo ordinantur ad Diuinam bonitatem, vt sine eis Diuina bonitas esse possit. Hoc est constantissimè docere Deum velle bonitatem suam, necessitate excludente ab actu libertatem indifferentiam, quia de tali loquebatur, vt cõstat ex argumētis. Sed contra, minimè autè sic velle creaturas, sed potius omnino liberè, & cū vera potestate indifferente ad volendum & non volendū.

Ast argumentum positum, iam petit Doctor Sancte, qualiter in Deo illam potestatem indifferentem circa volitionem creaturarum salues? Videtur namque (vt Iansenio placet) similis indifferentia in Diuina voluntate non subsistere; & hoc quidem ob intrinsecam eius immutabilitatem, simulque ab æterno ad agendum vel

non agendum determinationem. Si namque Deus quidquid semel voluit, non potest non velle; & ex alia parte ab æterno semper voluit, quando tandem aut quo instanti liber fuit aut potuit velle, & non velle?

Nihilominus hac ratione non conuincitur; sed iuxta principia Scholastica sic respondet. Ad primum (inquit) dicendum, quòd aliquid dicitur esse necessarium (id est impossibile aliter esse) dupliciter. Vno modo absolute, propter necessariam habitudinem subiecti ad prædicatum, sicut homo est animal (& Deus vult bonitatem suam, vt dixerat in Corpore) & sic non est necessarium Deum velle aliquid circa creaturas: quia non est necessaria habitudinis voluntatis ad volitum, vt dictum est. Alio modo dicitur aliquid esse necessarium ex suppositione, sicut Sortem moueri, si currit, & sic est necessarium, Deum aliquid velle circa creaturas, ex suppositione facta, quòd ab æterno velit illud. Et similiter dicendum ad secundum: Nempe ad illud argumentum, quod vt simile Ianseniano retulimus. Quod idem alijs etiam terminis docuerat in eodem libro ad Annibaldum distinctione quadragesima tertia, quaestione vnica, articulo primo in Corpore. Dùm ergo dicitur (ait ibi) Deum posse non facere, id quod facit; quia in se repugnantiam non habet; simpliciter concedendum est, quòd Deus potest non facere quod facit, si nihil addatur: eo quòd non facere, non habet repugnantiam ad aliquid in loquutione positum. Addita autem scientia veræ voluntatis, erit locutio vera in sensu diuiso, falsa in sensu composito, vt si dicatur, Deus potest non facere, quod scit vel quod vult se facere.

En qualiter argumento tuo, Ianseni, non conuincatur, ad dicendum non requiri ad libertatem (sicut tu dicis) potestatem indifferentem ad oppositum; sed potius, qualiter totis viri.

viribus illam saluet, non obstante. Diuinæ voluntatis immutabilitate, eiusdemque ab æterno ad alterutram partem determinatione. Quasi in forma igitur sic tibi respondet. Deus hoc ipso quo semel aliquid immobili voluntate voluit, non potest illud non velle; distinguo; non potest illud non velle, ex suppositione & in sensu composito; concedo; non potest illud non velle absolutè & in sensu diuiso, nego. Et tamen manet verè liber; concedo minorem; ego stat libertas absque potestate indifferenti ad velle & non velle, vel nego consequentiam, vel explico consequens; absque potestate indifferenti ad velle & non velle absolutè & in sensu diuiso, nego consequentiam: ad velle & non velle cum quacumque etiam suppositione & in sensu composito, transeat consequens. Distinctio à nobis suprâ explicata est, & vltiori discussione non indiget.

Suprà  
l. 3. c. 1.  
sect. 5.  
apud  
eundem  
dicitur.

Itaque ex eo, quòd Deus, postquam semel aliquid voluit, non possit facta ista suppositione illud postea non velle, in quo eius immutabilitas consistit; minimè sequitur, ad rationem essentialem libertatis non requiri potestatem indifferentem, sicut nos illam requirimus. Quam namque requirimus, non est huiusmodi, vt possit agens velle & non velle facta etiam quacumque suppositione volitionis aut nolitionis, sed solum; vt possit absolutè, seu quantum est ex vi indifferentiæ principij pro illo priori, quoad actuale volitionem & nolitionem præintelligitur. Quod in Deo optime saluatur. Nam licet semel hoc volens, non possit illud postea non velle ratione suæ immutabilitatis; tamen potest hoc idem non velle absolutè seu pro priori ad actum, quantum est ex vi principij, quo se ab æterno ad illud volendum

applicauit. Cum namque principium quo se applicauit, nimirum intellectus eius & voluntas, non dicant necessariam habitudinem ad creaturas, sed potius habitudinem indifferentem ad eas volendum & non volendum; sit consequens, quòd attentis meritis huius principij, eas de facto sic vult, vt absolutè potuerit non velle licet postquam semel voluit, postea non velle non possit: hoc enim argueret mutabilitatem, quæ sicut imperfectionem dicit, ita nec *per se ad rationem liberi arbitrij pertinet, sed accidit ei secundum conditionem naturæ mutabilis, vt ait Diuus Thomas*, quæstione decima sexta, de Malo articulo quinto in Corpore.

PER QVOD PATET, friuolam esse hanc illationem Iansenij; ergo *liber fuisse, Deus dici potest, liber verè esse non potest.*

PATET (INQVAM) esse friuolam, imò & puerilem, & viro Theologo indignam. Sicut namque manifestum est, quòd Deus ab æterno se applicauit cum indifferentia ex parte principij seu actus primi, ad volendum (verbi gratia) productionem mundi, eaque de causa ab æterno liber fuit; ita pariter manifestum esse debet, quòd modo & de præsentī in eadem volitione liber sit, siquidem eandem cum eadem indifferentia adhuc de facto exercet: cum indifferentia (inquam) non ad illam semel habitam, postea non exercendam; hoc enim est mutabilitatis; sed cum indifferentia ad illam non exercendam absolutè, quòd est libertatis. Et quòd huiusmodi indifferentia ad illam non exercendam absolutè, adhuc modò & de præsentī persueret, non obstante determinatione immutabili primæ volitionis; meo videri est euident. Nam si coniunctio potentia cum actu proprio, non destruit naturam potentia; sed illam pers-

ficit; cur coniunctio potentiae liberae cum actu suo libero destrueret naturam potentiae liberae? Destrueret autem, si ipsa semel determinata ad unum extremum per actum secundum, non maneret amplius absolute indifferentens ad negationem illius, sicut pro priori ad actum indifferentens erat. Vnde dicendum est, manere adhuc de praesenti illam indifferentiam, quae se tenebat ex parte actus primi pro priori ad actum, & secundum quam dicitur ex propria natura posse hoc exercere, & non exercere absolute.

SED INSTAT IANSENIUS: ergo Deus in tantum nunc est liber seu de praesenti, in quantum pro priori ad actum, cum indifferentia, & ex propria libertate se ad actum determinavit, licet postea in illa determinatione propter naturae voluntatisque constantiam immutabilis permaneat. Tunc ultra; Si hoc (inquit) Scholasticis sufficit, nulla ratio superest, cur non & perpetuam illam iustitiae voluntatem seu amorem beatificum (in Beatis) liberrimam voluntatem esse concedant. Probatque subsumptum: Nam certissimum est, Angelos & homines qui Beati sunt, ita liberè indifferenti; voluntate iustitiam elegerisse, propriaque se libertate determinasse ad diligendam iustitiam, vel in ea perseverandum, sicut Deus ad opera, quibus vel creaturas, vel aliquid in creaturis operatur. Si ergo immutabilitas naturae (in Deo) non extinguit illam primigeniam electionis libertatem, multò minùs immutabilitas gratiae interimet in Beatis.

RESPONDEO, hanc quoque replicam friuolam esse. Concessa enim prima consequentia, nego subsumptum: nimirum quòd eadem via posset etiam dici, amorem beatificum esse liberum. Ad probationem nego quòd homines vel Angeli qui beati sunt, eadem libertate & indifferen-

tia se determinaverint ad amorem beatificum, sicut Deus ad voluntatem creaturarum. Licet enim amorem beatificum in hominibus & Angelis antecesserit voluntas indifferentens, seu libera per modum meriti; siquidem per actus liberos viz, visionem & amorem inde secutum meruerunt tamquam premium; tamen non antecessit, nec antecedit formaliter illum amorem voluntas aliqua indifferentens seu libera per modum principij illum elicientis, seu effectivè influentis: cum principium elicitivum, seu Physicè influens, sit voluntas regulata iudicio determinato ad amorem, non autem voluntas regulata iudicio indifferenti: quod tamen ad libertatem illius actus desiderabatur. Secus contingit in volitione Dei circa creaturas. Hanc namque nostro modo intelligendi, & cum fundamento in re, antecessit per modum principij elicientis, voluntas verè libera, utpote regulata iudicio indifferenti & representante bonitatem creaturarum, ut non necessariò amandam. Sicque volitio illa non obstante sua essentiali immobilitate, post primam (ut ita dicam) elicientiam, adhuc perseverat postea ut verè libera, minimè tamen amor ille beatificus in Beatis.

AST NON QUIESCIT. Nam actus charitatis (inquit) quem Beati tam homines, quam Angeli circa Deum habent in patria, est idem sine ulla mutatione, cum illo quem eliciuerunt liberè in via. Non enim imaginandum est, aliam beatis infundi cum beatitudine voluntatem, quae propter perpetuam determinationem non sit libera, sed eadem omnino voluntas libera (seu volitio in phrasi ipsius) & amor iustitiae liberrimè susceptus in hac vita, sine ulla mutatione firmiter & ardentius & iucundius permanet. Ergo amorem beatificum in beatis antecessit volun-

tas libera & indifferens, etiam per modum principij elicentis seu influentis: sicque in prima sui productione fuit elicitus indifferenter, non minus quam libera volitio Dei, licet deinceps immutabiliter perseveret. Secunda consequentia est evidens, & prima ex eo videtur bona, quod idem actus, sine ulla mutatione idem, non possit non habere idem principium elicentem & influentem: ergo si amor viæ & patriæ est idem actus, & in via habuit voluntatem liberam pro principio influente & elicente; eandem prout sic habet amor patriæ. Antecedens autem, quod idem actus sit, probat dupliciter.

PRIMO hac paritate. Nam volitio prava cadentium Angelorum, quam modo habent in termino damnationis, est eadem perseverans, cum illa quam liberè elicuerunt in via: ergo à sensu contrario, actus charitatis seu volitio bona, quam beati habent in termino beatitudinis, est eadem cum illa, quam liberè elicuerunt in via. Consequentia videtur legitima, & antecedens est Divi Thomæ quæstione decima sexta, de Malo, articulo quinto in Corpore. Vnde & nos suprà illud docuimus.

SECUNDO, quia non obscure significavit hoc Augustinus, nempe quod eadem omnino sit voluntas (seu volitio libera) Angelorum in via & in patria, siue stantium siue cadentium: dum de bonis Angelis ab initio hucusque non peccantibus dicit: *melio- rem esse creaturam, quæ quamvis haberet liberam voluntatem, Deo tamen semper infixa, nunquam peccavit*. Et Paulo post; *sic delectat creatura quæ perseverantissima voluntate non peccat*. Et iterum, *habet illa sublimis (creatura) perpetuam beatitudinem suam, in perpetuum fruens creatore suo, quem perpetua tenendæ iustitiæ voluntate promeretur*. Quæ apertissime clamant

Augustinum hoc sentire, quod eadem omnino voluntas libera, qua iustitiam delegerunt, in eisdem immutabilis permanet.

RESPONDEO hic vnum à Iansenio assumi, quod vniuersaliter loquendo tam de hominibus beatis quam de Angelis, falsissimum est & omnino improbabile. Videlicet quod amor beatificus in ipsis sit idem actus liber viæ, firmiter & stabiliter continuatus in patria. Imò licet id ipsum tamquam verum ei admitteretur, adhuc intentum suum minime concluderet.

PRIMUM: quod generaliter loquendo, etiam de beatis hominibus, id falsum & improbabile sit patet ex eo, quod licet eadem charitas habitualis numero, & eadem actualis quoad speciem perseveret, in via & in patria tam in hominibus quam in Angelis: qua ratione inquit Paulus primæ ad Corinthios decimo tertio, *Charitas nunquam exedit*, & Isaïæ trigésimo primo legitur, *dixit Dominus; cuius ignis est in Syon* (scilicet in Ecclesia militante) *& caminus eius in Ierusalem*, id est in pace Cælestis Patriæ: quia nimirum in omnibus Beatis eadem charitas habitualis secundum speciem & numerum, & eadem actualis secundum speciem, sicut est in statu viæ, ita permanebit in statu patriæ, vt ibid. & insuper Secunda Secundæ, quæstione sexagesima septima articulo sexto, explicat Sanctus Thomas: tamen omni prorsus fundamento caret, dicere, quod etiam eadem charitas actualis seu idem actus amoris viæ, perseveret & continuetur in beatis hominibus secundum identitatem numericam. Quia vt (videre est apud Suarez, & Discalceatos Salmanticenses) verior sententia Theologorum id solum concedit de actu amoris Beatæ Virginis, & Angelorum: nempe

cun-

Suprà  
l. 4. ca.  
18. §.  
Ac tan-  
dem.

Aug. li.  
3. de li.  
arb. c. 5.

Suar. tr.  
3. de  
char.  
disp. 3.  
sect. 3.  
num. 2.  
Salm.  
tra. 10.  
de vo-  
lunt. dis-  
t. 1. dub.  
4. n. 80.  
& tr. 11.  
disp. 1.  
dub. 1.  
qu. 18.

eundem numero actum charitatis viæ, in ipsis beatificè continuatum fuisse in Patria. De Beata quidem Virgine (cui opto in sæcula sæculorum laudem & reuerentiam ab omni creatura) id creditu dignissimum est: cum namque perfectissimè in vita Deum dilexerit, vsque adeò vt ne minima amoris particula vnquam aliò deflexerit; certè vitam eius mors terminare potuit, actum dilectionis non potuit. Si enim fortis vt mors, dilectio; cur in tam præclara Maestate Virginis non omni morte fortior? De Angelis quoque id verissimile apparet: partim quia Magnus Augustinus in locis citatis sic docuit; partim etiam, quia discontinuationis amoris nulla in ipsis potest assignari ratio sufficiens, neque ex parte obiecti, neque ex parte subiecti. Non ex parte obiecti, quia status patriæ non mutat formale obiectum charitatis, sed solam cognitionem: *Et charitas* (teste S. Thoma, vbi supra) *non habet pro obiecto ipsam cognitionem (sic enim non esset eadem in via & in patria) sed habet pro obiecto ipsam rem cognitam, quæ est eadem, scilicet ipsum Deum.* Solùm ergo fit mutatio ex parte alicuius, quod est per accidens & quasi materiale, in quantum Deus obijciebatur Angelis in via per fidem, qui eisdem per visionem claram ostenditur in Patria: & cum visio sit quædam causa amoris: Deus quantò perfectius cognoscitur, tantò perfectius amatur: vnde ex hoc capite potius augetur ratio ad amorem continuandum quàm discontinuandum. Ex parte etiam subiecti id manifestum est, cum enim in substantia purè spiritali, actus amoris non egeat ministerio sensuum, transitusque contingat absque interuentu mortis; non est cur interrumpi debeat, aut defectu sensationis, aut mortis turbatione. Ex quo apparet,

id vniuersaliter non posse cum fundamento dici de omnibus hominibus: in quibus semper adest causa, ex parte subiecti pro amoris interruptione, nisi aliunde speciali prærogatiua gratiæ impediatur: quam tamen alijs iustis à Beata Virgine, concedere; nescio qua via tutum sit. Vnde & verissimè dixit noster Ferrata Quarto contra gentes, cap. nonagesimo quinto. *Actualis operatio intellectus, & actualis motus voluntatis, non necessario continuatur, vt post mortem maneat, imò videtur uel esse, vt interrumpatur, saltem cum quis morti appropinquat propter alterationem corporis, ex qua vsus sensuum impeditur, & consequenter actus intellectus partis.*

Sed esto (vt dixi) hoc cæteris quoque hominibus concederetur: nil tamen contra solutionem datam inde confici potest. Semper namque verum manet, actum amoris beatifici prout talis est formaliter, nunquam respicere pro principio elicente, seu effectiue influente, voluntatem liberam, seu indifferentem, sicut illam respicit volitio Diuina, creaturarum. Ratio est, nam licet in Beata Virgine, & in Angelis (idemque deberet dici de omnibus alijs, casu quo continuatio admitteretur) sit idem numero actus amoris viæ & Patriæ; prout in Patria tamen, non respicit amplius voluntatem per modum principij indifferentis, sed per modum principij omnino determinati, determinatione etiam ex parte actus primi, quæ modum libertatis, quem in prima sua elicientia, durante statu viæ habnerat, totaliter absorbet: ita vt idem numero amor transeat de libero in non liberum, de humano in non humanum, de morali denique in non moralem: cum omnes istæ formalitates, indifferentiam ex parte principij influentis in-

actum, supponant. Quòd autem prout in patria, non amplius voluntatem per modum principij indifferentis respiciat, etiam aduersarius ipse fateri tenetur. Constat namque voluntatem non obtinere rationem principij indifferentis, nisi quatenus regulatur iudicio indifferenti: iudicium autem indifferens in patria cessat, cum succedat clara visio boni in finiti, taliter ad amorem determinans, ut impossibile sit non amare: ac proinde ex tali cognitione voluntas deinceps amorem continuans, formaliter loquendo, non influit amplius, ut principium indifferens, sed potius ut omnino determinata: sicque amor ille, licet entitatiuè idem; tamen quia modaliter diuersus, alio modo pendet à voluntate tunc, ac pendebat ante. Ante seu in prima sui elicientia, pendebat quidem à voluntate ut à principio libero, tunc autem mutato iudicio pendet ab eadem ut à principio simpliciter determinato.

Per quod etiam patet ad illam probationem consequentiæ, qua dicebatur, quòd idem actus, sine vlla mutatione idem, non potest non habere idem principium eliciens seu influens. Patet (inquam) negandum esse suppositum: videlicet quòd amor viæ & patriæ sit idem numero actus, sine vlla sui mutatione idem. Hoc enim falsum est: nam licet sit idem quoad substantiam, non tamen est idem modaliter, cum superueniat ipsi in patria ratione mutationis iudicij, nouus ille modus necessitatis: sicque non mirum quòd etiam ex parte principij ponamus nouum modum influendi. Exemplum aptissimum est, in actu qui à voluntate primo productus sine deliberatione, postea illa adueniente idem numero continuaretur; quod possibile esse, docent communiter Theologi. Tunc

ille actus, esset quidem quoad substantiam idem, modaliter tamen diuersus, utpote in principio nec bonus aut malus moraliter, postea autem bonus aut malus moraliter, respiceretq; voluntatem ea de causa, etiam ut diuersimodè influentem; in principio quidem ut influentem necessario seu non liberè, postea autem adueniente deliberatione, ut influentem liberè. Sic vice versa Philosophare in casu nostro. Amor ille Patriæ propter modalem diuersitatem, aliter respicit voluntatem in principio suæ elicientiæ, & aliter postea, adueniente iudicio determinato in Patria: in principio respicit ut influentem liberè, quia requisita libertatis aderant; postea verò ut influentem necessario seu non liberè, quia requisita libertatis defectu iudicij indifferentis desunt.

NEC VALET DICERE, quòd ad libertatem actus sufficit, respexisse principium indifferens in prima, sui elicientia, licet postea influat necessario: ut perseverando in exemplo volitionis diuinæ, potest probari. Illa namque adhuc de præsentia absolute, libera est, per hoc præcise, quòd semel à principio indifferenti egressa fuerit; licet iam post primam (ut ita dicam) elicientiam, principium illud necessario influat.

NON (IN QVAM) VALET: Nam negari debet, similem respectum sufficere. Requiritur namque ad libertatem actus, pro omni instanti quo denominatur liber, quòd pro omni illo, principium indifferens verè influat: si enim indifferentia solum adfuit in prima productione & postea mutetur in omnimodā determinationem, eodem actu entitatiuè perseverante, ut contingit in amore beatifico Diuæ Virginis & Angelorū; ille actus fuit quidem liber ab initio; postea tamen transit in necessarium, seu



seu non liberum. Nec oppositum conuincitur exemplo illo volitionis liberæ Diuinæ. Quod enim illa libera sit, non solum in prima (vt ita dicam) elicicentia, sed etiam modo & de presenti; hoc ideo est, quia voluntas Diuina sicut illam cum indifferentia elicit, ita & modo cum eadem indifferentia in illam insinuat: non enim iudicium indifferens Diuini intellectus transit postea in necessarium, sed idem omnino perseuerat, sicut & eadem bonitas creata. Fateor quidem illud iudicium, postquam semel est habitum, esse immutabile seu irreuocabile, sed aliud est, esse immutabile, aliud autem; esse necessarium. Esse immutabile (vt docet Diuus Thomas questione decima sexta de Malo articulo, quinto in Corpore) attenditur per ordinem ad subiectum; quatenus illud talis constantia est vt non possit rem aliquam vnā & eandem pro eodem tempore non dicere, quam prius dicebat, aut dicere quam non dicebat: esse autem necessarium, attenditur per ordinem ad obiectum, quatenus illud representat, vt determinatē prosequendum, vel vt determinatio in Diuino iudicio circa bonitatem creaturarum nunquam reperitur. Sicut namque (teste eodem Diuo Thoma in primo ad Annibaldum ubi supra) Diuina voluntas creaturas non vult de necessitate, quia hoc modo ordinantur ad Diuinam bonitatem, vt sine eis Diuina bonitas esse possit; ita pariter Diuinus intellectus, nunquam eas vt necessario amandas potest proponere, remanet ergo iudicium eius semper indifferens, tam pro priori ad actum, quam actu iam posito: indifferens inquam (vt supra notauimus) non ad actum semel positum retractandum; quia hoc esset mutabilitatis; sed indifferens indifferentia

ex parte actus primi ad non ponendum actum absolute.

SOLVM RESTAT satisfacere, illi probationi, quæ inducta fuit de mala volitione Dæmonum in termino damnationis. Hæc namque libera fuit in prima sui productione: & modo etiam liberè perseuerat. Ergo pariter volitio bona Angelorum, quæ libera fuit in via, etiam modo liberè perseuerat in patria.

Sed ad hoc ex dictis facillimè respondeo, negando consequentiam, nam in Angelis bonis ex vi visionis mutatur iudicium indifferens in necessarium, in Dæmonibus autem, idem iudicium indifferens sicut & idem obiectum eodem modo amatum perseuerat.

## CAPVT IV.

*Solutur quarta ratio eiusdem, ex eo quod voluntas nequeat habere actionem naturalem.*

QUARTO ARGVIT. *Impossibile est vt voluntas duplicem habeat actionem, liberam, & naturalem. Ergo omnis actio voluntatis erit libera, & nulla naturalis, contra id quod nos dicimus. Constat consequentia, & antecedens probat. Nam potentia naturalis & libera directè sunt oppositæ potentia, siquidem Aristoteles in Metaphysica distinguit liberum à naturali: ergo non magis potest voluntas considerari vt libera & naturalis, quam si hominem considerare velis, vt hominem & brutum: vel idem distinguere in se ipsum, & oppositum sui. Ac proinde voluntas nequit habere aliquam actionem naturalem.*

To. 3.  
l. 6. c. 12.  
in fine,  
& l. 7.  
cap. 13.  
etiam  
in fine.

Suprà  
q. 1. p. 1.  
arguimus.

RESPONDEO Iansenium in hoc  
Y 3 quo.

Suprà  
l. 3. c. 4.  
sect. 2.  
§. Ante  
quartum.

quoque argumento (sicut in præcedenti) directè opponi Sancto Thomæ. Vt namque ostendi suprà libro tertio, Angelicus Præceptor bis sibi idem argumentum obiecit, & soluit. Vnde nihil aliud hic superaddo, quàm me sùmopere mirari, Doctorem hunc, hinc inde Sancti Thomæ; tamquam ipsi suffragetur, testimonia ponere. Sed si nesciens fecit; miseræ imperitiæ Lector ignosce: si sciens; tacitam fuge fraudulentiam. Idem prorsus procedendi modus, quem quondam in Iuliano expertus fuit Augustinus: dum & vaser ille in negando peccato originali, quædam verba Ioannis Chrysostomi, tamquam sibi patrocinantia adduceret. Sed in tantum impronidus & incautus (inquit Sacer Antistes) vt nec in ipsa homilia, vbi vix vnum de quo malè intellecto deceptus deciperet, testimonium reperire potuit, aduerteret Sanctum Ioannem Constantinopolitanum satis euidenter expressisse oppositum. Sic pariter Iansenius. Ita reuera impronidus & incautus, vt nec in ijs ipsis locis, quæ pro se adducit, aduerterit, Sanctum Thomam satis euidenter contrarium expressisse.

Lib. 1.  
contra  
Iul. c. 7.  
in prin.

## C A P V T V.

*Soluitur quinta ratio eiusdem, ex eo quod omnis actus voluntatis est cum delectatione.*

Tom. 3.  
l. 7. c. 3.  
per totum.

**Q**UINTO ARGVIT. Actus voluntatis qui est cum delectatione est liber: sed actus voluntatis, quantumvis necessarius, est cum delectatione: ergo liber. Minor est certa, quia voluntas non vult, nisi res volita delectet. Vnde illud Augustini lib. de spiritu & littera, cap. tertio.

*Cum id quod agendum est, ceperit non latere; nisi etiam delectet, non agitur, non suscipitur. Maiorem autem probat.*

**TVM AVTHORITATE** eiusdem Augustini, libro primo de nuptijs, capite trigésimo, *Ibi sumus veraciter liberi, vbi non delectamur inuiti.* Et in Psalmum centesimum trigésimum, quartum. *Libera voluntate facimus, quod delectari facimus.* Ergo actus voluntatis, qui est cum delectatione, est liber.

**TVM:** quia delectatio sicut facit velle, ita ponit actum in potestate voluntatis: ergo facit actum liberum.

**TVM DENIQUE:** quia omnium iudicio, quod Philosophus expressit, id liberum est, quod est gratia sui. Hoc est enim oppositum serui, qui non est gratia sui, sed Domini, vt idem in politicis tradit. Iam verò nihil omnino fingi in natura humana potest, quod magis sit gratia sui, quàm delectari bono, seu bonum placere & arridere voluntati. Nam si quempiam interrogas, cur hoc vel istud velit aut agat, per circuitum eò tandem veniet, quia placuit, quia arrisit mihi, quia delectabar. Quod si perrexeris rogare, cur eligat id quod placet, vel quo delectatur; inepta & ridicula censebitur interrogatio, nec responso digna, vt quod non habeat, nec habere debeat aliam causam: per se enim notum est, complacere & delectari bono, esse gratia sui: ergo si esse gratia sui, est esse liberum; actus eo ipso quo est cum delectatione, hoc ipso quoque est liber.

**RESPONDEO** distinguendo maiorem argumenti. Actus qui est cum delectatione, quam voluntas potest cohibere: est liber, concedo maiorem: qui est cum delectatione, quam non potest cohibere; est liber, nego maiorem: sed actus voluntatis, quantumvis, necessarius, est cum delectatione;

tione; distinguo minorem: est cum delectatione, quam voluntas potest cohibere; nego: quam non potest cohibere concedo: ergo est liber; nego consequentiam. Forma & distinctio clara est.

Itaque ut actus sit liber, non sufficit qualibet delectatio; sed requiritur talis, quam voluntas possit cohibere. Et hoc tam in doctrina Augustini, quam Sancti Thomæ manifestum est. In doctrina quidem Augustini; nam ipse (ut supra vidimus) docet quod anima bona Manichæorum nullo modo liberè peccaret; quia licet malum vellet, ac proinde & malo delectaretur; tamen ita hoc vellet, & ita delectaretur, ut non esset in eius potestate, aliter facere. Vnde & a sensu contrario approbat ut verè bonam & liberam, illam creaturam, quæ habet in potestate illicitam delectationem, si extiterit, ita cohibere, ut non solum de cæteris licitis rebus; factis, verum etiam de ipsius prave delectationis cohibitione laetetur. In doctrina etiam Sancti Thomæ hoc patet, & est ab omnibus Theologis communiter receptum: dum inquit in Secundo, Distinctione vigesima quarta, questione tertia, articulo quarto in fine Corporis; Quod delectatio consequens appetitum ante consensum rationis deliberatæ, peccatum mortale non est: sed post consensum rationis deliberantis. Quia nimirum ante talem consensum non est perfectè in potestate voluntatis huiusmodi delectationem cohibere. Vnde & ad Secundum dicit, Quod non dicitur diuturna delectatio propter moram temporis, sed ex consensu rationis deliberatæ; licet parum aliàs duret. Attende, quod non dixerit, ex consensu rationis qualiscumque, sed ex consensu rationis deliberatæ, per quam sine dubio constituitur voluntas potens cohibere, & non cohibere: indicans per hoc, requiri ad peccaminosam dele-

ctationem, ac proinde ad liberam, potestatem illam indifferentem ad vtrumlibet, sicut nos dicimus. Verum ergo & fixum esse debet, ad actum liberum voluntatis non sufficere, quamlibet delectationem, si potestas cohibendi desit. Nec oppositum certè conuincitur ex probationibus inductis.

AD PRIMAM ex autoritate Augustini. Dico Augustinum nobis non obesse. Imò priora illa verba; *ibi sumus veraciter liberi, ubi non delectamur inuiti*, manifestè indicant, non quancumque delectationem sufficere ad libertatem, sed requiri illam quæ sit nobis volentibus, voluntate scilicet inquantum voluntas est: quæ prout sic semper habet in potestate delectationem sequi vel cohibere. Alia autem verba; *libera voluntate facimus, quod delectati facimus*, etiam ab ipso aduersario explicari debent. Si namque ut iacent, accipiantur; sequitur delectationem voluntatis, ratione nullo modo aduertente, esse verè liberam, ac proinde & peccaminosam, quod tamen aduersarius non admittet. Vnde sicut ipse illud dictum cum addito intelligit, ut scilicet libera voluntate faciamus, quod facimus delectati & ratione aliàs aduertente, ita & nobis eadem lege licebit iuxta communem sententiam, aliud additum apponere; nempe ut libera voluntate faciamus, quod facimus delectati & aliàs ratione indifferente.

AD SECUNDAM concedo, quod delectatio facit quidem voluntatem velle; sed ad volendum libere, aliquid plus requiritur, quam velle absolute: cum teste Diuo Thomæ, sexcentis forte locis, voluntas etiam velit non nulla, ex necessitate & non liberè. Facit ergo voluntatem velle liberè, non delectatio, sed indifferentia iudicii & indeterminatio voluntatis:

Suprà  
l. 1. c. 9.  
§. Hanc  
vincitij.

Augu.  
l. 1. c. 6.  
Gen. ad  
lit. c. 7.

vt enim Sanctus Doctor loquitur in Secundo ad Annibaldum: distinctio-  
ne vigesima quarta, quaestione vnica  
articulo secundo, *libertas prouenit,  
cum ex ratione, quæ ad oppositam viam  
habet, tum ex voluntate quæ non est de-  
terminata ad vnum.*

AD TERTIAM concedo, libe-  
rum esse id, quod est gratia sui; si ta-  
men per esse gratia sui, intelligatur ef-  
fe sui iuris seu suæ potestatis cum do-  
minio seu imperio: vt intellexit Di-  
nus Thomas in Secundo, distinctione  
vigesima quinta, quaestione prima,  
articulo secundo ad quartum, dum  
dixit. *Quod voluntas quodammodo su-  
perior est intellectu, secundum quod im-  
perium habet super omnes animæ vires,  
propter hoc quod eius obiectum est finis:  
vnde conuenientissime in ipsa summum  
libertatis inuenitur. Liber enim dicitur,  
qui causa sui est, vt in primo Metaphysicæ  
dicitur, Quasi esse gratia sui seu causa  
sui, quatenus libertati attribuitur, pro  
eodem reputans ac habere imperium  
seu superioritatem dominatiuam.*  
Sed in hoc sensu esse gratia sui, pro-  
fecto non competit voluntati respec-  
tu actus, cuius delectatio est omni-  
no necessaria sicut & actus ipse; vt lu-  
culenter patet ex his quæ toto libro  
secundo disseruimus. Fateor quidem,  
quod huiusmodi delectatio, sicut &  
omnis delectatio in eo quod forma-  
liter delectatio, sit gratia sui; hoc est,  
propter seipsam & nõ propter aliud.  
Vnde & Sanctus Doctor dixit Prima  
Secundæ quaestione trigesima quar-  
ta, articulo secundo in secundo argu-  
mento, *ridiculum videtur ab aliquo  
querere, quare vult delectari, quia  
nempe propter nil aliud suscipitur  
delectatio quam propter se: ast negari  
debet, hoc præcisè & secluso omni  
alio, ad libertatem actus sufficere: si-  
cut nec ad eam requiri, manifestum  
est in actibus electionis: cum ij verè  
sint liberi, & tamen minime susci-*

piantur propter se, sed propter aliud;  
nimirum propter finem.

## CAPVT VI.

*Soluitur sexta ratio eiusdem, ex eo  
quod sequatur, operationem Di-  
uinæ gratiæ ex diametro  
repugnare arbitrij  
libertati.*

**S**EXTO ARGVIT. Nam si Tom. 3. li. 7. c. 14. in princ. pio.  
non est alia libertas vera voluntatis, quam agendi & non agendi, sequitur operationem Diuinæ gratiæ ex diametro repugnare arbitrij libertati: consequens lædit sensum Christianæ pietatis, imò & communem offendit: ergo in potestate ad agere, & non agere nequit constitui ratio libertatis. Sequelam probat. Nam effectus gratiæ est, *delectando voluntatem facere, vt actu velit & faciat*, id quod ante non volebat nequè faciebat: ergo illam extrahit ab indifferentia agendi, eamque determinatè facit agere vel non agere: ergo diametraliter repugnat Philosophicæ libertati, seu indifferentia libertatis.

**RESPONDEO** argumētum illud manifestè ostendere, naturam Philosophicæ libertatis ab authore suo ignorari. Veri nāque Philosophi non in hoc libertatem ponunt, quod voluntas maneat continuo indifferens, indifferentia excludente determinationem actus secūdi, seu operationis, sic enim nunquam contingeret voluntatem liberam, aliquando actu operari: quod ipsi experientia contradicit. Et sequela patet: nam si natura libertatis ea est, vt semper sit indeterminata quo ad actum secūdam qua ergo via poterit salua sua cōsētia actum aliquem secundum admittere?

Ponitur igitur ratio libertatis non in indifferentia huiusmodi; sed in indifferentia, quoad actum primum, seu quæ constituit ipsum posse: ita ut nequeat intelligi, voluntatem in aliquo actu esse liberam, si non habeat posse indifferentem respectu illius. Hoc est dictum, quòd licet de facto determinatè & infallibiliter operetur, possit tamen æquè proxime non operari. Et arguens quia inter ista non distinguitur ideo puerile argumentum conficit. Probat namque si aliquid probat, etiam ipsum actum secundum, seu actualem volitionem ex diametro repugnare libertati contradictionis, quam tamen ipsemet in humanis actibus admittit. Assumptum videtur euidens: siquidem ipsa actualis volitio, non minus, imò magis determinatè facit velle, quàm Diuina gratia: cum volitio sit ipsissima forma constituens volentem formaliter, & gratia solum effectiue ad volendum concurrat. Vnde sicut ipsa albedo magis determinatè facit album, quàm agens albedinem inducens vel applicans: quia albedo est ipsissima forma albificans; ita pariter necesse est, quòd actualis volitio magis determinet ad volendum, quàm gratia volitionem inducens, seu ad illam applicans; quia est ipsissima forma constituens determinatè volentem. Ergo si Iansenius non audet constituere essentialem libertatè in indifferentia agendi & non agendi, ne gratia ratione suæ determinationis ad agendum tantum, ex diametro cum illa pugnet; à fortiori tenetur fateri, pugnare cum indifferentia ista, ipsam actualem volitionem, utpote quæ magis ad agendum determinat, quàm quælibet gratia.

Quare sicut huiusmodi absurdum argumento à nobis factum non concedet, ita nec ipsi absurdum de pugna gratiæ concedere possumus aut de-

bemus. Nota ergo quòd determinatio est duplex, vna quæ se tenet ex parte actus secundi, seu operationis, & altera quæ se tenet ex parte actus primi seu virtutis. Illa prior non pugnat cum libertate, sed potius coniungit potentiam liberam cum sua propria perfectione, quæ est actu operari: posterior autem cum libertate pugnat, quia adfert non solum determinationem in operando, sed etiam determinationem in ipso posse, ita ut potentia non possit, nisi determinatè hec, non autem eius oppositum.

HOC NOTATO ad argumentum in forma, nego sequelam, videlicet operationem Diuinæ gratiæ in casu nostro, ex diametro repugnare arbitrij libertati. Ad probationem, concedo quòd effectus gratiæ est, voluntatem facere ut actu velit, quod ante non volebat, sed distingo consequens, ergo illam determinatè facit agere vel non agere; determinatione tenente se ex parte actus primi seu ipsius posse; nego consequentiā: determinatione tenente se ex parte actus secundi seu ipsius operationis; concedo consequentiam. Ergo diametraliter repugnat Philosophicæ libertati seu indifferentiæ libertatis; nego consequentiam. Nam hæc non consistit in indifferentia excludente, determinationem actus secundi seu operationis, sed in indifferentia excludente determinationem actus primi seu virtutis.

Itaque gratia efficax in sententia Sancti Thomæ, determinatè facit operari potius quàm non operari. Sed qua quæso determinatione? Annetali, ut actus primus seu virtus voluntatis, quæ ante gratiam erat potens non operari, reddatur ex vi gratiæ ad illud extremum impotens, dicaturque voluntas non solum non operatura sed nec potens non operari,

ri, tamquam manserit determinatæ virtutis ad operandum tantum? Profecto, qui sic intelligit determinationem gratiæ, indubiè pugnam inter ipsam & essentiam libertatis constituit: cum essentia libertatis in eo sita sit, ut quolibet instanti liberæ operationis, maneat verè potens non operari. Nec profectò Augustinus talem vnquam determinationem gratiæ posuit. Vnde alibi apertissimè; *quomodo attrahit Pater ad Christum, si dimittit, ut quis quod voluerit eligat? Et tamen vtrumque verum est, sed intellectu hoc penetrare pauci valent.* En verum esse dicit, gratiam taliter trahere seu determinare, ut permittat facultatem seu potestatem eligendi quod homo voluerit, ac proinde indifferentiam actus primi seu virtutis, indemnem relinquit ad vtrumlibet. In alio ergo sensu determinationem gratiæ ponimus; quia, videlicet determinat, determinatio- ne præcisè se tenente ex parte actus secundi: ad eum modum quo applicatio ignis verbi gratia ad comburendum, non se tenet ex parte actus primi sed ex parte actus secundi tantum.

Pro quo rursus aduerte, quòd requisita ad operandum sunt in duplici genere: quædam enim requiruntur tamquam dantia ipsum posse, sicut calor requiritur ad calefaciendum: quædam autem, non tamquam dantia posse; sed tamquam posse præsupponentia, & illud purè applicantia ad agendum. Quæcumque ergo requiruntur tamquam dantia posse, ea se tenent ex parte actus primi; sicut in sententiâ Thomistarum est auxilium sufficiens. Et certè huiusmodi quæ dant posse, nequeunt esse determinata ad agendum tantum: quia reuera indifferentia actus primi, in qua libertas consistit, læderetur: quæcumque verò requirun-

tur tamquam purè applicantia, ea determinata esse possunt & debent, quia ipsum posse supponunt & se tenent præcisè ex parte actus secundi. Huiusmodi autem est gratia efficax, seu tractio & determinatio illius. Vnde Scholasticè omnino mellissimus Bernardus, *Deus author est meriti, qui & voluntatem applicat operi*, per gratiam scilicet efficacem. Sicut ergo ipsamet libera volitio extrahit quidem voluntatem ab indifferentia agendi, minimè tamen indifferentiæ actus primi seu libertatis repugnat, quia est determinatio præcisè ex parte actus secundi, præsupponens & relinquens ipsum posse indifferens sicut erat ante, ita pariter gratia efficax extrahit quidem voluntatem ab indifferentia agendi; minimè tamen indifferentiæ libertatis repugnat, quia etiam est determinatio præcisè ex parte actus secundi, præsupponens & relinquens ipsum posse cum sua potenciali (ut ita dicam) indifferentia, & solum applicans ad de facto volendum, sicut ipsa volitio actuatur, ut constituat de facto volentem.

HINC ETIAM PATET, nullius esse momenti, quod Iansenius vterius superaddit. *Res (inquit) vel cæcis est perspicua; quòd per inclinationem in alteram partem, indifferentia in vtramque tollitur:* ergo cum gratia efficax inclinet determinatè in alteram partem, indifferentiam in vtramque tollit.

PATET (INQVAM) nullius hoc esse momenti; nam eadem distinctione dilui debet. Si enim inclinatio in alteram partem & indifferentia in vtramque pariformiter accipiantur; hoc est quatenus tam inclinatio quàm indifferentia sumuntur ex parte actus secundi; euidens omnino est, per inclinationem in vnam partem inclinatione tenente, se ex parte actus secundi, indifferentiam

Angu-  
stin. li.  
2. cont.  
lit. Pe-  
tilian.  
c. 84.

Bernard.  
Tracta-  
tu de  
gratia  
& libe-  
arbitrio  
ultimo  
in fine.



tiam in vtràmque, tolli & interimi, indifferentia etiam sumpta ex parte actus secundi: cum nequeat vnum & idem esse vltimò inclinatum vel potius applicatum ad actum secundum, & adhuc manere indifferens quoad actum & non actum secundum. At verò si illa duo accipiantur diffòrmiter, inclinatio (verbi gratia) seu applicatio determinata quoad actum secundum, & indifferentia ad actum & non actum, quoad actum primum seu quoad posse agere & non agere, sic profecto; cæco defectuosior esset, qui ibi contradictionem aut repugnantiam videret. Sicut namque, actu agere non pugnat cum posse agere, sed potius ipsum posse perficit, ita multo minus pugnat cum posse non agere, cum sit idem indiuisibile posse, & ad agere & ad non agere. Quod eleganter expressit Diuus Thomas, dum prima parte, questione sexagesima secunda, articulo septimo ad primum dixit, *quòd imperfectio potentie subternitur perfectioni forme*, seu actus ipsam actuantis, & non tollitur potentia per formam, sed tollitur priuatio, que opponitur forme. Quasi vniuersaliter docens, tam in potentijs naturalibus, quàm in liberis seu indifferentibus, minimè ipsam potentiam tolli aut minui per formam seu actum secundum, ac proinde nec per ipsam applicationem ad actum secundum. Cum igitur determinatio gratiæ efficacis solum sit determinatio tenens se ex parte actus secundi, vtpote non nisi mera applicatio ad agere; consequens omnino fit, eam cum indifferentia actus primi seu cum potentia ad agere & non agere, minimè pugnare: etiam dato quòd in linea gratiæ efficacis cresceret vsque ad summum gradum. Quod ideo superaddo; quia etsi ponatur crescere vsque ad quemcumque gradum efficaciæ, (dummodo tamen

non fiat transitus ad aliud efficacis genus) nunquam indifferentiam actus primi seu potentie vel in minimo lædet: ita vt nec minimus motus gratiæ nec maior, nec maximus perfectum æquilibrium potentie vnquam adempturus sit.

**DIXI VERO**, *dummodo non fiat transitus ad aliud efficacis genus*; quia Thomistis constans est, si ille transitus fiat, quòd libertas cum tali efficacia minimè subsistet. Vnde communiter docent, motionem efficacem qua Deus concurret cum voluntate ad actus omnino necessarios, verbi gratia, ad amorem beatificum, non posse cum libertate illius actus subsistere: quia nimirum est efficacia alterius generis, vtpote proportionata non cum principio agente liberè, sed cum principio agente naturaliter, seu per modum naturæ. Hinc dixit Sanctus Thomas Prima Secundæ, questione decima, articulo quarto. *Sic Deus voluntatem mouet quòd non ex necessitate ad vnum determinet, sed remanet motus eius contingens, nisi in his ad que naturaliter mouetur.* En vbi supponit alterius generis motionem esse illam, qua mouet voluntatem contingenter seu liberè, & illam, qua mouet eandem necessariò, seu naturaliter, vt contingit in amore beatifico.

**EX QVO R V R S VS** euanescit illa consequentia (sancti), *Si perfectæ* (vt est gratia consummata Beatorum) *perfectè indifferentiam tollit*: ergo *imperfectior* (vt est gratia efficax viz) *imperfectè tollet*: & ex consequenti in aliquo videtur libertatem lædere.

**EVANESCIT** (inquam) illa consequentia, quia fit transitus de genere in genus, ab efficacia vnius generis ad efficaciam alterius. Sicut si diceret; perfecta sanctitas perfectè tollit intrinsecam peccabilitatem: ergo

ergo imperfectior imperfectè tollit; nulla est consequentia. Nam antecedens est verum in sanctitate gratiæ consummate, quæ intrinsecam peccabilitatem perfectè aufert: consequens verò falsum, in sanctitate gratiæ puri viatoris, quæ sine maxima, sine minima in illa linea, nunquam vel in minimo intrinsecam peccabilitatem tollit: omnis namque purus viator quantumvis in gratia confirmatus, ab intrinseco peccabilis est, ut tradit Sanctus Thomas questione vigesima quarta de Veritate, articulo nono in Corpore. Sic pariter philosophandum est de gratiæ efficaciaci in ordine ad perfectè vel imperfectè tollendam essentialem indifferentiam libertatis. Dico enim quòd perfecta gratia (ut est in Beatis) illam perfectè tollit ab actu beatifici amoris; nulla tamen gratia viæ eam vel in minimo tollere potest; quia quantumvis crescat, vel decrescat, semper modo proprio agentis liberi remanet proportionata: utpote quæ (teste Sancto Thoma) *non ex necessitate ad vnum determinatur, ex parte principij, sicut gratia consummata; sed potius motum voluntatis liberum & contingentem relinquit.*

HIS SIC HABITIS, puto sextum argumentum sufficienter solutum esse. Restat nihilominus, ut Lectori Scholastico ob oculos ponam corollarium, quo Iansenius illud absoluit. Egregia sanè Philosophia (inquit) præclara gratiæ laus, mira defensio humane libertatis, reconciliata vtriusque reconciliatio, ut altera alteram perfectè destruat, & nonnisi in diminutis gradibus consistere queant. Nimirum Deo vigilanter prospiciendum est, ne gratiam augendo, libertatem subvertat. Paradoxa sunt hæc, antiquitati & Ecclesiæ inaudita.

DICO Rhetoricam illam falso niti fundamento, ut namque ex iam

dictis constat, gratia siue perfectior siue imperfectior, nunquam essentialem indifferentiam libertatis vel in minimo lædit; sed in quocumque gradu cum eadem confilii, dummodo ad aliud genus efficaciac, transitus non fiat. Et sanè Deo circa istum transitum vigilanter prospiciendum non est, quasi ipsi incauto posset fortè excessus aliquis transgredire; hoc enim de infinita Maiestate potius blasphemè dicitur quàm verè: & nescio quo genio possit similis impostura Scholasticis affingi. Prospicit igitur Deus, ne similis transitus circa causas liberæ fiat, non tamquam studio, aut anxia sollicitudine aduigilans; sed quia ipsa essentia infinitæ suæ Providentiæ, qua fortiter & suauiter disponit omnia, deficere ab huiusmodi prospectu nullo modo potest. Ut enim cum debita & solita reuerentia Princeps Scholasticorum Thomas in loco citato ex Prima Secundæ, *Ad Providentiam Diuinam pertinet naturam rerum non corrumpere, sed seruare: unde omnia mouet secundum eorum conditionem, ita quòd ex causis necessarijs per motionem Diuinam consequantur effectus ex necessitate: ex causis autem contingentibus sequuntur effectus contingenter. Quia igitur voluntas est actiuum principium non determinatum ad vnum, sed indifferenter se habens ad multa; sic Deus ipsam mouet quòd non ex necessitate ad vnum determinat, sed remanet motus eius contingens, & non necessarius, nisi in his ad quæ naturaliter mouetur. Non audis hic, in primis Deum prospicere ne naturas rerum corrumpat, sed seruet? Et rursum, quòd naturam causæ liberæ seu indifferentis corrumpere, si illam tam efficaciac gratia moueret in ordine ad obiecta, ad quæ se habet contingentem seu liberè, sicut mouet in ordine ad ea, ad quæ se habet necessariò seu naturaliter, sicut indubiè in*

via Sancti Thomae est bonum infinitum clarè visum in Patria? Non fit ergo viro docto inauditum aut paradoxum, hoc quod huc vsque diximus: nimirum quod gratia seu motio efficax cum libertate non confisteret, si ad gradum aliquem efficaciae ascenderet, quae voluntatem ex necessitate ad vnum determinaret, sicut determinat in amore beatifico. Si Doctor Ecclesiae Aquinas hoc tam egregiè novit & disseruit; reuera non nisi monstruose omnino, potest id ipsum vt Ecclesiae & antiquitati inopitum proclamari.

NEC IUVANT Iansenium loca quaedam Augustini, quibus videtur innuere contrarium: vt est praecipue locus ille ex epistola octuagesima nona. *Hac voluntas libera tantò erit liberior, quantò sanior: tantò autem sanior, quantò Divinae misericordiae gratiaeque subiectior.* Quibus verbis adstruit tantò liberiores reddi voluntatem, quantò magis Divina ei gratia dominatur: ac proinde sentire videtur non posse vsque adeò efficaciam eius exercecere, vt libertatem actus eripiat.

NON (IN QVAM) hæc & similia ipsum iuvant, nam sine communis sententiae praedictio euidenter admittunt explicationem.

PRIMO dicendo Augustinum loqui, non de libertate naturali (de qua nos disputamus) sed de libertate à culpa & à miseria. Ita vt sensus sit, voluntatem tantò reddi liberiores à culpa & à miseria, quantò Divina gratia illam magis sibi subijcit. Quod vtique verissimum est: unde & alibi idem Augustinus, loquens de libero arbitrio Beatorum; *Magis quippe erit liberum, à delectatione peccandi ad delectationem non peccandi indeclinabilem liberatum.* Magis scilicet liberum à culpa, non magis liberum libertate naturali. Et hæc explicatio,

vt maioris fidei sit, accipe locum ex Diuo Thoma, prima parte, quaestione octuagesima tertia, articulo secundo, vbi expressis terminis ab Angelico Praeceptore adhibetur. Obijciens namque in tertio argumento locum quendam Augustini, quo dixit, *quod homo malè vtens libero arbitrio, & se perdidit & ipsum*, sic respondet. *Ad tertium dicendum quod homo peccando liberum arbitrium dicitur perdidisse, non quantum ad libertatem naturalem quæ est à coactione* (intellige vt dicit in Secundo ad Annibaldum, in quantum homo non impeditur, quin possit hoc facere vel non facere) *sed quantum ad libertatem quæ est à culpa & à miseria.* En ipsissimam explicationem. Si ergo (Sancto Thoma teste) Augustinus asserens hominem liberum arbitrium perdidisse peccando, solum vult, perdidisse illud quantum ad libertatem à culpa & miseria; non quantum ad libertatem naturalem, ergo pariter à sensu contrario, quando asserit illud per potentiores gratiam perfectius recuperari, solum vult, recuperari perfectius quoad libertatem à culpa, non verò quoad libertatem naturalem. Similem explicationem non velle suscipere, potius est, in cortice litteræ luxuriando, Sanctum virum in prinatos errores abducere, quam communis veritatis patrocinio honorare.

Et pro eius vberiori intelligentia, nota ex Diuo Thoma in Secundo ad Annibaldum distinctione vigesima quinta, quaest. vnica articulo quarto, in Corpore; *quod liberum arbitrium habet quandam libertatem quæ sequitur naturam potentiae, scilicet libertatem naturalem, per quam est liberum à coactione: in quantum scilicet non impeditur, quin possit hoc facere vel non facere. Habet verò aliam libertatem ex habitu ipsam perficiente, quia habitus iustitiae facit libertatem ad bo-*

In 2. ad  
Annib.  
dist. 24.  
q. vnic.  
artic. 2.  
ad 1.

num, id est inclinationem, habitus autem culpa libertatem ad malum. Et postea ad tertium subiungit. Quod secundum diversos status liberum arbitrium diversis habitibus perficitur, secundum quos diversa libertates, seu inclinationes, distinguuntur: nam ante peccatum perficiebatur originali iustitia: post peccatum ante reparationem, iustitia naturalis: post reparationem verò iustitia gratuita: sed in statu gloriæ iustitia consummata. Tamen in omnibus his statibus, libertas quæ est ex natura potentia, scilicet libertas naturalis faciendi & non faciendi, eadem manet. Quid clarius? Libertas naturalis secundum Divum Thomam, etiam in statu gloriæ eadem & invariata, manet, licet ibi magis libera dicatur voluntas, prout libertas nominat inclinationem preuenientem ab habitu: est namque in statu gloriæ promptior, inclinatio, & firmior in bono ac proinde & liberior à malo, ratione habitus gratiæ consummatæ. Hoc ergo & nil aliud voluit Augustinus.

Sed secundo potest dici; Augustinum loqui non de gratia absolute seu de omni genere gratiæ, sed solum de gratia proportionata agentibus liberis, qua scilicet Deus voluntatem movet, ut indifferenter se habentem ad multa, non qua illam movet in his ad quæ se habet naturaliter & determinatè. Ita ut sensus sit, voluntatem tantò esse liberiores adhuc libertate naturali, quantò Divinæ gratiæ, scilicet agentibus liberis proportionatæ, est subiectior, non quantò cuiuslibet gratiæ absolute est subiectior. Ut namque clarè ex Divo Thoma ostendimus, datur aliquod genus motionis seu gratiæ efficaciæ, minimè modo agendi liberè proportionatum: ac proinde cum tali efficaciæ nequit libertas in actu consistere, licet sub quocumque gradu alterius

gratiæ non solum consistat sed & per illam & ex illa causetur. Quo sensu accipi debet illud eiusdem Augustini libro de correptione & gratia capite octavo, voluntas humana non libertate consequitur gratiam sed gratia potius libertatem: & rursus, secundum gratiam Dei, non contra illam libertas defenditur voluntatis. Quia nimirum illud particulare genus gratiæ seu motionis, qua Deus concurret cum agentibus liberis, est ipsissima causa libertatis. Non enim solum facit ut faciamus, sed etiam ut liberè faciamus: primum namque liberum per efficaciam huius gratiæ debet esse causa & substantiæ actus & modi libertatis, in quocumque libero secundo seu creato. Ut enim egregiè iterum Sanctus Thomas, prima parte, quæst. octuagesima tertia articuli primo ad tertium. Non est de necessitate libertatis, quòd sit prima causa sui, id quod liberum est: sicut nec ad hoc quòd aliquid sit causa alterius, requiritur quòd sit prima causa eius. Deus igitur est prima causa movens & naturales causas & voluntarias. Et sicut naturalibus causis, movendo eas, non aufert quin actus earum sint naturales, ita movendo causas voluntarias, non aufert quin actiones earum sint voluntariæ, sed potius hoc in eis facit (en modum libertatis causatum) operatur enim in unoquoque secundum eius proprietatem. Cui consonat illud Augustini, libro primo de gratia Christi, capite vigesimo quinto, Non solum Deus posse nostrum donavit atque adiuvat, sed etiam velle & operari operatur in nobis. Velle (inquā) voluntate ut voluntas est, quod idem est ac velle libere seu cum indifferentiā ex parte principij ad volendum, & non volteandum. Hoc igitur velle tantò magis liberum est, quantò gratiæ illi causatrici, seu operatrici est subiectius, non quanto cuiuslibet gratiæ absolute, est subiectius.

Tertiò potest dici, adhuc admissò quòd loquatur de omni gratia absolute; sed dicendo, tunc sensum esse, non quòd volùtas in illo etiam actu, quem ex subiectione ad potentissimam gratiam elicit, qualis est amor beatificus; sit liberior (ut Iansenius imaginatur) sed quia ex subiectione ad huiusmodi gratiam, liberior sit in ordine ad alios actus, qui ex tali amore oriuntur. Quod rursus verissimum est. Nam cum ex vi talis gratiæ, voluntas reddatur impeccabilis in alijs electionibus; & posse peccare sit potius defectus libertatis, quàm perfectio, sit consequens in similibus perfectionem libertatem obtinere, utpote solutam ab isto libertatis defectu, qui est potentia peccandi. Et hoc iterum est expressa doctrina Sancti Thomæ, prima parte, questione sexagesima secunda, articulo octavo ad Tertium, ubi ea de causa docet, liberum arbitrium perfectius esse in beatis Angelis, qui peccare non possunt, quàm in nobis, qui peccare possumus. Verba accipe, ne dubites. *Liberum arbitrium* (inquit) sic se habet ad eligendum ea quæ sunt ad finem, sicut se habet intellectus ad conclusiones: manifestum est autem, quòd ad virtutem intellectus pertinet, ut in diversas conclusiones procedere possit secundum principia data (non deficiente scilicet à vero) sed quòd in aliquam conclusionem procedat, prætermittendo ordinem principiorum (id est errando à vero) hoc est ex defectu ipsius. Unde quòd liberum arbitrium diversa eligere possit servato ordine finis (hoc est non deficiente à bono) hoc pertinet ad perfectionem libertatis eius, sed quòd eligat aliquid diuertendo ab ordine finis, quod est peccare, hoc pertinet ad defectum libertatis, Unde maior libertas arbitrii est in Angelis qui peccare non possunt, quàm in nobis qui peccare possumus. Hoc idem igitur & nil aliud

vult Augustinus: nempe quòd eò perfectius redditur liberum arbitrium in alijs electionibus, quo per potentiores gratiam firmitus adheret bono fini absque potentia peccandi, utpote cum tunc ab illo defectu libertatis, qui est peccare, sit simpliciter liberatum.

## CAPVT VII.

*Soluitur septima ratio eiusdem, ex eo quòd sequatur, omnem concupiscentia motum directam habere repugnantiam cum libertate.*

**S** EPTIMO ARGVIT ibidem. Nam sequitur, multò magis omnem concupiscentia motum similiter directam habere repugnantiam cum libertate. Probat hoc modo sequelam. Repugnat enim ex diametro indifferentia voluntatis, cum hoc efficiat blanditus motus sui, ut qui ad agendum & non agendum, ante motum quoquò esset indifferens, ipso motu libidinis in alteram partem instar æquilibri, cui pondus additur, impellatur. Quod cerè tam evidenter vniuersiusque veniat conscientia, ut omni probatione altius clamet.

Quid enim (prosequitur) alioquin cause est, ut magis pulsati quàm vacui tentatione peccemus?

**S** ECVNDO. Quid sibi vult lucta tantò difficilior, quanto tentationis motus est violentior, quod tantis quotidie clamoribus poscimus, & ne nos inducas in tentationem, si tentationis motus non tollit indifferentiam agendi & non agendi, quam ante sentiebamus?

**T** ERTIO. Ut quid dicit Apostolus vnumquemque tentari a concupiscentia sua abstractum & illicitum, si relinquit animum in eadem indifferentia libertate?

**QUARTO.** *Ut quid dicitur ab eius coapostolo lex peccati, nisi quia (ut Augustinus exponere solet) animum indifferenter non verbis sed periculosissimis motibus iubet & quodammodo cogit ut peccet?*

**QVINTO.** *Ut quid denique recentiores ipsi profitentur tentationibus grauibz sine gratia adiutorio difficillimum esse resistere?*

**SEXTO.** *Ut quid grauissimi peccatores totis medullis flagrantē libidinis motu clamant, se voluntatis infirmitate non posse non cedere, & eos verum dicere non semel Augustinus docet; nisi quia grauissimus sit in alteram partem impulsus libertatis, cui ad aequilibrium reducenda par vel maior gratia delectatio necessaria est?*

**VLTIMO.** *Ita verò augeri posse (concludit) motum titillantē cupiditatis, ut non possit ei indifferētis libertatis visu amplius repugnari, sine sana doctrina violatione negari nequit.*

Respondeo in toto illo argumento vix vnum verbum Scholasticè dici aut ad rem. Et quidem à posteriori illo puncto incipiendo, nimirum tentationem taliter posse augeri, ut illi non possit homo resistere aut repugnare; non solam sine sanæ doctrinæ violatione negari potest, sed omnino debet.

Audi Anselmum capite sexto dialogi de libero arbitrio, id negantem. Proponit ibi in persona Magistri hanc quætionem suo discipulo. *Quomodo tentatio cogit voluntatem velle? An ita ut possit ea quidem nolle, sed non sine graui molestia? An ita ut nullatenus possit nolle?* Cui discipulus sic respondet. *Quamuis me fateri oporteat, nos aliquando sic premi tentationibus, ut sine difficultate non valeamus nolle, quod suggerunt: non tamen possum dicere, quod sic nos vnquam opprimant, ut quod mouent, nullatenus nolle possimus.* En qualiter discipulus ibi apertissimè

fateatur, nunquam sic voluntatem ex vi tentationis cogi ad velle, quin semper remaneat vera & absoluta potestas ad nolle: ac proinde quin possimus repugnare & resistere. Sed & Magister Anselmus huiusmodi responsionem approbans, statim subiungit; nescio quomodo possit dici; videlicet sic nos vnquam opprimi à tentatione, ut nullatenus nolle possimus. Et postea; tentationibus consentimus, non ex impossibilitate, sed ex difficultate. Frequenti namque vsu dicimus, nos non posse aliquid, non quia nobis est impossibile, sed quia sine difficultate non possumus. Nonne hoc est clarissimis verbis negare, id quod tanta confidentia affirmat Iansenius; videlicet posse motum tentationis ita augeri, ut non possit ei amplius resisti aut repugnari?

Audi Sanctum Thomam & idem eadem claritate negabit. Prima Secundæ, quætionē decima, articulo tertio querit, *Utrum voluntas moueatur de necessitate* (hoc est absque potentia cohibendi motum, ut constat ex contextu) *ab inferiori appetitu? Et videtur, Quod sic* inquit in primo argumento. *Dicit Apostolus Romanorum septimo, non enim quod volo bonum, hoc ago, sed quod odi malum, illud facio. Quod dicitur propter concupiscentiam, quæ est passio quadam. Ergo voluntas ex necessitate mouetur à passione, ita nempe ut non possit repugnare. Et quid quæso respondet? An nē affirmando sicut Iansenius? Ad primum (inquit) dicendum, quod etsi voluntas non possit facere, quin motus concupiscentiæ insurgat, de quo Apostolus dicit Romanorum septimo, quod odi malum illud facio, id est concupisco; tamen potest voluntas non velle concupiscere, aut concupiscentiæ non consentire. Et sic non ex necessitate sequitur concupiscentiæ motum. En luce meridiana clarius, contradictoriam resolutione.*



lationem. Sanctissimus Theologus resoluit posse voluntatem motibus concupiscentiae non consentire, posse non velle concupiscere, quod utique est posse repugnare, & resistere; & Iansenius ad hæc ita augeri posse motum titillantis cupiditatis, ut non possit ei amplius repugnari, sine sane doctrinae violatione negari nequit. Vade Doctor mirabiliter singularis.

Ast libet ostendere, etiam veritatem fidei, hic à Iansenio negari: & suppono tria.

**PRIMUM:** quod dictum illius non procedit in casu, quo totaliter absorberetur iudicium rationis, sicut (Diuo Thoma teste) contingit in his, qui propter vehementem iram, vel concupiscentiam furiosi vel amentes fiunt. In his namque manifestum est, motus titillationis vel concupiscentiae, ita urgentes esse, ut repugnare illis non possint; sicut & manifestum est, eadem de causa, illos non peccare, concupiscentiae consentiendo. Nam de talibus (inquit ibi Sanctus Thomas) eadem est ratio sicut & de animalibus brutis, quæ ex necessitate sequuntur impetum passionis. Excipe casum; quando passio illa necessitatem inducens, fuisset à principio voluntaria. Tunc enim reuera peccaret, propter libertatem in causa. Ut iterum apertis verbis tradit Sanctus Thomas, Prima Secundæ, quaestione septuagesima septima, articulo septimo in Corpore, sic inquit, Passio quandoque est tanta, quod totaliter aufert usum rationis, sicut patet in his, qui propter amorem vel iram insanunt, & tunc si talis passio à principio fuerit voluntaria, imputatur actus ad peccatum, quia est voluntarius in sua causa, sicut etiam de ebrietate dictum est. Si verò causa non fuerit voluntaria, sed naturalis, puta cum aliquis ex aegritudine, vel aliqua huiusmodi causa incidit in tales passionem, quæ totaliter aufert v-

sum rationis, actus omnino redditur involuntarius, & per consequens totaliter à peccato excusatur. Itaque suppono dictum Iansenij, in casu illo, quando totaliter aufertur usus rationis, non procedere.

**SECUNDUM** quod suppono, est, nec etiam procedere in casu illorum motuum, qui à Theologis vocantur primò primi: licet aliàs subiectū habitualiter usum rationis habeat. Tūc namque eadem via manifestum est, voluntatem huiusmodi motibus, ut primo surgentibus non posse repugnare, cum ad illos rapiatur ex vehementi passione & subita apprehensione intellectus, absque iudicio & illa prorsus indifferentia. Vnde & S. Augustinus libro nono de Civitate, capite quarto eos vocat, *passiones praevenientes mentis & rationis officium*; subiungens etiam, quod sapientis animus eas necessitate patiatur.

**TERTIO SUPPONO**, nec etiam loqui in casu, quo non curreret obligatio resistendi tentationi aut concupiscentiae. Si enim huiusmodi casus admitteretur; nullum inconueniens iudicari deberet, sic hominem à sua concupiscentia tentari, ut illi resistere non posset.

**DICTUM ERGO IANSENII**, ita posse augeri motum concupiscentiae, ut non possit ei amplius repugnari; debet intelligi si aliquid ad rem velit concludere; perseverante iudicio rationis & stante obligatione resistendi. Et sanè clarissimè ex verbis eius, huiusmodi sensus deducitur, cum aperte loquatur de homine, prout intellectus & abstractus à similibus concupiscentiae blanditijs, peccat. Ergo supponit, hominem, ut ratione utentem, & insuper ut obligatum ad resistendum.

Sed hoc sensu propositionem eius veritati fidei repugnare, probo multipliciter.

**PRIMO:** quia sic fert commune placitum Theologorum, ut videre est in Ioanne Ildephonso, Thomista egregio & plane erudito. Qui Prima Secundæ, quæstione decima, articulo tertio, disputatione centesima vigesima sexta, fragmento primo, numero centesimo trigesimo, hanc habet conclusionem. *De fide est quoddam assistente iudicio & advertentia rationis ad bonitatem vel malitiam rei, quæ proponitur, nulla est adeo vehemens passio & tentatio quæ libertatem voluntatis (id est in eius phrasi, potestatem consentiendi & non consentiendi) superet & eam necessitet ad exercitium actus.* Asseritque se hoc dicere, contra hæreses nostri temporis, & nominatim Lutheri asserentis voluntatem necessariò trahi a passionibus appetitus & nihilominus mortaliter peccare. Quod sanè idem in re dicit Iansenius: utpote sustinens & omnino inculcans, hominem illectum concupiscentiæ blanditijs peccare, etiam in casu quo tales tamque vehementes sint, ut eis amplius repugnare non possit.

**SECUNDO:** quia apertè contradicit assertum hoc, expressis testimonijs scripturæ: ut est præcipuè illud Genesis quarto, *sub te erit appetitus tuus & tu dominaberis illius.* Ex quo loco sic argumentatur D. Thomas in argumento sed contra articuli iam citati ex Prima Secundæ, quæstione decima. *Sed contra est (inquit) quod dicitur Genesis quarto, sub te erit appetitus tuus & tu dominaberis illius.* Non ergo & voluntas hominis ex necessitate movetur ab appetitu inferiori. Cui consonat illud Augustini loco etiam citato. *Mens, ubi fixa est ista sententia, nullas perturbationes, etiam si accendant in inferioribus animi partibus, in se contra rationem prævalere permittit: quin imò ipsa dominatur, eisque non consentiendo, sed potius resistendo, regnum*

*virtutis exercet.* In eodemque sensu est Bernardus sermone quinto in quadragesima. *Potest inimicus excitare tentationis motum, sed in te est si volueris, dare seu negare consensum.* Rursus ad idem Gregorius libro 4. *Moralium capite vigesimo secundo: in foribus quippe peccatum adest, cum in cogitationibus pulsatur. Cuius appetitus subter est, eique homo dominatur, si cordis nequitia inspecta, citius prematur & priusquam ad duritiam crescat, reluctanti menti subigatur.*

**TERTIO.** Quia non minus contradicit definitioni Concilij Tridentini Sessione quinta, Canone quinto, ubi sic loquitur. *Manere autem in baptizatis concupiscentiam vel fomitem: hæc Sancta Synodus fatetur & sentit: quæ cum ad agonem relicta sit, nocere non consentientibus & viriliter per Christi lesu gratiam repugnantibus non valet: quin imò qui legitime certaverit, coronabitur.* Vbi evidentiè supponit Concilium quoddam homini concupiscentiæ motus non noceret nec ipsi tamquam peccatum imputaretur, si per gratiam Christi de comuni lege paratam illum vincere non posset. Ergo qui cum Iansenitis affirmat, adhuc consensum in istos motus imputari, in casu quo homo nulla via eisdem repugnare valet, reuera definitioni concilij non satisfacit.

**ET RATIONES** Theologicæ omni euidencia suffragantur.

**PRIMAM** supra libro secundo latè prosecuti fuimus. Nullus enim secundum fidem Catholicam peccat in eo, quod vitare non potest. Si ergo homo perseverante usu rationis, concupiscentiæ quantumvis virginitissimæ consentiendo, peccat, iuxta illud Iacobi primo, *concupiscentia enim conceperit, parit peccatum;* euidens sit, ipsum cuius concupiscentiæ posse resistere.

Suprà  
lib. 2. c.  
10. per  
coram.

ALIAM quoque superaddere libet. Nam manente usu rationis in homine, intellectus potest iudicare esse bonum non operari iuxta passionem, sed iuxta dictamen rationis, & hoc potest proponere voluntati: ergo voluntas poterit ferri in illud bonum rationis non consentiendo passioni. Antecedens est certum, quia nil potest obstat, quo minus homo illud iudicium efformet, & voluntati proponat. Et consequentia probatur; quia voluntas, dum proponitur obiectum sub indifferentia boni & mali, potest admittere vel respuere illud: ergo sicut potest admittere obiectum passionis, quia delectat, respuendo bonum rationis, ita potest admittere bonum rationis; quia expedit animæ, respuendo bonum delectabile. Et hoc est quod dixit S. Thomas articulo illo questionis decimæ in Corpore; in quantum ergo ratio manet libera, & passioni non subiecta, in tantum voluntatis motus qui manet, non ex necessitate tendit ad hoc ad quod passio inclinat. Et rursus articulo septimo questionis septuagesimæ septimæ; quandoque verò passio non est tanta, quod totaliter intercipiat usum rationis, & tunc ratio potest passionem excludere, diuertendo ad alias cogitationes, vel impedire ne suum consequatur effectum, quia membra non applicantur operi, nisi per consensum rationis. Quasi clarissimè testificans, non posse usu rationis manente in homine, tentationem usque adeo crescere, quin semper homo possit illi repugnare & resistere.

Horum omnium certitudo & veritas, coegit Sanctum Thomam sexcentis alijs locis veritatem istam Catholicam sateri. Lege questione vigesima secunda de Veritate, articulo nono ad Secundum. Ex ipso corpore (inquit) aliquo modo voluntas inclinatur, licet non necessariò: quia resistere

potest: sicut cholericus ex naturali complexione inclinatur ad iram: tamen aliquis cholericus potest resistere per voluntatem isti inclinationi. Rursus ad Tertium; Incontinens non dicitur vinci à passionibus, quasi ipse passiones cogant, vel immutent necessariò voluntatem; alioquin incontinens non esset puniendus, quia pœna non debetur inuoluntario.... sed dicitur incontinens vinci à passionibus, in quantum earum impulsui voluntariè (id est cum potestate resistendi) cedit. Iterum ad Sextum. Passiones voluntatem inclinant, non tamen de necessitate immutant; quia in potestate voluntatis est, huiusmodi comprimere, ut usus rationis non impediatur, secundum illud genesis quarto, Subter erit appetitus illius, scilicet peccati.

Lege etiam questione vigesima, quarta de Veritate, articulo duodecimo, ad Duodecimum: Cupiditas (inquit) non potest intelligi esse cogens absolute liberum arbitrium, quia semper est liberum à coactione, sed dicitur cogens propter vehementiam inclinationis, cui tamen potest resisti, licet cum difficultate.

Iterum Prima Secunda, questione septuagesima septima, articulo tertio ad Tertium. In potestate voluntatis est, assentire vel non assentire his in quæ passio inclinat, & pro tanto dicitur noster appetitus sub nobis esse.

Rursus in Secundo ad Annibaldum, Distinctione trigesima sexta, quæst. vnica, articulo tertio ad Secundum, Motus concupiscentiæ non est peccatum ut est passio, sed prout est in potestate voluntatis existens, quæ potest eum prohibere, vel non prohibere.

Sed quandonam finis, si omnium eius dictorum ratio & numerus hisce paginis deberet appendi? Hoc vnunq. firmissimè & Catholicè teneamus, non posse stante iudicio rationis, & obligatione resistendi, passionem, concupiscentiam, aut tentationem

Suprà  
lib.2. c.  
10. per  
totum.

vsque adeò excrefcere & augeri, quin homo possit eis resistere & repugnare. Vide quæ suprà contra Vincen-  
tium fusè satis peregrimus.

Nunc verò in particulari ad argu-  
mentum Iansenij descendamus. Se-  
quitur (inquit) si indifferentia requi-  
ritur ad libertatem; quòd omnis concu-  
piscentiæ motus directam habeat repu-  
gnantiam cum libertate. Respòdeo ne-  
gando sequelam. Ad probationem,  
quia voluntatem impellit in alteram par-  
tem; distinguo antecedens ex tradita  
doctrina Sancti Thomæ, impellit in  
alteram partem, per modum inclina-  
tionis, cui tamen potest resisti, concedo  
antecedens. Per modum coactionis  
sen necessitatis, cui non possit resisti;  
nego antecedens. Ergo pugnat cum  
indifferentia, vel nego consequentiã,  
vel explico consequens: pugnat cum  
indifferentia inclinationis; concedo  
consequentiam; cum indifferentia  
elicientiæ quoad ad actum & non  
actum, in qua nos libertatem poni-  
mus; nego consequentiam.

Eodem prorsus modo explicat D.  
Thomas verbum illud Lucæ decimo  
quarto: *Compelle intrare*. Ex quo vi-  
debatur sequi, voluntatem adeò for-  
titer adduci ad spirituales nuptias,  
vt non possit reniti. *Compulsio illa*  
(inquit quæstione vigesima secunda  
de Veritate, articulo nono ad Septi-  
mum) *de qua ibi fit mentio, non est co-  
actio* (auferens scilicet potestatem re-  
sistendi) *sed efficacia persuasionis, vel*  
*per aspera, vel per lenia*, cui nempe  
reniti voluntas potest. Sic pariter di-  
co de motu impulsiois prouenien-  
te à concupiscentiã. Illa quidem  
impellit voluntatem in alteram par-  
tem; sed ista impulsio non est co-  
actionis aut necessitatis auferentis  
potestatem repugnandi, sed blan-  
dientis suasionis, seu inclinationis,  
cui vtique resistere & repugnare vo-  
luntas potest.

Et quòd arguentem hac in parte  
videtur decepsisse, est inconsideratio  
duplicis illius indifferentiæ. Vna  
quoad inclinationem non magis in  
hanc partem quàm in alteram. Alte-  
ra quoad elicientiam tam actus quàm  
non actus. Prima contingit quòd  
voluntas consideratur nudè & secun-  
dum se ante omne quòd illam possit  
impellere aut inclinare in hoc po-  
tius, quàm in illud. Tunc enim est  
indifferens quoad inclinationem, vt-  
pote non magis affecta, huic extre-  
mo quàm alteri. Et in tali indifferen-  
tia nullus Scholasticorum essentia-  
lem libertatem constituit: hanc enim  
tolli per vehementes motus concu-  
piscentiæ, imò & per quemcumque  
habitum, omnibus indubitatum est;  
cùm tam motus concupiscentiæ, quàm  
habitus superadditi particulariter &  
determinatè inclinent vel in bonum,  
vel in malum: ac proinde talibus su-  
perinduta voluntas, non manet am-  
plius æquè inclinata in vtrumlibet,  
sed potius specialiter propendet in  
alteram partem contradictionis aut  
contrarietatis. Est igitur secunda  
indifferentia quoad elicientiam; &  
quatenus nempe principium seu  
potentia æquè potens est absolutè  
loquendo, agere vel non agere. Et  
ista est, in qua Scholastici liberta-  
tis rationem constituunt. Sed hanc  
nec per motus concupiscentiæ, nec  
per vllum habitum viæ tolli, etiam  
manifestum esse debet: quis enim  
(nisi ipsi experienciæ renuntiare ve-  
lit) dicet me absolutè impotentem  
esse ad non ambulandum, ex eo  
quod fortè ex aliquo motiuo vehe-  
mentissimè ad ambulandum incli-  
ner? Certè si rationis vsus, volun-  
tas, & potentia gressiua in me inte-  
gra perseuerant, nullus sanæ men-  
tis potest idipsum contendere. Ma-  
neat ergo, argumento Iansenij nil  
ad propositum concludi: siquidem  
eandem

eadem via sustinemus, sub quocumque motu concupiscentia, itante rationis usu & obligatione resistendi, manere in voluntate istam indifferentiam quoad posse consentire & dissentire.

Et ex hoc evanescunt omnes eius potius Rhetoris exclamationes, quàm Theologi probationes.

**PRIMO EXCLAMAT.** *Quid alioquin causa est, ut magis pulsati quàm vacui temptatione peccemus? Dico in causa esse, non quia potestas non peccandi desit, sed quia voluntas ad bonum sensibile temptationis tam proclivis est, ut potius eligat voluntariè cedere, quàm cornu lux potestatis viriliter dimicando exerere. Dicitur incontinens (inquit Sanctus Thomas) vinci à passionibus, in quantum earum impulsui voluntariè cedit: non quasi ipsa passiones necessariò immutent.*

**SECUNDO EXCLAMAT.** *Quid sibi vult lucta tantò difficilior, quantò temptationis motus est violentior. Dico in causa esse non quasi deficiat potentia ad resistendum, sed quia adeo vehementer est inclinatio, quàm tentatio excitat. Cupiditas (inquit Sanctus Thomas) dicitur cogens propter vehementiam inclinationis cui tamen potest resisti, licet cum difficultate.*

**TERTIO EXCLAMAT.** *Ut quid dicit Apostolus unumquemque tentari à concupiscentia sua abstractum & illethum? Dico in causa esse, quia concupiscentia reuera abstrahit à bono incommutabili & allicit ad bonum commutabile: neutrum ex necessitate sed utrumque ex libertate. Potest enim voluntas (inquit Sanctus Thomas) concupiscentia non consentire.*

**QUARTO EXCLAMAT.** *Ut quid dicitur ab eius coapostolo lex peccati, nisi quia (ut Augustinus exponere solet) periculosissimis moribus iubet & quodammodo cogit ut peccet? Dico cum Divo Thoma ad illum locum, quòd*

ideo fomes seu concupiscentia dicitur lex peccati, quia habet similes effectus legis: sicut enim lex inducit ad bonum faciendum, ita fomes inducit ad peccandum? Et quod Augustinus vocet istam inductionem, quasi inssionem & quodammodo coactionem: hoc apertissimè est pro nobis. Nam si quodammodo tantum cogit, non cogit absolutè, sed potest illi resisti licet cum difficultate, inquit Sanctus Thomas.

**QUINTO EXCLAMAT.** *Ut quid denique recentiores ipsi profitentur temptationibus grauibz sine gratia adiutorio, difficillimum resistere?*

**DICO** hoc eos verissimè profiteri; nam licet difficillimum sit imò & impossibile impotentia consequente, sine gratia adiutorio, graui temptationi resistere; fatentur tamen omnes, tempore temptationis, potentiam absolutè resistere posse potentia antecedente: & hoc vno ex duobus modis, vel ex proprijs viribus, vel ex gratia dante posse, semper tamen quantum est ex parte Dei parata: iuxta illud primæ ad Corinthios decimo, *fideliis autem est Deus qui non patietur vos tentari ultra id quod potestis.*

Si autem à me querat Iansenianus, quidnam ex his duobus tenendum iudicem; Respondeo primum, utpote doctrinæ D. Thomæ conformius. Itaque dico, quòd licet nunquam contingat de facto, quòd homo vincat grauem temptationem sine adiutorio gratia, quod est, esse victoriam illam sine gratia impossibilem impotentia consequente; tamen sine gratia & ex proprijs viribus habet potentiam antecedentem ad cuiusvis grauis temptationis victoriam, diuini, & ex motu honesto naturali. Dixi diuini, quia ad omnem grauem temptationem collectiue gratiam desiderari etiam tamquam dantem

posse, non ambigo. Dixi ex motu honesto naturali; quia ad Vincendam etiam quamlibet leuem ex motu honesto supernaturali, gratiam per modum potentie antecedentis desiderat fides Catholica contra Pelagianos.

Præcipuum istud, nempe gratiam tamquam dantem posse, non desiderari ad victoriam cuiusvis grauissimæ tentationis diuini & ex motu honesto naturali, sed potius hominem hoc posse seu illam potentiam antecedentem habere ex proprijs viribus, mihi constans est ob rationem supra factam. Nam dum tentatio non absorbet iudicium rationis, sed tantum obscurat, nihil obstat, quominus intellectus ex naturali virtute possit voluntati proponere, passionem seu tentationem, non esse sequendam; ac proinde & voluntas potest eadem naturali virtute illud dictamen sequi & sic tentationem repellere & ex consequenti adest potentia antecedens ad victoriam illius. Est doctrina expressa Diui Thomæ Prima Secundæ, quæstione decima, articulo tertio, ad secundum. *Cum in homine* (inquit) *duæ sint naturæ, intellectualis scilicet & sensitua; quandoque quidem est homo aliqualis vniiformiter secundum totam animam: quia scilicet vel pars sensitua totaliter subicitur rationi, sicut contingit in virtuosus: vel e conuerso ratio totaliter absorbetur à passione, sicut accidit in amentibus: sed aliquando etsi ratio obnubiletur à passione, remanet tamen aliquid rationis liberum: & secundum hoc potest aliquis vel totaliter passionem repellere, vel saltem se tenere ne passionem sequatur. In tali enim dispositione, quia homo secundum diuersas partes animæ diuersimodè disponitur, aliud ei videtur secundum rationem & aliud secundum passionem. Quasi apertè indicans quòd ratione tantummodo obscura-*

ta, possit intellectus iudicare, aut bonum rationis esse sequendum, omissa passione, aut bonum passionis, posthabita ratione: in quo iudicio ipsa potestas voluntatis antecedens fundatur.

Quibus hoc accedit, quòd quando Diuum Thomam supra docentem, <sup>Sopra l. i. cap. 17.</sup> audiuius, esse hæresim Manichæam, asserere, non posse hominem virtute naturali vitare omnia peccata mortalia diuini; profecto Sanctus Doctor loquitur omnino absolute & sine vlla restrictione, de vitatione cuiuscunque peccati, etiam in præsentia cuiuscunque tentationis: ergo sentit in tali calu, etiam virtute naturali, peccatum huiusmodi, ad quod grauis tentatio inclinat, posse vitari saltem potentia antecedente.

NEC VALET opponere: quòd potenti per modum actus primi in aliquem actum, debitum est auxilium, quo aliquando applicetur ad illum: qua ratione igni ad calefaciendum, homini ad ambulandum, & sic de alijs, debetur concursus: quia, nempe ad prædictas operationes habent potentiam per modum actus primi sufficientem. At potentia antecedens, est potentia per modum actus primi sufficientis ad actum: ergo si homo lapsus illa gaudet ex proprijs ad victoriam grauis tentationis; debetur ei auxiliū efficax, quo aliquando de facto applicetur, vt graui tentationi resistat: & ex consequenti tale auxilium vtpote debitum, specialis gratia non erit, sicque nec desiderabitur gratia vt det potentiam consequentem.

NON VALET ( INQVAM ) sic opponere: nam distinguo maiorem: si potentia sit facilis, expedita & magis inclinata ad actum, quàm ad eius oppositum, concedo maiorem: si impedita, difficilis & magis pro-



propensa in oppositum; nego maiorem: & sub eadem distinctione minoris, nego consequentiam: quia potentia per modum actus primi competens homini ad grauis tentationis victoriam, non est facilis seu expedita; sed difficultatibus plena, & aliàs magis ad succumbendum, quàm ad resistendum propensa. Ex quo etiam collige, difficultatem esse antecedentem; impotentiam verò, non nisi consequentem. Sic communiter Thomistæ ad quæstionis centesimæ nonæ, Primæ Secundæ articulum tertium. Estque exemplum in eorum doctrina à sensu contrario, in auxilio requisito ad aliquando bene moraliter operandum, nec non in auxilio requisito ad aliquando bene operandum supernaturaliter supposita, gratia iustificante. Huiusmodi namque auxilia in sententia Thomistica debita sunt & non sunt speciales gratiæ, quia tam pro aliquo opere bono morali verbi gratia, facili, quàm pro aliquo opere bono supernaturali supposita gratia iustificante, extat in homine potentia non qualitercumque potens, sed insuper expedita, facilis & proportionatè inclinans ad illa opera: cum igitur à sensu contrario, extet quidem pro victoria grauis tentationis, in homine potentia antecedens, non tamen facilis, aut expedita, sed mille difficultatibus plena, & aliàs magis ad succumbendum quàm ad resistendum propensa; fit consequens, auxilium ad aliquando vincendam grauem tentationem ei non deberi: sicque semper verificatur, gratiam desiderari vt det potentiam consequentem, licet ex proprijs viribus verum possit adfit per modum potentie antecedentis.

Et per hoc tandem patet ad id quod vltimò Iansenius exclamat. *Vt quid grauissimi peccatores (inquit) to-*

*tis medullis flagrante libidinis motu clament, se voluntatis infirmitate non posse non cedere, & eos verum dicere, non semel Augustinus docet?*

Respondeo & ego, huiusmodi peccatores verum dicere: frequenti namque vsu dicimus (inquit Anselmus) nos non posse aliquid, non quia nobis est impossibile, sed quia sine difficultate non possumus. Vel dic aliter, eos dicere, se non posse; quia nimirum, non possunt potentia consequente; licet aliàs possint potentia antecedente.

## C A P V T VIII.

*Soluitur octaua ratio eiusdem, ex eo quod sequatur, omnes habitus & consuetudines animi, siue bonas, siue malas directè repugnare libertati.*

**O**CTAVO ARGVIT ibidem. *Nam sequitur omnes habitus & consuetudines animi siue bonas siue malas, directè repugnare libertati. Probat assumptum. Quia directè repugnant indifferentiæ: siquidem proprium habituum munus est facilitare & inclinare in vnam partem. Tum etiam, quia ea de causa non veretur Augustinus huiusmodi consuetudines seu habitus malos multis suorum scriptorum locis peccandi necessitates & iacturam libertatis vocitare. Quod non est aliud, quàm si clavis verbis diceret, indifferentiæ interitum: affligit enim ad alteram partem necessitas.*

**N**EC HIC DICI POTEST, habitus diminuere dumtaxat aut tollere indifferentiam contrarietatis, hoc est boni & mali, non autem contradictionis, hoc est agendi, & non agendi.

**NAM CONTRA HOC** instat

Z 4 sic.

Tomo  
3. lib. 7.  
ca. 14 §.  
Tertio  
sequitur

sic. Quamuis verum sit, immediatè per habitus primam indifferentiam tolli, mediatè tamen etiam secunda diminuitur, nonnunquam tollitur. Et postea. Habitus malus non solum impotentiam adducit operandi boni, quod ei contrarium est, quasi solam contrarietatis indifferentiam tolleretur; sed potentissimè creberrimeque viget, ad operandum malum, ut ab eo abstinere non sit liberum, nec salua maneat indifferentia contradictionis, quæ ante habitum fuit.

RESPONDEO argumentum hoc iam ex doctrina præcedentis capitis esse solutum, sicut namque ibidem ostendimus, motus concupiscentiæ etiam vehementissimos non repugnare libertati: quia licet auferant indifferentiam inclinationis, non tamen auferunt indifferentiam elicientiæ, in qua libertas consistit; ita pariter manifestum esse debet, habitus siue bonos siue malos etiam intensissimos, minimè libertati repugnare, quia non auferunt indifferentiam elicientiæ, licet auferant indifferentiam inclinationis. Habitus bonus inclinat quidem potentiam ad bonum, sicut habitus inualus ad malum; neuter tamen aufert à potentia potestatem non agendi, imò nec potestatem agendi contrarium: sicque vterque relinquit vtramque indifferentiam tam contradictionis penes posse agere & non agere, quam contrarietatis penes posse agere secundum inclinationem habitus, & posse agere contra inclinationem habitus.

Et certè velle cordato viro persuadere, habitus viæ eò posse pertingere, imò & de facto aliquando pertinere, ut vtramque istam indifferentiam omnino tollant; est omnino in Philosophia monstruosum.

In primis patentissimè repugnat doctrinæ S. Thomæ, dum prima parte, quæstione octuagesima tertia, articulo primo ad Quintum sic egregiè

solutionem nostram tradit. Qualitates autem superuenientes sunt, sicut habitus & passionibus, secundum quas aliquis magis inclinatur in vnum, quam in alterum (En habitus tollit indifferentiam inclinationis ad vtrumlibet) tamen istæ etiam inclinationes subiacent iudicio rationis. Et huiusmodi etiam qualitates ei subiacent, in quantum in nobis est tales qualitates acquirere, vel casualiter vel dispositiue, vel à nobis excludere. Et sic nihil est, quod libertati arbitrij repugnet. En non tollunt libertatem, quia non tollunt indifferentiam elicientiæ: penes posse agere contrarium, illos scilicet per actus contrarios excludendo & expellendo.

Rursus Prima Secunda, quæstione quinquagesima, articulo tertio ad Secundum, audi ipsum sic loquentem. Bruta animalia (inquit) à ratione hominis per quandam consuetudinem disponuntur ad aliquid operandum sic vel aliter. Hoc modo in brutis animalibus habitus quodammodo poni possunt. Vnde Augustinus dicit in libro octoginta trium quæstionum, quod videmus inmanissimas bestias à maximis voluptatibus abstinere dolorum metu: quod cum in earum consuetudinem vertitur, domita & mansueta vocantur. Deficit tamen ratio habitus, quantum ad usum voluntatis, quia non habent dominium vtendi, vel non vtendi, quod videtur ad rationem habitus pertinere. Et ideo propriè loquendo, in eis habitus esse non possunt. Non vides hic, brutis veram & propriam rationis habitus denegari, quia carent dominio vtendi illo vel non vtendi? Quod non est aliud, quam claris verbis dicere, essentiam habitus claudere ex parte subiecti potestatem indifferentiæ penes posse agere & non agere secundum habitum: & ideo in brutis propriè non reperiri, quia illa potestate carent. Sentit ergo habitum in subiecto ratione vtente nunquam.

eo posse pertingere, vt potestatem illam auferat.

Deinde repugnat etiam ipsi Augustino & Commentatori antiquissimo Philosopho: Quod iterum probò ex Sanchio meo Thoma. Audi verba eius Prima Secundæ, quæstione quadragesima nona articulo tertio in Argumento *sed contra*. *Sed contra est* (inquit) *quòd Augustinus dicit in libro de bono coniugali, quòd habitus est, quo aliquid agitur, cum opus est. Et Commentator dicit in tertio de anima quòd habitus est quo quis agit cum voluerit*. Quibus verbis docet, iuxta mentem Augustini & Commentatoris requiri ad rationem habitus, dominium vtendi illo vel non vtendi iuxta libitum voluntatis, quando placuerit vel opus fuerit. Ad quid ergo Iansenius mihi ex Augustini mente inculcat, habitum ista potestate indifferentiæ, voluntatem priuare?

Denique monstruosa est eius doctrina, quia euidentissimam experientiam evertit & conculcat. Nonne quotidie experimur, viros etiam Sanctissimos, habitibus virtutum vndeque rectissime dispositos, posse peccare & à bono ipso defletere? Imò quoties historiarum auctoritate didicimus, ipsos de facto peccasse & deflexisse? Nescio quismam ille eremi cultor, qui tota ferme vita, virtutibus & bonis consuetudinibus affuefactus, tandem in articulo mortis defecisse traditur. Quis ergo sanæ mentis Theologo persuadebit, habitus virtutum bonos, indifferentiam ad bonum & malum quandoque tollere?

Audiamus Bernardum differentem de gratia & libero arbitrio capite quarto. *In quantum ergo regnum gratis dilatatur in tantum peccati potestas minuitur. In quantum verò minus est ad huc propter corpus mortis quod aggrauat animam, & ob necessitatem terrenam*

*inhabitationis, vtique deprimentis sensum multa cogitantem; necesse habent etiam qui perfectiores in hac mortalitate videntur (en viros habitibus virtutum ornatissimos) confiteri & dicere, in multis offendimus omnes. Qua propter orant & ipsi, sine intermissione dicentes, adueniat regnum tuum: quòd non erit vel in ipsis consummatum, quousque peccatum non solum non regnet in eorum mortali corpore, sed nec sit omnino, nec esse possit in immortalis iam Corpore. Nonne hoc est, absque vlla, prorsus nube obscuritatis fateri, hominem etiam Sanctissimis moribus habituatum, quamdiu est in hac mortali vita, posse peccare & à bono defletere? Manet ergo (iuxta Bernardum) sub perfectissimis etiam habitibus potestas contrarietatis ad bonum & malum.*

IMO NESICIO, QVA VIA ab errore còtra Tridentinum Iansenius hic excusari possit. Sessione sexta capite duodecimo sic aperte statuit. *Nemo quoque, quamdiu in hac mortalitate viuatur, de arcana Diuina prædestinationis mysterio vsque adeo presumere debet, vt certò statuat, se omnino esse in numero prædestinatorum: quasi verum esset, quòd insinificatus aut amplius peccare non possit, aut si peccauerit, certam sibi resipiscenciam promittere debeat*. En Sacrosancta Synodus pro vero non vult admittere, iustificatum amplius non posse peccare, quamdiu in hac mortalitate viuatur. Ergo sentit, nullum habitum viæ, eò inclinationis & determinationis posse pertingere, vt potestatem peccandi auferat.

Et quid quæso de indifferentia, contradictionis, seu de potestate ad agere & non agere? Nonne probata iam indifferentia contrarietatis ad malum, manet à fortiori probata, indifferentia contradictionis? Sed accipe & hoc speciale, quòd Sanctus

Thomas, communis Philosophia & insuper experientia ipsa testatur. *Habitus* (inquit Prima Secundæ, quæstione quinquagesima tertia, articulo tertio in Corpore) *diminuntur vel etiam tolluntur totaliter per diuturnam cessationem ab actu, ut patet etiam in scientia, & in virtute*. Ex quo omnino consequens fit, liberum esse ab actu habitus, siue boni siue prauis abstinere, ac proinde indifferentiam contradictionis ex vi illius non eripi, quandoquidem eum ipsum per diuturnam cessationem ab actu totaliter tolli contingat.

SED FORTE DICETVR; indifferentiam contrarietatis & contradictionis, quam Iansenius per habitum quandoque tolli dicit, non esse illam, quæ consistit in potestate agendi contrarium, aut etiam in potestate agendi & non agendi; sed aliam longè diuersam, nimirum quæ consistat in æquali propensione, seu inclinatione potentia ad vtrumlibet oppositorum; quam sanè per nonnullos potentissimos habitus, quandoque tolli, nemo inficiari potest.

RESPONDEO verbis Augustini libro de natura & gratia, capite quadragesimo septimo, *aut ego non intelligo quid dicat, aut ipse*. Vel enim in toto illo capite citato, rectè principia Scholasticorum impugnat, vel non: si non: ergo ipse non intelligit quid dicat, cum intentum eius nil aliud sit, quam principia Scholasticorum in materia libertatis non solum impugnare, sed & confundere. Si autem rectè illa impugnat: ergo necessariò loqui debet de indifferentia, prout dicit potestatem agendi & non agendi; non autem prout dicit æqualem inclinationem ad vtrumlibet. Patet ista consequentia; quia, nullus Scholasticorum libertatem constituit in illa æqualitate inclinationis ad vtrumlibet; sed in æquali

potestate agendi, & non agendi: consistans namque est cuilibet Scholastico mediocriter erudito, non solum potentissimos habitus, quandoque æqualitatem inclinationis tollere; sed tollere eam, quemlibet quantumuis infirmum, si verè habitus sit. Cum namque de essentiali ratione habitus sit, esse inclinationem potentia ad vnam partem contrarietatis, vel contradictionis, necesse omnino est per quemlibet habitum, tolli æqualitatem inclinationis ad vtrumlibet. Et ex consequenti stultum omnino foret, libertatem in tali æqualitate constituere. Constituunt ergo Scholastici illam in æqualitate potestatis agendi & non agendi, quæ cum in æqualitate inclinationis & propensionis rectissime subsistit. Si ergo Iansenius putat rectè se Scholasticorum principia impugnare, loqui debet de æqualitate potestatis agendi & non agendi, non autem de æqualitate inclinationis aut propensionis.

Dicta igitur recapitulando, fateor, quòd habitus bonus determinatè inclinans ad bonum, & similiter habitus malus determinatè inclinans ad malum, tollunt indifferentiam inclinationis ad bonum & ad malum: nego autem quòd tollant indifferentiam elicientia penes posse agere & non agere. Nec contra hoc conuincit probatio ex Augustino aducta. Quod enim ipse habitum malum vocet *peccandi necessitatem*, hoc ideo est; non quia potestatem operandi bonum, aut non operandi, absolutè tollat; sed quia vehementer ad malum inclinat, quando in subiecto radiationem obtinuit. Rursus quando eundem vocat *iacuram libertatis*; non loquitur de libertate, prout dicit potestatem indifferentem agendi & non agendi, seu (ut inquit Sanctus Thomas) *quæ sequitur naturam potentia*; sed de libertate, prout di-

In 2. ad  
Annib.  
dist. 25.  
q. vni.  
ar. 4. m  
Culp.

cit inclinationem, seu quæ est ex habitu ipsam perficiente.

## CAPVT IX.

Soluitur nona ratio eiusdem, ex eo quod sequatur, meritum bonum & malum eò minus esse, quo quis efficacioribus gratiæ motibus tractus, & in bono vel malo fixioribus habitibus radicatus fuerit.

**N**ONO ARGVIT ibidem. Nam sequitur meritum bonum & malum eò minus efficax esse ac decoloratius quò quis in bono vel malo fixioribus habitibus radicatus fuerit, vel efficacioribus gratiæ motibus tractus: grauissimum proinde peccatorum delicta esse minora, Sanctorumque actiones eò esse in promerendo præmio deterioris notæ, quò habitus aut gratiæ motus eos magis ex æquilibrio indifferentis illius libertatis extraxerint, & in alteram partem siue ad agendum, siue ad non agendum inclinauerint. Meritum enim ac demeritum ex arbitrii libertate quàm maximè ponderatur omnium hominum iudicio, non Angustini modò, sed & Scholastico, quandoquidem intereunte libertate, prorsus intereat. Necessè est igitur, ut imminuta quoque libertate, minuat, & eadem aucta, augeatur. Iam autem declaratum est, indifferentiam libertatis per quilibet quod in alterutram partem determinatè trahit, minui, & per id solùm augeri posse, quod eam ad illud libertatis ad virumlibet indifferentis æquilibrio accedere facit.

**RESPONDEO**, sequelam istius argumenti minimè concedi posse; videlicet meritum bonum & malum eò minus esse, quò quis in bono vel malo fixioribus habitibus operatur.

Est hoc directè contra S. Thomam. Secunda Secundæ, quæstione centesima, octuagesima secunda, articulo secundo ad Secundum, vbi sic habet. In statu felicitatis futura homo peruenit ad perfectum: & ideo non relinquitur locus proficiendi per meritum. Si tamen relinqueretur, esset efficacius meritum propter maiorem charitatem. Quo loco clarè supponit Sanctus Doctor, quòd maius meritum habet ille, qui operatur ex maiori seu fixiori habitu charitatis (seruata tamen indifferentia agendi & non agendi, quàm ibi supponit) quàm qui operatur ex habitu non ita firmiter radicato. Unde nego contrarium sequi, ex eo quòd Scholastici indifferentiam ad libertatem requirant. Et argumentum peccat ex falso supposito. Supponit namque, per fixiores habitus minui indifferentiam, quam Scholastici requirunt ad libertatem: cum tamen per illos solùm minuat in indifferentia inclinationis, quam Scholastici ad libertatem non requirunt. Distinctio patet ex his, quæ duobus capitibus præcedentibus diximus.

## CAPVT X.

Soluitur decima ratio eiusdem, eo quòd sequatur, nullum consilium ut consilium, à beatis liberè impleri.

**D**ECIMO ARGVIT. Nam videtur sequi, etiam nullum consilium, ut consilium, à Beatis cum indifferentia libertatis impleri. Assumptum probat: non enim liberum est beatis mentibus, Dei consilium de meliori bono prætermittere. Quod iterum probat tripliciter.

**PRIMO** Quia deest illis torpor agendi, deest ille negotiorum vel circumstantiarum concursus, qui nos subinde perplexos & à consilijs adimplendis auersos tenet, quamuis ea spectatis omnibus circumstantijs, Deo gratiora esse cognoscamus.

**SECUNDO.** Etenim si hoc quod omnibus consideratis, optimum ad agendum esse dicat veritas, quam clarè vident, possent pratermittere; in quo quæso id pratermittendum esse cernent, nisi rursus in ipsa incommutabili veritate? Non autem dicat veritas hoc optimum esse ad omittendum, sed agendum: Ad agendum igitur adstricti sunt & ad non agendum non sunt liberi.

**TERTIO.** Nam immobiliter stante finis intentione, fieri non potest quin electio medijs consequatur: ergo si finis optimo excellentissimoque modo intendatur, sicut intenditur à beatis, necesse est aptissimi medijs electionem sequi. Tunc ultra; sed nullum aptius eo esse potest; quod aptissimum esse consulentibus responderet æterna veritas: hoc igitur non possunt pratermittere.

**RESPONDEO** nos suprà fusè ostendisse, Christum quantumvis impeccabilem: cum vera equidem indifferentia libertatis, adimplesse, præcepta: ac proinde à fortiori dici debet, beatas quoque mentes cum vera indifferentia adimplere consilia: cum respectu subiecti impeccabilis, tam vrgens ratio non sit in consilijs sicut in præceptis: siquidem ex omissione consilij nõ sequeretur peccatum: sicut sequitur ex omissione præcepti.

Vnde ad formam argumenti negò sequelam. Ad probationem, quia non est liberum beatis mentibus Dei consilium pratermittere, nego absolutè hoc ipsis non esse liberum. Licet namque rem cadentem sub consilio, formaliter prout est consilij, seu prout est Deo gratior, faciant necessita-

te infallibilitatis seu consequentiæ ratione perfectissimæ conformitatis suæ voluntatis cum Diuina; non tamen eam faciunt necessitate absoluta, seu tali quæ destruat potestatem omittendi illam rem absolutè & secundum se. Et hoc ex eo manifestum esse potest, quòd opera consilij ex parte rei volitæ (vtpote versantia circa Diuinam bonitatem vt est ratio diligendi creaturas) non proponuntur voluntati beati vt habentia necessariam connexionem cum vltimo fine clare viso: ac proinde ad sui executionem non incesitant, sed potius absolutam indifferentiam relinquunt, sicut & quodlibet aliud medium non necessariò cum fine amato connexum. Estque hoc ipsum expressa doctrina Diui Thomæ prima parte, questione decima nona, articulo tertio in Corpore. Ea (inquit) quæ sunt ad finem, non ex necessitate volumus, volentes finem, nisi sint talia, sine quibus finis esse non potest. Sicut volumus cibum, volentes conservationem vitæ, & namque volentes transire. Non sic autem ex necessitate volumus ea, sine quibus finis esse potest, sicut equum ad ambulandum, quia sine hoc possumus ire: & eadem ratio est de alijs. Ex quo etiam infert: quòd cum bonitas Dei sit perfecta & esse possit sine alijs, cum nihil ei perfectionis ex alijs accrescat, sequitur quòd alia à se Deum velle, non sit necessarium absolutè. Cum igitur opera consilij velentur circa bonitatem creatam, vel circa Diuinam vt est ratio bonitatem creatam diligendi, quæ prout sic inuoluit aliquid secum non necessariò connexum; consequens etiam esse debet quòd beatum huiusmodi opera velle, non sit necessarium absolutè sed solum ex suppositione quòd Deo gratiora sint & hic & nunc ipsi placeant: licet aliàs possint absolutè non placere. Nec contra hoc vrgent proba-



probationes inductæ.

**NON PRIMA.** Nam quod beatis mentibus desit torpor agendi & concursus ille negotiorum subinde à consilijs adimplendis auertens; hoc solum arguit necessitatem infallibilitatis seu consequentiæ, quatenus videlicet ita expediti ab omnibus impedimentis, nunquam consilia de facto prætermittent; non autem quod absolute prætermittere non possint. Sicut namque nos ratione illius torporis & negotiorum concursus, non ita necessitatur ad consiliorum omissionem quin illa absolute adimplere possimus, ita à sensu contrario beatae mentes propter carentiam horum, non ita necessitantur ad consiliorum executionem; quin illa absolute possint prætermittere. Et ratio à priori est: nam torpor agendi & concursus negotiorum non se tenent ex parte actus primi seu virtutis agendi, tamquam illam immutantia; sed solum ex parte actus secundi seu actualis operationis, tamquam causantia impotentiam consequentem, quominus iusti in statu viæ illa continuo adimpleant sicque à sensu contrario, quando torpor ille & concursus negotiorum defunt, sicut contingit in beatis; solum inferunt infallibilitatē potentiae consequentis in consiliorum executione, relinquuntque omnia requisita ex parte actus primi, tam iudicium intellectus quam facultatem voluntatis, omnino indifferentia, sicut reuera bonitas illorum operum, non necessariò cum ultimo fine connexa, exposcit.

**SECUNDA PROBATIO** etiam est inefficax: nam dico, quod beati etiam in ipsa increata veritate vident, se illud opus absolute posse prætermittere. Ad quod sane non requiritur, quod veritas illud de facto dicat omittendum, sed sufficit

quod licet de facto dicat faciendum, dicat tamen faciendum, non necessariò, sed liberè. Sic enim dicitur, ut possibile omitti. Et certè si probatio aliquid conuincit; non solum conuincit, nullum consilium impleri à beatis cum indifferentia, verum nec vllum opus bonum: quod tamen apertè est contra Diuum Thomam. Qui sicut de Deo dicit, *quod bona quæ facit potest non facere*, & de Christo, *quod poterat hoc vel illud bonum facere & non facere*; ita indubiè id ipsum sentit de quolibet beato; nimirum quod multa bona facit, quæ tamen potest non facere: & ex consequenti, quod non omnia faciat absque indifferentia. Quod autem contrarium huius conuincat probatio, si aliquid conuincit; probò manifestè: Nam (teste eodem Diuo Thoma questione vigesima tertia, de veritate, articulo octauo in Corpore) *voluntas beatorum, qui sunt in continua contemplatione Diuinae bonitatis, & ex ea regulant omnes suas affectiones, utpote plene cognoscentes vnusquisque desiderandum ordinem ad ipsam, conformantur Diuinae voluntati in quolibet suo volito: omne enim quod sciunt Deum velle, volunt absolute & sine aliquo motu in contrarium.* Quibus verbis docet, beatos, utpote in continua Diuinae bonitatis contemplatione existentes, regulare omnes suas actiones iuxta ea quæ Deus vult, & quæ sciunt ipsum velle, ac proinde nil facere, nisi quod aeterna veritas dicat esse faciendum. Si ergo ea de causa Iansenius putat esse consequens, nullum opus consilij fieri à Beato absque indifferentia; quia nimirum aeterna veritas dicat, quodcumque esse optimum ad faciendum, non ad omittendum: pariter consequens esse debet, nullum opus bonum fieri à Beato absque indifferentia, siquidem quodlibet dicat veritas, esse bonum ad faciendum,

In 2.  
dist. 25.  
q. 1. art.  
1. ad 2.  
q. 29. de  
veritate  
ar. 6. ad  
1.

dum, non ad omittendum.

TERTIA quoque probatio deficit: nam distinguo antecedens ex doctrina Sancti Thomæ, quæstione decima nona prima partis, iam tradita & citata. *Immobilitate finis intentione, fieri non potest, quin electio medijs consequatur*; distinguo, si medium sit talis conditionis, ut finis sine illo esse non possit, concedo antecedens: si potius vice versa, ita ut sine illo esse possit; nego antecedens. Et distinguo consequens eodem modo: Ergo si finis, optimo excellentissimq; modo intendatur, necesse est, aptissimi medijs electionem sequi; distinguo: si illud aptissimum de necessitate sit aptissimum, ita ut illud aptius esse non possit; concedo: si tantum de facto sit aptissimum, ita tamen ut aptius esse possit; nego. Itaque dico, Beatos optimo quidem excellentissimoque modo finem ultimum clarè visum intendere: cæterum media quæ æterna veritas de facto & ex vi ordinis statuti dicat esse aptissima, non sunt aptissima absolute, ita ut aptiora esse non possint, si ipsi veritati placerent; sed tantum sunt aptissima; quia iuxta ordinem statutum, de facto tamquam aptissima sunt electa. Et ex consequenti voluntas Beati intendens necessariò illum finem, non necessariò eligit illa media, necessitate absolute, sed solum ex suppositione, quòd tamquam aptissima sint à Deo ex vi statuti ordinis electa. Principium cui ista solutio innititur, nimirum media illa, quæ Deus de facto elegit, tamquam aptissima ex vi statuti ordinis, non esse aptissima absolute, ita ut illis aptiora esse non possint, expressè traditur à Sancto Thoma in Primo ad Annibaldum, Distinctione quadragesima quarta, quæstione unica, articulo tertio, his verbis: *Modus quo Deus facit res, potest intelligi dupliciter.*

*Uno modo ex parte illa qua operatio exit ab operante: & sic non potest Deus meliori modo facere res, quam facit: quia modus ille sequitur bonitatem & sapientiam facientis, qua est infinita. Alio modo ex parte facti: & sic absolute loquendo, Deus potest facere res meliori modo quam facit, quia potest eis meliorem modum essendi tribuere: sed ex suppositione Divini ordinis, qua unicuique finem certum præfixit, non potest fieri meliori modo. En ubi docet Deum posse facere seu eligere absolute meliora seu aptiora, licet ex suppositione statuti ordinis optima seu aptissima elegerit.*

## C A P V T XI.

*Soluitur Argumentum eiusdem, confectum ex autoritate Magistri Sententiarum.*

P V T A T IANSENIVS Magistrum sententiarum suæ opinionis ita clarè & apertè favere, ut non nisi obtorto collo, imò glossis textui apertè repugnantibus aliò torqueri queat.

PRIMO: quia in Secundo, Distinctione vigesima quinta, docet liberum arbitrium dici liberum, quia necessitatis, hoc est coactionis immune est. *Si diligenter* (inquit) *inspicatur, liberum videbitur dici arbitrium, quia sine coactione & necessitate valet appetere vel eligere, quod ex ratione decreverit.* En ubi libertatem arbitrij, in eo solum collocat, quòd sine coactione possit eligere quod decrevit.

SECUNDO: quia voluntarium & spontaneum, liberum atque voluntarium in rationali creatura confundit, imò idcirco liberam esse tra-

To. 3.  
li. 6. ca.  
10.

dit:

dit: quia voluntario spontaneoque motu fertur in obiectum suum. *Liberrum ergo dicitur arbitrium, quantum ad voluntatem, quia voluntarie moueri, & spontaneo appetitu ferri ad ea potest, quae bona vel mala indicat vel indicare velit.* Non ergo Magister Sententiarum indifferentem requirit potestatem, sicut nos requirimus.

RESPONDEO, nullius esse momenti similia, & sufficienter à nobis esse explicata supra libro tertio, dum in Sancto Thoma easdem propositiones inueniri, & Vincentio minime fauere ostendimus. Et certe, vt Lector quilibet videat, quam futiliter Magister Sententiarum pro Ianseniana libertate adducatur; perpendat tantum has duas propositiones, quas in eadem Distinctione vigesima quinta habet: quae sine ulla prorsus falsitate sunt tenoris sequentis.

IN PRIMA sic loquitur. *Potestas ipsa & habilitas voluntatis, quam supra diximus esse liberum arbitrium, libera est ad vtrumlibet: & quare? Quia liberè (inquit) potest moueri ad hoc vel ad illud.* Nonne hoc est euidenter fateari, voluntatem pro tanto esse liberam, pro quanto est indifferens ad vtrumlibet, seu pro quanto potest moueri, ad hoc vel ad illud? Et ex hoc statim infer: *Liberrum ergo dicitur arbitrium, quantum ad voluntatem, quia voluntarie moueri & spontaneo appetitu ferri ad ea potest quae bona vel mala indicat, vel indicare velit.* Vbi ista verba, *voluntarie moueri & spontaneo appetitu ferri*, non debent sumi (vt ineptissimè sumit Iansenius) pro puro voluntario, seu praeciso ab indifferentia; sed prout cum indifferenti voluntate coincidunt. Siquidem eo sensu sumi debent, quo cum praecedentibus conueniunt: in praecedentibus autem aperte est mentio de voluntate indifferenti. Ergo sic, &

non aliter sumi debent; nisi velis non solum oborto collo ea trahere; sed & à propria intentione sui Authoris diuidere & alienare.

SECUNDA PROPOSITIO adhuc est euidentior; *Hoc autem sciendum est (inquit) quod liberum arbitrium ad praesens vel ad praeteritum non refertur; sed ad futura contingentia.* Quod enim in praesenti est, determinatum est, nec in potestate nostra est, vt tunc sit vel non sit quando est: potest enim non esse vel aliud esse postea: sed non potest non esse dum est, vel aliud esse dum est, id quod est. Sed in futuro, an hoc sit vel illud, ad potestatem liberi arbitrii spectat. Nec tamen omnia futura sub potestate liberi arbitrii veniunt, sed ea tantum, quae per liberum arbitrium possunt fieri vel non fieri. Quid disertius, quid expressius, quid manifestius dicere potuit? Sola illa futura (inquit) sub potestate liberi arbitrii veniunt; quae per ipsum fieri possunt vel non fieri. Nonne hoc est dicere, solos illos actus esse nobis liberos; quos possumus facere & non facere? Quo ergo fundamento, iuxta mentem eius, dicuntur ad liberam voluntatem pertinere etiam illi actus, quos tali necessitate elicit, vt non elicere sit omnino impossibile? reuera quando hæc & similia in Magistro occurrunt; plus gestit animus, durum caput aduersariorum admirari, quam ad obiecta respondere.

SED INSTAT Iansenius, se ea de re minimè dubitare: videlicet illa tantum sub potestate liberi arbitrii venire, quae per liberum arbitrium possunt fieri vel non fieri. At inter ea (inquit) quae à libero arbitrio possunt fieri vel non fieri, in primis est ipsum velle, siue firmiter & obstinate, siue haesitante velit.

RESPONDEO, inter huiusmodi res, minimè posse numerari illud velle, quod ita per liberum arbitrium fit,

fit, vt non fieri non possit. Si enim tali necessitate, per arbitrium fit ita vt non fieri non possit; qualiter inter ea annumerabitur *que per liberum arbitrium possunt fieri vel non fieri*? Nisi velis eandem rem, non posse à voluntate non fieri, & rursus posse ab illa fieri & non fieri: quæ sanè contradictoria sunt, ac proinde à quolibet intellectu benè disposito, quàm longissimè releganda.

Quæso lector, hæc monstra Ianseniani discursus compone. Vell amoris beatifici, tale est, vt à voluntate beati non possit non fieri, & rursus; huiusmodi posse inter ea est, quæ à libero arbitrio possunt fieri vel non fieri. Si non potest non fieri; quomodo inter ea, quæ possunt non fieri, computabitur?

## CAPVT XII.

*Soluitur Argumentum eiusdem, confectum ex autoritate Alexandri de Hales.*

**E**X ALEXANDRO HALEN-  
SE etiam arguit. Siquidem ille tanta luce, firmitate, fiducia Iansenianam libertatem tradit, vt contraria tunc temporis prorsus inaudita fuisse videatur: quod non aliter probat quàm adducendo plura loca, in quibus Alensis affirmat *libertatem naturæ liberam esse à coactione*; vel, *liberum dici arbitrium secundum quod non cogitur*.

RÉSPONDEO illa verissima esse, sed communi nostræ sententiæ minimè contrariari, vt suprà ex Diuo Thoma ostendimus. Iam verò doctissimum hunc virum etiam aperto Marte doctrinam nostram tradere; ita mihi euident est, vt sine menda-

cio negare hoc non possit, quicunque eius scripta veraciter legit.

IN PRIMIS camus ad Secundam eius partem, quæstione septuagesima tertia, membro secundo, articulo secundo, vbi querit vtrum sit bona illa definitio liberi arbitrij; quæ Augustinus dixit, *quod est facultas rationis & voluntatis, qua bonum eligitur gratia assistente & malum ea desistente*. Sic ergo tertio argumento contra illam obijcit. *Facultas voluntatis & rationis* (inquit) *conuertitur cum libero arbitrio*: ergo *superfluum est illud*, quod additur, *qua bonum eligitur &c.* Quid Putas Halensem hic respondere? An nè sicut diceret Iansenius; concedo absolute; quod facultas voluntatis & rationis cum libero arbitrio conuertitur? Nihil profecto minus, quàm hoc: *duplex* (inquit) *est facultas voluntatis & rationis. Est enim quedam facultas voluntatis, naturalis, quæ est determinata ad vnum tantum, & ista non conuertitur cum libero arbitrio. Est alia facultas voluntaria quæ se habet ad opposita: & hæc conuertitur cum libero arbitrio, & hæc determinatur per hoc quod sequitur, qua bonum eligitur &c.* Estne hoc docere quod naturalis determinatio voluntatis ad vnum, etiam spectat ad libertatem arbitrij, sicut non semel sed forte centies inculcat Iansenius? Nonne apertissimè ad libertatem requirit, non quancumque facultatem voluntatis & rationis; sed illam quæ est potestas indifferens ad opposita? Certè nec nitidius, nec verius, nec expressius potuit Iansenianum dogma inculcare.

Rursus membro tertio, articulo quinto docens, qualiter Philosophi peruenierint ad notitiam liberi arbitrij, & qualiter non peruenierint? distinguit liberum arbitrium secundum duplicem considerationem: & quatenus est pura facultas ad opposi-

ta, & quatenus est principium meriti huiusmodi facultas. Afferitque secundum primam considerationem Philosophos liberum arbitrium nouisse, minime autem quoad secundam. Et si forte dicatur, quid hoc ad rem, quis hoc neget? Audi ulterius qualiter ex ipsa doctrina Augustini, in nullo alio naturalem libertatem colloquet, quam in facultate rationali ad opposita. Dicendum (inquit) quod liberum arbitrium dupliciter potest considerari. Vno modo secundum quod tangit Augustinus in libro yponosticon, ut arbitrium dicatur ab arbitrando rationali consideratione vel discernendo quid eligat, quidue recuset; liberum autem, eo quod in sua sit positum potest ut, habens agendi quod velit possibilitatem, & secundum hoc poterant Philosophi peruenire ad intentionem liberi arbitrij: hoc enim nihil aliud est, quam potestas rationalis ad opposita. Ecce qualiter liberum arbitrium, prout est res nature etiam nota Philosophis, nil aliud sit, quam potestas rationalis ad opposita: & (ut vides) probat hoc ipsum ex verbis Augustini, dum dicit, habens agendi quod velit, possibilitatem. Quid ultra vis Iansenij ab Halensi, imò & quid ab Augustino? Si nihil aliud ex horum mente est naturalis libertas, quam potestas rationalis ad opposita ubi est illa lux, illa firmitas, illa fiducia, qua tuam libertatem etiam ad vnum determinatissimam, eos tradere iactitas?

Deinde quæstione septuagesima quarta, membro secundo, non semel, sed tribus vicibus dilucide, planissime Philosophiam communem nostram proficitur, imò & autoritate Origenis, & Damasceni confirmat.

PRIMO loquitur sic. In brutis non est potestas contradicendi naturali appetitui: homo verò habet potestatem diiudicandi naturales motus, & probandi, & reprobandi, & etiam contradicendi na-

turali appetitui. Et ideo (ò quam Scholastice!) est liberi arbitrij. Si ideo est liber, quia habet potestatem contradicendi, & bruta ideo non sunt libera, quia huiusmodi potestate carent; quomodo fateri potest huiusmodi potestatem non esse de essentia libertatis? Et hoc est (prosequitur) quod dicit Origenes. Habet amplius ceteris animalibus homo vim rationis, qua diiudicare & discernere de motibus naturalibus possit, & alios quidem reprobare & abijcere, alios probare & suscipere. Item Damascenus &c. En Origenem & Damascenum, communis nostre Sententiæ socios adiungit.

SECUNDO in solutione ad Primum, hæc habet clarissima & absque ulla prorsus nubecula. Dicendum quod appetere vel non appetere, impetum facere vel non facere, non sufficit ad libertatem, sed flexibilitatem. Sed ad libertatem exigitur (audi qualiter sit de essentia) quod ista fiant ex ratione scilicet prius deliberante: unde licet alia creature irrationales possint appetere vel non appetere; tamen post cognitionem determinantur earum appetitus ad vnam partem. Quasi apertè docens, irrationalia libera non esse defectu indifferentiæ iudicii, ad libertatem essentialiter exactæ, sicut nos continuò ex doctrina Sancti Thomæ inculcavimus.

TERTIO ad Secundum sic fatetur. Postquam homo cognouit esse bonum; adhuc in ipso est conuerti vel non conuerti ad illud bonum, & hæc flexibilitas pertinet ad libertatem. Quid breuius? Quid verius?

Sed si ista non sufficiant; progrediamur ulterius ad tertiam partem, quæstione decima quarta, membro primo. Conatur ibidem ostendere, qualiter impotentia peccandi in Christo libertatem eius meritoriam non destruxerit: sed reuera omnino iuxta nostram, non Iansenianam Phi-

losophiā. Audi differentem breuiter, sed irrefragabiliter. *Simpliciter* (inquit in fine membri) *cooperatur ad meritum potentia libertatis arbitrij*: sed qua ratione Alexander? An nē vt docent Iansenitæ, prout est ad vnum determinata? Non sed *secundum quod est ad faciendum vel non faciendum, seu faciendi & non faciendi*. Nonne hoc est Iansenitis sole clariis contradicere, & nobiscum in indifferentiæ libertate consentire?

VLTIMO ne longior sim, in eadem tertia parte, quæstione decima sexta, membro secundo, articulo secundo ad Tertium, proponens hoc commune argumentum contra meritum Christi, *In Christo erat liberum arbitrium determinationem in bonum necessariò: cum ergo meritum attendatur penes liberum arbitrium indeterminatum: ergo Christus non potuit mereri, cum non conueniret illud sibi*. Proponens (inquam) hoc argumentum, nullius alterius solutionis meminit; quā dicendo iuxta communem doctrinam; *Si dicas bonum in vniuersali; sic erat liberum arbitrium Christi determinatum in bonum. Si dicas bonum in particulari, vt in hoc opere vel illo; sic erat indeterminatum. Et poterat hoc opus facere vel dimittere, & ideo manet indeterminatio secundum quam attenditur meritum. Est enim duplex indeterminatio liberi arbitrij, vna est inter bonum & malum, seu inter bona facere & mala facere: alia est inter hoc bonum & illud bonum, siue facere hoc & non facere*. Vtraque indeterminatio est in nostro libero arbitrio, secunda tamen fuit in Christo, sufficiens ad merendum. Et sic patet solutio ad obiectā. Quibus verbis nisi quis ipsam etiam vocum seu terminorum grammaticam negare velit, euidenter confugit ad indifferentiam contradictionis, vt meritoriam in Christo libertatem saluet: sentit ergo hanc ad istam indispenlabiler re-

quiri, & minimè sufficere id quod Iansenitæ somniant, in quolibet actu voluntatis, quantumuis determinato ad vnum reperiri.

Amice Lector, vide ex his, quæ synceritate possit Alexander de Halles ad Iansenitarum partes trahi. Imò si attentè verba eius & nostra inspexeris; videmur sanè in toto hoc opere non solum eandem doctrinam, sed & eadem omnino verba habere.

### CAPVT XIII.

*Soluitur Argumentum eiusdem, confectum ex autoritate Altissiodorensis.*

**A**DIVNGAMVS (inquit Iansenius) Guilielmum Altissiodorensē. Hic in quæstione qua querit, quid sit libertas arbitrij; sic loquitur. *Est autem triplex notanda libertas in libero arbitrio generalis, scilicet libertas necessitatis, siue à necessitate, à peccato, à miseria. Libertas à necessitate duplex est, scilicet à necessitate inenutabilitatis, & hæc libertas non est in diabolo, quia inenutabiliter peccat. Et à necessitate coactionis extrinsecæ, & hæc est in omni habente liberum arbitrium. Et explicata libertate à peccato & à miseria, subiicit: patet ergo quid sit libertas arbitrij. Significans omnino nullum aliud libertatis genus se agnoscere, vnde liberum arbitrium appellatum sit, quā libertatem à coactione.*

RESPONDEO sicut suprà diximus ad Sanctum Thomam. Quòd autem Altissiodorensis nobiscum sentiat, libertatem consistere in potestate indifferenti ad opposita; non minus euident est, quā in eadem esse sententia, Magistrum & Ale-

To. 1.  
lib. 6. c.  
23.

Suprà  
l. 3. sect. 3.



xandrum de Hales.

AD HOC SIT PRIMVS locus ex eius summa libro secundo, tractatu vigesimo secundo, capite primo, ubi supponit clarissimè, nihil esse in nostra potestate, ac proinde nec liberum, quòd vitare non possumus. *Primi motus* (inquit) *sunt in nostra potestate in singulari & non in vniuersali*, hoc est, quilibet diuini, & non omnes collectivè sunt in nostra potestate. Et qua de causa? *Quoniam de quolibet primo motu* (inquit) *potest aliquis vitare ut non veniat sed nullus potest vitare, quin aliquis primus motus aliquando veniat*. Nonne hoc est, absque ulla prorsus ratione tergiuer sandi, clarissimè communem nostram sententiam exprimere, scilicet quod pro tanto aliquid est in nostra potestate, seu nobis liberum, pro quanto id possumus vitare, fugere, vel prætermittere?

VNDE ET IBIDEM capite secundo, loquens de concupiscentia ad comedendum, in eo qui appetitu sensitiuo appetit comedere, & rationali refugit comedere; cum teneatur ieiunare, probat breuissimè huiusmodi concupiscentiam non subiacere libero arbitrio; quia non potest ratio refrenare motum ad comedendum. Et vice versa probans concupiscentiam ad cocundum, aliquo modo libero arbitrio subiacere; quia ratio (inquit) potest refrenare motum ad cocundum. Quid nitidius? Nonne fatetur, id quod libero arbitrio subiacet seu quòd nobis liberum est, talis debere esse naturæ, ut possit id ipsum à nobis refrenari seu omitti?

SED ADHVC LONGE expressius in eodem secundo, tractatu vigesimo nono, capite septimo, quæstione tertia. *Hæc dictio voluntaria* (inquit) *significat libertatem voluntatis secundum quod dicit Aristoteles, quòd voluntarium est, cuius principium est in nobis id est,*

quòd liberè possumus facere. Et si ab ipso quæras, quid sit hoc quòd liberè possumus facere? Statim & sine interno illo subiungit, *id est quod in potestate nostra est quòd faciamus vel non*. Si hoc non sit clarè loqui; nescio reuera quis qualisque sermo claritatis titulo honorari possit aut debeat. Id liberè possumus facere Iansenij, iuxta definitionem Altissiodorensis, quod in potestate nostra est, quòd faciamus vel non. Hoc profecto non est tecum sentire, quòd etiam liberè faciamus id quòd non possumus non facere. Imò & hic denotat non obscurè, in quo sensu antiqui Scholastici, liberum vacauerint voluntarium, quòd toties Iansenita nobis inculcant: non enim per hoc voluerunt intelligere voluntarium merè seu præcisè tale; sed voluntarium (ut inquit Altissiodorensis) id est, quod in potestate nostra est quòd faciamus vel non.

ULTIMO pro mente huius doctrinæ confirmanda, adijcio illud, quòd omnibus Theologis notissimum est: nempe Altissiodorensis in illa esse sententia, quòd nullus tenetur ad impossibile siue per se siue per accidens. Inquit namque in eodem secundo, tractatu vigesimo nono, cap. secundo, quæstione secunda, §. Solutio. *Quidam dicunt quòd tenetur ad impossibile per accidens: tamen dicunt quòd nullus tenetur ad impossibile per se; sed quia nobis videtur, quòd ad obiectiones quæ factæ sunt, non possunt sufficienter respondere, nobis videtur quòd nullus tenetur ad impossibile siue per se, siue per accidens*. Ex quo infert in fine quæstionis, quòd cum dicitur, *iste tenetur nunquam peccare mortaliter*, hoc verbum peccare, tenetur ibi pro futuro tantum, non pro presenti. Quia id quòd est in presenti, siue affirmatio siue negatio, iam non subest libero arbitrio. Sicut nullus tenetur non peccasse: quoniam non subest libero arbitrio. Eodem modo nullus tenetur non peccare.

care in hoc instanti, (scilicet quo peccat) quoniam non peccare in hoc instanti; non subest libero arbitrio iam. Quia nempe dum est, non potest non esse, licet hoc sit impossibile per accidens. Si ergo Altisiodorensis huius est opinionis, quod nemo tenetur ad aliquid pro tempore, quo illud non potest vitare; licet illa impotentia sit ex aliqua suppositione per accidens ipsius voluntatis; qua via quare ratione potest illi adscribi sententia, docens hominem etiam teneri ad id quod est impossibile vitari per se & absolute, sicut Iansenitas docere, ostendimus supra libro secundo?

HIS OMNIBVS accedat perspicua illa Doctrina libro tertio, tractatu primo, capite sexto, questione prima. Vbi loquens de voluntate sensualitatis in Christo, secundum quam voluit non mori; sic habet. *Voluntas sensualitatis non proprie dicitur voluntas quoniam voluntas proprie loquendo, secundum se libera est: voluntas autem sensualitatis, non est libera: sed in vnam tantum partem mouens.* En qualiter pro eodem vsurpet, voluntatem liberam & voluntatem indeterminatam; sicut voluntatem non liberam, & voluntatem in vnam tantum partem determinatam. Hæc omnia & singula ita accurate mentem Altisiodorensis in communem sententiam explicant: vt nullus prorsus dubitandi locus aut ratio maneat ambi-  
gendi.

## CAPVT XIV.

*Soluitur Argumentum eiusdem, confectum ex auctoritate Scoti;*

NEMO est veterum Scholasticorum (pergit Iansenius) post

Dium Bernardum; qui euidentius, resolutius, constantiusque summam libertatem cum necessitate summam constare posse & reipsa constare docuit; quam ille totius Scholasticæ subtilitatis Corypheus Ioannes Scotus. Hoc Autem probat ex quatuor eius articulis, quos sine ambagibus de libertate voluntatis docet.

PRIMVS EST, ille capitalis, libertatem voluntatis omnino consistere posse cum necessitate. Hæc eius sunt verba. *De secundo articulo principali dico, quod cum necessitate ad volendum, stat libertas in voluntate.* Et rationem reddit, *quia voluntas propter firmitatem libertatis suæ sibi ipsi necessitatem imponit in eliciendo actum & in perseuerando sine figendo se in actum.*

SECUNDVS est, voluntatem siue necessario siue contingenter agat, semper agere liberè nunquam naturaliter, voluntas semper habet suum modum causandi proprium scilicet liberè. Et rursum, voluntas vt voluntas, est principium actuum liberè: non magis igitur voluntas potest esse naturaliter actiua, quam natura vt est principium distinctum contra voluntatem, potest esse liberè actiua.

TERTIVS est, non solum in creaturis sed & in ipso Deo hoc habere locum, quod & ipse diligat seipsum liberrima, quamvis necessaria voluntate, voluntas Diuina necessario vult bonitatem suam, & tamen in volendo eam, est libera.

QUARTVS est, connexionem terminorum istorum, voluntas semper agit liberè, & non naturaliter, quantumvis necessario agat, tam esse immediatam & quasi primò veram, vt ne quidem eius ratio dari possit: sicut nullius essentiae ratio demonstrationis dari potest. Si queras (inquit) quomodo stat libertas cum necessitate. Respondeo cum Philosopho quarto Metaphysicæ, non est quærenda ratio eorum, quorum

quorum non est ratio: demonstratio enim principij non est demonstratio. Et multis interpositis disputans de actu voluntatis necessarii, & motu grauis deorsum, cur vnus non, alius sic liber, sic dicit. Respondeo. Illa causatio grauitatis est naturalis, ista libera, quia hoc est hoc & istud est istud. Breuiter igitur posset dici, quod esse forme & modus essendi, agere & modus agendi, sunt immediata. Ideo sicut non est alia ratio, quare hoc habet talem modum essendi, nisi quia est tale ens; sic non est aliqua ratio, quare hoc habet talem modum agendi, puta liberè vel naturaliter, nisi quia est tale principium actionum, scilicet liberum vel naturale. Nihil expressius & aptius (concludit Iansenius) excogitari potest ad explicandam suam libertatem, quam quæ in ista tota quodlibetica questione Scotus tradit.

RESPONDEO mentem Scoti supra à nobis fuisse luculenter demonstratam. Solum restat modo obiecta soluere: pro quorum solutione nota, apud quosdam antiquos & præcipuè in Schola Scoti, celeberrimum fuisse diuisionem libertatis, in libertatem complacentiæ & in libertatem contradictionis, oppositionis seu indifferentiæ. Primam tribuebant Actibus voluntatis quantumuis necessarijs, imò & actibus intellectus; secundam vero tribuebant solis contingentibus qui possunt esse & non esse. Hinc legitur in Marsilio; duplex est libertas à necessitate, vna est libertas complacentiæ, qua opponitur necessitati coactionis, qua libertate Pater liberè generat Filium in Diuinis, quia complacenter. Alia est libertas contradictionis, qua scilicet voluntas potest in hoc & in illud scilicet in eius oppositum contrarium, vel saltem in hoc & non in hoc. Hinc etiam in Thoma de Argentina; sicut Spiritus Sancti processio sic est libera quod non est contingens ad vtrumlibet sed immutabi-

lis & determinatissima; sic filij generatio sic est naturalis & necessaria, quod tamen est liberrima: non tamen libertate contradictionis, sed libertate perfectissime complacentiæ. Vterque agnoscit libertatem complacentiæ & libertatem contradictionis seu oppositiui: Primam, in actibus etiam necessarijs, secundam verò, non nisi in contingentibus ad vtrumlibet. Sed tamen quod neuter illorum ponat illam primam libertatem solius complacentiæ, esse de se sufficientem ad meritum aut demeritum, de quo nos cum Iansenitis controuertimus; hoc in sequentibus demonstrabo, vbi ad mentem ipsorum ventum fuerit.

Hoc igitur prænotato facilis, & vera est responsio ad obiecta. Scotus namque, quando in quatuor illis articulis docet libertatem cum necessitate compati, imò & summam libertatem cum summa necessitate; solum loquitur de libertate complacentiæ, non verò de libertate sufficienti ad meritum & demeritum, de qua inter nos est questio. Hanc namque, cum absoluta necessitate compati non posse, sed potius exigere potestatem contingentem ad vtrumlibet; Scoto omnino constans fuit, vt loca superius iuncta conuincunt. Non ea iterum repeto, ne prolixitate lectorem obruam, licet multa interim repetierim, sed molestia vel pertinacia potius contrariorum coactus.

QUÆRET TAMEN aliquis, vtrum illa locutio Scoti & aliorum antiquorum, qua libertatem tribuunt productioni Spiritus Sancti; sit vera seu conformis modo communi loquendi, vel non.

AD QVOD RESPONDEO ex doctrina Gabrielis Antiqui etiam Scholastici, qui punctum istud verissimè & dilucidè expressit his verbis.

Suprà  
lib. 3. c.  
lect.  
6. Sed  
quid ad  
hoc forem

Marsilius in  
2. q. 16.  
art. 2.  
notab.  
3.

Thom.  
de Ar.  
gētiā  
in 1.  
dist. 6.  
Sed con-  
tra illā  
primam  
in 1. c. 1.

Sap. II.  
3. ca. 4.  
lect. 2.  
5. 6. 1.  
quid ad  
dist. 6. m.

Gab. in  
1. dist.  
10. 3. c.  
in prin-  
cip.

considerandum est, quòd questio ista potius consistit in quid nominis terminorum, quam in re. Quoniam ( vt inquit Oyta questione septima, articulo secundo, & etiam videtur posse sumi ex dicto Doctoris Subtilis in Quodlibetica questione decima sexta, articulo primo, ubi inquit quòd in actu voluntatis Diuinæ est necessitas simpliciter : & hoc tam in actu diligendi se, quam in actu spirandi amorem procedentem &c. ) omnes concedunt, quòd Spiritus Sanctus produciatur necessario, non minus quam Filius : ita enim Spiritus Sanctus necessario est Deus sicut Filius : & ita est impossibile Spiritum Sanctum non produci, sicut impossibile est Filium non generari. Concedunt etiam, quòd productio Spiritus Sancti aliquo modo pertinet ad voluntatem. Sed nunc sunt tres termini currentes in proposita materia, scilicet naturale, liberum, necessarium. Et circa illud terminum necessarium, non diuersitas opinionum : concedentibus omnibus quòd necessarium est, quòd non potest non esse : & sic necessario produci quod non potest non producere. Sed de termino, liberum, diuersificantur : nam secundum Philosophos principium actuum diuiditur in principium actuum necessarium, & contingens potens ad opposita. Principium necessarium, dicitur naturale principium : potens in opposita est contingens sine liberum. Erit ergo idem principium naturale & necessarium ; & principium contingenter agens & liberum. Et sic accipiendo terminos ; sicut Filius, ita & Spiritus Sanctus produciatur naturaliter & non liberè, quia necessario & non contingenter. Alij verò distinguunt inter principium naturale & necessarium, similiter inter principium liberum & contingens : dicentes quodlibet principium naturale esse necessarium, sed non e conuerso : sicut quamuis omne principium contingenter agens, agat liberè ; non tamen e conuerso. Quid ergo est agere naturaliter, &

quid liberè ? Licet multi anguli quarantur, tamen finaliter dicere oportet, quòd agere liberè, est agere per voluntatem. Et ita omnis actus voluntatis, sine sit necessaria, siue contingens, dicitur libera. Et ita libertas compatitur necessitatem. Et agere naturaliter, est agere non per voluntatem : & ita nihil aliud est dicere, Filius produciatur naturaliter, & Spiritus Sanctus liberè, quam Spiritus Sanctus produciatur per modum voluntatis : Filius non. En conuenientiam in re & disconuenientiam in nomine rectissime declaratam. Sed quis iam modus dicendi conformior quibus acceptandus etiam antiquitate teste ? Primus modus dicendi ( immediate subiungit Gabriel ) est magis conformis communibus terminorum acceptionibus, secundum quem quidquid necessarium produciatur, produciatur naturaliter, & non produciatur liberè : quia non sponte, quia non potest non produci.

Hic notet diligens Lector tria.

PRIMUM : etiam antiquitate teste, rectius loqui Thomistas quam Scotistas, dum ipsi libertatis nomen actibus necessarijs absolute denegant illi verò concedunt.

SECUNDUM : adhuc ex Schola Scotica patrocinium non posse capere Iansenitas : nam licet ista actus necessarios voluntatis vocet liberos ; non tamen ea libertate, qua Iansenitæ ; nempe quæ de se sufficiens sit ad meritum aut demeritum.

TERTIUM : quòd ille terminus, spontè, etiam apud antiquos solet accipi, pro eo quod est liberè, libertate indifferentie : vt manifestè patet ex illis vltimis verbis Gabrielis ; non produciatur liberè, quia non sponte, quia non potest non produci ; quasi non spontè, idem sit ac, quia non potest non produci, seu quia nō est possibilitas ad vtrumlibet. Ex qua aduertentia mille Iansenita-

senitarum textus corrumpunt, quos hinc inde ex Sanctis Patribus & antiquis Doctoribus adducunt: præcedentes ex eorum mente solam spontaneam rationem ad meritoriam & demeritoriam libertatem sufficere, & non penetrantes, ipsos per spontaneum intellexisse, id quod voluntas agit cum potestate ad utrumlibet.

## CAPUT XV.

Soluitur Argumentum eiusdem, confectum ex autoritate Sancti Bonaurenturæ.

**S**ANCTVM ETIMA BONAVENTVRAM vsque adeo sibi patrocinarum vult, vt nihil aliud spiraret, quam veram rationem liberi in eo sitam esse, in quo ipse illam collocat.

Ex triplici capite id ipsum probat.

**PRIMO:** quia multoties vocat libertatem arbitrij, libertatem à coactione. Est considerare (inquit) libertatem arbitrij, quantum ad esse, & quantum ad bene esse: si quantum ad esse, sic vocatur à Magistro libertas à coactione. Et rursus. Libertas essentialiter liberi arbitrij, non est libertas à culpa, vel à miseria, sed libertas à coactione.

**SECUNDO:** quia varijs in locis etiam docet, quod voluntaria necessitas, quantumvis determinata seu immutabilis, libertati non repugnat. Liberum arbitrium (inquit) dupliciter potest considerari. Aut secundum quod liberum, aut secundum quod delibens. Si loquamur de ipso secundum quod liberum, sic concedo, quod potest esse non solum respectu contingentis, sed etiam necessarii: sicut patet in Deo, & in Christo,

& in Angelis, & in hominibus beatis. Cum enim duplex sit necessitas, videlicet coactionis, & immutabilitatis; necessitas coactionis repugnat libertati arbitrij, necessitas verò immutabilitatis non: pro eo quod liberum arbitrium dicitur liberum, non quia sic velit hoc vt possit vel le eius oppositum, sed quia omne quod vult, appetit ad sui ipsius imperium. Quia sic vult aliquid, vt velit se illud velle. Et ideo in actu volendi se ipsum mouet, & sibi dominatur, & pro tanto dicitur liberum, quamuis immutabiliter ordinetur ad illud. Et paulò inferius. Actus liberi arbitrij vt liberum est, non solum potest esse circa necessarium, sed etiam necessarius in se.

**TERTIO:** quia admittit actum voluntatis necessarium, esse meritorium, hoc argumento. Non est meritum siue actu liberi arbitrij: sed iste qui fecit bonum, vult se fecisse, & hoc ipso meretur, si igitur hunc fecisse bonum, demonstrato illo qui fecit, est necessarium; liberum arbitrium est respectu actus necessary etiam secundum statum meriti.

**RESPONDEO** nec de mente Bonaurenturæ posse hac in parte dubitari: si namque (vt in præcedentibus perspicue est demonstratum) stant pro communi sententia primi illius Theologiæ Scholasticæ Coryphæi. Magister Sententiarum. Alexander de Hales, Altsio dorenensis, nec non Subtilis Scotus; quid fundamenti esse potest, vt Bonaurenturam ab his separemus.

Præterea loci sunt patentissimi in illa ipsa distinctione vigesima quinta Secundi Sententiarum, quam tamen nil nisi suam sententiam spirare putat Iansenius littera. A.

**PERPENDAT** quæso lector, doctrinam eius, quam ibidem habet quæstione prima. Quærit, verum liberum arbitrium sit in solis habentibus rationem, an etiam sit in brutis animalibus. Et sic

resoluit. Absque dubio liberum arbitrium reperitur in solis rationalibus. Quod & hoc discursu probat. Illa sola potentia dicitur esse libera, quæ dominium habet plenum, tam respectu obiecti quam respectu actus proprii. Illa autem potentia dominium habet ex libertate respectu obiecti quæ non est arctata ad aliquod genus appetibilis, sed nata est omnia appetibilia appetere puta tam vile quam delectabile & honestum: quæ à solis rationalibus possunt appeti, ideo in eis solum, reperitur virtus, quæ non est ad aliquod genus appetibilis arctata: at per hoc habens libertatem respectu obiecti. Et deinde; in eis etiam solis reperitur potentia habens libertatem respectu actus proprii. Quod patet. Nam voluntas in rationalibus non solum compefcit manum exteriorem vel pedem, sed etiam compefcit seipsam & refrenat, incipiens odire, frequenter quod prius diligebat & ex sui ipsius imperio & dominio. In brutis autem animalibus, & si aliquo modo sit reperire dominium respectu actus exterioris, quæ bene refrenat aliquando; sicut patet in animalibus domesticis, respectu tamen actus proprii, interioris videlicet appetitus, dominium non est. Unde si aliquid amant, non possunt illud non amare. Ac per hoc cum non possint actum proprium reprimere, respectu actus proprii non habent libertatem. Nonne hic luce meridiana clarius apparet, Bonaventuram exigere ad libertatem actus, potestatem eundem reprimendi? Cum non possint bruta (inquit) actum proprium reprimere, respectu actus proprii non habent libertatem. Iterum; dominium (inquit) non est in eis respectu appetitus interioris; quia si aliquid amant, non possunt non amare. Estne hoc cum Iansenitis dicere, quod substituit libertas & dominium in aliquo actu, etiam si agens illum reprimere cum producat; quanta Pater & Filius producant Spiritum Sanctum?

SED PERGE LECTOR ad questionem tertiam, quæ ibidem sequitur sub littera C. *Dominium potentie* (inquit ibi in Corpore) *respectu actus est attendendum in hoc, quod potentia potest esse in actu & cessare ab actis.* Consideretur ergo potentia, quæ ita est ad aliquem actum determinata, ut nullo modo nec ex suppositione, nec absolute possit ab illo cessare, qualis est voluntas Divina respectu productionis Spiritus Sancti; diceturne ea iuxta mentem Bonaventuræ habere respectu illius actus dominium? Quod si non; ergo nec iuxta mentem eiusdem, talis potentia est in illo actu libera libertate arbitrij, quia hæc (etiam adversario teste) ex deminio pensanda est.

CONSEQUENTER ad ista, docuit in eodem secundo, distinctione septima, questione secunda littera E. bestias non habere libertatem, bene tamen Dæmones, quamvis hæc timore pænæ à maximis voluptatibus retrahantur, Dæmones autem nec timore pænæ dimittant superbire; quia habere retrahens (inquit) hoc est dupliciter, scilicet intra & extra: impetus autem qui magis repugnat libero arbitrio, est illud quod excludit retinaculum interius, non quod exterius excludit. Quoniam igitur impetus bestie excludit retinaculum intra, quamvis possit retrahi per illud extra, ideo non habet liberum arbitrium. Dæmon autem habet potentiam interiorem, per quam sine aliquo exteriori repellente potest retrahi & ideo impetus Dæmonum in malum, libero arbitrio non repugnat, sed consonat. Quasi aperte insinuans, quod liber in malo non esset, si intus vim seu potestatem non haberet, quæ se absolute posset à malo retrahere. Dixi absolute, quia quod se à malo non possit retrahere ex suppositione quod illi semel deliberata voluntate adhæserit, hoc libertati non repugnat. Ad illam nam-



Suprà  
ca. 3. 4.  
Iraque  
vult.

namque sufficit, quòd in principio actus taliter se ad malum applicuerit, ut ex intrinseca sua dispositione potuerit absolute non se applicare, si voluisset. Quod latè supra expendimus, agentes in simili de immutabilitate voluntatis Diuinæ. Unde & idem Bonaventura de Dæmone ibidem dixit, quòd duplex est necessitas, quædam à causa extrinseca, utpote necessitas coactionis, & hæc opponitur ei quod est liberè velle: quædam verò est à dispositione intrinseca (id est principium seu originem ducens ex ipsa voluntate ut voluntas est) & huic non opponitur, imò stat simul cum libertate: talis est in libero arbitrio Dæmonum, qui ita congruunt sibi malum, ut nullo modo velint ab illo separari. Non dicit, ut nullo modo possint; quia absolute potuerunt in principio, & illud posse in ratione absolute potestatis adhuc manet: sed, ut nullo modo velint ab illo separari. Quasi sola sit necessitas ex suppositione primæ liberæ voluntatis, immutabiliter tamen continuata.

CONSEQUENTER ad eadem docuit ibidem, quæstione prima, littera D. manere eandem prorsus potestatem naturalem liberi arbitrii post confirmationem, & ante, tam in angelis beatis quam obstinatis, quia licet nō maneat potestas simul ad malum & ad bonum; manet tamen potestas ad facere & non facere; quæ sola & non altera, intelligitur esse de essentia potestatis rationalis seu liberæ. Audi prius argumentum quod sibi obiecerat, ad probandum, potestatem illam naturalem per confirmationem tolli seu variari. Potestates rationales sunt ad opposita, dicit Philosophus: ergo cum potentia desinit esse ad opposita, desinit esse rationalis: sed post confirmationem, liberum arbitrium desinit esse ad opposita: ergo desinit esse rationalis potestas; sed nulla potentia ra-

tionalis potest fieri non rationalis, manens eadem: ergo &c. Audi iam responsionem. Ad illud quod obijciatur, quòd rationales potestates sunt ad opposita, dicendum; quòd verum est; sed non ad omnia opposita, sed ad aliqua: utpote ad facere aliquid & non facere, ad incidere tunicam & non incidere, ut dicit ipse Philosophus. Et hoc modo liberum arbitrium confirmatum, ad opposita esse potest: & ideo naturalis potestas est sicut ante. Nonne hoc est limpidissimè fateri, in Beatis, licet non maneat indifferentia contrarietatis, manere tamen indifferentiam contradictionis, & pro tanto in eisdem manere eandem vim seu essentiam liberi arbitrii seu libertatis? Vel ergo sibi contradicit, quod de tanto Doctore non credo; vel euidenter est pro nostra & communi sententia, exigente ad essentiam libertatis, indifferentiam contradictionis.

TANDEM consequenter ad ea omnia, docens ibidem quæstione tertia, littera C. Qualiter mala voluntas in Dæmonibus intendatur & crescat quantum ad vim administratiuam seu in comparatione ad homines; sic sibi obijcit; in nullo crescit mala voluntas, in quo non crescit demeritum, sed demeritum non crescit in Dæmone; quia non potest cuitare peccatum: ergo si necesse est Diabolum malè velle, impossibile est malam voluntatem in eo crescere. Sed iterum audi responsionem, & nil nisi nostram communem doctrinam spirat. Ad illud (inquit) quod obijciatur, quòd non potest cuitare, dicendum, quòd falsum est. Quamvis enim malitiam voluntatis non possit immutare, potest tamen cessare à nocumento quod hominibus facit. Præterea ipse induxit se in hanc necessitatem, & non penitet. Et ideo non excusatur. Nullus enim excusatur per necessitatem, nisi peniteat de inductione. En duplicem solutionem, & in vtraque brevissimè expressum, requi-

requiri ad demeritoriam libertatem, vel potestatem cessandi a malo, vel si adsit impotentia, quod ea sit contracta ex causa voluntaria voluntate personæ, vt sic etiam saluetur potestas cessandi saltem in causa. Quod vtrumque est ipsissima nostra doctrina, quam toto hoc opere toties incolaui.

SED ADHVC vrgentissimus est locus, in quo & auream illam doctrinam Angelici nostri Præceptoris de duplici consideratione voluntatis, scilicet *vt natura est, & vt voluntas est*; Seraphico suo ingenio plausibiliter omnino tradidit & approbavit: docens actus procedentes à voluntate vt natura est, non subesse potestati eiusdem, ac proinde non esse liberos; licet eidem subsint, sintque liberi illi, qui procedunt à voluntate vt voluntas est. Imo quod caput est; expressè declarat, illam propositionem Augustini; *nisi tam est in potestate nostra quam ipsa voluntas*, quam toties inuictissimè ( vt potat ) circumfert Iansenius; non esse intelligendam de voluntate vt natura est, sed de voluntate, vt voluntas est, secundum quam formalitatem inquit noster Thomas ( vt Sanctus Sancto consonet ) est *indifferens ad vtrumlibet*. Non credit Iansenita auditui nostro, imò potius visui, nisi litteram Deo dante visam & repertam ipsi ad oculum ostendero. Est igitur tenoris sequentis. *Velle in nobis* ( inquit ) *dupliciter accipitur, vno modo vt nominat actum potentie effectiue, vt est quadam potentia naturalis* ( en voluntatem consideratam vt natura est, & velle pariter, vt ab ea prout sic procedens. *Alio modo vt nominat actum liberi arbitrij*, en voluntatem consideratam vt voluntas est, seu vt est potentia libera. *Primo modo velle aliquid, idem est, quod effici circa illud. Alio modo velle idem est, quod eligere* ( intellige de eligere

sumpto generaliter vt supra declarauimus ) *Vnde secundum hos duos actus distinguitur in nobis voluntas appetitus & voluntas eligentia. Non quia sint in nobis ista due voluntates, essentialiter differentes, sed quia modus volendi est aliter & aliter. Scilicet penes modum volendi naturaliter, & penes modum volendi liberè. Dico igitur quod verbum Augustini non intelligitur de voluntate appetitus ( vt nempe est potentia naturalis sicut præmiserat ) qui aliquando adeo adhæret alicui rei, vt vix vel nunquam possit ab ea separari; sed hoc intelligitur de voluntate eligentia, qua aliquis vult se velle quod vult vel nolle: & hoc semper est in nostra potestate. En iuxta mentem Bonauenturæ, sicut & iuxta mentem Thomæ, duplex velle voluntatis: vnum voluntatis vt est potentia naturalis, seu terminis Diui Thomæ, vt est natura, & hoc in nostra potestate non est: alterum voluntatis, vt est voluntas eligentia, seu terminis Diui Thomæ, vt est voluntas formaliter, & hoc in nostra potestate est. Et de hoc intelligitur ( inquit Bonauentura ) dictum Augustini, quod nihil tam est in potestate nostra quam ipsa voluntas. O Diuinam planè concordantiam Seraphici & Angelici! Quid restet amplius quam vt dicamus; en duos Cherubin aureos: *Cherub vnus* Exod. 25. *est in latere vno, & alter in altero. Vtrumque latus libertatis tegunt, expandentes alas, & operientes oraculum Iansenitarum seu potius obmutescere facientes, respiciuntque se mutuo versis vultibus in propitiatorium communis veritatis.**

EX HIS NON erit difficile, locis in contrarium obiectis satisfacere.

AD PRIMVM de libertate à coactione, respondeo sicut supra ad Diuum Thomam dictum est.

AD SECVNDVM dico, quod Bo-

Supra  
1.4.c.6.  
& vnde  
ad  
fund. &  
cap. 17.  
ergo so-  
lutione.

Exod.  
25.

Supra  
lib. 1.  
sect. 1.  
per totam.

Fonau.  
m. 2. di.  
c. 18.  
ad 11.  
M. g.  
fri. 4.  
libi. etia  
August.

Suprà  
ca. 7. §.  
Itaque  
ex 10.

Bonaventura ibi non loquitur de necessitate prout dicit absolutam determinationem ad alterum extremum contradictionis: verbi gratia, ita ad facere ut absolute non sit indifferentia ad non facere, sicut Iansenius perperam supponit: quo sensu solum poterat nobis contrariari; sed loquitur de necessitate, tum immutabilitatis, tum libertati non obstat, ut constat ex dictis suprà, tum etiam specificationis ad bonum; quæ pariter libertati obstat nequit. Unde illa propositio, *liberum arbitrium dicitur liberum, non quia sic velit hoc, ut possit velle eius oppositum*, potest referri, vel ad immutabilitatem in volendo, vel ad ad necessitatem specificationis quoad bonum: & in neutro sanè sensu nobis quidquam obest. Non in primo. Quia tunc sensus erit, liberum arbitrium non dici liberum; ex eo quod sic velit, ut possit suam volitionem mutare: quod utique nos fatemur: cum longè aliud sit, posse absolute hoc velle & non velle, & posse volitionem semel habitam mutare. Primum ad libertatem desideramus, minimè secundum. In secundo etiam sensu patet quod nil officit; nam tunc significabitur, quod non dicitur liberum, ex eo quod sic velit hoc, quod possit velle eius oppositum, secundum contrarietatem; quod iterum verissimum est, cum ad libertatem sufficiat, sic velle hoc, quod possit velle eius oppositum secundum contradictionem.

SOLVM RESTAT probare id quod supponimus, nimirum Bonaventuram solum loqui de necessitate immutabilitatis; & insuper quamvis simul de alia necessitate loquatur, quod non loquatur de maiori, quam quæ est specificationis quoad bonum.

Primum probatione vix indiget, nam expressè assumit hanc proposi-

tionem, *necessitas est duplex, videlicet coactionis & immutabilitatis, & statim; necessitas immutabilitatis libertati arbitrii non repugnat. Ergo negari nequit, quod loquatur de necessitate immutabilitatis.*

Secundum; quod etiam si simul loquatur de alia necessitate, non loquatur tamen de maiori, quàm quæ est specificationis quoad bonum, potest manifestè quoque probari ex argumentis sed contra, quæ ibidem præmiserat. In eisdem namque probans, liberum arbitrium posse etiam esse respectu actus necessarij, nullum argumentum adfert, probans aliam necessitatem, quàm solius specificationis, vel absolute vel ex suppositione. Specificationis quidem absolute, dum primo sic fuit argumentatus. Sed contra Augustinus in Enchyridion. Erit homo sic, ut velle malè non possit, nec tamen ideo libero carebit arbitrio. Et paulò post; neque autem voluntas non est, aut libera dicenda non est, quæ beati sic esse volumus, ut esse miseri non solum nolumus, sed nequam prorsus velle possumus. Ergo ex hoc expressè colligitur, quod liberum arbitrium est respectu actus etiam necessarij. En argumentum concludens quidem necessitatem non repugnare libertati actus, cæterum non fit mentio de maiori necessitate, quàm quæ est specificationis ad bonum; licet omnino absoluta sit, seu ex habitudine terminorum, ut in exemplis patet. De necessitate quoque specificationis, ex suppositione tantum, patet per aliud argumentum, quod ibi sequitur. Item non est meritum (inquit) sine actu liberi arbitrii: sed iste qui fecit bonum, vult se fecisse bonum, & hoc ipso meretur: si igitur hunc fecisse bonum, demonstrato illo qui fecit; est necessarium (videlicet ex suppositione quod fecit) liberum arbitrium est respectu actus necessarij, secundum statum me-

meriti. En argumentum quoque de necessitate specificationis ad bonum, sed ex suppositione tantum. Ergo fatendum est, Bonauenturam in illa questione in contrarium obiecta, non componere cum libertate actus, aliam necessitatem, quam vel immutabilitatis, in eo quod actus semel positus non possit retractari, vel specificationis, in eo quod si semel debet poni, necessario debeat esse bonus: quorum utrumque nos quoque libentissimè fatemur.

Sed iam mihi faciscit negotium dictum illud, quod actus liberi arbitrij, ut liberum est; non solum potest esse circa necessarium; sed etiam necessarius in se. Hoc enim iuxta mentem Bonauenturæ non videtur posse intelligi, nec de necessitate immutabilitatis, nec de necessitate solius specificationis ad bonum: ergo debet intelligi de necessitate quoad exercitium. Antecedens probo, nam (ut ex contextu ibidem apparet) contraponit in necessitate actum liberi arbitrij, ut liberum est, & actum liberi arbitrij, ut deliberans est: asseritque primum posse esse necessarium in se, minimè verò secundum: quin potius de isto affirmat, quod semper est contingens. At si solum intenderet, quod actus liberi arbitrij, ut liberum est, potest esse necessarius necessitate immutabilitatis, & etiam specificationis, nulum quoad necessitatem subsisteret discrimen inter illum actum, & alterum arbitrij, prout deliberans est, cum actus arbitrij prout deliberans est, possit etiam utramque illam necessitatem habere. Ergo. Minor ista patet in Demone, quando voluntate deliberata exit in nouum actum distinctum à primo, quo se in prauum finem semel conuertit; tunc ille secundus actus est à libero arbitrio, ut deliberante: & tamen immutabilis est, & insuper elicitur, necessitate

specificationis quoad malum: ergo habet utramque illam necessitatem, tam immutabilitatis, quam specificationis.

Respondeo ex ipsis verbis Bonauenturæ. Loquitur namque (ut in solutionibus argumentorum videre est) de libero arbitrio deliberante secundum statum viatoris seu secundum statum vertibilitatis & mutabilitatis. Et de illo prout sic verum est dicere, quod neutram necessitatem habet, nec immutabilitatis, nec specificationis, sed potius omnis eius actus est simpliciter contingens. Deliberans enim in via circa aliquem actum, potest non solum illum ponere & non ponere, sed & semel positum mutare & in actum contrarium exire. Vnde semper subsistit discrimen inter hos actus, & alios liberi arbitrij ut merè liberum est. Potest namque aliquis actus arbitrij, ut merè liberum est, & non deliberans, etiam in via habere necessitatem specificationis: ut patet in actu quo quis appetit finem vltimum seu beatitudinem in communi. Ille cum sit circa finem, non est à libero arbitrio ut deliberante, cum illud prout sic, solum sit circa media: est tamen à libero arbitrio ut absolute libero, cum elicitur cum indifferentia quoad exercitium, non obstat quod sit in se necessarius specificationis. Hæc est clarissima mens Bonauenturæ, sicut & veritas omnino communis: contrariumque velle ex dictis eius elicere, potius est venenum falsitatis ex melle Seraphico sugere, quam fauos veritatis Theologico more componere.

Præterquam quod si ista solutio non placet, aliam adhibet Gabriel in secundo, distinctione vigesima quinta, questione vnica articulo primo, dicens Bonauenturam loqui de libertate largissimè sumpta, scilicet prout dicit immunitatem à sola coactione, & in

& in hoc sensu (inquit ipse) verum est quod necessitas omnimoda non repugnat libertati arbitrij; quia sic solum importat meram rationem voluntarij, quam etiam libertatem, ut scilicet distinguitur cōtra coactionem, vocat alio loco, in distinctione prima, questione sexta, notab. secundo, libertatem improprie.

Ex dictis etiam patet ad id quod tertio loco objiciebatur; nimirum à Bonaventura admitti, actum voluntatis necessarium, esse meritum.

Patet (inquam) hoc non aliter ab ipso admitti, quam loquendo de actu necessario, necessitate suppositionis: ut evidentissime patet consideranti argumentum, ex vi cuius illud admittit: sique hoc nobis obijcere, est omnino extra eorum canere.

Ast restat & aliud, quod Iansenius adducit ex tertio sententiarum, distinctione duodecima, questione prima, littera C. Vbi argumentum erat huiusmodi ad probandum in Christo peccabilitatem. Nullus laudatur in his quæ facit de necessitate, sed Christus erat laudabilis in operibus suis: ergo non faciebat ea necessario, ergo poterat à bonis & debitis operibus necessario, cessare, & hoc est obmittere: ergo potuit peccare. Ad quod sic respondet. Dicendum quod est necessitas quæ repugnat voluntati, sicut necessitas coactionis quæ venit ab extrinseco, & est necessitas quæ subest voluntati & illa est necessitas quæ venit ex voluntatis immutabilitate. Cum ergo dicitur quod laus non est in operibus necessitatis, dicendum quod verum est de necessitate primo modo dicta, sed non de secundo. Et similia dicit (ait Iansenius) distinctione decima octava, questione secunda, littera B. Vbi rursus argumentum erat. Mereri est facere opus de genere laudabilem, sed potentia degenarata ad minus tantum, non habet

laudem in actu illius, sicut patet in omnibus potentis naturalibus: sed liberum arbitrium Christi ab ipsa conceptione determinatum fuit ad opus bonum: ergo non potuit exire in opus de genere laudabilem: ergo nec in opus meritum. Ad quod iterum respondet. Dicendum quod determinatio potentie ad verum, potest esse dupliciter, videlicet per necessitatem naturæ, & per confirmationem gratiæ. Si sit per necessitatem naturæ, tunc tollit arbitrij libertatem, ac per hoc tollit libertatem meriti: si autem sit determinatio potentie per confirmationem gratiæ, cum talis confirmatio simul stet cum libera voluntate, sic non tollit ab ipso opere bonitatem moris. Cum sit voluntarium ac per hoc nec qualitatem meriti. In Christo autem fuit liberum arbitrium determinatum ad verum, non per necessitatem naturæ, sed per confirmationem gratiæ.

Respondeo nec illa etiam loca, vel in minimo communi nostre sententiæ obesse. Non primum; nam in illo salvat laudabilitatem operum Christi, etiam illorum quæ erant debita ex præcepto; quia proueniebant ex voluntatis immutabilitate in bono, intellige secundum genus, quæ secum compatitur indifferentiam penes facere & non facere illa opera absolute, licet excludat indifferentiam ad alterum extremum contrarietatis, quod est malum. Ut namque asserit idem Bonaventura in eodem Tertio, Distinctione vigesima, questione prima, littera A. Necessitas immutabilitatis in bono, non arctat potentiam ad oppositum, sed eam determinat ad tale propositum. Quasi apertissime significans, quod libertatem indifferentiæ non tollit, quia videlicet non arctat volentem ad alterum oppositorum, nempe aut ad facere, aut ad non facere, sed potius relicta absoluta indifferentia, solum habet ex propria voluntatis dispositione cui subest,

est, ipsum volentem determinare seu resoluit in partem quam vult. Quod & auctori claritate expressit in illo loco, quem supra adduximus: dum de libero arbitrio Angelorum dixit. *Liberrum arbitrium confirmatum, est adhuc ad opposita contradictoriè, utpote ad facere & non facere. Et ideo naturalis eius potestas est sicut ante.*

Per quod etiam patet ad Secundum; nam si determinatio ad vnum per confirmationem gratiæ in bono tantum, est adhuc ad opposita contradictoriè reuocabilis de Christo dixit, ex vi illius nec libertatem, nec laudabilitatem operum eius tolli. Tolleretur tamen, si esset huiusmodi determinatio per necessitatem naturæ; quia tunc reuera etiam indifferencia quoad opposita contradictoriè deesset.

## C A P V T XVI.

*Soluitur Argumentum eiusdem, confectum ex autoritate Henrici à Gandauo.*

**N**EC HENRICVM A GANDAVO præterire potest: utpote qui multa tradit (sicut Iansenius fatetur) in quibus vestigia Iansenianæ doctrinæ manifestè lucent.

**PRIMO:** quia libertatem arbitrij ex illo considerari vult, quod coactionis impatiens est, & delectabiliter in actum suum prodit. *Voluntas* (inquit) dicitur liberum arbitrium, quia: absoluta est ab omni coactione ipsam impediente, & contristante in sua actione. *Voluntas enim omnis, ut libere tendit in suam actionem, delectabilis est: necessitas coactionis contristans.*

**SECUNDO:** quia docet, quod *voluntas erit liberissima in Beatis, ubi natura erit obediens bonæ voluntati, quæ*

*proprio desiderio & complacentia, naturalem impetum naturæ liberæ trahet in finem suum: à quo, quia continet in se omnem rationem omnis boni, propter naturam concomitantem, nullo modo potest se diuertere.* En asserit, voluntatem Beati in amore ultimi finis liberam esse, licet ab illo diuertere nullo modo possit.

**RESPONDEO,** me oleum & operam perdere, antiquos illos Scholasticos recensendo, cum omnino concordēs in communi nostra sententia inueniantur. Sed quia pertinax nimium aduersarius noster, ad Henricum quoque dico, nihil ex ipso pro contraria opinione conuincit.

**AD PRIMVM OBIECTVM,** de libertate à coactione respondeo, sicut ad Sanctum Thomam supra dictum est.

**AD SECVNDVM,** vocat voluntatem Beati in amore ultimi finis liberam, libertate complacentiæ, non tamen liberam, libertate de se sufficienti ad meritum, sicut nos disputamus.

Et ut appareat, qualiter dicta hæc menti ipsius omnino consonent; hæc pauca in medium proferre libet.

**PRIMVM,** quod ipsemet ex Anselmo refert, & approbat sub hæc forma; *Vnde dicit Anselmus de casu Diaboli capite decimo quarto, sicut non esset voluntas iniusta, si vellet inconuenientia, quando hæc non posset non velle: ita si vellet conuenientia, non idcirco esset iusta voluntas, quando sic accepisset, ut non posset aliter velle.* Sic ex Anselmo fatetur Henricus Quodlibeto octauo, quæstione decima, circa medium Corporis. Et aduerte quod illam doctrinam adfert, ad confirmandum, quod sicut primus actus à voluntate recta non imputatur iustitiæ volentis, sed bonitati Dei: sic si primus actus esset obliquus à voluntate

ali-

Supra  
lib. 3.  
sect. 3.  
per totam.



aliqua, non imputaretur iniustitia volentis, sed malitiae Dei. Ex quo omnino consequens fit, ipsum sentire, quod ad meritoriam & demeritoriam libertatem, requiratur potestas indifferens faciendi & non faciendi. Si namque non est voluntas iniusta, seu culpabilis, quae sic inconueniens seu malum vult, vt non possit non velle; sicut laudabilis aut iusta, quae sic bonum vult, vt non velle non possit; qua via potest ad meritum & demeritum hanc potestatem indifferentem non exigere?

Item probans Quodlibeto tertio, quaestione vigesima sexta per totam, quod homicidium commissum in ebrietate, sit voluntarium, seu (quod ipse idem reputat) imputabile; nullam aliam rationem addert; quam quia respiciendo ad causam, potuit ebrius eandem non ponere. *Necessarium est* (inquit) *vt reducatur imputabilitas ad actum voluntatis qui tunc fuit, quando se inebriauit, & in se fuit non inebriari & ita non causare in se dispositionem malitiae.* Imò id ipsum ibidem probat ex Augustino, Damasceno, & Philosopho. Ergo sentit libertatem imputabilem seu demeritoriam non subsistere absque potestate faciendi & non faciendi.

Rursus quodlibeto primo, quaest. decima sexta, probans quod electionis libertas, quae apud ipsum idem est atque libertas meritoria (qua de causa & negat Angelos in primo actu meruisse, quia non habuerunt actum electiuum) non est nisi in sola voluntate, & nullo modo in ratione; sic discurret; *Ratio* (inquit) *cognitiua in quantum huiusmodi, libera non est: necessarium enim mouetur simplicibus apprehensibus nec est in eius potestate ea non apprehendere.* Ex quo concludit, nullo modo ergo voluntas habet principium libertatis à ratione sed à se ipsa primo. *E. scilicet electio libera, virtutes & malitia*

*morales non tantum non sunt in ratione cognitiua vt in subiecto, sed nec vt in causa & in principio.* Nonne hoc est aperte sentire, ad meritoriam seu demeritoriam libertatem requiri vim indifferentem faciendi & non faciendi? Patet consequentia, quia aliis non recte libertatem electionis à ratione relegasset defectu istius indifferentiae, si illa essetiale requisitum ad meritoriam libertatem non esset.

His accedit id quod habet quodlibeto duodecimo, quaestione vigesima tertia ad Primum. Vbi loquens de eadem libertate; illa actio voluntatis (inquit) dicenda est esse simpliciter ex necessitate & non ex libero arbitrio, postquam stante sua causa proxima, nullo modo posset per liberum arbitrium voluntatis impediri. Quid breuius, quid clarius contra Iansenianam libertatem dicere potuit? Requirit ad libertatem, non qualecumque posse ad non facere, sed posse proximum seu stante sua causa proxima.

Vnde resolutorie dico; si alibi attribuit libertatem actibus elicitis absque indifferentia; nil aliud intelligit nomine libertatis, quam voluntaria complacentiam voluntatis, sicut & intellexit Scotus: quo sensu non est ad rem, cum nos de vera seu meritoria libertate disputemus.

## C A P V T XVII.

*Soluitur Argumentum eiusdem, confectum ex auctoritate Thomae de Argentina.*

**E**ANDEM suam doctrinam conatur Iansenius deducere ex verbis Thomae de Argentina.

PRIMO: quia distinctione trigesima octaua secundi sententiarum, articulo primo sic habet. *Illā potē-*

Iansen.  
To. 3.  
lib. 6. c.

29.

tia

ria est principaliter libera, quæ nullo modo potest vogi seu libertate privari, sed sola voluntas sic est libera, quod necessitari non potest necessitate coactionis, quia secundum Bernardum in libro de arbitrio, voluntati datus est intellectus, ut illum instruat, non ut destruat: destrueret autem si ullam ei necessitatem imponeret.

SECUNDO: quia in tertio distinctione decima octava, articulo tertio, sibi opponens quod Christus in omni actu suo determinatus esset ad bonum, & proinde non magis mereri posset, quam agens naturale determinatum ad unum: sic respondet. Agens naturale non prohibetur à merito, ex hoc quod est determinatum ad unum, sed ex modo determinationis, puta quod necessario, & non voluntarie tendit in illud unum; sed Christus & quilibet in gratia confirmatus, licet determinatè tendat in bonum, tamen voluntarie & liberè tendit in ipsum, huiusmodi enim non minuit voluntatem & libertatem, sed potius augeat, & ideo talis determinatio non repugnat merito.

RESPONDEO Thomam quoque de Argentina pro communi stare sententia.

PRIMVS LOCVS, quantum ad id quod dicit de libertate à coactione, explicari debet, sicut Sanctus Thomas iam fortè ad nauseam citatus.

Aduerte tamen, ibi ab Argentina approbati locum illum Bernardi, quem nos supra in fauorem nostrum adduximus, in eo quod Mellissus Doctor ait, quod ratio seu intellectus, libertatem voluntatis destrueret, si ullam ei necessitatem imponeret, quod reuera in actibus necessarijs cõtingit, ob omnimodam determinationem iudicii, qua tunc intellectus voluntati præluceat: imponit namque propter similem determinationem, voluntati talem necessita-

tem, ut se ab actu cohibere non possit. Vnde sicut Bernardus in tali casu sentit libertatem actus destrui; ita id ipsum sentire debet Thomas de Argentina, in eo quod huiusmodi dictum Bernardi approbat.

SECUNDVS LOCVS etiam potest clarissimè explicari hoc modo. Nempe quod agens naturale, non prohibetur à merito, ex hoc quod sit determinatum ad unum secundum genus, verbi gratia, ad bonum sensibile, sed ex modo determinationis puta, quia taliter ad bonum secundum illud genus determinatur, ut ex parte actus primi nullam etiam habeat indifferentiam respectu huius vel illius boni in particulari: quam rationem Argentinas insinuat, quando dicit: puta quod necessario & non voluntarie tendit in illud unum. At verò (inquit) in Christo non sic contingit. Licet namque determinatè tendat in bonum, videlicet secundum genus, ita ut in malum non possit; tamen voluntarie & liberè seu cum indifferentia tendit in bona particularia, ita ut ea facere possit & non facere pro mera sua voluntate.

Sed ut veritas huius explicationis appareat; consideretur quæso argumentum, cui prædictam doctrinam pro solutione adhibuit. Argumentum erat huiusmodi. Illud agens quod in omni suo actu est ita determinatum ad unum oppositorum, quod nullo modo potest in alterum; hoc nullo suo actu potest mereri: propter hoc enim agens naturale mereri non potest, quia est determinatum ad unum; sed Christus in omni suo actu est ita determinatus ad bonum, quod nullo suo actu potest facere malum ergo. Ad quod sic respondet. Ad tertium nego maiorem. Quia ad illam maiorem sequeretur, quod nec Maria, nec aliquis in gratia Dei confirmatus, potuisset mereri, cum esset in hac via. Quæ verba Iansenius omisit, solum referens id quod

quod immediatè subiungit; ad probationem dicendum quòd agens naturale non prohibetur à merito ex hoc quòd est determinatum ad vnum, &c. Verba (inquam) illa priora Iansenius omisit, & indubiè particulari studio; quia ex illis manifestè satis colligitur sensus explicationis traditæ, quæ ipsius dogma ingulat. Nam instans seu falsificans hanc propositionem maiorem; illud agens quod in omni suo actu est ita determinatum ad vnum oppositorum, quòd nullo modo potest in alterum; hoc nullo suo actu potest mereri; instans (inquam) hanc propositionem, exèplo Beate Virginis & aliorum confirmatorum existentium in via, qui sine dubio ratione confirmationis non prohibentur posse hac vel illa bona facere vel non facere; apertè denotat, sensum illius maioris nò procedere de agente determinato ad vnum secundum numerum, sed solum de agente determinato ad vnum secundum genus. Si namque de prima determinatione procederet; reuera propositio talibus exemplis non falsificaretur; cum posset arguens dicere, se in maiori obijcere, de agente determinato ad vnum secundum numerum, & à respondente solum adferri instantiam de agentibus determinatis ad vnum secundum genus: ergo signum manifestum est illam maiorem argumenti non inniti alteri principio; quàm quòd agens determinatum ad vnum secundum genus, non est capax meriti: quod certè rectissimè soluit Argentinas, dicendo hoc falsum esse, & manifestè instari in Diua Virgine & alijs confirmatis viatoribus: illi namque ad vnum secundum genus, scilicet ad bonum sunt determinati; & tamen meriti capaces esse, ipse arguens negare non potest. Per quod postea descendit ad Christum, dicens sicut nos explicuimus, ipsam quoque

minimè ex illo capite debere argui tamquam meriti incapacem; quia licet sit determinatus ad bonum secundum genus, ita vt in malum non possit; bona tamen in particulari facit voluntariè & liberè seu cum indifferencia ad non facere, non minus quam quilibet alius confirmatus in via existens.

Cui accedit, quòd etiam in minori argumenti subsumpsit Argentinas hoc modo: sed Christus in omni suo actu est ita determinatus ad bonum, quòd nullo suo actu potest facere malum. Vbi nota quòd nò dixit; quòd non potest omittere bonum; quæ est necessitas quoad exercitium; sed; quòd nullo suo actu potest facere malum, quæ est tantum necessitas specificationis. Ergo manifestè datur intelligi, quòd argumentum de sola necessitate specificationis procedebat, ac proinde soluès illud, dicendo, quòd talis necessitas seu determinatio, merito non repugnat; solum est mens illius, dicere, quòd non repugnat merito necessitas specificationis. Quod & nos vtraque manu amplectimur; si quidem posse malum facere, nec est libertas nec pars libertatis.

Et certè Argentinam alijs in locis clarissimè exigere ad libertatem, id quod communis sententia exigit; possum multis probare.

Primo: quia in Secundo, distinctione prima, questione secunda, ante articulum primum, obijcit sibi argumentum, ad probandū quòd Deus non potuerit liberè producere mundum ab æterno; sub hac forma. Non potens non producere non producit liberè, sed ex naturali necessitate. Sed si Deus mundum ab æterno produxisset, tunc non potuisset non producere, ergo non produxisset liberè. Patet maior, quia siquid illud quòd non potest non esse, necesse est esse; ita illud quòd non potest non producere, de necessitate nature produ-

cit & non liberè. Minorem probò. Quia stante illa hypothesis quòd Deus mundum produxisset ab aeterno; si dicitur potuisse non producere, illa possibilitas aut competeat ei, antequam produceret, aut cum actu fuit producens, aut postquam produxit: non primo modo, quia tunc non produxisset ab aeterno, cum aeterno nihil sit prius. Nec secundo modo, quia sicut omne quod est, quando est, necesse est esse; sic omne quod producit, quando producit, necesse est producere. Nec tertio modo, quia hoc solo priatur Deus ingenta facere, quæ utique genita sunt, id est non præterita facere, quæ præterita sunt, ut patet sexto Eibicorum. Vbi aduertendum, quòd hoc ipsum argumentum nobis obiecit Iansenius supra capite tertio, ad libertatis indifferentiam euertendam. Sed quid? Putasne quòd eodem conuincetur Thomas de Argentina; sicut Modernus noster conuictus fuit? Nihil minus profecto. Respondet igitur in fine articuli quarti eiusdem questionis hoc modo. *Ad argumentum principale nego minorem. Ad probationem dico, quòd cum potentia rationales seu intellectuales sint ad oppositas; ideo Deus, cum agit per intellectum & voluntatē, in eodem instanti quo agit, potest non agere, non quòd possit agere & non agere simul coniunctim, sed disiunctim; quia potest hoc vel hoc: vnde in illo priori natura, quo Deus prahabuisse effectum, antequam produxisset, præeligere potuit alteram partem liberè, & secundum suam electionem producere vel non producere. Ea non solum supponit ad libertatem requiri indifferentiam penes posse facere & non facere; sed & insuper ipsissimum argumentum Iansenij communi solutione soluit & dissoluit.*

Iterum in eodem Secundo, Distinctione vigesima quinta, articulo primo probans, quòd voluntas utpote libera, sit aliquo modo sui ipsius mo-

tua; assumit hunc discursum. *Quia potentia purè passiuæ non potest esse libera, cum non habeat in sua potestate pati vel non pati, sed necessario patitur ad præsentiam actiui: sed secundum Augustinum tertio de libero arbitrio, nihil tam in nostra potestate est, quàm nostra voluntas. Ergo voluntas cum sit libera, debet esse aliquo modo sui ipsius motiua, & non purè passiuæ. In quo discursu rursus duo habet capitaliter sententiæ Iansenij inimica.*

Primum in maiori: nam probans potentiam purè passiuam non posse esse liberam, ex eo solum quòd non habeat in sua potestate pati vel non pati; enidenter supponit essentielle requisitum libertatis esse huiusmodi indifferentiam.

Secundum etiam in minori: nam subsumens ad illud propositum de indifferentia, istam propositionem Augustini, *nihil tam in nostra potestate est, quàm nostra voluntas*; clarissimè denotat per illa verba Augustinum, nil aliud, quàm potestatem indifferentem intellexisse; cum tamen Iansenius in sensu longè dissimili illa interpretetur.

NEC VALET obijcere doctrinam, quam ibidem habet ad Quartum Henrici de Gadauo contra Egidium. *Quòd quamuis voluntas respectu ultimi finis non habeat libertatem contradictionis, sicut habet respectu eorum que sunt ad finem; habet tamen respectu ultimi finis libertatem complacentiæ, cum necessitate inmutabilitatis; quia quamuis finem non possit non velle, vult tamen ipsum non violenter, sed complacenter, & maxime voluntariè, & per consequens liberrimè. Vbi libertatem & quidem maximam adstruit cum necessitate quoad exercitium, seu absque potestate ad velle & non velle.*

NON ( INQVAM ) VALET: nam in illa doctrina solum nobis op-  
poni-

ponitur quoad modum loquendi, minimè autem in re, de qua disputamus. Modus loquendi in eo est, quòd cum Scoto vocet liberum, id quòd fit complacenter, liberum (inquam) non absolute, sed libertate complacentiæ. Qui modus loquendi, vtrum rectus sit nec ne, parum in toto hoc opere curo: dummodo constet similem libertatem non esse sufficientem ad meritum & demeritum humanorum actuum, cuius contrarium contendit Iansenius.

Et quòd Thomas de Argentina illam indicet ad hoc esse insufficientem, duplex eius locus euidenter ostendit.

PRIMVS EST in Secundo, Distinctione vigesima octaua, articulo primo ad Quintum contra Secundam: vbi sic loquitur. *Ad quintum dicendum, quod quamuis peccator non possit cauere, quin incidat in aliqua noua peccata, tamen peccatum nouum est ipsi imputandum. Sicut enim ebrius peccans, non est immunis, dato quod non habeat potentiam resistendi, dum ebrius est, quia tamen ebrietatem vitare potuit & non fecit; sic in proposito, quia primum peccatum istius peccatoris fuit in sua potestate &c.* En vbi pro imputabilitate saluanda, recurrit ad hoc, quòd ista potentia fuerit ipsi voluntaria voluntate personali in primo peccato, quatenus illud vitare potuit: ac proinde supponit ad demeritoriam libertatem requiri, posse facere & non facere, potentia vel actuali, vel quæ saltem actu fuit in causa liberè volita, sicut communis sententia requirit, vt supra ad longum expendimus.

SECUNDVS est in quarto distinctione quadragesima nona, lectione tertia, articulo tertio, vbi conclusio prima & secunda sunt, quòd omnis homo actualiter recte considerans quid importatur nemine beatitudi-

nis, naturaliter & necessariò appetit beatitudinem, ita vt non possit non appetere. Contra quas conclusiones ponit duplex argumentum. Primum huiusmodi. *Si beatitudo caderet sub naturali desiderio, vt videtur dicere prima conclusio: tunc desiderando beatitudinem, nullus posset mereri, consequentia patet tertio ethicorum, vbi dicitur quòd ex puris naturalibus nec laudamur nec vituperamur. Sed falsitas consequentis est nota. Secundum verò; nullus meretur in eo quòd vitare non potest, ergo vel desiderio finis seu beatitudinis non meremur, vel huiusmodi desiderium possumus vitare.*

En duo argumenta procedentia ex hoc principio, quòd ad meritoriam seu demeritoriam libertatem requiritur potestas faciendi & non faciendi seu vitandi. Et quam putas responsionem adhibet? An ne negando illud principium, & cum Iansenitis dicendo, huiusmodi potestatem indifferentem ad meritum non requiri? Minimè.

AD PRIMVM (inquit) dicendum, quod aliquid esse naturale, potest dupliciter intelligi: vno modo simpliciter & pierè. Sicut illud quod nec secundum se nec secundum suas causas & principia est in hominis potestate. Et sic aliquis dicitur naturaliter ignorare vel naturalis fatuus qui destructam habet fantasià à principio natiuitatis suæ. Alio modo non simpliciter, puta quando aliquid prout nunc inenitabiliter adest homini, cuius tamen causas si voluisset & debuit attendisset, potuit prauentire. Et sic ignorantia eneiens ex ebrietate, dicitur naturalis. Circa naturalia primo modo nec est laus nec vituperum, nec meritum nec demeritum: hæc tamen bene possunt esse circa naturalia secundo modo dicta. Propter quod ait Philosophus tertio Ethicorum; nullus enim improbat caco naturam: sed magis miserebitur. Eum autem qui ex vini potatione, vel alia inconti-

mentia, omnis increpabit. Ad formam igitur argumenti dicendum: quod desiderium beatitudinis est naturale secundo modo. Et ideo neganda est consequentia, actualis enim consideratio de beatitudine est causa aliquo modo sui desiderij. Et huiusmodi consideratio est in potestate ipsius hominis: posset enim homo alia considerare si vellet, & per consequens non habere actum elicitum circa hoc obiectum quod est beatitudo, quamvis naturaliter desideret eam, etiam actu elicitum, supposito quod actualiter consideret eam. Et ideo bonus homo qui voluntarie sequestrat suam considerationem de alijs rebus & tota deuotione considerat, qualis & quanta est beatitudo, quam nobis daturus est Deus, in desiderio beatitudinis multum potest mereri: quamvis supposita eius actuali consideratione, non possit ipsam non desiderare. En aperitissime, euidetissime, & clarissime confugit ad ostensionem indifferentie, vt meriti rationem seu libertatem meritoriam in illo desiderio indemnem saluet.

AD SECVNDVM autem non minori euidetia sed breuius. Ad secundum (inquit) patet per iam dicta, quia desiderium beatitudinis possumus vitare, quia possumus de ipsa non considerare. Nonne est hoc ipsum, communem nostram Philosophiam clarissima luce pandere, declarare & profiteri? Non ergo nobis mentem Thomæ de Argentina tamquam contrariam & dissonam obijciat Iansenius.

At quamvis hæc omnia ita sint, sufficienterque & veraciter constet doctorem hunc in nostra esse sententia; hoc tamen addere libet, quod etiam opinionem Iansenij non rejicit, sed potius vt probabilem iuxta aliorum placitum relinquit: in alia scilicet solutione, quam secundo loco ad primum argumentum subiunxit. Quæ sic habet. Etiam potest dici, quod consequentia non est vera loquendo de

tali desiderio naturali, quod non excludit omnem libertatem, sicut est in proposito. Quia desiderium beatitudinis, quamvis excludat libertatem contradictionis, tamen non excludit libertatem affectuosæ complacentiæ, quæ fiat cum immutabilitatis necessitate. En qualiter in ista solutione expressissimis verbis opinionem Iansenij admittat, videlicet absque libertate etiam contradictionis stare meritum in illo actu, per solam libertatem complacentiæ, omni indifferentia sublata.

Nec quisquam obijciat, me hic arma contrarijs præbere, vtpote referendo & pandendo locum vsq; adeo ipsis fauorabilem; cuius tamen nec Iansenius, nec Vincentius, nec ullus aduersariorum meminit.

RESPONDEO, hoc veritatis & sinceritatis amore à me fieri. Neque enim fraudulenter aut captiosè agere volui, aut potui; licet alibi à contrarijs idipsum factum fuerit circa locum quendam S. Thomæ, quem supra commemoravi. Erat ibi gemina solutio, in quarum prima & principaliori nostram, in posteriori autem contrariorum doctrinam traiebat: sed prima relicta, posteriorem tantum, vtpote sibi fauorabilem, contrarij recitarunt. Non sic ego. Duplicem solutionem in Thoma de Argentina inuenio, primam pro nobis, secundam pro ipsis; sed vtramque recito, vtramque pando, non fraudi, sed sinceritati studens. Ex quo tamen nil lucri amplius, parti aduersæ accrescit, quam quod Doctor ille, semel doctrinam eorū tradidit, tamquam ex mente aliorum, tunc temporis probabilem, sicut & alibi S. Thomam fecisse supra demonstravi. Et sanè quod Argentinas in simili solutione non expresserit mentem propriam; sed potius placito aliorum deferre voluerit, hoc ex eo manifestum esse debet, tum quia non

Supra  
lib. I. c.  
14. lect.  
3. & lib.  
3. ca. 1.  
lect. 3.

vbi supra.

dixit,



dixit, dicendum, sicut de prima solutione; sed; etiam potest dici, quod accommodationem alieno placito sonare videtur. Tum quia secundo argumento non nisi primam adhibuit, cum secundam quoque resumere potuisset. Tum denique, quia non nisi semel ipsam adhibuit, nostram autem varijs in locis vel supposuit vel expressit.

## C A P V T XVIII.

*Soluitur Argumentum eiusdem, confectum ex autoritate Dionysij Carthusiani.*

**E**X DIONYSIO CARTHUSIANO pauca profert, quamquam & ea non Dionysij, sed Alberti Magni sint.

Dicit ergo Dionysius ex Alberto duo.

**PRIMUM**, quod quatuor sunt status libertatis, seu liberi arbitrij in homine. *Unus ante peccatum, secundus sub peccato, tertius sub gratia, quartus in gloria*: atque in omnibus his iudicio meo libertas à coactione, seu necessitate equaliter manet in homine propter libertatem voluntatis; quam si homo amitteret, peccatum eius non esset peccatum.

Sed quis hoc neget? Minimè contra nos militat. Si namque libertatem à coactione homo amitteret, cum ea sit de essentia libertatis, licet sola ipsa ad actum liberum non sufficiat, utique essentiam libertatis perderet, non minùs quàm homo deperdita ratione animalis, perderet essentiam rationalis: qua ergo via peccatum eius posset esse peccatum?

**SECUNDVM**: Si quis habeat plura deprimentia ad peccandum, & nihil eleuans contra ea; necesse est quòd depri-

mentia vincant & faciant eum labi deorsum. Ita est in libero arbitrio gratia eleuans non habente; sed propriam infirmitatem & culpam trahentem inferius: tamen non cadit, nisi electione propriæ voluntatis: non necessitate coactionis. Idèd dicit Gregorius, peccatum quod per penitentiam non deletur, perdere suo mox trahit ad aliud.

Quis & hoc neget, si legitimo sensu capiatur? Intentio Alberti est, quòd homo existens in peccato, necessitatem habet aliquando labendi in nouum peccatum; si gratia sanans, aut vires depressoas eleuans, non adsit. Sed qualis quæso est ista necessitas? An ne quæ hominem absque vera potestate resistendi, compellat peccare? Minimè gentium. Tantùm est necessitas non compellens sed inclinans, sicut habitus aut dispositio, cui tamen absolute resistere potest: sicut etiam supra sæpe declaratum est.

**RESPONDEO** igitur tam Albertum quàm Carthusianum in nostra communi esse sententia.

Albertum quidem, tum propter dicta superius libro primo; tum quia (ut ipse Carthusianus in Secundo, Distinctione vigesima quarta, quæstione tertia in fine de eodem refert) quærit quodam in loco, quid sit liberum arbitrium secundum definitionem: & adferens definitiones nonnullas ex Augustino, Bernardo, & Anselmo, inter ceteras hanc adiungi, quam & asserit esse Beatissimi Petri Apostoli in itinerario Sancti Clementis, disputatione secunda contra Simonem Magum. *Liberum arbitrium est potestas sensus animæ, habens virtutem, quæ se possit ad quos voluerit actus, inclinare.* Et postea declarans, subiungit; *Omnes istæ definitiones sunt bonæ; sed prima, quæ est Beati Petri, magis dicit substantiam liberi arbitrij: & quod ait secundum sensum animæ, in-*

Suprà  
cap. 7.  
& 8.

Suprà  
l. 1. c. 3.

intelligit de sensu spirituali, qui est apprehensio faciendi, vel non faciendi. En Episcopus ille Ratisponensis indifferenciam faciendi & non faciendi, non solum asserit ad substantiam, seu essentiam libertatis pertinere; sed & insuper ex mente Beatissimi Apostolorum Principis, hoc verum esse contendit.

Sed quid de extatico Doctore Carthusiano? Profecto tanta euidencia Philosophiam nostram pandit (vt nisi breuitati studerem) liberet integram quandam questionem ex eo huc transcribere. Licet nec ipsa breuitas rationi præponderare tantum possit aut debeat, quin principaliora saltem puncta recenseam. Querit igitur in Primo, Distinctione prima, questione sexta. *An sine ultimo seu summo bono, voluntati creata ostenso, possit ipsa voluntas ipso non frui?*

Videtur (inquit) quoddammodo. Quia voluntas ex sua natura liberrima virium animæ: ergo à quocumque obiecto sibi ostenso potest se liberè auertere.

SECUNDO: liberum est quod potest in vtrumque oppositorum, nec determinatum est ad vnum illorum: ergo voluntas potest se à fine sibi ostenso, tam liberè auertere, quàm liberè potest se ad illum conuertere.

TERTIO: natura & voluntas sunt principia opposita, vt Secundo dicitur Physicorum. Natura autem determinatur ad vnum, vt fertur ibidem; non ergo voluntas necessitatur ad alterum oppositorum, præsertim cum necessitas & libertas mutuò opponantur.

QUARTO: secundum Augustinum primo libro Retract. nihil tam est in potestate voluntatis, quàm ipsa voluntas, quod intelligendum est de voluntate quantum ad actum.

illius, non quoad eius naturam: potest ergo actum suum elicere & cohibere proposito sibi quocumque obiecto.

En in primis quatuor argumenta Carthusiani contententia voluntatem Beati in amore Dei clarè visisse liberam; & hoc non alio stylo verborum, quàm supponendo id quod nostra Philosophia continuò inculcat; nimirum idem esse, voluntatem circa aliquod obiectum versari liberè, & versari circa illud cum potestate eliciendi actum, & actum cohibendi. Vnde & à sensu contrario pro eodem reputat, versari circa aliquod obiectum necessariò, seu cum determinatione ad alterum oppositorum, & non versari circa illud liberè, cum necessitas & libertas (inquit) mutuò opponantur.

Sed pergamus vterius ad questionis resolutionem. Refert itaque primo loco opinionem Scoti, asserentis voluntatem in Deum clarè visum non tendere actu necessario, sed libero; ita vt in potestate eius sit, tali obiecto sic ostenso non frui. Deinde recitata sententia Sancti Doctoris Thomæ ex quinque eius locis, in quibus manifestè docet oppositum, nempe voluntatem tendere in Deum clarè visum, naturaliter, necessariò, & non liberè; finem discursui suo imponit hoc modo. *Hæc Thomas. Cuius dicta videntur solidioribus ac verioribus fundamentis inniti, quàm prædicta opinio Scoti. Sed & scripta Petri, Aegidij, & Richardi consonant Thomæ.* En sententiam Sancti Thomæ, nempe voluntatem Beati in amore beatifico non esse liberam, approbat vt solidiorem & veriolem, nec non vt aliorum Authorum scriptis consonam.

Deinde referens aliam opinionem Henrici Gandauensis; qui dixit voluntatem ferri quidem necessariò in Deum clarè visum; sed simul cum hoc

hoc

hoc liberè; sic iterum subiungit. *Hæc Henricus: cuius positio videtur concordare cum Thoma in re, quamvis non omnino in verbis; nam dicit voluntatem ad finem ultimum liberè ferri; Thomas autem naturaliter & ex necessitate. Quod concordatur, si libertas illa coactionem tantum excludat: sic enim Beati in Patria Deo glorioso & Sancto liberè perfruuntur. Nempe non coactè, sed maxime complacenter; & statim concludens. Itaque est tenendum (inquit) quod voluntas naturaliter velit beatitudinem & ultimum finem seu bonum in generali, secundum modum in verbis Thomæ expressum & itè quod summò bono sibi clarè ostenso non possit non affici, sed mox de necessitate diligit illud. Et tandem; Hoc Sanctus Bernardus, Hugo de Sancto Victore & alij magni Patres senserunt. Imò (vt Sanctus ille Bernardus in libro de consideratione testatus est) aliqui in profundissima Dei misericordia ita præueniuntur interdum, & rapiuntur in Deum, vt iam quasi sopita arbitry libertate, non possint nō inflammari & absorberi in illo: sicque etiam quoad exercitiū actus, quodammodo quadā necessitate mouentur à summo illo bono ad horam. Vbi duo notare libet.*

Primum, quod non obstante diuersitate in nomine, inter sententiam Henrici & Sancti Thomæ; asserat nihilominus Dionysius, tenendum esse secundum modum in verbis Thomæ expressum; nimirum in illo actu libertatem non esse; licet concedi posset cum addito, si libertas illa coactionem tantum excludat. Quæ est ipsissima nostra doctrina, quam suprà libro secundo ex professo tradidimus. Imò & ex hoc cætera omnia dicta quorundam Antiquorum in concordiam reducuntur.

Secundum, quod affirmet id ipsū à Bernardo, Hugone de Sancto Victore, alijsque Magnis Patribus, sic fuisse indicatum: nempe liberta-

tem voluntatis circa Deum clarè visum, quantum ad illum actum amoris sopiri & absorberi, quatenus non potest non continuò illo inflammari & accendi. Quod pariter nostra Philosophia iam toties inculcauit, vt pote exigens ad veram libertatem, actus, potestatem eliciendi & cohibendi.

Nonne ex his perspicuum esse, debet cuilibet sine passione iudicanti, extaticum illum Carthusiæ Doctorem, non minùs pro communi esse sententia, quam quemlibet alium ex antiquis Doctores iam prænotatum?

At inspiciamus amplius solutionem eius ad Tercium positū à principio, quod & argumentum est Iansenij (vt suprà vidimus) contendentis propter oppositionem voluntatis & naturæ, nullum actum posse à voluntate elici naturalem; sed omnem debere elici liberè. Profecò hoc dissoluit Dionysius ipsissimis etiam verbis Sancti Thomæ, & nostris. Ad tertium (inquit) quamvis voluntas & natura sint distincta causandi principia, quoniam aliter fiunt quæ naturaliter, quam quæ voluntariè produciuntur: tamen in quodam conueniunt, præsertim quia & ipsa voluntas in aliqua fundatur natura (en verba Sancti Thomæ, Prima Secundæ, quæstione decima, articulo primo ad Primum) & quædam vis naturalis consistit: ideo modum naturæ aliquo modo participat, secundum quod proprietas causæ & prioris, à causato & posteriori participatur. Et immediatè concludens; hinc voluntas (inquit) circa summum bonum per modum naturæ mouetur. En in posterioribus ipsissima quoque verba nostra: cum multoties dixerimus, voluntatem in amore beatifico summi boni, non agere ex parte modi, modo sibi proprio seu prout ab alijs naturis in modo operandi

Suprà  
l. 3. c. 4.  
sect. 2.  
§. An-  
tequam.  
Et li. 2.  
ca. 5. §.  
Ex di-  
st. 11.

differt, sed potius modo quodam determinationis ad vnum, in quo per modum naturæ cum alijs naturis conveniunt.

Hinc factum est, quod in Secundo, Distinctione septima, questione secunda in fine, loquens iterum de Beatis, eandem nostram doctrinam tradiderit. In Beatis (inquens) saluatur proprietas rationalis potestatis ac libertatis, in quantum possunt hoc facere & non facere, quamuis non possint in ista opposita bonum & malum. Et iterum. Voluntas Beatorum non sic determinatur ad vnum quin possit hoc facere & non facere, seu hoc aut illud peragere, nisi in actibus coniungentibus fini. In quibus iterum duo facit, instituto nostro egregiè & præclare admodum consentientia.

PRIMUM: saluando libertatem in Beatis, pro quanto possunt hoc facere & non facere: quod reuera est sentire, veram libertatem in ipsis non futuram, si huiusmodi indifferentiæ potestas vndequeque eis deesset.

SECUNDUM: gaudere Beatos libertate faciendi & non faciendi in omni actu, qui non coniungit eos fini; hoc est phrasi nostra, eos esse liberos, præterquam in actibus, qui habent necessariam connexionem cum Deo clarè viso, quales sunt omnes illi; quibus seruntur in attributa Diuina secundum se, seu prout important perfectiones Diuinas necessarias, sine respectu ad creaturas existentes: quod supra nos fusè quoque tradidimus.

Accedat his omnibus id quod docet in Quarto, Distinctione quadragesima nona, questione prima, paragrapho *Præterea quæri potest*. Vbi disputans, an quis appetit beatitudinem mereatur, distinguit expressè ex doctrina Sancti Thomæ, duplicem formalitatem seu respectum in

illo appetitu: vnum naturalem, secundum quem semper est rectus; alterum verò liberum seu rationalem, secundum quem potest sic vel sic elici, & non elici. Sub primo docet meritum non esse, bene autem sub secundo: quod iterum est constantissimè doctrinam nostram profiteri. Videatur etiam in Tertio, Distinctione decima octaua, questione prima, *An Christus potuit in hac vita mereri?* Vbi ex Alexandro de Hales, eandem doctrinam de potestate indifferentiæ, requisita ad rationem meritoriarum libertatis expressè refert & approbat.

## C A P V T XIX.

*Soluitur Argumentum eiusdem, confectum ex autoritate Marsilij de Inghen.*

MARSILIVS (inquit Iansenius) etiam ex professio Doctrinæ Sancti Bernardi & Magistri insistit.

RESPONDEO quod indubiè Marsilius doctrinæ Sancti Bernardi & Magistri insistit. Nego tamen quod insillat Doctrinæ Iansenianæ. Sed probat ipse quinque propositionibus Marsilij, quod sic: puto tamen, quod non solum impertinenter, sed & capciosè & fraudulentè.

Prima Propositio Marsilij (inquit) *Libertas voluntatis non attenditur penes hoc, quod potest deficere sine peccare. Patet quia tunc Deus non esset liberæ voluntatis, quia vique peccare non potest.*

Dico quod hæc est extra rem ac proinde impertinens. Quis nostrum ponit libertatem in potentia peccandi, cum teste Damasceno, posse peccare nec sit libertas nec pars libertatis?

Secunda eiusdem. Nec libertas voluntatis attenditur penes hoc, quod omne quod potest velle, possit perficere.

Dico quod & hæc æquæ est impertinens. Quis nostrum libertatem collocat in tali potestate? Si verum hoc esset; posset utique voluntas, facere impossibilia, cum utcumque ea velle possit.

Tertia. Nec libertas creata voluntatis attenditur penes hoc, quod non possit immobilitari in bonum vel in malum.

Dico esse quoque impertinentem. Audiuitne unquam Iansenita ex ore nostro, vel alibi in scriptis Thomistarum legit, immobilisationem siue in bono siue in malo, repugnare essentiae libertatis? Prohibet hoc Augustinus, prohibet Bernardus, Thomas, Bonauentura & reliqui Patres.

Quarta. Nec libertas (ut aestimo) in hoc consistit, quod ultimum finem Beaticum clare visum lege communi possit non velle.

Dico & hanc extra chorum esse. Imò & Scotus eam fatebitur; licet aliàs ponat amorem illum ab intrinseco, & ex natura rei contingenter fieri.

Quinta tandem propositio. Videtur quod naturaliter libertas sit sua essentia. Hæc est prius posita in primo notabili secundi articuli. Et statim adiicit, quod non sit possibile, ut voluntate remanente Deus eius libertatem auferat, quia ut dictum est, voluntas est sua libertas.

Dico hanc non solum impertinenter adduci, sed & fraudulenter & captiose. Impertinenter quidem adducitur, quia contra nos non est, cum ingenuè fateamur, quod voluntas sit sua libertas & quod illa manente, nequeat hæc auferri, scilicet respectu omnis sui actus. Captiose vero & fraudulenter; etiam patet ex ipso textu Marfilij: nam non habetur propositio illa ut recitat Iansenius, sed alio

modo ipsi capitaliter inimico. Quinta propositio (inquit Marfilius) videtur quod naturaliter libertas sit sua essentia. Hæc est prius posita in primo notabili secundi articuli. Et hoc in quantum nata est pro statu via liberè velle, id est presentatum sub ratione boni, concluso ultimo fine, velle & non velle, & presentatum sub ratione mali, nolle & non nolle, siue refutare & non refutare. Vide Lector, qualiter toto cælo, hæc propositio sic relata, distet a priori. Sed Iansenius posteriora hæc verba scienter subicit, cum explicationem in eis conspiceret, priuato suo sensui ex diametro repugnantem. Si Marfilius vult, voluntatem esse suam libertatem; profecto hoc non contendit de voluntate sub quacumque consideratione; sed solum de ea in quantum est nata liberè velle, velle & non velle, nolle & non nolle. Quod utique est ipsissima nostræ Philosophiæ doctrina.

Hæc pro mente huius Doctoris sufficere poterant; sed quia nullus Antiquorum (quem ego viderim) expressius aut efficacius libertatem indifferentiæ confirmat; libet plura ex mente illius in medium proferre. Eamus ergo ad articulum secundum quem ipsemet in quinta propositione citat, & duas ibidem conclusiones tamquam duo tela ignea, ossa, nervosque Iansenianos penetrantia, reperiemus.

Prima conclusio (inquit Marfilius) circa hoc; An voluntas libera sit libertate oppositionis, id est contradictionis, ut paulò antè præmiserat. Quamuis voluntas hominis sit libera libertate oppositionis; tamen nullum effectum vel actum potest, nisi virtute alterius agentis principaliter concurrentis & comproducentis. Hæc conclusio duas habet partes. Sed secundam relinquamus. Prima vero est, quod voluntas sit libera libertate

Marfil.  
in 2. q.  
16. art.  
2. cõcl.  
1.

bertate contradictionis: quam licet Iansenitæ dicant se non negare; probationes tamen Marfilij, euidenter illam ab ipsis negandam esse, demonstrabunt: vt & sic habeamus eos directissimè mentem eius pugnare.

Prima igitur pars (inquit iterum Marfilius) est Beati Augustini Tertio de libero arbitrio determinantis, quòd voluntas non possit cogi, nec à superiori, nec ab inferiori, nec ab æquali: sed nec à Deo, nec ab alia voluntate, nec ab alia natura inferiori. Item est venerabilis Anselm, secundo & quinto capite de libero arbitrio, determinantis, quòd voluntas nulla re potest cogi. Item determinat Beatus Bernardus libro suo de libero arbitrio per totum ferre. Ergo (subintellige) voluntas est libera libertate contradictionis. Quis hic non videat à Marfilio præcipuum fundamentum Iansenij, quod de libertate à coactione ex Sanctis Patribus toties inculcat, omnino euacuari? Patet assumptum. Nam faciendo hanc consequentiam, *Voluntas secundum Sanctos Patres à nulla re potest cogi: ergo est libera libertate contradictionis*; euidentissimè supponit ipsos per remotionem coactionis, intellexisse remotionem necessitatis determinantis ad alterum oppositorum; & non (vt contendit Iansenius) remotionem solius violentiæ etiam cum illa determinatione compossibilem. Patet iterum consequentia: nam aliàs illegitimè concluderet; siquidem in amore Dei respectu sui ipsius, cum adsit remotio omnis violentiæ, & nihilominus desit omnis libertas contradictionis; daretur antecedens verum, & consequens falsum. Ergo dicendum est, vt legitimè concludat; antecedens facere hunc sensum: voluntas à nullo potest cogi, id est à nulla re potest necessitari, quin (citra Deum clarè visum) possit in hoc, & non in hoc. Ex hoc namque & ex nullo alio in-

fertur; ergo manet libera libertate contradictionis.

Secundò patet conclusio (prosequitur Marfilius) autoritate Philosophi loquentis in lumine naturali, Tertio Ethicorum dicentis, quòd operationum domini sumus à principio vsque in finem, quod non est sine libertate voluntatis; intellige contradictionis, de qua loquitur. En rursus alterum fundamentum Iansenitarum funditus euacuat. Ipsi contendunt (vt supra vidimus) voluntatem verum habere dominium, etiam respectu actus quem elicit absq; vlla potestate contradictionis; cum tamen hic ex Philosopho supponat Marfilius, sine tali potestate dominium humanorum actuum non subsistere: quod non est (inquit) sine libertate contradictionis seu oppositionis.

Tertiò probatur conclusio (ait Marfilius) ex his quæ omnibus videntur; scilicet. Quod omnibus videtur, naturali ratione iudice, videtur verum: sed omnibus videtur, voluntatem esse liberam libertate oppositionis: igitur. Patet maior, quia omnes in idem tendere, signum est naturam hoc vt verum insinuare. Item quod sapientibus apparet, verum est. Patet minor, quia omnes reputant malis deberi pœnas pro delictis, & iustis præmia pro meritis: quod non posset esse verum, si non liberè libertate contradictionis, mali præc, iusti bene sua opera producerent. Sed ponit sibi obiectionem; Dicitur quòd etiam secundum naturam, debetur malis pœna & bonis præmium, si nulla esset libertas contradictionis. Respondet? Istud non soluit, sed est fuga hæreticorum, volentium quòd omnia eueniunt ex necessitate. Et est dictum eorum verum de pena contraria & præmio contracto. Quia (vt dicit Philosophus Tertio Ethicorum) de necessarijs nec laudamur, nec vituperamur, nec debetur pœna, nec supplicium. Et quis puniret graue, eò quòd tenderet

Supra  
l. 2. c. 7.  
§. 2. ad  
om.  
nia.



deorsum? Ita similiter, nullus sana mentis diceret alicui poenam infligendam, pro eo quod omnimodè vitare non posset. En iterum principale quoddam asseritum Iansenitarum funditus enervatum, imò & damnatum. Ipsi contendunt (vt sæpè iam ostensum est) etiam si nulla libertas esset contradictionis, quod equidem subsistere posset meritum & demeritum in humanis actibus, ac proinde quod premium digni essent, & poena infligenda, quod tamen hic Marfilius conitanter asserit esse fugam hæreticorum, imò & insanæ mentis indicium. Nullus sana mentis (inquit) diceret alicui poenam infligendam pro eo quod omnimodè vitare non posset. Id est, pro eo quod faceret absque libertate contradictionis.

Quarto probatur conclusio (iterum sic Marfilius) experientia. Quia quilibet experitur, libere se posse ire ad Ecclesiam & posse dimittere. Unde Ioannis decimo nono dicit Pilatus Salvatori confitendo suam libertatem; nescis quia potestatem habeo dimittere te, & crucifigere te? Et si cuiquam Principi diceretur, quod possit hoc & non possit in eius oppositum: utique caperet indignanter: ergo naturali experientia omnes consentiunt libertatem contradictionis in voluntate. Vbi autem tor occurrunt testimonia; vellem contrarium asserere, videtur esse insanæ, plus quam sapientiæ. Hic iterum insanæ redarguit, negantes libertatem contradictionis: quam licet Iansenitæ de facto absolute & simpliciter negare non audeant, negare tamen coguntur in aliquibus casibus, vt sub efficacis gratiæ tractu, & etiam quando omnis gratia tam sufficiens, quam efficax deest propter solam culpam originale, & nihilominus secundum ipsos homo peccat personaliter, in eo quod defectu talis gratiæ adimplere non potest. Hæc omnia & singula fusè de-

monstrata sunt supra libro secundo, capite decimo, vndecimo & duodecimo.

Sed dicamus iam alteram seu secundam conclusionem eiusdem Marfilij, quæ in textu ipsius est quarta.

Quarta conclusio (inquit) Libertas voluntatis pro statu viæ in hac principaliter videtur existere, quia positis causis sufficientibus ex parte obiecti & representationis ad ipsius acceptionem, voluntas potest ipsum non acceptare. Item positis illis sufficientibus ad obiecti refutationem, ipsum potest non refutare. En alterum telum igneum, falsitatis Iansenianæ medullas penetrans. Contendunt neutram libertatem siue viæ siue patriæ, principaliter consistere in vlla potestate indifferenti ad acceptandum & refutandum, siquidem asserunt similem potestatem solum esse accidens libertatis, essentiali-que eius principaliter debere poni in quodam alio, nimirum in modo operandi ex ratione & aduertentia: at Marfilius apertè ponit libertatem saltem viæ in illa potestate indifferentiæ consistere essentialiter seu principaliter: ergo Iansenitis apertè contradicit.

Explico hoc. Essentia rei, quantum ad ea, in quibus consistit principaliter seu essentialiter, debet esse eadem in omni statu, cum essentia rerum in eo quod essentia, sint inuariabiles: cum ergo Iansenitæ sentiant libertatem consistere essentialiter seu principaliter in modo operandi cum ratione & aduertentia, & non in potestate illa indifferenti; necesse habent fateri, libertatem etiam in statu viæ essentialiter seu principaliter in eodem consistere: nempe in modo illo operandi cum ratione & aduertentia, & non in illa potestate indifferenti. At Marfilius in illa conclusione expresse ponit contrarium, siquidem asserit libertatem viæ principaliter

paliter seu essentialiter in potestate illa indifferenti consistere: ergo dogma Iansenitarum euertit & contundit.

Explico amplius. Libertas viæ est illa pro qua tota Ecclesia cum hæreticis conflictatur: est illa præterquam à rectè sentientibus, nulla sufficiens ad meritum & demeritum iudicatur: est denique illa, de qua potissimum tota hæc nostra controuersia intelligi debet: at illam asserit Marfilius principaliter seu essentialiter consistere, in eo quod positis omnibus requisitis sufficientibus ad agendum, possit voluntas non agere, quod Iansenitæ totis viribus negant: ergo quid patrocinij possunt ipsi in Doctore isto rationabiliter præterdere?

Vtlerius in eodem Secundo, questione decima sexta, articulo quinto, obiicit Marfilius hanc rationem. *Voluntas post mortem non est libera: ergo potest cogi. Patet antecedens, quia in malis nequit in bonum, & in bonis post mortem nequit in malum. Quid putas, hic respondebitur? Audi quam ex Diametro contra Iansenitas. Ad quartam (inquit) negetur antecedens, quia post mortem essentialiter est libera, sicut nunc. En expressè sermonem de libertate essentiali. Et inde respondens ad probationem, immediate subiungit hanc in nullo alio consistere, quam in potestate indifferenti. Item (inquit) licet mali Angeli, non possint velle bene vel meritorie, tamen respectu horum que malè volunt, idem possunt velle & non velle. Et eodem modo in bonis. Vnde boni Angeli, quamdiu determinationem Diuinæ voluntatis nesciunt, sæpè contraria volunt. Sic enim Princeps Persarum restitit Angelo Iudeorum viginti vno diebus, ut habetur Danielis decimo: & exponit Beatus Hieronymus de bonis Angelis cælestia Prætoriarum per Deum deputa-*

*tis. Et ideo licet non possint malè velle, tamen respectu horum que volunt, idem possunt velle & nolle. Nonne hoc iterum est, libertatem essentialem etiam in Angelis in eo collocare, quod absolute possint idem velle & non velle, licet in sensu composito, determinatione scilicet Diuinæ voluntatis cognita & stante, boni Angeli in oppositum non possint potentia, consequente, sicut nos supra declarauimus?*

Idem dixerat in eodem Secundo, questione quinta, articulo tertio, respondens rationibus factis contra quesitum, ubi primo loco hanc posuerat. *In demonibus est liberum arbitrium: ergo non immobiliter adherent malo. Et ultra: ergo possunt auerti à malo, & conuertere se ad bonum & ex consequenti ad gratiam. Tenet consequentia prima, eo quod immobiliter adherere malo, repugnat libertati arbitrij. Ad quam rationem profecto eodem modo responderem, sicut nos responderemus: videlicet immobilitatem in malo secundum genus, non repugnare libertati arbitrij, quia cum illa stat, indifferentia quoad hoc vel illud malum in particulari. Audi verba & credes. Ad primum (inquit) concesso antecedenti, negatur consequentia. Ad probationem dicitur, quod cum libertate arbitrij post statum viæ, stat immobilis adhesio ad malum: eo quod in eligibilibus ad suum malum, liberè se habet. Non enim necessitatur Diaboli voluntas ad tentandum hominem, sed liberè hoc facit; hoc est cum potestate faciendi & non faciendi. Vnde ad quartam rationem ibidem subiungit quod voluntas Angeli est domina suorum actuum, quos eligit in malum, sic quod potest in eos & non in eos.*

NEC VALET OBIICERE, quod Marfilius in Primo, questione decima, articulo tertio expressè docet, Patrem genuisse Filium libera-

volun-

voluntate, quem tamen constat non potuisse non generare. Ac proinde ad libertatem non requirit indifferentiam.

NON (INQVAM) VALET: nam ipse expressè apponit modum alterius libertatis (de qua nos non disputamus) dicens, quòd Pater genuit Filium voluntate libera, libertate complacentis. Quod autem ipse nobiscum sentiat, libertatem illam complacentiæ, non esse ex se sufficientem ad meritum; in eius scriptis evidens est: tum quia (vt in locis citatis iam vidimus) exigit ad meritum & demeritum, ad præmium & supplicium, libertatem oppositionis seu cōtradictionis. Tum etiam quia in Secundo, quæstione vigesima secunda, articulo secundo, postquam docuerat (sicut & nos supra) actum necessariæ complacentiæ circa Deum clarè visum, esse nobiliorem actu illo, in quo voluntas exercet libertatem oppositionis; statim subiungit, quia istud (nempe libertas oppositionis) est in felicitate meritoria, quæ non completè satiat. Quasi euidenter supponens libertatē oppositionis spectare ad felicitatem meritoriam, ac proinde hanc sine ista non saluari. Quare concludo Marsiliū insistere quidem doctrinæ Sancti Bernardi & Magistri, non tamen conformiter ad sensum priuatum Iansenij, sed ad communem nostrum.

## C A P V T XX.

*Soluitur Argumentum eiusdem, confectum ex auctoritate Gabrielis.*

Iansen. To. 3. l. 6. c. 33. **E**X GABRIELE adfert Iansenius pro sua opinione duo.

PRIMUM: quia docet actum beatificum, esse posse meritorium, si ad

hoc solum à Deo acceptetur. Imò soluens obiectionem contra hoc; Nam de ratione actus beatifici est quòd sit necessarius, de ratione meriti quòd sit contingens: ergo actus beatificus non potest esse meritorius. Expressè respondet, Negetur, quòd actus beatitudinis sit simpliciter necessarius: quia siue sit à Deo immediatè (vt ipse tenet cum nominalibus) siue elicitus à voluntate (vt communiter tenent Theologi cum Diuo Thoma) est liberè elicitus & ita contingens.

Nescio quid Iansenio in mentem venerit, quando hunc locum nobis obiecit. Quid mirum quòd Gabriel doceat actum beatificum posse esse meritorium ex Diuina acceptance; si expressis terminis in solutione, obiectionis fatetur, illum non esse necessarium, sed liberum & contingentē, sicut nos ad meritum requirimus? Renera alieno, quem hic accipit, ense, se præbet ingulandum Iansenius.

Sed alterum, quòd adducit, molestius apparet. Inquit enim idem, Gabriel ibidem, in Tertio scilicet, distinctione decima octaua, articulo tertio, ad secundum, in secunda, solutione, (quam iterum formalitatem subicit Iansenius, cum tamen notanda sit) quòd in anima Christi fuit tantum vnus actus fruitionis Dei & hic à Deo creatus & beatificus: qui nihilominus in Christo fuit meritorius; nam voluntas (inquit) per hunc actum creatum liberè complacenter tendit in obiectum beatificum, licet non liberè contradictorie: & hæc libertas sufficit ad rationem meriti.

Hic inquam locus molestior apparet, imò & nonnullis Theologis adeo euident, vt Gabrielem pro Ianseniano placito apertè citent. De horum numero est sapientissimus meus Magister Arauio, vltra viginti quatuor annos Primariæ lectionis Theologiæ in Vniuersitate Salmantina, modera-

Arauio in opusculis contra hæc. l. 1. dist. 3. 9. de prima.

moderator, nunc verò Dei gratia labores remunerante, Episcopus Segouienfis. Citat Doctor ille Gabrielem propter locum commemoratum, pro opinione asserente ad rationem meriti sufficere solam libertatem à coactione absque vlla prorsus indifferentia; sed (quod Ianseniani notent) citat pro eadem & Calvinum. Vnde sine vllò scrupulo possem & ipsis Gabrielem dare, absque eo profecto quòd magni quid exinde euincerent. Quis namque, qualiscumque inter Theologos Gabriel, vt dictum ipsius fidem faciat opinioni, tam enormiter à communi Theologorum sensu dissonanti? Et ne singula commemorem; nonne nominalis iste (sicut & reliqui) plures habet in rebus Theologicis opiniones falsas, periculosas, temerarias & errori proximas, à quibus & ipsos Iansenitas dissentire omnino est necesse? Ne singula (inquam) commemorem, accipiamus id solum, quod loco citato Gabriel tenet, nimirum actum beatificum esse à solo Deo, animam tantum passivè seu receptivè se habentem. Hoc certè (vt videre est apud Curiel & Ioannem Idephonsum) prædictis censuris subiaceret, ne dicam à fide esse alienum. Hunc igitur virum ipsis dare possem, absque eo quòd authoritatis aliquid inde conciliarent; scio namque (vt alibi Sanctus Thomas de quodam Magistro Guilielmo) eum non fuisse tantæ authoritatis, vt eius dicto standum sit in tanta re. Quia tamen quælibet dicere contendendo, sicut verisimilius res habere conspiciuntur; salvo meliori, nec ipse Gabriel mihi videtur Iansenij sententiæ simpliciter & omnibus modis fauere. Fidem facient sequentia.

PRIMO: quia in Primo, distinctione prima, quæstione sexta, in fine ex Doctore Holkot loquitur &

approbat hanc doctrinam. Sic ergo quantum ad quid rei istius termini, libertas voluntatis, dicit Holkot quod est ipsa voluntas. Quantum vero ad quid nominis huius termini libertas, secundum quod modo videtur eo, & secundum quod Philosophus vocabatur; libertas est potestas quadam, qua voluntas omnibus concurrentibus requisitis ad suum effectum, habet quòd possit cum eis coagere & ponere actum suum ad effectum seu non ponere, sicut ei placuerit, & hæc vocatur libertas contradictionis. Vbi nota sermonem esse de libertate, secundum quod lumine naturali Philosophus illam novit, ac proinde loquitur de ea de qua nos disputamus, quam lumen naturæ dicat voluntati humanæ inesse, prout à cæteris animalibus differt: hanc autem asserit in nullo alio consistere, quam in potestate illa faciendi & non faciendi actum sicut ei placuerit. Quæ etiam de causâ (vt supra vidimus) idem Gabriel falsius fuit, quòd primus modus dicendi, quo nempe dicitur non produci à voluntate liberè, quidquid ab ea non potest non produci, est magis conformis communibus terminorum acceptionibus. Indicans in hoc, reliquas omnes acceptiones libertatis, si quæ aliæ à doctoribus distinguuntur, vt libertas à miseria, à culpa, à sola coactione; esse minimè genuinam illam & naturalem libertatem arbitrij, quæ nobis ratione naturali innotescit, & pro cuius defensione Ecclesia Catholica sub efficacis gratiæ tractu contra hæreticos dimicat.

FACIT AD IDEM, id quod in eadem Distinctione, quæstione secunda, conclusionem quartam præmiserat. Erat ibi conclusio. Quòd actus fructus beatificus, non est à voluntate actiue, sed respectu eius se habet voluntas passivè. Hanc autem probat hoc discursus. Cum voluntas sit omnino li-

Supra  
ca. 14. l.  
Quærit  
Iansen.

Curiel.  
12. 112.  
de beat.  
tutu q.  
4. § 5.  
Ideph.  
12. 9. 1.  
aut. 2.  
dis. 40.  
11. 291.

Opusc.  
22. c. 4.

vera, & liberè ac contingenter agat, posset se facere non beatam, cessando ab actu beatifico, si esset in eius potestate, actus beatificus. Non enim potest necessitari respectu cuiuscumque, licet forte quidam sentiant oppositum. Qui discursus, licet hoc falsum contineat, quod voluntas nullum obiectum possit velle de necessitate; hoc tamen aperte, tanquam verum ex mente Authoris supponit, nempe si libera est voluntas, quod eo ipso possit actum utcumque ponere & cohibere. Quod certè est commune de libertate sententiam tradere.

TERTIO (quod caput est) non solum illam tradit; sed insuper ab obiectionibus Iansenitarum eandem vindicat. Ipsi namque (ut iam sæpe diximus) ad probandum libertatem voluntatis, etiam subsistere respectu necessariorum, quæ aliter se habere non possunt, obijciunt nobis tum Augustinum, tum Anselmum, in eo quod dixerint liberiores esse voluntatem, quæ non potest servire peccato, aut à rectitudine declinare. Quod profecto idem expressis terminis sibi obijcit Gabriel in Primo, Distinctione decima, articulo tertio; & easdem solutiones adhibet, quas & nos adhibuimus. *Solutio* (inquit) est quod Augustinus ibi loquitur de libertate opposita servituti peccati & miserie, quia ibidem paulò ante dicit, liberius erit arbitrium, quod omnino non poterit servire peccato. Aliter potest dici. Liberior est voluntas confirmata in bono, non respectu illorum actuum, ad quos necessariò determinatur, sed respectu aliorum actuum. Nam voluntas non potens peccare, est liberior non ad non peccandum, sed ad actus bonos, quia minus impedita per servitutem peccati. Et paucis interiectis concludens. Non ergo intendunt Sancti (inquit) quod voluntas respectu illius actus, ad quem necessariò se habet, liberè operetur, sed

quod voluntas Beati sit libera simpliciter, & liberior quàm prius: ex eo quia minus potest nunc impediri in executione multorum actuum à causis extrinsecis, quàm in via propter illam confirmationem in bono. Ea duplicem solutionem, & ipsillimam quidem, quam nos supra cum Diacono Thoma expendimus.

QUARTO in eodem art. tertio iam citato sic querit Gabriel, *Utrum libertas voluntatis repugnet necessitati?* En nostram quæstionem. Et respondet, libertas est nomen connotativum vel conceptus supponens pro voluntate, connotando aliquid posse fieri contingenter ab eadem. Et sic libertas repugnat essentia Divina respectu sui ipsius. Hæc enim est falsa; voluntas Divina vult se contingenter vel essentiam suam: convenit ergo libertas rei perfectè, non in ordine ad quodcumque, sed in ordine ad id quod contingenter se habet, & non necessariò. Quid clariùs? Est ea ipsa doctrina, quam supra ex Magistro Sententiarum pro communi sententia adduximus.

Sed non minus evidenter docet, etiam libertatem indifferentiæ requiri ad rationem meriti. Tres loci hoc mihi faciunt omnino manifestum.

Primus habetur in primo, distinctione decima septima quæstione secunda, ubi hoc discursu vitur ad probandum, quod propter habitum nullas actus sit meritorius de se. Quia nihil (inquit) est meritorium, nisi quia in nostra potestate est, hoc est, quia liberè & voluntariè elicium aut imperatum: sed esse in nostra potestate ad agendum vel non agendum, non est ab habita, cum habitus sit causa naturalis: ergo ratio meriti quantum est ex parte nostra principaliter consistit penes voluntatem, quæ est de se libera ad agendum & non agendum, & non penes habitum. Nonne hoc est clarissimè supponere, merito;

Supra  
c. 6. §.  
Primo di  
cunt, &  
tertiò po  
tèst dici.

Supra  
c. 11. §.  
2. propo  
siti.

ritoriam libertatem non esse nisi penes potestatem agendi & non agendi?

SED SECVNDVS locus adhuc est expressior, in Secundo distinctione vigesima quinta, quaestione vnica articulo primo vbi postquam praemiserat, quod aliter de libero arbitrio locuti sunt Philosophi, aliter doctores Theologi & Sancti: quia Philosophi non nisi vno modo sumpserunt liberum arbitrium, scilicet prout dicit principium indifferens ad vtrumque oppositorum, vt ad facere & non facere, Theologi autem quandoque sumunt largissimè vt distinguitur contra coactionem, quandoque strictius vt opponitur seruituti, tam culpae quam miseriae: postquam (inquam) hanc diuersitatem praemiserat; tandem de Theologis & Sanctis concludit, quod ab ipsis etiam libertas accipitur concorditer cum Philosophis prout opponitur necessitati non tantum coactionis sed etiam immutabilitatis. Haec dicitur libertas contingentiae. Sic accipitur quando est principium meriti & demeriti. Nam per hanc quæ vitare non possumus, nec meremur nec demeremur. En id quod toties in toto hoc opere inculco; nempe veram & naturalem libertatem quam Philosophi cognouere, & ratione, cuius Theologi & Sancti Doctores agnoscunt nos esse capaces meriti & demeriti, non esse aliam, quam libertatem contingentem ad vtrumlibet.

VNDE TERTIVS locus in eodem secundo, distinctione vigesima octaua quaestione vnica, articulo secundo conclusione secunda est his omnibus omnino conformis. Vt probet ibidem liberum arbitrium ex suis naturalibus sine dono gratiae posse quodlibet peccatum mortale nouum cauere; assumit clarissimè hoc dilemma. Circa quodlibet agibile volun-

tas aut est libera aut non; si primum: potest in vtrumque oppositorum & ita agere vel non agere, & per consequens illud oppositorum quod peccatum est, cauere. Si non est libera; etiam peccare non potest, in eo quod non est in sua potestate, secundum beatum Augustinum tertio de libero arbitrio dicentem, quod peccatum est ita voluntarium, quod si non esset voluntarium, non esset peccatum. En tria omnino communi nostrae Philosophiae conformia. Primum; si voluntas est libera, ergo potest in vtrumque oppositorum; scilicet agere vel non agere. En requisitam indifferentiam ad rationem libertatis. Secundum; si peccatum cauere non potest, ergo non peccat. En requisitam libertatem indifferentiae ad demeritum. Tertium; quia teste Augustino, peccatum debet esse voluntarium. En usurpatum voluntarium, pro eo quod potest voluntas facere & non facere. Per quod innumeri textus Iansenitarum corruunt. Vt supra etiam ad mentem Scoti ex eodem autore notauimus.

Solum igitur restat, satisfacere loco nobis obiecto. Pro cuius intelligentia scire oportet. Quod in sententia Gabrielis, licet ad meritum plura de facto requirantur, puta quod sit liberè elicited libertate indifferentiae, & secundum inclinationem, gratiae, & per hoc condignum praemio, & acceptum à Deo liberaliter ad huiusmodi praemium tamen iuxta mentem eius illud vltimum est principale in ratione meriti: quo solo existente (inquit ipse) sine alijs actus est meritorius & persona digna praemio: & non existente, licet sit actus liberè elicited & secundum inclinationem charitatis, & gratiae, non est meritum neque condignitas. Sic expressè docet in Primo, Distinctione decima septima, quaestione tertia, articulo tertio, dubio primo in notabili.

Supra  
c. 14. in  
fin. §  
Tertius



Ex quo infert primò ibidem, quòd nullus actus quantumcumq; liberè elicitus, etiam cum quocumque dono creato, siue gratia, siue charitate, est essentialiter meritorius; sed ex sola liberali acceptatione Diuina, & ita præcisè ex sola gratia increata. Quod autem de facto gratia creata, requiratur, sicut & libertas, hoc est ex ordinatione mera voluntatis Diuinæ, quæ de lege communis decreuit nullum sine talibus conditionibus ad præmium acceptare.

Infert secundo ibidem, quòd ideo meritum est magis meritum, quia est à Deo magis acceptum, quam quia est in potestate nostra, aut liberè elicitum.

Infert tertio, in Tertio, Distinctione decima octaua, quæstione vnica, articulo primo, notabili Quinto, quòd actum beatificum esse meritorium, nullam includit contradictionem, neque in Christo, neque in Angelis, neque in cæteris Beatis. Patet hoc, quia actum beatificum potest Deus acceptare tamquam dignum retributione alicuius boni, ipsi Beato si indiget & capax fuerit, vel alteri. Nil enim repugnantia (inquit) hic intuenti potest. Verùm superaddit, quòd de facto nullus Beatus actu suo beatifico meretur; cuius nulla ratio assignari potest, nisi libera voluntas Dei.

Infert quartò ibidem, articulo secundo, conclusionem secundam & quartam, quòd Christus actu suo beatifico de facto meruit, sicut & alij omnibus suis actibus tam elicitis, quam imperatis. Quod & sic probat, quia Christus in omnibus summè perfectus, nullum habuit actum inordinatum neq; indifferentem; sed in omnibus suis actibus à sua voluntate elicitis & imperatis ordinatissimè tenuit puntuale medium virtutis, eosque per charitatē ordinauit in vltimum

finem, & fuit in statu viæ, qui est status meriti. Ergo omnibus illis meruit. Tenet consequentia (inquit) quia nil ultra ad meritum requiritur. Illa enim quæ dicta sunt, sufficiunt cum Diuina acceptatione, quæ ibi semper adfuit.

Sed iam ad rem nostram. Contra hoc quòd dixerat de merito actus beatifici in Christo, obijcit sibi articulo tertio sic. Nam actus beatificus habet oppositas condiciones ad meritum. Ergo nequit esse meritorius. Probat antecedens. Nam de ratione actus beatifici est, quòd sit necessarius seu perpetuus: de ratione verò meriti, quòd sit contingens, cum debeat procedere ex libertate voluntatis: omne autem tale est contingens: quia libertas voluntatis est contingens ad vtrumlibet, quæ contingit, ita repugnat necessitati, seu perpetuitati.

Ad quod respondet verbis, quæ Iansenius primo loco adducit, & sic habent. Negetur quòd actus beatitudinis sit simpliciter necessarius; quia siue sit à Deo, immediatè, siue elicitus à voluntate, est liberè elicitus & ita contingens. Est tamen immutabilis & perpetuus, contingenter & non necessario, quia à Diuina voluntate perpetuò conseruatur. Quibus verbis, quis non videat Gabrielem, ponere libertatem contingentiam, vt meritum in illo actu saluet? Vnde (vt suprà in principio monui) nescio quid Iansenio in mentem venerit, dum hunc locum nobis obijcit.

Deinde obijcit sibi secundò: quia actus beatificus est à solo Deo, cum sit præmium: & de ratione præmij in sententia Gabrielis est; quòd nullo modo sit elicitus à voluntate; sed meritum debet esse à voluntate eliciente, vel imperante, vt iam deducum est (inquit) ergo huiusmodi actus nequit esse meritorius.

Sic habet argumentum, ad quod

respondet per verba illa, quæ Iansenius adducit secundo loco. Sed (quod ipse subticuit) verba illa non sunt nisi secunda quædam solutio. Et in prima expressissimè fatetur communem sententiam. Accipe textum integrum. *Ad secundum* (inquit) *quod actus beatificus est à solo Deo dicitur vno modo* (en primam solutionem) *admisso quod actus beatificus qui est præmium est immediate à Deo. Et ille non est meritorius* (quia scilicet non est à voluntate elicited) *sed cum illo est alius actus fructuonis à voluntate elicited eiusdem obiecti beatifici, & ille est meritorius & de illo intelligenda sunt conclusiones.* Qua solutione dico Gabrielem docere expressè communem sententiam. Quod vt sincerè & veraciter percipiatur, recolenda est doctrina quam tradiderat in Secundo, distinctione septima, quæstione vnica articulo secundo, conclusione quarta, vbi sic statuit. *Quamuis voluntas Angeli tam confirmati quam obstinati quantum ad omnem actum à se elicited sit libera libertate indifferenti ad vtrumlibet non tamen ad omnem actum quem recipit immediate à solo Deo. Probat, quia respectu cuiuslibet actus elicited habet se contingenter, quia potest elicere vel non elicere. Non autem ad actum à solo Deo causatum. Illam enim non potest non recipere neque per eum receptum non tendere in obiectum. Ex quo patet quod confirmatio & obstinatio tollit libertatem arbitrij indifferenter, quantum ad actum à Deo immediate causatos, non autem quantum ad alios à voluntate elicitedos. Vnde quantum ad actum beatificum boni non sunt liberi, & neque mali quantum ad actum in quo essentialius consistit miseria. In quo loco Gabriel clarissimè docet, omnè actum elicitedum progredientem à voluntate Beati, esse liberum libertate indifferentiæ, secus verò illum respectu cuius voluntas se habet merè passivè,*

per receptionem à solo Deo, qualis in sententia ipsius est actus beatificus qui est præmium. Vnde quando in solutione tradita distinguit duplicem actum beatificum in beato; vnum, qui est præmium ac proinde à solo Deo, cui meriti rationem denegat, & alterum, qui præmium non est, sed eliciteduè provenit à voluntate beati cui meriti rationem tribuit; quando (inquam) sic distinguit; euidenter confugit pro saluanda ratione meriti ad libertatem indifferentiæ, sicut nostra communis docet sententia. Hæc ergo est prima eius solutio.

Ex quo patet, quid postea sibi velit in secunda solutione, dum vnum tantum actum beatificum Christi admittit à Deo causatum, huncque nihilominus meritorium, propter solam libertatem complacentiæ, seclusa etiam indifferentiæ contradictionis.

Patet (inquam) quid per huiusmodi sibi velit. Dicendum namque est, non ex eo communem nostram sententiam reprobasse, quam potius primo loco amplectitur; sed solùm voluisse ostendere, quod etiam alia via poterat argumentum probabiliter solui, vt alijs videbatur. Quod certè quàm parum autoritatis opinionis Iansenianæ conciliet, arbitrio lectoris relinquo: vtpote cum ex omnibus antiquis hucusque recensitis, solos duos viderimus tali opinioni subscribere, nimirum hunc Gabrielem & Thomam de Argentina: quorum vterque tamen, primo semper loco communem sententiam fuit amplexatus.

His omnibus addere libet, principia Gabrielis esse longè diuersa à principijs Iansenitarum: ipse namque (vt ex præmissis patet) ponit rationem meriti in actu consurgere ex sola extrinseca acceptione Diuina: vnde non mirum, quemlibet actum quantumvis

tumuis necessarium, posse in eius opinione meriti rationem obtinere, si Deo eundem acceptare placuerit. At verò Iansenitæ nobiscum fatentur, meritum in actibus etiam confluere ex intrinseca proportionem ipsorum operum: qua ergo ratione possunt legitime sustinere, opus ab intrinseco necessarium; de se esse ad meritum sufficienter proportionatum. Certè Gabriel licet à communi sententia in secunda illa solutione recedat, consequentius tamen loquitur; Iansenitæ autem, & ab illa recedunt, & omnino loquuntur inconsequenter.

Tandem Gabriel in illa solutione loquitur secundum legem non communem, sed extraordinariam; quam in solo Christo Deus pro sua libera voluntate stabilire & seruare voluit: unde & ibidem dubio quarto dixit: *Et sic non est de actibus caterorum Beatorum. cuius ratio non est nisi Diuina voluntas.* Quid ergo subsidij potest ex ipso habere Iansenius, qui etiam talem libertatem complacentiæ, vult de lege communi, & ex ipsa sua natura esse ad meritum sufficientem?

## CAPVT XXI.

*Soluitur Argumentum eiusdem, confectum ex auctoritate Guilielmi Parisiensis.*

**A**ST iam per amicum ad manus defertur Guilielmus Parisiensis qui penes me non erat. Et hunc ergo quā potui diligentia, in materia libertatis perlegi; sed reuera non nisi communis sectator est sententiæ. Illam explicat, tradit, defendit, ubique de ea disputat.

ET IN PRIMIS prima parte de

vniuerso, querens vtrum omnia eueniant de necessitate, & sit libertas in nobis; nullam adfert probationem, quæ non continuo potestatem indifferentiæ redoleat.

**Q**UODAM IN LOCO sic loquentem inuenio. *Manifestum igitur est tibi, quoniam nec voluntas, nec res voluntariæ subsunt alicui necessitati, sed nostræ voluntati vel alienæ vel partim.* Et qua de causa? Nos enim (inquit) vel patiundo, vel etiam adiuvando impedire possumus voluntates nostras, &c. En voluntarietatem (quam libertatem reputat) probatam per hoc quod possumus illam ab hoc vel illo opere impedire.

**R**VRSVS nonnullis interiectis, *non est liberum natura* (inquit) *non facere quod naturaliter facit, nec est ei potestas aut libertas, neque electio super facere & non facere: quare modus operationis natura nullo modorum congruit Creatori, ad extra nempe, sicut ibi loquitur.* En qualiter nobiscum distinguat modum operandi naturæ à modo operandi per libertatem, penes hoc quod alter habeat potestatem faciendi, & non faciendi, alter verò non.

**E**T ITERVM, discutrens ibidem de substantijs intelligentibus, in casu quo non agerent per electionem seu voluntatem; *nec bene agere nec malè possent* (inquit) *nec peccare, nec aliquid eis imputandum esset ad meritum, vel ad culpam, ad laudem vel vituperium.* Propter hoc enim nec bene nec malè agere posse, nec culpabiliter aut laudabiliter quicquam facere posse dicuntur, quoniam non est potestas super facere & non facere. Nihil addo, quia perspicuitati, quæ sensum suum explicuit, nihil penè addi potest.

**S**ED DICAMVS ad ea, quæ ex eodem nobis obijcit Iansenius. Multa quidem agglomerat, & proluxa satis. Attamen via compedire est hæc.

PRIMO: quia libro de Pœnitentia docet homines non trahi ad operandum nisi voluntate, & se non desistere ab omnibus operibus nisi voluntate. Non quæres igitur extra te ipsum, an tuius & tua voluntatis sis, an tibi subditus sit tua voluntatis consensus, ut in illud quod te stimulat, ipsum declinare possis si velis, aut ab eodem auertere si velis. Nil aliud (inquit Iansenius) ad libertatem arbitrij postulat, quam ut aliquod nostra voluntate fieri possit.

Sup. li. 3. ca. 4. lect. 1. RESPONDEO sicut suprà dixi ad loca Sanctorum Patrum, quod loquitur de voluntate ut voluntas est formaliter. Secundum quod idem Parisiensis dixit in prima parte de vniuerso. Est intentio mea hæc in hoc sermone, de voluntate qua aliquis veraciter dicit volo. Illa autem est imperativa, qua qui vult aliquid fieri, imperat. En qualiter fateatur se loqui de voluntate formaliter, & quidem imperatiua: quam certè constat indifferentem esse ad vtrumlibet, ut suprà etiam ex Diuo Thoma demonstrauimus. Præterquam quod in ipsis verbis obiectis ipsam indifferentiam videre est. Inquit enim, subditum esse voluntati consensum, non qualitercumque, sed ita, ut in illud quod te stimulat, possis ipsum conuertere, vel auertere si velis. Quis nisi cæcus, hic indifferentiam expressam non videat?

SECUNDO DICIT tractatu de virtutibus, quod liberum est volenti & voluntati ipsum velle super quodcumque volitum cadat. Non enim potest ad illud cogi aut trahi inuitus ut diximus.

RESPONDEO iterum quod loquitur de velle voluntatis ut voluntas est formaliter. Vnde ly quodcumque non distribuit pro quocumque; volito absolute; sed distributione accommodata pro quocumque; volito à voluntate ut

voluntas est. Ita ut sensus sit, velle voluntatis ut voluntas est, super quodcumque; suum volitum cadat, est liberum, quia nequit contra suam inclinationem indifferentem cogi aut trahi ad alterum oppositorum determinatè. Quæ verissima sunt & nostræ Philosophiæ omnino consentanea.

TERTIO DICIT tractatu de vitijs & peccatis. Quod à quocumque principio sit opus voluntarium, dummodo voluntarium sit, id est volitum quocumque trium modorum quos diximus, id est affectatum, vel toleratum, vel neglectum, semper imputandum est voluntati & agenti per voluntatem.

RESPONDEO quod & in hoc verum asserit, nam quidquid nobis est voluntarium voluntate ut voluntas est, iustissime nobis imputatur: cum voluntati ut voluntas est, seu ut à natura distinguitur (teste eodem Parisiensi vbi suprà) insit potestas super facere & non facere.

NEC VALET obijcere id quod immediate subiungit. Nec sequitur, si non potest aliud agere vel etiam velle, quod propter hoc excusatus fuit, qui nec vult aliud posse vel agere nec aliud velle. Quibus verbis videtur libertatem componere cum impotentia ad oppositum.

NON (INQVAM) HOC VALET, nam manifestè loquitur de impotentia contracta ex suppositione mex liberae & antea indifferentis voluntatis. Quod ex præmissis ibidè patet præmiserat enim hanc quæstionem, vtrum quis teneatur non peccare, in instanti quo actu peccat. Et respondet quod tenetur. Obijcienque sibi contra hoc, quia tunc non potest facere aliud liberum arbitrium nec illud vitare quod agit; soluit hoc modo. Respondeo quod ideo non potest, quia nec vult, nec potest etiam velle tunc contrarium, quia nec vult tunc contrarium: & ideo remanet mex excusatum à culpa quod facit. Iam

ergo declarauimus hūc errorem & ostendimus causam erroris istius, videlicet necessitatem & impossibilitatem malē & culpabiliter procuratam. Et postea; scilicet peccantis impossibile sibi fecit, quod erat sibi possibile. En apertissimē sermonem de impotentia ex suppositione libertatis voluntariē contracta, seu procurata, quæ tamen ante contractionem poterat in hoc & non in hoc.

## C A P V T XXII.

Soluitur Argumentum eiusdem, confectum ex autoritate Nicolai de Orbellis, Stephani Brulleſer, & Petri Capulleij.

Iansen.  
To. 3. l.  
6. c. 22.

**E**X NICOLAO DE ORBELLIS adfert Iansenius hunc textum. Dicitur liberum arbitrium simpliciter, non quod velit hoc, vt possit velle oppositum, sed quia omne quod vult, appetit ad sui ipsius imperium, quia sic vult aliquid, vt velit se velle illud, & ideo in actu volendi se ipsum mouet & sibi dominatur, & pro tanto dicitur liberum, quamuis immutabiliter ordinatur ad illud.

**R**ESPONDEO Nicolaum de Orbellis, vtpote Ordinis Minorum de obseruantia, hunc textum sumpsisse de verbo ad verbum ex Seraphico Doctore Bonauentura: vnde sicut eundem suprà circa mentem Sancti huius Doctoris expendimus, ita hic repetere necesse non est.

**E**X STEPHANO BRULLEFER adducit hunc. Actus liberi arbitrij deliberantis, quamuis possit esse circa necessarium, semper est contingens. Actus verò liberi arbitrij, vt liberum est, non solum potest esse circa necessarium, sed etiam necessarius in se.

**R**ESPONDEO eodem modo. Stephanus Brulleſer fuit pariter Ordinis Seraphici, & sumpsit textum illum de verbo ad verbum ex Sancto Bonauentura, quem etiam suprà expendimus & soluimus.

Suprà  
C. 15. §.  
Sed 1400  
mibi.

**E**X PETRO CAPULLEIO. Quadam sunt ordinata ad finem beatitudinis, quæ ipsi vltimo fini beatitudinis coniunguntur, vt videre & amare. Et respectu horum est sempiterna & libera electio. Alia autem sunt imperfecta, eo quod ab vltimo fine distant, vt Fides & Spes: & hæc excluduntur, nec est sempiterna electio respectu horum.

**R**ESPONDEO hunc textum haberi in Sancto nostro Præceptore Thoma Aquinate: vnde si Thomistice explicare libuerit; vide quæ suprà circa eundem tradidimus. Tamen quia Capulleius Ordinis fuit Seraphici; explica potius Scoticè; quod videlicet vocat electionem illam amoris beatifici, liberam libertate à coactione, seu libertate complacentiæ, minimè verò libertate, de se sufficienti ad meritum & demeritum. Est solutio quam adhibet Gabriel, vt suprà etiam declarauimus.

Suprà  
l. 3. c. 1.  
scilicet 6.

## C A P V T XXIII.

Soluitur Argumentum eiusdem, confectum ex autoritate Richardi de Media Villa.

Suprà  
l. 5. c. 14  
§. Quæ  
testatur  
&c. l. 5.  
§. Respon-  
do ex ip-  
ſo.

**V**ARIA ETIAM adducit ex Richardo de Media Villa. Sed ea omnia iam sufficienter explicauimus in suo simili, quandoquidem constet, quid ceteri Scholastici per locutiones huiusmodi intellexerint.

Suprà  
ca. 15. §.  
Ad 2.

Ne tamen omnino Richardum negligere videar, hunc articulum ipsius libet huc transcribere, ex quo manifestum erit, ipsum veram & meritoriam libertatem sine indifferentia non admittere:

QVÆRIT ITAQVE in Quarto, Distinctione quadragesima nona, articulo secundo, questione quinta. *Utrum voluntas in appetendo beatitudinem mereatur.*

Videtur quod non (inquit) secundum Philosophum Secundo Ethicorum capite sexto, ex his quæ insunt nobis à natura, non laudamur, nec vituperamur, nec sumus boni, nec mali: sed voluntas naturaliter appetit beatitudinem ergo ex hoc appetitu non debet laudari: quod non esset verum si tali appetitu mereretur: omne enim meritum laudabile est.

Item Augustinus (prosequitur) libro primo retractionum, capite nono. Peccati reum teneri quemquam, quia non fecit, quod facere non potuit, summæ iniquitatis & insanie est: ergo vultus peccat in hoc quod facit de necessitate: ergo à simili nec meretur. Sed ostensum est quod voluntas de necessitate appetit beatitudinem. Ergo.

En duo in primis argumenta, procedentia ex communi nostræ Philosophiæ principio, nempe ad meritoriam & demeritoriam libertatem exiguntur potestatem indifferentiæ, quæ cum in appetitu beatitudinis deesse videatur; non videtur quoque in illo vllum vel meritum vel demeritum subsistere.

Sed iam (inquit) contra. In appetendo beatitudinem, Deum appetimus; sed in appetendo Deum est meritum: ergo appetendo beatitudinem meremur.

Item voluntarij actus boni maxime sunt meritorij propter finem; sed secundum Philosophum primo posteriorum, propter quod unumquodque tale & il-

lud magis: ergo maxime meritorium est velle finem.

En alia duo argumenta, conantia meritum in illo appetitu probare, defectu indifferentiæ non obstante. Sed iam audi resolutionem.

Respondeo (inquit) quod hominem appetere beatitudinem contingit dupliciter. Vno modo in generali, in quantum appetit aliquod bonum sufficientissimum, alio modo in speciali, in quantum determinat appetit illud bonum in speciali, in quo verè est omnis sufficientiæ plenitudo: sicut in clara Dei visione, & perfectæ eius fruitione. In appetendo beatitudinem primo modo, non est meritum: quia sic naturaliter ab intellectu cognoscitur, & à voluntate appetitur: ita quod circa hoc nec intellectus potest errare in cognoscendo, nec voluntas in appetendo. (En negatam rationem meriti sub illa formalitate, quæ appetitus ille est naturalis & non indifferens) In appetendo beatitudinem modo secundo, est meritum: quia sic nec naturaliter cognoscitur, nec naturaliter appetitur: sed respectu eius contingit esse errorem in intellectu & obliquitatem in affectu: quia & intellectus potest opinari non esse beatitudinem in illo bono, ubi verè est; & eam esse in illo bono, ubi verè non est: & ex consequenti voluntas potest appetere beatitudinem ubi verè non est, & eam non appetere, ubi verè est. Unde beatitudo hoc modo accepta, obiectum est liberi arbitrij, non tantum sub ratione, quæ est liberum, sed etiam sub ratione, quæ deliberativum. En affirmatam rationem meriti in illo appetitu sub illa formalitate, quæ indifferens. Imo quod caput est, videtur ad rationem meriti exigere indifferentiam arbitrii, prout est verè & propriè deliberativum: quam tamen indifferentiam nos non requirimus.

Et tandem articulum concludens, subiungit responsum ad argumentum



mentum hoc modo. Argumenta ad partem primam, procedunt de beatitudine primo modo dicta. Quasi apertis verbis diceret; concedo quod in appetitu beatitudinis in generali non meremur, quia nempe prout sic appetitus ille non est indifferens, sed potius naturalis & ad vnum determinatus. Nego tamen quod non, mercamur in appetitu beatitudinis in speciali; quia ille vice versa indifferens est, & minimè determinatus. Hoc certè est respondere eodem prorsus modo; quo suprà Sanctum Thomam respondentem vidimus, cum simile sibi argumentum obijceret.

## C A P V T XXIV.

Soluitur Argumentum eiusdem, quo epilogicè profert consensum antiquorum Scholasticorum & Scriptorum vsque ad Augustinum.

**Q**UONDAM AVGVSTINVS contra Iulianum, qui & multitudinem Scriptorum in suam vocauerat sententiam, hoc protulit iudicium. Conuocasti etiam in auxilium Turbam philosophorum, quasi susceptæ tuæ si non possunt pecorum solertia naturales, saltem doctorum hominum opitulentur errores. Sed quis non videat doctrinæ te quasissè instantiam in commemorandis nominibus doctorum hominum sectisque diuersis, quando perspicit quicumque ista tua legit, ad quæstionem quæ inter nos vertitur, hæc nullatenus pertinere? Quis enim audiat quod abs te commemorentur Thales Milesius vnus de septem sapientibus, deinde Anaximæder, Anaximenes, Anaxagoras, Xenophanes Parmenides, Leucippus, Democritus, Empedocles, Heraclitus, Melissus, Plato,

Pythagorei, & vsquequæ cum proprio dogmate suo de naturalibus rebus? Quis inquam hæc audiat, & non ipso nominum sectarumque conglobatarum strepitu terreatur, si est ineruditus, qualis est hominum multitudo, & existimet te aliquem magnum, qui hæc scire potueris? Ecce quod appetis, quandoquidem in his omnibus, abs te coaceruatum commemoratis, quod ad rem, quæ inter nos agitur, nihil omnino dixisti.

Hæc magnus ille Augustinus contra Iulianum; sed hæc eadem & ego, proportionè tamen seruata, contra Ianſenitas. Conuocarunt, (vt in præcedentibus habitum est) in auxilium turbam antiquorum Scholasticorum, quasi susceptæ suæ priuatæ opinioni, si non possent sufficienter Theologicarum pondera rationum, saltem Doctorum hominum opitulerentur sermones. Sed quis non videat ipsos doctrinæ quæfisse instantiam in commemorandis nominibus doctorum hominum, quando perspicit, quicumque ista nostra legit, nihil prorsus ad quæstionem quæ inter nos vertitur, tantam multitudinem pertinere? Quis enim audiat quod ab ipsis comemorentur, Petrus Capuleius Episcopus Conuersanus, & Stephanus Brullefer, & Nicolaus de Orbellis, & ante Nicolaum, Gabriel Biel, & ante Gabrielem, Marsilius ab Inghen, & ante Marsilium, Thomas de Argentina, & ante Thomam Argentinensem, subtilissimus Doctor Scotus, & ante Scotum, Henricus à Gandauo, & Richardus de Media Villa, & ante Richardum Sanctus Bonauentura & Sanctus Thomas Aquinas, & ante Sanctos Thomam & Bonauenturam Alexander de Ales præceptor viriusque, & ante Alexandrum, Guilielmus Parisiensis Episcopus, & ante Guilielmum, alius Episcopus Parisiensis Petrus Lombardus Magister Sententiarum, & ante Petrum Lombardum, Richardus de Sancto Viſtore, & etate par

Sic refect Ianſen. to. 3. l. 6. c. 38.

Richardo, Hugo de Sancto Victore, & coeui istis Sanctus Bernardus velut praesulor totius Chori, & ante Sanctum Bernardum, Sanctus Anselmus, & ante Sanctum Anselmum, Sanctus Ioannes Damascenus, & ante Sanctum Damascenum Magister omnium Posteriorum profundissimus Augustinus, vnusquisque cum proprio suo titulo, tum Senij, tū Magisterij, tum Episcopatus? Quis (inquam) hæc audiat, & non ipso nominum titulorumq; conglobatorū strepitu terreatur, si est ineruditus, qualis est hominum multitudo? Vt sic nempe Iansenitæ existimentur magni aliqui, qui hos omnes scire, legere & referre potuerint. Sed ecce quod appetunt, quandoquidem in his omnibus sic ordinatè commemoratis, quòd ad rem quæ inter nos agitur, pertineat, nihil omino dixerunt. Apertissima quippe sunt, quæ de horum virorum mente tot & tanta coacti protulimus testimonia, ita vt ipsa iam verborum euidentia machinamentum Iansenianæ nouitatis tamquam caput colubri conculcatum sit, contritum, abiectum.

Nec terrere debet Theologum, licet terreat imperitum, id quod fidenter ipsi dicunt, *quemcumque scilicet, qui ipsorum doctrinam erroris insinulat, Anathema quoque dicere, in ista Catholica doctrina Culmina & Columna Augustinum & Bernardum.*

Non (inquam) terrere hoc debet communis veritatis amatorē Theologum. Nouitatis ista vox est, singularitatis illa censura, ridendæ imaginationis hoc Anathema. Sed dico & ego fidenter, quicumque in hac materia libertatis non potius Thomam Aquinatē Diuinæ mentis Interpretē, quàm Cornelij Iansenij Augustinū consuluerit; semper erit de veritate suspectus. Licet namque summæ veritatis sit Augustinus, plurimæ tamen falsitatis & erroris plurimi est

ille Augustinus Iansenij. Differunt sanè Augustinus, & Iansenij Augustinus. Et in quo quæso differunt? In hoc solum. Augustinus Doctor Ecclesiæ, Iansenij Augustinus, Doctor est Vniuersitatis Louaniensis, vel si malis, Augustinus Iaruatius. Primæ classis non nouimus præter quatuor; nisi Angelicum & Seraphicum: secundæ verò & plures nouimus, & vidimus & quotidie experimur: imò si Iaruatium Augustinum desideras, Caluinum consule & inuenies. Quid ergo? Querendusne Augustinus Doctor Ecclesiæ in Doctore Louaniensi? Minimè gentium. Queratur Augustinus Doctor Ecclesiæ in Thoma Aquinate Doctore Ecclesiæ, quasi sit rota in medio rota, inquit Ezechiel.

Sed obsecro te, Iansenij, si Thomam quoque Aquinatē nobis opponere gestiebas; cur non potius inter reliquos Scholasticos, eos commemorasti, qui Thomæ Aquinatis, vel auditores fuere vel discipuli vel testes? Hoc enim tibi potissimum congruebat, si ea tibi mens erat, Aquinatē etiam pro partibus tuis declarare. Sed quis non, quid prospexeris, cernat? Ne videlicet in ipsa de Libertate questione, vnde tecum agimus, ij ipsi Thomæ Discipuli sensus eius promendo, cum Sancto Thomate obruerent, aut ex Commentatore eius Caietano (vt supra nouimus) intelligibile tuum esse dogma audires. Confugisti ergo ad Petrum Capulleium, ad Stephanum Brullefer, ad Nicolaum de Orbellis, ad Gabrielem, ad Marsilium Theologos parum omnino notæ, qui & absurda quamplurima in rebus, Theologicis dixere, quorum tibi dogma malè intellectum placuit, quia alteram illam partem grauissimorum Thomistarum, cum tibi insensam cerneres, vel attingere timuisti, vel dato studio discutere neglexisti: vt enim

Ezech.  
1.

Supra  
1. i. c. 8.

Iansen.  
ib.

enim Sanctus Thomas in Primo ad Annibaldum, questione tertia Prologi, articulo quinto: *Quando homini complacet una opinio, diligenter inquirat illa, quae sunt pro illa opinione, & negligat ea quae sunt contra.*

## CAPVT XXV.

*Ostenditur, in quibus Iansenita conueniant cum Hæreticis, quantum ad ea quae in hoc opere tractauimus.*

SERMONEM quem huc usque protraxi, concludere non possum, nisi tandem ostendero conuenientiam horum Doctorum cum Hæreticis. Si namque (ut alibi monui) cum Hæreticis nec nomina debemus habere communia; hinc discet Lector, quanto studio fugiendi sint hi, qui & rem cum ipsis communem habere probantur.

PRIMO itaque conueniunt in eo quod fortissimè & audacter omnino Philosophiam aspernentur. Audi verba Iansenij, & videbis. *Res illa (inquit) de Concurſu Dei, de liberæ voluntatis natura, de habitu cum voluntate confluxu, de libertatis indifferentia vel de similibus innumerabilibus, non Philosophicorum principiorum presidio decidenda sunt. . . . sed Ecclesiasticae auctoritatis ductu inuestiganda, & pondere afferenda videbantur. Semper enim Philosophia, quemadmodum mater Hæreticorum fuit, ita rerum Diuinarum arcanis definiendis adhibita, mater errorum est.*

Bone Deus! Si res ita habet; quid dicemus de Sanctissimo nostro Praeceptore Thoma Aquinate? Estne vel vllus articulus in tota eius Summa, in quo nobis continiò principium aliquod Philosophicū pro expli-

catione Theologicae veritatis adhibeat?

Ast ignoscamus Iansenitis: nam in hoc cum Luthero conueniant, qui (teste Cano) non modò asseruit, Philosophiam esse Thologo inutilem & noxiam, verum etiam omnes speculatiuas disciplinas errores esse.

Cano  
de lo-  
cis li. 1.  
cap. 9.

Vnde & idem Cano, quasi Scholam Iansenitarū propheticè intuens, vehementer miratur, morem eiſciendi humanas seu Philosophicas rationes, cum in Theologia differitur, in quibusdam etiam Catholicorum Gymnasijs insertum esse. Haud parua certè iactura Ecclesiasticae Disciplinæ, si illa consuetudo inualeſcit. Erunt enim, si res procedit, optimi præstantissimiſque Theologi qui plurima loca Scripturæ & Sanctorum memoria tenuerint: & quod Iurispræritis obijcitur, qui etenchi fuerint librorum, & indices. Id quod in Germania temporibus Lutheri accidisse, veri Catholici adhuc de facto gemunt. Nam exinde pestilens illud malum prodixit, ut sutores qui nouum testamentum memoriæ mandauerant, sine vilo prorsus naturalium veritatum intellectu; magni & præclari Theologi sint habiti, atque adeo mulierculæ, quoniam Euangelia & Paulinas Epistolas memoriter recitare poterant, omniū Academicarum Theologos ad disputandum aufere sint prouocare.

Talis quippe est Iansenitarum Theologia. In qua quoniam nullum acumen, nullum ingenij specimen conspicitur, sed merus nudusque textus Sanctorum; optimo quisque splendidissimoque ingenio, quamuis acie mentis & veri perspicientia polleat, quamuis rerum humanarum Diuinarumque ordinem ac connexionem teneat, quamuis omnium causas, effecta, antecedentia, consequentia,

non

Suprà  
lib. 2. c.  
14. §. in  
primis.

Iansen.  
rom. 2.  
1. prox-  
imali c.  
3. in fi-  
ne.

non animo solum perlustret; sed etiā comprehendat; nullo tamen apud istas habetur in pretio, si non abundauerit vndequeque temerē congestis rhapsodijs textuum, capitulorum, & lectionum. Adeo nempe Philosophicas disciplinas contemnunt, adeo Scholasticos discursus aspernantur. Hoc igitur primum est in quo cum Hæreticis conueniunt.

CONVENIUNT secundò in potissimis responsionibus quas argumentis nostris adhibent. Suprà libro primo argumentum fecimus ex Augustino ad probandum requiri libertatem contradictionis, vt peccatum aliquod sit verè peccatum. Inquit namque, quòd peccatum est voluntas retinendi vel consequendi quod iustitia vetat & vnde liberum est abstinere. Et alibi, quis enim peccat in eo, quod nullo modo cauere potest? Sed quid ad hoc Iansenita? Profecto similes definitiones ac sententias non nisi de primo peccato Adæ intelligi volunt. Idem prorsus volunt Hæretici. Adducamus verba primò Iansenij, dein de Caluini, & fidem facient huius quod dico. Iansenius respondet sic. Cum ergo Doctor profundissimus (Augustinus) proprijs suis principijs de peccati libertate à Pelagianis premeretur... assueuerant docuit, huiusmodi sententias ac definitiones suas, non esse de quolibet peccato intelligendas, sed de illo solo quod in paradiso primus parvulus summa voluntatis libertate perpetravit. Consonat Caluino respondenti eodem modo. Nam cum Pighius obieisset vtrumque illum Augustini locum à nobis positum, Caluinus his verbis satisfacit. Inspiciat locum qui vult, si non de peccati initio loquatur. Et paulò inferius postquam idipsum etiam testimonij Augustini comprobasset; concludit; Vides ipsius authoris testimonio, qui eius certè quod dixit, interpretandi ius habere debet, non

nisi primo Adæ peccato conuenire hanc definitionem? Igitur ipsissima est responsio Caluini & Iansenij. Imò quòd plus est, eisdem omnino testimonijs Augustini malè intellectis vitur uterque ad glossam illam comprobendam. Folia integra ex Caluino & Iansenio possem huc transcribere, si mirabilem eius in hac responsione cum Caluino consonantiam, omni ex parte vellem ostendere.

PERGAMVS vterius. Iansenitæ negant naturam libertatis consistere in potestate indifferenti agendi & non agendi. Et quando illis suprà libro secundo obiecimur vulgarem definitionem potentie liberæ, quod est illa que positis omnibus ad agendum prærequisitis potest agere & non agere; respondit Vincentius, ibi solum definiri libertatem per aliquid ipsi accidentale. Non verò per aliquid quod sit libertatis essentia. Quod in re idem est, ac negare illam definitionem in sensu quo Scholastici contendunt eam per essentialem libertatis rationem tradi. Sed nonne & idem hæretici faciunt? Placetne illis illa Philosophica libertatis definitio? Nonne eam negant, repudiant, aspernantur? Accipe verba Samuelis Marefij hæretici nostris temporibus famosissimi, & cōsentientem reperies. In Scholijs ad Catechismum gratiæ nuper à Sancta Sede prohibitum, sic resoluit. Hinc autem liquet, falsam esse definitionem liberi arbitrij, quòd sit facultas naturalis, qua homo positis omnibus ad agendum prærequisitis possit agere vel non agere. En consensum hæretici Marefij & Vincentij in perneganda vulgatissima illa definitione.

VLTERIVS ITERVM: Suprà etiam obiecimur Iansenitis, non posse homini sine sua culpa personali destituto omni gratia, imputari omissiones præceptorum supernaturalem,

Suprà  
lib. 2. c. 4.

Samuel  
Marefij  
in gebr.  
ad Ca.  
techif.  
gratiæ  
cap. 1.  
Gratiæ  
qua  
datur.

Suprà  
lib. 2. c.  
10. cit.  
ca finè.

lium, ex eo quod absque gratia sit verè impotens illa adimplendi. Respondent hoc non obesse, sed equidem iustissimè imputari, tamquam verè & propriè peccata, quia quod homo sic impotens factus sit, hoc habet ex culpa primi Parentis, & sic est impotentia homini voluntaria. Vis iterum lector videre, qualiter in hac responsione sit omnimoda cum Calvinistis consonantia? Verba Caluini id testatam reddent. Neque enim (inquit ille) aut facultate nostra metiri officium oportet, cui adstricti sumus.... verum sic primò habendum est, etiamsi legis institutam, nec implere nec inchoare possimus, eam tamen iure à nobis requiri, neque nos excusari infirmitate aut virium defectu, cuius vitium à nobis est, ita culpa nobis imputanda est. Et alio loco; nam & sponte dicimus peccare quicumque peccant: eoque ipso conuictos teneri, ne se à reatu eximant. In isto Dei iudicio damnari, qui eius iustitiam violauerint, cui subiectos esse nos omnes decet: naturæ vero imbecillitatem aut impotentiam frustra prætexere, cuius sibi culpam imputare debeant. Non vides hic, infirmitatem, defectum virium seu impotentiam minimè ab obligatione præceptorum excusare, eo quod omnia hæc à vitio nostro originem trahant? Et quod loquatur de vitio primi Parentis, patet manifestè ex verbis quæ primo loco præmiserat. Ibidem enim sic præfatus fuerat. Respondeo & Lutherum & nos omnes duplicem constituere naturam: priorem qualis à Deo condita fuerat, quam puram & integram satemur fuisse: alteram qua lapsu hominis vitiatam, suam integritatem perdidit. Huius vitiositatis culpam homini tribuimus. En sermonem expresse de lapsu seu vitio primi Parentis. Cuius proinde prima libertas secundum Caluinum est sufficiens, vt modo nobis in natura lapsa, quædam impotentur, quæ tamen pro-

pter impotentiam vitare non possumus. Imò tam constanter hæc ab eo doctrina traditur, vt plura velle commemorare, esset oleum & operam perdere.

CONVENIUNT TERTIO in potissimis argumentis quæ nobis obijciunt: ita vt eadem omnino & ipsissima apud hæreticos inuenire liceat.

IN PRIMIS pro adstruenda necessitate peccandi in natura lapsa, vtebantur suprà Iansenitæ authoritatibus Augustini & Bernardi. Eisdem omnino & ad eundem finem vitur Calvinus, quas quia longum esset recensere, accipe breuem hanc Caluini conclusionem, qua expresse hoc fatetur. Nunc verò (inquit alibi) post eius lapsum, necessitatis iugum, à quo aliis soluti essemus atque immunes, nobis impositum est, ipse (Augustinus) & Prosper & Bernardus vno ore tradunt. En qualiter pro necessitate peccandi confidentissimè nobis obijciat Augustinum, Prosperum, Bernardum, sicut & vos Iansenitæ facitis. Imò si Iansenium consulere quis velit; eisdem ferè verbis quibus Calvinus in hac materia loquitur. Verba Iansenij quodam in loco sunt hæc. Sanctus Augustinus huiusmodi peccata, quæ ex ista contracta peccandi necessitate contingunt, semper vera esse peccata profitetur, quamuis ea voluntas ita constituta vitare non possit. Verba verò Caluini hæc. Vbi autem de vitiosa natura sermo est, peccatum esse palam pronunciat (Augustinus) sine vitari possit sine non possit. In quo quæso ista horum virorum verba differunt? Anne sensu? Minimè. Anne grammaticaliter saltem constructione? Vix profecto.

DEINDE ALIVD ARGUMENTVM Vincentij fuit, ex eo quod Deus necessariò omnia iuste & benè velit, quæcumque vult, & tamen

Supra  
l. 3. c. 4.  
sect. 4.

Caluin.  
vbi supra  
1.  
in li. 4.  
9. Quod  
de dia.  
bols.

Iansen.  
tom. 1.  
lib. 8. c.  
20. columna  
875.

Caluin.  
vbi supra  
in  
lib. 4.  
5. Quod  
in altero  
memore,



men liberè. Rursus ex eo quòd Dæmon necessariò peccet & tamen liberè. Hæc duo argumenta suprà ex

Supra  
lib. 4. c. 4.  
sect. 5.  
& li. 4.  
c. 18.

Caluin.  
ibid. in  
lib. 4. c. 5.  
Quoniam  
autem,

Vincen-  
tius protulimus, quæ & Ian-  
senius plurimis authoritatibus Au-  
gustini & Bernardi vndequeque mu-  
nit. Sed vide iterum quàm disertis  
verbis in Caluino habeantur eadem  
omnino & ipsissima. Negant (inquit)  
qui liberum arbitrium contra Dei gra-  
tiam tuentur, peccatum aut virtutem  
esse, ubi est necessitas. Respondemus,  
Deum necessariò bonum esse; nihilo ta-  
men minorem ex bonitate laudem con-  
sequi, quia non nisi bonus esse possit. Rur-  
sus Diabolum necessariò malum esse: ni-  
hilo tamen minus vitiosam esse eius ma-  
litiã, neque id est nostrum commen-  
tum. Sic ante nos Augustinus, sic Ber-  
nardus locuti sunt. Iansenitæ quòd si  
hoc vestris argumentis, vestro pro-  
bandi modo ex Sanctis Patribus con-  
sentaneum non est, profecto nec onù  
ono simile erit. Et si iste locus non  
sufficit, accipite & alium eiusdem.  
Caluini ex institutionibus capite se-  
cundo, de cognitione hominis, nu-  
mero quinquagesimo primo. Ibidem  
sic concludentem reperietis, si non  
dudum ante me reperistis. Ergo si li-  
beram Dei voluntatem in bene agendo  
non impedit, quòd necesse est illum bene  
agere: si Diabolus qui non nisi malè ag-  
ere potest, voluntate tamen peccat; quis  
hominem ideo minus voluntariò peccare  
dicet, quòd sit peccandi necessitati obno-  
xius? Nonne videtis consonantiam?  
Etsi hic dissimilitudo? Nonne ad-  
æquata omnino paritas in vestris &  
Caluini argumentis?

ITERVM, argumentum Vincen-  
tij suprà fuit, voluntatem liberè ag-  
ere, per hoc præcisè quòd agat incoa-  
ctè, quod & multis ex Augustino  
probat Iansenius. Sed quid ad hæc  
Caluinus? approbat planè id ipsum,  
& Augustinum per liberum nil aliud  
velle quàm non coactum pari voce

sic cloquitur. Quid ergo, inquires, sibi  
vult Augustinus, cum de libertate vo-  
luntatis loquitur? Et nullo interiecto  
respondet; nempe quod toties repetit:  
non cogi homines inuitos Dei gratia sed  
voluntarios regi. Nonne iterum  
conuenit? Nonne eadem in cimba  
nauigat?

AST NONDVm finis. Attulit  
& hoc argumentum Vincentius: quia  
nimirum Christus tali necessitate  
mortuus est, vt non potuerit non mo-  
ri, & tamen verè liberè fuit mortuus.  
Hoc expendimus suprà libro quar-  
to, capite duodecimo, & ex Iansenio  
vrsimus. Dico iterum in adstruenda  
tali necessitate respectu mortis Chri-  
sti, Iansenitas hic conuenire cum hæ-  
retico Vuiclepho: qui licet penes me  
non sit, grauissimus tamen Theo-  
logus Thomas Vualdensis testatur  
hanc à Vuiclepho necessitatem posi-  
tam fuisse. Nam quodam in loco  
cum præmisisset; periculosè (vt mihi  
videtur) quidam magni viri necessi-  
tatem istam præcedentem ponunt in huma-  
nis operibus; paucis interiectis subdit  
Vualdensis; Quomodo isti non dicerent  
vnà cum Vuiclepho quòd Christus subi-  
uit mortem necessitate, cui obuiare ipse  
non potuit? Non audis hic, esse propo-  
sitionem Vuiclephi hanc; Christus subi-  
uit mortem tali necessitate, cui obuiare  
non potuit? In ea vos Iansenitæ  
conuenitis, minime attendentes ad  
veritatem illam Euangelicam Ioan-  
nis decimo, potestatem habeo ponendi  
animam meam, & potestatem habeo,  
iterum sumendi eam.

VERVM PERGITE ad beatos  
Angelos, & rursus Vuiclephum con-  
sentientem habetis. Argumentum  
vestrum fuit, beatos Angelos esse li-  
beros in agendo & tamen necessariò  
agere id quòd agunt, tam circa con-  
silia, quàm circa alia opera. Si su-  
prà obiecistis, & nos soluimus. Ast  
quàm succinctè, quàm argutè, quàm

Caluin.  
in an-  
tidoto  
sextæ  
sess. 5.  
Sextæ of  
ferentiæ.

Vual-  
dens. li.  
1. do-  
ctrina-  
lis fidei  
artic. 1.  
c. 25.

Suprà  
lib. 4. c. 4.  
sect. 5.  
& 6. t  
lib. 5. c  
10.

bellè

Supra  
lib. 4. c. 5.



bellè cāntum hunc vobis Hæreticus ille præcinit. Teste Vualdensi vbi supra, hæ sunt eius voces. Quia est & libertas in Angelis, qui tamen ad hoc agendum quod agunt summa necessitate trahuntur. Nonne percipitis harmoniam? Nonne concentus iste vester? Ergo hanc quoque antiphonam Hæreticus vobis chorus intonuit.

**OCCVRRIT** & alia non minus arguta, ex Caluino iterum. Numquid alibi inter cætera etiam obiectistis, & ex Augustino probastis, aërum esse liberum, eo ipso quo est cum delectatione? Et quis vestrum Caluini consensum hic negabit? Verba eius vt legi, statim annotaui, nam in aure cordis consonantiam ingerebant. Vos ea legite, notate, vt à quo spiritu sint, discatis. In responsionibus ergo contra Pighium hanc Rhetoricam prouit. Quid aliud sonant Augustini verba? Libera (inquit) est homini voluntas, sed ad malum. Cur? Quia delectatione & proprio appetitu mouetur. Probat ex Augustino, sicut & vos probatis, voluntatem esse liberam, vt pote quæ est cum delectatione.

Quid plura? Toties iam hæreticorum sententijs vestras consentientes produxi, vt amplius repetere hoc ipsum mihi fastidium sit. Vnum tamen omittere non possum ex Hæretico Maresio, qui tam euidenter hæc vestram conuenientiam cum suis vidit & palpauit, vt gloriabundus omnino & tanquam sibi summopere congratulans, publico scripto eam iacitare non dubitet. Inquit enim præfatione in Catechismum gratiæ, Idem reuera in hac capitali controuersia (de gratia nempe & libero arbitrio) sentire Pontificiorum Iansenitas, quod docetur in nostris Ecclesijs & Canonibus Synodi nationalis Doracensiæ fuit desinimus. Et iterum, Iam ed vsque saltem nostri sunt, fortes illi in Pa-

patu gratiæ præcones (Iansenitæ) quod & in rei summa quoad hæc capita sentiant nobiscum.

Imò perpendite (proh dolor) quæ non spem ex hac conuenientia sibi concipiat. Meliores (inquit) ac doctiores illius (Romanæ) communis hæc in parte quoque tam prolixè & euidenter habemus, quod si vlla partium in religione dissidentium reconciliatio, semper optanda bonis, vnquam speranda veniat, hac via debet procedere. En, Iansenitæ, tam perspicuè ad partes aduersas vestris opinionibus descendistis, vt ipsorum Hæreticorum approbante testimonio, hac via sperent Romanam Ecclesiam tandem aliquando cum damnata ipsorum Ecclesia reconciliandam: hoc est, nos aliquando ad ipsorum castra, transituros, quasi ibi, non in castris nostris columna sit & firmamentum veritatis.

Et quis quæso Catholicorum Scriptorum hanc vnquam ansam hæretico præbuit sic sperandi? Quis eorum materiam dedit prænas sic canendi quasi iam parto contra nos triumpho? An nè vel leuiter vnquam ex scriptis Sanctissimi nostri Aquinatis, Hæretica aliqua lingua talem sibi gloriationem contexit? Audiatane aliquando inter Heterodoxos hæc vox; Iam eousque nosi res est Dolor Aquinas, quod in rei summa sentiat nobiscum? Audiatane illa altera; Tam prolixè & euidenter Aquinatem nostræ opinionis habemus, vt sperari possit Ecclesiæ Romanæ ad nostra castra transitus? Profecto non sic olim Bucerus, sed longè aliter, Tolle Thomam (aiebat) & dissipabo Ecclesiam: utpote virtute scriptorum viri huius, si iugiter in Ecclesia manserint, suorum potius ruinam apertissimè formidans, quam victoriam sperans. Modò autem nostris oculis quid auditur? Quid moder-

Nempe  
l. 5, c. 5.

Caluini  
contra  
Pighi-  
de libe-  
arbitr-  
in li. 1.  
§. Hæc  
præfatur  
circa  
finem.

Maresi-  
in præ-  
fati-  
catech-  
pag. 10  
11. &  
13.

nus ille Bucerus Marefius intonat? An ne Telle Iansenium, quasi ipsorum votis obstaculo sit? Minime gentium; sed potius *Vinat Iansenius*, vdo ore cum reliquis clamat, quasi Ecclesia Romana, si iugiter ipse floruerit, scipsam sit dissipatura.

Maref.  
ubi su-  
ora pa-  
gin. 22.

Quod si hoc à me probatum desideretur, probabo utique & dictis quidem eiusdem Marefij. Ille dum quodam in loco furias suas in Patres Societatis Iesu exagitat, tamquam ipsi conatibus suis Iansenium è medio sustulerint, non Romanus Pontifex sua prohibitione; audacter omnino in hæc verba prorumpit: *Verum dum vehementius quam cautius id agunt* (Patres nempe Societatis) *Augustinus Iansenij vires acquisiuit eundo, talesque Dei gratia progressus fecit ipso suo titulo plausibilis causa gratiæ, ut plerique Theologi & Episcopi in communione Romana, per Belgium præsertim & Gallias, vel nova luce collustrati Iansenij labore, vel eius exemplo perducti ad liberam professionem eius sententiæ, quam prius in suum præserant, palam ceperint bonæ causæ (Hæreticorum, nempe) suffragari.* Me hercle, qui sic vires Iansenij in fauorem suum excreuisse gloriatur, optatne scripta eius è medio tolli? Numquid potius æternum *vinat* eisdem canit, tamquam præbeant non ruinæ materiâ, sed novæ victoriæ palmam?

Iterum atque iterum dico, quod hæc & similia apertè produnt, conuenientiam Iansenitarum cum Hæreticis, omnino damnabilem esse, utpote cum tam palam, tamque perspicuè impiæ ipsorum causæ suffragetur. Amice Lector in intellectu tuo vires acquirit eundo Thomas Aquinas, non Augustinus Iansenij, si à castris Hæreticorum procul esse desideras. Hostes huiusmodi sicut nunquam de Aquinate suffragium, sibi aliquid promissere, ita neque de

te, si vestigijs eius firmiter inhæseris, promittere poterunt, aut audebunt.

## C A P V T XXVI.

*Iansenius conatur se à Calvinismo purgare, sed frustra.*

**P**RECEDENTI Capite ostendimus Iansenitas in potissimis suis responfionibus nec non argumentis cum Hæreticis conuenire, & præcipuè cum Caluino. Quod quia adeò perspicuum est, nec ipsum Iansenium latere potuit. Vnde quasi propriæ cōscientiæ scrupulo commotus, quodam in loco hanc sibi obiectionem format: quod nempe videatur doctrina sua à sententia Caluini non differre. Cui obiectioni satisfacit, admitendo quidem in aliquibus non differre; verum pro inconuenienti censeretur non debere. Nam non omnia (inquit) quæ hæretici docent, sunt hæretica. Mos enim sollemnis omnium Hæreticorum est, ut falsis vera misceant, miscendoque perturbent omnia, quò venenum quasi melle circumlitum ab incautis cum securitate hauriatur. Itaque sentit quidem se in nonnullis cum Caluino conuenire; alit non in dictis eius Hæreticis aut falsis; sed tantummodo in his, quæ vera loco mellis immiscuit.

Iansen.  
tom. 5.  
lib. 8. c.  
21.

SI AVTEM AB IPSO QUÆRATUR, quæ ergo sint, quæ Caluinus ut Hæretica in materia libertatis protulit; sic respondet. Hæc igitur sunt, quæ Ecclesia in Caluino quantum ad hanc materiam gratiæ & liberi arbitrij improbauit, censuræque suæ securitate damnavit. Et immediatè post, quinque puncta recitat, quæ hic suo ordine breuiter perstringam.

PRIMUM (inquit) est, quod Cal-

minas

Calvinus negat esse in homine boni & mali electionem . . . . . quod ex diametro cum Sancti Augustini sententia pugnat: qui docet hominem liberè eligere non solum malum sed etiam bonum: atque ita eligere utrumlibet ut illud si noller, non eligeret, quamvis bonum non nisi gratia præstante eligatur.

SECUNDVM EST (prosequitur) quòd Calvinus doceat, gratiam ita mouere hominem, ut non sit ei liberum resistere . . . . . Augustinus verò, dominus ita mouet voluntatem, ut quamvis infallibiliter conuertatur & operetur, possit tamen motioni Dei resistere aut obtemperare: seu (ut Concilium Tridentinum loquitur) illi dissentire, si velit. Potentia quippe dissentendi non repugnat actuali gratie motioni & consensui.

TERTIVM quod Iansenius hic subiungit; nimirum quod Calvinus nolit hominem gratia mouenti pedisse, qua voluntate consentire, in præsentiarum omitto, quia nostri propositi non est.

QUARTVM (inquit igitur) & principium omnium istorum præcedentium est, quòd exsertè docet, virtutem & vitium, bene agere & malè, non esse in nostra potestate . . . . . Sanctus verò Augustinus exsertè docet, non solum id quod perspicuum est, quòd vitia & peccata sunt in nostra potestate, sed etiam de actionibus quibuscumque bonis, in potestate hominis esse, mutare in melius voluntatem.

QVINTVM DENIQUE est (ait) quòd fronte reiecta tandem docet, non esse in homine liberum arbitrium, ipsūque nomen inane & exterminandum esse . . . . . Hi sunt ergo (concludit) errores illi multi & crassi & graues, qui meritò Sacrae Tridentinae Synodo displicuerunt . . . . . & à Sancti Augustini principis dictisque prorsus remoti sunt.

Per hæc & similia putat Iansenius

se abundè obiectioni satisfecisse. Sed quàm faciliè corruant istæ eius velut definitiua sententiæ, paulisper attendamus.

Et in primis quidem id quod dicit, non omnia quæ Hæretici docent, esse hæretica; hoc vtique verum est, sed minimè ad rem. Si namque superiori capite ostendimus, eius doctrinam cum Hæreticorum sententijs conuenire; profecto non de quibuscumque sententijs sermo fuit, sed de illis quæ vel damnatæ sunt, vel ad minus cum damnatis certissimam & euidentem habent connexionem. Tales autem omnes oportet non solum falsas esse, sed vel hæreticas vel erroneas ad minus. Quòd verò damnatæ sint, vel cum damnatis euidentem habeant connexionem; accuratius patebit, discurrendo circa puncta singula, quæ ipsemet in Caluino damnata & censurata esse fateatur.

PRIMVM ERAT, quòd Calvinus negat esse in homine liberam electionem boni & mali. Et Iansenius. Nonne eandem quoque negare; apertissimis argumentis conuincitur? Nam vel sermo est de libera electione boni & mali ante gratiam; vel de libera electione boni & mali post gratiam. Si loquamur de libera electione boni & mali ante gratiam, hanc sicut negat Calvinus, ita & negat Iansenius. Constantissimè namque tradit, perisse libertatem ad bonum, non solum ut non possit homo ante gratiam totam iustitiæ moralis legem implere, sed nec vnum quidem opus eius. En ante gratiam negatam liberam electionem boni. Et deinde; perisse libertatem abstinendi à peccato, ut nec in villo quidem opere peccati culpam possit effugere. En pariter negatam absque gratia liberam electionem mali. Si verò loquamur de libera electione & boni & mali post gratiam; hanc

Iansen.  
tom. 2.  
lib. 3. c.  
14. col.  
496.

hanc profecto licet Calvinus neget, & Iansenius verbis concedat, probotamen quòd in re nulla sit inter vtrūque differentia. Nam Calvinus eatenus negat liberum mihi esse sub gratia bonum facere & à malo abstinere, quatenus per liberum intelligitur potestas in vtramque partem indifferens, id est facienda vel omittendi, id ad quod gratia mouet, non verò quatenus per liberum intelligitur hoc quod est sponte vel voluntariè operari: id namque constantissimè Calvinus concedit. At Iansenius concedens nobis libertatem operandi sub gratia, nil aliud nomine libertatis intelligit, quàm spontè & voluntariè operari, excluditque sub gratia potestatem indifferentem: ergo in re non ponit aliter esse liberam electionem boni sub gratia, quàm sicut ponit Calvinus. Minorem istam quoad Iansenium, commodius probabo puncto sequenti, eo quòd potestatem illam indifferentem expressè tangat. Modò verò probo Calvinum non aliter liberam electionem sub gratia negasse, quàm sicut dictum est. Nam in primis in Antidoto Canonum Concilij Tridentini, in Canonem quintum sic habet. *De verbo ne moueamus rixam. Sed quia per liberum arbitrium intelligunt eligendi facultatem, que sit in vtramque partem libera & soluta, titulum sine re esse, qui affirmant, Christum habent authorem.* Quibus verbis aperè significat, se sub gratia solum negare libertatem arbitrij; quatenus nomine libertatis intelligebant Patres Tridentini, facultatem eligendi in vtramque partem indifferentem. Et rursus in Antidoto sextæ sessionis, admittens rationem voluntarij, sic loquitur. *Quid ergo inquires, sibi vult Augustinus, cum de libertate voluntatis loquitur? Nempe quod toties repetit: non cogi homines inuitos Dei gratia, sed voluntarios regi,*

*ut sponte pareant ac sequantur.* Manifestum ergo est, Calvinum non negasse libertatem electionis sub gratia, nisi eo sensu, quo libertas significat potestatem indifferentem, non verò prout solum dicit rationem spontanei seu voluntarij. Vnde & piglio dicenti neminem peccare nisi liberè volentem; alibi respondet, *his subscribimus nos quoque, si liberè sponte positum interpreteris*, vide dicta suprà libro secundo, capite decimo sexto, ubi fusiùs id ipsum probauimus. Quòd verò Iansenius non alio sensu libertatem electionis sub gratia saluet; iam iam patebit ex puncto sequenti.

SECUNDVM ERGO punctum erat, quòd Calvinus docet, gratiam ita mouere hominem, vt non sit ei liberum resistere. Quasi verò Iansenius in re idem non doceat. Dicere contrarium: dum nempe tomo tertio, libro octauo, capite vigesimo, cum Thomistis admittit, eodem tempore quo voluntatis arbitrium sub efficaci gratia positum est, in eadem voluntate esse potestatem faciendi contrarium. Hoc verbis ibi docet, & semper docet, quotiescunque definitione illa Concilij Tridentini premitur. Verùm Spiritus eius seipsum prodit, quando ab illa difficultate parum respirare finitur: quādo (inquam) sine Catholico hoste à tergo premente, discursus sui habenas laxat vberius. Quid quæso tunc eloquitur? Quid tunc inculcat? Scimus omnes qui ipsum legimus, tunc nil aliud tradere, loqui aut inculcare, quàm potestatem indifferentem seu libertatem indifferentem sub gratia non manere: sed solam rationem voluntarij.

Hoc probo ego ex tribus que in eius doctrina mihi manifestissima sunt.

Calvinus  
contra  
Pig.  
de lib.  
arbitrio  
lib. 3. c.  
Iam et  
tertium  
ordinem.

Iansen.  
tom. 3.  
libr. 7.  
c. 14. in  
prin.

**PRIMO.** Nonne Iansenius quodam in loco constantissime supponit, humanam voluntatem Christi, sub efficaci gratia, qua præceptum moriendi implevit, non potuisse illi gratiæ resistere? Ita est, ita est. Ut namque euadat difficultatem Scholasticis (ut ait) *ineluctabilem*, qua sequeretur, Christum potuisse non mori & sic peccare, si potuisset illi gratiæ resistere, apertissime contrarium præterdit, nempe resistere non potuisse. Ergo saltem humano arbitrio Christi à Deo moto & excitato, ad mortem acceptandam, potestatem resistendi denegat contra Tridentinum.

Explico hoc. Tu Ianseni dicis, Scholasticos, qui exigunt ad rationem libertatis, potestatem indifferentem, non posse saluare, qualiter Christus libere præceptorum moriendi adimpleverit: quia (ut ais) *nunquam ossèditur circa præceptum ut præceptum talis libertas indifferentiæ*. Peto ergo à te; vtrum Christo in adimpletione huius præcepti potestatem indifferentem concedas, vel non. Si non concedis; habeo intentum: nempe Christum Dominum illud præceptum adimpleuisse gratia tam efficaci, ut illi resistere non potuerit: ac proinde doces, sicut Calvinus, quod solum sponte seu voluntariè mortem obierit, sine potestate non moriendi. Si autem concedis contrarium, scilicet quod etiam potestate indifferente præceptum illud adimpleverit; quomodo quæso concedis, quod tamen ipsemet putas ostendi non posse? Vel aliter, si per te potestate indifferenti implevit; ergo potuit non adimplere: ergo potuit non mori: ergo potuit peccare: ergo te quoque sicut & reliquos Scholasticos, premit ineluctabilis illa difficultas; quam tamen tuo modo dicendi putas te gloriosissime euadere. Non vides hic, quod velis no-

lis, vel in Tridentinum impingas, vel apertissime tibi contradicas.

**SECUNDO.** Nonne in alio quodam loco hæc est ipsissima tua sententia: *si non est alia libertas vera voluntatis, quam agendi & non agendi... sequitur operationem Diuinæ gratiæ ex diametro repugnare arbitrii libertati*? Igitur per te motio gratiæ efficaciis repugnat libertati, si semel libertas ponatur consistere in posse agere & non agere. Repugnat ergo eius efficacia, ipsi indifferentiæ voluntatis. Quod si huic repugnat; qua via veraciter dicere potes, voluntatem à gratia motam, adhuc illi gratiæ posse resistere? Posse gratiæ resistere, nunquid exsertè dicit posse quoddam indifferens ad non agere? Ergo si gratia per te repugnat indifferentiæ agendi & non agendi, per te quoque debet repugnare potestati resistendi. Quid ergo inuat verbis illam potestatem resistendi alibi concedere, si hic eam reipsa pernegare comprobaris?

**TERTIO ET VLTIMO** hoc probo ex fidelissimo discipulo tuo Vincentio. Nonne ipse (ut suprà vidimus) apertis verbis docet sensum diuinum, penes quem voluntas dicitur posse resistere gratiæ, sic esse interpretandum, ut nempe possit excusata prædeterminatione, non ea retenta? Ergo omnino sentit retenta gratia efficaci, voluntatem non posse ipsi villo modo resistere. Quod sic hoc sentit, si stante illa gratia, non potest resistere: ergo stante illa non habet potestatem resistendi. Quid enim aliud est non posse, & non habere potestatem? Ergo si posse (illa stante) negat; potestatem (illa stante) negat.

Et certè viri Iansenitæ, nescio planè, cum vos oporteat tanto impetu potestatem illam resistendi defendere. Si namque principalis vestra de libertate sententia, illa potestate resisten-

Suprà  
libr. 1.  
c. 2.

flitendi minimè iuuatur, utpote cum tota uestra cantilena sit, sine illa adhuc saluari liberi essentiam arbitrij; cur non potius aperto Marte illam à vobis negari conceditis? Si liberum arbitrium per vos, adhuc sine illa potestate manet verè liberum, quid tam sollicitè illam potestatem curatis? Quasò vos, renuntiate audaçter, negligite, præterite, nam arbitrium equidem manebit liberum, & sic nulum parietur uestra sententia detrimentum.

Et dicere illa via non fieri satis Tridentino, quod sub Anathemate, talem potestatem exigit, unde illam Catholicè fateri oportet.

Rectè equidem. Ast quæro & ego, qua de causa talem potestatem sub Anathemate exigit. Si per te Iansenita ad essentiam libertatis, potestas huiusmodi est impertinens; ad quid exigitur? Numquid hic fateri cogaris, Patres Tridentinos liberum arbitrium cum potestate resistendi definientes, aliquid ad essentiam eius impertinens definiuisse? Iterum dico, verbis Concilio satisfacitis, sed re ipsa dissoluitis; refragamini quidem, sed refragari non audetis. Quod & de vobis Hæretici nostri temporis obseruauerunt, blasphemio quidem dicendi modo; sed interim non prætereundo, ut damna quæ doctrinis vestris intulistis, conspiciatis. Sicer-  
 go Samuel Marefius sit vobis sator. *Ipsam Conciliabulum Tridentinum.....* (blasphemo ore inquit) *va de nudat apud eruditos illos & Iesuists importunos gratia præcones Iansenitas. Nam etsi palam non audeant Concilio refragari, imò conentur eius canones instar nasi cerei emollire & in sensum benigniorem interpretari, ubi tamen conscientias suas interrogauerint, satis ille testabuntur, quòd ea Pauli & Augustini doctrina quam descendunt, absque ser-  
 ruminatione violenta non possit concilia-*

*ri cum decisionibus Concilij, ijs potissimum qua illius sessione quinta & sexta ponuntur. Non percipitis hic, genium vestrum quem iam ante dixi, etiam ab ipsis Hæreticis fuisse obseruatum? Utpote tam perspicuè Concilium Tridentinum læditis, ut nec hostes ipsos Ecclesiæ id latere potuerit: Unde & meritò iudicant, quòd velle decisiones eius doctrinis vestris accommodare, sit potius easdem intar nasi cerei emollire, quàm verum intentumque à Patribus sensum tradere.*

VERVM adhuc speculationem, aliam fingit Iansenius, ut aliquo saltem modo possit euadere. Dicit Philosophicam esse quæstionem, vtrum libertatis ratio, à qua liberum arbitrium dicitur, in experte coactionis voluntate sita sit, an in indifferentia ad agendum & non agendum. Et cum Concilium (inquit) accuratè nosset, quidquid Caluinus de libero arbitrio, gratiaque tradidisset; circumspèctè selegit, quidquid de gratia liberoque arbitrio errorem saperet: Philosophicam verò de natura libertatis quæstionem tacitam intactamque præterit. Quod si hoc ita est; profectò Concilij mentem ipse non lædit; quamuis naturam libertatis sine, prædicta indifferentia subsistere affirmet.

Sed quis non videat, fugam hanc esse, imò apertam potius falsitatem, quàm legitimam responsionem? Qua veritate dici potest, Concilium Philosophicam illam de natura libertatis quæstionem tacitam intactamque præterisse, si illius expressissimam mentionem non solùm facit, verùm & sub Anathematis maledicto commendat? Edissere mihi, Iansenita: illa Philosophica quæstio, estne aliud quid, quàm quòd ad naturam libertatis requiratur potestas agendi & non agendi? Hoc certè &  
 non

Iansen.  
 tom. 1.  
 lib. 3. c.  
 21. col.  
 882.



non aliud Philosophi volunt: hoc Scholastici amplectuntur: hoc & Catholicum esse dogma nos contendimus. Et Nonne huius potestatis expressam mentionem facit Cœcilium? Nonne hanc potestatem sub Anathemate inculcat Concilium, asserens; *Si quis dixerit liberum hominis arbitrium à Deo motum ..... non posse dissentire si velit.... Anathema sit?* Qua ergo ratione mihi persuadere niteris, Concilium, rem & nodum huius questionis tacite intaciteque præterisse? Planè qui sic persuadet, non disputatione conuincendus est; sed noua damnatione comprimendus.

Ex his omnibus iam clarè patere puto, qualiter Iansenitæ, si principiis suis velint esse constantes, minimè possint sub gratia potestatem dissentienti defendere. Illam igitur verbis aliquoties tradunt, quando auctoritate Concilij præmuntur; sed interrim quod re ipsa minus intendunt, quodq; magis student suis doctrinis euertere, est huiusmodi potestas.

TRANSEAMVS IAM ad quartum punctum, cum tertium ad rem nostram minimè pertineat.

Quartum ergo erat, quod Calvinus exsertè docet, virtutem & vitiū, benè agere & malè, non esse in nostra potestate.

Sed nec ab isto vos purgare vilo modo potestis: Nam idem argumentum quo ante probaui vos euertere liberam boni & mali electionē; pari passu, pari euidencia probat, secundum vos, non esse in potestate nostra vitium aut virtutem, benè agere & malè, aliter ac docuit Calvinus. Quando ipse namque dicit, siue ante siue post gratiam non esse in nostra potestate, huiusmodi opera; hoc profecto non eo sensu dixit, quasi nos ea spontè & voluntariè non faciamus, sed quia taliter non facimus, vt pro nostro arbitrio possimus fac-

re & non facere: quem sensum tantummodo & non alium vos in re doceris, vt iam satis ostendi.

QVIN TVM ET VLTIMVM punctum superest, quòd nempe Calvinus fronte reiecta tandem docet, non esse in homine liberum arbitrium, ipsumque nomen inane & ex-terminandum esse.

VIRI IANSENITÆ de verbo non moueamus rixam, nam ex dictis patet, quòd iterum quoad rem loquendo, in eadem estis damnatione. Peto à vobis, qua de causa dicatur Calvinus liberum arbitrium negasse? An nè quia respectu boni & mali siue ante siue post gratiam, negauerit voluntati motus suos voluntarios seu spontaneos? Hoc plusquam falsum est. Nam motus similes (vt circa primum punctum ostendimus) apertissimè & constantissimè concedit. Dicitur ergo liberum arbitrium negasse, quia respectu boni & mali, facultatem eligendi negavit in vtramque partem liberam seu indifferentem. At vos hanc quoque negare iam in secundo puncto ostendi: ergo eadem ratione liberum quoque negare arbitrium comprobamini.

SI FORTE DICATVR; neutra de causa negasse, sed hac solùm, quia licet motus voluntarios admiseritis tamen motibus nomen & titulum liberi arbitrij noluit concedere, sicut vos conceditis.

IN CONTRA EST dupliciter.

PRIMO: quia sequitur Calvinus ab Ecclesia esse damnatum, non quia rem liberi arbitrij negauerit, sed quia solùm titulum seu nomen è medio auferri voluerit. Patet sequela: nam secundum vos, res ipsa liberi arbitrij, nil aliud est, quàm volūtas spontè & voluntariè operans, quàm Calvinus admisit: ergo rem admisit & propter solam negationem tituli

damnatus est. Sicque iudicio vestro Calvinus non debet dici hostis ipsius libertatis, sed hostis tituli libertatis. Tremendum profecto Anathema. Ex quo iterum fit, quod tota quaestio quae est in materia liberi arbitrij inter Ecclesiam & Calvinum, sit merè & præcisè quaestio de nomine, non autem de re: quod nempe Calvinus nomine liberi arbitrij nolit appellari motus voluntarios, quos tamen sic appellandos censet Ecclesia. Et quis vnquam Catholicorum hoc delirium somnauit? Quis non constantissimè credit, Calvinum etiã rem ipsam liberi arbitrij negasse?

SECUNDO facit in contra; falsum adhuc esse, quod Calvinus absolute recuset nomen seu titulum liberi arbitrij. Si namque alibi recusat, illudque nomen exterminandum esse docet; hoc in tantum est, quia Catholici nomine liberi arbitrij intelligunt facultatem eligendi in vtrâque partem liberam seu indifferentem, vt sonant illa eius verba superius adducta, sed quia per liberum arbitrium intelligunt eligendi facultatem quae sit in vtramque partem libera & soluta. Solum ergo hoc sensu nomen liberi arbitrij negat, non autem absolute. Vnde (vt circa primum punctum ex ore eius accepimus) libero arbitrio ipse quoque subscribit, si libere pro sponte positum interpreteris. En vbi nomen & titulum libertatis, etiam in sensu quo Iansenitæ libentissimè concedit. Noluit ergo absolute titulum liberi arbitrij e medio auferri, nisi quatenus facultatem indifferentem significabat. Ex quo proinde manifestè concluditur, quod in materia libertatis cum Iansenitis confessus fuerit & eandem rem & idem nomen: eandem rem, quia voluntatem sponte seu voluntariè operantem admisit: idem etiam nomen; quia titulum libertatis seu liberi ar-

bitrij non recusauit, nisi quatenus liberum significat facultatem indifferentem, quo etiam sensu eundem titulum recusant Iansenitæ. Habes ergo amice Lector, quam remotum, quamque alienum a mente Augustini sit delirium Iansenitarum, cuius tamen nomine tanta confidentia id ipsum prætendere audent: potestque de ipsis dici, quod Concilium Senonense (vt supra vidimus) obseruauit de Luthero. Sicut ille (teste Concilio) factus est Manichæus, dum refugit esse Pelagianus: ita Iansenitæ facti sunt Manichæi & Calvinistæ, dum nimis anxie refugiunt esse Pelagianii.

Supra  
lib. 2. c.  
16. §. Et  
quanti

## EPILOGVS.

*Ostenditur Iansenitas similes esse Maximianistis, in eo quod adhuc flagitent ab Ecclesia dollationem seu examen suum dogmatis.*

VERBIS AVGVSTINI contra Iulianum discursum finio. *Ad omnia me tibi respondisse (Vincenti) & omnia refellisse, quibus disputasti (Theriaca vnica & duabus Epistolis) puto quod perspicis, si peruicax non sis. Demonstratum enim est, tum Diuinis Sancti Thomæ eloquijs; tum autoritate aliorum Sanctorum & Scholasticorum omnium, tum rationibus efficacissimis, qualiter vera meriti aut demeriti libertas sine potestate indifferetie nõ subsistat. Qualiter potestas hæc sine fidei præiudicio sub efficacis gratia tractu negari non possit. Qualiter denique homini imputandum non sit loco peccati, quod voluntate personali vitare non potuit. Hæc negans, his repugnans, ista conuellere moliens Catholica fidei*

Augul.  
contra  
Iul. lib.  
6. capit.  
vltim.

*minumenta, audeis insuper dicere, te in illis omnibus veterem Græcorum & Latinorum Patrum Philosophiam pandere. Falleris (Vincenti) miserabiliter falleris: vel etiam detestabiliter falleris. Quando animositatem qua teneris, viceris, tunc veritatem poteris tenere, qua vinceris.*

*Est animositatem non deponis: quin potius ne temerè a te dictum existimetur; paratum te ais, in iudicio contentioso liquidò demonstrare. Quare & Sanctæ Sedis auctoritatem obtestaris, collationem vel examen Ianseniani dogmatis postulans. Sic (ni fallor) de te tuisque legitur, in secundo libello institit, quem Ieremias quidam in planctu Augustiniana veritatis Sanctitati Sux exhibet.*

*Verùm vtinam & ipse peccatum populi sui, ausumque temerarium potius plangeret & secum paululum sine certandi studio cogitaret, quam sit absurdum insolensque, ob vnus vel alterius priuati hominis sensum, totam Ecclesiam ad certamen vel collationem velle flagitare. Profecto non tanto armorum strepitu opus est, vt nouitia vestra deformitas confundatur. Hoc nobis & vobis sufficiat, quod vestra causa apud compertens iudicium Pij V. & Gregorij*

*XIII. iam dudum in Baio finita sit. Nec amplius vobiscum agendum est (verba sunt iterum Augustini) quantum ad ius examinis pertinet, nisi vt prolatam de hac re sententiam cum pace sequamini. Quod si nolueritis, a turbulentia vel insidiosa inquietudine cohibeamini. Similes autem estis Maximianistis: qui cupientes exiguitatem suam; nomine saltem certaminis consolari, & ideo videri aliquid apud eos quibus contemptibiles erant, quia inire (cum Catholica Ecclesia) sine venturæ examini; interpellantes eos & libellum dantes; pronocantesque, ipsa Ecclesia contempsit. Magis enim de certamine nominari desiderabant, quam formidabant in certamine superari. Nec sperabant victoriæ gloriam, sed famam requirebant collationis, quia multitudinis non habebant. Si ergo Iansenitæ putatis ideo vos esse viatores, quia non vobis datur quale desideratis examen; Maximianistæ vos ad ista vaniloquia præcesserunt. Si autem in Maximianistis videtis non esse consequens, vt qui conferre in aliquo iudicio non sinuntur, putari debeant de veritate confidere; nolite ulterius hæc iactare, vobisque sufficiat, quod vos Ecclesia Catholica, Materna adhuc lenitate sustinet, licet iudiciaria seueritate vel potius medicinali necessitate in Baio damnarit.*

Augul.  
libr. 1.  
contra  
Iul. c. 1.

## FINIS.

### AD MAIOREM DEI ET SANCTI THOMAE AQVINATIS. GLORIAM.

**N**ec non ad maiorem confusionem damnatæ doctrinæ, quam quondam proscribere PIVS V. & GREGORIUS XIII. quamque in multis propositionibus continet, defendit ac renouat magno cum Catho-

licorum scandalo & contemptu Sanctæ Sedis Liber, cui titulus, CORNELII IANSENII AVGVSTINVS. Sic decernente post diligentem & maturam Libri lectionem VRBANO VIII. in sua Constitutione, qua dictum Librum Authoritate Apostolica omnino prohibuit. Cuius & tenorem in calce huius operis subijcio, ne Lector ignorantiam prohibitionis prætereundum valeat. Et vt pluribus adhuc titulis IVSTITIA & VERITAS prædictæ Constitutionis omnibus & singulis innotescat, hoc vnum adijcere non dubito, nempe Sanctissimum Dominum nostrum INNOCENTIUM X. mihi post Beatorum pedum osculum, viux vocis oraculo facultatem concessisse, in publicis concionibus prædicandi & proclamandi dictæ constitutionis IVSTITIAM & VERITATEM. Aiebat enim se non semel sed pluries, & diligenter omnino, exemplaria ad nos missa cum Originali collationasse, & comperisse in omnibus & per omnia, illa cum isto adamussim concordare; ita vt constantissimè indicaret, verbisque indicium exprimeret, à nemine posse citra contumaciæ inobedientiæque notam in suspensionem adduci. Quapropter, si Pastoris sententia (etiam iniusta) gregi timenda est, vt docet Beatus PAPA GREGORIUS; quo timore, qua reuerentia, quo amore non debet sulcipi sententia, cuius IVSTITIAM & VERITATEM etiam ipse vniuersalis Pastor Ecclesiæ post tot aduersantium oppositiones, adhuc non dubitat tum publicis litteris, tum in priuatis deprædicare audientijs? Eam igitur in tabulis cordis scribe Amice Lector, si tamquam vera ovis Ecclesiæ vocem Pastoris & audire & cognoscere te fateris. Ego verò (testis est mihi Dominus) mallem indomitis equis per loca tribulis & carduis confita raptari, & lacerato corpore spiritum reddere, quàm latum vnguem à Constitutione hac discedere, stantibus rebus vt nunc, id est, persequerantibus pro IVSTITIA & VERITATE eius tot Ecclesiæ demonstrationibus. Non solum autem mihi sed & (omnibus) qui diligunt aduentum eius, sic inspiret DEVS, qui est Benedictus in Sæcula. Amen.

Gregorius  
homo  
mil. 26.  
in Euang.

2. ad  
Timo-  
th. 4.



## M O N I T I O

E X

## SANCTO THOMA

OPUSC. XVI. CONT. AUERROEM,  
IN FINE.

Contra illos, qui de Scriptoribus Scholasticis multa  
garriunt in angulis, & coram pueris; cum ta-  
men incapaces sint, ut de rebus Scho-  
lasticis iudicent.

**S**I quis autem gloriabundus de falsi nominis  
scientia, velit contra hac quæ scripsimus, ali-  
quid dicere; non loquatur in angulis, nec coram  
pueris, qui nesciunt de causis arduis iudicare: sed  
licentiam à Sede Apostolica petat, & illa  
obtentâ contra hoc scriptum scribat, si audet: Et  
inueniet non solum me, qui aliorum sum minimus,  
sed multos alios, qui veritatis sunt cultores, per quos  
eius errori resistetur, vel ignorantia consuletur.

S.<sup>MI</sup> D: N:

D. V R B A N I

DIVINA PROVIDENTIA

P. A P Æ V I I I.

Confirmatio Constitutionum Pij Papæ V. & Gregorij XIII. prohibentium quasdam Theologorum sententias, & opiniones. Nec non prohibitio libri, cui titulus, Augustinus Cornelij Iansenij, olim Iprensis Episcopi, excusi Louanij, Typis Iacobi Zegeri, anno M. DC. XL. aliorumque operum, ac libellorum, occasione dicti Libri, varijs in locis, & varijs idiomatibus impressorum.

V R B A N V S E P I S C O P V S

S E R V V S S E R V O R V M D E L

*Ad perpetuam rei memoriam.*

**N** Eminenti Ecclesiæ militantis Sede, meritis licet imparibus, constituti, sedulo meditatur, ut quæ ad Fidei Catholicæ conseruationem, à Prædecessoribus nostris prouidè statuta, & ordinata sunt, firmiter perpetuo obseruentur; & cum opus sit, nostræ auctoritatis munimine confirmentur. Dudum siquidem à Felic. Recordat. P I O Papæ V. Prædecessore nostro emanauit constitutio tenoris subsequæ, videlicet. P I V S Episcopus Seruus Seruorum Dei. Ad futuram rei memoriam. Ex omnibus afflictionibus, quas in hoc loco à Domino constituti, tam lustruoso tempore sustinemus, ille omnium nostrum præcipue excruciat dolor, quod Religio Christiana tantis iam pridem turbinibus agitata, nouis quotidie propositis opinionibus conflictetur, Christianique populus antiqui hostis suggestionem dissecus, in alios atque alios errores passim, & promiscuè deferatur: Quantum verò ad Nos attinet, totis viribus conamur, ut illæ, simul atque profluant, penitus opprimantur: Magno enim mœrore afficimur, quod plerique, spectatæ alioqui probitatis, & doctrinæ, in varias sententias, offensionis, & periculi plenas, tum verbo tum scriptis, prorumpunt; deque eis, etiam in Scholis, inuicem controuersantur; cuiusmodi sunt sequentes. Nec Angeli, nec primi Hominis adhuc in-



Integri merita rectè vocantur gratia. Sicut opus malum ex natura sua est mortis æternæ meritorium, sic bonum opus ex natura sua est vitæ æternæ meritorium. Et bonis Angelis, & primo Homini, si in statu illo perseverasset usque ad ultimum vitæ, felicitas esset merces, & non gratia. Vita æterna Homini integro, & Angelo promissa fuit intuitu bonorum operum, & bona opera ex lege naturæ ad illam consequendam per se sufficiunt. In promissione facta Angelo, & primo Homini continetur naturalis iustitiæ constitutio, qua pro bonis operibus, sine alio respectu, vita æterna iustis promittitur. Naturali lege constitutum fuit homini, ut si in obedientia perseveraret, ad eam vitam pertransiret, in qua mori non posset. Primi Hominis integri merita fuerunt primæ creationis munera; sed iuxta modum loquendi Scripturæ sacræ non rectè vocantur gratia; quo fit ut tantum merita, non etiam gratia, debeant nuncupari. In redemptis per gratiam Christi, nullum inueniri potest bonum meritum, quod non sit gratis indigno collatum. Donna concessa homini integro, & Angelo, forsitan non improbanda ratione, possunt dici gratia; sed quia secundum usum sacræ Scripturæ, nomine gratiæ, ea tantum munera intelliguntur; quæ per Iesum Christum male merentibus; & indignis conferuntur, ideo, neque merita, neque merces, quæ illis redditur, gratia dici debet. Solutio pænæ temporalis, quæ peccato dimissa, sæpe remanet, & corporis resurrectio, propriè non nisi meritis Christi adscribenda est. Quod piè, & iuste in hac vita mortali, usque in finem, conuersati, vitam consequimur æternam, id non propriè gratiæ Dei, sed ordinationi naturali statim initio creationis constitutæ, iusto Dei iudicio, deputandum est; neque in retributione bonorum, ad Christi meritum respicitur, sed tantum ad primam institutionem generis humani, in qua, lege naturali, constitutum est, ut iusto Dei iudicio obedientiæ mandatorum vita æterna reddatur. Pelagij sententia est, Opus bonum, citra gratiam adoptionis factum, non est Regni Cælestis meritorium. Opera bona à filijs adoptionis facta, non accipiunt rationem meriti ex eo, quod sunt per Spiritum adoptionis inhabitantem corda filiorum Dei, sed tantum ex eo, quod sunt conformia legi, quodque per ea præstatur obedientia legi. Opera bona iustorum non accipiunt in die Iudicii extremi ampliorem mercedem, quam iusto Dei iudicio mereantur accipere. Ratio meriti non consistit in eo, quod qui benè operatur habeat gratiam, & inhabitantem Spiritum Sanctum; sed in eo solum, quod obedit diuinæ legi. Non est vera legis obedientia, quæ sit sine charitate: Sentiant cum Pelagio, qui dicunt, esse necessarium ad rationem meriti, ut homo per gratiam adoptionis sublimetur ad statum Deificum. Opera Catechumenorum, ut fides, & pœnitentia ante remissionem peccatorum facta, sunt vitæ æternæ merita, quam vitam ipsi non consequuntur, nisi prius præcedentium delictorum impedimenta tollantur. Opera iustitiæ, & temperantiæ, quæ Christus fecit, ex dignitate personæ operantis non traxerunt maiorem valorem. Nullum est peccatum ex natura sua veniale, sed omne peccatum meretur pœnam æternam. Humanæ naturæ sublimatio, & exaltatio in consortium Diuinæ naturæ, debita fuit integritati primæ conditionis, & proinde naturalis dicenda est, & non supernaturalis. Cum Pelagio sentiunt, qui textum Apostoli, ad Romanos 2. Gentiles, naturaliter, quæ legis sunt, faciunt, intelligunt de Gentibus fidei gratiam non habentibus. Absurda est eorum sententia, qui dicunt, hominem

ab initio, dono quodam supernaturali, & gratuito, supra conditionem naturæ suæ fuisse exaltatum, vt Fide, Spe, & Charitate Deum supernaturaliter coleret. A vanis, & otiosis hominibus secundum insipientiam Philosophorum, excogitata est sententia, quæ ad Pelagianismum reijcienda est, hominem ab initio sic constitutum, vt per dona naturæ superaddita, fuerit largitate conditoris sublimatus, & in Dei filium adoptatus. Omnia opera infidelium sunt peccata, & Philosophorum virtutes sunt vitia. Integritas primæ creationis non fuit indebita humanæ naturæ exaltatio, sed naturalis eius conditio. Liberum arbitrium sine gratiæ Dei adiutorio, non nisi ad peccandum valet. Pelagianus est error, dicere, quod liberum arbitrium valet ad vllum peccatum vitandum. Non soli fures ij sunt, & latrones, qui Christum, viam, & Ostium veritatis, & vitæ negant; sed etiam quicumque aliunde, quam per ipsum in viam iustitiæ (hoc est ad aliquam iustitiam) conscendi posse docent, aut tentationi vlli, sine gratiæ ipsius adiutorio resistere hominem posse, sic vt in eam non inducatur, aut ab ea non superetur. Charitas perfecta, & sincera, quæ est ex corde puro, & conscientia bona, & fide non ficta, tam in Catechumenis, quam in pœnitentibus, potest esse sine remissione peccatorum. Charitas illa, quæ est plenitudo legis, non est semper coniuncta cum remissione peccatorum. Catechumenus iuste, rectè, & sanctè viuít, & mandata Dei obseruat, ac legem implet per Charitatem, ante obtentam remissionem peccatorum, quæ in Baptismi lauacro demum percipitur. Distinctio illa duplicis amoris naturalis nempe quo Deus amatur vt author naturæ; & gratuiti, quo Deus amatur, vt beatificator, vana est, & commentitiâ, & ad illudendum sacris Litteris, & plurimis veterum testimoniis, excogitata. Omne quod agit peccator, vel seruus peccati, peccatum est. Amor naturalis, qui ex viribus naturæ exoritur, ex sola Philosophia, per elationem præsumptionis humanæ, cum iniuria Crucis Christi defenditur à nonnullis Doctoribus. Cum Pelagio sentit, qui boni aliquid naturalis, hoc est, quod ex naturæ solis viribus ortum ducit, agnoscit. Omnis amor creaturæ rationalis, aut vitiosa est cupiditas, qua mundus diligitur, quæ à Ioanne prohibetur, aut laudabilis illa charitas, qua, per Spiritum Sanctum in corde diffusa, Deus amatur. Quod voluntariè fit, etiam si necessariò fiat, liberè tamen fit. In omnibus suis actibus peccator seruit dominantì cupiditatì. Is libertatis modus, qui est à necessitate, sub libertatis nomine non reperitur in Scripturis, sed solum nomen libertatis à peccato. Iustitia, qua iustificatur per fidem impius, consistit formaliter in obedientia mandatorum, quæ est operum iustitia, non autem in gratia aliqua animæ infusa, qua adoptatur homo in filium Dei, & secundum interiorem hominem renouatur, ac Diuinæ naturæ consors efficitur, vt sic per Spiritum Sanctum renouatus, deinceps bene viuere, & Dei mandatis obedire possit. In hominibus pœnitentibus, ante Sacramentum absolutionis, & in Catechumenis ante Baptismum, est vera iustificatio; separata tamen à remissione peccatorum. Operibus plerisque, quæ à fidelibus fiunt, solum vt Dei mandatis pareant, cuiusmodi sunt, obedire parentibus, depositum reddere, ab homicidio, à furto, à fornicatione abstinere, iustificantur quidem, homines, quia sunt legis obedientia, & vera legis iustitia, non tamen ijs obtinent incrementa virtutum. Sacrificium Milæ non alia ratione est Sacrificium, quam generali illa, qua omne opus, quod fit, vt sancta societas,

re, Deo homo inhæreat. Ad rationem, & diffinitionem peccati non pertinet voluntarium. Nec diffinitionis quæstio est, sed causæ, & originis, utrum omne peccatum debeat esse voluntarium: unde peccatum originis verè habet rationem peccati sine vlla relatione, ac respectu ad voluntatem, à qua originem habuit. Peccatum originis est habituali paruuli voluntate, voluntarium, & habitualiter dominatur paruulo, eò quòd non gerit contrarium voluntatis arbitrium; & ex habituali voluntate dominante fit, ut paruulus discedens sine regenerationis Sacramento, quando vřsam rationis consecutus erit, actualiter Deum odio habeat, Deum blasphemet, & Legi Dei repugnet. Præua desideria, quibus ratio non consentit, & quæ homo inuitus patitur, sunt prohibita præcepto. Non concupisces. Concupiscentia, siue lex membrorum, & præua eius desideria, quæ inuiti sentiunt homines, sunt vera legis inobedientia. Omne scelus est eius conditionis, ut suum authorem, & omnes posteros eo modo inficere possit, quo infecit prima transgressio. Quantum est ex vi transgressionis, tantum meritum malorum à generante contrahunt qui cum minoribus nascuntur vitijs, quàm qui cum maioribus. Diffinitiuæ hæc sententia, Deum homini nihil impossibile præcepisse, falsò tribuitur Augustino, cum Pelagij sit. Deus non potuisset ab initio talem creare hominem, qualis nunc nascitur. In peccato duo sunt; actus, & reatus; transiente autem actu, nihil manet nisi reatus, siue obligatio ad poenam; Unde in Sacramento Baptismi, aut Sacerdotis absolutione, propriè reatus peccati duntaxat tollitur; & ministerium Sacerdotum solum liberat à reatu. Peccator poenitens non viuificatur ministerio Sacerdotis absoluentis, sed à solo Deo, qui poenitentiam suggerens, & inspirans, viuificat eum, resuscitat; ministerio autem Sacerdotis solum reatus tollitur. Quando per eleemosynas, aliaque poenitentiae opera Deo satisfacimus pro poenis temporalibus, non dignum pretium Deo pro peccatis nostris offerimus, sicut quidam errantes autumant (nam alioqui offerimus, saltem aliqua ex parte, redemptores) sed aliquid facimus, cuius intuitu Christi satisfactio nobis applicatur, & communicatur. Per passionem Sanctorum in Indulgentijs communicatas non propriè redimuntur nostra delicta; sed per communionem charitatis nobis eorum passionem impartuntur, ut digni simus, qui pretio Sanguinis Christi à poenis pro peccatis debitis, liberemur. Illa Doctorum distinctio, Diuinæ legis mandata bifariam impleri, altero modo quantum ad præceptorum operum substantiam tantum; altero quantum ad certum quendam modum, videlicet secundum quem valeant operantem perducere ad regnum æternum (hoc est modum meritorum) commentitia est, & explosenda. Illa quoque distinctio, qua opus dicitur bifariam bonum, vel quia ex obiecto, & omnibus circumstantijs rectum est, & bonum (quod moraliter bonum appellare consueuerunt) vel quia est meritorium regni æterni, eo quòd fit à viuo Christi membro per Spiritum charitatis, rejicienda est. Sed & illa distinctio duplicis Iustitiæ, alterius, quæ fit per Spiritum charitatis inhabitantem, alterius, quæ fit ex inspiratione quidem Spiritus Sancti, cor ad poenitentiam excitantis, sed nondum cor inhabitantis, & in eo charitatem diffundentis, qua Diuinæ Legis iustificatio impleatur, similiter rejicitur. Item, & illa distinctio duplicis viuificationis; alterius, qua viuificatur peccator, dum ei poenitentia, & vitæ nouæ propositum, & inchoatio per Dei gratiam inspiratur; alterius, qua

qua vivificatur, qui verè iustificatur, & palmes vinus in Vite Christo effici-  
tur, pariter commentitia est, & Scripturis minimè congruens. Non nisi  
Pelagiano errore admitti potest vsus aliquis liberi arbitrij bonus, siue non  
malus, & gratiæ Christi iniuriam facit, qui ita sentit, & docet. Sola vio-  
lentia repugnat libertati hominis naturali. Homo peccat, etiam damna-  
biliter, in eo, quod necessariò facit. Infidelitas purè negativa in his, in  
quibus Christus non est prædicatus, peccatum est. Iustificatio impij fit for-  
maliter per obedientiam Legis, non autem per occultam communicatio-  
nem, & inspirationem gratiæ, quæ per eam iustificatos faciat implere le-  
gem. Homo existens in peccato mortali, siue in reatu æternæ damnatio-  
nis, potest habere veram charitatem; & charitas, etiam perfectà, potest  
consistere cum reatu æternæ damnationis. Per contritionem, etiam cum  
charitate perfectà, & cum voto suscipiendi Sacramentum coniunctam, non  
remittitur crimen, extra casum necessitatis, aut martyrij, sine actuali sus-  
ceptione Sacramenti. Omnes omnino Iustorum afflictiones, sunt vitiones  
peccatorum ipsorum; vnde, & Iob, & Martyres, quæ passi sunt, propter  
peccata sua passi sunt. Nemo, præter Christum, est absque peccato origi-  
nali. Hinc Beata Virgo mortua est propter peccatum ex Adam contractum,  
omnesque eius afflictiones in hac vita, sicut, & aliorum Iustorum, fuerunt  
vitiones peccati actualis, vel originalis. Concupiscentia in renatis relapsis  
in peccatum mortale, in quibus iam dominatur, peccatum est, sicut, &  
alii habitus pravi. Motus pravi concupiscentiæ, sunt, pro statu hominis  
vitiati, prohibiti præcepto, Non concupisces: Vnde homo eos sentiens, &  
non consentiens, transgreditur præceptum, Non concupisces, quamvis  
transgressio in peccatum non deputetur. Quando aliquid concupiscentiæ  
carnalis in diligens est, non facit præceptum, Diliges Dominum Deum,  
tuum ex toto corde tuo. Satisfactiones laboriosæ Iustificatorum, non valent  
expiare de condignis poenam temporalem restantem post culpam condona-  
tam. Immortalitas primi Hominis non erat gratiæ beneficium, sed natura-  
lis conditio. Falsa est Doctorum sententia, primum Hominem potuisse à  
Deo creati, & institui sine Iustitia naturali.

QVAS quidem sententias stricto coram Nobis examine ponderatas,  
quamquam nonnullæ aliquo pacto sustineri possent, in rigore, & proprio  
verborum sensu ab assertoribus intento, hæreticas, erroneas, suspectas, te-  
merarias, scandalosas, & in pias aures offensionem immitentes, respectuè,  
ac quæcumque super ijs verbo, scriptoque emissa, præsentium auctoritate  
damnamus, circumscribimus, & abolemus; deque eisdem, & similibus  
posthac, quoquo pacto, loquendi, scribendi, & disputandi, facultatem  
quibuscumque interdiciamus. Qui secus fecerint, ipsos omnibus dignitati-  
bus, gradibus, honoribus, beneficijs, & officijs perpetuò privamus, ac et-  
iam inhabiles ad quæcumque decernimus, Vinculo quoque anathematis eo  
ipso innodamus, à quo nullus Romano Pontifice inferior, valeat ipsos, ex-  
cepto mortis articulo, liberare. Caterum, ut iam commoti his de rebus  
tumultus, & contracta odia facilius comprimi possint, simulque animarum  
saluti plenius consulatur, Dilecto filio nostro Antonio tituli Sancti Bartho-  
lomæi in Insula Presbytero Cardinali Granuelano nuncupato, per Aposto-  
lica scripta mandamus, ut ipse quid ad perpetuam dictarum sententiarum,  
& Scripturarum abolitionem, quid ad arcenda huiusmodi prologia, &  
dispu-

disputationes, quid denique ad unionem, & pacem cum communi omnium, & Ecclesiæ Catholicæ satisfactione componendam, facto opus sit, in primis diligenter expendat; deinde in ijs omnibus, quæ pro communi salutis tranquillitate, honore optimi iudicaverit, salva semper Ecclesiæ prædictæ unitate, etiam per alium, seu alios, fide doctrina, & religione præstantes, ocus exequatur, faciatque quidquid decreuerit, inuolatè ab omnibus obseruari. Contradictores quoslibet per censuras, & penas prædictas, cæteraque iuris, & facti remedia opportuna, appellatione postposita, compescendo; inuocato etiam ad hoc, si opus fuerit, auxilio brachij secularis: non obstantibus, quòd forsitan aliquibus ab Apostolica sit Sede indultum: quòd interdicti, suspendi, vel excommunicari non possint per litteras Apostolicas, non facientes plenam, & expressam, ac de verbo ad verbum de indulto huiusmodi mentionem; & quibuslibet alijs priuilegijs, exemptionibus, indulgentijs, & litteris Apostolicis, specialibus, vel generalibus, quorumcumque tenorum existant, per quæ præsentibus non expressa, vel totaliter non inserta, effectus presentium impediri valeat quomodolibet, vel differri; & de quibus, eorumque totis tenoribus de verbo ad verbum, habenda sit in nostris litteris mentio specialis. Nulli ergo omnino hominum liceat hanc paginam nostræ damnationis, circumscriptionis, abolitionis, interdicti, decreti, & mandati, priuationis, & innodationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, & Beatorum Petri, & Pauli Apostolorum eius, se noverit incursurum. Datum Romæ apud Sanctum Petrum, Anno Incarnationis Dominicæ millesimo quingentesimo sexagesimo septimo, Kalendis Octobris, Pontificatus nostri Anno secundo. Deindeque piæ memoriæ Gregorius Papa XIII. etiam Prædecessor noster, intellecto per eum, non sine animi sui dolore, non defuisse tunc temporis aliquos Theologos, tum studiosos, tum Professores, qui articulos in prædicta Constitutione damnatos asserere, & pertinaciter defendere pergerent; pro officij sui munere eorundem temeritatem, atque audaciam ad totius Ecclesiæ periculum pertinentem, minimè contemnendam, & dissimulandam, censuit; sed ad coercenda huiusmodi ingenia, per aliam suam constitutionem sub datâ quarto Kalendas Februarij, Anno Incarnationis Dominicæ millesimo quingentesimo septuagesimo nono, Pontificatus sui Anno octauo, editam Pij Prædecessoris constitutionem prædictam sua quoque auctoritate confirmauit, articulosque ibidem comprehensos iteratò damnauit; & ne quis, hac in re constantem Sedis Apostolicæ voluntatem, ac sententiam ignorare posset, suam huiusmodi confirmationis Constitutionem, altera Pij V. comprehensa, publicauit, & promulgauit. Postea recol. mem. Paulus Papa V. similiter Prædecessor noster, ad tollenda scandala, & dissensiones, quæ in Ecclesia Catholica oriebantur, occasione editionis librorum, & operum de Auxilijs tractantium, in Generali Congregatione Sanctæ Romanæ, & vniuersalis Inquisitionis, sub die primo Decembris, Anni Domini millesimi sexcentissimi vndecimi, coram ipso habita decreuit, vt scriberetur Nuntijs Apostolicis, quòd notificarent, & ordinarent Superioribus Religionum, & Vniuersitatibus Studiorum, & Ordinarijs eorum Nuntiaturæ, ne sinegent imprimi in materia de Auxilijs, etiam sub prætextu commentandi Sanctum Thomam, aut alio modo; & qui vellent de hac materia

ria scribere, & imprimere; prius mitterent Tractatus, & Compositiones ad dictam Sanctam Vniuersalem Inquisitionem, & in executionem mentis dicti Pauli Prædecessoris, eiusdem decreti tenor omnibus prædictis per Nuntios respectiue fuit legitime intimatus, successiueque ne contra prædictum Decretum aliquid attentari contingeret, sed scandala & dissensiones omnino cessarent, Nos in alia Generali Congregatione dictæ Sanctæ Romanæ, & Vniuersalis Inquisitionis, Feria quinta die vigesima secunda Maij, Anno Domini millesimo sexagesimo vigesimo quinto per aliud Decretum nostrum, ipsum Pauli Prædecessoris Decretum confirmauimus, & innouauimus; ac omnibus, & singulis cuiusvis Religionis, Ordinis, Congregationis, Instituti, & Societatis, etiam de necessitate exprimendæ, Regularibus, & alijs quibuscumque tam Ecclesiasticis, quàm secularibus personis cuiuscumque status, conditionis, gradus, ordinis, & dignitatis, tam Ecclesiasticæ, quàm secularis, ne in posterum auderent imprimere, vel quoquo modo in lucem edere libros, Tractatus vel compositiones, ex professio, vel incidenter, aut prætextu commentandi Diuum Thomam, vel quemlibet alium Doctorem, aut alia quauis occasione, prætextu vel modo, de materia Auxiliorum Diuinorum tractantes, sine expressa, & speciali licentia à Nobis, in congregatione Sancti Officii prædicta, obtinenda, donec aliud in hac materia à Sede Apostolica foret ordinatum, districtè præcepimus, & mandauimus; & vt huiusmodi nostrum Decretum inuiolabiliter obseruetur, voluimus, & declarauimus, contrauenientes, pœnas priuationis dignitatum, & officiorum suorum, vocis actiue, & passiuæ, facultatis concionandi, publicè legendi, docendi, & interpretandi, ipso facto, absque alia declaratione, incurrere, & nihilominus alijs etiam pœnis nostro, & Successorum nostrorum Romanorum Pontificum arbitrio infligendis, subiacere, librosque, quos ex tunc deinceps, contra dicti nostri Decreti tenorem edi contingeret, absque alia declaratione, tamquam expresse prohibitos haberi; & Impressores præter amissionem librorum, pecuniarijs, alijsque corporalibus pœnis iuxta criminis grauitatem teneri. Nouissimè tandem accepto per Nos in Oppido (Ciuitate nuncupato Louaniensi) quosdam assertos Cornelij Iansenij, olim Episcopi Iprensis, executores ex testamento in lucem edi curasse librum, cui titulus, Augustinus, ex professio continentem, & tractantem materiam de Auxilijs, nulla penitus petita, vel obrenta à dicta Congregatione licentia illum imprimendi; eiusque operis occasione Patres Societatis Iesu, nonnullas in Ciuitate Antuerpiensi de eadem materia tractantes Theses pariter absque licentia eiusdem Congregationis, imprimi curasse; opinionemque Iansenij in prædicto libro contentas oppugnasse; rursusque nonnullas alias Orationes, Scripturas, Epistolas, Thesesque in Calce infrascripti Decreti nostri, tunc registratas, tam pro dicti libri Cornelij Iansenij, quàm Thesium à Patribus Iesuitis editarum defensione impressas fuisse, non solum contra prædictorum Decretorum prohibitionem; sed etiam in graue scandalum & offensionem Ecclesiæ Catholicæ: Nos vt malis eiusmodi imminuentibus quantò citius occurreretur, & ne in posterum ullus auderet dictis Decretis contraire, per aliud Decretum in alia plena, & Generali Congregatione eiusdem Sanctæ Romanæ, & Vniuersalis Inquisitionis coram Nobis die prima Augusti proximè præteriti habita, inherendo prioribus Decretis à Paulo Prædecessore, & à Nobis,



bis, vt *suprà* editis, pro tunc dictum librum Iansenij, cui titulus; Augustinus, Louanij impressum, nec non Theses à Patribus Societatis Iesu Antuerpiæ in lucem editas; aliasque Scripturas in calce posterioris nostri Decreti huiusmodi registratas, iam vigore anteriorum *suprà*dictorum Decretorum prohibitas, de nouo prohibuimus, ac pro prohibitionis omnino haberi volumus; mandauimusque sub pœna excommunicationis, ipso facto incurrendæ, ne quis cuiuscumque status, gradus, conditionis, & qualitatis, etiam specialis, & specialissima nota dignæ, librum, & Theses prædictas, aliasque Scripturas, vt *suprà*, absque dictæ Sedis licentia in dicta Congregatione Sancti Officii obtinenda, retinere & legere posset. Mandauimus insuper omnibus, & singulis cuiusuis Religionis, Ordinis, & Dignitatis, Abbatiali, Episcopali, Archiepiscopali, & Patriarchali dignitate suffultis, Collegijs, & Vniuersitatibus, sub prædictis, vt *suprà*, excommunicationis, ipso facto incurrendæ, Interdicti Ecclesiastici, respectiue, alijsque, arbitrio nostro, pœnis infligendis, etiam corporalibus, ne in posterum audeant imprimere, nec quoquo modo in lucem edere libros, Tractatus, Compositiones ex professo, vel incidenter, etiam sub prætextu commentandi Sanctum Thomam, seu in Philosophicis, agendi de concursu causæ primæ cum secunda, & præsertim defendendi, aut impugnandi librum dicti Iansenij: cui titulus; Augustinus, vel Theses Patrum Societatis Iesu, aliasque Scripturas in calce dicti posterioris nostri Decreti, vt præfertur, registratas, & prohibitas, aut alia quauis occasione, vel modo de materia Auxiliorum Diuinorum, seu de gratia, & libero arbitrio tractantes, sine expressa licentia à Nobis in dicta Congregatione Sancti Officii obtinenda, donec aliud in hac materia à Sede Apostolica prædicta foret ordinatum. Absolutionem verò à prædicta excommunicatione, nec non interdicti suspensionem, & relaxationem, Nobis, & dictæ congregationi reseruauimus; non obstantibus quibuscumque priuilegijs, etiam Sanctæ cruciatæ, Iubilæi (etiam Generalis) & facultatibus Missionariorum, ac alijs à dicta Sede emanatis, seu emanandis; quibus omnibus in hac parte derogauimus: Volumusque ea omnia suum plenarium sortiri effectum; omnesque contrafacientes, vt *suprà*, ligare, nec quemquam excusari posse, etiam sub prætextu, quòd anteriora Decreta Pauli Prædecessoris, & nostra, aliàs, vt præfertur edita, non forent in Prouincijs intimata, vel vsu recepta. Irritum quoque, & inane decreuimus quidquid secus super his à quoquam quauis auctoritate scienter, vel ignoranter contingeret attentari; contrarijs quibuscumque non obstantibus. Et ne præmissorum ignorantia posset ab aliquo prætendi, volumus, vt posterius nostrum Decretum huiusmodi, seu illius exemplum ad Valuas Basilicarum S. Ioannis Lateranensis, & Principis Apostolorum de Vrbe, & in Acie Campi Floræ, affixum, omnes ita arcetaret, & afficeret, ac si vnique personaliter intimatum foret. Nota vero librorum, & Scripturarum prohibitarum, in calce posterioris Decreti nostri huiusmodi registrarum hæc est. Liber cui titulus, Augustinus, impressus Louanij typis Iacobi Zegeri, anno 1640. & Parisijs 1641. Theses Theologicæ de Gratia, Libero Arbitrio, & Prædestinatione, Antuerpiæ apud Ioannem Meursium anno 1641. Cornel. Iansenij Iprensis Episcopi, & c. Laudatio Funeralis dicta à Reuerendo Fratre Ioanne à Lapide & c. Louan. Typis Bernardini Mafij, & c. Epistola idiomate Hispano, Al' Eminentissimo, y Re-

y Reuerendissimo Señor Cardenal de la Cueva, de la Congregacion de la S. S. Inquisicion, Por el P. Pedro Bivero de la Compania de IESVS Prædicador del Señor Cardenal Infante data in Bruxellas 26. Henero 1641. Memoriale idioma Hispano. Card. Infanti Hispano. incipien. Seren. S. & finien. Como es V. Cathol. Real. A. Libellus, cui titulus, Humilis, & supplex querimonia Jacobi Zegers Typographi Louani aduersus Libellum R. P. S. I. Regiæ Capellæ Bruxell. Concionatoris, & Theses PP. Societatis, Louanij apud Iacobum Zeger Anno 1641. primæ, secundæ, & tertiæ editionis. Memoriale ad Eminentissimum Cardinalem de la Cueva, circa Querimoniam friuolam Iansenianam, &c. contra Theses Theologicas, & Libellum supplicem, &c. eiusdem de eodem tela ingesta, & regesta. Theses Theologice, Apologeticæ, & miscellaneæ aduersus Doctrinam Cornelij, &c. sub prætextu quarimonia Typographi Louanienfis, editionis secundæ &c. Antuerpiæ apud Ioannem Meursium Anno 1641. Libellus, cui titulus, Augustini Hipponensis, & Augustini Iprensis, de Deo omnes saluare volente &c. Homologia, &c. Louanij apud Iacobum Zegers Anno 1641. Epistola Liberti Fromondi, & Henrici Caleni Louanij 16. Iunij 1641. R. P. Societ. Iesu Louan. incipien. Theses vestras. Epistola Professorum S. Thom. Colleg. Societ. Iesu Louan. Liberto Fromondo, & Henrico Caleno, incipien. Gratias agimus &c. Epistola, cui titulus Petrus Biverus Doctoribus Iansenianis &c. Ad rem, Ad rem, &c. incipiens Ad rem, Amici &c. Somnium Hipponense, siue de Controuersijs &c. Relatore Phyletimo S. T. Baccal. Formato, Parisijs Anno 1641. Insuper omnes alij libri, Opuscula, Epistolæ, Orationes, Theses &c. aliæque omnia tam edita hucusque, quam imprimenda; tam contra, quam pro Cornelio Iansenio, ac Patribus Iesuitis. Cum autem ex diligenti, & matura eiusdem libri, cui titulus, Augustinus, lectione, postmodum compertum fuerit, in eodem libro multas ex propositionibus à prædecessoribus nostris olim, vt præfertur, damnatas, contineri, & magno cum Catholicorum scandalo, & auctoritatis dictæ Sedis contemptu, contra præfatas damnationes, & prohibitiones defendi; Nos huic malo, in scandalum totius Reipublicæ Christianæ, & Fidei Catholicæ perniciem, vertenti, opportunum remedium adhibere volentes; Constitutionis Gregorij; ac Pauli prædecessorum prædictorum nostrorum, nec non Decretorum huiusmodi totos, & integros tenores, ac Datas etiam anteriores præsentibus pro totaliter expressis, & insertis habentes, Motu proprio, & ex certa scientia nostra, ac de Apostolicæ potestatis plenitudine, hac perpetuo valitura Constitutione eiusdem Pij, & Gregorij prædecessorum, huiusmodi Constitutiones prædictas, omniaque, & singula in eis contenta, Apostolica auctoritate tenore præsentium, perpetuo confirmamus, & approbamus; librumque prædictum, cui titulus est, Augustinus, Articulos, opiniones, & sententias, in dictis Constitutionibus reprobata, atque damnata, vt à Nobis compertum est, continentem & renouantem; aliæque omnia opera præsentibus nostris litteris sub inserta, quæ alijs sub posteriori Decreto nostro prædicto registratis, per præsentem addimus, atque adiungimus, eadem auctoritate per præsentem omnino prohibemus, ac pro vetitis, & prohibitis haberi volumus, & mandamus. Iubentes insuper sub omnibus pœnis, & censuris in prædicta Constitutiones Pij prædecessoris, contentis (à quibus, nullus Romanos Pontifice inferior, excepto mortis articulo, absolueret contra-

trafacientes possit) ne quis cuiuscumque conditionis, & qualitatis sit, etiam specialis; & specialissima nota, & expressione dignus, de prædictis, vt supra, damnatis, & in prædicto libro contentis, aliisque (vt infra) sub insertis, Articulis, Opinionibus, sententijs, libellis, orationibus, scripturis, Epistolis, Thesibus, quoquo pacto loqui, scribere, & disputare audeat, Librumque, & alia prædicta penes se retinere, vel legere præsumat, Remanente nihilominus in reliquis in suo robore posteriori Decreto à Nobis in Sacra Supremæ, Vniuersalis Inquisitionis Congregatione, vt præfertur edito; Decernentesque sic, & non aliàs in præmissis omnibus, & singulis per quoscumque Interpretes, Doctores, Academies, Vniuersitates, & Studia generalia, aliasque personas, Iudices Ordinarios, delegatos, mixtos, etiam nuntios nostros, & Sedis prædictæ, sublata eis, & eorum cuilibet, qualibet, aliter iudicandi, & interpretandi, ac glossandi, & decidendi facultate, & auctoritate, vbique indicari, & definiri debere; Tritumque & inane quicquid secus super his à quoquam quavis auctoritate scienter vel ignoranter attentatum forsan est hætenus, vel in posterum contigerit attentari. Non obstantibus omnibus, quæ in dicto nostro posteriori Decreto volumus non obstat, Ceterisque contrarijs quibuscumque. Opera verò addita alijs, in calce posterioris nostri Decreti, vt præfertur, registratis, & prohibitis, sunt, sequentia, videlicet, Liberti Fromondi Sacra Theologie Doctoris &c. Brevis Anatomia hominis, Lonanij apud Iacobum Zegers &c. Anno 1641. Conuentus Africanus, siue disceptatio Iudicialis apud Tribunal Præsulis Augustini &c. enarratore Artemidoro Oneirocritico, A Rouen, Ches Nicolas de Montaigne Anno 1641. Memorial Au Roy incipiens, Iean Iansenius Chanoine &c. & finiens, contra illa duo Decreta, Summorum Pontificum &c. Item attestatio Notarialis &c. incipiens, Ergo infra scriptus, & finiens, Petrus Mintaert Notarius. Approbatio sub nomine nonnullorum Theologorum ex varijs Religionibus, tam Ordinum Monachalium, quam Mendicantium, nec non Archiepiscopi Philippenfis, aliorumque Theologorum Clericorum Sæcularium, Doctrinæ Cornelij Iansenij in dicto libro Augustinus, contentæ, incipiens. Quid censendum sit de doctrina in opere Reuerendissimi D. Cornelij Iansenij Episcopi Iprensis fel. memor. nuncup. Augustinus, contenta, patebit ex subsequentijs attestationibus Doctissimorum virorum in Belgio, & alibi existentium &c. & finiens: Et me publico, & Apostolico, ac dictæ Vniuersitatis Notario, & Scriba iurato, Quod attestor, Petrus Mintaert Notarius. Vt autem, præsentibus nostræ litteræ, omniaque, & singula in eisdem litteris, vt supra contenta ad omnium notitiam deducantur, nec illarum ignorantia ab aliquo allegari possit, volumus easdem præsentibus nostras litteras, seu earum transumptum, etiam impressum (cui manu Notarij publici subscripto, & sigillo alicuius personæ in dignitate Ecclesiastica constitutæ munito, plenam vbique locorum, & tam in iudicio, quam extra illud fidem adhiberi decernimus) in Basilicæ Principis Apostolorum de Vrbe, & Cancellariæ Apostolicæ Valuis, atque in Acie Campi Floræ per aliquos ex Curatoribus Palatij Apostolici publicari, & affigi, earumque copiam inibi affixam dimitti, publicationemque, affixionem, & copiarum affixæ dimissionem huiusmodi in omnibus, & quoad omnia sufficere, & pro solemnibus, & legitima haberi, nec aliam publicationem in Regnis, Prouincijs, Ciuitatibus, Oppidis, & locis requiri, aut expectari debere, omnesque & singulos perinde

arctare, & afficere, ac si vnicuique nominatim, ac personaliter intimata, atque presentata fuissent. Nulli ergo omnino hominum liceat hanc paginam, nostrae confirmationis, approbationis, additionis, adiunctionis, prohibitionis, iussionis, Decreti, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, & Beatorum Petri & Pauli Apostolorum eius se noverit incursurum. Datum Romae apud Sanctum Petrum, Anno Incarnationis Dominicae millesimo sexcentesimo quadragesimo primo, Pridie Nonas Martij, Pontificatus nostri anno decimo nono.

E. D A T.

Visa de Curia P. Gentilis.

F. Morolus.

P. Ciampinus.

Anno à Natiuitate Domini nostri IESV CHRISTI millesimo sexcentesimo quadragesimo tertio, Indictione vndecima, die verò decima nona Iunij, Pontificatus Sanctissimi in Christo Patris, & D. N. D. Urbani Diuina Providentia Papae VIII. Anno eius vigesimo, supradicta Constitutio affixa, & publicata fuit ad Valuas Basilicae Principis Apostolorum de Vrbe, & Cancellariae Apostolicae, atque in Aede Campi Florae, vt moris est, per me Ioannem Baptistam Ricium, eiusdem Sanctiss. D. N. Papae, ac Sanctae Inquisitionis Cursorem.

**A** Testor ego Ioannes Antonius Thomafius Suprema, & Vniuersalis Inquisitionis de Vrbe Notarius à Matrice Actorum Pij V. & Gregorij XIII. felici Recordat. Nec non Sanctissimi D. N. Urbani Papae VIII. quae in Archiuo eiusdem Supremae & Vniuersalis Inquisitionis conseruantur, me extraxisse, seu transcripsisse de verbo ad verbum, & deinde diligenter collationasse praesens exemplar, atque in omnibus, & per omnia cum praedictis vt supra ad amussim concordare. In quorum fidem praesentes subscripsi, & sigillo Sanctae Romanae & Vniuersalis Inquisitionis muniui hac die vigesima prima Iulij, Millesimi sexcentissimi quadragesi quarti.

Ita est.

Io. Antonius Thomafius,

S. Rom. Vniuersalis Inquisitionis Notarius.

Locus ✚ Sigilli.

# I N D E X

Rerum & Verborum quæ in hoc opere de  
Libero Arbitrio continentur.

*Primus numerus paginam, secundus columnam designat.*

*Littera verò à interdum posita ante numerum, significat sermonem de illa puncto  
incipere ab illa pagina, & extendi ulterius.*

## A

### *Academia.*

**A**cademiæ à quibus Philo-  
sophiæ studium exulat, nociuæ  
sunt Ecclesiæ. Pag. 274. col. 2.  
Academiæ in quibus præcipuè at-  
tenditur lectioni Sanctorum Theo-  
logis, negligitis discursibus Theo-  
logicis, gignunt hæreses. ibidem  
2.

### *Accidens.*

Propter defectum accidentis non  
potest absolute & sine addito,  
ratio aliqua de subiecto negari.  
33. 2.

### *Actus.*

Idem actus respectu eiusdem obiecti,  
secundum diuersas terminationes,  
potest esse liber & necessarius.  
306. 1.

Idem numero actus potest transire  
de libero in non liberum. 339. 2.

### *Actus humanus.*

Actus humanus petit pro conditione  
necessaria & essentiali libertatem.  
290. 1.

Actus humanus dicitur ille, qui est  
proprius hominis, in quantum est  
homo. ibidem.

Debet subesse dominio hominis.  
ibid.

Quo sensu debeat esse ex voluntate  
deliberata. ibid. 2.

Actus liber, vide Libertas.

### *Adam.*

Adam quo sensu immortalis. 298. 2.  
Quo modo libertatis primum suum  
peccatum commisit. 71. 1.

### *Admiratiuum.*

Admiratiuum non fundatur in quo  
libet actu intellectus; sed præcise  
in illo, quo videtur effectus igno-  
rata causa. 258. 2.

### *Diuus Aelredus.*

Aelredus docet libertatem non subfi-  
stere absque potestate ad opposi-  
tum. 79. 2.

### *Agens.*

Omne agens dominatur passo.  
10. 2.

Agens naturale quid sit. 15. 2.  
Agens naturale qualiter diuidatur  
contra voluntarium. 252. 1.

### *Amentes.*

Actus amentium quo sensu dicantur  
esse actus voluntatis. 115. 1.

### *Amicus.*

Qualiter verificetur illud Axioma,  
quæ per amicos possumus, per nos  
possumus. 145. 1.

### *Amor.*

Amor quo quis naturaliter amat se-  
ipsum, qualiter non sit meritorius.  
25. 2.

### *Amor Diuinus.*

Amor quo Pater & Filius se inuicem  
amant, licet sit necessarius, est ta-  
men fons & origo omnis amoris  
liberi circa creaturas. 205. 2.

# INDEX RERVM

## *Amor Beatificus.*

- Indicium regulatiuum amoris Beatifici, nullo modo est indifferens. nec ex parte actus secundi, nec ex parte actus primi. 46.2.
- Amor beatificus in quo sensu possit dici liber. à 95.
- Amor beatificus in quo sensu sit naturalis. 139.1.
- Necessitas amoris beatifici est necessitas absoluta. 158.1.
- Amor beatificus sit absque contingentia. 163.1.
- Potest gratis admitti, actum amoris beatificum esse verè liberum, & tamen non sequetur, esse cum simili necessitate etiam verè liberos actus viæ. à 193.
- Ex amore beatifico necessario, provenit omnis alius beatorum amor liber. 205.2.
- Amor beatificus quo sensu sit actus humanus. à 289.
- In amore beatifico nulla est coactio. à 95.
- Amor beatificus, qualiter liber & simul necessarius. 306.1.
- Amorem beatificum antecedit voluntas libera per modum meriti, non per modum principij elicientis. 337.1.
- Angelus.*
- Licet Angelus in primo instanti non potuerit velle malum; potuit tamen velle alterum bonum, & velle & non velle id ipsum. 25.2.
- Non pertinet ad imperfectionem Angelij, si non habet voluntatem determinatam respectu eorum que infra ipsum sunt. 39.1.
- In quo Angeli libertas consistat. 39.1.
- Angelus quo sensu vocetur à Gregorio Magno rationale animal. 241.1.
- Quo sensu dicatur ab Augustino, esse in Angelis vita sensitiva ibidem.
- Primus actus voluntatis Angelicæ,

fuit liber.

- In Angelis eadem charitas actualis viæ secundum numerum, perseueravit in patria. 313.2.
- In Angelis qui peccare non possunt, maior est libertas arbitrij quam in nobis qui peccare possumus. 338.2.
- 351.1.

## *D. Anselmus.*

Anselmus docet libertatem non subsistere absque potestate ad oppositum. à 74.

## *Aptitudo.*

Aptitudo ad actum conuenientem est ipsissima ratio cuiuscunque potentia. 99.2.

## *Aristoteles.*

- Aristoteles interdum locutus fuit secundum opinionem aliorum. 200.1.
- Aristotelis doctrina, vbi fidei non contradicit, in pretio habenda. 277.1.

## *Arriani.*

Arriani dixerunt Spiritum Sanctum esse creaturam. 79.1.

## *Attributa.*

Quo sensu dicantur attributa Dei, perfectiones eius naturales. 138.2.

## *D. Augustinus.*

- Augustinus multoties fuit locutus secundum opiniones aliorum, quas tamen asserere non intendebat. 51.1.
- Falsus fuit doctrinam S. Thomæ in omnibus sine conformem esse. 58.2.
- Docuit libertatem consistere in indifferentia. à 59.
- Nunquam docuit, libertatem sufficientem ad peccandum subsistere absque potestate ad oppositum. à 62.
- Ex verbis Augustini sumpserunt Hæretici occasionem dicendi, Corpus Christi non esse in Sacramento Altaris. 235.2.
- Augustinus contra Manichæos pro liber-



libertate disputans, taliter disputat, quod videtur in hæresim Pelagij incidisse. 236.1.

Non desiderat à suis discipulis amari supra Ecclesiam aut supra Catholicam fidem. 236.2.

Augustinus fatetur se in multis rebus Hieronymo minorem esse. 236.2.

In suis libris quos post exortam Pelagianorum hæresim edidit, cautius locutus fuit de potestate liberi arbitrij, quam in libris quos edidit ante prædictæ hæresis ortum. 243.2.

Propter scientiam Philosophiæ, post conuersionem suam Ecclesiæ utilior. 276.1.

Eius dicta & scripta in linguis quibusque vernaculis prædicata, semper fuisse populo gratissima. 266.2.

Augustinus agnouit auxilium sufficiens etiam in natura lapsa. 318.2.

Augustinus in quo differat ab Augustino Cornelij Iansenij. 407.1.

*Auxilium efficax.*

Sine auxilio efficaci adhuc voluntas est verè potens ad actum supernaturalem. 91.1.

Auxilium efficax tenet se ex parte actus secundi vt applicatio potentie ad actum. 91.1. & 346.1.

Auxilium efficax requisitum ad aliquando bene moraliter operandum, est debitum etiam in natura lapsa. 359.1.

Idem debet dici de auxilio efficaci requisito ad aliquando bene operandum supernaturaliter supposita gratia iustificante. 359.1.

*Auxilium sufficiens.*

Auxilium sufficiens paratus est Deus dare omnibus & singulis loco & tempore, quo vult ad præcepta supernaturalia hominem obligare. 94.2.

Auxilium sufficiens pluribus de facto denegatur. 94.2.

Si vtrumque auxilium tam sufficiens

quam efficax contingeret homini denegari, absque sua culpa personali, homo ille non adimplendo præceptum, non peccaret. 140.1. & 151.1.

Qualiter actus supernaturalis sit in potestate hominis, mediante Diuino auxilio. 144.2.

*Auerroes.*

Peripateticæ Philosophiæ deprauator. 105.1.

**B**

*Baius.*

**B**A Y sententiæ damnatæ & proscriptæ à Pio V. & Gregorio XIII. 164.2. Vide Bullam Urbani in fine operis.

Bay locutiones damnatæ, vitandæ sunt à Doctore Catholico, non solum secundum sensum, sed etiam secundum verba. 167.1.

Verba Bullæ contra Baium qualiter sint legenda cum interiectione commatis. 169.1.

*Beatus.*

Beatus videns Deum, habet potestatem remotam ad non amorem. 106.2.

Beati qualiter laudandi ratione amoris Beatifici. 271.

Beati in suis actibus non solum habent indifferentiam, quantum ad hoc vel illud motuum; sed etiam quantum ad substantiam actus. 143.1.

Quomodo ad Beatos pertineat electio. 229.2.

Beati qualiter possint deficere à iusto, seu à iustitia. 268.1.

Beati in se spectati non laudantur propriè, sed honorantur. 272.1.

Comparatiuè ad effectus quos in nostram vtilitatem ordinant, sic laudantur. ibid.2.

Quo sensu Beati in amore beatifico conueniant quoad modum agendi cum brutis. 293.1.

Beatorum iudicium non obstante

# INDEX RERVM

necessitate est maximè & summè expediens. 296.2.

Actus quo Beati amant suam beatitudinem formalem, est necessarius in sententia multorum. 307.2.

Beatis liberum est, Dei consilium præterire. à 363,

*Beatitudo.*

Beatitudo animæ non crescit intensuè resumpto corpore; sed solum extensiuè. 52.2.

Appetitus beatitudinis qualiter sit meritorius. 8.2. & 10.1. & 14.2. & 31. & 49.1.

*Beata Virgo.*

Quo sensu negauerit Damascenus Beatam Virginem esse Matrem Christi. 168.1.

Beata Virgo ratione confirmationis in gratia, non amisit libertatem. 298.1.

In Beata Virgine perseverauit in patria eadem charitas actualis vix sine interruptione. 339.1.

*Diuus Bernardus.*

Bernardus docuit libertatem non subsistere absq; potestate ad oppositum. à 77

Vocat auxilium efficax applicationem voluntatis ad opus, sicut & Thomista. 346.2.

Quo sensu dixerit, charitatem in Petro non fuisse extinctam, sed solum sopitam, quando negauit Christum. 234.2.

*Bonum.*

Bonum velle, inest animæ ex impressione primæ causæ. 132.1.

*Bonitas Diuina.*

Dupliciter amabilis à Beato, & liberè, & non liberè. 306.1.

*Breuiarium.*

Qui caret Breuiario ad horas recitandas quas ignorat, non tenetur. 146.2.

*Bruta.*

Bruta sunt quodammodo liberi quidem motus, non autem liberi iudicii. 21.1.

In quo differat modus agendi brutorum à modo proprio agendi hominis. 44.1.

Bruta communicant voluntario. 88.1.

In Brutis nulla est libertas propriè. 119.1.

Est tamen quædam similitudo liberi arbitrij. ibid.

Bruta necesse habent ab ipsa visione rei, vel à passione surgente moueri ad fugiendum determinatè, vel ad prosequendum determinatè. ibid.

Bruta verè se mouent. 283.

Cur dicantur potius agi, quam se agere. ibid.2.

Qualiter in Brutis sit indifferentia agendi & non agendi. à 309.

Beneficijs inducuntur, & flagellis prohibentur. 310.2.

In brutis est iudicium determinatum ad vnum. ibid.2.

Qualiter acceptent vnum præ alio, & tamen non eligant verè & propriè. 312.1.

## C

*Caletanus.*

Caletanus vocat sententiam Iani senitarum de libertate in intelligibilem & falsam. 1.1. & 18.2. & 19.1.

*Caluinus.*

Caluinus qua de causa in materia libertatis damnetur vt Hæreticus. à 44.

Caluinus non negauit hominem sub motione Diuina agere voluntariè & ex perfecto iudicio rationis. 109 151.1. & 416.1.

Caluinus damnatus à Tridentino. 178.2.

In quo conuenerit cum Luthero, quantum ad materiam gratiæ & liberi arbitrij. 177.1.

Eius argumentatio pugnat ex diametro cum argumentatione Pelagij. ibid.2.

Ad-

Admisit gratiam à se ipsa efficacem. 178. 2.

In quo differat à Thomistis. 179. 1.  
Potestatem absolutam faciendi op-  
positum, quam Thomista sub gra-  
tiæ tractu ponunt, repudiat & de-  
testatur. 179. 1.

In citandis pro se Augustini testimo-  
nijs est continuus, sicut & Ianse-  
nius. 192. 1.

Non negat liberum arbitrium, nisi  
quatenus liberum significat pote-  
statem indifferentem. 416. 1.

*Capreolus.*  
Quo sensu Spiritum Sanctum dicat  
procedere liberè. 15. 1.

*Charitas.*  
Habitus Charitatis in patria qualem  
necessitatem bene agendi inferat  
in Beatis. 204. 1.

Eadem charitas habitualis secun-  
dum numerum in via, perseverat  
in patria non tamen eadem actua-  
lis. 338. 2.

Non habet pro obiecto ipsam cogni-  
tionem, sed rem cognitam. 339. 1.  
*Christus.*

Christus qualiter fuerit liber in me-  
rendo. à 49.

Anima Christi licet esset determina-  
ta ad vnum, secundum genus mo-  
ris, nempe ad bonum; non tamen  
erat determinata ad vnum simpli-  
citer. 52. 2.

Impotentia peccandi in Christo non  
fuit cum determinatione ad vnum  
secundum numerum. 202. 2.

Hæc est falsa simpliciter: *Christus est*  
*creatura.* 240. 1.

Hæc est falsa: *hic homo* (demonstrato  
Christo) *incepit esse.* ibid. 2.

Qualiter Christus fuerit liber in su-  
beunda morte. à 299.

Christus habuit præceptum non so-  
lùm de morte quoad substantiam,  
sed etiam de morte quoad omnes  
eius circumstantias. 300. 1.

Habuit formaliter meritum obe-  
dientiæ. ibid. 2.

Iudicium quod formabat Christus  
de subeunda morte formaliter ve  
præcepta, non repræsentabat ipsi  
mortem prout sic, indifferenter.

303. 1.  
Christus potuit mortem nõ accepta-  
re sicut & alij Martyres. 305. 1.

Christus eodem actu amoris beati-  
fico meruit. à 305.  
Qualiter ille amor liber & necessa-  
rius. ibid.

Non fuit liber, formaliter in non  
peccando. 330. 1.

Non necessitabatur ad volendum  
per actum positium complacenti-  
æ, negationem peccati. 230. 1.  
& 231. 1.

Negatio omnis peccati inest Christo  
independenter ab eius voluntate.  
330. 2.

Non potuisse Christum peccare, quo  
sensu reddiderit voluntatem eius  
liberiores. 331. 1.

Naturam humanam Christi, substi-  
tere in supposito Diuino, non  
fuit voluntati eius humanæ libe-  
rum. 331. 2.

Christus non voluit necessitate quo-  
ad exercitium, suam unionem  
Hypostaticam. 332. 2.

Humana Christi voluntas non erat  
necessitata ad volendam negatio-  
nem odij Dei per actum formaliter  
& expressè detestatum ipsius  
malitiæ odij in se. 333. 1.

*D. Cyprianus.*  
Cyprianus nullo modo Sacramen-  
tum conferre hæreticos posse, cre-  
debat. 234. 1.

*Coactio.*  
Coactio sumitur dupliciter. 86. 1.  
Destruit totum fundamentum liber-  
tatis. 88. 2.

In volentem nequit cadere. 210. 1.  
Agere sine potestate ad oppositum  
& agere coactè, respectu volunta-  
tis in via, idem sunt. 196. 2.

Libertas à coactione quò sensu dica-  
tur constituere libertatem natura-  
lem. Ec 4 lem.

# INDEX RERVM

lem. 211.1.  
Incogibilitas denotat determinatam  
naturam potentie liberæ. 212.1.  
Non est idem absolutè, agere incoa-  
ctè & agere liberè. 288.1.  
Incogibilitas non est proprietas so-  
lius libertatis. ibid.2.

## Concupiscentia.

Peccata commissa ex necessitate con-  
cupiscentie, potest Deus iuste im-  
putare. 137.1.  
Concupiscentia quo sensu dicatur ab  
Apostolo peccatum. 155.2.  
Qui concupiscit quod non vult, non  
habet liberam actionem, potest  
tamen habere liberam volunta-  
tem. 209.2.  
Concupiscentia quo sensu dicatur lex  
peccati. 357.1.

## Conditio.

Propositio quæ exprimit opus sub  
condicione voluntatis, supponit  
in voluntate potestatem faciendi  
& non faciendi illud opus. 327.1.  
Propositio conditionalis potest veri-  
ficari, etiam de extremis impossi-  
bilibus. 328.2.

## Confirmatio in gratia.

Non tollit à confirmatis libertatem.  
298.1.  
In quo differat à gratia consumma-  
ta. ibid.  
Confirmati quo sensu dicantur im-  
peccabiles. ibid.  
Confirmatio potentie ad actum  
hunc, ita quod oportet hunc ope-  
rari & non possit non operari hunc,  
nec possit alium operari, tollit na-  
turam liberi arbitrij. 5.2.

## Credere.

De homine qui non potest credere,  
defectu notitiæ fidei, nequit ve-  
rificari, quod crederet, si vellet.  
327.2.

## Crux Christi.

Crux Christi ratione sui seu vt res  
quædam in se, nequit honorari.  
273.2.

# D

## D. Damascenus.

Damascenus docet libertatem  
non subsistere absque potestate  
ad oppositum. 273.  
Putauit Spiritum Sanctum non pro-  
cedere à Filio. 234.2.  
Quo sensu dixerit tres Diuinas per-  
sonas esse idem re & distingui ra-  
tione. 241.1.

## Delectatio.

Delectatio consequens appetitum  
ante consensum rationis delibera-  
tum, peccatum mortale non est.  
343.1.  
Non quæcumque delectatio facit a-  
ctum liberum. 242.

## Deliberatio.

Accipitur dupliciter. 313.1.  
In quo sensu requiratur ad liberta-  
tem & in quo non. ibid.  
Qualiter supponat intentionem finis,  
qualiter non. ibid.

## Dæmones.

Qualiter peccent, licet omni gratia  
sint destituti. 242.  
In ipsis perseverat in termino dam-  
nationis, eadem numero volitio  
viæ. 341.2.  
Nouo peccato formali delinquere  
possunt. 325.2.

## Determinatio ad vnum.

Omnis determinatio in actibus ne-  
cessarijs, ad vnum, est ex impro-  
fione authoris Dei, tam respectu  
actuum intellectus quàm volunta-  
tis. 222.

## Deus.

Vult bonitatem suam necessariò, sed  
alia à se liberè. 13. 1. & 22. 2. &  
24.2.  
Non potest velle malum culpæ & ta-  
men ad opposita se habet. 13.2.  
& 39.1. & 54.1.

Quamdiu proponitur voluntati in-  
via sub ratione summi boni & in-  
finiti & vltimi finis, tam diu di-  
ligitur sub illa ratione, dilectione  
natu-

naturali. 15.1.  
Qualiter dicatur Dominus suorum  
actuum. 21.1.  
Quidquid circa creaturas vult, tale  
est, vt absque eo nihilominus per-  
fectio Diuinæ bonitatis subsistat.  
39.1.  
Quod Deus sit Deus, non subditur  
eius voluntati. 79.1.  
Sic mouet mentem humanam ad bo-  
num, quod tamen potest huic mo-  
tioni resistere. 128.1.  
Qualiter possit deficere à iusto seu à  
iustitia. 26.2.  
Non necessariò necessitate absoluta  
præscit futura. 270.1.  
Vita Dei, quo sensu prædicatum li-  
berum. 271.1.  
In se spectatus non laudatur propriè  
sed honoratur. 272.1.  
Quo sensu iubeat aliqua quæ non  
possumus. 322.1.  
Qualiter possit meliora facere, quàm  
quæ facit. 366.2.  
Immutabilitas Dei in volendo non  
obest eius libertati. 334.2.  
*Deza Hispanensis.*  
Quo sensu dixerit Patrem & Filium  
liberè producere Spiritum San-  
ctum. 25.1.  
*Difficultas.*  
Sæpe appellatur à Sanctis Patribus  
impossibilitas. 263.1.  
*Dilectio.*  
Nulla dilectio naturalis sufficiens est  
pro adimplentione præcepti super-  
naturalis. 147.1.  
*D. Dionysius.*  
Non fuit opinio Dionysij, Demones  
esse corporcos. 51.2.  
Docet Angelos supremæ Hierarchie,  
nunquam mitti ad exterius mini-  
sterium. Nec in hoc opponitur  
D. Gregorio. 51.2.  
*Discipulus.*  
Discipuli audientes diuersos Magi-  
stros in Theologia, habentes con-  
trarias opiniones, vtrū excusentur  
à peccato, si sequantur opiniones

falsas suorum Magistrorum. 233.1

*Diuina.*

In Diuinis vitanda sunt nomina di-  
uerfitatis & differentie, separatio-  
nis & diuisionis, disparitatis, alie-  
ni & discrepantis. 167.1.

In Diuinis fatemur Doctores Latini  
tres subsistentias, non tamen tres  
substantias. ibid.

*Doctor Scholasticus.*

Debet vitare singularitatem in opi-  
nando. à 184.

Debet docere quod docent plures.  
186.1.

In exponendis Sanctis Patribus de-  
bet vti expositione quæ communi-  
ter sic tenetur. ibid.2.

In hoc cognoscitur, quod honorat  
Doctores Antiquos, si honorat sui  
temporis Modernos. 191.1.

*Dominium.*

Dominium voluntatis in quo confi-  
stat. à 125.

Dominium habere super actionem,  
vel ad minus super terminum eius,  
est essenziale omni agenti libero.  
à 125.

Dominium non competit voluntati  
vt natura est, sed voluntati vt vo-  
luntas est formaliter. 126.2.

Vera ratio dominij claudit essencia-  
liter imperfectionem in altero ex-  
tremorum. 129.1.

Dominium quod habet voluntas su-  
pra suos actus, excludit determi-  
nationem virtutis ad vnum, & vio-  
lentia causæ exterioris agentis. 212.2.

**E**

*Ebrius.*

**E** Brius ab homicidio non excusa-  
tur, quod per ebrietatem com-  
mittit. Et quare. 152.2.  
Ebrius tenetur non peccare, consi-  
derata ebrietatis voluntaria cau-  
sa. 325.1.

*Ecclesia Romana.*

Est sol in quem omnes Doctores Ca-  
tholici respicere debent pro scien-  
da

# INDEX R E R V M

da veritate. 172.2.  
Nostrum est, ab ea querere, quid credere, & quid tenere debeamus. 173.1.

Ipsius solius est reprehendere, corrigere, statuere, solvere, & ligare. *ibid.* 2.

Est sanctificata, illuminata, Deo digna, castissima, beatificanda, Spiritu Sancto plena. 173.2.

Est stabilis, & sibi constans. 176.2.

Est consecrata partu Virginis, sanguine Redemptoris, gloria resurrectionis. *ibid.*

Magis standum est eius auctoritati, quam Augustini, Hieronymi, vel cuiuscunque Doctoris. *ibid.*

*Electio.*

Electio proprie sumpta, solum est circa media. 34.5.

*Elias.*

Elias singularis, quando putavit se solum pro honore Dei tuendo remansisse. 189.2.

**F**

*Fatum.*

Fatum accipitur dupliciter. 166.1.

In qua acceptione positio fati Catholica, in qua erronea. *ibid.*

Necessitas fatalis in qua consistat. 41.2.

Nomen fati à Catholicis subticendum. 149.2.

*Filius in Diuinis.*

In Filio non est subauthoritas, licet in Patre sit authoritas. 131.1.

Filius à Græcis dicitur principatus sed non est hoc in usu apud Latinos. 166.2.

*Finis.*

Qualiter appetitus ultimi finis non sit de his quorum domini sumus. 19.2. & 231.1.

Respectu finis ultimi in via habemus liberam voluntatem, non tamen liberum iudicium seu arbitrium strictè loquendo. 34.2.

De fine ultimo non iudicamus iudi-

cio discussionis vel examinationis, sed naturaliter approbamus. 230.2  
Respectu finis ultimi in via habemus liberam voluntatem, non tamen voluntatem proprie electiuam. 240.2.

Actus intentionis circa finem ut finis est, est verè liber. 313.1.

Talis actus non cadit, nec cadere potest sub deliberatione. 313.2.

*Flandrensis.*

Quo sensu vocet processionem tam verbi quam Spiritus Sancti, liberam. 18.1.

*Forma substantialis.*

In quo sensu extra totum dicatur habere potentiam ad componendum. 217.1.

*D. Fulgentius.*

Docet libertatem non subsistere absque potestate ad oppositum. à 82.

*Futura.*

Sola illa futura subsunt libero arbitrio quæ per ipsum possunt fieri & non fieri. 367.2.

**G**

*Generare.*

**G**enerare cum omni proprietate verificatur in Diuinis. 131.1.

Generatio in Diuinis necessaria, est fons & origo producendi liberè omnem creaturam. 205.2.

*Germani.*

Quid Germanis causa fuerit tot errorum. 275.2.

*Gratia.*

Absque gratia non habet homo lapsus necessitatem peccandi in omni suo opere. 141.2.

Nec etiam ipsi infideles. 142.1.

Homo omni gratia destitutus, habet necessitatem non adimplendi precepta supernaturalia. 143.2.

Destituti omni gratia qualiter non peccent contra leges supernaturales. 320.2.

Est in potestate liberi arbitrij impedire Diuinæ gratiæ receptionem. vel



vel non impedire. 321.2.  
Illi soli gratia priuantur, qui in se ip-  
sis gratiæ impedimentum præ-  
stant. 322.2.

In quo sensu gratia habeat opposi-  
tionem Physicam cum peccato. 221.2.

Quolibet peccato mortali amitti,  
gratiam; est de fide. 234.2.

*Gratia efficax.*

Gratiæ efficaci quo sensu possit ho-  
mo resistere. 220.1.

Gratia efficax non insert in nostram  
voluntate necessitatem absolutam  
ad bonum. 269.2.

Excludit potentiam ad malum con-  
sequentem tantum, non antece-  
dentem. 269.2.

Gratia efficax quo sensu faciat deter-  
minatè velle. 345.2.

Gratiæ efficacis cum libertate con-  
cordiam pauci penetrare valent.  
346.1.

Gratia efficax tenet se ex parte actus  
secundi per modum applicationis.  
346.2.

Gratia efficax viæ quantumcumque  
ponatur crescere in efficacia, nun-  
quam lædit libertatem arbitrij, ni-  
si fiat transitus ad aliud efficaciar  
genus. 347.1.

*Gratia sufficiens.*

Tam sufficiens quam efficax gratia,  
possunt in pœnam solius peccati  
originalis denegari. 315.1.

Denegata gratia sufficienti, requisita  
pro adimpletione alicuius præce-  
pti, præceptum istud non obligat.  
315.1.

Deus tenetur ad dandum vel saltem  
ad offerendum omnibus & singu-  
lis gratiam sufficientem loco &  
tempore quo vult illos obligari ad  
aliquid, quod sine illa gratia fa-  
cere non possunt. 315.2.

Quid sit abuti gratia sufficienti. 320.2.

Gratia sufficiens non est donum in-  
debitum omnibus modis. 322.2.

In casu quo sint duo habentes æqua-

lem gratiam sufficientem, & vnus  
de facto adimpleat præceptum su-  
pernaturale, alius non, ille adim-  
plens adimplet ratione maioris  
virtuositatis liberi arbitrij, non  
ratione gratiæ. 324.1.

Gratia sufficiens sine præiudicio li-  
bertatis nequit facere determina-  
tè velle. 346.1.

*Gregorius Magnus.*

Loquitur interdum secundum opi-  
nionem aliorum. 52.2.

## H

*Habitus.*

**H**abitus siue boni siue mali in  
via nunquam repugnant liber-  
tati. 359.2.

Habitus non dantur in brutis, pro-  
priè. 360.2.

Habitus bonus quo perfectior, eò  
conducit ad efficacius meritum.  
363.2.

Habitus malus quo sensu vocetur ne-  
cessitas peccandi. 362.2.

Habitus infusi quo sensu dicantur na-  
turales. 13.2.

*Hæretici.*

Cum Hæreticis nec nomina debemus  
habere communia. 166.2.

Hæretici validè baptizant, si bap-  
tizent cum intentione faciendi quod  
facit Ecclesia. 234.1.

Contemnunt Scholasticos. 237.1.

Abiiciunt Philosophiam. 409.1.

Apud ipsos summi reputatur Theo-  
logi, qui memoriæ mandatos ha-  
bent varios textus Scripturæ. 409.2.

*D. Hieronymus.*

Docet libertatem non subsistere absq;  
potestate ad oppositum. 72.

*Homicidium.*

Homicidium secutum ex ebrietate,  
inculpabili non imputatur in cul-  
pam. 324.

*Homo.*

In quo eius libertas consistat. 39.2.  
Dicere quod homo sub efficaci mo-  
tione Dei agat sicut brutum quan-  
tum

# INDEX RERVM.

- tum ad modum agendi, est hæreticum. 43.2.  
 Hominis actiones liberæ nequeunt attribui soli Deo, fato, fortuna, aut casui. 73.2.  
 Non sufficienter differt homo a bruto per potestatem agendi & non agendi remotam. 110.2.  
*Honor.*  
 Quid sit. 271.2.  
 Qualiter differat à laude. 272.1.  
 Honor etiam competit existentibus in fine. ibid.  
 Honor exhibetur alicui etiam ratione dignitatis suppositi. ibid.2.  
 Honor magis debetur agenti quàm actui. 273.1.  
 Inanimatis secundum se nullus honor debetur. 273.2.

## I

*Iansenius.*

- C**onuincitur Manichæismi. à 142.  
 Impingit in Bullam Pij V. & Gregorij XIII. à 164.  
 Conuincitur Caluinismi. à 414.  
 Quàm irreuerenter, & quàm liberè locutus fuerit contra authoritatem Sanctæ Sedis. à 172.  
 Ecclesiam tamquam sibi imprudenter contrariam videtur tacitè velle reprehendere. ibid.  
 Ostendit se Romano Pontifici reuera non subesse, aut obedire. 173.2.  
 Ecclesiam quasi in Ecclesias videtur dividere. ibid.  
 Dedit scriptis suis occasionem Hæreticis sperandi (vt ipsi volunt) tandem aliquando triumphum de Romana Ecclesia. 174.1.  
 In æquilibrio euidens contradictio- nis ponit veteres Pontifices, & modernos. 174.2.  
 Non inuat Iansenitum, quod Augustini testimonijs abundet. 192.1.  
 Quarit rimam in Augustino pro libertate indifferentiæ, cum tamè ei ostendatur apertissima ianua. 265.2.

- Vt in altum euolat, videtur lunam digito posse contingere. 334.1.  
 Conuincitur argumentis quibusdam quæ tamen D. Thomas sibi obiecit, & soluit. 251.2. & 342.1.  
 Glossando mentem Magistri Sententiarum môstruosè loquitur. 368.2.  
 Citando Thomam de Argentina, pro sua sententia, verba quædam omittit particulari studio. 384.2.  
 Thomas de Argentina soluit eius argumentum quod nobis obiecit. 366.1.  
 Captiosè & fraudulentè citat pro sua sententia Marfilium. 392.2.  
 Citat pro sua sententia Gabrielem, cum tamen Gabriel soluat authoritates Sanctorum, quas Iansenius nobis obiecit. 399.1.  
 Iansenij Augustinus est ianuatus Caluinus. 409.2.  
 Iansenius citans Antiquos Scholasticos pro sua sententia, dato studio omisit Thomistas. 410.1.  
 In quibus eius doctrina conueniat cum doctrina Caluini. à 410.  
 Scriptis suis dedit Hæreticis occasionem gloriandi. 413.2.  
 Scripta eius ab Hæreticis laudantur. 414.2.  
 Liber eius continet, defendit ac renouat propositiones multas damnatas à Pio V. & Gregorio XIII. vide finem libri. 421.  
 Impingit in Tridentinum. 183. & 361.2.  
 Potius noua damnatione comprimendus, quàm disputatione conuincendus. 409.2.  
 Ita loquitur & resoluit, quasi supra omnes Scholasticos intelligitiam habuerit. 186.2.  
 Est Doctor singulariter mirabilis & mirabiliter singularis. 187.1.  
 Dicit Sanctum Thomam Aquinatem fortassis longè recedere a mente Ecclesiæ. 189.1.  
 Dicit Thomistas Augustini doctrinam funditus peruertere, Scripturis

# ET VERBORVM.

ris non exiguam vim inferre, imò  
& subnervare. 187.2.  
Omnium in se Thomistarum meritò  
prouocat iram. 189.1.  
*Iansenita.*  
Conquaruntur, tamquam apud S.  
Sedem iniquè traductus sit Iansenius. 175.2.  
Supponunt Ecclesiam per prohibitionem libri Iansenij, læsisse auctoritatem Sancti Augustini, & veterum Pontificum. ibid.  
Prædunt quòd Ecclesia penitus examinet librum, quasi sine sufficienti examine ad prohibitionem processerit. ibid.  
Ecclesiam nota contradictionis, & ignorantie inurunt. ibid.  
Non inuant Ecclesiam, sed impugnant, non sequuntur, sed redarguunt, non obediunt, sed volunt corrigere. 176.1.  
Verbis obedientiam fatentur & factis negant. ibid.  
Paratos se dicunt pro Ecclesia sanguinem fundere, & æquo animo ferre non possunt pro amore Ecclesie miseram prohibitionem vnius libri. Insignis voluntas Martirij. ibid.  
Volunt esse discipuli Augustini, & Augustini erga Ecclesiam obedientiam non semel attendunt. ibid.2.  
Contemptores sunt Philosophiæ. 400.1  
Dicunt se venerari antiquos Patres, sed quæ & qualis sit ista veneratio. 191.1.  
In lectione Sanctorum Patrum merè videntur attendere ad nudam ipsorum litteram, more Hæreticorum. 232.2.  
Contemptores subtilitatum Scholasticarum. 277.1.  
Facti sunt Manichæi & Caluinistæ, dum nimis anxie refugiant esse Pelagiani. 420.2.  
Sunt similes Maximinianistis, in eo quòd adhuc flagitent examen sui dogmatis. 420. in Epilogo.

Ipsorum etiam Hæreticorum iudicio, minimè satisfaciunt Concilio Tridentino. 418.1.  
Conueniunt cum ipsis in rei summa, vt ipsimet Hæretici fatentur. 413.1.

## *Idea.*

Qui negat ideas esse, infidelis est. 241.2.  
Deus non cognoscit per ideas acceptas à rebus. ibid.

## *Idiota.*

Maximè amentia est idiota, qui Philosophica asserit esse falsa, propter hoc quòd ea non intelligit. 249.1.

## *Ignorantia.*

Facta ex inuincibili ignoratia in quo sensu dicantur peccata. 70.1.  
Ignorantia siue sit iuris naturæ, siue iuris Diuini positiui, eo ipso quòd inuincibilis sit, excusat à peccato. 152.2.

Ignorantia Iuris Diuini etiam est penalis. ibid.

## *Impossibile.*

Impossibilia Deus nō præcipit. 140.

## *Imperium.*

Quid sit, actum aliquem esse imperatum à voluntate. 286.1.  
Actus necessarij subiacent imperio naturæ. 286.2.

## *Indifferentia.*

Vna inclinationis, altera elicientiæ. 356.1.  
In qua consistat libertas. ibid.  
Prima tollitur per habitus, secunda non. ibid.  
Indifferentia, alia contradictionis, alia contrarietatis, alia immutabilitatis. 102.2.

## *Infideles negatiuè.*

Non damnantur propter infidelitatis peccatum, sed propter alia. 320.2.  
Non peccant contra vllum præceptum supernaturale. 95.2. & 152.2.  
In illis est pœna, non credere, non sperare, non diligere. 95.1. & 151.1.

# INDEX RERVM

*Intellectus* . . . . .

Quo sensu dicatur cogi. 28.6.  
Intellectus potest apprehendere in  
quolibet exercitio actum vie, ali-  
quid molestia, seu fastidij. 194.1.  
Non potest assentiri alicui quod sit  
contrarium his, quæ naturaliter  
cognoscit. 122.2.

*Iudicium*.

Quid sit iudicium indifferens seu li-  
berum. 118.2.  
Quæ res operentur absque iudicio,  
quæ cum iudicio, sed non libero:  
quæ denique cum iudicio & libe-  
ro. 120.1.  
Iudicium regulans actus necessarios  
voluntatis æquè ab intrinseco est  
determinatum ad vnum ac iudi-  
cium bruti. 121.1.  
Est determinatum ex impressione  
authoris naturæ. 122.1.  
Intellectus qualiter reflectatur super  
iudicia libera & super iudicia ne-  
cessaria. 124.1.  
Quando iudicium sit in potestate iu-  
dicantis. ibid.  
Stante iudicij indifferentia non po-  
test Deus necessitare voluntatem.  
225.2.

*Iudai*.

Habuerunt auxilia sufficientia tam  
intrinseca quàm extrinseca, quibus  
verè credere potuerunt. 317.2.

*Iulianus Apostata*.

Servos Christi à studio litterarum  
arcendos esse dicebat. 239.2.

**L**

*Lans*.

**L**aus & vituperium consequuntur  
actum voluntarium secundum  
perfectam voluntarij rationem.  
207.1.

Non omne voluntarium perfectum  
est laudabile. ibid.

Lans sumitur dupliciter. 271.2.

Quid sit. 272.1.

Qualiter differat ab honore. ibid.

Non tribuitur alicui, nisi propter a-

ctum tendentem ad finem. ibid.  
Non debetur, nisi agenti, qui est do-  
minus actus. ibid.2.

*Liberum arbitrium*.

Liberum arbitrium non est habitus  
sed potentia. 99.2.  
In recto supponit pro sola voluntate,  
licet intellectum tamquam sui ra-  
dicem connotet in obliquo. 113.2.  
Claudit quatuor. 17.2.  
Nominat facultatem expeditam ad  
opposita. 57.1.  
Etiam nominat facultatem proxi-  
mam ad opposita. 90.1.  
Non consistit in sola libertate à coa-  
ctione. 16.2.  
Non obligatur ex natura nec ex ha-  
bitu ad hoc vel ad illud. 6.1.  
Est oppositorum contrariè vel con-  
tradictoriè. 7.2.  
Est gratia sui. 344.1.  
Comparatur Regi. 84.1.  
Quo sensu dicatur homo peccado li-  
berum arbitrium perdidisse. 349.2.

*Libertas*.

Libertas accipitur multipliciter à 85  
Distinctio duplicis libertatis, essen-  
tialis & accidentalis vt sumitur à  
Iansenitis, fuit omnino veteribus  
Thomistis incognita. à 32.  
Legitimè diuiditur in libertatem vo-  
luntatis & in libertatem arbitrij  
seu alijs terminis in libertatem ar-  
bitrij generaliter sumpti & in li-  
bertatem arbitrij speciatim sum-  
pti. 34.2.  
Vtraque illa libertas essentialiter pe-  
tit indifferentiam. ibid.  
Quod indifferentiam petat, etiam  
ante tempora Pij Quinti fuit vul-  
garissimum. 170.1.  
Libertas cōtradictionis non est solius  
arbitrij (speciatim sumpti. 231.1.  
Libertas voluntatis in tribus confi-  
deratur, quantum ad actum, quan-  
tum ad obiectum, quantum ad or-  
dinem finis. 37.1.  
Libertas arbitrij speciatim sumpti &  
arbitrij generaliter sumpti, tantum  
dile.

different ex parte obiecti attacti,  
non autem in modo illud attingendi. 30.2.

Tota ratio libertatis ex modo cognitionis dependet. 47.2.

Quæ libertas per peccatum perierit. 69.2.

Ad libertatem non sufficit potestas remota ad oppositum. à 14.

Nostri libertas est participatio libertatis Diuinæ. 108.2.

Libertas non est maxima perfectio voluntatis. 285.1.

Quæ differentia inter libertatem creatam & Diuinam. 308.1.

Non repugnat libertati aliquid prærequiri ad actum, cum quo tamen sit impossibilis negatio actus. 317.1.

*Libertatis definitio.*

Libertatis vulgata definitio, qualiter intelligenda. à 97.

An accidentalis sit vel essentialis. 99.2.

Illam negant Hæretici, sicut & Iansenistæ. 410.1.

*Potentia libera.*

Aptitudo ad opposita est re & ratione idem cum potentia libera. 99.2.

Potentia libera non repugnat habere actum necessarium necessitate naturalis inclinationis. 208.2.

In potentiam liberam non cadit coactio. 211.2.

Potentia libera est ipsa voluntas ut connotans indifferentiam iudicij. 225.2.

Non est de essentia Potentiæ liberæ fallibiliter operari, sed indifferenter operari. 225.2.

Non est de essentia potentiæ liberæ posse oppositum in sensu composito. ibid.2.

Nō est de essentia potētīe liberæ quod sit prima causa sui actus. 350.2.

*Libet actus.*

Actus liber debet esse à voluntate ut voluntas est, non à voluntate ut natura est. à 112.

Actus liber debet regulari iudicio in-

differenti.

Ad libertatem actus non requiritur inquisitio dubia rationis. 124.2.

Actus liber debet esse sub dominio seu potestate operantis. à 125.

Actus liber ceteris paribus, est imperfectior actu necessario. 289.2.

*Locus.*

Non potest homini omnis loci occupatio prohiberi. Et quare. 63.2.

*Lutherus.*

Damnatus à Tridentino. 180.2.

In quo conuenerit cum Caluino, quantum ad materiam gratiæ, & liberi arbitrij. 177.1.

Admisit gratiam à se ipsa efficacem. 179.2.

Necessitatem consequentis & consequentiæ, quam Catholici ponunt, dicit esse figmentum seu merum phantasma. ibid.

Dum nimis anxie vitat Pelagium, factus est Manichæus. 180.1.

Docuit nos in opere interno nullam habere actiuitatem. Sed Caluinus hoc repudiat. ibid.

Admisit, nos agere sub tractu gratiæ sponte & libenti voluntate. 174.1.

Negauit sub tractu gratiæ potestatem aliter faciendi. ibid.

Contemptor fuit Philosophiæ. 409.1.

**M**

*Manichei.*

**A** Nima bona & mala Manicheorum. Quæ & qualis. 137.1.

*Medium.*

Circa media etiam datur actus voluntatis, absque vlla prorsus indifferentia. 41.1.

Medium necessario connexum cum fine, amatur necessario, si finis ad amorem sui necessitat. 366.1.

*Mereri.*

Mereri est aliquid dare alteri, & conferre in bonum ipsius à quo expectatur merces. 27.2.

Nullus meretur in eo quod omittere non potest. 48.1.

*Meri-*

# INDEX RERVM

## Meritum.

Meriti conditio, est libertas operis.  
27.2. & 30.2.

## Miseria.

Nihil potest velle miseriam nisi per  
accidens. 122.2.

## Mysteria.

Circa altissima etiam mysteria fidei,  
quæstiones speculativas instituere,  
vtile est. 133.1.

## Modalis propositio.

Propositio modalis, quæ faciat sen-  
sum compositum, quæ diuisum.  
263.1.

## Moderni Doctores.

Cantius & quasi elimatiùs loquuntur  
circa doctrinam fidei, quam San-  
cti Antiqui. 191.1.

Moderni Doctores etiam in prætio  
habendi. 238.2.

Sancti Patres etiam sui temporis mo-  
dernos Doctores venerati fuerunt.  
ibid.

## Motio Diuina.

Duplex. Vna accommodata causis  
liberis, altera causis naturalibus.  
347.2.

Sub Diuina motionem inest voluntati  
potentia proxima ad opposita.  
162.2.

## Mouere seipsum.

Contingit dupliciter. Physicè & Mo-  
raliter. 284.1.

## N

## Natura.

**Q**uid sit produci per modum natu-  
ræ, & qualiter differat à pro-  
duci naturaliter. 116.2.

Qualiter natura diuidatur contra vo-  
luntatem & qualiter non. 117.2.

Quid sit, per modum naturæ obliga-  
ri ad vnum. 183.1.

In diuersis considerando, actio natu-  
ræ est posterior voluntate: in eo-  
dem autem, actio naturæ præcedit  
actionem voluntatis. 205.1.

Perfectior est voluntas vt natura, quàm  
voluntas vt voluntas. 292.2.

## Natura integra & lapsa.

### Vide Verbo.

## Status Naturæ integræ & lapsæ.

### Necessitas.

Necessitates tamquàm erroneæ dam-  
natæ ab Ecclesia, quales sint. 42.2.

Necessitas Stoica, qualiter differat à  
necessitate Manichæa & Caluini-  
stica. 43.1.

Peccata commissa ex necessitate Ma-  
nichæa, non posset Deus iustè im-  
putare. 137.2.

Necessitas quæ est in natura lapsa,  
cadendi in aliquod peccatum va-  
gè, non auferat ab homine veram  
libertatem contradictionis respec-  
tu cuiuscumque peccati in singu-  
lari. 67.2.

Ista necessitas non est Physica sed  
moralis. ibid.

Necessitas Physica respectu alicuius  
collectionis semper inuenitur con-  
iuncta cum necessitate exercitij  
circa aliquod singulare collectio-  
nis. 68.1.

Quæ diuersitas inter necessitatem  
coactionis & necessitatem natu-  
ralis inclinationis. 90.1.

Necessitas naturalis quo sensu non  
auferat libertatem. 89.2. & 210.2.

Vbi est necessitas ad actum, ibi non  
operatur voluntas quia vult. 116.1.

Necessitas volutaria in sensu formali  
potest esse tam arcta, ac necessitas  
rerum naturalium. 160.2.

### Necessarium.

Necessarium duplex. Absolutè & ex  
suppositione. 136.1.

Necessarium absolutè, tollit liberum  
arbitrium. 157.1.

Necessarium ex suppositione non  
tollit. 218.1.

### Nestoriani.

Docuerunt Spiritum Sanctum non  
procedere à Filio. 233.2.

### Nomen.

Nomina æquiuoca ad sensum Catho-  
licum & ad sensum damnatum,  
sunt à Doctoribus vitanda. 166.1.

### Novi.



*Notitas.*

Doctor dicat nouè, sed non dicat noua.  
186.1.

O

*Obedientialis potentia.*

Potentia obedientialis ad recipiendas à Deo vires pro adimplentione præcepti, non sufficit ad inexcusabilem obligationem, si aliud non adsit.  
146.1.

*Oculus.*

Oculus sine specie visibili non habet expeditam potentiam ad videndum.  
108.2.

P

*Passio.*

Passio necessitatem inducens, si fuit à principio voluntaria, à peccato non excusat.  
353.1.

Passiones sapientis animus etiam patitur.  
353.1.

Deside est, quòd stante aduertentia rationis, ad bonitatem vel malitiam rei, quæ proponitur, nulla passio aut tentatio necessiter voluntatem ad exercitium actus.  
354.1.

Qualiter incontinens dicatur vinci à passionibus.  
354.2.

*Pater Diuinus.*

Pater non spirat quia vult, licet spiret volendo.  
61.2.

Dicere quòd spirat, quia vult, inferi hæresim.  
70.1.

*Peccare.*

Possè peccare non pertinet ad libertatem voluntatis.  
54.1. & 100.2.

Nemo peccat in eo quòd nullo modo cateri potest.  
1139.

Ista regula intelligitur generaliter pro omni statu.  
60.2.

*Peccatum.*

Peccatum est voluntas agendi quòd iustitia verat & vnde liberum est abstinere. Qualiter hoc intelligatur.  
112. à 62.

Nomen peccati dupliciter vsurpatur: aliquando in sensu materiali, aliquando in sensu formali.  
70.2.

*Peccatum Mortale.*

Existens in peccato mortali, qualiter possit vitare peccata.  
154.1.

*Peccatum Veniale.*

Vitare peccatum veniale secundum puram negationem non est meritum.  
331.2.

Omnia venialia collectiue vitari nequeunt ex auxilio gratiæ de comuni lege paratæ.  
154.2.

Votum de vitandis omnibus venialibus collectiue est inualidum.  
148.1.

Ad pœnitentiã de venialibus, sufficit quòd homo proponat abstinere à singulis.  
147.2.

*Persona Diuina.*

Vna persona Diuina; non potest dici domina respectu alterius.  
129.2.

*D. Petrus Apostolus.*

Cûr Christus non responderit quòd diligebat eum plusquam reliqui Apostoli.  
293.1.

*Philosophi.*

Dicta Philosophorum, quando fidei non sunt contraria, non sunt contemnenda.  
19.1. & 239.2. & 277.2.

*Philosophia.*

Immiscere Philosophiam & præcipuè Metaphysicalem Scripturæ Sacræ, multum valet vt veritas Scripturæ intelligatur.  
249.2.

Philosophia Ecclesiæ necessaria.  
275.1.

Inter Theologos fouenda.  
ibid.

Ignorantia Philosophiæ, mater errorum.  
ibid.

*Pontifex Romanus.*

Subesse Romano Pontifici, est de necessitate salutis.  
173.1.

Magis standum est eius sententiæ, quàm in iudicio profert, quàm quorumcumque sapientum hominum in scripturis opinionum.  
176.2.

FF

Poten-

## Potentia.

Non specificatur ab extremo vt possibili pro omni statu, sed ab extremo vt possibili absolute. 217.2.

Non tollitur per formam, licet tollatur per eam eius priuatio. 347.1.

Qualiter intelligatur hoc axioma. *Sic se habet potentia ad potentiam, sicut actus ad actum.* 302.2.

## Potestas.

Qualiter dictum hoc intelligatur.

*Hoc quisque habet potestate, quod si vult, facit: si non vult, non facit.* 327.1.

Potestas requisita ad libertatem debet esse expedita & proxima ad vtrumlibet. 17. 190.

In quo potestas proxima consistat. 91.1.

Modus potestatis debet esse iuxta modum libertatis. 106.1.

Qualiter actus externi sint in nostra potestate per ipsam volitionem. 329.2.

## Potestas consequens.

Potestas consequens & antecedens quid sint. 95.1.

## Præceptum.

Præcepta & prohibitiones non debent fieri nisi ei qui potest facere & non facere. 14.2.

Aliqua nobis præcipiuntur, quæ tamen non possumus potentia consequente. 322.1.

## Præceptum supernaturale.

Vt præceptum supernaturale obliget, requiritur quod sit possibile per gratiam de communi lege paratam. 148.1.

Stat vitare peccatum omissionis præcepti supernaturalis, & tamen præceptum non adimplere. 321.1.

Ad vitandam talem omissionem, sufficit, in nullo ponere obicem motioni Diuinæ supernaturali, quæ quis constitueretur potens præceptum adimplere. 321.1.

Præcepta supernaturalia aliter obli-

gant hominem gratia sufficienti præditum, & aliter hominem illa gratia sine sua culpa destitutum. 321.2.

## Prædeterminatio Physica.

Non tollit indifferentiam iudicii, aut naturalem facultatem voluntatis, cui superuenit. 216.1.

Relinquit potestatem ad oppositum in sensu diuiso. ibid.

Quæ sit differentia inter Prædeterminationem Physicam qua mouetur voluntas viatoris & inter motionem, qua mouetur voluntas beati ad amorem beatificum. 215.1.

Qualiter Physica prædeterminatio libertatem non lædat sed ædificet. 216.

Qualiter inducat solam necessitatem consequentem. 218.

Perinde est illius necessitas, ac si esset ex mea libertate descendens. 220.

Antecedit meam libertatem, vt causa libertatis. ibid.

Quid præcipue in Physica prædeterminatione sit petra scandali & lapidis offensionis, imperfectis. 221.1.

In quo sensu dicatur Physica. 221.2.

Est efficax in propria essentia & ab intrinseco independenter à quocumque consensu nostro. 221.2.

Est quidem suppositio antecedens, non tamen necessitas antecedens. ibid.

Sancti Patres docent Prædeterminationem Physicam. 222.2.

Possibilitas eius probatur argumento ad hominem contra Suarez. 224.2.

Ex D. Thoma probatur habere efficaciam & inallibilitatem. 237.1.

Nullam vim præternaturalem infert voluntati. 136.2.

Iuxta mentem S. Thomæ fundatur in generali subordinatione causæ secundæ à prima, quidquid obmurmuret Iansenius. 188.1.

*Predestinatio.*

Non imponit rebus necessitatem absolutam, sed tantum conditionalem seu ex suppositione. 157.2.  
Nec etiam imponit necessitatem absolutam voluntariam, vt somniant Iansenitæ. 160.2.

*Premium.*

Nullus debet præmiari vel puniri pro eo quod non est in eius potestate facere & non facere. 29.2.

*Prima principia.*

De eis non iudicamus ea examina-tes sed naturaliter eis assentimur. 230.2.

*Promissio.*

Promissio sine voluntate dandi, inanis & ridicula. 146.1.

*D. Prosper.*

Docet libertatem nõ subsistere absq; potestate ad oppositum. 281.

*Providentia Divina.*

Infallibilitas illius nihil dat vel auferit causæ ad vtrumlibet. 19.2.  
Ad illam spectat naturas rerum non corrumpere sed seruire. 382.2.  
Diuersinodè mouet voluntatem ad actus liberos, ac ad actus naturales. 382.2.

*Pueri.*

Actus puerorum, quo sensu dicantur esse actus voluntatis. 115.1.

**Q**

*Quæstio.*

Quæstiones speculatiuæ vtilis. 132.2.  
Magister determinans quæstiones, vtrum debeat potius determinare per authoritates quàm per rationes. 276.1.

**R**

*Ratio.*

Non in quolibet actu voluntatis adest ratio per modum ducis & arbitri. 279.2.  
Ratio nihil determinat in actibus

necessarijs.

Primus actus voluntatis non est ex ordinatione rationis. 280.2.  
Nec etiam amor beatificus. ibid.2.  
Ratio deliberata quid importet. 290.2.  
Prægnantissimæ rationes amandi, quando noceant libertati amoris, quando non. 297.2.

*Richardus S. Victoris.*

Docet libertatem non subsistere absque potestate ad oppositum. 284.

**S**

*Samuel Maresius Hæreticus.*

Vid dixerit de Iansenicis. 413.2. & 418.1.

*Samuel Propheta.*

Cur populo Israelitico mentionem fecerit Moysis & Aaronis. 190.1.

*Sancti Patres.*

Aliquando occasionaliter loquuntur secundum opiniones aliorum, quas tamen asserere non intendunt. 52.2.

Intradendo seu explicando Sanctorum Patrum sensu, non debemus continuò attendere ad nudam superficiem litteræ, sed præcipuè ad Definitiones Ecclesiæ, & iuxta normam illarum, littera est regulanda. 231.

Veneranda est in rebus Theologicis eorum autoritas. ibid.

Doctrina Sanctorum Patrum, minoris est authoritatis, quàm resolutio Ecclesiæ. 233.1.

Sancti Patres ad exprimendam vnitatem Essentiæ & Personæ in Diuinis, aliquando expressius locuti sunt, quàm proprietas locutionis patiatur. 236.1.

Sancti Patres emergentes errores circa fidem, ita persequebantur, vt interdum viderentur in errores labi contrarios. 236.1.

Sanctorum Patrum dicta etiam interdum sunt regulanda & expli-

# INDEX RERVM.

canda iuxta rigorem Scholasticum. a 237.  
 Multa erronea & falsa videbuntur in Sanctis Patribus, si eorum verba rigore Scholastico interdum non temperentur. 240.1.  
 Imò inueniuntur passim sibi contradicere. 241.1.  
 Cur Sancti Patres (maximè Augustinus) tam rigorosè locuti fuerint, de pœnis Parnulorum. 188.2.  
 Formalitatum Metaphysicarum minime ignari. 249.2.  
 Sensu reduplicatio sæpè vti fuere ad obiectiones hæreticorum diluendas. 249.2.  
 Quomodo intelligendi, quando videntur docere, omnem actum rationalis voluntatis, esse liberum. 245.2.  
 Quomodo intelligendi, quando videntur docere, nullum motum voluntatis, esse naturalem. a 250.  
 Item quando docent, omnem actum ratione regulatum, esse liberum. a 256.  
 Item quando docent in natura lapsa esse necessitatem peccandi. a 260.  
 Item quando tribuunt aliquibus actibus necessitatem simul & libertatem. a 264.  
*Scholastici.*  
 Authoritas Scholasticorum veneranda. 237.1.  
 Scholasticorum communis sententia non potest absque temeritate rejici. 238.1.  
 Securius tenetur illa sententia, quæ apud scholasticos communior. ibid.  
*Scotus.*  
 Quo sensu dixerit Spiritum sanctum procedere necessario & liberè. 1.1.  
 Scotus dum tribuit nomen libertatis actibus necessarijs, non loquitur conformiter ad communem terminorum acceptionem. 344.1.

In schola Scotica celebris est diuisio libertatis in libertatem complacentiæ & contradictionis. 373.1.  
 Ex schola Scotica nequeunt Iansenistæ habere patrocinium. 374.2.  
 Docuit aperitissimè, veram & meritoriam libertatem non subsistere absque potestate ad oppositum. a 253.  
*Sensualitas.*  
 Motus sensualitatis diuisiue sunt in nostra potestate: collectiue non. 125.1.  
 Motus sensualitatis non est peccatum vt est passio, sed prout est in potestate voluntatis illum prohibere vel non. 126.1.  
 Motus sensualitatis non esse peccata, definitum in Tridentino. 155.2.  
*Sensus compositus & diuisus.*  
 Distinctio illa qualiter in materia Physica prædeterminationis sit intelligenda. a 217.  
 Tradita fuit in proprijs terminis à Dino Thoma. 335.2.  
*Septuaginta Interpretes.*  
 Singuli, cellis etiam singulis separati, feruntur in vnam conuenisse interpretationem. 238.1.  
*Seruitus.*  
 Seruitus peccati non cogit hominem ad peccatum sed tantum aliquo modo ad peccandum inducit. 213.1.  
*Singularitas.*  
 A Doctoribus vitanda. 185.2.  
*Soucinus.*  
 Quo sensu dixerit processionem Spiritus Sancti esse liberam. 16.2.  
*Spiritus Sanctus.*  
 Ita naturaliter procedit, sicut Filius. 20.2.  
 Necessitas processionis Spiritus Sancti est absoluta. 197.2.  
 Quod producatur, non subiaceret Diuinae voluntati. 79.1.  
 Producitur à voluntate vt natura est.

est. *ibid.* 2. & 115. 2.  
Quo sensu productio illius possit dici  
libera. a 95.

Taliter producitur, vt nec ex parte  
modi possit non produci. 102. 2.  
Non producitur, quia Pater sic velit.  
80. 1.

A Græcis dicitur principiatu, sed  
hoc non est in vfu nostrorum Do-  
ctorum. 166. 2.

Eius processio à Filio, licet non in-  
ueniatur in Scripturis secundum  
verba, inuenitur tamen secundum  
sensum. 266. 1.

*Spontè.*  
Hæc dictio *Spontè* apud antiquos so-  
lebat accipi pro eo quod est, *liberè*  
et *libertate indifferentia*. 374. 2.

*Status naturæ integræ & lapsæ.*  
Homo in statu naturæ integræ potuit  
virtute naturali vitare omnia pec-  
cata diuini sumpta tam mortalia  
quàm venialia. 65. 1.

Idem potest homo in statu naturæ  
lapsæ. *ibid.*

Oppositum est Hæresis Manichæa.  
*Ibidem.*

Est omnium ferme hæreticorum no-  
stri temporis. 66. 1.

Homo in statu naturæ integræ nul-  
lam patiebatur difficultatem in  
vitandis peccatis. 67. 1.

Plurimas difficultates patitur circa  
hoc in natura lapsæ. *ibid.*

Homo in statu naturæ lapsæ sine gra-  
tia speciali non habet verum posse  
ad vitanda omnia peccata colle-  
ctiue. 66. 2.

Homo in natura lapsæ sine gratia  
speciali, habet necessitatem ca-  
dendi in aliquod peccatum vagè.  
67. 1.

Quo sensu homini in natura lapsæ  
non sit liberum abstinere à pecca-  
to. 68. 2.

*Sub præpositio.*  
Denorat inferioritatem seu subie-  
ctionem. 130. 2.

*Subauthoritas.*

Nomen subauthoritatis in Diuinis  
non est in vfu apud Sanctos Pa-  
tres. 131. 1.

*Suppositio determinata.*

Quid. 165. 1.  
Ad sui verificationem exigit præcisè  
vnam singularem veram. 165. 2.

*Substantia.*

Nomen substantiæ æquiuocatur apud  
Doctores latinos: quandoque si-  
gnificat essentiam, quandoque  
hypostasim. 166. 1.

**T**

*Tentatio.*

**P**otest homo tentationi leui etiam  
ex motiui honesto resistere abs-  
que gratia. 142. 2.

Potentia antecedente & consequen-  
te. *ibid.*

Tentationi graui licet ex motiui ho-  
nesto resistere non possit absque  
gratia, potentia consequente: po-  
test tamen potentia antecedente,  
*ibid.*

Nequit perseverante ratione tenta-  
tio ita crescere, quin homo possit  
resistere, seu non consentire. a 341.

In amentibus tamen aut furiosis  
propter vehementem iram vel  
concupiscentiam, ita crescere po-  
test. *ibid.*

Auxilium efficax ad victoriam gra-  
uis tentationis requisitum, nun-  
quam est debitum. 358. 2.

*Theologi.*

Veri Theologi debent amare subtili-  
tates Scholasticas. 276. 2.

*Theologia.*

Theologiæ Scholasticæ contemptus,  
occasio errorum. 275. 2.

In quæstionibus Theologicis, an ma-  
gis vtèdum auctoritatibus, quàm  
rationibus. 276. 1.

*S. Thomas Aquinas.*

Aliquando fuit locutus secundum  
opinionem aliorum. 51. 2.

# INDEX R E R V M

Scripta eius super libros sententiarum, nullius censetur Auctoritatis, quando contradicunt Summæ eius Theologicæ. 55.2.

In illis aliquando docuit oppositum illius, quod habet in Partibus. Nonnulla de hoc exempla. ibid.

Qui Sanctum Thomam contra se habet, habet quoque contra se Sanctos Patres. 56.

Sortitus fuit quodammodo intellectum omnium Sanctorum Patrum. ibid.

Sensum Epistolarum Pauli, tam probe affectus fuit quantum quidem assequi potest quispiam in humano corpore. ibid.

Plus intellexit de mente Augustini paucioribus fortè vicibus ipsum perlegendo, quam Iansenius decies vel trigesies à capite ad calcem euoluendo. 57.2.

Quasi habuit modum intelligendi angelicum. ibid.

Teste Urbano V. Beati Augustini vestigia inseculus fuit. 57.2.

Humilitas eius & castitas potius habuerunt rationem domi, quam virtutis. 58.1.

Doctrina eius via regia, via communis Sanctorum Patrum. 59.1.

Est lydius lapis ad quem ipsa mens Sanctorum Patrum referenda & examinanda est. 59.2.

Sanctus Thomas veneratus fuit sui temporis modernos Doctores. 191.2.

Qui eum impugnât, de veritate semper suspectus. 197.1.

Quilibet Theologus conatur cum partibus suis adiungere. ibid.

S. Thomas amator subtilitatum Scholasticarum. 276.1.

*Thomista.*

Nullam nunquam aliam libertatem veram & propriam in voluntate agnouerunt, præter illam quæ communiter solet dici, contradictionis

aut contrarietatis. à 5. vsque ad 36.

*Tridentinum.*

Definit Concupiscentiam non esse verè & propriè peccatum. 155.2.

Definit liberum hominis arbitrium à Deo motum & excitatum posse dissentire si velit. 177.1.

In illa definitione loquitur de motione gratiæ efficacis & non solius sufficientis. 181.1.

Iudicat potentiam dissentendi esse de essentia veræ & meritorie libertatis. ibid.2.

## V

*Verbum Diuinum.*

**G**eneratio Verbi Diuini est ab intellectu ante omne imperium voluntatis. 115.2.

Erroneum est dicere, quòd verbum Diuinum assumpserit hominem. 235.1.

In quo sensu Sancti aliqui hoc dixerint. ibid.

*Vincentius Lenis.*

Eius sententia de libertate compati-bili cum summa necessitate, refer-tur. 2.

Consectanea quædam ex eius senten-tia declarantur. 4.

Redarguitur falsitatis, in eo quod dicit omnes veros Thomistas suos esse. à 5. vsque ad 36.

Nequit Catholice loqui de Mysterio Trinitatis. 133.1.

Contradicit Philosopho. 26.1.

Dolosè agit in citando quodam D. Thomæ Testimonio 49.1. Et 199.1

Nullam hæreditatem habet cum Thomistis. 55.1.

Eius sententia de libertate probatur esse hæretica. 41.

Falsò affirmat æra Dodonæa apud Patres Societatis sile. 50. Et 54.

Impingit in Bullam Pij V. & Grego-rii XIII. à 164.

Eam tacitè & latenter opponit defi-nitio-



# ET VERBORVM.

nitionibus veterum Pontificum. 175.1.  
 Impingit in Tridentinum. à 181.  
 Gloriatur Iansenium inuenisse clauē  
 Arcanorū Sancti Augustini. 185.2.  
 In hoc præsumptionis potest redar-  
 gui sicut Pater Molina. ibid.  
 Putat se solum cum suo Iansenio pro  
 vera intelligentia Sanctorum tra-  
 denda, in Ecclesia remāsisse. 190.1.  
 Confundit doctrinam Sancti Thomæ  
 cum doctrina Scoti, sicut cum si-  
 mul multa iura confundit coquus.  
 255.2.  
 Diuidit lucem à luce. 264.1.  
 Non satis fideliter citat obiectionem  
 quandam Pelagij. 266.2.  
 Citat mutilē Sanctum Thomam. 311.1.  
 Apud ipsum deliberant canes. 311.2.  
 Rationes eius vix Philosophiam aut  
 Theologiam sapiunt. à 275.  
*Videre Deum.*  
 Intellectus videntis Deum habet iu-  
 diciū, essentialissimè determi-  
 natum ad amorem, determinatio-  
 ne etiam ex parte actus primi &  
 quoad exercitiū. 215.1.  
 Videns Deum, visione retenta seu  
 perseverante, nullam habet poten-  
 tiam nec in sensu composito, nec  
 in sensu diuiso ad omittendum,  
 proprio motu amorem. ibid.2.  
*Voluntas.*  
 Voluntas ratione distante hoc esse  
 faciendum vel non, adhuc se habet  
 ad quod voluerit & potest contra-  
 rium velle. 6.2.  
 Si voluntas esset potentia passiva,  
 tantum non foret in potestate  
 eius velle & non velle obiecto præ-  
 sente. 12.1.  
 Voluntas comparata ad essentiam &  
 naturam animæ rationalis, habet  
 quod sit libera radicaliter. 17.2.  
 Comparata ad intellectum habet  
 quod sit libera proximè. ibid.  
 Comparata ad seipsam habet quod

sit libera formaliter. ibid.2.  
 Voluntas non est domina omnium  
 suorum actuum. 21.1.  
 Non dicitur domina sui actus secun-  
 dum quod est natura, sed secun-  
 dum quod est voluntas. 24.2.  
 Quid sit voluntas vt voluntas, & quid  
 voluntas vt natura. 214.1.  
 Conceptus naturæ est illi communis  
 cum alijs rebus. ibid.  
 Conceptus voluntatis est illi pro-  
 prius. ibid.  
 Non mouetur à Deo contingenter,  
 in his ad quæ mouetur vt natura.  
 263.2.  
 Actus voluntatis liberi originem  
 ducunt ex actu voluntatis, vt na-  
 tura est. 205.1.  
 Actus voluntatis vt natura est, non  
 sunt propriè volitio aut nolitio,  
 sed sic appellantur defectu termini-  
 norum. 249.1.  
 Voluntas nequit ferri ad incogni-  
 tum. 47.2.  
 Non potest cogi. 86.2.  
 Quotiescumque agit, agit incoactè;  
 nō tamen exinde agit liberè. 112.1.  
 Nominat inclinationem totius sup-  
 positi. 87.1.  
 Ad omnem actum voluntatis requi-  
 ritur iudiciū intellectus, tam ex  
 parte actus primi, quam ex parte  
 actus secundi. 92.2.  
 Aliud est iudiciū, quod requiritur  
 vt voluntas liberè possit operari,  
 & aliud quod requiritur, vt de  
 facto liberè operetur. 91.2.  
 Voluntas in instanti quo liberè ope-  
 rat, est potens proximè non ope-  
 rari. 91.1.  
 Voluntas actu odiens Deum, liberè  
 hoc facit, licet non sit proximè  
 potens ad ipsum supernaturaliter  
 amandum. 93.2.  
 Potest proximè non agere, per solam  
 suam vim naturalem, vna cum in-  
 differentia iudicij. 93.1. & 109.1.  
 Omne cuius voluntas est principium  
 potest

# INDEX R E R V M

potest esse & non esse. 130.2.  
 Voluntas quoad substantiam consi-  
 derata, est appetitus intellectua-  
 lis. 114.1.  
 Ad modum voluntatis spectat, hoc  
 quod est appetere cum determina-  
 tione ad vnum, vel cum indifferen-  
 tia. ibid.  
 Voluntatem operari iuxta suam in-  
 stitutionem caret merito & demer-  
 ito. 138.1.  
 Per se loquendo, nequit necessitari  
 quo ad exercitium ab vilo obiecto  
 sibi proposito in via. 295.2.  
 Si sic necessitaretur, reuera cogere-  
 tur. 204.1.  
 Contra naturam voluntatis est, de-  
 terminari a causa inferiori. 224.1.  
 Ex parte voluntatis, mutare eius  
 actum non potest, nisi ipsa vel  
 Deus. ibid.  
 Omnis actus voluntatis se ipso est vo-  
 litus. a 285.  
*Voluntas Diuina.*  
 Nec quantum est ex parte modi  
 agendi, potest peccare. 113.2.  
 Voluntati Diuinæ repugnat malitia  
 ex propria sua natura. ibid.2.  
 In priori signo ad liberam volitionem  
 creationis mundi, fuit nostro  
 modo intelligendi proximè po-  
 tens ad non creandum. 108.2.  
 Actus eius liberi non subsunt eius

dominio, quoad entitatem & sub-  
 stantiam. 129.1.  
 Habet necessitatem absolutam, respe-  
 ctu amoris sui ipsius. *Voluntarium.*  
 Quid sit, Et qualiter diuidatur in  
 perfectum & in imperfectum. 87.2  
 Voluntarium duplex: aliud personæ,  
 aliud naturæ. 155.2.  
 Voluntarium naturæ, non sufficit ad  
 peccatum personale. a 252.  
 Voluntarium perfectum in homine  
 viatore semper habet admixtam  
 indifferentiam saltem contradi-  
 ctionis. 206.1.  
 Voluntarium perfectum & liberum  
 sunt idem subiecto, non formaliter. 206.1.  
*Votum.*  
 Votum de vitandis omnibus venia-  
 libus collectiue est inualidum, se-  
 cus de vitandis omnibus mortali-  
 bus. 148.1.  
*Vulnera naturæ.*  
 Quid significant quatuor vulnera  
 naturæ. 66.2.  
*Vnio hypostatica.*  
 Non habet essentialem connexionem  
 cum Deo clarè viso. 333.1.  
*Vniuersitates.*  
 Vniuersitates a quibus exulat stu-  
 dium Philosophiæ, sunt nociuæ  
 Ecclesiæ. 275.

FINIS.

